

# სიმონ ჯანაშია

უ რ ო მ ე ბ ი

||

# შ ი ნ ა ა რ ს ი

	83·
1. ურარტუ . . . . .	1
2. რა მოხდა 2000 წლის წინათ საქართველოში . . . . .	15
3. ქართული სახელმწიფოებრიობის გენეზისის ისტორიიდან (კოლხეთის სამეფოს ისტორიისათვის) . . . . .	19
4. უძველესი ეროვნული ცნობა ქართველთა პირველსაცხოვრების შესახებ მახლობელი აღმოსავლეთის სინათლეზე . . . . .	21
5. გვაროვნული წყობილება ქართველ ტომებში . . . . .	102
6. ფეოდალური ურთიერთობის წარმოშობისათვის საქართველოში . . . . .	131
7. ადრეული ფეოდალიზმი . . . . .	161
8. ქართველთა წარმოშობის საკითხისათვის . . . . .	236
9. კავკასიელი ეთნარქ-ეპონიმების ანტიკური სქემა . . . . .	238
10. იბერიის (ქართლის) სამეფოს პოლიტიკური გეოგრაფიისათვის უძველეს პერიოდში . . . . .	249
11. ისტორიული საქართველოს პოლიტიკური გეოგრაფიიდან . . . . .	260
12. პარიადრი, სკიდისი, მოსხური მთები . . . . .	261
13. ფასიდი . . . . .	271
14. აღმოსავლურ-ქართული სახელმწიფოს უძველესი კულტურულ-პოლიტიკური ცენტრების საკითხისათვის . . . . .	282
15. აფხაზთა სამეფოს ისტორიიდან . . . . .	306
16. ეგრისის სამეფოს წარმოშობა . . . . .	307
17. О времени и условиях возникновения Абхазского царства . . . . .	322
18. არაბობა საქართველოში . . . . .	342
19. საქართველოს ისტორია უძველესი დროიდან მე-13 ს-მდე . . . . .	412
20. ქართული პატრონჟიმობის ბუნებისა და წარმოშობის საკითხისათვის . . . . .	434
21. ბრძოლა მიწის ფეოდალური მითვისებისათვის ძველ საქართველოში . . . . .	438
22. ვახუშტი ქართული ფეოდალიზმის შესახებ . . . . .	449
23. ბარათაშვილთა გენეალოგიისათვის . . . . .	464
24. ეგნატე ინგოროყვას გენეალოგიისათვის . . . . .	482
25. შეხედულება ფეოდალური აღზრდისა და განათლების შესახებ და მათი წესები. XVII საუკუნის საქართველოში . . . . .	491
26. პირთა საძიებელი . . . . .	505
27. ტომობრივი სახელთა საძიებელი . . . . .	513
28. გეოგრაფიულ სახელთა საძიებელი . . . . .	516
29. Указатель имен . . . . .	528
30. ბიბლიოგრაფია . . . . .	531
31. რედაქციისაგან . . . . .	537

## უ რ ა რ ტ უ

პროფ. ა. შესტაკოვის რედაქციით შედგენილს „სსრკ ისტორიის მოკლე კურსში“, რომელიც საკავშირო მთავრობის კომისიის მიერ მოწონებულია, როგორც მე-3 და მე-4 კლასების სახელმძღვანელო, სხვათა შორის, შემდეგს ვკითხულობთ: „ყველაზე ძველი სახელმწიფოები ჩვენს ქვეყანაში ამიერ-კავკასიის სამხრეთ ნაწილში აღმოცენდა. ეს იყო დაახლოებით 3.000 წლის წინათ. ამიერ-კავკასიის პირველ სახელმწიფოს — არარატის რაიონში, ვანის ტბასთან — ურარტუ ეწოდებოდა. მისი მბრძანებლები ბატონობდნენ ქართველ ტომებზე. მათ ჰყავდათ ბევრი მონა, რომელნიც აშენებდნენ მათთვის სასახლეებს და სთხრიდნენ არხებს მეფის მიწდგობის და ბაღების მოსარწყავად. ეს იყო ახლანდელი საქართველოს წინაპართა სახელმწიფო“<sup>1</sup>.

ეს დებულება, რომელიც მეცნიერების უახლეს მიღწევებზეა დამყარებული, ამჟამად უკვე, როგორც ვხედავთ, საშუალო სკოლის სახელმძღვანელოშიაც არის შესული. იგი საყოველთაოდ აღიარებულ ქეშმარიტებად იქცა.

რას წარმოადგენდა ურარტუ?

ურარტუ იმ ქვეყანა-სახელმწიფოს სახელწოდებაა, რომლის ძირითადი მიწა-წყალი სამი დიდი ტბის — ვანის, ურმიისა და სევანის ანუ გოქჩის ტბების — რაიონში იყო გადაჭიმული. ეს იყო მხოლოდ ერთი მხარეთაგანი უფრო დიდი ქვეყნისა, ნაირი-სა, რომელიც ახლო მონათესავე ტომებით იყო დასახლებული. ეს ტომები ადრევე ჰქმნიან თავის საკუთარ სამთავროებს. ყველაზე მნიშვნელოვანი მათ შორის იყვნენ კარდუ (ქარდუ?), ნაირის სამხრეთ ნაწილში, მანა, აღმოსავლეთით, ურარტუ — ცენტრში და სხვ. ურარტუს მფლობელები კისრულობენ ამოცანას გააერთიანონ, ერთი ცენტრალური ხელისუფლების ქვეშ, ეს მონათესავე ტომები.

ფიქრობენ, რომ სახელწოდება ურარტუ, იმ ხანაში, იხმარებოდა მხოლოდ ასურელების მიერ. შემდეგში ეს სახელწოდება, ჩანს, ვრცელდება ადგილობრივაც: „ურარტუმი“ თავი შეინახა ძველი სომხეთის ერთ-ერთი პროვინციის „აირარატ“-ისა და ცნობილი

<sup>1</sup> იხ. ქართული თარგმანი, გვ. 9.

მთის „არარატ“-ის სახელებში. ეგვევ სახელი ჰეროდოტესა და სხვა ძველ ბერძენ მწერლებს „ალაროდი“-ს ფორმითა აქვთ გადმოცემული. თვით ურარტუს მკვიდრი მოსახლეობა-კი თავის ქვეყანას „ბიანიან“-ს (აქედან — „ვანი“) და თავის თავს „ხალდ“-ს უწოდებდა, როგორც ამას მრავალი გამოჩენილი მეცნიერი (მაგ., ლემან-ჰაუპტი) ამტკიცებს.

ურარტუს სამეფოს ცენტრი ვანის ტბის ნაპირებზე მდებარეობდა. ამავე ტბის აღმოსავლეთ სანაპიროზე ურარტუს მეფეებმა აიშენეს თავის სატახტო ქალაქი, რომელსაც მაშინ ტუშპა ეწოდებოდა, ესლა იგი ვანის სახელითაა ცნობილი.

შემდეგში ურარტუს მეფეებმა მნიშვნელოვნად გააფართოვეს თავისი ტერიტორია. ჩრდილოეთით, მაგ., მათი მარბიელი რაზმები თანამედროვე საბჭოთა საქართველოსა და საბჭოთა აზერბაიჯანის ფარგლებშიაც იჭრებოდნენ.

ურარტუს სამეფო ჩამოყალიბებულ სახეს იღებს IX ს.-ში, ძვ. წ.

მის ცნობილ მეფეთაგან ყველაზე ადრინდელი არიან ლუტაპრი და სარდური, რომელნიც მეცხრე საუკუნის პირველ ნახევარში ცხოვრობენ და უკვე ჰმტრობენ თავის სამხრეთელ მეზობელს, იმდროინდელ მსოფლიოს ყველაზე ძლიერ სახელმწიფოს — ასურეთს. სარდურის მომდევნო მეფეს, არამეს, უშუდევოდ ებრძვის ასურეთის მბრძანებელი სალმანასარ III. არამეს, როგორც ჩანს (თუმც ცნობები მის შესახებ ნაკლებია), განსაკუთრებული ღვაწლი მიუძღვის ურარტუს სახელმწიფოს ორგანიზაციაში. ფიქრობენ (მაგ., აკად. ბ. ტურაევი), რომ არამეს სახელისაგან არის ნაწარმოები ქვეყნის ახალი სახელწოდება — არმენია (არამანი). ეს დასაჯერებელია, ისტორიამ ასეთი მაგალითები სხვაც იცის (შეადრ. აზერბაიჯანი — ატროპატაკანი — ატროპატ-ისაგან, ჩვენი სამურზაყანო — მურზაყან-ისაგან და სხვ.). მეცხრე საუკუნის მეორე ნახევარში ურარტუში მეფობენ არამეს შვილი სარდური I და უკანასკნელის შვილი იშპუინი. იშპუინი უკვე ცდილობს თავის ხელქვეშ შემოჰკრიბოს ნაირის ყველა ტომი, რომ მონათესავე ტომების გაერთიანებული ძალა შეახვედროს ასურეთის აგრესიას და თავის წინაპრების თავდაცვითი პოლიტიკიდან უკვე შეტევაზე გადავიდეს. ეს ამოცანა უფრო სრულად გადასწყვიტა იშპუინის ძემ, მეფე მენუაშ. მენუა იპორჩილებს კარდუსს, ხატხანას, მანას სამთავროებს, აერთიანებს ამრიგად ნაირის ქვეყანას და თავის დაპყრობითს პოლიტიკას ავრცელებს კიდევ უფრო შორს: მუშკების მხარეში იღებს ორს ციხე-ქალაქს, ხეტებს წაართმევს განთქმულ ქალაქ მელიტე

ნასს, იპყრობს ასურეთის მთელ რიგ რაიონებს. მენუა ცდილობს ერთიანი წესწყობილება დაამყაროს თავისი სამეფოს ვრცელ ტერიტორიაზე. იგი თავს ძლიერ მბრძანებლად გრძნობს და პირველად ითვისებს ტიტულატურას, რომლითაც შემკობილნი არიან შემდეგ მისი მემკვიდრეები: „მეფე ძლიერი, მეფე ღვთისმიერი, მეფეთამეფე“. მენუა ცნობილია თავისი ფართო მშენებლობითაც: მან შეამკო თავისი სატახტო ქალაქი სასახლეებითა და ტაძრებთ, მანვე გაიყვანა შესანიშნავი არხი, რომელიც ეხლაც არის ხმარებაში. მენუას საქმეს წარმატებით განაგრძობს მისი შვილი არგიშტი (VIII ს. პირვ. ნახევარში). მისი მრავალრიცხოვანი ლაშქრობანი ასურეთის წინააღმდეგ ჩვეულებრივად ხალდების გამარჯვებით მთავრდება. არგიშტი იმორჩილებს მცირეაზიელ ხეთებსაც. ნაირის ტომებისა და მცირეაზიელი ხეთების ერთ სამეფოში მოქცევა, ნიშნავდა, აკად. ბ. ტურავეის სიტყვებით რომ ვთქვათ, საერთოდ ხეთური მოდგმის ხალხების გაერთიანებას და მათ პრეტენდენტობას ჰეგემონიაზე იმდროინდელს კულტურულ სამყაროში. არგიშტი თავის გავლენას ავრცელებს ამიერ-კავკასიის ჩრდილოეთ ნაწილშიაც. იგი აღწევს მტკვრის სათავეებს, პალაკაციოს (ჩილდირის) ტბის მიდამოებს, მკვიდრდება გოქჩის (სევანის) ტბის ჩრდილოეთით.

არგიშტის დროს ურარტუ გადაიქცა წინა აზიის ერთ-ერთ უძლიერეს სახელმწიფოდ. ამან გამოიწვია არგიშტის გაღმერთება მისი შთამომავლობის მიერ: ღვთაებრივი ნიშნებით შემკული არგიშტის ქანდაკება დადგმული იყო ხალდების საღმრთო ქალაქში მუსასირში. არგიშტის მემკვიდრის, სარდურ III-ის, მეფობის დასაწყისში ამ სახელმწიფოს ძლიერება განაგრძობს ზრდას. სარდური ლაშქრობს შორეულ სირიაში, თითქოს აღწევს შავი ზღვის სანაპიროებსაც, თავის გავლენას ამყარებს მტკვრის შუა-წელზედაც. აურაცხელია სარდურის ნადავლი, თვალუწვდენია მისი საბრძანებელი. მაგრამ ასურეთის ახალი მფლობელი, ტიგლათ-ფილესარ III, ახერხებს თავის წინაპრების ჯავრის ამოყრას და 743 წლის მანლობლად პირველ დამარცხებას აგემებინებს ხალდებს. მომდევნო ლაშქრობათა დროს-კი გამარჯვება ჩვეულებრივად ისევ ასურელების მხარეზეა. განსაკუთრებით მნიშვნელოვანი იყო 735 წ. ომი, რომელშიაც ტიგლათ-ფილესარმა დაამარცხა სარდური და მისი მოკავშირეები — მუშკების (მესხების), კომაგენესა, გამგუმისა და მათილუს მთავრები. ხალდების დედა-ქალაქის აღებას ასურელები მაინც ვერ ახერხებენ, მიუხედავად დიდი ცდისა.

სარდური განაგრძობს თავის მამის ტრადიციებს მშენებლობის სფეროშიაც — მას მიეწერება ახალი ქალაქების, ტაძრების, წყალსადენების აგება, ბაღებისა და პარკების გაშენება.

ენერგიული და ნიჭიერი კაცი ჩანს სარდურის შვილი, რუსა I. მაგრამ მას ცუდ პირობებში უზღდება მეფობა. ასურეთი იბრუნებს ამ დროს თავის ძველ ძლიერებას. ურარტუს სამეფოში კვლავ იჩენს თავს, ეხლა განსაკუთრებული სიცხადით, მასში შემავალი ცალკე სამთავროების სეპარატიზმი. განსაკუთრებით აქტიურია ამ მხრივ მანა. მძიმე მარცხი ასურელებთან ბრძოლაში და ჩრდილოეთიდან ახალი მტრის, კიმერიელების, მოულოდნელი შემოსევა აიძულებს რუსას თავი მოიკლას (714 წ. მახლობლად). რუსას მემკვიდრეთა შორის განსაკუთრებით აღსანიშნავია მისი შვილიშვილი, რუსა II, რომლის მეფობაშიაც კვლავ აღმობრწყინდა ურარტუს ძველი ძლიერება. იგი წარმატებით ებრძვის, როგორც ჩანს, კიმერიელებს, და აშენებს მათ მიერ წინა პერიოდში დანგრეულ ქალაქებს. მიუხედავად ამისა, ურარტუ მაინც დაქვეითების გზაზე იყო შემდგარი და მეექვსე საუკუნის დამდეგისათვის კიდევაც შესწყვიტა თავისი დამოუკიდებელი პოლიტიკური არსებობა.

ურარტუს დაცემის გარეგან მიზეზთა შორის მთავარი მნიშვნელობა ჰქონდა ახალი დამპყრობელების შემოსევას, კერძოდ — კიმერიელებს, რომელთაც ასურელები გიშირი-ს ეძახდნენ (ფიქრობენ, რომ ამ ტერმინიდან არის ნაწარმოები ქართ. სიტყვა „გშირი“). კიმერიელებმა და მათმა მომდევნო დამპყრობელებმა სხვა მომთაბარე ტომებმა (მიდიელებმა, სკვითებმა) ბოლო მოუღეს, როგორც ცნობილია, ბაბილონ-ასურეთსაც.

ურარტუს დაქვეითების შინაგანი მიზეზები მის საზოგადოებრივსა და სახელმწიფოებრივ წყობილებაში უნდა ვეძიოთ. ხალხების საზოგადოებასა და სახელმწიფოებრივ ორგანიზაციაში მონათმფლობელური წყობა წამყვანი ხასიათისაა. ხალხების ლაშქრობანი მიზნად ისახავენ, უწინარეს ყოვლისა, ტყვეებს, რომლებიც ათიათასობით მოჰყავთ და რომლებსაც მონებად აქცევენ. ხალხების მეფეთა მშენებლობის ხასიათი აუცილებლად გულისხმობს მრავალრიცხოვანი მონების მუქთ შრომას. სახელმწიფოს ფორმა თეოკრატიულია. მეფე იშპუინის შვილი, სარდური, მაგ., მთავარი ქურუმია იყო ხალხების საღმრთო ქალაქ მუსასირში. ურარტუს მთავარი ღმერთების — ხალდის, თეშუბის და სხვ. — ტაძრები უმდიდრესი ქონების (მამული, მონები) და განძების პატრონი არიან. ურარტუს მეფეები თავის სამხედრო ნადავლის მნიშვნელოვან წილს ყო-

ველთვის ამ ტაძრებს სწირავენ. მაგრამ მონათმფლობელობას, როგორც საზოგადოებრივ-ეკონომიურ წყობას, ნაირის ქვეყნის მთაგორიან ტერიტორიაზე უფრო ცუდი პირობები ჰქონდა განვითარებისათვის, ვიდრე წინა აზიის სამხრეთ რაიონებში, კერძოდ მესოპოტამიაში, სადაც ეს სისტემა ჩამოყალიბდა. იგი თანდათანობით ჰკარგავს თავის მნიშვნელობას და იწვევს სახელმწიფოს დაქვეითებასაც.

სოციალური წყობიდან უნდა აღვნიშნოთ კიდევ ქალის განსაკუთრებული მდგომარეობა საზოგადოებაში. ლემან-ჰაუპტი ამტკიცებს, რომ ქალს ხალდებში აქტიური როლი ჰქონდა დაკისრებული და მეტად საპატიო ადგილი ეკავა.

ურარტუს ნივთიერი კულტურა მდიდარია და თავისებური. განსაკუთრებით დამახასიათებელია მისთვის: 1) კლდეში ნაკვეთი, საუცხოო ხელოვნების, ნაგებობანი — ციხე-დარბაზები, ტაძრები, აკლდამები, 2) ციკლოპური, უდულაბოდ აშენებული, ნაგებობანი, 3) რთული არხები და წყალსადენები, რომელთაგანაც ზოგი გაყვანილია მიწის ქვეშ, ხელოვნური ტბები და სხვა. ამ ნაგებობათაგან ზოგი ღღესაც ემსახურება თავის დანიშნულებას, 4) უაღრესად განვითარებული მეტალურგია, კერძოდ რკინის კულტურა. ფიქრობენ, რომ შესაძლოა რკინა ურარტუში უფრო ადრე იყოს აღმოჩენილი, ვიდრე სხვა ქვეყნებში. ზოგიერთი მეცნიერი იმასაც ამტკიცებს, რომ რკინის ტექნიკის განვითარების მხრივ ხალდებს პირველი ადგილი ეჭირათ წინა აზიის სხვა ხალხთა შორისო. მართლაც, ხალდური კლდის სამუშაოების შესასრულებლად საჭირო იყო განვითარებული რკინის იარაღები. ხალდების სიმდიდრე ლითონების, ძვირფასი ქვების და სხვა სფეროში და დაწინაურება მეტალურგიაში ნათლად ჩანს ასურული ცნობებიდან ურარტუს ქვეყანაში ნაშოვნ ნადავლის შესახებ: აქ აუარებელი რაოდენობით არის მოხსენებული ოქროს, ვერცხლის, ბრინჯაოს, სპილენძის იარაღი, ქურქელი და ზოდები, ძვირფასი ქვები, სპილოს ძვლის ნივთები, სელის ქსოვილები და სხვ.

ხალდებს უყვარდათ არა მარტო მონუმენტალობა არქიტექტურაში, არამედ ნაგებობათა გარეგანი შემკობაც. ამ მხრივ დამახასიათებელია ღია და მუქი ფერის ქვების შენაცვლება შენობათა კედლების პერანგებში, მოზაიკურად ნაგები იატაკები და სხვა. კაოგი ოსტატები იყვნენ ხალდები აგრეთვე წვრილი ლითონის ნივთების კეთებაში.

ხალდეების პანთეონში განსაკუთრებული ადგილი ეჭირა მთავარ ღმერთებს: ხალდ-ს, არდი-ს, მზის ღმერთს; თეშუბ-ს, ქექა-ქუხილის ღმერთს.

საიდან განჩნდნენ ხალდეები? იწყება მათი ისტორია მხოლოდ I ათასეულში, ძვ. წ., თუ მათ ჰყავდათ უფრო შორეული წინაპრები?

შეიძლება შექველად იყოს მიჩნეული, რომ ხალდეები ეკუთვნიან წინა აზიის იმავე უძველეს მკვიდრ მოსახლეობას, რომელმაც სხვადასხვა ისტორიულ ეპოქაში შექმნა ურიერთ-მონათესავე მსოფლიო მნიშვნელობის კულტურული ცენტრები, რომელთაგანაც სუმერული საზოგადოდ უძველესია კაცობრიობის კულტურის ისტორიაში, ხოლო მომდევნოებმა — ხეთურმა და მიტანურმა — სუმერული ცივილიზაციის შემდგომ განვითარებაში უდიდესი როლი შეასრულა. მკვლევართა უმრავლესობა ხალდებს, უწინარეს ყოვლისა, ხეთებს უკავშირებს. ზოგი მათგანი იმასაც კი ფიქრობს, რომ თვით სახელწოდებანი ხეთი ანუ ხათი და ხალდი ენათესავეებიან ერთმანეთს. საყურადღებოა, რომ ისეთი ინდოევროპეისტებიც-კი, როგორც არიან თანამედროვე გამოჩენილი ბურჟუაზიული ორიენტალისტები: პროზნი და გოეტცე, ხალდებს არა ინდოევროპელ ხალხად და არა ინდოევროპელ ხეობის მონათესავე ტომად სთვლიან.

მკითხველს ეხსომება, რომ ამ მკვლევართა აზრით, რაც გატარებული იყო პროზნის მიერ მის ტფილისში წაკითხულ ლექციებშიაც, ხეთების დიდ ქვეყანაში მრავალი სხვადასხვა ტომი მოსახლეობდა. ზოგი ამ ტომთაგან გვიან მოსული ინდოევროპული ტომია, ზოგიც ადგილობრივი ძველი მკვიდრიო. უკანასკნელთა შორის პირველ ადგილს ეს მკვლევარნი ხურ-ის ხალხს აკუთვნებენ. გოეტცეს აზრით, ხურებმა უდიდესი გავლენა მოახდინეს ინდოევროპელ ხეთებზე, კერძოდ, ხეთური ხელოვნება მეორე ათასეულისა მთლიანად ხურული წარმოშობისა არისო. ხეთურ პანთეონშიაც მთავარი ადგილი ხურულ ღმერთებს უჭირავსო. ამავე დროს, გოეტცე გამოსთქვამს ძალიან საინტერესო მოსაზრებას: ხურის ქვეყანა იგივეა, რაც მიტანი-ს სახელმწიფო, ტერმინი მიტანი მხოლოდ პოლიტიკურ ცნებას გამოხატავდაო. მცირეაზიელი ხეთებისათვის, ამბობს გოეტცე, მიტანი ერთ-ერთი ქვეყანაა მრავალი ხური-ქვეყნებიდან. სხვა მეცნიერნი-კი, მაგ., იენსენი და უნგნადი, მიტანის, ე. ი. ხურის ქვეყნის, ხალხის აღსანიშნავად უპირატესობას აძლევენ ტერმინს „სუბარ“-ს და მიტანურს ანუ ხურულ ენას სუბარულს ეძახიან. ამავე დროს უნდა ვიცოდეთ ისიც, რომ ხური-ს მაგიერ ზოგი მეცნიერი ხარი-ს კიაცხელობს.



ასე, მაგ., არა ნაკლებ ცნობილი ბურჟუაზიული ხეთოლოგი ემილ ფორერი ამტკიცებს, რომ ამ სახელწოდების ნამდვილი ადგილობრივი ფორმა ხარია არისო. ამავე დროს ფორერი აღნიშნავს, რომ, ერთი მხრით, ხეთურ ტექსტებში ეს ფუძე ყოველთვის ხარფორმით არის მოცემული, ხოლო, მეორე მხრით, ასურულ ტექსტებში გვხვდება ფორმა არი-ც. მოვიგონოთ, რომ ამგვარი პარალელები, ვოკალიზმის მხრივ, ჩვეულებრივია ძველი აღმოსავლეთის ეთნიკურ სახელებში: თუბალი — თაბალი; ურარტუ — ალაროდი, არარატი, აირარატი და სხვ.; მოვიგონოთ ისიც, რომ ადგილობრივი, უფრო გაბატონებული, თითქოს ა-ნიანი ფორმა ჩანს, — და ადვილად დავასკვნით, რომ ხარია ხური-ს სავსებით კანონიერი და, შესაძლოა, უფრო ადგილობრივი ფორმაც უნდა იყოს. ხ-ს გაქრობა-კი ამ ფუძის თავში იმის მაჩვენებელი უნდა იყოს, რომ აქ ნამდვილად ჩვენ ხ კი არა, ჰ გვექონდა. ეს უკანასკნელი შედარებით ადვილად იკარგება ქართველურ ენებში.

ხმოვანთა პარალელების თვალსაზრისით საყურადღებოა, რომ წინა აზიის უძველეს ეთნიკურ სახელებში, რომელთაც ჩვეულებრივად ქართველურ საზღვარს უკავშირებენ, უ-სა და ა-ს ე-ც ძალიან ხშირად ენაცვლება და ეს უკანასკნელი განვითარების უფრო გვიანდელი ეტაპი ჩანს. შეადრ., მაგ., თუბალ-თაბალ-იბერი, მუსკი-მოსხი-მეშეხი-მესხი და სხვ. ამიტომ შეიძლება ჰური-სა და ჰარის ჰერი პარალელიც ჰქონდა. და, აქ, ვიტყვით გაკვირებით, უნებლიეთ იბადება კითხვა, ხომ არ უკავშირდება ამ ჰერის მერმინდელი ქართული სიტყვა ვერი? ჯერ კიდევ მე-14 ს-ში ქართულ მთაში ამ ერის შთამომავალი წვრილი მესაკუთრე მწარმოებელი, თავისუფალი ერისგანები, ჰეროვან-ებად იწოდებოდნენ. ესევე სიტყვა შენახულია მეგრულშიაც ჰერებაში-ს ფორმით. მაგრამ ამის შესახებ დაწვრილებით სხვა დროს. შესაჯამებლად აქ მხოლოდ ვიტყვი, რომ მოცემული სახელწოდების ძველ ადგილობრივ ფორმად ჩვენ ჰარია მიგვაჩნია.

ამრიგად: ჰარი ანუ ხური იგივეა, რაც შიტანი, ხოლო ამ ქვეყნის ხალხის სახელწოდება შეიძლება მართლაც სუბარი იყოს, ის სახელწოდება, რომელიც გარეგნულად ასე ცხადად უკავშირდება უძველეს სუმერ-შუქერ-სა და მერმინდელს თუბალ-ტიბარ-იბერ-ს.

გოეტცეს გამოკვლევით, ხური ანუ ჰარი (იგივე შიტანი) მეორე ათასეულის პირველ ნახევარში წინა აზიის უძლიერესი სახელმწიფოა და როგორც პოლიტიკურად, ისე კულტურულად იგი წინა აზიის ცენტრს წარმოადგენს. გეოგრაფიულად ხურის ანუ ჰარის

ქვეყანა ფართო მიწა-წყალს შეიცავდა — ჩრდილო სირიას, ზემო მესოპოტამიას, სამხრეთ ამიერ-კავკასიას. „ხოლო თუ ხური ქვეყანას ავიღებთ ვიწრო მნიშვნელობით, მისი შუა წერტილი... ვანის ტბის მიდამოებში უნდა ვეძიოთ და არა სხვაგან სადმე“-ო, ამბობს გოეტცე. ამრიგად, ხური-ქვეყანა, ვიწრო მნიშვნელობით, უდრის ჩვენს ურარტუს. შეიძლება ამიტომ ვიკითხოთ, ხომ არ შენახულა სახელწოდება ხური ურ-არ-ტუ-ში? (შედრ. ხარი და არ-არ-ატი, ალ-არ-ოდი. თავკიდური ხ-ს განვითარება 3-დ და შემდეგ ისი დაკარგვან ჩვენ შესაძლებლად მიგვაჩნია, რასაც ხალდის პარალელური ფორმა ალდი-ც ემოწმება).

რაც შეეხება ენას, ხურული (პარული, იგივე მიტანური) ანუ სუბარული მკაფიოდ განსხვავდება როგორც ინდოევროპულისაგან, ისე სემიტურისაგან, აცხადებს გოეტცე. „ყოველ ექვს გარეშეა, ამბობს გოეტცე, რომ მისი მონათესავე უნდა იყოს ურარტული“. ამავე დროს, ხურული ანუ მიტანური კავკასიურ ენათა ოჯახის წევრად მიიჩნია მრავალმა მეცნიერმა, მათ შორის აკად. ნ. მარმა, კლუგემ, ბორკმა; პროზნიც ფიქრობს, რომ ჰურული ენათესავება კავკასიურს, კერძოდ ქართულს.

გარდა ამისა, ძალიან საყურადღებოა, რომ უძველესი სუმერული ელემენტები სწორედ ჰარებმა შეინახეს. ხურული (პარული) ენა, აგებულების მხრივ, ყველაზე ადრე მოგვაგონებს აგლუტინაციურ სუმერულსო, ამბობს გოეტცე. ასევეა სარწმუნოებისა და ხელოვნების სფეროში.

ამრიგად, წინა აზიის მკვიდრი და უძველეს მოსახლეობის განვითარების ხაზი სუმერული ცენტრიდან ჯერ პროტო-ხეთურის, შემდეგ — პარულის (ანუ ხურულის) საფეხურებზე ადის და, დაბოლოს, განვითარების უძველეს წრეს ურარტუში ჰკრავს, ხოლო ახალ პერიოდს უკვე ჩრდილო ამიერ-კავკასიაში იწყებს. როგორ ხდება ეს გადასვლა?

ამ უადრესად რთულ საკითხებზე პასუხის გასაცემად ჩვენ მეტად მწირი ცნობები მოგვეპოვება. ზემოთ ვნახეთ, რომ ურარტუს სამეფომ თავისი არსებობა შესწყვიტა მეექვსე საუკუნის დამდეგს. იმავე საუკუნის შუაწლებში-კი კიროსი აარსებს ახალს უზარმაზარ სახელმწიფოს. აქემენიდების ამ სახელმწიფოში შევიდა ურარტუს, არა მთლიანი, არამედ თავისი ძირითადი შემადგენელი ნაწილების სახით. „ისტორიის მამა“, ჰეროდოტე (V ს.), ამბობს, რომ შატინები, სასპირები და ალაროდიები შეადგენდნენ სპარსთა სახელმწიფოს მე-18 ოლქს და იხდიდნენ 200 ქანქარს (III, 94).

უქვევლია, რომ მატინენი მიტანის უდრის, ალაროდი-კი — ურარტუს. სასპირი ალბათ სუბარ-ის გადმოცემაა. ხომ არა გვაქვს აქ ისეთივე წარმოება, როგორცაა „საქართველო“: სასუბარო? რომ სასპირები და ალაროდიები ძალიან ახლო იდგნენ ერთმანეთთან, ეს ჩანს ჰეროდოტესავე ცნობიდან, რომ ამ ორ ხალხს ერთნაირი შეიარაღება ჰქონდათ და სპარსელების ლაშქარში ერთს სამხედრო გაერთიანებას შეადგენდნენ (VII, 79). იმავე ჰეროდოტეს სხვა ცნობებიდან ირკვევა: ჯერ ერთი, სასპირების ტერიტორია — იგი სწორედ სამხრეთ ამიერ-კავკასიაზე (ე. ი. ურარტუს მიწა-წყალზე) მოდის; მეორე, — სახელწოდება სასპირს, როგორც ჩანს, ზოგადი მნიშვნელობაც ჰქონდა და ხანდახან ალაროდისაც ჰფარავდა. ჰეროდოტე ამბობს: „სპარსები ცხოვრობენ ვიდრე სამხრეთის ზღვამდე, რომელიც მეწამულად იწოდება; მათ ზემოთ ჩრდილოეთისაკენ ცხოვრობენ მიდები, მიდების ზემოთ სასპირები, სასპირების ზემოთ — კოლხები, ვიდრე ჩრდილოეთის ზღვამდე, რომელსაც ერთვის მდინარე „ფაზისი“ (IV, 37). აქ ძალიან კარგად არის განსაზღვრული დასახელებული ხალხების ტერიტორია — ჩრდილოეთის ზღვა და ფაზისი, რათქმაუნდა, შავი ზღვა და რიონია. კოლხეთს მაშინ უპირავს, ეს ჩვენ ვიცით სხვა წყაროებიდანაც, შავი ზღვის მთელი აღმოსავლეთი სანაპირო, კერძოდ, — დას. საქართველო. მისი სამხრეთით მეწამულ ზღვამდე ჰეროდოტე მხოლოდ სამ დიდ ხალხს უჩვენებს. მათგან მიდებისა და სპარსების ტერიტორია აგრეთვე კარგად არის ცნობილი. და ამ ცნობილს ტერიტორიულ ერთეულებს შორის ნათლად ირკვევა სასპირების მიწა-წყალიც — იგი სწორედ ძველ ურარტუზე მოდის. მაგრამ სადღა გააქრნენ მატინენები და ალაროდიები, რომელნიც სასპირებთან ერთად ერთს საგამგეო ოლქს შეადგენდნენ? თავისთავად ცხადია, რომ ისინიც სასპირების სახელწოდების ქვეშ იგულისხმებიან. სასპირ-მატინენების ურთიერთობისათვის საინტერესოა ჰეროდოტეს ცნობა, რომ მდ. არაქსი გამოდის მატინენების ქვეყნიდანო (I, 202), არაქსის სათავეებთან-კი მდებარეობდა სწორედ სპერია, სასპირების ქვეყანა. ჰეროდოტეს სხვა ცნობებიც ანალოგიური ხასიათისაა: სპარსების, მიდების, სასპირების და კოლხების ჩრდილოეთით (აეტორს, რათქმაუნდა, არ ჰქონდა ზუსტი გეოგრაფიული წარმოდგენები) არის კასპიის ზღვა და მდინარე არაქსი, რომელიც აღმოსავლეთისაკენ დის (IV, 40). დასავლეთით სასპირებს ემეზობლებიან, სხვათა შორის, მოსხები და ტიბარენები (III 94), რომელნიც ხალღურ წარწერებშიაც იხსენიებიან. საინტერესოა, რომ ჰეროდოტეს წინამორბედს, ჰეკატე

მილეთელს, ასეთი ზოგადი ტერმინის როლში „მატიენი“ აქვს გამოყენებული იმ ცნობაში, რომ „კოლხური ტომი მესხები მათიენების მეზობლები არიან“ (ფრ. 188).

ამავე დროს, ჰეროდოტე არ იცნობს იბერიას, ქართლს, რომელიც მომდევნო საუკუნეთა ბერძენი მწერლების ჩვენებით უკვე ჩამოყალიბებული სამეფოა დღევანდელი საქართველოს ტერიტორიაზე. პირველ საუკუნის დამდეგს, ძვ. წელთაღრიცხვით, ბერძენ მწერალთა ცნობების თანახმად, იბერიის საზღვრებია: ჩრდილოეთით — კავკასიონის ქედი, აღმოსავლეთით — ალაზნის შესართავზე გამავალი ხაზი, დასავლეთით — სკანდა-შორაპანზე გამავალი ხაზი, სამხრეთით მტკვრის სათავეებზე გამავალი ხაზი. მაგრამ ერთი, თუ ერთ-ნახევარი, საუკუნით ადრე ამ ხანაზე იბერიას არმენისაგან თურმე მდინარე არაქსი ჰყოფდა, აპოლოდორის ცნობით. იბერიის სამხრეთი საზღვარი თანდათან ჩრდილოეთისაკენ იწევა, ისტორიული პირობების წყალობით.

ბერძენ მწერალთა ცნობებს ავსებს უძველესი ქართული ეროვნული ისტორიული გარდმოცემები. ამ გარდმოცემებით, მცხეთის (ქართლის) სამეფო დაარსებულია ალექსანდრე მაკედონელის ერთ-ერთი სარდლის, აზო-ს მიერ. ალექსანდრე იპყრობს დღევანდელ აღმ. საქართველოს და დაპყრობილ ტერიტორიას აზოს უბოძებს. აზო არან (აქ ჩვენ განზრახ ვტოვებთ ამ სახელწოდების ჩვეულებრივ ფორმას) ქართლის მეფის ძეა. იგი მიდის თავის სამშობლოში, არან ქართლად, და იქიდან მოჰყავს მოსახლეობის ერთი ნაწილი — თვრამეტი „სახლი“, ე. ი. გვარი, და აგრეთვე ეროვნული ღმერთებიც. „ესე იყო პირველი მეფე მცხეთას შინა აზოად, ძე არან ქართველთა მეფისაჲ“-ო, ამტკიცებს მემატიანე.

ცნობილია, რომ ალექსანდრე ამიერ-კავკასიაში არ ყოფილა და ამიტომ მათიანის ცნობა ამ ნაწილში მცთარია. ალექსანდრეს ხსენება საინტერესოა მემატიანის ქრონოლოგიური წარმოდგენისათვის ამ ამბებზე და იმ მხრივაც, რომ ამ გარდმოცემით, მოძრაობა და გადასახლება აქ სამხრეთიდან ჩრდილოეთისაკენ წარძობებს. სხვაფრივ, თქმულება უქვევლად საყურადღებოა. იგი ბერძნულ მითოლოგიაში ჰპოვებს ისეთსავე პარალელს არაოწნატების შესახებ თქმულების სახით, როგორსაც ამირანის თქმულება პრომეთეს მითში: აზო უდრის ბერძნ. იასონ-ს. საყურადღებოა, რომ ეს თქმულება, ჩანს, ფართოდ იყო გავრცელებული როგორც საქართველოში, ისე ძველი ურარტუს ტერიტორიაზედაც. სტრაბონის ცნობით არსებობდა თქმულება, რომ არმენიამ თავისი სახელი

მიიღო იასონის ერთ-ერთ მხლებლის, არმენ-ისაგან. ამავე დროს, სტრაბონის მტკიცებით, იასონის პატივსაცემად არმენიაში (ძველი ურარტუს ტერიტორიაზე) ტაძრებიც-კი ყოფილა აგებული. ეს ფაქტი განსაკუთრებით მოწმობს აზო-იასონის შესახებ არსებული გარდმოცემის ადგილობრივ წარმოშობასა და მის განსაკუთრებულ მნიშვნელობას.

მეორე მხრით, საყურადღებოა, რომ ურარტუს ერთ-ერთი უმნიშვნელოვანესი სამთავროს, მანას, მფლობელთა სახელებში ჩვენ რამდენჯერმე ვხვდებით აზა-ს. ამ სახელის მატარებელი ერთი მთავარი, აზა II, შეიღია ირანზუ-სი. მერვე საუკუნის დამლევს ეს აზა ენერგიულად იბრძვის თავისი ქვეყნის დამოუკიდებლობისათვის. ქართული გარდმოცემის აზო დასაყრდენს ჰპოვებს ურარტუს ისტორიულ აზოში. ამდენადვე შეიძლება დაისვას საკითხი „არან“-ისა და „ირანზუ“-ს ურთიერთობის შესახებ.

აქ გასათვალისწინებელია რამდენიმე უაღრესად საყურადღებო გარემოება. ჯერ ერთი: ფორმა „არან“ შემცთარი ფორმაა. „ქართლის მოქცევის“ მატინე, რომელიც შეიცავს ამ სახელს, მეათე საუკუნის ხელნაწერშია მოთავსებული. მაგრამ ამ ხელნაწერის ის ორი გვერდი, სადაც ეს სიტყვა სამჯერ გვხვდება, შემდეგში განუახლებიათ, და განუახლებიათ არა უადრეს XVIII საუკუნისა (ამას მოწმობს განმაახლებლის მიერ ნახმარი უ ბრჯგუ). განმაახლებელს დაუწერია სწორედ ერთ ადგილას არან, რაც რატომღაც მოსწონებიათ გამომცემლებს და ეს დაწერილობა გაუვრცელებიათ, მაშინ, როცა ორს სხვა შემთხვევაში სრულიად აშკარად იკითხება ფორმა „არიან“. ნინოს ცხოვრებაშიაც ფორმა არიან არის ნახმარი. ესევე ფორმა გვხვდება ერთს ძველს მატინისებურ თხრობაში, რომელსც პირველად თედო ჟორდანიამ გამოსცა. ამრიგად, უეჭველია, რომ ამ უძველეს ქართულს ისტორიულ გარდმოცემაში იხსენიება არიან-ქართლი, როგორც დღევანდელ საქართველოზე ადრინდელი სამშობლო ქართველებისა, და არიან-ქართველნი, როგორც არიან-ქართლის მოსახლეობის სახელწოდება.

რაკი -ან დაბოლოება კრებითობის ძირეული ქართული სუფიქსია და გარკვეული ხანისათვის აგრეთვე საერთო ფორმაა ქართ. სატომო სახელებისათვის, შეადრ. სე-ან-ი; ქ-ან-ი, ლაზების საკუთარი სატომო სახელი; ზ-ან-ი, მეგრელების უძველესი სატომო სახელი; ტიბერ-ან-ი ანუ ტაბარ-ან-ი, იბერების სახელის უძველესი ფორმა, ამიტომ მოცემულ სახელში ფუძედ გვჩვენება არი. შეუძლებელი არ არის, რომ აქ სწორედ ის ჰარი ანუ ზური სახელწოდება

დება იგულისხმებოდეს, რომელიც ზემოთ გვექონდა მოხსენებული. როგორც ვნახეთ, ჰარი (ხური) იმავე მიტანის ანუ, მერმინდელი ტერმინოლოგიით, ურარტუს სახელია. ყველა მკვლევარის, მათ შორის უკიდურესი „ინდოევროპეისტების“ (ჰროზნი და სხვა), აზრით ჰარის (ხურის) ხალხი აშკარად არც ინდოევროპულია მოდგმით, არც სემიტური, და წინა აზიის მეორე ათასეულის ხალხთა შორის ყველაზე მეტად უახლოვდება ქართველებს. ამრიგად, შესაძლებელია, რომ უძველეს ქართულს ისტორიულ გარდმოცემაში დატყული იყოს ხსოვნა ქართველ ტომთა ადრინდელ სამშობლოს შესახებ. ამასთან ერთად, უაღრესად საყურადღებოა ფორერის მოსაზრება, რომ ჰარის უშუალო გაგრძელება-განვითარებაა ურარტუს ის სამთავრო, რომელიც მანას სახელს ატარებდა\*. ჩვენ კი ვნახეთ, რომ ქართული გარდმოცემის აზო სწორედ ამ მანას უკავშირდება. საინტერესოა, ამასთან დაკავშირებით, აღინიშნოს საქართველოს ზოგიერთი გეოგრაფიული სახელწოდება, განსაკუთრებით სამხრეთ პროვინციებში. ძველი ქართველი მემკვიდრის ღ. მროველის ცნობით, მის დროს არტაანში ყოფილა ნაქალაქევი, რომელსაც ძველად ერქვა „ქაჯთა ქალაქი“ ანუ ჰური. „ქაჯთა ქალაქებს“ (ციხეებს) და „გმირთა ნაკვეთებს“ ძველ საქართველოში ეძახდნენ უძველეს ცენტრებს, კერძოდ ციკლოპურ ნაგებობებს, რომელთა ანალოგიებს ჩვენ იმავე ურარტუში ვპოულობთ. არტაანის ჰური იმეორებს ცნობილი ქვეყნისა და მასზე უფრო ადრინდელი, მესოპოტამიის ერთი უმნიშვნელოვანესი კულტურული ცენტრთაგანის, ქალაქ ჰურის, სახელებს.

იმავე სამხრეთ საქართველოში საყურადღებოა ისეთი უძველესი სახელწოდებებიც, როგორიცაა არტაანი, ერუშეთი (ქალაქი) და სხვ.

ცალკე უნდა აღინიშნოს უმჭიდროესი კავშირი, საქართველოსა და ურარტუს შორის, მატერიალური კულტურის სფეროში. ციკლოპურ ნაგებობათა გარდა, რომელთა შესახებაც უკვე იყო ნათქვამი და რომელნიც დიდი რაოდენობით შემონახულან ჩვენში, განსაკუთრებით საინტერესოა კლდეში ნაკვეთი ნაგებობანი და მათი გავრცელების არეები. ეს კლდის ნაგებობანი, სრულიად თვალსაჩინოდ, მიჰყვებიან უძველესსა და უმთავრესს გზებს, რომელნიც აკავშირებდნენ საქართველოს სამხრეთთან, კერძოდ, მტკვრის ზემოთა და შუა წელის გაყოლებით. ამ ძეგლების ერთი

\* ამონაწერები ფორერიდან გადმოგვცა ენიმკის ბიბლიოგრაფმა პ. ბ. უშაკოვმა, რისთვისაც მას მადლობას მოვახსენებთ.

დიდი კომპლექსი ჩვენ გვხვდება ჯავახეთში, მტკვრის ორსავე მხარეს. მათი ყველაზე დიდი წარმომადგენლებია ვარძია და ვანი, — მართალია, ფეოდალურ ხანაში აგებული, მაგრამ უეჭველად ძველი საამშენებლო ტრადიცია-ხერხებით არის აგებული. მტკვრის შუა წელზე კი ჩვენ ისეთი შესანიშნავი ძეგლები გვაქვს, როგორცაა უფლისციხე, სარკინე, არმაზი და სხვ.

ქართული ენის კავშირი წინა აზიის უძველეს კულტურულ ენებთან — სუმერულთან, ჰარულთან (იგივე ხურული ანუ სუბარული), ურარტულთან მკლავნდება უმნიშვნელოვანეს ენობრივ კატეგორიებში (მორფოლოგია, ლექსიკა...). მაგრამ ამ მხრივ ნამდვილი მეცნიერული კვლევა მხოლოდ ეხლა იშლება. უწინარეს ყოვლისა, უნდა ექვემდებარებოდნენ წაკითხულ იქნას მწერლობის ის ძეგლები, რომლებიც საკმაოდ დიდი რაოდენობით დაგვიტოვეს ჩვენმა წინაპრებმა, კერძოდ, — ხალდებმა. ხალდებმა მიიღეს ის ლურსმული დამწერლობა, რომელიც შექმნეს სუმერებმა და შემდეგ გაავრცელეს ასურელებმა. ამ დამწერლობის შემდგომ განვითარებაში ხალდებმა თავისი მნიშვნელოვანი წვლილი შეიტანეს. ხალდური მრავალრიცხოვანი წარწერებიდან, რომელნიც უმეტეს წილად ქვის ფიქალებზეა ამოჭრილი, ერთი, არა მცირედი და მეტად საყურადღებო, კოლექცია საქართველოს მუზეუმშია დაცული. საქართველოს მუზეუმის ხალდური წარწერების სრული კრებული, მეცნიერული გამოცემისათვის მომზადებული დოც. გ. წერეთლის მიერ, უკვე წარმოებაშია გადაცემული. ამ პუბლიკაციით, ისე როგორც პარალელურად წარმოებული ენათმეცნიერული, ისტორიული, არქეოლოგიური და ეთნოგრაფიული სამუშაოებით, საქავშ. მეცნ. აკადემიის საქ. ფილიალის ენის, ისტორიისა და მატერიალური კულტურის ინსტიტუტი, აკად. ნ. მარის სახელობისა, იწყებს გვეგმაშეწონილს ფართო კვლევა-ძიებას. ჩვენ დარწმუნებული ვართ, რომ ენის, ისტორიისა და მატერიალური კულტურის ინსტიტუტი, რომელიც საქ. კ. პ. (ბ) და პირადად ამხანაგ ლავრენტი ბერიას შეუწინებელი ყურადღებისა და მზრუნველობის ქვეშ ვითარდება, უახლოეს ხანში მნიშვნელოვან წვლილს შეიტანს იმ დიდი პრობლემის გადაწყვეტის საქმეში, რომელიც ქართველ ტომთა უძველესი კულტურის შემადგენლობისა და წარმოშობის გამორკვევაში მდგომარეობს.





## რამოხდა 2000 წლის წინათ საქართველოში

მდგომარე წელს საქართველოს ისტორიის ქრონოლოგიაში ერთი წლის თავი შესრულდა. მისთვის ჩვენი საბჭოთა საზოგადოებრიობა ზეიმს არ გადაიხდის, არც სპეციალურად აღნიშნავს მას. საიუბილეო აქ არაფერია. ისე-კი უეჭველად საჭიროა, რომ ყურადღება მივაქციოთ ამ თარიღის ქვეშ დამალულ ამბავს და სწორი მეცნიერული შეხედულება შევიმუშაოთ ამ მოვლენისა და მისი ისტორიული მნიშვნელობის შესახებ.

65 წ., ძველი წელთაღრიცხვით, ე. ი. სრული ორი ათასი წლის წინათ (65+1935), საქართველოში რომის მფლობელობა დამყარდა. ამ ამბავს ღრმა მიზეზები და გრძელი ისტორია ჰქონდა.

იმდროინდელ ამიერ-კავკასიის უახლოესი ქვეყნების სურათი ასეთია. კავკასიონის ჩრდილოეთით სარმატიაა, სადაც სხვადასხვა მეჯოგე ტომი ბინადრობს; კავკასიონის სამხრეთით, შავი ზღვიდან კასპიის ზღვამდე, სამი ქვეყანა ჩამწყრივებულია — კოლხეთი (დას. საქართველო შორაპნამდე), ივერია ანუ ქართლი (აღმ. საქართველო, შორაპნიდან ალაზნამდე) და ალვანია (თანამედროვე საბჭოთა აზერბაიჯანი). ამ ქვეყნებს სამხრეთიდან უშუალოდ მოსდგამს სამი დიდი სახელმწიფო — პონტოს სამეფო (თანამედროვე თურქეთის ნაწილი, შ. ზღვ. სამხრეთი სანაპირო პროვინციები), არმენია (თანამედროვე საბჭოთა სომხეთი და ვრცელი ტერიტორია, მისი სამხრეთით მდებარე) და პართია (თანამედროვე ირანი, მეტნაკლებად).

ამ ქვეყნებს დასავლეთიდან თანდათან უახლოვდებოდა რომი, რომელსაც დიდხანია გადალახული ჰქონდა იტალიის ფარგლები და შეუჩერებელი ტერიტორიული გაფართოების გზას ადგა, იმეამად, უკვე აზიაშიც. კონფლიქტი რომსა და აღნიშნულ ქვეყნებს შორის აუცილებელი იყო.

პირველი შეტაკება რომსა და პონტოს შორის მოხდა. პირველი საუკ. დამდეგისათვის პონტო მეტად იყო გაძლიერებული. მას დაპყრობილი ჰქონდა არა ერთი მეზობელი რაიონი, სხვათა შორის კოლხეთიც, ხოლო არმენიასა, ივერიასა და

აღვანიანსთან სამხედრო კავშირში ამყოფებოდა. ამ ძალებზე დაყრდნობით პონტო შეტევაზედაც გადაუის რომის წინააღმდეგ და ერთი პირობა სჯობნის კიდევაც მას. მაგრამ ხანგრძლივი ბრძოლის შემდეგ რომაელებმა მაინც მოახერხა მოწინააღმდეგის დამარცხება. რომაელებმა სარდალმა პომპეუსმა დაიპყრო პონტო დაკმის მეფეც — ნიკიერი ორგანიზატორი და მეომარი მითრიდატი — თავის სამფლობელოდან გააძევა.

შემდეგ პომპეუსი მითრიდატის მოკავშირეებს მისდგა და შუბების წვერით რომაული დროშა ააფრიალა მთელ ამიერ-კავკასიაში, კერძოდ, ივერიასა და კოლხეთშიც. ივერიაში სისხლის მღვრელი ბრძოლა მომხდარა: რომაული ცნობით, ქართველებს თითქმის 9000 კაცი მოუკლეს და 10000 ტყვედ წაართვეს. დას. საქართველოში რომაელებს, ჩანს, წინააღმდეგობა არ შეხვედრიათ. დამოკიდებულებაც სხვადასხვაგვარი დამყარდა: ივერია რომის „ფედერატად“ იქცა, რომელსაც მხოლოდ სამხედრო სამსახური ეკისრებოდა, კოლხეთი-კი, ჩანს, ხარკსაც იხდიდა. ამის მიზეზი ის იყო, რომ კოლხეთის კონტროლი ბევრად უფრო ადვილი იყო რომაელებსათვის და, გარდა ამისა, ისინი ამ ქვეყანას თავისი მთავარი მტრის, მითრიდატის, სამფლობელოს ნაწილად სთვლიდნენ.

რამ მოიყვანა რომი აზიაში და, კერძოდ, ამიერ-კავკასიაში? რა აინტერესებს მას ამ ქვეყანაში? თავისთავად ცხადია, იმდროინდელ რომის აგრესია ძირითადად სხვა ხასიათისა იყო, ვიდრე თანამედროვე იმპერიალისტურ იტალიის ახალი აგრესია აღმოსავლეთში, რომლის მოწამენიც ამჟამად ჩვენა ვართ. მაშინდელი რომი მონათმფლობელების სახელმწიფოა და მისი როგორც. საშინაო, ისე საგარეო პოლიტიკა მონათმფლობელების ინტერესებს უპასუხებს. — ასევე — საგარეო ომებიც: ესენი ყველაზე ხელსაყრელი წყაროა მონათა მოპოვებისათვის, რაც რომის გაბატონებულ კლასის მეურნეობის საარსებო საჭიროებას აკმაყოფილებს. ასევე ომები იძლევიან ოქროსა და სხვა „საფასესაც“, რაც მნიშვნელოვანია რომის მუდამ პასიურ საგარეო-სავაჭრო ბალანსის გასამართავად. საგარეო ომები რომის გაბატონებულ კლასისათვის საჭიროა აგრეთვე, რათა შინაგანს კლასობრივს, ამ დროისათვის მეტად გართულებულსა და გამწვავებულს, წინააღმდეგობას პირი ქვეყნის გარეთ უქციოს და სხვის ხარჯზე შეანელოს იგი. საგარეო ომებს მოითხოვს რომის

არმიაც, რომელიც დეკლასირებულ ელემენტებისაგან შესდგება და რომელიც დავლასა და საშოვარზე ფიქრობს.

ამ ნადავლის, რომლის უდიდესი წილი, რათქმაუნდა, თვით გენერლებს უვარდებათ ხელში, მნიშვნელოვან ელემენტს მიწა შეადგენს. დაპყრობილ ქვეყნების უზარმაზარ ტერიტორიებს სხვადასხვა წარჩინებული გვამები ითვისებენ სხვადასხვა ფორმით.

ასეთივე ინტერესები ამოძრავებდათ რომაელებს აღმოსავლეთშიაც. ეს ინტერესები გადახლართულია აგრეთვე იმდროინდელი აზია-ევროპის საერთაშორისო ვაჭრობის საშუაშელო მოგების განუყოფლად ხელში ჩაგდების ცდასთან, რაც განსაკუთრებით მკაფიოდ იჩენს თავს მომდევნო საუკუნეებში, რომისა და ირანის ბრძოლაში.

ამიერ-კავკასიაში რომაელებს დამატებით აინტერესებდათ იმ გზების კონტროლის ჩაგდება ხელში, რომელთა საშუალებითაც კავკასიონის ქედის გადმოლახვა შეიძლებოდა. ეს გზები ისეთ ვიწრო ხეობებში გადიოდა, რომელთა გამაგრებაც ადვილი იყო. ასეთი იყო, მაგ., დარუბანდისა და დარიალის გზები. ამიტომაც, სხვათა შორის, მათ ყველა იმდროინდელი ხალხი კარებს ეძახის (ქართ. „კარი“, სომხ. „დურნ“, ბერძნ. „პილაი“, ლათ. „პორტე“). ვის ხელშიაც ამ კარების „გასაღები“ იყო, მას შეეძლო თავისი ნებით გადმოეშვა ან არ გადმოეშვა ჩრდილო-კავკასიელი ტომები, რომლებიც ჩინებულს ქირის ჯარის მასალას წარმოადგენდნენ და რომელნიც უაღრესად საშიშნიც იყვნენ, მტრობის პირობებში. სწორედ ამიტომ რომაელები ამ-კავკ. ქვეყნების მმართველ წრეებისაგან, უწინარეს ყოვლისა, ამ კარების გამაგრებას მოითხოვენ.

მაგრამ ამ გზებს დიდი ეკონომიური მნიშვნელობაც ჰქონდათ: ჩრდ. კავკასია მონების უმდიდრეს წყაროს წარმოადგენდა. რომაელები მათ აქ დიდი რაოდენობით შოულობენ, ზოგს ყიდულობენ ჩალის ფასად, ზოგს ხარკის სახით იღებენ (ერთს აქაურს პატარა ქალაქს, რომელსაც ალყა ჰქონდა შემორტყმული რომაელებისაგან, ამ უკანასკნელთათვის 10000 მონა შეუძღვია, შეწყალების საფასურად), ზოგს ყაჩაღურად იტაცებენ. უმეტესად, რომ ამ მხრივ აქ რომაელებმა ძალიან ფართო საქმიანობა გააჩაღეს და თავიანთი რეჟიმით ღრმად შეიჭრნენ დაპყრობილი ქვეყნების სოციალურ-ეკონომიურ ცხოვრებაში.

მეტად დამახასიათებელი და საინტერესოა, ამ თვალსაზრისით, ერთი ამბავი, რომელმაც შემთხვევით მიადწია ჩვენს მათ.

იგი მონების დიდ აჯანყებას შეეხება. ამ აჯანყების მე-  
თაური ყოფილა ვინმე ანიკეტი, ადგილობრივი მონა-ბარბაროსი,  
ამჟამად — აზატი (განთავისუფლებული). „მაწანულები საკმაოდ  
მნიშვნელოვანი ბრბოთი“ (ასეთი სახელებით ცდილობს ამ ხალხის  
დამცირებას ოფიც. რომ. ისტორიკოსი) იგი შეიჭრა ქალაქ ტრა-  
პეზუნტში, ამოელიტა იქ მდგარი რომაული რაზმი, დასწვა რო-  
მაული ფლოტი და ხელთ იგდო ეს სანაპირო. აჯანყებას განსა-  
კუთრებული ყურადღება მიაქცია იმპერატორმა ვესპასიანემ (69—  
79 წ.წ., ახ. წ.), რომელმაც რჩეული ჯარები გაგზავნა აჯანყებული  
მონების წინააღმდეგ. აჯანყებულნი დამარცხდნენ. ანიკეტმა თავი  
შეაფარა სედოხეზების მეფეს, რომელიც მას თავის მხარეს  
ჰყოლია გადმობირებული, ვითომც „ფულითა და საჩუქრებით“.   
მაგრამ, ცხადია, ამ მეფეს თავისი საკუთარი (მაგ., რომაელთა სა-  
წინააღმდეგო პოლიტიკური) ინტერესები ჰქონდა და მონებს  
იგი ნამდვილ მოკავშირედ ვერ გამოადგებოდა. მართლაც, რომაე-  
ლების ფულით მოსყიდულმა „სედოხეზების“ მეფემ გასცა ანიკეტი  
და მისი თანამოაზრენი, რომელთაც მტერი მდ. ხობის შესარ-  
თავთან წამოეწია. „ასე მოელო ბოლო მონებთან ომს“-ო,—  
გვიამბობს ცნობილი რომაელი ისტორიკოსი ტაციტი.

„ხობის“ სახელწოდება გვაფიქრებინებს, რომ „მონების ომის“  
უკანასკნელი ეპიზოდი ან თანამედროვე სამეგრელოში გათამაშდა,  
ან მეზობელ ქანეთში. ასე თუ ისე, აღწერილი ამბები ჩვენს ქვეყანა-  
საც უკავშირდებოდა და მის მდგომარეობასაც ახასიათებდა. 65 წ.  
მოყოლებული, აქ თითქმის განუწყვეტელ ამბოხებებს ვხედავთ  
რომაელების წინააღმდეგ.

რომაელთა მფლობელობამ გარკვეული გავლენა მოახდინა  
ჩვენი ქვეყნის განვითარებაზე. კერძოდ, მან ხელი შეუწყო, გარ-  
კვეულ მიჯნამდის, საქართველოს მოსახლეობის სოციალურ-ეკო-  
ნომიურ დიფერენციაციის პროცესის დაჩქარებას.

სამეურნეო, პოლიტიკური და კულტურული ურთიერთობის  
დამყარება დასავლეთის ქვეყნებთან ნიადაგს უქმნის, კერძოდ,  
ცნობების გამრავლებას საქართველოს შესახებ ბერძნულ-ლათინურ  
მწერლობაში და ამით საშუალებას გვაძლევს შედარებით ღრმად  
ჩაეწვდეთ საქართველოს ისტორიის ადრეულ ხანას და მისი მამო-  
ძრავებელი ძალები გამოვავაშკარაოთ.

რომის საზოგადოების შიგნით უკვე იზრდებოდა ახალი პრო-  
გრესული ძალები, რომლებმაც სწორედ ამ „ბარბაროსებთან“ კავ-  
შირში და მათი უდიდესი დახმარებით, ააფეთქეს მონათმფლობელ-  
თა წყობილება და სახელმწიფო.

# ქართული სახელმწიფოებრიობის გენეზისის ისტორიიდან

(კოლხეთის სამეფოს ისტორიისათვის)

1. კოლხეთი, იბერიასთან ერთად, შეადგენს იმ ნიადაგს, რომელზედაც საშუალო საუკუნეებში შენდება ქართული ფეოდალური სახელმწიფოებრიობა.

2. უკვე უძველესი წერილობითი ცნობების მიხედვით (VI ს. ძვ. წ.) „კოლხი“ ზოგადი მნიშვნელობის ცნებაა, რომლის შინაარსს მომდევნო ხანის ანტიკურივე წყაროები არკვევენ.

3. V ს.-ში, ძვ. წ., კოლხეთი ვრცელი ქვეყანაა, რომლის უკიდურეს სანაპირო სექტორებში მდებარეობენ ქალაქები პიტიუნტი და კერასუნტი და რომელიც მრავალტომიანს თუ მრავალთემიან მოსახლეობას შეიცავს.

4. მრავალტომიანი (თუ მრავალთემიანი) კოლხური სამყაროს მთლიანობა დამყარებულია ჰარა ტომთა კავშირზე, არამედ წამყვანი და სოციალურად თავისთავად რთული ეთნიკური ელემენტის პოლიტიკურ პრიორიტეტზე.

5. კოლხური სამყაროს წამყვანი ეთნიკური ელემენტის ერთობა დასტურდება, უძველესი დროიდან მოკიდებული, როგორც ჰორიზონტულს, ტერიტორიულ, განაკვეთში — მთელი კოლხეთის სივრცეზე, — ისევე ვერტიკალურ განაკვეთში — მრავალსაუკუნოვანი ისტორიის სივრცეზე, ვიდრე განვითარებულს ფეოდალურ ხანამდე, როგორც უცხოური წყაროების ჩვენებით, ისე ადგილობრივი წყაროების მოწმობით.

6. ეს წამყვანი ეთნიკური ელემენტია, რომ საერთო სახელს აძლევს მთელ ტერიტორიას. ასეთი სახელებია: „კოლხეთი“, „ეგრისი“ და „ლაზიკა“.

7. „ეგრისი“ სახელწოდება „კოლხეთის“ იმთავითვე მომავალი ადგილობრივი შესატყვისია, მოცემული ფუძის ფონეტიკური ვარიანტის ქართველური გაფორმებით წარმოდგენილი.

8. ძველი კოლხეთის სამეფო, რამდენადაც არსებული მწირი ცნობები მსჯელობის საშუალებას იძლევა, მონათმფლობელური სახელმწიფოა, თეოკრატიის ელფერგადაკრული, იბერიის მსგავსად. ამასთანავე, კოლხეთის სამეფოსათვის დამახასიათებელი მრავალტომიანობა (მრავალთემიანობა), თავისი სატომო მმართველობის ორგანოებით, ის ელემენტია, რომელიც ახალს შინაგანს და საგარეო პირობებში აჩქარებს ძველი სახელმწიფოებრიობის დარღვევას და ახალი, ფეოდალური, სახელმწიფოებრიობისათვის ნიადაგის შემზადებას.

9. ძველი კოლხეთის (იბერიასთან ერთად) სახელმწიფოებრიობისა და კულტურის ხასიათის, ისევე როგორც ტერიტორიულ ურთიერთობათა განხილვა ამჟღავნებს უმკიდროეს კავშირს ძველს ხეთურ-სუბარულ სამყაროსთან.

## შპველესი ეროვნული ცნობა ქართველთა პირველსაცხროვისის შესახებ მასლობელი ალმოსავლეთის ისტორიის სინათლეჲ<sup>1</sup>

აქ ჩვენს ამოცანას არ შეადგენს ყველა იმ ჩვენების განხილვა, რომელიც, აღებული თვალსაზრისით, მეცნიერულმა ანალიზმ-შიეძლება აღმოაჩინოს წყაროების სხვადასხვა კატეგორიაში. განა ხილვის გარეშე ვსტოვებთ, კერძოდ, იმ საყურადღებო გარდმონა-შთებს, რომლებიც ონოპასტიკონშია დაცული და რომელთა შესახებაც თავის დროზე აკადემიკოსი ივანე ჯავახიშვილი წერდა: „ერთი ცხადი და შეურყეველი სამეცნიერო საბუთი... გვიჩვენებს, რომ კავკასია ქართველ ერის თავდაპირველი სამშობლო არ ყოფილა, რომ უძველეს დროს ქართველებს კავკასიაში არ უცხოვრიათ. სად იყო ქართველ ერის თავდაპირველი სამშობლო, ამის შესახებ საისტორიო საბუთებში, რასაკვირველია, ცნობები არ მოიპოვება, მაგრამ ამ საყურადღებო საგნის გამორკვევას თვით ენა გვშველის. ჩვენი ეროვნების სხვადასხვა ტომთა სახელებში ჩვენი ერის უუძველეს ბინადრობისა და სამშობლოს სახელია შენახული. ავიღოთ, მაგალითად, სიტყვა „ქართუელი“... [მორფოლოგიური ანალიზი მისგან გამოჰყოფს „სადაურობის ანუ ჩამომავლობის საკვეცს“ -ელ’ს; ამის შედეგად], „სიტყვა „ქართველის“ პირველი ნაწილიც „ქართუ“ ქვეყნის სახელი უნდა იყოს“... ამგვარად, დაკვირვებამ დაგვარწმუნა, რომ ქართ.-მეგრულ შტოს ტომების საკუთარ სახელებში (ქართუელი, კარლუხი) ერთიდაიგივე ქვეყნის სახელი გვხვდება: იგი არის ქართუ ანუ კარლუ. რაკი ამ ქვეყნის სახელი ორივე შტოსის ტომების სახელწოდებაში მოიპოვება, უეჭველია, იგი ქართველების თავდაპირველი საერთო სამშობლო უნდა ყოფილიყო. ამ სამშობლოს ხსოვნა ქართველების მესამე შტოს წარმომადგენელს სევანებსაცა აქვთ შერჩენილი. სევანეთში ეხლა მოიპოვება რამდენიმე სოფლის საზოგადოება, რომელსაც „ქალდე“ ანუ ხალდე ჰქვიათ. ერთი სიტყვით ხალდე ანუ ქართუ ჩვენი ეროვნ-

<sup>1</sup> იბეჭდება შემოკლებით (ავტორის შენიშვნა. რედ.).

ნების თავდაპირველ სამშობლოდ უნდა ჩაითვალოს. ეს კარდუ ანუ ქართულ განთქმული ქვეყანა ქალდეა არის“<sup>1</sup>...

ისტორიული გარდმონაშთების ყოველმხრივი და მკაცრი შესწავლა უთუოდ მომავალშიაც გაამდიდრებს საქართველოს ისტორიას. ამის საწინდარია ის დიდად საგულისხმო შედეგები, რომელნიც ამ სფეროში აკადემიკოსი ივანე ჯავახიშვილის დაულალავმა მოღვაწეობამ შესძინა მეცნიერებას.

წინამდებარე წერილში ეროვნული წყაროებიდან ჩვენ ისტორიული გარდმოცემებით ვზღუდავთ ჩვენს თემას. ამასთან ერთად თავისთავად ცხადია, რომ ესოდენ შორეული, აქამად ჩვენ მიერ აღებული, ისტორიული ხანის შესახებ მეცნიერული ინტერესი შესაძლებელია ჰქონდეს მხოლოდ ისეთს გარდმოცემას, რომელმაც ადრევე განიცადა ლიტერატურული ფიქსაცია. ამგვარ ლიტერატურულ გარდმოცემებიდან ჩვენს სამეცნიერო მწერლობაში ორს ცნობას ექცეოდა და ექცევა ყურადღება. ერთი მათგანი ე. წ. „ქართლის მოქცევაშია“ დაცული, მეორე — ძველ ქართველ ისტორიკოსს ლეონტი მროველს ეკუთვნის.

ლეონტი მროველისათვის ცნობა ქართველთა თავდაპირველი განსახლების შესახებ ელემენტია მისი უფრო რთული კონცეპციისა ქართველ-კავკასიელ ტომთა უძველესი ისტორიის თაობაზე. ამ კონცეპციით, ქართველები, სხვა მოძმე კავკასიელ ტომებთან ერთად, ნოეს ძის, იაფეტის, შვილისშვილის თარგამოსის შთამომოვალნი არიან. მას შემდეგ, რაც ნებროთმა ბაბილონს გოდოლი ააშენა, იქ ენები გაიყვნენ და გაიბნინენ მთელს ქვეყანაზე, თარგამოსი თავისი მრავალრიცხოვანი შთამომავლობით წამოვიდა და ორ მთას, არარატ-მასისს, შუა დაემკვიდრა. თარგამოსის ამ სამკვიდრებელის საზღვრები იყო: აღმოსავლეთით — გურგანის (კასპიის) ზღვა, დასავლეთით — პონტოს (შავი) ზღვა, ჩრდილოეთით — მთა კავკასია და სამხრეთით — „მთა ორეთისა, რომელ არს ქურთთა ქუშყანასა, პირის-პირ მიდიისა“ (შეესებული ქართლის ცხოვრება) თუ „ზღვა თერისა“ (მარიამისეული ქართლის ცხოვრება). შემდეგში, რაკი არარატისა და მასისის ქვეყანა ველარ იტევდა თარგამოსის გამრავლებულ მოდგმას, თარგამოსმა გაუყო შვილებს თავისი სამკვიდრებელი. ქართველების (აღმოსავლური შტოს) წინაპარს, ქართლოსს, ერგო ქვეყანა, რომელიც ისაზღვრებოდა: აღმოსავლეთიდან — ჰერეთითა და მდინარე ბერდუჯით, დასავლეთიდან — პონ-

<sup>1</sup> ივ. ა. ჯავახიშვილი, ქართველ ერის ისტორია, წიგნი პირველი და მეორე, ტფ. 1913, გვ. 34—35.



ტოს ზღვით, ჩრდილოეთიდან — მთა ლადოთი და სამხრეთიდან — (რომ გეოგრაფიულად გაეაზრიანოთ ლეონტის რთული, ან იქნებ მნუსხველთა მიერ რამდენადმე შერყენილი, მითითება) მდ. ბერდუჯის სათავეებიდან მოყოლებული და ტაო-კლარჯეთის გასწვრივ შავ ზღვამდე განფენილი მთების სისტემით, რომელიც, სათანადო სექტორში, მტკვრის სამხრეთის შენაკადებს გაჰყოფს არაქსის აუზისაგან. მეგრელების (ქართველთა დასავლური შტოს) წინაპარს ეგროსს-კი წილად ჰხედომია „ზღვის ყურის“ ქვეყანა, რომელსაც საზღვრავდა: აღმოსავლეთიდან — მცირე მთა ლიხი, დასავლეთიდან — ზღვა (შავი, ცხადია) და (ჩრდილოეთიდან; ტექსტში ეს სიტყვა გამოტოვებულია) — „მდინარე მცირისა ხაზარეთისა, სადა წასწუდების წვერი კავკასიისა“<sup>1</sup>. ამრიგად დაიმკვიდრეს, ლეონტის მტკიცებით, ქართველმა ტომებმა თავიანთი მერმინდელი (და ახლანდელი) მიწა-წყალი, გამოიარეს რა საკმაოდ გრძელი გზა ბაბილონიდან სომხეთის ზეგანზე ვიდრე „ჩრდილომდე“, ე. ი. ამიერ-კავკასიის ჩრდილოეთის ზონამდე.

ჩვენს სამეცნიერო მწერლობაში ლეონტი მროველის ზემოთგადმოცემულ აღნაგობას მკაცრი და სამართლიანი მსჯავრი აქვს დადებული. პირველი სიტყვა აქაც აკადემიკოსს ივ. ჯავახიშვილს ეკუთვნის, რომელმაც უჩვენა, რომ ლეონტი მროველის კონსტრუქცია ხელოვნური და მწიგნობრული წარმომობისაა<sup>2</sup>. აკადემიკოს ი. ჯავახიშვილს შესაძლებლად მიაჩნია მხოლოდ დაუშვას, რომ „იქნებ ხალხში გარდმოცემით მაინც რაიმე ბუნდოვანი თქმულება არსებობდა ქართველთა და ზემოჩამოთვლილ ტომთა მონათესაობაზე“<sup>3</sup>. პატივცემული მეცნიერის დასკვნით, „ლეონტი მროველმა იმსაკითხს, რომლის გამოკვევაც იკისრა, ვერსძლია, ვერცსაკმაო ცოდნა გამოიჩინა“<sup>4</sup>... ამრიგად, მიულწეველი დარჩა

<sup>1</sup> ქართლის ცხოვრება, მარია მდღოფლის ვარიანტი, გამოცემული ე. თაყაიშვილის რედაქტორობით, ტფ. 1906 წ., გვ. 1—3; ქართლის ცხოვრება, დასაბამითგან მეთატხრამეტე საუკუნემდის, გამოცემული ლეაწლითა უ. ბროსე, წვერისა რუსეთის სამეცნიერო აკადემიისა. ნაწილი პირველი. ძველი მოთხრობა, 1469 წლამდის ქრისტეს აქეთ: ა. რვეული. კელმეორედ დაბეჭდილი აკადემიკოს ნიკო მარის თვალმიდევით. დასაწყისი ნაწევრები. პეტროგრადად, 1923, გვ. 15—17.

<sup>2</sup> ივ. ჯავახიშვილი, ისტორიის მიზანი, წყაროები და მეთოდები წინათ და ახლათ. წ. I. ძველი ქართული საის უორით მწერლობა. მეორე შევსებული გამოცემა. ტფ. 1921, გვ. 172 შემდ.

<sup>3</sup> იქვე, 174.

<sup>4</sup> იქვე, 176.

„ჩვენი ისტორიკოსის პირველი და უმთავრესი მიზანი... გამოერკვია კავკასიაში მცხოვრებ ერთა საზოგადოდ და განსაკუთრებით - კი ქართველების ჩამომავლობა და ნათესაობა“<sup>1</sup>, და ამდენადვე, ლეონტი მროველის ცნობა ქართველ ტომთა უძველესი ბინადრობის ისტორიისათვის მეცნიერულ ღირებულებას მოკლებულია.

ესევე არ ითქმის „ქართლის მოქცევის“ ქრონიკაზე. ამ ქრონიკის მნიშვნელობა ჩვენი საკითხებისათვის აკადემიკოსს ივ. ჯავახიშვილს ზოგადად შეზღუდვანიერად აქვს გამოთქმული: „მეტად საყურადღებოა, რომ ჩვენმა ძველმა ბატონებმა „მოქცევაჲ ქართლისაჲ“-მაც კარგად იცის, რომ ქართველები კავკასიის თავდაპირველი მცხოვრებნი არ იყვნენ. იგი თვით მოგვითხრობს, როგორ და როდის მოვიდნენ ქართველები კავკასიაში და დასახლდნენ. „ქართლი“ და ქართველთა სამეფო მაშინ, მემატრიანის აზრით, კავკასიაში-კი არ იყო, არამედ სამხრეთით. იგი ამტკიცებს, ვითომც ქართველები ალექსანდრე მაკედონელს შემოჰყოლოდნენ და იმ დროიდან მოეკიდებინათ აქ ბინა. ცნობილია, რომ ალექსანდრე მაკედონელი ამიერ-კავკასიაში არასდროს არა ყოფილა, მაშასადამე, ქართველს არც შეეძლოა მას მიჰკედლებოდნენ, მაგრამ მაინც დაახლოებით მართლაც V—IV ს. ქ. წ. უნდა შემოსულიყვნენ ქართველი ამიერ-კავკასიაში და თანდათან აღმოსავლეთი საქართველო დაეპყრათ“<sup>2</sup>. თავის „ძველ ქართულ საისტორიო მწერლობაში“ აკადემიკოსმა ივ. ჯავახიშვილმა „ქართლის მოქცევის“ სპეციალური თავი უძღვნა, სადაც ზემოთმოტანილი შეფასება უფრო ვრცლად არის გადმოცემული<sup>3</sup>. აღნიშნავს რა, რომ ქრონიკის შემდგენელს „განზრახვა ჰქონია საქართველოს სამეფოს საზოგადო ბატონე დაეწერა უძველეს დროითგან, წარმართობის ხანიდან მოყოლებული“<sup>4</sup>, პატივცემული ავტორი განმარტავს ქრონიკის ცნობას ქართველთა უძველესი ისტორიის ერთი უმთავრესი საკითხის, თავდაპირველი ბინადრობის საკითხის, შესახებ: „ერთი სიტყვით მემატრიანის აზრით ქართველები იმ დროს კავკასიაში ჯერ არა ყოფილან: ქართლის მეფის ძე აზოჲ ვითომც ალექსანდრე მაკედონელს მოჰყვა. ალექსანდრემ მისცა აზოს დასამკვიდრებლად

<sup>1</sup> იქვე, 172.

<sup>2</sup> ქართველ ერის ისტორია, დასახ. გამოცემა, გვ. 68.

<sup>3</sup> ძველი ქართული საისტორიო მწერლობა, დასახ. გამოც., გვ. 85 შემდ.

<sup>4</sup> იქვე, 88.

მცხეთა და მერმინდელი ქართლის მთელი მიწა-წყალი. ამის შემდგომ „ესე აზოჲ წარვიდა არან ქართლად მამისა თვისისა და წარძოიყვანა რვაჲ სახლი და ათნი სახლნი მამამძუძეთანი და დაჯდა ძუელ მცხეთას... და ესე იყო პირველი მეფე მცხეთას. შინა აზოჲ ძო არან ქართველთა მეფისაჲ“-ო (ციტატის წყაროდ მითითებულია ე. თაყაიშვილის გამოცემები.—„სამი ისტორ. ქრონიკა“ და „ხელნაწერთა აღწერილობა“, რომელთა შესახებაც ქვემოთ გვექნება საუბარი. ს. ჯ.). ამგვარად გაჩნდა კავკასიაში პირველად ქართველთა მოსახლეობაო. მაშასადამე, ჩვენს მემატია-ნეს თავდაპირველი ქართლი სადღაც სამხრეთით ეგულებოდა, იქა ყოფილა ქართველი ერის სამშობლო. რაკი ჩვენი ავტორის სიტყვით აზოჲს ახალ სამფლობელოს სამხრეთით სომხითი ჰსაზღვრავდა, ქართველთა თავდაპირველი სამშობლო ქართლი სომხითზე უფრო სამხრეთით უნდა ყოფილიყო. ამნაირი წარმოდგენა ჰქონია ჩვენს მემატია-ნეს ქართველთა უძველეს ისტორიის შესახებ. რაზე იყო ამგვარი შეხედულება და ეს ცნობები დამყარებული, მოქცევაჲ ქართლისაჲს მატიანიტგან არა ჩანს. არც საზოგადოდ ქართველთა ჩამომავლობისა და უძველეს ისტორიის შესახებ, არც აზოჲს წინადროის ქართველებზე, არც იმის შესახებ, თუ რა დაემართათ თავდაპირველ „ქართლში“ მცხოვრებ დანარჩენ ქართველებს, რომელნიც აზოჲს არ გამოჰყვნენ და მეფე არანთან დარჩნენ,—ყველა ამაების შესახებ მატიანეში არაფერია ნათქვამი, ერთი სიტყუაც-კი არ მოიპოვება. მაგრამ მეტად საგულისხმო და საყურადღებოა ერთი გარემოება: მემატია-ნეს სცოდნია, რომ ეხლანდელი საქართველო და ამიერ-კავკასია ჩვენი ერის თავდაპირველი სამშობლო არ არის, რომ ქართველები წინათ კავკასიის სამხრეთით მოსახლეობდნენ და მხოლოდ შემდეგ წამოვიდნენ და დასახლდნენ ამიერ-კავკასიაში. თანამედროვე მეცნიერებაში ეს აზრი განმტკიცებულია (იხ. ქლ ერის ისტორია, I) და თუ ეს გარემოება ჩვენს ისტორიკოსს სცოდნია, უეჭველია მას რაღაც ძველი საყურადღებო საისტორიო წყაროები უნდა ჰქონოდა, რომელშიაც ალბათ გაცილებით მეტი ცნობები იქნებოდა, ვიდრე მოქცევაჲ ქართლისაჲს მატიანეშია შენახული<sup>1</sup>.

<sup>1</sup> იქვე, გვ. 89—90 (ხაზგასმულია ყველგან ავტორის მიერ).

ამრიგად, „მოქცევაჲ ქართლისაჲ“, რომელიდაც ძველ წყაროებზე დამყარებით, ადასტურებს იმ აზრს, რომ ქართველთა თავდაპირველი სამშობლო სადღაც სომხეთის სამხრეთით მდებარეობდა. გარდა ამისა, აკადემიკოსი ი. ჯავახიშვილი „ქართლის მოქცევაში“ სხვა საყურადღებო ჩვენებებსაც პოულობს ქართველთა ცხოვრების სხვა მხარეების შესახებაც უძველეს ხანაში. ქრონიკის ცნობა, რომ აზომ ამიერ-კავკასიაში ძველი სამშობლოდან მოიყვანა „რვაჲ სახლი და ათნი სახლნი მამამძუძეთანი“, აკად. ი. ჯავახიშვილის აზრით, მიუთითებს გვაროვნული წყობილების გარკვეულ საფეხურისა და ექსოგამიის წესის არსებობაზე<sup>1</sup>. ქრონიკას დაცული აქვს აგრეთვე საყურადღებო ცნობა („თანა ჰყუნადეს კერპნი ღმერთად გაცი და გაიმ“) ქართული წარმართული პანთეონის შესახებაც: ...„მემატიანეს გაცი და გაიმ ქართველთა უუძველეს ღვთაებად და კერპებად მიუჩნევიან... მემატიანეს სიტყუები ოდნავ ბუნდოვანია და მკაფიოდ არა ჩანს, „არან“ მეფისა თუ ქვეყნის სახელი იყო და აზოჲ არან-ქართლისა ან და „არან-ქართველთა“ მეფის, თუ ქართლისა მეფის არანის შვილი იყო. მაგრამ სხვაფრივ მატინანისა და ცხოვრების ცნობის აზრი სრულებით ნათელია: ქართველებს თავიანთ პირვანდელ სამშობლოთგან თან ორი უძველესი მამაპაპეული სალოცავი ღვთაება და კერპი მოუტანიათ“<sup>2</sup>.

ყოველივე აღნიშნულის შემდეგ გასაგები უნდა იყოს, რომ „ქართლის მოქცევის“ ქრონიკა დღესაც იწვევს ჩვენს ინტერესსა და ყურადღებას.

„მოქცევაჲ ქართლისაჲ“ ამ ნახევარი საუკუნის წინათ გახდა მხოლოდ ცნობილი მეცნიერებისათვის, როცა ქართველთა შორის წერა-კითხვის გამავცრელებელი საზოგადოების წიგნთსაცავმა განთქმული „მატბერდის კრებული“ შეიძინა. „კრებული,“ რამდენიმე სხვა ხელნაწერთან ერთად, წიგნთსაცავისათვის ალექსისძე მესხიშვილს შეუწირავს 1888 წელს<sup>3</sup>. ამ ხელნაწერთა აღწერი-

<sup>1</sup> ივ. ა. ჯავახიშვილი, ქართული სამართლის ისტორია, ნაწ. I, ტფ 1928, გვ. 147.

<sup>2</sup> ივ. ა. ჯავახიშვილი, ქართველი ერის ისტორია, წ. I, მესამე შეესებული და გადაამუშავებული გამოცემა, ტფ. 1928, გვ. 91—92.

<sup>3</sup> Е. Такашвили, Описание рукописей «Общества распространения грамотности среди грузинского населения», т. II, Тифлис 1906—1912 (ქვემოთ ყველგან — Ошн.), 632; ასეთივე ცნობა აქვს აგრეთვე ყველა ქვემოთ დასახელებულ ავტორს. — „ქართლის მოქცევის“ გააშვმო არსებული ლიტერატურა წინამდებარე წერილში განხილულია სპეციალური თვალსაზრისით, წერილის თემასთან დაკავშირებით.

ლობა იმავე წელს დაბეჭდა გაზ. „ივერიაში“ სამეცნიერო სარბიელ-ზე ახლად გამოსულმა ნიკო მარმა, რომელმაც აღნიშნა „ქართლის მოქცევის“ ქრონიკის არსებობაც<sup>1</sup>. როგორც „შატბერდის კრებულმა“, ისე „ქართლის მოქცევამაც“ მაშინვე მიიპყრეს მშობლიური სიძველეებით დაინტერესებული წრეების ინტენსიური ყურადღება და ჩვენი არქეოლოგ-არქეოგრაფებისა და ისტორიკოსების შესწავლის საგნად იქცნენ. შემდგომი წლის 6 იანვარს „ივერიაშივე“ ვინმე „ეგრი“-მ (თედო ჟორდანია?) გამოაქვეყნა „ქართლის მოქცევის“ მოკლე შინაარსი. ავტორს „შატბერდის კრებული“ მეცხრე საუკუნის ხელნაწერად, იოვანე-დაჩის ნუსხად, მიაჩნია. ავტორის აზრით, „მ. ქ.“ შეიცავს ქრისტიანობის გავრცელების ამბავს და ნინოს ღვაწლისა და მისი ცხოვრების სრულ აღწერას. ეს უკანასკნელი ორი რედაქციითაა მოცემული: პირველი მოკლე და მარტივია და აქამდე ცნობილ ვარიანტებში უეჭველად უძველესი, მეორე-კი განვრცობილია და წვრილმან ამბებით შემკულ-შეზავებულია. ავტორი აღნიშნავს აგრეთვე, რომ ახალმოპოვებულ წყაროში ქართველთა „ყველა მეფეებზე უწინარეს მოხსენებულია არან მეფე ქართლისა, ამას ჰყოლია შვილი აზო“, რომელიც ქ. ცხოვრების აზონს უდრისო<sup>2</sup>. ჯერ „ივერიაშივე“, ორი დღის შემდეგ, და მერმე-კი თავის „ისტორიაში“, იმავე წელს, დიმიტრი ბაქრაძეც შეეხა ამ შესანიშნავ მანუსკრიპტს<sup>3</sup>. „ივერიაში“ დ. ბაქრაძემ გამოაქვეყნა მთელი კრებულის შინაარსი და ანდერძ-მინაწერებიც მეტნაკლებად. დ. ბაქრაძის აზრით, „შატბერდის კრებული“ გადაწერილია აშოტის შვილის, ბაგრატ კურაპალატის, ზეობაში (826—876 წწ.), იოანე ბერაის მიერ. „მოქცევამ ქართლისაჲ“ შეი-

<sup>1</sup> „სია ხელნაწერებისა, რომელიც შესწირა „წერა-კითხვის საზოგადოებას“ ბ-ნმა ალექსი-მესხიშვილმა: „ივერია“, № 1868 წ., №№ 236 (ნოემბრის 9), 238, 239, 240 და 254.

„სია“ წარმოადგენს 52 ხელნაწერის მოკლე აღწერილობას. მე-14 ხელნაწერი „შატბერდის კრებულია“, რომელშიაც მე-8 თავად ნაჩვენებია: „მოქცევამ ქართლისაჲ და სხვადასხვა თქმულებანი წმ. ნინოს შესახებ, აგრეთვე ანდერძი მირიან მეფისა ძისა თვისისა მიმართ რევისა და ცოლისა თვისისა ნანაჲსა“. „სიის“ შემდგენელის ვინაობა აღნიშნული არ არის და ჩვენ ამ შემთხვევაში ვ. თაყაიშვილის ცნობას ვეყარებით.

<sup>2</sup> „ივერია“, 1889 წ., № 4: „ახალი წყარო საქართველოს ისტორიისა“.

<sup>3</sup> „ივერია“, 1889 წ., № 6 და „ისტორია საქართველოსი (უძველესის დროდამ მე-X საუკ. დასასრულამდე)“. თბულება დ. ზ. ბაქრაძისა. ტფ. 1889 გვ. 56—58.

ცავს არა მარტო ჩვენს ქრონიკას ანუ „ქართულს მოკლე მატია-ნეს“, როგორც მას დ. ბაქრაძე ეძახის, არამედ წმ. ნინოს ცხოვრებასაც. „ეს მატიაწე, გამოკრებული, როგორც ეტყობა, სხვა დიდის მატიაწიანდამ, — წერს დ. ბაქრაძე, — ბევრში ეწინააღმდეგება ქ. ცხოვრებას; მაგალითებრ, მატიაწეში პირველ ქართლის მეფედ სახელწოდებულია არანი, რომლის შვილი აზო თურმე მიემზრო ალექსანდრე მაკედონელსა და ალექსანდრესაგან თვით არანის სიცოცხლეშივე დადგენილ იქმნა მეფედ მცხეთაში“<sup>1</sup>. ავტორი შემდეგშიაც ლაპარაკობს „ქართლის მეფის არანის ძეზე, აზოზე, რომელიც... ალექსანდრე მაკედონელმა არანის სიცოცხლეშივე დაადგინა ქართლის მეფედ“<sup>2</sup>. „არც მატიაწეში, არც „ქართლის მოქცევაში“, ამბობს დ. ბაქრაძე, ჩვენ არა ვხედავთ არავითარ კვალს არც უცხოელთ მწერლობის გავლენისას და არც შემდეგ საუკუნეთა ცვლილებისას“<sup>3</sup>.

1890 წელს ე. თაყაიშვილმა გამოაქვეყნა „შატბერდის კრებულის“ ვრცელი აღწერილობა და თვით ქრონიკაც გამოსცა მრავალრიცხოვანი კომენტარებით<sup>4</sup>. გამომცემელმა, სხვათა შორის, ამ პუბლიკაციის წინასიტყვაობაში განსაზღვრა ქრონიკის შემცველი ხელნაწერის („შატბერდის კრებულის“) გადაწერის თარიღიც 973 წლის ახლო (უფრო წინამორბედი) პერიოდით (ეს ანგარიში ავტორს დამყარებული აქვს შატბერდის კრებულის გადამწერის იოვანე ბერაის მიერვე გადანუსხული პარხალის სახარების თარიღზე, რაც სწორედ 973 წელს უდრის<sup>5</sup>). ეს დათარიღება მას შემდეგ ჩვენს სამეცნიერო მწერლობაში დიდად არ შეცვლილა<sup>6</sup>.

ჩვენთვის საინტერესო ადგილის გამო ე. თაყაიშვილი ამბობს: „პირველი მეფე საქართველოსი ქართლის მოქცევის ხრონიკით არის არანი, მეორე აზო, ძე არანისი, და მესამე ფარსავაზ. ქართლის

<sup>1</sup> „ისტორია საქართველოსი“, გვ. 57—58; „ივერია“, დასახ. №.

<sup>2</sup> ისტორია, გვ. 79.

<sup>3</sup> „ივერია“, 1889 წ., № 6.

<sup>4</sup> სამი ისტორიული ხრონიკა (ქართლის მოქცევისა, სუმბატისა ბაგრატიონების შესახებ და მესხური დავითნისა), გამოცემული ვრცელის წინასიტყვაობით და შედარებით ქართლის ცხოვრებასთან და სხვა ხრონიკებთან ექვთიმე თაყაიშვილის მიერ, ტფ. 1890.

<sup>5</sup> იქვე, წინასიტყვაობა, გვ. XVIII—XX, XLV—LXXIX.

<sup>6</sup> იხ., მაგ., პროფ. ქ. კეკელიძე, ქართული ლიტერატურის ისტორია, ტ. I, ტფ. 1923, გვ. 97, 571.

ცხოვრება მეფე არანის მაგიერ ალექსანდრე მაკედონელის დროს უჩვენებს მამასახლისის სამარას“...<sup>1</sup>.

ე. თაყაიშვილის პირველ გამოცემას პირველი რეცენზია უძღვნა ნიკო მარმა, რომელმაც დადებითი შეფასება მისცა ნაშრომს. ამ წიგნის გამოცემასთან ერთად, გარდა იმისა, რომ ფაქტიურად მდიდრდება ჩვენი ცოდნა საქართველოს წარსულის შესახებ, ქართული მატრიანების კრიტიკა ახალს, მკვიდრ ნიადაგზე დგება და ეს არის სწორედ ამ შემთხვევაში უმთავრესიო. „მოქცევაჲ ქართლისაჲ“ ჩვენს ძეგლს შეიძლება ეწოდოს მხოლოდ სრულიად გარეგანი ნიშნების მიხედვით, იგია მოკლე ისტორიული ნარკვევი, რომელიც წინ წარუძღვანებიათ საკუთრივ „ქართლის მოქცევისათვის“; ეს უკანასკნელი-კი სხვა არა არის რა, თუ არ წმ. ნინოს ცხოვრებაო. საინტერესოა, ნ. მარი ამბობს: ე. თაყაიშვილის გამოცემა მე შეეუღარე პირს, რომელიც ჩემ მიერ არის გადმოწერილი ნამდვილი ხელნაწერიდან, და აღმოვაჩინე ზოგიერთი, უმთავრესად ორთოგრაფიული, უზუსტობანი ნაბეჭდ ტექსტშიო. იქვე მართლაც ნაჩვენებია ოთხიოდე შემთხვევა დედნის ორთოგრაფიის დარღვევისა ე. თაყაიშვილის გამოცემაში<sup>2</sup>.

მკაცრი კრიტიკა გამოიწვია ე. თაყაიშვილის გამოცემამ მოსე ჯანაშვილის მხრივ, რომელმაც ამ გამოცემის დეფექტები უჩვენა ჯერ პრესაში<sup>3</sup> და შემდეგ ცალკე ბროშურაში<sup>4</sup>. უკანასკნელში დაწერილებით აღნუსხულია ჯანაშვილისეული შესწორებანი. მ. ჯანაშვილმა საესებით მიიღო და კიდევ უფრო მკვეთრად განავითარა დებულება იმის შესახებ, რომ „მოქცევაჲ ქართლისაჲ“ ქრისტომატიაში ერთს განუყოფელ მოთხრობას წარმოადგენს<sup>5</sup>, ე. ი.

<sup>1</sup> სამი ხრონ., LXXXVII. იგივე ახრი აქვს განმეორებული ავტორს თავისი „ახალი ვარიანტი წმ. ნინოს ცხოვრებისა ანუ მეორე ნაწილი ქართლის მოქცევისა“-ს (ტფ. 1891) წინასიტყვაობაში, გვ. XXXIII.

<sup>2</sup> იხ. Записки Восточного отделения Русского археологического общества, т. VI, С. II. 1892, стр. 357—362.

<sup>3</sup> გაზ. „ივერია“, 1891 წ., № 127: „საყურადღებო საგანი (წერილი რედაქციის მიმართ)“. აქ ავტორი, სხვათა შორის, ამტკიცებს, რომ „შატბ. კრებული“ „სამეცნიერო ქრისტომატიაა“ ან „ენციკლოპედია“.

<sup>4</sup> აღვადგინე ანუ „სამი ისტორიული ხრონიკისა“ და „წმ. ნინოს ცხოვრების გასაგებ-შესასწორებელი სახელმძღვანელო, შედგენილი მოსე ჯანაშვილის მიერ“, ტფ. 1891.

<sup>5</sup> „აღვადგინე“, გვ. 25.

რომ ქრონიკა დაწვნი. ნინოს ცხოვრება მთლიანი ნაწარმოებია. თვით ქრონიკის შესახებ მ. ჯანაშვილი, სხვათა შორის, ამბობს: „ქრისტიანობის შემადგენელს მოჰყავს ჯერ „საზოგადო მიმოხილვა“ საქართველოს ისტორიისა არამიდგან V—IV საუკ. ქრ. წინ ვიდრე აშოტ კურატპალატის (786—826) ძმის გვარამის დრომდე. ეს შეადგენს I თავს ქართლის მოქცევისას“<sup>1</sup>. „არამი“, ცხადია, დ. ბაქრაძის „მეფე არანს“ უდრის. რაც შეეხება ტექსტის აღდგენას, აქ მ. ჯანაშვილმა, მართლაც, ბევრი გააკეთა, მაგრამ, როგორც ქვემოთ ვნახავთ, ამ ნიჭიერმა ფილოლოგმაც ვერ შეამჩნია ზოგიერთი მეტად საყურადღებო მოვლენა ხელნაწერში და ე. თაყაიშვილის წაკითხვის შესწორების საქმე ბოლომდე ვერ მიიყვანა, მიუხედავად იმისა, რომ მისი ლიტერატურული გამოსვლა სწორედ ამ ამოცანას ისახავდა თავის მიზნად<sup>2</sup>.

1893 წელს ალექსანდრე ხახანაშვილმა გამოაქვეყნა თავისი სპეციალური ნარკვევი საქართველოში ქრისტიანობის გავრცელების ისტორიის წყაროების შესახებ. ამ საკითხებს ავტორი, მისივე განცხადებით, კვლავ მიჰმართავს, სხვა მკვლევართა შემდეგ, სწორედ ე. თაყაიშვილის გამოცემების გამო ა. ხახანაშვილს მიმოხილული აქვს ბერძნულ-რომაული, სომხური და ქართული წყაროები, ხოლო უკანასკნელთა შორის იგი პირველ რიგში ჩერდება „ქართლის მოქცევაზე“, რომელიც, ა. ხახანაშვილის აზრითაც, შეიცავს როგორც ქრონიკას, ისე ნინოს ცხოვრებას. ქრონიკის ცნობებიდან ხახანაშვილი ყურადღებას აპყრობს ჩვენთვის საინტერესო ჩვენებასაც და ამბობს: „По этому памятнику первым грузинским царем считается не Фарнаваз, а Аран, вторым Азо, сын Арана, а третьим Фарнаваз“<sup>3</sup>. ძეგლის დათარიღებაში ა. ხახანაშვილი იმეორებს ე. თაყაიშვილს<sup>4</sup>.

<sup>1</sup> იქვე, გვ. 25—26.

<sup>2</sup> ჯერ კიდევ „ივერიაში“ აცნობებდა მ. ჯანაშვილი მკითხველ საზოგადოებას, „რომ დედნიდამ უკვე ამოწერილი გვაქვს სიტყვა-სიტყვად, მარცვალ-მარცვლად, სტრიქონ-სტრიქონად, სრულიად უცვლელად მთელი „მოქცევა ქართლისა“-ო.

<sup>3</sup> А. С. Хаханов, Источники по введению христианства в Грузию. Из I тома III выпуска «Древностей Восточных» Московского Археологического Общества, М. 1893, стр. 16.

<sup>4</sup> იქვე, 14—17.



მეორე გამოცემა ჩვენი ძეგლისა ეკუთვნის თედო ჟოჭრ და-  
ნიას, რომელმაც „მოქცევაჲ ქართლისაჲს“ ტექსტი დაბეჭდა თა-  
ვისი „ქრონიკების“ პირველ წიგნში<sup>1</sup>. თავის ვრცელ წინასიტყვაო-  
ბაში, რომელიც უმთავრესად „ქართლის ცხოვრებისადმი“ არის მიძ-  
ღვნილი, თ. ჟორდანიას შეეხო „ქართლის მოქცევასაც“. თ. ჟორდანიას  
მტკიცებით, „მოქცევაჲ ქართლისაჲ განიყოფება ორ უმთავრეს ნა-  
წილად, რომელთაც ერთმანეთთან მეტად სუსტი შინაგანი კავში-  
რი აქვთ... შესანიშნავია, რომ წა ნინოს ცხოვრება, პირველს ნა-  
ხევარში მოთხრობილი, თვალსაჩინოდ განსხვავდება მეორე ნახევ-  
რის მოთხრობილისაგან შინაარსით და ქრონოლოგიითაც. ხოლო  
ზოგი ცნობები პირველის და მეორე ნახევრისა ერთი მეორის წი-  
ნააღმდეგნი არიან... პირველს ნახევარში მოთხრობილი წა ნინოს  
ცხოვრება სხვა წყაროდამ უნდა იყოს ამოღებული, ხოლო მეორე  
ნახევარში მოთხრობილი—თუთ მატიანე... პირველი უძველესი უნ-  
და იყოს მეორეზე და უკანასკნელის ზეგავლენის გარეშე დაწერი-  
ლი“<sup>2</sup>. „ქრონიკა ქართლის მოქცევისა უნდა იყოს შემოკლე-  
ბული პირი უძველესის საეკლესიო მატიანისა“<sup>3</sup>.  
ავტორი აღარებს აგრეთვე ქრონიკას ქ. ცხოვრებასთან.

თ. ჟორდანიას გამოცემა „ქ. მოქცევისა“ უთუოდ მნიშვნე-  
ლოვანი ნაბიჯი იყო წინ, მაგრამ ამ მკვლევრის მახვილ თვალსაც  
გამოეპარა ხელნაწერის ზოგიერთი (საყურადღებო ფაქტი<sup>4</sup>. ამავ  
გამოცემაში თ. ჟორდანიამ გამოაქვეყნა „შატბერდის კრებულის“  
აღწერილობა, დაჩის წერილები და ანდერძ-მინაწერები; ხელნაწერის  
დათარიღებისათვის შემჩნეულია ხელნაწერის შინაგანი ნიშნები,  
სახელდობრ, ჩვენება ხელნაწერში ჩართული „ბერძენი მეფეების“

<sup>1</sup> ქრონიკები და სხვა მასალა საქართველოს ისტორიისა, შეკრებილი, ქრო-  
ნოლოგიურად დაწყობილი, ახსნილი და გამოცემული თ. ჟორდანიას მიერ, ტფ.  
1892, გვ. 11—79.

<sup>2</sup> იქვე, XXVI—XXVII.

<sup>3</sup> იქვე, XXVII—XXVIII.

<sup>4</sup> სხვათა შორის, თ. ჟორდანიას იმეორებს პრიორიტეტს ქართლის მოქცევის  
გამოცემაზე და მძიმე ბრალსა სდებს პირველ გამოცემაზე. უკვე 1888 წ. ჩვენ  
ვიკისრეთ ამ ძეგლის გადაწერა და გამოცემა, დიდი შრომით ტექსტი აღვადგი-  
ნეთ, თვით ხელნაწერის არსებზედაც დავეწერეთ (1) და ცალკე რეველშიაც გად-  
მოვეწერეთ. ეს ჩვენ მიერ აღდგენილი ტექსტია გამოყენებული პირველ გამოცე-  
მაში, ქრონიკები, I, XXV—XXVI, 99, 103, მაგრამ ამ შემთხვევაში ხომ პირ-  
ველ გამოცემის შეცომათა გახიარების საკითხი იჩენს თავს კიდევ უფრო უსი-  
აღმოდონ შთაბეჭდილებას სტოვებს ცნობა ფილოლოგიური ვარჯიშის შესახებ ამ  
უძვირფასესი მანუსკრიპტის არსებზე.

სიისა, რომელიც მოყვანილია იმპერატორ ნიკიფორემდე (963—969). ამის შემდეგ მოხსენებულაო „კივირიჯან“, რაც, თ. ჟორდანიას აზრით, „როგორც ჩანს... არის მეტი სახელი იმპერატორის იოანე ზემიხვესის ანუ ციმიხისი“<sup>1</sup>. მართალია, თ. ჟორდანიას ვერ ამჩნევს, რომ ეს ჩვენება არკვევს მხოლოდ *terminus ante quem*-ს, მაგრამ მისი დაკვირვება მაინც საყურადღებოა. კივირიჯანზე ჩვენ უფრო კატეგორიულად შეგვიძლია ვთქვათ, რომ ეს იოანე ჩიმიშკია: „კივირიჯან“ არის, რათქმაუნდა, ბერძნული დიალექტური „კვრ ჟან“ (ქართ. ფეოდალურ ტერმინოლოგიაზე გადმოტანით — „პატრონი იოანე“; დიალექტიზმი სწორედ სახელის თავკიდურ ბგერის ამ ფონეტიკურ განვითარებაში მდგომარეობს: ი → ჟ → ჟ; მეტი „ი“ შუაში და „ჯ“ „ჟ“-ს ნაცვლად უკვე ქართულ ნიადაგზე შეიძლება იყოს გაჩენილი) და, ჩანს, სომხური წყაროდან მომდინარეობს („კივირიჯან“ ეს სომხური დაწერილობის *კვირი*-ის წაკითხვაა; სომეხი ისტორიკოსები იოანე ჩიმიშკის სწორედ „კვრ-ჟან“-ობით, *კვირიძან*, იხსენიებენ)<sup>2</sup>. ალბათ იმის გამო, რომ თ. ჟორდანიას ეს გუმანი დაუსაბუთებლად ჰქონდა გამოთქმული, ე. თაყაიშვილმა მას თავის მეორე დაწერილობაშიაც ანგარიში არ გაუწია და კვლავ გაიმეორა, ბიზანტიის იმპერატორების სია ნიკიფორემდე არის მოყვანილიო („λο Πικιφορα Κριβοσεινα, 963—969“. Κριβοσεινη-ი ავტორს, ალბათ. „კივირიჯან“-ის შესატყვისად აქვს დასახელებული)<sup>3</sup>.

თ. ჟორდანიას მოცემული აქვს აგრეთვე ვრცელი მსჯელობა ხელნაწერისა და ძეგლის მიერ აღძრულ ისტორიულ საკითხებზე<sup>4</sup>. ქრონიკის ჩვენთვის საინტერესო ცნობასთან დაკავშირებით, თ. ჟორდანიას წერს: „აქ ჩვენი ქრონიკა იძლევა ახალს ცნობებს, რომელიც ჩვენმა მატყინებმა არ იციან: არან ყოფილა ქართლის მეფე, და არა „ტომით ბერძენი ძე იარედოსისი“ ქ. ცხ.-ბისა (1, 27)... ჩანს, რომ მცხეთა ყოფილა ცალკე სამეფო ანუ სამამასახლისო, ხოლო ქართლი სხვა სამეფო ანუ სამამასახლისო. ქართლის მეფემ

<sup>1</sup> იქვე, 103.

<sup>2</sup> მაგ., სტეფანოს ტარონელი; იხ. მისი ისტორია, 1885 წლის პეტერბურგის გამოც., *Савиѣаннѣи Савиѣаннѣи Савиѣаннѣи* *Уааааа.ქქქქ* *აქს.ქსკსკსკს*, გვ. 150, 179, 182, 183, 184, 186, 187, 193. გელცერსაც აღნიშნული აქვს, რომ ტომით სომეხ იოანეს შესახებ მისი თანამეტომეში აღტაცებით ლაპარაკობდნენ, ეძახოდნენ რა კიურ ჟან-სო. *Очерк политической истории Византии; Очерки по истории Византии*. Вып. I, С.-П. 1912, стр. 95.

<sup>3</sup> Опис., 637.

<sup>4</sup> იქვე, 99—122; შდრ. 94 - 99.

ანუ მამასახლისმან აზომ, ძემან არან ქართლის მამასახლისამან, ბერძნების მხარე დაიჭირა, უშველა მათ“ და, სამაგიეროდ, მცხეთა მიიღო. ალექსანდრემ, გარდა ამისა, „დაუმორჩილა მასვე ყველა მწვრილ-მწვრილნი ტომნი ქართველთ ერისა. ამნაირად ბერძნებმა პირველად შეადგინეს ერთი სახელმწიფო ქართველთ ტომისაგან და დააყენეს აზო მეფედ. ამის შემდეგ აზომ გადმოასახლა ქართლიდამ მცხეთას (მცხეთა იყო ნაწილი სარკინეთისა) თვისნი ნათესავნი და, კერპთმსახურთა ჩვეულებისამებრ, თან გადმოიტანა სანათესაო კერპები ქართლისა — გაიმ და ვაცი“...<sup>1</sup>

1900 წელს ე. თაყაიშვილმა გამოაქვეყნა როგორც ქრონიკის, ისევე ნინოს ცხოვრების რუსული თარგმანი მრავალრიცხოვანი შენიშვნებითა და კომენტარებით<sup>2</sup>. ქრონიკის ადგილი, რომელიც ჩვენი განხილვის საგანს შეადგენს, აქ თარგმნილია შემდეგნაირად: „И царь Александр держал при себе Азо, сына царя Картли Арана; он дал ему во владение Мцхету и, назначив ему границами Эрети, Эгрис-цкали, Сомхитию и Црольскую гору, ушел. Между тем этот Азо отправился в Картли, к Арану, отцу своему, привел от туда восемь домов и десять домов сородичей своих и поселился в старой Мцхете, имея при себе богами идолов — Гаши и Гаим“<sup>3</sup>. შენიშვნაში მთარგმნელი ამბობს: „Картли—бывший город и крепость в нынешнем Армазском ущельи, в шести верстах к юго-западу от Мцхеты, давший название всей Грузинской стране... Царь Картли Аран в К. Ц. неизвестен“<sup>4</sup>. „По данным нашей хроники, до прихода Александра Македонского в Грузию, цари сидели в Картли или Армазе, и затем престол был перенесен в Мцхету“<sup>5</sup>... ამრიგად, გამოდის, რომ აზოს მთელი მიგრაცია არმაზიდან მცხეთაში გადასახლებით ამოიწურა.

„შატბერდის კრებულსა“ და „ქართლის მოქცევას“ ე. თაყაიშვილი დაუბრუნდა კიდევ ერთხელ წერა-კითხვის საზოგადოების ხელნაწერთა აღწერილობაში<sup>6</sup>. აქ მოცემულია ხელნაწერის ძალიან

<sup>1</sup> იქვე, გვ. 12, შენ. 17.

<sup>2</sup> Сборник материалов для описания местностей и племен Кавказа, вып. 28, отл. I.

<sup>3</sup> დასახელ. გამოცემა, გვ. 7—9.

<sup>4</sup> იქვე, გვ. 7, შენ. 1.

<sup>5</sup> იქვე, გვ. 9, შენ. 2 (მე-10 გვერდზე).

<sup>6</sup> Опис., т. II, стр. 632—651.

ერცელი მეცნიერული აღწერილობა. მანუსკრიპტის გარეგანი ნიშნულობიდან ყურადღებას იქცევს აღმწერის მითითება, რომ ხელნაწერი შესრულებულია როგორც ასომთავრულით (გვ. 1—255), ისე ნუსხურით (გვ. 256—588) და ადვილად იკითხება: პირველ ნაწილში — მთლიანად, ხოლო მეორე ნაწილში — ყველგან, სადაც-კი მელანი არ გახუნებულა ან ეტრატი არ გაცვეთილაო. სამწუხაროდ, ზოგ ადგილას ეტრატი ძალიან დაზიანებულია, ზოგი ფურცელი, როგორც მაგ. 60 და 127, მხოლოდ სანახევროდ შენახულა, ზოგ ადგილას მელანი გადასულ<sup>1</sup> და სხვაგან კიდევ სიტყვები და ფრაზები განზრახ არის ამოფხეკილი<sup>1</sup>. მთლად ხელნაწერს აკლია 15 ფურცელი, ამათგან 4 — „ქ. მოქცევის“ (ე. ი. ქრონიკისა და ნინოს ცხოვრების) ნაწილში. გარდა ამისა, ნაგვიანევი აკინძვისას აურევიათ ხელნაწერის ფურცლებით<sup>2</sup>. შემდეგ მოდის კრებული შინაარსის დაწერილებითი აღწერა მსჯელობით ნათარგმნი ძეგლების წარმოშობაზე და იმ თავების ბიბლიოგრაფიით, რომლებიც ამ დროისათვის უკვე გამოცემული იყო. დაბეჭდილია აგრეთვე არშიების მინაწერები, მნუსხველთა ბოლოსიტყვა-ანდერძ-მოსახსენებლები და ცალკე ტექსტები (ეპისტოლეები) მათი რუსული თარგმანითურთ. მე-7 თავად მოხსენებულია „მოქცევაჲ ქართლისაჲ“, რომელშიაც ავტორი ეხლა უკვე აერთიანებს როგორც საკუთრივ ქრონიკას, ისე ნინოს ცხოვრებასაც. ხელნაწერის ამ ნაწილის აღწერილობისათვის ე. თაყაიშვილი, ჩანს, საკმაოდ სთვლიდა თავისი პირველი გამოცემის წინასიტყვაობას, რომელი გამოცემაც და, საერთოდ, საკითხის ლიტერატურა ნაჩვენებია იქვე შენიშვნაში<sup>3</sup>. ახალი (ერთადერთი) დაკვირვება აქ მხოლოდ შემდეგია: „ქართლის მოქცევის“ პირველი ორი პერგამენტის ფურცლის ტექსტი, მელნის სიფერმკრთალის გამო, განახლებულია მერმინდელი ხელით. შემოწმება ამტკიცებს, რომ ეს განახლება შესრულებულია საკმაოდ ზუსტად და წესიერად“<sup>4</sup>. ეს გარემოება, რომელიც მანამდის არავის არ შეუნიშნავს და არ აღუნიშნავს, ჩვენთვის ძალიან საყურადღებოა, იმიტომ რომ სწორედ

<sup>1</sup> იქვე, გვ. 632.

<sup>2</sup> იქვე, 633.

<sup>3</sup> იქვე, 639.

<sup>4</sup> „Текст первых двух пергаментных листов „Обращения Грузии“ по причине бледности чернил возобновлен позднейшею рукою. Проверка доказывает, что это возобновление сделано довольно точно и аккуратно“, იქვე, 639.

ამ ფურცლებზეა მოთავსებული ქრონიკის ის ადგილი, რომელიც ამჟამად ჩვენი შესწავლის საგანს შეადგენს.

„აღწერილობის“ ამავე ნაკვეთში ე. თაყაიშვილი შეეხო ე. წ. „ქელიშურ კრებულ“-საც. ამ უკანასკნელის შესახებ პირველი ცნობა გამოაქვეყნა „კრებულის“ აღმომჩენმა ა. ხელაიამ<sup>1</sup>. ამ ნარკვევში, რომელიც საქ. საისტორიო და საეთნოგრაფიო საზოგადოებაში იყო წაკითხული მოხსენების სახით 1907 წლის დამლევს, ავტორი აღწერს ხელნაწერს და განსაკუთრებით ჩერდება „ქართლის მოქცევის“ „ვარიანტზე“, რომელიც ქელიშურ კრებულში აღმოჩნდა. აქვე ვრცლად არის ნაჩვენები ახალი „ვარიანტის“ საკითხავ-სხვაობანი შატბერდულთან შედარებით. აქვე აღძრულია რიგი ისტორიული საკითხები. სამწუხაროდ, „ქ. მოქცევის ქრონიკას“ ქელიშურ კრებულში აკლია პირველი ორი ფურცელი<sup>2</sup>, სადაც მოთავსებულია სწორედ ჩვენთვის საინტერესო ცნობა, და ამიტომ ამ ხელნაწერზე ჩვენ აქ აღარ შევჩერდებით.

„ქართლის მოქცევის“ ტექსტი, — როგორც ამ ქელიშური ხელნაწერის მიხედვით პირველად, ხოლო შატბერდული კრებულის თანახმად — მეორედ, — ე. თაყაიშვილმა დაბეჭდა, ქელიშური ხელნაწერის აღწერასთან ერთად, „აღწერილობაში“<sup>3</sup>. ეს გამოცემა ამჟამად ჩვენს სამეცნიერო მწერლობაში ტექსტის საუკეთესო გამოცემად ითვლება<sup>4</sup>.

ჩვენი ნარკვევის თემა არ მოითხოვს აქ მთელი იმ ლიტერატურის განხილვას, რომელიც „შატბერდის კრებულთან“ ან „ქართლის მოქცევასთან“ არის დაკავშირებული საერთოდ. ჩვენ გვინ-

<sup>1</sup> „ძველი საქართველო“, ტ. I, ტფ. 1909, განყ. II, გვ. 1—29: „ქელიშის ვარიანტი ქართლის მოქცევისა“.

<sup>2</sup> იქვე, 2; Опис II, 705.

<sup>3</sup> Опис. II, 708—813; ქელიშ. ხელნაწერის აღწერა—აქვე, 704—708.

<sup>4</sup> „ქართლის მოქცევის“ ქრონიკის ერთი, დასაწყისი, ნაწილი უკანასკნელად დაბეჭდა განსვენებულმა პროფ. იოსებ ყიფშიძემ თავის ქრესტომათიაში: „Грувинская древнелитературная хрестоматия с древнегрувинско-русским словарем“, Петроград, 1918, გვ. 22—27. წინასიტყვაობაში გამომცემელი აღნიშნავს, რომ ქრონიკის ტექსტი დაიბეჭდა ნაბეჭდი გამოცემების მიხედვით, მაგრამ შემდგომი ხელნაწერთან შედარების გზით გამოიკვვა, რომ ყველა წინანდელი გამოცემა ნაკლოვანი ყოფილა და სათანადო შეტომების გასწორებას აქვე ვიძლევიით. ამ „შესწორებათა“ დაკვირვება ცხადყოფს, რომ განსვენებულ მეცნიერსაც ძალიან ბევრი რამ ხელნაწერში შეუმჩნევლად დარჩენია; ვერ შეუნიშნავს მას, კერძოდ, ის ფაქტები, რომლებიც ჩვენ სპეციალურად გვიანტერესებს და რომელთა შესახებაც კვემოთ არის საუბარი.

ტერესებს ამჟამად „ქართლის მოქცევის“ ქრონიკის მხოლოდ ერთ ცნობა.

ზემოთმოცემული მიმოხილვის შემდეგ ჩვენ შეგვიძლია მივმართოთ ძეგლის იმ ცნობას, რომლის განმარტებისადმი მიძღვნილია ეს წერილი. უწინარეს ყოვლისა, საჭირო ხდება ცნობის ტექსტის აღდგენა, რომელიც დამახინჯებული აღმოჩნდა ყველა გამოცემაში, — მიუხედავად იმისა, რომ ძეგლი, მთლიანად, და ცნობა, კერძოდ, ასეთი ინტენსიური ინტერესის, ყურადღებისა და შესწავლის საგანი იყო, — და წინააღმდეგ ჩვენი გამოცდილი ფილოლოგების განცხადებისა ტექსტის უცთომელი გამოცემის შესახებ. ეს ტექსტუალური საკითხი ჩვენ თავდაპირველად გაგვიჩნდა იმის გამო, რომ ზოგიერთს სხვა ლიტერატურულ ძეგლში ყურადღება მივაქციეთ ჩვენთვის საინტერესო ცნობის ერთი ელემენტის დაჟინებულ განმეორებას ვარიანტული ფორმით. საქმე ეხება სიტყვა „არან“-ს.

უწინარეს ყოვლისა აღსანიშნავია, რომ უკვე ნინოს ცხოვრების შატბერდულ ნუსხაში ნათქვამია: არმაზის კერპის „მარჯულ მისა დგა კერპი ოქროსაჲ და სახელი მისი გაცი, და მარცხლ მისა კერპი ვეცხლისაჲ და სახელი მისი გა, რნი იგი ღთღჳქონდეს მამათა თქნთა არიან ქართლით“<sup>1</sup>. ის გარემოება, რომ „ქართლის მოქცევის“ მკვლევართა უმრავლესობა დაჟინებით იცავდა ქრონიკისა და ნინოს ცხოვრების ლიტერატურული ერთიანობის თეზისს, საკმაო საფუძველი უნდა გამხდარიყო „ქრონიკისა“ და „ნინოს ცხოვრების“ ამ ვარიანტულ ფორმათა სხვაობის მიზეზების უფრო დაკვირვებულ კვლევისათვის.

ასეთივე სტიმული უნდა გაეჩინა სხვა წყაროებსაც, მაგ., თეიმურაზის საქართველოს ისტორიის ერთ ცნობას. სახელდობრ, თუმცა თეიმურაზი აზოს მოსვლის ამბავში ლეონტი მროველის კონსტრუქციას იმეორებს, მაგრამ გარკვეული კონტამინაციით

<sup>1</sup> Опис. II, 752; კელიშურ ვარიანტში „არიან ქართლით“ გადამახინჯებულია „ამიერთგნ“ სახით! ესევე დაწერილობა „არიან“ დაცული აქვს ე. თაყაიშვილს თავის პირველ გამოცემაშიაც; იხ. „ახალი ვარიანტი წმ. ნინოს ცხოვრებისა ანუ მეორე ნაწილი ქართლის მოქცევისა, გამოცემული რედაქტორობით და წინასიტყვაობით ე. თაყაიშვილისა“, ტფ. 1891, გვ. 21. — ეს ადგილი ციტირებული აქვს აკადემიკოსს ივანე ჯავახიშვილსაც, რომელიც ასწორებს ფორმას „არიან“-ს „არან“-ად, რაც მას სპეციალურად აღნიშნული აქვს: „ხელთნაწერში შეცდომით სწერია „არიან“-ო, იხ. ქართვ. ერ. ისტ., წ. I, მესამე გამოც., გვ. 92: და შემდ.

„ქართლის მოქცევის“ ცნობასთან: თეიმურაზი ამბობს, რომ ალექსანდრემ მცხეთის ქვეყნის დაპყრობის შემდეგ „დაუტევა მუნ აზონ მთავართა თვსთაგანი ძეა არიანე მთავრისა მაკედონელისა ასი ათასისა მხედრობითა, რომელნი იყვნეს იტალიელნი“<sup>1</sup>... და იქვე, შენიშვნაში, განმარტავს: „სრულიად საქართველოს კათალიკოსი არსენი დიდი სწერს აზონს ძედ არიანესსა“<sup>2</sup>. შემდეგ თეიმურაზი წერს: ...„კვალად წარვიდა აზონ მამისა თვისისა მიმართ არიანესსა და მოიყვანა მუნით ათი სახლი ჩინებულთა და ათასი სახლი მღაბიონი და ყოველნი დედა-წულითურთ მათით მოვიდეს და დაეშენნენ ქართლს (ესე იგი საქართველოსა შინა)“<sup>3</sup>...

თეიმურაზის ეს აღგილი თავიდანვე ცნობილი იყო, მაგ., თ. ჟორდანიასთვის, ე. თაყაიშვილისათვის და სხვებისთვის, მაგრამ არც ამ ჩვენებას მიაქციეს ყურადღება. თ. ჟორდანიას ფორმა „არიანე“, ჩანს, „არანის“ დამახინჯებად მიაჩნდა, იმიტომ რომ იგი თეიმურაზის ამ აღგილის ციტაციისას პირველის გვერდით ფრჩხილებში სვამს მეორეს<sup>4</sup>.

კიდევ უფრო უნდა გაემახვილებინა აღნიშნული საკითხი ერთ ფაქტს. 1897 წელს თედო ჟორდანიამ გამოაქვეყნა თავისი „ქრონიკების“ მეორე წიგნში ნაწყვეტები „ნინოს ცხოვრების“ ორი ახალი „ვარიანტიდან“ (თვით თ. ჟორდანიასვე ტერმინოლოგიით). ერთი ამ ნუსხათაგანის შესახებ თ. ჟორდანია წერდა: „პალეოგრაფიულ ნიშნების მიხედვით ამავე დროს (XVII საუკუნეს) უნდა იყოს გადაწერილი მხედრულად ახალი ფრიად შესანიშნავი ვარიანტი წმიდა ნინოს ცხოვრებისა, რომელიც ეკუთვნის მღ. ვასილ კარბელაშვილს. ამ ვარიანტს ბოლოს დამატებული აქვს ქართველ მეფეთა მოკლე ისტორია, რომელიც, როგორც შედარებიდამ ცხადდება, ამოღებულია ცნობილის იოანე ბერაძესგან გადაწერილის უძველესის ქართლის მატრიანისაგან „მოქცევა ქართლისაჲ“<sup>5</sup>... ამ აქვე

<sup>1</sup> ისტორია დაწყებითგან ივერიისა, ესე იგი გიორგიისა, რომელ არს სრულიად საქართველოსა, ს.-პ. 1848 წ., გვ. 110—111.

<sup>2</sup> იქვე, 110, შენ. 2.

<sup>3</sup> იქვე, 111.

<sup>4</sup> ქონკ. I, გვ. X.—ე. თაყაიშვილი თეიმურაზის ცნობას სთვლის ვარიანტდ-ქრონიკის ჩვენების მიმართ, მაგრამ შენიშნავს: „კათალიკოს არსენის ისტორიული ნაშრომი, საიდანაც თეიმურაზს ამონაწერები ჰქონდა ხელთა... ჯერ კიდევ არ არის აღმოჩენილი“: СМОНПР, вып. 28, ст. 9, с. 111. 2. ნამდვილად-კი, როგორც ქვემოთ იქნება უფრო დაწვრილებით ნაჩვენები, არსენის ის ნაშრომი, რომელიც თეიმურაზმა გამოიყენა, ისტორიული თხზულება კი არ იყო, არამედ ნინოს ცხოვრების ახალი რედაქცია.

<sup>5</sup> ქრონიკები, წ. II, გვ. 519.

დაბეჭდილ „ქართველ მეფეთა მოკლე ისტორიაში“ მართლაც განმეორებულია, გადამუშავებული სახით, „ქართლის მოქცევის“ თხრობა მცხეთის პირველ მეფეთა შესახებ და აქაც სამჯერ გვხვდება სიტყვა „არიან“ სწორედ ამ ფორმით. თ. ჟორდანიას სამიწვეჯერ ფრჩხილებში ასწორებს „უნ და არან“-იო (იქვე, 520; ხაზგასმულია თ. ჟორდანიას მიერვე). იგი არ დააფიქრა არც მისმა საკუთარმა მოსაზრებამ, რომ ეს „მოკლე ისტორია“ ამოღებულია „იოანე ბერადსგან გადაწერილის უძველესის ქართლის მატეიანისაგან“-იო. მეორე „ვარიანტიში“, რომელსაც ერთი 1732 წლის ხელნაწერი იძლევა, „ესევე ამბავი ცოტა მეტ-ნაკლებობით არის აღწერილი“ და მისი ცნობაც „ამოღებულია“ „ქართლის მოქცევის ქრონიკიდამ“. აქაც ორჯერ გვხვდება ფორმა „არიან“, რაც ორივეჯერ ფრჩხილებში გასწორებულია თ. ჟორდანიას მიერ: „უნდა «არან»“-ო<sup>1</sup>.

ეს ახალი ვარიანტი „ნინოს ცხოვრებისა“ მთლიანად გამოსცა 1902 წელს მლ. პ. კარბელაშვილმა, რომელმაც იგი კატეგორიულად მიაწერა მეათე საუკუნის „დიდ არსენ ქართლის კათალიკოსს“. გამომცემელი აცხადებს, რომ ძეგლი აღმოჩნდა 1900 წელს საეკლესიო მუზეუმის გაურჩეველ ხელნაწერთა შორის, არსენი კათალიკოსის ნაწილობრივ შენახულ კრებულში, რომელიც მე 11 ან მე-12 საუკუნეში უნდა იყოს გადაწერილიო<sup>2</sup>. გამომცემელი არას ამბობს იმის შესახებ, თუ რა დამოკიდებულებაშია მის მიერ გამოქვეყნებული ძეგლი ვას. კარბელაშვილის კუთვნილ ხელნაწერთან და თ. ჟორდანიას გამოცემასთან, ანდა იმის შესახებ, თუ რაზეა დამყარებული მოსაზრება არსენი კათალიკოსის ავტორობის და დროის შესახებ. ეს მით უფრო საკვირველია, რომ, როგორც თვით გამოცემიდან ჩანს, ავტორის სახელისაგან ხელნაწერში ვითომც მხოლოდ „არ... ნი“ დარჩენილა, ხოლო ხელნაწერის საქრონოლოგიო მითითებათაგან გამომცემელს აუხსენლად დაუტოვებია, სხვათა შორის, „დიმიტრის შეფობის“ ხსენებაც, რომელიც ამავე სტრიქონში არის ვითომ მოცემული<sup>3</sup>. შემდეგ მოსალოდნელი იყო, რომ თ. ჟორდანიას და, კიდევ უფრო მეტად, პ. კარბელაშვილი, რომელიც ნინოს ახალ ცხოვრებას არსენი კათალიკოსს მიაწერს, განიხილავდნენ ამ ძეგლის მოცემული თხრობის ურთიერთობის სა-

<sup>1</sup> იქვე, 521.

<sup>2</sup> ცხოვრება წმინდა ნინოსი, შედგენილი დიდის არსენი ქართლისა კათალიკოსის მიერ X საუკუნეში, გამოცემა საეკლესიო მუზეუმისა № 10, XI—XII. ხელნაწერიდან (sic!), ტფ. 1902, „მკითხველთა მიმართ“, გვ. 53.

<sup>3</sup> იქვე, 52.



კითხს თეიმურაზ ბატონიშვილის ცნობასთან „არიანეს ძის აზონის“ შესახებ, რომლის წყაროდაც თეიმურაზი „სრულიად საქართველოს კათალიკოსს არსენ დიდს“ აღიარებს, როგორც ზემოთ ვნახეთ. თეიმურაზის ჩვენებას შეუძლია, რათქმუნდა, აგრეთვე რამდენადმე შეამაგროს პ. კარბელაშვილის მოსაზრება არსენის ავტორობის შესახებ. მაგრამ ეს საკითხები არც თ. ჟორდანიას და არც პ. კარბელაშვილს არ აღძვრია. პ. კარბელაშვილმაც თავის გამოცემაში ფორმა „არიან“ საეჭვოდ მიიჩნია, თუმცა არც ისე კატეგორიულად, როგორც თ. ჟორდანიამ<sup>1</sup>.

ამის შემდეგ ბუნებრივია, რომ „ქართლის მოქცევის“ ქრონიკის ტექსტის აღდგენის ამოცანა მხოლოდ ხელნაწერის შესწავლით თუ შეიძლება გადაწყდეს. ხელნაწერის შესწავლა-კი არკვევს შემდეგს.

თხრობა აზოს შესახებ მოთავსებულია „შატბერდის კრებულის“ მე-435 გვერდზე. ეს გვერდი და, მასთან ერთად, მისი წინამორბედი მე-434 გვერდიც, სადაც იწყება „ქართლის მოქცევა“, განახლებულია, როგორც ეს აღნიშნული ჰქონდა ე. თაყაიშვილსაც (ე. თაყაიშვილს შეცთომით აქვს ნათქვამი, განახლებულია ორი ფურცელი, ნამდვილად ეს პროცესი მხოლოდ ორ გვერდს შეჰხებია). მაგრამ მართო ამ ფაქტის დადასტურება საკმარისი არაა. ჯერ ერთი, უნდა მივუთითოთ, რომ განახლება გამოიხატა მთელი ტექსტის ხელმეორედ დაწერაში, ძველის ზემოდან, უფრო მეტი მელნით. განახლების მიზეზი ყოფილა არა სხვა რაიმე დეფექტი ხელნაწერისა, არამედ მხოლოდ ძველი ტექსტის მელნის სიმკოთაღე. მნიშვნელოვანია ის გარემოებაც, რომ ძალიან ხშირად იკითხება ძველი ტექსტიც, იმიტომ რომ ძველი და ახალი ასოები ყოველთვის ერთმანეთს არ ჰფარავენ, თუმცა განმაახლებელი მისდევდა ძველი ნაწერის კვალს. უფრო საყურადღებოა ის გარემოება, რომ წინააღმდეგ ე. თაყაიშვილის მტკიცებისა, „განახლება“ შესრულებულია საკმაოდ ზუსტად და წესიერად“.ო, განმაახლებელს შეუცვლია ძველის ორთოგრაფია და ზოგიერთი საკითხავები. ასე, მაგ., აშკარად ჩანს, რომ ძველს ტექსტში აზოს ღმერთებიდან მეორე კერპის სახელად ეწერა „გა“, ხოლო ფორმა „გაიმ“ განმაახ-

<sup>1</sup> პირველ შემთხვევაში სიტყვას გვერდით უხის კითხვითი ნიშანი, იქვე 46, მეორე შემთხვევაში დედნის ფორმას გვერდით ფრჩხილებში უხის კითხვის ნიშანი ივე „არან“, იქვე 46, ხოლო მესამე შემთხვევაში დედნის საკითხავი „არიან“ უპცვლელად არის დატოვებული, იქვე, 47.

ლებელს ეკუთვნის (გვ. 435, პირველი სვეტის დასასრული). ამ მტკიცების სიმართლეს ადასტურებს „ნინოს ცხოვრების“ შატბერდული ნუსხა, სადაც კერპების სახელებად მოცემულია „გაცი“ და „გა“ სამჯერ<sup>1</sup>. თუ როგორი მნიშვნელობა აქვს ამ ფაქტს, აღვილად შეიძლება დავინახოთ, თუ მოვიგონებთ, რომ ჩვენს სამეცნიერო მწერლობაში, ძველი ქართული წარმართული პანთეონის შესახებ მსჯელობისას, აკადემიკოსმა ნიკო მარმა „გაიმ“, დაბოლოების მიხედვით, ებრაული მრავლობითი რიცხვისა და, ამდენადვე, ქართულში მწიგნობრული გზით შემოსულ ფორმად მიიჩნია<sup>2</sup>.

იმ ცვლილებებიდან, რომელნიც „ქართლის მოქცევის“ ქრონიკის დასაწყისი გვერდების განმარტებელს შემოუტანია, აღსანიშნავია „უ ბრჯგუ“, რომელიც ძველ ტექსტში არსად არ გვხვდება. ეს გარემოება განსაზღვრულ ფარგლებში ათარილებს თვით განახლების საქმესაც. ვინაიდან „უ ბრჯგუ“ ქართულ მწერლობაში კათალიკოსმა ანტონი პირველმა შემოიტანა, ცხადია, ხალნაწერის განახლებაც შეუძლებელია შესრულებულიყო მე-18 საუკუნის მეორე ნახევარზე ადრე. მაგრამ რადგანაც ხელნაწერი მესხიშვილების საგვარეულოდან არის გამოსული, და, როგორც ჩანს, მართლაც ცნობილს დავით რექტორს, ალექსისძე-მესხიშვილს, ეკუთვნოდა, ამიტომ შეიძლება ვიფიქროთ, რომ განახლება შესრულებულია დავითის წრეში (იქნებ თვით დავითის მიერაც) მე-18 საუკუნის დამლევს ან მე-19 საუკუნის დამდეგს, როცა მოღვაწეობდა დავითი. ამრიგად, ქრონიკის ტექსტში შეტანილი სათანადო ცვლილებაც ამ დროს ეკუთვნის. ჩვენთვის ამ ცვლილებიდან ყველაზე საგულისხმოა, რათქმაუნდა, ის, რომელიც აზოს შესახებ თხრობაში აღმოჩნდა. სახელდობრ, იმ ფრაზაში, რომელიც შეიცავს ცნობას აზოს უკან გაბრუნების შესახებ ძველ სამშობლოში, განმარტებელს ძველი ტექსტის ფორმა „არიან“ შეუცვლია „არანიო“, უყურადღებობის გამო, შექველია, და არა განზრახვით. ო რ ს ს ხ ვ ა შ ე მ თ ხ ვ ე ვ ა შ ი - კ ი განმარტებელს უცვლელად დაუტოვებია ძველი ტექსტის ფორმა „არიან“. ეს ხელოვნური ფორმა, „არიან“, მოსწონებით, რატომღაც, ძველის გამომცემლებს და ასეთი დაჟინებით გაუვრცელებიათ იგი, სრულიად გამოჰპარ-

<sup>1</sup> Опис. II, 752, 761, 769; კელიშვილი ნუსხა ერთ შემთხვევაში იძლევა — „გაცი და გაცა“, იქვე, 752, ხოლო ორს დანარჩენ შემთხვევაში — „გაცი“ და „გაცა“, იქვე, 761, 769.

<sup>2</sup> ივ. ჯანაშია შვილი, ქართვ. ერ. ისტ., I, მესამე გამოც., გვ. 91—94.

ვითა რა სწორი წაკითხვა ორ ადგილას. ამგვარი შეცთობა მით უფრო გაუხედავია, რომ ის მოუვიდა ძეგლის ყველა მკვლევარს და მათ შორის იმათაც, ვინც ყველა დანარჩენს ეცილებოდა ძეგლის სწორად წაკითხვაში, მოწინააღმდეგის წანაკითხს უვარგისად სთვლიდა და თავისას-კი სრულიად უცთომელად. ცხადია, რომ ამგვარი შეცთობის წყარო იყო ის, სერიოზული და დინჯი მეცნიერული კვლევისათვის შეუფერებელი აჟიოტაჟი, რომელიც ძეგლის აღმოჩენამ გამოიწვია და რომელიც ეხლაც ასეთს უსიამოვნო შთაბეჭდილებას უქმნის მკითხველს.

თუნდაც ტექსტის განახლებას არ ჰქონოდა ადგილი, თავისთავად ცხადია, რომ ფორმა „არან“ ვერ დაიჩემებდა უპირატესობას „არიან“-ის წინაშე, იმიტომ რომ პირველი ერთხელ გვხვდება, მეორე-კი — ორჯერ და იმიტომაც რომ მეორეს მხარს უჭერენ როგორც „ნინოს ცხოვრების“ შატბერდული ნუსხა, ასევე ყველა სხვა ლიტერატურული ძეგლიც, რომელიც ამავე საგანს ეხება და აშკარად „ქართლის მოქცევაზე“ დამოკიდებული.

ყოველივე ზემონათქვამის გათვალისწინებით, საესვებით დამარწმუნებელი უნდა იყოს, თუ ჩვენ ფორმა „არან“-ს უკუვადებთ, როგორც სრულიად შემცთარს, და მის მაგიერ „არიან“-ს დავამკვიდრებთ. ამ აღდგენით, „ქართლის მოქცევის“ ქრონიკის თხრობა აზოს შესახებ, საქართველოსაკენ ალექსანდრე მაკედონელის მეორე გამოლაშქრების ისტორიაში ჩართული, შემდეგ სახეს მიიღებს, ქარაგმების გახსნითა და თანამედროვე პუნქტუაციით:

... შემდგომად რაოდენისამე ეაძისა მოვიდა ალექსანდრე, მეფე ყოვლისა ქუეყანისაჲ, და დაღეწნა სამნი ესე ქალაქნი და ციხენი და ჰონთა დასცა მახვლი. ხოლო სარკინესა ქალაქსა ებრძოლა ათერთმეტ თთუმ. და დადგა სარკინესა დასავალით კერძო, და დასცა ვენაჯი და როჲ გამოილო ქსნით და დასხნა კაცნი მერუვენი; და სტაგითა რუჲსაჲთა და ჰრქვან ადგილსა მას ნასტაგისი.

და მერმე გამოილო სარკინე. თუთ დაყარეს და მეოტ იქმნეს.

და თანა ჰყვანდა ალექსანდრეს მეფესა აზოჲ, ძე არიან ქართლისა მეფისაჲ. და მას მიუბოძა მცხეთაჲ საჯდომად და საზღვარი დაუდგა მას: ჰერეთი და ეგრისწყალი და სომხითი და მთაჲ ცროლისა, და წარვიდა.

ხოლო ესე აზოჲ წარვიდა არიან ქართლად, მამისა თვისისა. და წარმოიყვანა რეჲჲ სახლი და ათნი სახლნი მამა-

მძუძეთანი. და დაჯდა ძუელ მცხეთას. და თანა ჰყუანდეს  
კერპნი ღმრთად გაცი და გა.

და ესე იყო პირველი მეფე მცხეთას შინა — აზოფ, ძე  
არიან ქართველთა მეფისაჲ, და მოკუდა“.

როგორია ამ თხრობის ისტორიული ღირებულება?

უეჭველია, რომ თხრობა, თუ მას მისი მთლიანი სახით ავი-  
ღებთ, სამშობლო სიძველეებით დაინტერესებული მწიგნობრის ხე-  
ლოვნური კონსტრუქციაა, რომლის ცალკეული კომპონენტები არ  
შეესაბამება ისტორიულ სინამდვილეს. ასე, მაგ., აკადემიკოსს ივანე  
ჯავახიშვილს აღნიშნული აქვს, რომ „თვით ცნობებშიაც მე-  
მატიანეს მსხვილი შეცდომები შეჰპარვია: ალექსანდრე  
მაკედონელის ლაშქრობა კავკასიაში მას უტყუარ ამბავად მიაჩ-  
ნია“...<sup>1</sup> ეს სავესებით სწორია და მოცემული ისტორიული შეც-  
თომა<sup>2</sup> უეჭველობით ამჟღავნებს თვით ამბის ხელოვნურ წარმოშო-  
ბას. ანაქრონისტულია თხრობაში „ჰონთა“ ხსენება, რომელიც,  
საეჭვოა, ქარაგმის ქვეშ დასმულ „ჰურიათა“ მცთარი გახსნის შედე-  
გი იყოს, როგორც ამას ე. თაყაიშვილი ფიქრობდა<sup>3</sup>. თუმცა ლეონ-  
ტი მროველი ასწორებს და „ჰონთა“ მაგიერ „ჰურიათა“ შესახებ  
ლაპარაკობს<sup>4</sup>, მაგრამ ეს არის „ქართლის მოქცევისავე“ სხვა ცნო-  
ბის გადმოტანა წინ: „ჰურიათა“ მცხეთას მოსვლისა და აქ დასხ-  
დომის შესახებ ქრონიკა მოგვითხრობს მე-12 მეფობისათვის<sup>5</sup>. ანა-  
ქრონისტული ჩანს აგრეთვე „ბუნ-თურქთა“ ხსენება ჩვენი ქრონიკის  
დასაწყის ნაწილში; ყოველ შემთხვევაში ეს ცნობა ჯერ-ჯერობით  
დამაქმაყოფილებლად არავის განუპარტავს. ხელოვნურია „ლოთის  
შვილთა“ და „იებოსელთა ნათესავების“ შემოტანა თხრობაში.  
ასევე ხელოვნური ჩანს ბუნ-თურქებისა და ჰონების ურთიერთობა.

<sup>1</sup> ძვ. ქართ. საისტ. მწერლობა, მე-2 გამ., 90.

<sup>2</sup> სრულიად არ არის დამაჯერებელი, რათქმუნდა, ის მოსაზრებები, რომ-  
ლებიც ლიტერატურაში არის წარმოდგენილი „ქართლის მოქცევის“ ამ შეცთო-  
მის გასამართლებლად.

<sup>3</sup> СМОНПК, вып. 28, отд. I, стр. 5, прим. 1.

<sup>4</sup> მარიამ., 12; შვეს., მარის გამ., 25.

<sup>5</sup> Опис. II, 709—710; ლეონტი მროველი, წინააღმდეგობისაგან თავის  
დასაღწევად, ამ ჰურიებს ახალმოსულებად სთვლის და წინათ მოსულთაგან გა-  
ნარჩევს, მარიამ., 31 და შვეს., 47. ყურადღება უნდა მიექცეს იმასაც, რომ ჩვენ  
მიერ ციტირებულ ტექსტში გვხვდება ფორმა „ჰონთა“, რომლის გამოყვანა ქა-  
რაგმიან „ჰურიათა“ ფორმისაგან კიდევ უფრო ძნელია.

ხელოვნური წარმონაქმია და ეტიმოლოგიზაციის მიზანს ემსახურება ცნობა ზანაგ-ხერკის დასახლების შესახებ ჰონთა მიერ, ან ვენახის გაშენებისა და რუს გამოღების შესახებ ალექსანდრეს მიერ ნასტაგისში. ამიტომ, რათქმაუნდა, სავსებით მართალია აკად. ივ. ჯავახიშვილი, როცა წერს: ... „მკვლევარი მოქცევაჲ ქართლისაჲს მატიანის ცნობებს დიდი სიფრთხილით უნდა მოეპყრას და მხოლოდ თითოეულ ცნობის ღირსება-ნაკლულევანებათა აწონ-დაწონის შემდგომ ისარგებლოს“<sup>1</sup>. ასაწონ-დასაწონი ქრონიკაში მაინც რჩება. პატივცემული ავტორი. შემდეგ განაგრძობს: ... „მაკრი კრიტიკული განხილვის შემდგომაც ამ მატიანეში აღმოჩნდა და შემდეგშიც აღმოჩნდება ზოგიერთი ძვირფასი საისტორიო ცნობები, როგორც, მაგ., ქართველთა სამხრეთით მოსვლა და გადმოსახლება ამიერ-კავკასიაში“ და სხვები<sup>2</sup>. ჩვენი მხრით დავუმატებთ, რომ, დასაწყისს ნაწილში, ქრონიკის ცნობათაგან ყურადღების ღირსია და სპეციალურ შესწავლას მოითხოვს, კერძოდ, ცნობები ქართლის უძველესი ქალაქებისა და აზოს სამფლობელოს საზღვრების შესახებ ამიერ-კავკასიაში. მაგრამ მაინც განსაკუთრებით საინტერესოა, რათქმაუნდა, თხრობა აზოს გადმოსახლების შესახებ.

თხრობა აზოს შესახებ ხელოვნურ ისტორიულ გარემოსა და ჩარჩოშია ჩასმული, როგორც ზემოთ იყო ნათქვამი. ეს გარემოება, ცხადია, ამცირებს თხრობის ისტორიულ მნიშვნელობას. მაგრამ, ამასთან ერთად, თხრობა შეიცავს ისეთი გარდმოცემის ელემენტებს, რომელნიც პირველი გაცნობისთანავე განათლებულ მკითხველში გარკვეულ ნდობის გრძობას იწვევენ. მათი ჩაღრმავებული ანალიზი კიდევ აქ ძველი ტრადიციის ნაკვალევს აღმოაჩენს.

გარდა თქმულებაში დაცული მოგონებისა ქართველთა მოძრაობის შესახებ ამიერ-კავკასიისაკენ სამხრეთიდან, რასაც სამართლიანად მიაქცია ყურადღება აკად. ივ. ჯავახიშვილმა, როგორც ვნახეთ, ჩვენს ინტერესს იზიდავს თხრობაში დაცული საკუთარი სახელებიც.

დავიწყოთ სიტყვა „არიან“-იდან. რა რეალურ მნიშვნელობას ატარებს იგი?

ზემოთ ნაჩვენები იყო, რომ ყველა მკვლევარი „არიან“-ს (ანუ „არან“-ს, როგორც შეცთომით კითხულობდნენ დღემდე).

<sup>1</sup> ძვ. ქართ. მწ., 90.

<sup>2</sup> იქვე, 90—91.

აზოს მაგის სახელად სთვლიდა. ამასთანავე უმრავლესობა ფიქრობდა, რომ ეს „არიან“-ი ქართველების პირველი მეფე უნდა ყოფილიყო, თუმცა არ ჩანს რატომ. ქრონიკა ხომ მხოლოდ იმას ამტკიცებს, რომ აზო იყო პირველი მეფე მცხეთაშიო. არსაიდან არ ჩანს, რომ აზოს მამა იწყებდნენ დინასტიას.

მაგრამ დაეუბრუნდეთ სახელის მნიშვნელობის საკითხს. მხოლოდ აკადემიკოსმა ივ. ჯავახიშვილმა გამოსთქვა ეპიქე „არან“-ის ასეთი გაგების გამო, როგორც ზემოთ იყო ნაჩვენები: „მემატიანის სიტყვები ოდნავ ბუნდოვანია და მკაფიოდ არა ჩანს, „არან“ მეფისა თუ ქვეყნის სახელი იყო“-ო. მართლაც, არ შეიძლება ითქვას, რომ ქრონიკის ცნობები ამ მხრივ მთლად ნათელი იყოს. არიანის დასახელების პირველსა და მესამე შემთხვევაში შესაძლებელია ეს სახელი პირის სახელად იყოს მიჩნეული და აზოს მამისადმი მიკუთვნილი:

... აზოჲ, ძჲ არიან ქართლისა მეფისაჲ...

... აზოჲ, ძჲ არიან ქართველთა მეფისაჲ...

ასეთი შეთანხმება (პირის სახელი, ანალოგიურ სინტაქსურ კონტექსტში, უბრუნვისფორმოდ) ძველი ქართულისათვის ჩვეულებრივია. აი მაგალითებიც.

აბო ტფილელის „წამების“ სათაურის ქვეშ წარწერილია, რომ ეს ნაწარმოები არის

„გამოთქმული იოვანე ძისა საბანისი, ბრძანებითა ქრისტეს მიერ სამოელ ქართლისა კათალიკოზისაჲთა“<sup>1</sup>.

გიორგი მერჩულის სიტყვით, გრიგოლ ხანძთელის ცხორება დაიწერა

„ქართველთა ზედა მთავრობასა აშოტ კურაპალატისასა, ძისა ადარნერსე ქართველთა მეფისასა, აფხაზთა ზედა მეფობასა გიორგისსა, ძისა კოსტანტი მეფისასა“ და ა. შ.<sup>2</sup>.

წვიმოეთის ეკლესიის წარწერაში ნათქვამია:

... „სალოცველად, ადიდენ ღწ, ძლიერის ბაგრატი აფხაზთა და ქართველთა მეფისა და კურაპალატისა“<sup>3</sup>...

<sup>1</sup> წმ. მოწამე აბო ტფილელი, გამოც. საეკლ. მუზეუმისა, ტფ. 1899 წ., გვ. 3.

<sup>2</sup> Г. М е р ч у л, Жизнь св. Григория Хандзтийского, აკად. ნ. მარის ჟამ., ს.-პ. 1911, გვ. 3.

<sup>3</sup> ქრონიკები, I, 143.

სუმბატ დაეითისძის მატინით,

„გარდაიცვალა ესე გურგენ მეფეთ-მეფე, ძე ბაგრატ ქართველთა მეფისა“<sup>1</sup>...

ამრიგად, როგორც ვთქვით, ზემოთმოტანილ ორ შემთხვევაში არაფერი გვიშლის ხელს „არიან“ ვაგიგოთ, როგორც პირის სახელი. მაგრამ თვით ძეგლის თვალსაზრისით ასეთი გაგება არ იქნებოდა სწორი. ამას მოწმობს მოცემული სიტყვის ხმარების მეორე შემთხვევა:

„ხოლო ესე აზოჲ წარვიდა არიან ქართლად, მამისა თვისისა“.

აქ უკვე შეუძლებელია „არიან“ პირისსახელად იყოს მიჩნეული. ასეთი შეთანხმება ძველმა ქართულმა, და მით უმეტეს ახალმა, რათქმაუნდა, არ იცის. არც არავითარი საფუძველი ჩანს იმისათვის, რომ აქ გადაწერის რაიმე შეცთომა ვიგულისხმოთ. დაუჯერებელია, რომ მოცემული საკითხავი მომდინარეობდეს, ვთქვათ, შემდეგისაგან: „ხოლო ესე აზოჲ წარვიდა არიან ქართლისა მეფისა, მამისა თვისისა“. ყოველ შემთხვევაში, ასეთი შესწორებისათვის ჩვენ არავითარი ობიექტური საბუთი არ გავგაჩნია. შეიძლებოდა სიტყვების გადასმაც გვეგულისხმებინა შემდეგი სახით:

„ხოლო ესე აზოჲ წარვიდა ქართლად, არიან მამისა თვისისა“,

მაგრამ ცხადია, რომ, ქრონიკის ავტორის თვალსაზრისით, ასეთი თვითნებური შესწორებაც გამოუსადეგარია — მკითხველისათვის ხომ გაუგებარი რჩება, რომელ ქართლზეა აქ საუბარი. მკითხველი მხოლოდ ისტორიულ ქართლს, კავკასიის ქართლს, იცნობს. ქრონიკის ავტორის აშკარა განზრახვა-კი ისაა, რომ მკითხველი დაარწმუნოს, ამ ისტორიულ ქართლს გარდა არსებობდა კიდევ სადღაც სხვაგან მეორე ქართლი, საიდანაც ჩვენი წინაპრები ახალ სამშობლოში გადმოსახლდნენ ალექსანდრე მაკედონელის დროსო. ამ ორი ქართლის გასარჩევად მას რაღაც მსაზღვრელები სჭირია, ვთქვათ ისეთივე, როგორსაც ისტორიულ ხანაში ხმარობდნენ ქართლის სხვადასხვა ნაწილების აღსანიშნავად, მაგ., „ზემო“ და „ქვემო“ (ზემო ქართლი, ქვემო ქართლი). ამგვარი მსაზღვრელის როლში გამოდის, ჩანს, სიტყვა „არიან“, რომელიც, ავტორის სიტყვახმარებაში, მხოლოდ „ძველ“ ქართლს განეკუთვნება და ამით ამ უკანასკნელს ადვილად განასხვავებს „ახალი“ ქართლისაგან. ასეთი გაგებისას, სამივე ფრაზა, რომლებშიაც არიანია მოხსენებული, სავსებით ბუნებრივი აგებულებისა (ძველი ქართლის წყობის თვალსაზრისით) გამოვა:

<sup>1</sup> ქ. ცხ., მარიაშ, 352.

... აზო, ძმ არიან ქართლისა მეფისაჲ...

== აზო, არიან ქართლის მეფის ძე.

... ესე აზოჲ წარვიდა არიან ქართლად, მამისა თვისისა...

== ეს აზო წავიდა არიან ქართლში, თავის მამასთან...

... აზოჲ, ძმ არიან ქართველთა მეფისაჲ...

== აზო, არიან ქართველების მეფის ძე.

როგორც უკანასკნელი ფრაზიდან ჩანს, მსაზღვრელი „არიან“ მიეკუთვნება როგორც ქვეყანას, ისე მის მცხოვრებთაც. ამ საკითხის, ისე როგორც სიტყვის მორფოლოგიის შესახებ, ჩვენ საუბარი გვექნება ქვემოთ, ეხლა-კი საჭიროდ მიგვაჩნია დამატებითი მასალა მოვიტანოთ სიტყვის სემანტიკის ზემოთმოცემული განმარტებისათვის.

ამ განმარტებას უცილობლად მხარს უჭერს ნინოს ცხოვრების შატბერდული ნუსხა, რომლის მიხედვითაც ნინო ამბობს: არმაზის კერპის „მარჯულ... დგა კერპი ოქროსაჲ, და სახელი მისი — გაცი; და მარცხლ მისა — კერპი ვეცხლისაჲ, და სახელი მისი — გა, რნი იგი ღოდ ჰქონდეს მამათა თქნთა არიან ქართლით“<sup>1</sup>. აქ, რათქმაუნდა, სავსებით ცხადია, რომ „არიან“ სწორედ ქვეყნის სახელს მიემართება: ავტორი ლაპარაკობს იმ გაცისა და გას კერპების შესახებ, რომელნიც (გაცი და გა) ღმერთებად მიჩნეული ჰქონიათ ქართველების წინაპრებს არიან ქართლიდან. სხვანაირი გაგება აქ გამორიცხულია და ამდენადვე უნდა დავასკვნათ, რომ უკვე მეთე საუკუნეში, თუ ამაზე ადრე არა, ქრონიკის „არიანი“ (ნინოს ცხოვრების ავტორი ხომ, ეკუს გარეშეა, ქრონიკას ემყარება და მას იმეორებს ამ შემთხვევაში) მეფის სახელად-კი არ მიაჩნდათ, არამედ ძველი ქართლის სპეციფიკურ მსაზღვრელ სახელისდებად.

ასეთივე გაგება ქრონიკის ცნობისა, იქნებ უფრო მკაფიო სახითაც, დაცული აქვს ნინოს ცხოვრების იმ ახალ რედაქციას, რომელიც, როგორც ვნახეთ, მისმა გამომცემელმა არსენი კათალიკოსს მიაწერა. ეს ავტორიც „ქართლის მოქცევის“ ქრონიკის თხრობას იმეორებს, მაგრამ გარკვეული გადამუშავებით კერძოდ ისეთ ადგილებში, სადაც შესაძლებელი და, ჩანს, მიუცილებელი იყო უკვე

<sup>1</sup> Опис. II, 752; კელიშორში ჩვენ ამავე ცნობას ვგულისხმობთ, იხ. აქვე, გვ. 644, შენ. 3, მაგრამ იგი იმდენად დამახინჯებულია გადამწერთაგან, რომ ამჟამად ჩვენთვის გამოუსადეგარი ხდება.



ჟეოდალური წრის ტენდენციებს ეჩინა თავი<sup>1</sup>. ავტორის განცხადებით, მისი მიზანი იყო გამოერკვია ქართველების და მათი მეფეების ტომობრივი შთამომავლობა: „უწყებაჲ ჯერ არს ამისიცა, საყუარელნო, ვითარმედ ესე მეფე მირიან ანუ სხუანი მეფენი ქართველნი, რომლისა ტომისაგან იყვნეს, ანუ ქართველნი რომელთა ნათესავთა შვილნი ვართ“<sup>2</sup>. შემდეგ ავტორი მოუთხრობს, —ქრონიკის მიხედვით, მაგრამ გარკვეული ცვლილებებით, —ალექსანდრეს ლაშქრობას. აქსაყურადღებოა, რომ ავტორი ლაპარაკობს „საზღვართა ქართლისათა“, „ქართლისა“ და „ქუწყანა ქართლისა“—ს შესახებ ისტორიულ ქართლის აღსანიშნავად. ამ ისტორიულ ქართლში შემოსვლისას ალექსანდრეს „ჰყვა თანა აზოვე (ასეა საქ. მუზეუმის ხელნაწერთა განყოფილების საეკლ. მუზ. ფონდისეულ № 518 ხელნაწერში; ნაბეჭდ გამოცემაში კია — „აზოვე“), ძე არიან ქართველთა მეფისა“, ალექსანდრემ მას „მისცა ქუწყანა ესე ჩუშნი სამეუფოდ და სამკვდრებელად“. შემდეგ დასახელებულია აზოს სამფლობელოს საზღვრები ქრონიკის თანახმად და ნათქვამია: „ხოლო ესე აზოვე წარვიდა არიან ქართლად მამისა თვისისა“... ეს ადგილი სხვათა შორის ამტკიცებს, რომ მოცემულ ფრაზის წყობა ერთნაირი ყოფილა როგორც შატბერდულ ნუსხაში, ისე იმ ხელნაწერშიაც, რომელიც გამოყენებული აქვს არსენის (ჩვენც ასე ვუწოდოთ მას ჯერ-ჯერობით პირობითად), თუ არსენის სწორედ შატბერდული კრებული არ ჰქონდა ხელთა, რაც, რათქმუნდა, არც აუცილებელია და არც თავისთავად ცხადი. შემდეგ ავტორი ამბობს: „ესე აზოვე<sup>3</sup> არს პირველი მეფე ქართველთაჲ“ და მისი შთამომავალი იყო პირველი ქრისტიანი მეფე მირიანიო. შემდეგ ავტორი დაასკვნის, იძლევა რა პასუხს აგრეთვე ქართული ენის წარმოშობის საკითხზედაც: „ჩუშნ ქართველნი შვილნი ვართ მათ არიან ქართლით გამოსრულთანი და ენა მათი უწყით და ყოველნი მეფენი ქართლისანი ამათ მეფეთა შვილის-შვილნი არიან“<sup>4</sup>. „არიან ქართლით გამოსრულნი“

<sup>1</sup> ს. ჯანაშია, საქართველოს ისტორია: გვაროვნული წყობილება ქართველ ტომებში (განაკვეთი I), ტფ. 1932, გვ. 24—26.

<sup>2</sup> ცხოვრება წმ. ნინოსი, დასახ. გამოც., 46.

<sup>3</sup> საგულისხმოა მანუსკრიპტული ტრადიციის განვითარების ეს მაგალითი: ნაწილაკი „-ვე“ ავტორის შეგნებაში სახელის ფუძეს შეჰხორცებია. ამ ფაქტის გამოც საფიქრებელია, რომ ავტორს ხელთ შატბერდული კრებული კი არ ჰქონდა, არამედ სხვა ხელნაწერი, რომელშიაც აზოს სახელს თან ეს ნაწილაკი ჰქონდა დართული (შატბერდულ ნუსხაში ასეთ შემთხვევას არ ვხვდებით).

<sup>4</sup> დასახ. გამოცემა, 46—47.

„არიან ქართლიდან გამოსულებს“ აღნიშნავს, ამ არიან-ქართლიდან წამოსული ხალხის შთამომავალნი ვართ ჩვენ ქართველებიო, ამტკიცებს ავტორი.

ეს მოწმობაც საკმაოდ ადრინდელ ხანას ეკუთვნის. ძეგლის პირველ გამოცემელს მის ავტორად, სრულიად დაუსაბუთებლად, როგორც ვნახეთ, X საუკუნის არსენ კათალიკოზი ჰყავს მიჩნეული<sup>1</sup>.

ჩვენთვის ამჟამად საკმარისია იმის დადგენაც, რომ ძეგლი მე-12 საუკუნეზე გვიანდელი წარმოშობისა არ უნდა იყოს<sup>2</sup>. ამ ძეგლის შემდგენელიც „ქართლის მოქცევის“ ტექსტს კითხულობდა ისე, როგორც ეს ჩვენ მიერ არის აღდგენილი.

ამრიგად, უეჭველია, რომ გარდმოცემის „არიან“ რაღაც მსაზღვრელია, რომელიც ქვეყნისა და მისი მცხოვრებლების სახელს მიემართება. ამ შემთხვევაში ყურადღებას იქცევს სიტყვის ფორმა — იგი უცვლელი ფუძის სახითაა წარმოდგენილი. ანტიომ, ტექსტის სინტაქსური წყობით, „არიან“ მის მომდევნო სიტყვასთან ერთად კომპოზიტს შეადგენს, რომელიც ჩვენი ორთოგრაფიის თანახმად, დეფიზით უნდა იწერებოდეს („არიან-ქართლის“...). ასეთი კომპონენტის ფუნქცია შესაძლოა დაეკისროს როგორც ზედსართავ, ისე არსებით სახელს. პირველი შემთხვევის ანალოგია გვექნებოდა ჩვენი ქრონიკისავე ცნობაში აზოს შესახებ, რომ იგი „დაჯდა ძუელ მცხეთას“.

„ძუელ მცხეთას“ რომ კომპოზიტი არ იყოს, მაშინ უნდა გვქონოდა: „დაჯდა ძუელსა მცხეთასა“ (ისევე, როგორც ქრონიკაშივე გვაქვს: „იქმოდეს ზემოსა ეკლესიასა“, Опис. II, 719; „შეიქმნა საფლავი ქუემოსა ეკლესიასა“, იქვე, „დაეფლა ქუემოსა ეკლესიასა“, იქვე, 720).

გეოგრაფიულ-ეთნიკური არსებით-სახელიანი კომპოზიტის მაგალითი უნდა გვქონდეს ქრონიკაშივე, იქ სადაც მოთხრობილია ნინოს ქადაგების შესახებ თიანეთში და ნათქვამია, რომ ნინო

„გარდავიდა ერწუდ და დადგა ჟალეთს, დაბასა ედემს, და ნათელ-სკა ერწუ-თიანელთა“ (იქვე, 716—717). ნინო მიდის ერწუს ოლქში და ისადგურებს აქ ჟალეთის თემის დაბა ედემში, საი-

<sup>1</sup> შდრ. ივ. ჯ ა ნ ა შ ი შ ვ ი ლ ი, ძვ. ქართ. საისტ. ნურლობა, I გამ., 37, II გამ., 83—84.

<sup>2</sup> თ. ქ ო რ დ ა ნ ი ა, ხელნაწერს პალეოგრაფიულ ნიშნებით მე-12 ს-ს მიაკუთვნებს, Опис. I, 224, II, 177, პროფ. კ. კ ე კ ე ლ ი ძ ე — მე-13 ს-ს, ძვ. ქართ. ლიტ. ისტ., I, 154, მ. ჯ ა ნ ა შ ვ ი ლ ი-კ ი ხელნაწერებს № 832 და № 833 ს თგლის მე-13—მე-14 ს-ისად, Опис. III, 24, 28.

დანაც ავრცელებს ქრისტიანობას. ნინოს ამ საქმიანობის შედეგად, ქრონიკის მტკიცებით, ინათლება მთელი ოლქის, ერწუს, მოსახლეობა, ე. ი. ერწუელები. მაგრამ ამ მხარეს მეორე სახელიც ჰქონია — „თიანეთი“, რომელიც, საფიქრებელია, „მთიანეთისაგან“ მომდინარეობს. არსაიდან არ ჩანს, რომ ერწუ და თიანეთი ავტორისათვის სხვადასხვა ერთეულები იყოს: ამ შემთხვევაში ავტორი იმავე ჩამოთვლის წესს გაჰყვებოდა, როგორც მას ზემოთაც აქვს გამოყენებული: ნინოო, ამბობს იგი, „წარვიდა და დადგა წობენს და მოუწოდა მთეულთა: ქართალელთა და ფხოელთა და წილკანელთა“, — და იტყოდა: „ნათელ სცა ერწუელთა და თიანელთა“-ო. თუ ავტორი ასე არ იქცევა, ეს იმას მოასწავებს, რომ მის სიტყვახმარებაში „ერწუ“-ს გვერდით არსებობდა კომპოზიტური ფორმა „ერწუ-თიანეთი“-ც (როგორც დღეს — „ერწო-თიანეთი“, თუმცა დღეს ამ კომპოზიტს უკვე განსხვავებული მნიშვნელობა აქვს), და აქედან ნაწარმოები „ერწუ-თიანელნი“. მორფოლოგიური განსხვავება (შეთანხმების თავისებურებას ჩვენთვის ამჟამად დიდი მნიშვნელობა არა აქვს) მოცემული კომპოზიტებისა — „არიან-ქართლი“ და „ერწუ-თიანეთი“, „არიან-ქართველნი“ და „ერწუ-თიანელნი“ — ისაა, რომ უცვლელი კომპონენტის ფუძე ერთ შემთხვევაში თანხმონიანი („არიან“-), მეორეში-კი — ხმონიანი („ერწუ“-). როგორც სინტაქსურად, ისე მორფოლოგიურად „არიან-ქართლთან“ უფრო ახლოს იქნება ძველ-ქართულშივე ცნობილი ისეთი ტოპონიმიკური კომპოზიტი, როგორცაა, მაგ., „მადრან-დვალეთი“<sup>1</sup>, რომელიც ამ კუთხეს განასხვავებს საკუთრივ „დვალეთი“-საგან.

ამრიგად, წარმოება „არიან-ქართლი“ და „არიან-ქართველნი“ სავესებით ეთანხმება ძველი ქართულის ნორმებს. დაგვრჩენია საკითხი ამ სახელწოდებათა რეალური მნიშვნელობის შესახებ. სად გულისხმობს ქრონიკა ამ ისტორიული ქართლისაგან განსხვავებულს არიან-ქართლს?

ქრიანიკის თხრობაში დაცულია მოგონება აღმოსავლეთ საქართველოს ქართველ ტომთა მოძრაობის შესახებ სამხრეთიდან ჩრდილოეთისაკენ, თავის ისტორიულ სამკვიდრებელისაკენ, როგორც ეს აკად. ივ. ჯავახიშვილს აქვს აღნიშნული და, გარდა ამისა, მოგონებაც ამ მოძრაობის თვით ამოსავალი (რამდენადაც ეს

<sup>1</sup> იხ., მაგ., „ძველი ერისთავთა“, ქრნკ., II, 18; შდრ. აგრეთვე იქვე „დვალეთი“, „დვალნი“, „ქვემო-დვალნი“, „ზე-დვალნი“, 2, 6, 13—18.

ტრადიციას ახსოვდა) პუნქტის შესახებაც. ქართული გარდმოცემის სარწმუნოება ჩვენთვის უფრო მისაღები იქნება, თუ მის განხილვას წინ წარვუმიძღვანებთ მსოფლიო ისტორიის იმ ცნობებს, რომელთაც კავშირი აქვთ ჩვენს საგანთან. ჩვენ ვფიქრობთ, რომ ამ ცნობების ანალიზი საშუალებას გვაძლევს საკმაოდ კონკრეტულად წარმოვიდგინოთ ქართვების გადასვლის პროცესი ამ უძველესი, ასე ვთქვათ, „წინა-აზიური“ ყოფიდან მათი განვითარების ახალს, სავსებით ისტორიულს, „კავკასიურ“, პერიოდში.

ქართლი და მისი მცხოვრებნი მსოფლიო ისტორიაში „იბერიისა“ და „იბერების“ სახელწოდებით არიან ცნობილნი. უძველესი, ექვმიუტანელი ცნობა იბერთა შესახებ ბერძნულ მწერლობაში ეკუთვნის მეორე საუკუნის (ძველი წელთაღრიცხვით) მწერალს აპოლოდორს. ამ ცნობით, რომელიც შენახული აქვს სტრაბონს (წ. I, თ. 3, § 21), „დასავლელი იბერები (აქ იგულისხმება პირენეს ანუ იბერიის ნახევარკუნძულის უძველესი მოსახლეობა, რომლის შთამომავალნი არიან ბასკები, ს. ჯ.) გადმოსახლდნენ პონტოსა და კოლხეთს ზემოთ მდებარე ადგილებში, რომელთაც, აპოლოდორის სიტყვით, არმენიისაგან მდ. არაქსი ჰყოფს“. აქედან ცხადი ხდება, რომ ჯერ კიდევ მეორე საუკუნეში ჩვენს წელთაღრიცხვამდე იბერ-ქართვების ტერიტორია გაცილებით უფრო შორს იყო სამხრეთისაკენ გადაჭიმული (მდ. არაქსამდე!), ვიდრე პირველ საუკუნეში, ძვ. წ.

აპოლოდორზე ადრე, IV საუკუნისათვის, იბერებს თითქოს იხსენიებენ პლატონი და არისტოტელე, პირველი — იმ „მეომარ ხალხთა“ შორის, რომელნიც სვამენ უწყლო ღვინოს, მეორე-კი ამბობს, რომ „იბერების მეომარი ხალხი საფლავის გარშემო იმდენ სარს არკობს ხოლმე, რამდენიც მტერი ჰყავს მოკლული მიცვალებულს“-ო<sup>1</sup>. აკადემიკოსი ვ. ლატიშევი ფიქრობდა, რომ აქ სწორედ კავკასიელი იბერები, ე. ი. ქართვები, იგულისხმებიან. ყოველ შემთხვევაში, აქ იბერთა ტერიტორია სრულიად განუსაზღვრელი რჩება. ცნობების მნიშვნელობა ისაა, რომ, გარდა სატომო სახელის უძველესი ხსენებისა მერმინდელი ისტორიული ფორმით, ისინი შეიცავენ გარკვეულს ეთნოგრაფიულ ჩვენებებს.

ეხლა თუ ჩვენ წინამორბედ საუკუნეში გადავალთ, ჩვენს ყურადღებას ერთბაშად მიიქცევს ის გარემოება, რომ „ისტორიის

<sup>1</sup> ჯანაშია, თებალ-თაბალი, ტიბარენი, იბერი: „ენიმიკი-ს მოამბე“ ტ. I, 221.

მამა“ ჰეროდოტე იბერებს ამიერ-კავკასიაში არ იხსენიებს. ჰეროდოტეს კი კავკასიის შესახებ კარგი ცნობები ჰქონდა — კოლხეთი მას საკმაოდ დაწვრილებით აქვს აღწერილი, იცნობდა იგი კასპიის ზღვის მხარესა და კავკასიის მთიანეთს და სააწმუნო ცნობები ჰქონდა მას კავკასიის საერთო პოლიტიკურ ვითარების შესახებ, აქემენიდების სახელმწიფოსთან ურთიერთობის თვალსაზრისით. მოასწავებს თუ არა ეს იმას, რომ აღმოსავლეთის ქართველმა ტომებმა ადგილი ვერ ჰპოვეს ჰეროდოტეს ისტორიაში? ჩვენ ვფიქრობთ, რომ არა, ჩვენ გვგონია, რომ მერმინდელი იბერ-ქართველი ჰეროდოტეს მოთხრობაში „სასპეარების“ სახელით გვევლინებოდა.

„სასპეარებს“ ჰეროდოტე იხსენიებს თავისი თხზულების სხვადასხვა ადგილას და სხვადასხვა კონტექსტში და ამით საშუალებას გვაძლევს გაეარკვიოთ მათი ტერიტორიულ-ეთნიკური ადგილი სხვა ხალხთა შორის. ასე, მაგალითად, ჰეროდოტე ამბობს: „სპარსები ცხოვრობენ ვიდრე სამხრეთის ზღვამდე, რომელიც წითლად იწოდება; მათ ზემოთ ჩრდილოეთისაკენ ცხოვრობენ მიდიელები; მიდიელების ზემოთ სასპეარები, სასპეარების ზემოთ — კოლხები ვიდრე ჩრდილოეთის ზღვამდე, რომელსაც ერთვის მდინარე ფაზისი. ეს ოთხი ხალხი ცხოვრობს ზღვიდან ზღვამდე“ (IV, 37). აქ ძალიან კარგად არის განსაზღვრული დასახელებული ხალხების ტერიტორია — ჩრდილოეთის ზღვა და ფაზისი, რათქმუნდა, შავი ზღვა და რიონია (უკიდურეს შემთხვევაში — ქოროხი). კოლხეთს მაშინ უქირავს, ეს ჩვენ ვიცით სხვა წყაროებიდანაც, შავი ზღვის მთელი აღმოსავლეთი სანაპირო, კერძოდ — დას. საქართველო. მის სახმრეთით „წითელ“ ზღვამდე (ე. ი. სპარსეთის ყურემდე) ჰეროდოტე მხოლოდ სამ დიდ ხალხს უჩვენებს. მათგან მიდებისა და სპარსების ტერიტორია აგრეთვე კარგად არის ცნობილი. და ამ ცნობილს ტერიტორიულ ერთეულებს შორის ნათლად ირკვევა სასპეარების მიწა-წყალიც.

ჰეროდოტეს სხვა ცნობებიც ამავე ხასიათისაა. ერთ ადგილას, უფრო მცთარი გეოგრაფიული წარმოდგენების საფუძველზე, ჰეროდოტე არსებითად იმავე სურათს იძლევა: „სპარსების, მიდების, სასპეარებისა და კოლხების ზემოთ აღმოსავლეთისაკენ ერთი მხრით გადაჭიმულია წითელი ზღვა, ხოლო ჩრდილოეთისაკენ არის კასპიის ზღვა და მდინარე არაქსი, რომელიც აღმოსავლეთისაკენ დის“ (IV, 40). ამრიგად, აქაც, ცხადია, რომ უერცვლესს, შავი ზღვიდან წითელ ზღვამდე (სპარსეთის ყურე) გადაჭიმულს, მიწა-

წყალზე, რომელიც შეიცავდა წინა აზიის უდიდეს ნაწილს, ჰეროდოტე მხოლოდ ოთხ ხალხს ასახელებს — თუ ჩრდილოეთიდან სამხრეთისაკენ ჩამოვყვებით — კოლხებს, სასპეარებს, მიდებსა და სპარსებს. ეს ღირსშესანიშნავი დასკვნაა. მისი მნიშვნელობა ჩვენთვის კიდევ უფრო ნათელი გახდება, თუ გავარკვევთ სახელწოდება „სასპეარ“-ის რეალურ შინაარსს. სათანადო მასალას თვით ჰეროდოტე გვაწვდის. აქემენიდების სახელმწიფო სატრაპიების აღნუსხვისას, ჰეროდოტე მიუთითებს, რომ მე-18 ოლქს შეადგენდნენ „მატიენები, სასპეარები და ალაროდიები, რომელთაც დაკისრებული ჰქონდათ 200 ქანქარი“ (III, 94). საყოველთაოდ არის აღიარებული, რომ ბერძნული „ალაროდი“ იმავე „ურარტუს“ უდრის, „მატიენ“-ის შესახებ ასევე სარწმუნო უნდა იყოს, რომ აქ ძველი „მიტან“-ის გამოძახილი გვაქვს. უკვე ეს მეზობლობა ბევრს რასმე არკვევს „სასპეარების“ საკითხისათვის. რომ იგი (მეზობლობა) შემთხვევითი არ არის, ეს დადასტურებულია ჰეროდოტეს სხვა ცნობაშიაც. აქ ნათქვამია, რომ „ალაროდიები და სასპეარები მიდიოდნენ შეიარაღებულნი კოლხების მსგავსად. მათ სარდლობდა მასისტე, სირომეტრის ძე“-ო (VII, 79). ამრიგად, ალაროდიები და სასპეარები ერთ რაზმს შეადგენდნენ და კოლხებთან ერთად მათ ერთი ტიპის შეიარაღება ჰქონდათ. აქ უკვე მატიენები დასახელებული არ არიან. ეს იმიტომ, რომ ჰეროდოტეს მატიენები ქსერქსის ლაშქარში უფრო ადრე ჰყავს მოხსენებული. იგი ამბობს: „ლიგუებს, მატიენებს, მარიანდუნებსა და სირიელებს ისეთივე შეიარაღება ჰქონდათ, როგორც პაფლაგონიელებს... პაფლაგონიელებსა და მატიენებს მთავრობდა მეგასიდრეს ძე დოტე“-ო (VII, 72).

აქემენიდთა სახელმწიფოს ეს ადმინისტრაციული ოლქები მეტნაკლებად შეესატყვისებოდნენ ძველ სახელმწიფოებს, რომლებიც დაიპყრეს სპარსელებმა. ეს სახელმწიფოები ხშირად, ჯერ კიდევ სპარსულ დაპყრობამდე, მრავალტომიანი წარმონაქმები იყო. ჰეროდოტე გადმოგვცემს უაღრესად საყურადღებო ცნობას ამგვარი სატრაპიების შედგენის წესის შესახებ: დარიოსმა, ამბობს ჰეროდოტე, დააარსა სპარსეთში 20 ადმინისტრაციული ოლქი. „დანიშნა შემდეგ ოლქების უფროსები და დააწესა გადასახადები მთავარ ეროვნებათა მიხედვით. ამასთანავე ოთვითეულ ეროვნებას მიაწერეს მომიჯნავე მეზობლები, ხოლო უფრო შორეული მოსახლეობა განაწილებულ იქნა მთავარ ეროვნებათა შორის“-ო (III, 89). ამ ცნობის აზრი სწორედ ის არის, რომ სატრაპიები უმეტესილად მრავალტომიანი ოლქები იყო, ერთი რომელიმე მთავარი ხალხით.

ეროვნებით. სატრაპიაში შემავალი დანარჩენი ტომები ამ მთავარი ეროვნების მეზობლები იყვნენ. ვინ წარმოადგენდა ჩვენს მე-18 ოლქში ამგვარს მთავარს, გაბატონებულ ეროვნებას? აშკარაა — სასპეარები. ამიტომაა სწორედ, რომ ჰეროდოტე წინა აზიის ოთხ უდიდეს ხალხს შორის მხოლოდ სასპეარებს ასახელებს, კოლხების, მიდეებისა და სპარსების შემდეგ, და არა მათიენებს ან ალაროდებს. ეს ორი უკანასკნელი ტომი პოლიტიკურად ცხადად ჩამოქვეითებული ჩანს ჰეროდოტეს დროისათვის. ალაროდებს ჰეროდოტე მხოლოდ ორჯერ იხსენიებს ჩვენ მიერ ზემოთციტირებულ ადგილებში. სავსებით ესევე უნდა ვთქვათ ჩვენ მათიენების, როგორც ტომის, შესახებ; მათ ჰეროდოტე უფრო ხშირად მიმართავს მხოლოდ გეოგრაფიულ განსაზღვრებათა საჭიროებისათვის. ეს ადგილები ჩვენთვის მეტად საყურადღებოა და საჭიროა მათი აქ განხილვა. წინასწარ საჭიროა შევნიშნოთ, რომ შეუძლებელია ჰეროდოტეს გეოგრაფიას თანამედროვე მეცნიერული სიზუსტე მოეთხოვოთ — მის ცნობებს, თავისთავად ცხადია, შედარებითი და მიახლოებითი მნიშვნელობა აქვთ.

თავის პირველ წიგნში ჰეროდოტე გადმოგვცემს: „სპარსების ბატონობამდე სირიელები მიდიელებს ემორჩილებოდნენ, ხოლო შემდეგ — კიროსს. მიდიისა და ლიდიის სამეფოებს შორის საზღვარს წარმოადგენდა მდინარე ჰალისი, რომელიც გამოდის არმენიის მთიდან და ჯერ გაივლის კილიკიელების ქვეყანას, ხოლო შემდეგ მარჯვნივ სტოვებს მათიენებს, მარცხნივ — ფრიგიელებს; გაივლის რა ამ ქვეყნებს, მდინარე უხვევს ჩრდილოეთისაკენ და გაივლის სირიელ კაბადუკიელებს შორის, მარჯვნივ, და პაფლაგონიელებს შორის — მარცხნივ“ (I, 72). ამ ცნობით მათიენები ცხოვრობენ მდ. ჰალისის აღმოსავლეთით და კილიკიელების ჩრდილოეთით. მათიენას დასავლეთით სამხრეთისაკენ ფრიგიაა, ხოლო ჩრდილოეთისაკენ — კაბადუკია და პაფლაგონია. კილიკია, ფრიგია, პაფლაგონია, მდ. ჰალისი ჩვენთვის კარგად ცნობილი ერთეულებია, რომელნიც საკმაოდ გარკვევით საზღვრავენ მათიენების ქვეყნის მდებარეობას. რომ არმენია, ჰალისის სათავეების დასახელებისას, ჰეროდოტესთვის მერმინდელი არმენია არ არის, ეს აშკარაა.

არმენია ჰეროდოტესთვის გაცილებით უფრო სამხრეთით მდებარეობს, რაც სრული სარწმუნოებით გამომდინარეობს „ისტორიის მამის“ შემდეგი ჩვენებიდან. ჰეროდოტე მოგვითხრობს, რომ შილეთის ტირანი არისტაგორა მივიდა სპარტაში, იქაურ მეფე კლეომენთან. არისტაგორას, კლეომენთან საუბრის დროს, ხელთ ეჭი-

რა თურმე სპილენძის რუკა, რომელზედაც „ამოქრილი იყო დედა-მიწის მთელი წრე, მთელი ზღვა და ყველა მდინარე“. არისტაგორას უნდოდა დაერწმუნებინა სპარტის მბრძანებელი, რომ საკიროა იონიელების განთავისუფლება ბარბაროსების ბატონობისაგან. სახელის გარდა ეს თქვენ უდიდეს სიმდიდრესაც შეგძენთო. ყველა სხვა ხალხს, ერთად აღებულს, არა აქვს იმდენი სიმდიდრე, რამდენიც ამ ხმელეთის (იგულისხმება მახლობელი აღმოსავლეთი) მცხოვრებლებსო: უწინარეს ყოვლისა — ოქრო, შემდეგ ვერცხლი, სპილენძი, კრელი სამოსი, საკიდარი საქონელი და მონებიო. ცხოვრობენ იქაური ხალხები ერთი მეორის გვერდით უშუალოდ: იონიელების მეზობლად — ლიდიელები, — აქ არისტაგორამ მიუთითა თავის რუკაზე, — ლიდიელებს აღმოსავლეთით ესაზღვრებიან ფრიგიელები, ფრიგიელებს ესაზღვრებიან კაბადუქიელები, რომელთაც ჩვენ სირიელებს ვუწოდებთ, ამათ მოსდგამენ კილიკიელები, რომელნიც აღწევენ ზღვას იმ ნაწილში, სადაც კვიპროსის კუნძულია; კილიკიელების მეზობლად ცხოვრობენ არმენიები, ხოლო არმენიებს მოსდგამენ მატეენები, რომელთაც აი ეს ქვეყანა უჭირავთ (აქ ალბათ იგულისხმება მითითება რუკაზე). მათ ესაზღვრება კისია, სადაც მდ. ხოასპზე არის სუსა, დიდი მეფისა და მისი საგანძურების ადგილსამყოფელიო (V, 49). მაგრამ არისტაგორას ცდა მარცხით დამთავრდა, კლეომენმა უარყოფა წინადადება სპარსელების წინააღმდეგ გალაშქრების შესახებ და ამიტომ არც არისტაგორას „მოუხერხდა ესაუბრნა უფრო დაწვრილებით გზის შესახებ სპარსეთის მეფისაკენ“-ო (V, 50—51). ამ საქმეს თვითონ ჰეროდოტე კისრულობს: ნამდვილად ეს გზა ამგვარია, — ამბობს იგი: მის მთელ სიგრძეზე მოწყობილია სამეფო სადგომები მშვენიერი საცხოვრებელი ბინებით, და გადის ეს გზა თავიდან ბოლომდე დასახლებულ და უშიშარ ქვეყანაზე. ლიდისა და ფრიგიის სივრცეზე,  $94\frac{1}{2}$  ფარასანგზე 20 ასეთი სადგომია. ფრიგიიდან გზა მიდის ჰალისამდე, სადაც არის კარი და მის მახლობლად ვრცელი სიმაგრე... შემდეგ მოსდევს კაბადუქია კილიკიის საზღვრამდე, რაც შეადგენს 104 ფარასანგს 28 სადგომით; ამ საზღვრებში ორი კარი უნდა გაიაროთ და ორ სიმაგრესაც ჩაუაროთ. კილიკიაში ამ გზაზე  $15\frac{1}{2}$  ფარასანგზე 3 სადგომია. კილიკიისა და არმენიის საზღვარს შეადგენს ეფტრათი, ხომალდებისათვის სანაოსნო. არმენიაში არის 15 სადგომი  $56\frac{1}{2}$  ფარასანგის სივრცეზე; აქვე არის სიმაგრე. არმენიიდან მატეინაში რომ გადავდივართ, აქ 137 ფარასანგის სივრცეზე ვპოულობთ 34 სადგომს. ამ ქვეყანაზე დის 4 ხომალდების სანაოსნო მდინარე, ყვე-



ლა მათი გადასვლაა საჭირო. ამ მდინარეებიდან პირველია ტიგროსი; მეორესა და მესამეს იგივე სახელი ჰქვიათ; მაგრამ ეს ერთიდაიგივე მდინარე არ არის, და არც ერთიდაიმავე ადგილიდან გამოდის ისინი, იმიტომ რომ ერთი მათგანი მოდის არმენიიდან, მეორე-კი — მათიენიდან. მეოთხე მდინარეს ჰქვიათ გუნდა... აქედან გადავდივართ კისიაში, სადაც  $42\frac{1}{2}$  ფარასანგის სიგრძეზე 11 სადგომი მოდის ვიდრე მდინარე ხოასპამდე, რომელიც აგრეთვე სანაოსნოა ხომალდებისათვის. ამ მდინარეზე მდებარეობს ქალაქი სუსა. ამრიგად, ყველა სადგომია 111 და ამდენივე ფუნდუკი (საცხოვრებელი ბინა) გზაზე სარდიდან სუსამდე (V, 52). შემდეგ ჰეროდოტე განმარტავს, რომ ფარასანგში ნაანგარიშეგია 30 სტადიონი (= 157,5 მეტრს), და თუ ერთი დღის გზაზე 150 სტადიონს დავსდებთ, მაშინ მთელი ამ გზის გაელას, სარდიდან სამეფო ციხე-დარბაზამდე, რომელსაც მემნონისეულს ეძახიან, დასჭირდება ზუსტად ოთხმოცდაათი დღე (V, 53).

აქაც ძნელი შესამჩნევი არ არის, რომ ჰეროდოტეს გეოგრაფიულ წარმოდგენებს სიზუსტე აკლია; ეს განსაკუთრებით ჩანს მდინარეთა სათავეების განსაზღვრაში, რაც, რათქმაუნდა, სრულებით გასაკვირველი არ არის. მიუხედავად ამისა ჩვენთვის საინტერესო საკითხის გასარკვევად აქ ახალი, საყურადღებო მასალაა მოცემული. აშკარაა, რომ მათიენას ჰეროდოტე ჩრდილოეთ მესოპოტამიაში გულისხმობს (მიაქციეთ ყურადღება სამი ტიგროსის ხსენებას). სხვაგან კიდეც ჰეროდოტე ამბობს, რომ მათიენის მთებიდან გამოდის მდ. გუნდა (I, 189, 202), რომელიც შემდეგშია ცხატაინების ქვეყანაზე დის (V, 52), და რომ მათიენებისავე ქვეყნიდან გამოდის მდინარე არაქსიცი (I, 202; აქაც, უეჭველია, მდინარეების სათავეების განსაზღვრისას ჰეროდოტეს შეცდომა მოსდის). ყველა ამ ჩვენების მიხედვით უნდა მივიღოთ, რომ მათიენას, ჰეროდოტეს გეოგრაფიულ წარმოდგენაში, უჭირავს მთელი ჩრდილოეთი მესოპოტამია, მერმინდელი დიდი სომხეთის სამხრეთი ნაწილი. და ანატოლიის აღმოსავლეთი ნაწილი. უკანასკნელი განსაზღვრებისათვის უნდა მოვიგონოთ ჰეროდოტეს ცნობა, რომ ქსერქსეს ლაშქარში მათიენები შეადგენდნენ ერთს სამხედრო ნაწილს პაფლაგონიელებთან ერთად (VII, 72). აღმოსავლეთით მათიენას საზღვარი შორავდა ქალაქ სუზას, რომლის მდებარეობაც ცნობილია, დაახლოებით 200 კილომეტრით ( $4725 \text{ მ} \times 42\frac{1}{2}$  ფარს.). ამის შემდეგ, თუ მოვიგონებთ ჰეროდოტეს ყველა ცნობას, რომელნიც ეხებოიან მათიენებს, სას-

პეგრებსა და ალაროდიებს ერთად, უნდა დავასკვნათ, რომ ორს უკანასკნელ ხალხს ეჭირა ადგილები უკვე მათიენების ქვეყნის ჩრდილოეთით; სასპეგრებს — დასავლეთისაკენ, ალაროდიებს, მათი ურარტუ — არარატთან უეკველი კავშირის გათვალისწინებით, აღმოსავლეთისაკენ. ამრიგად, სასპეგრ-ალაროდიებს ეჭირათ, სხვათა შორის, მერმინდელი სომხეთის ჩრდილოეთი ნაწილიც. სასპეგრების ადგილსამყოფელის დასაზუსტებლად უნდა კვლავ მოვიგონოთ ჩვენ მიერ თავის ადგილას ციტირებული ჩვენებანი ჰეროდოტესი (IV, 37, 40) აზიის (იგულისხმება წინა აზია მცირე აზიისა და არაბთა ნახევარკუნძულის გამოკლებით, IV, 38) მოსახლეობის შესახებ, რომლის მიხედვითაც სასპეგრები კოლხების უშუალო მეზობლები არიან. მაგრამ ამ საგნის შესახებ ჰეროდოტე სხვა ადგილასაც ლაპარაკობს. ერთგან ის გადმოგვცემს: „მეოტიდის ტბიდან (= აზოვის ზღვას) მდინარე ფასიდსა და კოლხების ქვეყნამდე არის 30 დღის გზა კარგი ქვეითისათვის, კოლხეთიდან მიდიამდე-კი გზა დიდი არ არის: ამ ქვეყნებს შორის მხოლოდ ერთი ხალხი ცხოვრობს — სასპეგრები; მათ ვასცდები თუ არა, უკვე მიდიაში ხარ“ (I, 104). ამ ცნობის მიხედვით, სასპეგრები უშუალოდ ემეზობლებიან დასავლეთისაკენ კოლხებს, ხოლო აღმოსავლეთისაკენ — მიდიელებს. ეს იმაზედაც მიუთითებს, რომ ალაროდიები ცხოვრობდნენ სასპეგრებს სამხრეთით, უფრო ზუსტად — სამხრეთ-აღმოსავლეთით. მაშასადამე, აღმოსავლეთისაკენ სასპეგრები ალაროდიებზე ჩრდილოეთითაც იყვნენ მოქცეულნი. რომ სასპეგრები მიდიელებთან უშუალო კონტაქტში იმყოფებოდნენ, ამას ჰეროდოტე ადასტურებს მეორე ადგილას, ასტიაგის შესახებ თქმულებაში: „...მწყემსი თავის ჯოგს აძოვებდა აკბატანიდან ჩრდილოეთისაკენ, ევქსინის პონტოს მიმართულებით. იქ, სასპეგრების ქვეყნის მხრივ, მიდია მეტად მთიანია, ამალღებული და ხშირი ტყით დაფარული; მიდიის დანარჩენი ნაწილი-კი სრულიად ვაკეა“ (I, 110). თუ ამ ცნობებს დაუვუკავშირებთ სამეცნიერო მწერლობაში შემჩნეულსა და საყოველთაოდ აღიარებულ ფაქტს, რომ სასპეგრების სახელმა თავი შემოინახა ძველი ქართული პროვინციის, — ბაგრატიონთა განთქმული გვარის სამშობლოსა და დომენის, — „სპერის“ სახელწოდებაში, რომელიც კარგად არის დადასტურებული ძველს ქართულსა და სომხურ წყაროებში, უფლება გვექნება დავასკვნათ, რომ მეექვსე-მეხუთე საუკუნეების ე იჯნაზე სასპეგრებს უჭირავთ ევფრატის სათავეები და არზრუმის მხარე, მიახლოებით — ერზინჯანამდე, ქოროხის აუზის ზემოთა ნაწილი, არაქსის აუზის მთელი ზემოთა და შუა ნაწილი და, საფიქ-

რებელია, რომ მერმინდელი იბერიის, საკუთრივ ქართლის, უმნიშვნელოვანესი ნაწილიც. იქნებ უკვე იმ დროს სასპეარების გავლენა კავკასიონამდე სწვდებოდა; ეს საგულისხმებელი ხდება ჰეროდოტეს რიგი ცნობების შედარებითი ანალიზის ნიადაგზე: კავკასიონამდე ყველა ხალხი აღიარებს სპარსელების ხელმწიფებას, ხოლო იმავე დროს კოლხების გვერდით და კოლხებსა და მიდიელებს შუა, ჰეროდოტეს მტკიცებით, მხოლოდ სასპეარები ცხოვრობენ; მაშასადამე, პირველი მტკიცებაც სპარსელების გავლენის ქვეშ მყოფ სასპეარებს უნდა გულისხმობდეს, კოლხებთან ერთად. სასპეარების ტერიტორიის განსაზღვრებისათვის ჩვენ ქვემოთ ვუჩვენებთ დამატებით მასალას.

უკვე ყოველივე ზემოთქმულის მიხედვით აშკარა უნდა იყოს, რომ ჰეროდოტეს სასპეარები მერმინდელი ბერძენი მწერლების იბერები არიან. არავითარი სხვა რაციონალური ახსნა არ შეიძლება მოეუძებნოთ არც იმ კითხვას, თუ ვინდა უნდა იყვნენ სასპეარები და სად გაქრნენ ისინი შემდეგში ასე უკვალოდ, უკეთუ მათ მხოლოდ სახელი არ გამოიცვალეს „იბერებად“, არც იმ კითხვას, თუ საიდან გაჩნდნენ ასე მოულოდნელად ეს იბერები.

მაგრამ ამ გაიგივებას მხარს უჭერს სატომო სახელების ანალიზი, რომელსაც ერთი ფუძიდან გამოჰყავს ორივე სახელი. ჩვენ აღარ გავიმეორებთ სათანადო მსჯელობას, რომელიც სხვა ადგილას იყო მოცემული „იბერის“ ისტორიის გარშემო<sup>1</sup>. აქ გვინდა დავუმატოთ ზოგიერთი ახალი მოსაზრება.

ჰეროდოტეს შემდეგ ახალი ცნობა სასპეარების შესახებ მოეპოვება ქსენოფონტეს, რომელმაც პირადად გაიარა 401 წ., ძვ. წ., მათიენ-სასპეარების ქვეყანა. ქსენოფონტეს ცნობიდან ჩანს, რომ გასული ერთი საუკუნის განმავლობაში ამ მხარეებში ბევრი რამე გამოცვლილა. სხვას რომ თავი დავანებოთ, აღსანიშნავია შემდეგი: სასპეარები კვლავ განაგრძობდნენ სპარსელებისაგან დამოკიდებულებაში ყოფნას; ალბათ სწორედ ამ ხანგრძლივი სპარსული გავლენის შედეგად სასპეარების სამხრეთი, ჩანს, რამდენადმე მოშლილა — მათგან გამოყოფილნი უნდა იყვნენ ქსენოფონტეს მიერ ცალკე მოხსენებული ტაოხები, რომელნიც მერმინდელ ტაოს უკავშირდებიან, და ფასიანები, რომელნიც მდ. ფასიდს, ამ შემთ-

<sup>1</sup> ს. ჯანაშია, თუბალ-თაბალი, ტიბარენი, იბერი; „ურარტუ“: ურან. კომუნისტური აღზრდისათვის, 1937 წ., № 10.

ხვევაში — არაქს, უკავშირდებიან. ამასთან უაღრესად საყურადღებოა, რომ სასაქონლო სახელი ქსენოფონტეს ახალი ფორმით აქვს მოცემული: იგი ამბობს, რომ ლაშქრობის დროს „ფასიანებსა და ჰესპერიტებს ტირიბაზი“ სარდლობდაო (VII, თ. 8, § 25).

შემდეგ საჭიროა აპოლონი როდოსელის (III ს., ძვ. წ.) ჩვენებაც მოვიგონოთ, რომლის თანახმადაც „საქონლები“ ბეხერებსა და ბუზერებს შორის ცხოვრობენ („არგონავტიკა“, II, 394—396); სხვა ადგილას აპოლონი ამ ხალხს „ამაყ საქონლებს“ ეძახის და იმავე ტომებს შორის, იმავე ადგილას (შავი ზღვის სანაპიროზე, სამხრეთ კოლხეთში) ათავსებს (იქვე, II, 1243). აპოლონი, რათქმუნდა, იმეორებს რომელიღაც უფრო ძველ წყაროს.

სასპირთა ქვეყნის სახელწოდებას, რამდენადმე განსხვავებული ფორმით, იცნობს სტრაბონიც. არმენიების წარმოშობის ისტორიაში იგი ამბობს, რომ არმენიების მამამთავრის, არმენის, თანამგზავრებმა დასახელეს აკილისენა და სუსპირიტიდა კალახანამდე და აღიბენამდე (XI, თ. 4, § 8). ამავე ცნობას ახალი რედაქციით სტრაბონი იმეორებს სხვაგან: „არმენის თანამგზავრთაგან ზოგმა დაიკავა აკილისენა... ხოლო სხვები დასახლდნენ სუსპირიტიდაში კალახანამდე და აღიბენამდე არმენიის საზღვრებს გარეთ“ (XI, თ. 14, § 12). მესამე ადგილას კიდევ სტრაბონი ამბობს: „სუსპირიტიდაში კაბალასთან არის ოქროს მალაროები, სადაც გაგზავნილი იყო, ალექსანდრეს მიერ, მემონი ჯარისკაცებითურთ, მაგრამ მკვიდრმა მცხოვრებლებმა ის უკუაგდეს“—ო (XI, თ. 14, § 9). ყოველ ეჭვს გარეშეა, რომ სუსპირიტიდას ქვეშ სტრაბონი ასწერს იმავე „სასუბარო“-ს, გარდმონაშთის სახით ძველ-ქართულ პროვინცია „სპერ“-ში თავ-შემონახულს<sup>1</sup>.

<sup>1</sup> ეს წერილი უკვე მხად იყო, როცა შევნიშნეთ, რომ არსებითად ანალოგიურ შეხედულებას სასპირ-საბერჯუხე იცავდა თურმე თავის დროზე კავკასიის ცნობილი მკვლევარი პ. უსლარი თავის *Древнейшие сказания о Кавкасе*-ში (Т. 1881). აქ ვრცელი მსჯელობაა მიძღვნილი იმის დასამტკიცებლად, რომ ჰეროდოტეს სასპირები, სტრაბონის სისპირიტიდა, სპერი ერთსადაიმევე ობიექტს განეკუთვნება. ეს იგივე ისტორიული იბერიაა. ძალიან საყურადღებოა, რომ ავტორი ჰეროდოტეს სასპირ-საბერჯუხე ქართულ „საბერო“-თი ხსნის. ამასთან ერთად, კავშირი „სასპირსა“ და „იბერს“ შორის უსლარს „საეპო გუმანის“ ფორმაში აქვს გამოაქმული. „იბერიას“ კიდევ იგი „იმერეთისგან“ აწარმოებს. სასპირები მერმინდელი ქართველები არიან და უეჭველია ისინი ამიერ-კავკასიაში ცხოვრობდნენ. ეს სახელწოდება ჰეროდოტეს, საფიქრებელია, სპარსული წერილობითი წყაროებიდან აქვს ამოღებულიო (გვ. 298—305, 524—526, 536—7). უსლარს აღნიშნული აქვს, რომ ჰეროდოტეს თხზულების სხვადასხვა ხელნაწერში გვხვდება „სასპირ“ ფორმის გარდა აგრეთვე „საპაპირ“ და „საპირ“-იო.

აგრეთვე ძველი წყაროს არა ნაკლებ საყურადღებო ცნობის გამოყენება უნდა გვქონდეს ჩვენ ევსევი კესარიელთან (IV ს. პირვ. ნახევარი, ახ. წ.), რომელიც, ჩამოსთვლის რა ნოეს მესამე შვილის, იაფეტისაგან, შთამომავალ ტომებს, ამბობს: „ეს არიან ტომები ნოეს მესამე ძის, იაფეტისაგან, მიდიიდან ვიდრე სპერიაამდე (ad Speriā) ოკაენეს მხრიდან აკვილონამდე ვრცელდებიან შემდეგნაირად“... შემდეგ ჩამოთვლილია ძველი ხალხებისათვის ცნობილი ტომები აზიისა და სკვითია-სარმატიისა, ისევე როგორც ამ ტომების ქვეყნები (SC I, 667). აღნაგობა, თავისთავად ცხადია, მთლიანად ხელოვნურია, სახელწოდება „სპერიაც“ მწიგნობრული წარმოშობისა უნდა იყოს თვით ევსევისათვის და, როგორც მიდიასთან მისი შეპირისპირებიდან შეიძლება დაეასკვნათ, იქნებ ჰეროდოტესავე ცნობის ნაგვიანვე გადამუშავების ნაყოფი იყოს. ჩვენთვის საინტერესოა ამ შემთხვევაში მხოლოდ სიტყვის ფორმა, რომელსაც სავსებით მხარს უჭერს ისტორიულ ხანამდე შემონახული ადგილის სახელწოდება „სპერია“, არაბულ-თურქულ ენობრივ წრეში სახეცვლილი უკვე „ისპირ“-ად (ამ ენების წესის თანახმად, რომელიც ვერ ითმენს თანხმოვანთა თავმოყრას სიტყვის დასაწყისს; შდრ. „ახლათი“ — ხლათი, „სუხუმი“ — ცხუმი და მრავ. სხვა)<sup>1</sup>.

ზემოთმოტანილი ფაქტების ენობრივი განმარტებისათვის განსაკუთრებული მნიშვნელობა აქვს სტეფანე ბიზანტიელის, გვიანდელ-რომაული ხანის მწერლის, ჩვენებას. თავის ლექსიკონში „საპეჯრ“ სიტყვის ქვეშ სტეფანე ამბობს: „საპეჯრები — ხალხია პონტოს მხარეში, რომელიც ამჟამად იწოდება β-ს მეშვეობით სავეჯრებად (Σάββαρες)“. თუ სტეფანე აქ იმეორებს რომელსამე ძველ წყაროს, მაშინ შესაძლებელია ბეტას აქ ქართული ბანის ფონეტიკური მნიშვნელობაც ჰქონდეს. ყოველ შემთხვევაში, ვინიანი ფორმაც ჩვენთვის მეტად საყურადღებოა: იგი გვაგულისხმებინებს, რომ ან „π“ ჰეროდოტე-ქსენოფონტე-სტრაბონის ფორმებში ადგილობრივ მქლერს, ბ-ს გადმოსცემდა, რაც შეუძლებელი სრულებით არ არის და რაც ჩვენ უფრო მოსალოდნელად მიგვაჩნია, ან პარია-

(გვ. 524). ჩვენს ხელთ არსებულ გამოცემებში (კალენბურგის გამ. „ტოიზნერის ბიბლიოთეკაში“, 1911 და კროიცერ-ბერის გამ., 1856) ასეთი საკითხავები არ მოიპოვება. უსლარს ამ შეხედულებებზე შრავალი წინამორბედი ჰყავდა, მაგრამ საკითხის ისტორიის შესახებ დაწვრილებით — სხვაგან.

<sup>1</sup> ევსევის ცნობა იმ მხრივაც საყურადღებოა, რომ სპერია სასუბაროს ძველი ისტორიული მნიშვნელობის გამოძახილს უნდა წარმოადგენდეს, რაკი აქ ამგვარი რეალური მსაზღვრელის როლში გამოდის.

ნი ფორმის გვერდით არსებობდა ბანიანი ფორმაც, საიდანაც უნდა მომდინარეობდეს სავირ-სავეერი.

ბანიან ფორმის ოდინდელ არსებობას გვაგულისხმებინებს სტეფანეს დაწერილობის გრაფიკული ტრადიციაც (ბეტა = „ვ“ ← „ბეტა = „ზ“), რადგანაც თავისი ღროის გამოთქმის „ვ“ სტეფანეს შეეძლო „თ“ ჯგუფითაც გადაეცა, მის მიერ დაცული ფორმა რომ მართლაც გვიანდელ რომაულ ხანაში იყოს წარმოშობილი.

ამრიგად, თუ მარტოოდენ გრაფიკული მონაცემებიდან ამოვალთ, მივიღებთ შემდეგს პარალელურ ფორმებს ჩვენთვის საინტერესო სახელწოდების ფუძისათვის.

ხ ა ლ ხ ი ს ა ღ ს ა ნ ი შ ნ ა ვ ა დ :

სასპერ- (ჰეროდოტე)

(ჰ)ესპერ-იტ- (ქსენოფონტე)

საპერ- (აპოლონი როდოსელი, სტეფანე ბიზანტიელი)

სავეერ- (სტეფანე ბიზანტიელი).

ტ ე რ ი ტ ო რ ი ი ს ა ღ ს ა ნ ი შ ნ ა ვ ა დ :

სუსპირ-იტ- (სტრაბონი)

სპერ-[ია] (ევსევი)

სპერ-<sup>1</sup> (ქართული და სომხური ისტორიული წყაროები)

ისპირ- (თურქული წყაროები).

ამ ფორმების ურთიერთშედარება ცხადჰყოფს, რომ ზოგ მათგანს დამატებითი აფიქსაცია ახასიათებს. თავ-ფუძე თანხმოვნების სახით წარმოგვიდგება:

ხ ბ რ (სპრ) || ს ვ რ

ხმოვნების თვალსაზრისით-კი ფუძე წარმოგვიდგება არა მარტო ვარიაციებში: ეჟ, ე, ი, არამედ შეკუმშული და შეუკუმშავი ფორმებითაც:

შ ე კ უ მ შ უ ლ ი

-სპერ- (ჰეროდოტე)

-სპერ- (ქსენოფონტე)

-სპირ- (თურქ.)

სპერ- (ქართ. - სომხ.)

სპერ- (ევსევი).

შ ე უ კ უ მ შ ა ვ ი

საპერ- (აპოლონი, სტეფანე)

სავეერ- (სტეფანე).

<sup>1</sup> ეს ფორმა წარმოშობით ქართული არ უნდა იყოს. იგი, ალბათ, ძველი ბერძნული ტრადიციისაგან მომდინარეობს და არაქართულსავე ენობრივ წრეში უნდა იყოს ჩამოყალიბებული მოცემული სახით.

ადვილად შესამჩნევია, რომ შეკუმშული ფორმები მეტწილად პრეფიქსით გართულებულ ფუძეებთან გვხვდება: სასპეგრ- (ჰეროდოტე), ჰესპეგრ- (ქსენოფონტე), სუსპირ- (სტრაბონი). გადამწყვეტი მნიშვნელობა არა აქვს, ამ მხრივ, ქართულ-სომხურ ფორმას (და, უეჭველია, მისგან დამოკიდებულს ევსევისეულსაც), რადგანაც ის ბევრად უფრო ნაგვიანევი ხანისაა. შეიძლება ამიტომ ვიფიქროთ, რომ რედუქცია მოცემულ შემთხვევებში პრეფიქსის ზეგავლენის შედეგია და უძველესი სწორედ შეუკუმშავი ფორმა უნდა იყოს. თუ რომელი ხმოვანია აქ ამოღებული რედუქციის შედეგად, ამას აპოლონი როდოსელის ჩვენება, სტეფანეს მოწმობით განმტკიცებული, გვირკვევს: ეს ან იგივე ა უნდა იყოს, ან უკანასკნელის შემცვლელნი ო|| უ, როგორც ამას ხშირად ვხვდებით წინა აზიის ძველ ეთნიკაში (ურარტუ || აღაროდი || არარატი, თაბალი || თობელი || თუბალი და მრავალი სხვა<sup>1</sup>). იგივე წყარო გვიდასტურებს, რომ აღნიშნულ ხმოვნებს ენაცვლებოდა ი-ცა და ე-ც<sup>2</sup>. თუ იმასაც გავითვალისწინებთ, რომ უძველეს ცნობებში უკანასკნელი მარცვლის ეჟ, ე და ი ხმოვნიანი სახეები ძირითადად მიგვაჩნევენებს ე-ს — უფრო ძველი დროისათვის — და ი-ს — მერმინდელი ხანისათვის, მაშინ ჩვენი სატომო სახელის შემდეგს პირდაპირ დადასტურებულს ან სავარაუდო ფორმებს მივიღებთ:

საბერ || სობერ || სუბერ || სიბერ || სიბირ

სავერ || სოვერ || სუვერ || სივერ || სივირ

წარმოდგენილი ფორმების მეშვეობით ეს სახელი-კი ბუნებრივად და ძალდაუტანებლად უკავშირდება უფრო ძველს „თაბალ“- „სუბარ“-სა და მერმინდელს სახელს აღმოსავლეთ საქართველოს მოსახლეობისას, რომლითაც უკანასკნელი მეზობელ ხალხებშია ცნობილი:

იბერ (ძველი ბერძნული მწერლობა),

ივერ || ივირ (გვიანდელ-ბერძნული და ბიზანტიური მწერლობა),

ჰიბერ (რომაული მწერლობა),

(ი)ვირ(ქ) (სომხური მწერლობა).

<sup>1</sup> რედუქცია ქართველური ენების ნიშანდობლივი მოვლენაა და მოსდის თითქმის ყველა ხმოვანს. იხ. პროფ. ვ. თ. ფ. უ. რ. ი. ა., რედუქციისათვის ქართველურ ენებში: „სსრკ მეცნიერებათა აკადემიის საქართველოს ფილიალის სესია, 1939 წ. 27—30. IX, დღის წესრიგი და მოხსენებათა თეზისები“, თბ. 1939. ზვ. 24—25.

<sup>2</sup> ს. ჯ. ა. ნ. ა. შ. ი. ა., თუბალ-თაბალი, ტიბარენი, იბერი.

ჩვენ აქ აღარას ვამბობთ სხვა (ასურულ, სპარსულ...) ფორმებზე, რომელნიც, როგორც ჩანს, მოცემულ ფუძის კიდევ უფრო გვიანდელ განვითარებას წარმოადგენენ. „საბერ“ და მისი სახესხვაობანი, ამრიგად, თუბალის კანონზომიერი ვარაიაციების მწკრივში დგებიან.

მაშასადამე, სასპერ-საბერების იდენტიფიკაცია მერმინდელ იბერებთან არა მარტო ისტორიულად არის აუცილებელი, როგორც ზემოთ ვნახეთ, არამედ ენობრივადც მისაღებია.

წმინდა ენობრივი თვალსაზრისით საინტერესოა არა მარტო ფუძე, არამედ მისი თანმსლები გამაფორმებელი ელემენტები. ზემოთმოტანილი ფორმების ჩაკვირება გამოჰყოფს პრეფიქსულსა და სუფიქსურ ფორმატივებს.

ჰეროდოტეს, ქსენოფონტესა და სტრაბონის მოწმობანი გვაძლევენ პრეფიქსს: **სა** || **ჰე** (თუ: **ე**) || **სჷ** (თუ: **სუ** || **სო**). არა გვგონია შეეცდეთ, თუ ვიტყვით, რომ მხოლოდ ქართულში ვპოულობთ ამ პრეფიქსის გასაღებს.

ჰეროდოტეს ფორმაში, კერძოდ, იგივე ქართ. **სა-** უნდა გვქონდეს, რომელიც ისტორიულ ხანაშიაც აწარმოებს ტომის, ხალხის ადგილსაცხოვრისის სახელწოდებას: **სა-ქართველ-ო**, **სა-ფრანგ-ეთი**. ამავე პრეფიქსის ქართველური ვარაიაციების გადმოცემა უნდა იყოს **ჰე** და **სჷ** (უკანასკნელს შდრ. სომხეთი — სომეხეთი?). მაშ უნდა მივიღოთ, რომ ჰეროდოტეს (და, შესაბამისად, ქსენოფონტეს და სტრაბონისაც) ფორმა არსებითად ქვეყნის, სახელმწიფოს სახელწოდებაა, თვით მოსახლეობაზე გადატანილი. ასეთი შეცთომა, რომლის წყარო და გავრცელების გზები ჩვენგან ორი ათას ხუთასი წლითაა დაშორებული, ვერ გავგვაკვირვებს, თუ მოვიგონებთ, რომ მსგავსი ლაფსუსები ჩვენს განათლებულ დროშიაც მოსდით ხოლმე. წარმოდგენილ განმარტებას მხარს უჭერს მოცემული ფორმების სუფიქსური ელემენტების განხილვა. ქსენოფონტესთან, როგორც ვნახეთ, ფუძეს წაერთვის ფორმანტი **-იθ** (**Ἰθαρυῖται**, გენ.). ეს უფრო ის ბერძნული დაბოლოება უნდა იყოს, რომელიც ქალაქის თუ ადგილის სახელიდან მცხოვრების სახელწოდებას აწარმოებს და რომლის მაგალითებსაც, კერძოდ, იგივე სტეფანე ბიზანტიელი გვაძლევს თავის ლექსიკონში სათანადო სიტყვების ქვეშ, როგორც, მაგ.: 1) „პჷენის“, კოლხების ქალაქია; მცხოვრებთა სახელწოდება — პჷენიტეს (იმ სახელწოდებათა წესის თანახმად, რომელნიც თავდებიან „-ის“-ზე), 2) „ტ ა ნ ა ი ს“, ქალაქია, მდინარის თანამოსახლე... მოქალაქე — „ტანიიტეს“...



3) „ტურას“, ქალაქია და მდინარე ეგქსინის პონტოსთან; ტურასიდან მცხოვრებთა სახელი უნდა ყოფილიყო „ტურატეს“, მაგრამ პოლიისტორი ქალაქსა და მდინარეს უწოდებს ტურასს, ხოლო მცხოვრებლებს — „ტურანოა“. არის „ტურიტეს“-იც, თითქოს „ტურის“-იდან, 4) „ფასის, ქალაქია აიასი მდ. ფასისთან კოლხიდაში... მცხოვრებთა სახელი უნდა ყოფილიყო „ფასიტეს“..., ან „ფასიატეს“, პლეონასტური ა-თი, და ასედაც ამბობენ“-ო. თუ ქსენოფონტეს ფორმას ამ წარმოშობისად მივიჩნევთ, მაშინ მივიღებთ საყურადღებო დასკვნას, რომ „ჰესპერ“-ი ქსენოფონტესა თუ მისი წყაროებისათვის სწორედ ქვეყნის სახელი იყო.

კიდევ უფრო საინტერესოა სტრაბონისეული ფორმა სუფიქსაციის თვალსაზრისით. სტრაბონისეული ფორმა, „სკსპირიტის“, საერთოდ სწორედ ადგილის სახელია, ბერძნული დაბოლოებით (სტრაბონისეული წარმოების ფუძე, გენეტივის საშუალებით, უნდა აღდგენილ იქნას როგორც „სკსპირიტიდ“-). ხოლო მოცემული ნაწარმოები ფუძის ფუძედ დაგვრჩება, — ისე როგორც „კოლხ“ „კოლხ-ის“-ში, — „სკსპირიტ“-ი. ეს ფუძე ან ქსენოფონტეს ფორმის მსგავსი წარმოებიდან მომდინარეობს<sup>1</sup> და ადასტურებს ზემოთმოტანილ მსჯელობას ქსენოფონტესეული ფორმის შესახებ, ან არა-და, შესაძლებელია, სხვა, დამოუკიდებელი წარმოების ნაყოფი იყოს. უკანასკნელ შემთხვევაში მოცემული ფუძე ყველაზე ადვილად ქართ. სა-სპირ-ეთ-ის, სომხ-ეთ = სომხ-ით-ის და მრავ. სხვ. მსგავსი წარმოების ნაყოფად უნდა ჩაგვეთვალა და მივიღებდით, რომ ბერძნულ მწერლობაში დაცულია ამ სახელწოდების როგორც ქართული პრეფიქსი, ისე ქართული სუფიქსიც (-ეთ, -ით).

ამ ენობრივი ფაქტების დადგენა ჩვენთვის არა ნაკლებ მნიშვნელოვანია, ვიდრე ბერძნული ფორმის „ალაროდ“-ის განმარტება, რომელიც აგრეთვე ჩვენი მსჯელობის მიმართულებას უქერს მხარს: აქ რომ იგივე „ურარტუ“ || „არარატი“ გვაქვს, ეს საყოველთაოდ აღიარებულია, მაგრამ ბერძნული ფორმის სახესხვაობის ახსნა ყველაზე ადვილი უნდა იყოს ქართველური ენებისათვის დამახასიათებელი დისიმილაციის წესების ნიადაგზე, განსაკუთრებით — ქართული ენისათვის ნიშანდობლივი დისიმილაციის მექანიზმის მეშვეობით, რადგანაც ქართულში გვხვდება როგორც

<sup>1</sup> ანალოგიურ შემთხვევას გვიჩვენებს სტეფანე ბიზანტიელი თავის ლექსიკონში სათანადო სიტყვის ქვეშ: „ხალკის“... არის ქალაქიც „ხალკის“ სკვითეთში, რომლის მოქალაქენიც იწოდებიან „ხალკიტა“ და მხარე, — „ხალკიტის“.

პროგრესული, ისე რეგრესული განმსგავსება ბგერებისა<sup>1</sup>: პირველს უნდა აეხსნა ხმოვანთა ცვლილება (ა → ო; ეს ცვლილება ჩვეულებრივი ხასიათისა არ არის, რათქმუნდა), ხოლო მეორეს — თანხმოვანთა ცვლილება (ლ ← რ) „ალაროდ“-ში<sup>2</sup>.

ამრიგად, ხიდი, რომელიც აერთებს ისტორიულ იბერია-ქართლს ძველს აღმოსავლეთთან, შუქდება ლიტერატურული წყაროების სინათლით, ჩვენ ვფიქრობთ, სრულიად უცილობლად უნდა დავასკენათ, რომ ქართლი, მცხეთა-არმაზის სამეფო, მხოლოდ ახალი პოლიტიკური წარმონაქმი იყო იმ ხალხისა, რომელიც მეექვსე-მეხუთე საუკუნეებში საპერ-საბერძნის სახელით კარგად ცნობილი იყო ბერძნებისათვის და რომელიც მაშინ თავისი სამხრეთი საზღვრით ჯერ კიდევ დიდად არ იყო დაშორებული თავის დედასამშობლოს. დიდმნიშვნელოვანია ქართველი ერის ისტორიისათვის, რომ ჯერ კიდევ მეხუთე საუკუნის პირველ ნახევარში წინა აზიის ძირეული ტერიტორიის (წინა აზია მცირე აზიისა და არაბეთის ნახევარკუნძულის გამოკლებით) ოთხი უდიდესი ხალხიდან (სპარსელები, მიდიელები, სასპერები, კოლხები) ორი — კოლხები და სასპერები — ქართული მოდგმისა იყო.

სახელწოდება საბერ-სავირი თბალ-თუბალის ჯგუფს ეკუთვნის და ის ისტორიული სურათი, რომელიც აქ წარმოდგენილია საბერ-სავირის გარშემო, აღავსებს თბალ-თუბალის მოდგმის ისტორიას და სავსებით ეთანხმება ამ უკანასკნელს<sup>3</sup>. ამ მრავალსახოვანი ეთნიკური სახელწოდების აქ დადგენილი ფორმა ახალ ინტერესსაც შეიცავს: იგი მჭიდროდ უახლოვდება ტერმინს სუბარ-ულს, რომელითაც, უნგანდისა და იენსენის შემდეგ, ახალ ორიენტალისტიკაში უპირატესად აღნიშნავენ მიტანი-ენას ანუ მიტანიურს. ამის საფუძველი ის არის, რომ ძველ-აღმოსავლურ სილაბარებში მიტანიური სიტყვები სუბარულად იწოდება. სუბარებს გეოგრაფიულად შეესატყვისება ბაბილონელთა ძველი კოსმოლოგიის სუბარტუ. ამ კოსმოლოგიით მსოფლიო

<sup>1</sup> იოსებ ყიფშიძე, ასიმილაციისა და დასიმილაციის წესი ქართულსა და მებრულში: ტფ. უნივერსიტეტის მოამბე, № I, 1919—1920 წ.

<sup>2</sup> რეგრესული დისიმილაციისათვის შდრ. ი. ყიფშიძის ავე მაგალითები: ოლარი—ბერძნ. ორარიონ-იდან; ალაჯორი—სომხ. არაჯაჯორ-იდან, წრეულს—წლეულს.

<sup>3</sup> იხ. ს. ჯ ა ნ ა შ ი ა, თუბალ-თაბალი, ტიბარენი, იბერი.

ოთხ დიდ ნაწილად იყოფა: აკადი, ამურრუ, ელამი და სუბარტუ<sup>1</sup>. ბლაიხშტაინერი სუბარებს ტაბალებისა და მუსკების ახლ მონათესავედ სთვლის და თვით სახელწოდება სუბარტუ-ში გა მოპყოფს სუფიქსს -ტუ-ს, რომელსაც ქართულ -თი-ს უახლოებს<sup>2</sup>. ასევე ავტორი სუ-ს პრეფიქსად სთვლის და, ამრიგად ფუძე: ბარ-ს გამოპყოფს, ამავე ძირისაა ი-მერ ← ი-ბერ და მუს-კუ || ბა' (ა-ბას-გ)-იო. „ამრიგად, — დაასკენის ბლაიხშტაინერი, — თუ შეც-თომაში არ შეეყავართ ამ სიტყვათშედარებებს, რომელნიც გასა-ოცარი არიან იაფეტური ბგერათცვლილების თავისებურებით, სუ-მერ, სუ-ბარ და ტი-ბარ || იბერ-ში, მათი მონათესავე ბას-კ || მუს-კ-ითურთ, მოცემულია ერთგვარი იაფეტიანი ხალხების სამი ნა-კადი, რომელნიც სხვადასხვა დროს იპრებოდნენ შუამდინარეთსა და მის მოსაზღვრე ქვეყნებში“-ო<sup>3</sup>. შემდეგ ბლაიხშტაინერი ცდი-ლობს უჩვენოს სუბარულისა და ქართველური ენების სიახლოე, უპირატესად საკუთარი სახელების ანალიზზე.

ჩვენთვის აქ ამჟამად ის არის საყურადღებო, რომ სუბარს<sup>4</sup> მბტანის სამყაროსაკენ მიეყავართ. ჩვენ-კი ზემოთ ისტორიული ჩვენებების ნიადაგზე დავრწმუნდით სასპეგრ-საბირებისა და მა-ტიენების, იმავე ძველი მიტანიელების, უშუალო მეზობლობასა და ახლო კავშირში როგორც ურთიერთ შორის, ისე, მესამე მხრით, ალაროდელებთან. ჯერ კიდევ მეექვსე-მეხუთე საუკუნის მიჯნაზე ეს კავშირი რეალურად შესაცნობი იყო და მასზე იყო დამყარე-ბული დარიოსის მე-18 საგამგეო ოლქის სტრუქტურა. ოდესღაც ერთიანი ხალხი ისტორიულ ქარტეხილებს სამ დიდ ნაწილად გაუბია. ცალკე გამოთიშულან და დასავლეთისაკენ გარიყულან, იმავე მიზეზების წყალობით, თაბალ-თუბალისავე ნაშიერი ტიბა-რენები და სხვები, ვინც მათ უახლოესად ენათესავებოდა და ემე-ზობლებოდა. საერთო სამშობლო ამ ტომებისათვის მიტანი ჩანს.

მიტანი სულ უფრო და უფრო იპყრობს ყურადღებას ორიენ-ტალისტებისას, რომელნიც ამ ქვეყანასა და მის ხალხს სულ უფ-რო და უფრო მეტ წონასა და მნიშვნელობას აძლევენ ძველი აღმო-სავლეთის ისტორიაში. თუ შევაჯამებთ იმას, რასაც მიტანის შე-

<sup>1</sup> იხ. ს. ჯანაშია, თაბალ-თაბალი, ტიბარენი, იპერი.

<sup>2</sup> იქვე, 185—186.

<sup>3</sup> იქვე, 187—190.

<sup>4</sup> ძალიან საყურადღებოა, რომ ერთი ძველი ცნობით, კოლხეთის დედა-ქა-ლაქს „სუბარისი“ || „სუბარისი“ ეწოდებოდა. ხომ არა გვაქვს ჩვენ აქ იმავე სა-ტომო სახელის ნაყარი? იხ. დიოდორე სიცილიელი, IV, 48 (დიოდორე კოლხების დედა-ქალაქად სუბარისს ასახელებს არგონავტების შეახებ მოთხრობაში).

სახებ ამბობენ თანამედროვე საუკეთესო ორიენტალისტები, მივიღებთ, რომ მიტანი არის წინა აზიის უძველესი ბინადარი მოსახლეობის, ახლო აღმოსავლეთის ენდემური კულტურის შემქმნელი ხალხის, ძირითადი კერა მეორე ათასეულში, ძვ. წ., ის სამყარო, რომელიც სამხრეთ-აღმოსავლეთიდან შევიწროებულია სემიტების მიერ, ხოლო დასავლეთიდან — ინდოევროპელების მიერ (თუ გამართლდება ინდოევროპეისტების ჰიპოთეზი ნესიტების ინდოევროპულობის შესახებ). მიტანი ამ გაგებით შეიცავს ხეთასაც, რამდენადაც ამ უკანასკნელში ჩვენ აღვილობრივი, მკვიდრი სამყაროს შინაარსსა ვსდებთ. ამასთან ერთად, განსაკუთრებით აღსანიშნავია, რომ მიტანის სხვადასხვა სახელით იცნობენ მისი მეზობლები.

აი, რას ამბობს ამ საგნის შესახებ თანამედროვე ბურჟუაზიული ორიენტალისტიკის ერთი ყველაზე უფრო თვალსაჩინო წარმომადგენელთაგანი, გეტცე: „მეორე ათასეულის ამოცანის გადაწყვეტის ცდისას ნიადაგ და ყოველი მხრით ვხვდებით ერთსადაიმავე პოლიტიკურსა და კულტურულ სიდიდეს, მიტანი-სახელმწიფოს. აშკარაა, რომ 1800—1400 შუა საუკუნეებში იგი წინა აზიის უძლიერესი სახელმწიფოა. წინა აზიის ცენტრი, შეიძლება დავასკვნათ, მაშინ უნდა ყოფილიყო ზემო მესოპოტამიაში“<sup>1</sup>. „სახელი მიტანი-სახელმწიფო მხოლოდ პოლიტიკური ცნებაა. ბოლახქოის ხეთებისათვის (ე. ი. ინდოევროპელი ხეთებისათვის ანუ, უფრო სწორედ, ნესიტებისათვის, ს. ჯ.) მიტანი-სახელმწიფო ერთ-ერთი ქვეყანაა მრავალი ხური-ქვეყნიდან ისევე, როგორც არსებობს რამდენიმე (mehrere) ხატი- და რამდენიმე არზავა-ქვეყანა. უმთავრესად სახელი ხურის მეშვეობით აღინიშნება საერთოდ ხური-ქვეყნებისა და, განსაკუთრებით, მიტანი-ქვეყნის ხალხი და ენა“<sup>2</sup>. შემდეგ გეტცე განსაზღვრავს ხური-ქვეყნების ტერიტორიას: ჩრდილოეთ სირიის გარდა მას ეკუთვნის აგრეთვე ორი პოლიტიკურად მნიშვნელოვანი მხარე — მიტანი-სახელმწიფო და ხური-ქვეყანა ვიწრო მნიშვნელობით; უკანასკნელის არსებობა გეტცესათვის ექვს გარეშეა, ასეთი მოსაზრება წყაროების მკაფიო ჩვენებაზეა დამყარებულიო. რამდენადაც შესაძლებელია ამის განსაზღვრა, ხური-ქვეყანა მდებარეობს ძველი აღმოსავ-

<sup>1</sup> Albrecht G ö t z e, *Hehiter, Churriter und Assyrer. Hauptlinien der vorderasiatischen Kulturentwicklung im II Jahrtausend v. Chr.* Geb., Oslo, 1936, S. 101.

<sup>2</sup> იქვე, შდრ. ამავე ავტორის უფრო ადრინდელი ნაშრომი: *Kleinasien*, 57 შემდ.

ლური მსოფლიოს პერიფერიაზე. მიტანი ქვეყანა ჰფარავს მთელს ზემო მესოპოტამიას კარგამაშიდან ტურ-აბდინის მხარემდე, ნიშანდობლივ ბალხისა და ხაბურის ხეობებამდე და ნიზიბინის მხარემდე. მისი აღმოსავლეთი საზღვარი დაახლოებით ბითლის-სუსთან არის საგულვებელი. ხოლო ხური ქვეყანა ვიწრო მნიშვნელობით შეიძლება მხოლოდ მის აღმოსავლეთით იწყებოდეს. ამ ქვეყნის, თავდაპირველი ხურული მხარის ცენტრის, შუაგული ზოგადი გეოგრაფიული მოსაზრებით უნდა ვეძებოთ თითქმის მხოლოდ ვანის ტბის სანახებში და არა სხვაგან სადმეო<sup>1</sup>. შემდეგ, გეტცეს აზრით, მიტანისავე უდრის ასურული სახელწოდება „ნაირი-ქვეყნები“ და ეგვიპტური იგივე „ნაჰარანი“<sup>2</sup>. შემდეგში მრავალი „ნაირი-ქვეყნის“ შეერთების ნიადაგზე წარმოიშვა ურარტუ<sup>3</sup>, სადაც პირისსახელებში, სხვათა შორის, ჩვენ ვხედავთ ხურების ტაროსის ღვთაებას ტეშუპს<sup>4</sup>. ხურები საერთოდ, გეტცეს აზრით, წინა აზიის მთებიანი სარტყლის ხალხია; ვანის ტბის სანახები ყოველთვის მათ ცენტრად რჩებაო<sup>5</sup>.

ხურული ენის შესახებ გეტცე ამბობს: „მიტანი-ქვეყნის ენა და ხურული ერთიდაიგივე ენაა... შემდეგ, სრულიად სარწმუნოა, რომ მისი მონათესავე უნდა იყოს ურარტული ენა, ურარტუს მეფეების ენა 900—700 წლებს შუა“<sup>6</sup>. „ხურული მკვეთრად განსხვავდება წინა აზიის ყველა სხვა ნაცნობი ენისაგან, სემიტურებისაგან ისევე, როგორც ინდოგერმანულებისაგან. დამახასიათებელია სუფიქსების თავისუფალი ხმარება როგორც ზმნასთან, ისე არსებით სახელთან. აგებულების მიხედვით იგი ყველაზე ადრე მოგვაგონებს აგლუტინაციურ სუმერულს“<sup>7</sup>...

დასავლეთ ევროპის თანამედროვე ორიენტალისტიკის ინდო-ევროპეისტული სკოლის მეორე, არა ნაკლებ ცნობილი, წარმომადგენელი ბედრიხ ჰროზნი ამბობს: „მეტად მნიშვნელოვანია ის გარემოება, რომ ბოლან-ქოის წარწერებში აღმოჩენილია აგრეთვე ნიმუშები სხვა ენისა, რომელიც იწოდება „ხურლილი“, ე. ი. „ხურული“. სიტყვა „ხურლილი“ განეკუთვნება „ხური“ ქვეყნისა

<sup>1</sup> იქვე, 102—103.

<sup>2</sup> იქვე, 103—104, 98.

<sup>3</sup> იქვე, 104.

<sup>4</sup> იქვე, 104.

<sup>5</sup> იქვე, 105—106, 128.

<sup>6</sup> იქვე, 108.

<sup>7</sup> იქვე, 107, 38.

და ხალხის სახელს, რომელსაც ხეთურ ენაში აქვს „ხურლას“ ფორმა. ხურულის ნიმუშების მიხედვით უნდა დავასკვნათ, რომ ხურული არ არის არც არიული, არც ინდოევროპული ენა. როგორც ეს მე დავადგინე ჯერ კიდევ ამ ოცი წლის წინათ, ხურული ენა თითქმის — თუ მთლად არა — ეიგივება მიტანი ქვეყნის არა არიულ ენას, რომელსაც ჩვენ ვიცნობთ მიტანის მეფის ტუშრატას გრძელი, ეგვიპტეში, ტელ-ელ-ამარნაში, ნაპოვნი წერილით<sup>1</sup>. ამრიგად, ჰროზნიც უეჭველად სთვლის, რომ მიტანიური ენა იგივეა. რაც ხურული.

რაც შეეხება საკითხს თვით სახელწოდება „ხურის“ შესახებ, იგივე ჰროზნი წერს: „ხეთის სახელმწიფო არქივი ბოლაზ-ქიოში გვაცნობს ჩვენ კიდევ ორს მნიშვნელოვან ენას, რომელთა ცენტრი უფრო მესოპოტამიაში იმყოფება, ვიდრე მცირე აზიაში. ეს არიან პირველ რიგში ხურიტები ანუ, როგორც მათ ჯერ კიდევ ამ ცოტა ხნის წინათ ეძახდნენ, ხარიელები. ამ სახელწოდებას კითხულობდნენ „ხარი“ და ჩვეულებრივ ფიქრობდნენ, რომ ეს სახელი ეიგივება არიელების სახელს, „არია“-ს, და რომ ხარიელები, მაშასადამე, არიელი ხალხია. ამასთანავე ჩვეულებრივად ეყრდნობოდნენ იმას, რომ იმ სახელმწიფო ხელშეკრულებებში, რომლებიც დადებულია ხეთების მიერ მიტანი-ქვეყანასა და იქ გაბატონებულ ხარიელებთან, გვხვდება აგრეთვე არიული ღვთაებანი „მითრა“, „ვარუნა“, „ინდრა“, „ნასატია“. მაგრამ მე დავამტკიცე, რომ ამ ხალხის სახელწოდება უნდა წაკითხულ იქნას „ხური“, და არა „ხარი“: მე ვიპოვე ორი ადგილი, სადაც ეს სახელი დაწერილია არა ერთი ნიშნით, რომელსაც ორი მნიშვნელობა, „ჰარ“ და „ჰურ“, აქვს, არამედ ნიშნებით „ხუ“ და „ურ“, ამიტომ შეუძლებელია ეს სახელი გავუთანაბროთ არიელების სახელს“<sup>2</sup>. ხურიტების გავრცელებისა და პოლიტიკურ-კულტურული მნიშვნელობის შესახებ ჰროზნი ამბობს: „ხურიტების მიერ დასახლებული იყო, უმთავრესად, ქვეყნები ხური და მიტანი, რომელნიც, ჩემი აზრით, უნდა ვეძიოთ ჩრდილოეთ მესოპოტამიაში. მიტანის ქვეყანა მდებარეობდა მდინარეების ხაბურისა და დიაგლიაგის მხარეში; შემდეგში სელევკიდებმა მას მიგდონიის ახალი სახელი მისცეს“. ხური ქვეყანამ თავისი სახელწოდება მიიღო ალბათ ხური || ხურა ქალაქისაგან, რომელიც

<sup>1</sup> Проф. Б. Г р о в н ы й, Хеттские паголы и языки: „Вестник древней истории“, 1938 г., № 2 (3), стр. 30.

<sup>2</sup> იქვე, 20-30.

ხურიტების დედა-ქალაქი იყო. ეს არის ეხლანდელი ურფა, ბერძნულად „ორპოი“ და სირიულად „ურპოი“, რომლის ძიხედვითაც მთელს მიდამო ადგილებს „შეერქვა „ორპოენე“. გამორიცხული არ არის, რომ სახელწოდება „ხური“ არსებითად ნიშნავს „გამოქვებულნი“ და დაკავშირებულია მრავალრიცხოვან გამოქვებულებთან ქალაქ ურფას ძიხამოებშიო<sup>1</sup>. ხურიტები ცხოვრობდნენ სირიასშიაც და დროგამოშვებით ფლობდნენ არა მარტო სირიას, არამედ მეზობელ ქვეყნებსაც. მეორე ათასეულის პირველ ნახევარში ხური იყო ძლიერი სახელმწიფო, რომელმაც დაიპყრო ბევრი ქვეყანა და რომელსაც ასურელები ეძახდნენ აგრეთვე „ხანიგალბატ“-საც. სირია ხეთურ წარწერებში ხშირად იწოდება პირდაპირ „ხური“ და იგივეა ეგვიპტური „ხორ“ (უმართებულად „ხარუ“), რაც, მე-16 ს-იდან მოყოლებული, აღნიშნავდა პალესტინასა და სირიას. ხოლო თუ ასეთი სიტყვახმარება შეძოვიდა ეგვიპტეში ჰიქსოსების დროიდან, მაშინ ძალიან შესაძლებელია, რომ ჰიქსოსების შემოსევაც ეგვიპტეში, ბოლოსდაბოლოს, დადის ხურიტებამდე და მათ სემიტ ვასალებამდე. ხურიტების უკანასკნელი ნაშთია ძველი აღთქმის ხორიტები. მეორე ათასეულის პირველ ნახევარში ხურიტებმა დაიპირეს აგრეთვე ხეთას სახელმწიფოს ერთი. ნაწილი. იმით აიხსნება ხურული რიტუალები მცირე ახიის ქალაქებში და ხურული ენის ხმარება ხეთის მეფეების სახელმწიფო არქივში. ხეთურ რიტუალებში გვხვდება აგრეთვე ხურული ლიტანიები, ლოცვები და შელოცვები, და ხეთური მღვდელთ-მსახურების დროს არაიშვიათად გალობენ ხური მგალობლები. ხურულ ენაზე არსებობდა, საფიქრებელია, საკმაოდ მნიშვნელოვანი ლიტერატურა, როგორც ამას ამტკიცებს ბოლახ-ქოიში ნაპოვნი ნაწყვეტი ხურულ ენაზე გილგამეშის ეპოსისაო<sup>2</sup>.

ემილ ფორერი-კი, თანამედროვე მახვილგონიერი ხეთოლოგი, გადაჭრით ამტკიცებს, რომ ჩვენთვის საინტერესო სახელწოდების ნამდვილი ფორმაა „ხარი“, რის საბუთადაც მიუთითებს ასურულ ტექსტზე, სადაც ესევე სახელწოდება გადმოცემულია როგორც „არი“. ეს უკანასკნელი ვარიანტია „ხარისა“, რადგანაც ასურელები აკლებდნენ ხოლმე ზოგჯერ თავკიდურ ხ-საო. ხეთურ ტექსტებშიაც უნდა წავიკითხოთ „პარლილი“ და არა „ჰურლილი“-ო<sup>3</sup>. გეტცე თავის უფრო აღრინდელ ნაშრომში, „მცირე

<sup>1</sup> იქვე, 30.

<sup>2</sup> ჰროზნი, დასახ. წ., 30—31.

<sup>3</sup> მითითებულია გეტცეს ქვემოთდასახელებულ ნაშრომში, ციტირებულ ადგილას.

აზიაში“, წერს, რომ სათანადო ლურსმული ნიშანი შეიძლება აგრეთვე როგორც „ხარი“-ც წაეიკითხოთო<sup>1</sup>. „ხარი“ ფორმას მხარს უჭერს სახელგანთქმული ელუარდ მაიერიც და რამდენიმე სხვა მეცნიერიც<sup>2</sup>.

მაგრამ შესაძლებელია ვიფიქროთ, რომ ამ სახელს რამდენიმე ფორმა ჰქონდა უკვე მაშინ, სხვადასხვა ენობრივი წრეებისდამიხედვით, ისევე როგორც გვაქვს: თაბალ-თუბალ-თობელ-ტიბარ-იბერ..., ურარტუ-არარატ-ალაროდ... და სხვა მათი<sup>3</sup> მსგავსნი. საყურადღებოა ფორმა არი-ც, რომელიც ხალდი-ალდის ცნობილ პარალელს მოგვაგონებს.

ჩვენ არ ვკისრულობთ აქ იმის გამოკვევას, დაუცავს თუ არა მერმინდელს ბერძნულს ლიტერატურულ გარდმოცემას ხარი-ხური სახელი ისევე, როგორც მან შემოგვინახა მატინა (მიტანი), ალაროდი (ურარტუ) და სხვები, მაგრამ არ შეიძლება არ აღვნიშნოთ, საყურადღებო ამ თვალსაზრისით, სახელწოდება „არიანა“. ავესტის „არიანა ვაეჯო“-ს ზოგი აზერბაიჯანში იგულებს, ზოგი ხვარაზმში. სტრაბონი, რომლისთვისაც არიანა ინდოეთის მოსაზღვრე ქვეყანაა, ამავე დროს ამბობს, რომ „არიანას სახელწოდებაც კელდება სპარსეთისა და მიდიის ერთ ნაწილზედაც და ბაქტრიისა და სოგდეთის ჩრდილოეთ ნაწილებზედაც, რადგანაც ყველა აქაური ხალხი თითქმის არ განსხვავდება ენით“-ო (XV, 2, 8), და რომ „არიანები“ ახლოს დგანან ასირიელებთან, სირიელებთან, არმენიელებთან და არაბებთან (I, 2, 34). ხომ არ არის აქ გეოგრაფიული სახელწოდება გადანაცვლებული აღმოსავლეთისაკენ ისევე, როგორც იმავე სტრაბონის ტექსტში „მატიანა“ გამოცხადებულია „მიდიის მხარედ“ (II, 1, 14; XI, 7, 2; XI, 8, 8).

როგორც არ უნდა გადაწყდეს „არიანა“-ს საკითხი, ჩვენ ვფიქრობთ, რომ ქართლის მოქცევის თხრობის არიან-ქართლი წარმოადგენს მოგონებას ჰარი-ქვეყნის, როგორც ქართველთა უძველესი საცხოვრისის შესახებ. რეალურად აქ შესაძლებელია იგულისხმებოდეს როგორც, მიტანი, ისე ურარტუც, ვანის ტბის მიდამოები, რადგანაც, როგორც ვნახეთ, ჰარი-ქვეყანა შეიცავდა ერთსაც და მეორესაც.

<sup>1</sup> A. Götz, Kleinasien (Kulturgeschichte des Alten Orients), 1933, S. 57, A. 2.

<sup>2</sup> მაიერზე მითითება იხ. აგრეთვე გეტცესთან.



ენობრივად ხარი || ჰარის დაახლოებას არიანთან, ვფიქრობთ, ხელს არაფერი დაუშლის. ფუძე ამ სახელებში ერთიდაიგივეა, თუ ხ || ჰ-ს დაკარგვას შესაძლებლად მივიჩნევთ. როგორც ზემოთ ვნახეთ (იხ. გვ. 69), „არი“ ფორმა უკვე ლურსმულ ტექსტებშია დადასტურებული. რაც შეეხება დაბოლოება -ან'ს, იგი ქართველურ ენებში კარგად არის ცნობილი<sup>1</sup>. რა ფუნქცია აქვს აქ ფორმანტს, აწარმოებს ზედსართავს (ყვიც-ი-ან-ი || ყვით-ელ-ი...), თუ არსებითს სახელს ეთნიკა-ტოპონიმის კატეგორიებიდან (ზან-ქან-სვანი..., არტანი, გურჯანი, მირზანი...), ეს ისეთი საკითხია, რომლის გადაჭრისათვის საჭირო მასალა ამჟამად ჩვენ არ მოგვეპოვება<sup>2</sup>. ამ საკითხს ჩვენ უსხვა დროს დავუბრუნდებით, ხოლო ამჟამად თქმულების ისტორიულ მხარეზე შევაჩერებთ ჩვენს მსჯელობას.

რომ „ქართლის მოქცევის“ თხრობაში დაცული თქმულება ძველია, ამას ჩვენ ანტიკური ბერძნულ-რომაული მწერლობა გვიმოწმებს. ირკვევა, რომ ეს თქმულება ფართოდ ყოფილა გავრცელებული მთელს ძველ ამიერ-კავკასიაში. სტრაბონი, მაგ., ამბობს: კირსილე ფარსალიელისა და მედი ლარისაელის სიტყვით, რომელნიც ალექსანდრეს ლაშქრობაში მონაწილეობდნენ, არმენიას ეს სახელი ეწოდა არმენის მიხედვით (აქ იგულისხმება იასონის ერთი თანამგზავრთავანი, ს. ჯ.). არმენის თანამგზავრთავან ზოგმა დაიკავა აკილისენა, რომელიც მანამდე სოფენელების ხელქვეით იყო, სხვები კი დასახლდნენ სისპირიტიდაში კალახენასა და აღიბენამდე, არმენიის საზღვრებს გარეთ (წ. XI, თ. 14, § 12). მეორე ადგილას სტრაბონი, ზოგიერთი მომენტის განვრცობით, მოგვითხრობს შემდეგს: ამბობენ, რომ იასონმა, თესალიელ არმენთან ერთად, თავის მოგზაურობის დროს კოლხიდაში მიაღწია კასპიის ზღვას, გაიარა იბერია, ალბანია, არმენიისა და მედიის ბევრი ნაწილი, როგორც ამას მოწმობს იასონის სალოცავები და მრავალი სხვა ძეგლი. არმენი იყო თითქოს ქალაქ არმენიიდან, — რომელიც მდებარეობს ბოიბეიდის ტბის გარშემო, ფერებსა და ლარისას შორის, — ხოლო მისი ამხანაგები თითქოს ცხოვრობდნენ აკილისენასა და სისპირიტიდაში, კალახენასა და აღიბენამდე; თვით არმენის სახელის მიხედვით ქვეყანასაც არმენია ეწოდა

<sup>1</sup> იხ. ს. ჯანაშია, თაბალ-თუბალი...

<sup>2</sup> „არიან“ ფორმის სინტაქსური ადგილი და ფუნქცია ჩვენს ტექსტში (ყრდობდ, ის გარემოება, რომ იგი მიემართება როგორც „ქართლს“, ისე „ქართველებს“) თითქოს უფრო ზედსართავი წარმოების სასარგებლოდ ლაპარაკობს.

(წ. XI, თ. 4, § 8; ცნობა არმენის წარმოშობის შესახებ განმეორებულია ზემოთციტირებულ თავშიაც). ცნობა იასონის სალოცავეების შესახებ სტრაბონს უფრო დაწვრილებით გადმოცემული აქვს მე-14 თავში: „იასონის ლაშქრობას მოწმობს იასონის სალოცავეები, რომელთაგანაც ზოგი აგებულია დინასტების მიერ, როგორც მაგალითად იასონის ტაძარი აბდერაში აგებულია პარმენიონის მიერ“ (წ. XI, თ. 14, § 12).

ეკვი არ არის, რომ თქმულება არგონავტების შესახებ, საერთოდ, და, კერძოდ, მისი აქ მოტანილი ნაწილი მრავალი სხვადასხვადროისა და წარმოშობის ფენითაა შემოგარსული. ამ მრავალკეც გარეშრებების ქვეშ ისტორიული ქვემარტების მარცვალი მაინც შეიძლება აღმოვაჩინოთ, ასე, მაგ., დიდად საყურადღებოა, რომ უკვე ჰეროდოტეს მოეპოვება ერთი ცნობა, რომლიდანაც ირკვევა, რომ ჰეროდოტეს დროს არგონავტიკის პერსონაჟებიდან მდღეა ყოფილა დასახული ეპონიმაღ: აქ მოთხრობიღია (VII, 62), რომ „მიღიეღებს („მეღებს“) ძვეღად ყვეღანი ეღახღნენ არიეღს, მაგრამ მას შემღეგ, რაც კოღბიღელი მღღეა ათენიღან მივიღა ამ არიეღთან, მათ გამოიღვალეს სახელი; ასე ამბობენ თავის შესახებ თვით მიღიეღები“-ო. ამრიგად, მეხუთე საუკუნის ბერძნული მწერღობისათვის აღებული წრის ეპონიმათა რიღცვიღან მხოღღოდ კოღბი, ე. ი. ა დ გ ი ლ ო ბ რ ი ვ ი, მ კ ვ ი დ რ ი პ ი რ ი ა ც ნ ო ბ ი ლ ი. სარწმუნოა, რომ თქმუღებას იასონის თანამოღაღქრის არმენის შესახებ გაიმეორებღა ცნობისმოყვარე და მრავალმომთხრობელი ჰეროდოტე, მის დროს რომ ეს თქმუღება ბერძნულ მწერღღობაში არსებუღიყო.

საყურადღებოა, რომ სტრაბონი არმენის შესახებ გარღღმოცემის შექრის დროს ბერძნულ ლიტერატურაში აღრინღღელღინისტური ხანიღთ ათარიღღებს — მისი წყარო აღეღსანღრეს თანამოღაღქრეთა მოთხრობაა. ამღღენაღღვე, სარწმუნო ჩანს აგრეთვე, რომ თქმუღება არმენიეღღების ეპონიმის შესახებ ბერძნებმა აღღგიღობრივ შეიღთვისეს სწორღდ აღრინღღელ ეღღინისტურ ხანაში, როღღესაც ეღღინურმა სამყარომ უფრო მკიღღრო კონტაქტი დაამყარა მახღღობელი აღღღოსავღღეთის შინაგან რაიღღნებთან და როცა არმენიეღღებმა დამკვიღღრება იწყეს ძვეღი ურარტუს ტერიტორიაზე. თქმუღების აღღგიღობრივ წარმოშობაზე მიუთითებს ცნობაც საღღლოცავეების შესახებ — იმის მოწმობა, რომ ეთნარქი გაღღმერთებუღლი იყო მკვიღღრი მოსახღღეობის მიერ, რაც წარმოუღღღვენელია იმ

შემთხვევაში, თუ თქმულებას ბერძნების მიერ მოტანილად მივიჩნევთ.

სტრაბონის ცნობაში არსებითად იხსენიება არა ერთი, არამედ რამდენიმე ეპონიმი. არმენის როლი, ფაქტიურად, თქმულებაში იმითაა ამოწურული, რომ მისგან სახელი მიიღო ქვეყანამ, არმენიამ. ხოლო არმენის თანამგზავრების შესახებ ნათქვამია, რომ მათ დაიკავეს, ბინადრობა გაიჩინეს აკილისენასა და სისპირიტიდაში, რომ მათ, მაშასადამე, საფუძველი დაუდვეს ამ ქვეყნების მოსახლეობას. არმენის თანამგზავრები, რომელთა სახელიც სტრაბონთან დაცული არ არის, ამრიგად ნამდვილ ეთნარქებად არიან წარმოდგენილნი. ამავე დროს ეს არიან აკილისენასა და სისპირიტიდას მოსახლეობის, ე. ი. სწორედ სასპერ-იბერების, წინაპრები, იმიტომ რომ, როგორც ვნახეთ, ეს პროვინციები იბერების ძველთაძველი და მშობლიური თემები იყო, ხოლო სისპირიტიდაში ანუ სპერში იბერები, რათქმაუნდა, მესამე საუკუნეში, ძვ. წ., ჯერ კიდევ კომპაქტური და ძირითადი, ეთნიკურად გაბატონებული, მოსახლეობის სახით უნდა ყოფილიყვნენ წარმოდგენილნი. არმენის თანამგზავრები, მაშასადამე, იბერების ეთნარქებად იყვნენ მიჩნეულნი.

ის გარემოება, რომ სტრაბონისეულ თქმულებაში იბერების ეთნარქის სახელი მოხსენებული არ არის, შეიძლება იმით აიხსნებოდეს, რომ ამ ეთნარქის სახელსა და ქვეყნის თუ ხალხის სახელწოდებას შორის არ იყო ისეთი შინაგანი კავშირი, როგორიც არმენსა და არმენიას შორის. მაგრამ ჩვენ ვფიქრობთ, რომ სტრაბონისეულ მოთხრობაშიაც არის ნიშნები, რომელთა მიხედვითაც შეიძლება ვივარაუდოთ იბერების ეთნარქის სახელი და ვინაობა ისე, როგორც ის თავდაპირველად უნდა ყოფილიყო წარმოდგენილი ადგილობრივს თქმულებაში.

ეთნარქის გაღმერთება, რომლის შესახებაც ჩვენ ზემოთ ვამბობდით, არსებითად თვით არმენთან სრულებითაც არ არის დაკავშირებული. სტრაბონი ორივეგან იასონის სალოცაუების შესახებ ლაპარაკობს. გაუგებარია, რატომ უნდა აეგოთ კავკასიაში ხალხებს სწორედ იასონისათვის სალოცაუები, და არა არმენისათვის, რომლისაგანაც სახელი მიიღო არმენიამ. თუ იყო ცნობა, რომ სალოცაუები იასონის და არა სხვა ვისიმე სახელზე იყო აშენებული, ეს იმას მოწმობს, რომ კულტის საგანი იასონი იყო ან იასონს უკავშირდებოდა. ბუნებრივი იქნება ვიფიქროთ, რომ ადგილობრივი თქმულების თავდაპირველ ტექსტში „იასონი“

(ჯერ ასე ვუწოდოთ მას) იხსენიებოდა კიდეც ეთნარქად. ასევე ბუნებრივი იქნება განვავრცოთ ჩვენი ვარაუდი და მივილოთ, რომ სწორედ „იასონი“ ერია არმენის იმ თანამგზავრთა რიცხვში, რომელთაც საფუძველი დაუდევს სისპირიტიდასა და აკილისენას მოსახლეობას და რომელნიც სტრაბონის ცნობაში სახელდებით მოხსენებულნი არ არიან. შესაძლოა ისიც, რომ „იასონი“ სპეციალურად სასპერების მამათმთავრად ითვლებოდა, თუ ვიგულებთ (რაც შესაწყნარებელია), რომ ერთ პროვინციას ერთი ეთნარქი ჰყავდა მიჩენილი.

მართლაც, რომ იასონი კავკასიაში ეთნარქად იყო მიჩნეული, ეს დადასტურებულია დოკუმენტალურად. ტაციტი მოგვითხრობს: იმ ბრძოლაში, რომელიც წარმოებდა სომხეთის გამო ქართველებსა და სპარსელებს შორის, ქართლის მეფეს ფარსმანს ეხმარებოდნენ ალბანელები და სარმატები. უპირატესობა აშკარად ფარსმანის მხარეზე იყო: სპარსელების ერთადერთი ძალა მხედრობაში მდგომარეობდა, ფარსმანი კი ძლიერი იყო ქვეითობითაც, „ვინაიდან იბერები და ალბანელები, რომელნიც მთიან ადგილებში ცხოვრობდნენ, უფრო შეჩვეული არიან ცხოვრების სიმკაცრესა და ამტანობას. ისინი ამბობენ, რომ წარმოშობილნი არიან თესალიელებისაგან იმ დროს, როცა იასონი, რომელმაც წაიყვანა მედეა და შვილები გაიჩინა მასთან, შემდეგ დაბრუნდა აეტის დაცარიელებულ სასახლეში უმეფოდ დარჩენილ კოლხებთან. მართლაც აქ ბევრი რამ მოწმობს მისი სახელისა და ფრიქსის ორაკულის შესახებ. არავინ არ სწირავს იქ მსხვერპლად ვერძს, რადგანაც სწამთ, რომ მან მოიყვანა ფრიქსი, იყო ეს ცხოველი თუ ხომალდის ღერბი“ (ანალები, VI, 34). მართალია, მთლად ნათელი არ არის, ტაციტი ამ გარდმოცემას ორივე ხალხს მიაწერს, თუ მხოლოდ იბერებს, მაგრამ ცხადია, რომ პირველ რიგში თქმულება მაინც იბერებს მიემართება: ტაციტის მიერ მოთხრობილ ამბავში მთავარი როლი მაინც იბერებს აქვთ დაკისრებული; გარდა ამისა, იასონისაგან ჩამომავლობის დასასაბუთებლად მისი აეტის სამფლობელოში დამკვიდრების დასახელება სწორედ კოლხების ძმურად მონათესავე იბერებს თუ დაეჯერებოდა.

დამატებით უნდა აღვნიშნოთ, რომ გამოჩენილი რომელიმე მწერალი პლინიუს სეკუნდი აგრეთვე ამბობს: „ალბანელები, გარდმოცემით, იასონისაგან არიან წარმოშობილნი“-ო (ნატურალური ისტორია, წ. VI, § 38).

თუ როგორ გავრცელდა თქმულება იასონზე ალბანეთშიაც, ეს ცალკე საკითხია, რომელსაც ჩვენ ქვემოთ შევხვებით. ყოველ შემთხვევაში დადასტურებულად უნდა ჩაითვალოს ადგილობრივი გარდმოცემის არსებობა, რომელიც იბერების წინაპრად პირდაპირ ასახელებდა იასონს ან ამ სახელის მსგავსი სახელის მატარებელ ეთნარქს<sup>1</sup>.

ამრიგად აღდგენილი ძველი კავკასიური თქმულება ეთნარქი იასონისა და არმენის, არმენიის ეპონიმის, შესახებ გასაოცრად ემსგავსება ძველ-ქართულ გარდმოცემას არიან-ქართლის მეფის ძის აზოს, ისტორიული ქართლის ეთნარქის, შესახებ.

თვალსაჩინოა ონომასტიკური მონაცემების მსგავსება: იასონ და აზო, არიანი და არმენი. [ხაზგასასმელია, რომ ჩვენ სწორედ მსგავსებაზე მივუთითებთ და არა იგივეობაზე; „იასონ“, მაგ., „აზო“-საგან მაინც იმდენად განსხვავდება ფონეტიკურად, რომ მათი მსგავსება შესაძლოა შემთხვევითიც იყოს. იგივე უნდა ითქვას არიანისა და არმენის ურთიერთობის შესახებ, რასაც უნდა დავმატოს მათი მნიშვნელობითი სხვაობაც: „არიან“ ქვეყნის სახელია, „არმენი“ — კაცისა; საერთო ის არის, რომ ორივე, სხვადასხვა გზით, ადგილსაცხოვრისს მიემართება.

ასეთი მსგავსების პირობებში კანონზომიერია კითხვა: არის ეს გარდმოცემა, რომელსაც სხვადასხვა ვარიანტით ვადმოგვცემენ ჰეროდოტე, სტრაბონი, პლინიუსი და ტაციტი, ადგილობრივი გარდმოცემა, რომელიც შეითვისეს ბერძნებმა და რომაელებმა, თუ პირიქით, ეს იგივე არგონაეტების თქმულებაა, ბერძნებისაგან შეთვისებული კავკასიელი ხალხების მიერ? ჩვენ უკანასკნელ შესაძლებლობას გადაჭრით უარყოფთ, იმიტომ რომ თავდაპირველ თქმულებაში იასონისა და მისი თანამემამულეების მოგზაურობის შესახებ კოლხეთში ვერაფერს ვპოვულობთ ისეთს, რასაც შეეძლო.

<sup>1</sup> აქ შეუძლებელია არ მოვიგონოთ, აღძრულ საკითხებთან კავშირში, სუმბატ დავითის-ძის კონსტრუქცია, რომლის თანახმადაც ბაგრატიონთა წინაპარნი, სოლომონის შვიდნი ძენი, თუმცა ებრაელები არიან წარმოშობით, მაგრამ თავდაპირველად ე კ ლ ე ც ს მკვიდრდებიან, ვინმე რაქაელ დედოფლის წინაშე ეკლესი დაარჩენილა 3 ძმა, ზოლო დანარჩენნი ჩრდილოეთისაკენ წასულან: გუარამი ქართლის ბაგრატიონების წინაპარი გაზხდარა, საპაკი კახეთს დაბინავებულა, ზოლო უსამმა და ვარაზგარდმა კამბეჩანის ერისთაობა ჩაიდდეს ზელში, მარ. ქცბ., 338—339. ეკლესი იგივე აკილისენაა და, ამდენადვე, სუმბატის თქმულებაში დატულია რაღაც გამოძახილი ეკლეს-აკილისენას, სპერის — ბაგრატიონთა დომენის, და ქართლის, თავისი ალბანეთის მოსახლერე პერიფერიითურთ, გარკვეული ისტორიული კავშირის შესახებ.

გაეჩინა წარმოდგენა იასონსა და მისს ახლად შეთხზულს თანამგზავრ არმენზე, როგორც იბერებისა და არმენიელების წინაპრებზე. თესალიელი აბრაგი, რომელმაც მოიტაცა კოლხების უდიდესი განძი, კოლხეთის მეფის ასულთან ერთად, და რომელიც მიზეზი გახდა კოლხეთის მეფის, მეფისძისა და მრავალი კოლხის ტრაგიკული დაღუპვისა და თვით კოლხეთის გაუბედურებისა (ოქროს ვერძის დაკარგვა), როგორ უნდა გადაქცეულიყო ქართველთა გაღმერთებულ მამათმავრად? ასეთი მეტამორფოზი დაუჯერებელია.

უფრო ბუნებრივი და ძალდაუტანებელი იქნება მივიღოთ, რომ გარდმოცემა ქართველთა ჩამომავლობის შესახებ, ახლო მსგავსების მქონე „ქართლის მოქცევის“ თხრობასთან აზოს შესახებ, ძველი და ფართოდ გავრცელებული ადგილობრივი ტრადიცია იყო. ამ თქმულების სხვადასხვა ნაწილებს ბერძნები, ჩანს, უკვე შეექვემდებრებოდნენ საუკუნიდან ეცნობიან თანდათან!

ჰეროდოტესთან დაცული ფრაგმენტი ამ გარდმოცემისა საყურადღებოა არა მარტო იმ მხრივ, რომ აქ დადასტურებულია ეთნარქების ადგილობრივი წარმოშობა, არამედ იმ მხრივაც, რომ იგი, ჩვენი აზრით, ემოწმება ქართულ არიანს-ს. ჩვენ ასე გვაქვს წარმოდგენილი: იმ გარდმოცემაში, რომელიც ადგილობრივ გაიგონეს ბერძნებმა უკვე VI—V საუკუნეში, იყო ცნობა არიან-ქვეყნის შესახებ; ეს ცნობა ბერძნებმა გადაიტანეს არიან-მიდიელებზე, ხოლო მედ — მიდიელის სახელის ასახსნელად გამოყენებულ იქნა მედეა — ამ სახელების მსგავსების დაჭერა არავითარ სიძნელეს არ შეიცავდა. არიან-ქვეყნისა და მედიის დაახლოებაც ძნელი არ იყო, რადგან, როგორც ზემოთაც გვქონდა აღნიშნული, უკვე კლასიკურმა მწერლობამაც იცის, რომ მედია შეადგენდა არიანას ნაწილს („არიანას სახელწოდება ვრცელდება სპარსეთისა და მედიის ერთ ნაწილზედაც“, სტრაბონი, წ. XV, თ. 2, § 8). ამავე გეოგრაფიული ფაქტისა და წარმოდგენის სხვაგვარი გამოთქმა სტრაბონისავე ცნობა, რომ „მატიანა მედიის ოლქია“ (წ. II, თ. I, § 14): მატიანა-არიანას კავშირის შესახებ ჩვენ ზემოთ ბევრი გვაქვს ნათქვამი. ჰეროდოტეს ჩვენება მნიშვნელოვანია იმ მხრივაც, რომ ნაწილობრივ გვიხსნის, თუ როგორ მოხდა შემდეგში თქმულების გავრცელება ალბანეთზედაც: გეოგრაფიულად ალბანეთის დაკავშირება მედიასთან ბუნებრივი იყო და ასევე ბუნებრივი წარმომავლობის შესახებ თქმულების გადმოტანა, სათანადოდ შეცვლილ ფორმაში; რაკი მედიის ეპონიმად მედეა იყო მიჩნეული, ალბანელების ეთ-

ნარქად მედეას ქმარი, იასონი, აღიარეს. ეს იყო განვითარება-სტრაბონთან დაცული ცნობებისა, რომ იასონმა და არმენმა მოიარეს იბერია, ალბანია, არმენიისა და მედიის მრავალი ნაწილი (წ. XI, თ. 4, § 8) და რომ მედეა იასონთან ერთად მბრძანებლობდა ამ ქვეყნებში (მედიასში), რომ იასონს აქ მოგვაგონებს მის სახელზე აგებული სალოცავები, რომელთაც დიდ თაყვანს სცემენ ბარბაროსები, რომ მარცხნივ კასპიის კარებიდან (დარუბანდის ყელიდან?) არის მნიშვნელოვანი მთა, რომელსაც იასონის სახელი ჰქვია (ალბანეთში? იბერიაში? საეკეოა, რომ აქ „კაკ-ასი“ იგულისხმებოდეს, წ. XI, თ. 13, § 10).

საერთოდ, თუ როგორ იზრდებოდა და იცვლებოდა, გაბერძნულების მიმართულებით, პირვანდელი ადგილობრივი თქმულება, ეს გარდა ზემოთაღნიშნულისა, კარგად ჩანს სხვა ფაქტებზედაც. ასე, მაგ., მედიის ეპონიმად კოლხი ქალის მედეას მაგიერ შეთხზულიქნა უკვე მედეას შვილი მედი, რომლისგანაც სახელი მიიღო თურმე ქვეყანამ (სტრაბონი, წ. XI, თ. 13, § 10; დიოდორე სიცილიელი, ბიბლიოთეკა, IV, 56). ბერძნული მითოსის გავლენას ვხედავთ ჩვენ ლეონტი მროველთანაც: უკანასკნელის აზონ მაკედონელი „ქართლის მოქცევის“ აზოსა და „არგონატიკას“ იასონის კონტამინაციის შედეგია, რათქმუნდა<sup>1</sup>.

თქმულების წარმომავლობის გასარკვევად მნიშვნელობას არ არის მოკლებული ის გარემოება, რომ ეს გარდმოცემა უცნობი დარჩა სომხური და ალბანური მწერლობისათვის<sup>2</sup>, მაშინ როცა ქართულმა იგი ორიგინალური ფორმით ისეთ ძველ ძეგლში დაიცვა, როგორცაა „ქართლის მოქცევა“.

ჩვენ უკვე ვნახეთ, თუ როგორს ისტორიულ სინამდვილეს ებჯინება ქართული გარდმოცემის ცნობა, რომელიც ძველ სამშობ-

<sup>1</sup> უკვე დ. ბაქრაძეს ჰქონდა შენიშნული, საქ. ისტ., 78: ქ. ცხ-ის აზონი საეკეოა, იგი მოგვაგონებს იაზონ არგონავტს, „ეს ჩვენი აზონი უნდა იყოს ნამდვილი მიფი ბერძნულის მწერლობის ზედმოქმედების დროს ქართულ მწერლობაზე მითვისებული ჩვენ მემატანეთაგან“.

<sup>2</sup> როგორც სებეოსთან დაცულს ანონიმურს დაწყებითს ისტორიას, ისე მოსე ზორენელსაც სომხების ეთნარქების სქემა ბიბლიურ გენეალოგიებზე აქვთ აშენებული. სახელწოდება „არმენიის“ ასახსნელად მართალია აქაც გამოყენებულია სათანადო ფუძის სახელი, მაგრამ ამ სახელის მატარებელი პირი, ჰაიკის შთამომავალი, იაფეტისაგან არის გამოყვანილი. მოსე კალანკატუელიც ამავე სქემას მისდევს და ალბანეთის, არაბ. არანის, ეპონიმად იაფეტის ნაშიერს „არანს“ ეიჩინებს. ესრევ კონტეპცია მიიღო შემდგომი ლეონტი მროველმაც.

ლოზე მითითებას შეიცავს. რას წარმოადგენს ამ თვალსაზრისით გარდმოცემის მეორე ელემენტი, ცნობა ეთნარქის შესახებ?

ის გარემოება, რომ აქ ჩვენ არსებითად ეპონიმიან არა გვაქვს საქმე, აძლიერებს ჩვენს ნდობას საკუთრივ „აზო“-სადმი, მაშინ როცა „ქართლოს“-ში, „არმენაკ“-ში და მათს მსგავს კონსტრუქციებში ხელოვნური ეტიმოლოგიზაცია თავისთავად გამოსჭევის. მკაცრად რომ გავსინჯოთ, გარდმოცემა აზოს მხოლოდ მცხეთა-არმაზის დინასტიის დამაარსებლად სთვლის, და არა მთელი ხალხის წინაპრად. ეს მეორე გარემოებაც ზრდის ნდობას აზოს ისტორიულობისადმი. გარდა ამისა, იმ არიან-ქვეყანაში, მიტანი-ურარტუს სამყაროში, საიდანაც გარდმოცემას აზო გამოჰყავს, ხოლო ისტორიულ ანალიზს — ქართველობაც, სამეფო ონომასტიკონი წარმოგვიდგენს საყურადღებო ფაქტებს, რომელნიც ამ პირისსახელისათვის ბევრად უფრო რეალურ ნიადაგად უნდა მივიჩნიოთ, ვიდრე ბერძნული მითოსი.

მიტანი-ნაირი-ურარტუ მრავალტომიანი ქვეყანა იყო. მეორე ათასეულის მეორე ნახევრიდან მოყოლებული, ეს ტომები სრულიად თითქმის არასოდეს არ გაერთიანებულან. ურარტუს სამეფოს ძლიერების ხანაშიაც უძლიერესნი ამ ტომთა შორის გარკვეულ სეპარატიზმს იჩენენ. უფრო სწორედ რომ ვთქვათ, ეს სეპარატიზმი იმდენად არ არის, რამდენადაც ბრძოლა პირველობისათვის, ჰეგემონიისათვის ჰარი-სამყაროში. ყველაზე მნიშვნელოვანი ამ თემთა შორის (საკუთრივ ურარტუ-ბიანას გარდა) მანა იყო, რომლის ხსენება ასურულ წყაროებში იმავე მეცხრე საუკუნეში ჩნდება, როცა თვით ურარტუსიც. ამის შემდეგ მანა ლურსმულ წარწერებში ძალიან ხშირად იხსენიება, როგორც აქტიურად მებრძოლი, ერთი მხრით, თავის დამოუკიდებლობისათვის ასურელების წინააღმდეგ, მეორე მხრით, ბიანას მეფეების წინააღმდეგაც ჰეგემონიის მოსაპოვებლად. შალმანესერ მესამის (858—824) მეფობის მე-30 წელს (828 წ., ძვ. წ.), ასურეთის მბრძანებლის ტურტანი ჰუბუშკიადან გადადის მანაში, რომლის მფლობელი უალკი იძულებულია დასტოვოს თავისი სატახტო ქალაქი ზირთა. ასურელებმა ააოხრეს დედა-ქალაქი და აურაცხელი ნადავლი წამოიღეს მანადან — მსხვილფეხა პირუტყვი, ცხვარი, ქონება<sup>1</sup>. ჩვენ აქ ვერ შევჩერდებით ყველა ცნობაზე მანას შესახებ ლურსმულ წარწერებში.

<sup>1</sup> D. D. Luckenbill, Ancient records of Assyria and Babylonia, Chicago, 1926, I, 587.



აღენიშნავთ მხოლოდ, რომ ნაირის (მიტანის) ამ ქვეყნის სამეფო დინასტიაში საგვარეულო სახელი ყოფილა აზნ, რომელსაც აზნ-აზნ (ლურსმულში ორივე ხმოვანი ერთი ნიშნითაა გადმოცემული) ფორმაც ენაცვლება. მერვე საუკუნის სამოციან წლებში ურარტუს მეფე არგიშტი I (778—750) ებრძვის მანას, სადაც მეფედ არის ამ დროს აზნ<sup>1</sup>. ალბათ ამ აზას შეიღია ირანზუ (თუ ირანზო, ეს სახელიც საყურადღებოა!), რომლის შესახებაც სარგონი (724—705) გვიამბობს თავის ხორსაბადის ტექსტებში: ძლიერმა ქალაქებმა შუანდახულმა და დურდუკამომი განიზრახეს თავის მეფისა და ბატონის ირანზუს წინააღმდეგ, რომელიც ჩემს უღელს ეწეოდა (ე. ი. ჩემი ქვეშევრდომი იყო), და მიენდვნენ მიტატის ზიქირთუდან, რომელმაც მათ თავისი მეომრები და მხედრობა მისცაო. ასურეთის მბრძანებელი იკვეხის; ეს ურჩი ქალაქები ძირიანად მოვთხარეო. ეს მომხდარა სარგონის მეფობის მესამე წელს, ე. ი. 721 წ., ძვ. წ.<sup>2</sup>, ხოლო ამავე მეფობის მეექვსე წელს, 718 წ., ძვ. წ., ურსას, ანუ რუსას, ურარტუს მეფეს, და იმავე მიტატის, ზიქირთუდან, კვლავ აუმხედრებიან მანას მოსახლეობის ნაწილი სარგონისა და მათი (ე. ი. მანაველების) მბრძანებლის შვილის აზას წინააღმდეგ. მემამოხეებს მოუკლავთ აზნ უ აუ შ-ის ციციბო მთაზე და გვამიც იქვე დაუგდიათ. სარგონი მოგვითხრობს: აღუუპყარ ხელი ვედრებით ასურს, ჩემს მბრძანებელს, რომ შური მეძია მანას ქვეყნისათვის და დამებრუნებინა იგი ასურეთის მფლობელობისათვის. უაუ-შის მთაზე მე ტყავი გავაძვრე ბაგდატუს და ვუჩვენე იგი მანაველებს. ულუსუნუ, მისი ძმა, მე დავაყენე სამეფო ტახტზე და მთელი მანას ქვეყანა მას დაეუმორჩილეო. მაგრამ შემდეგში ეს ულუსუნუც გადასდგომია სარგონს და რუსას მინდობია. ულუსუნუს სხვა თემებიც აუმხედრებია ასურეთის წინააღმდეგ. სარგონმა დალაშქრა მანა, ცეცხლით გადაბუგა დედა-ქალაქი იზირთუ (წინათ მოხსენებული ზირთა), მოსახლეობა ასწყვიტა და ხელთ იგდო ქალაქები ზიბია და არმანდი. მაგრამ სარგონის მდგომარეობა მანაში არ იყო მკვიდრი, როგორც ჩანს, და მას ისევ შერიგება ურჩევია ულუსუნუსთან, რომელიც აღუდგენია სამეფო ტახტზე<sup>3</sup>. ამის საპასუხოდ, რუსას 22 ციხე წაურთმევია ულუსუნუსათვის, რაც შემდეგ სარგონს ისევ დაუბრუნებია (ეს ცნობა მანას ტერიტორიის სივრცეზე მიუთითებს). მე დავამშვიდე მანას ქვეყანა, რო-

<sup>1</sup> И. И. Мещанинов, Халдоведение, Баку, 1927, стр. 25.

<sup>2</sup> ლუქენბილი, ტ. II (1927), 6.

<sup>3</sup> იქვე, II, § 10.

მელსაც განხეთქილება აწუხებდაო, ამბობს სარგონი. ეს მომხდარა 717 წ. <sup>1</sup>. შემდეგ დედა-ქალაქ იზირთუში სარგონს თავისი ქანდაკება დაუდგამს, წარწერით <sup>2</sup>. 716 წელს სარგონს კვლავ გაულაშქრნია მანას წინააღმდეგ და მანაველებისაგან ხარკი აუღია. ძღვენი მიუღია მას აგრეთვე (გიზილბუნდის) ქალაქისთავების ზიზი და ზალასაგან (მიაქციეთ ყურადღება სახელებს) <sup>3</sup>. შემდეგ სარგონი გვამცნობს, რუსას წავართვი მთა უიშდიში, მანაველების მთიანი ოლქი, და მივეცი ის ულუსუნუ მანაველსო <sup>4</sup>. შემდეგშიაც იხსენიება ულუსუნუ მანაველი, როგორც სარგონის მოხარკე; საყურადღებოა, რომ ამავე ცნობაში თაბალიცაა მოხსენებული <sup>5</sup>.

ამ წარწერების ცნობებს სარგონი იმეორებს ცოტა სხვა ვერსიით ე. წ. „საგამოფენო წარწერაში“. აქ სარგონი მოუთხრობს: ირანზუს სიკვდილის შემდეგ მის ტახტზე მისი შვილი აზა დავაყენეო. მაშინ რუსა ურარტიელმა აამხედრა ხალხი უიშდიშიდან, ზიქირთუდან და მისიანდუდან, მანაველების დიდი წინამძღოლებიო, რომელთაც მოუკლავთ აზა უაუშის მთაზე. მერმე იგივე ცნობები მოსდევს, მხოლოდ ისე გამოდის, თითქოს ულუსუნუ თავდაპირველად რუსას კანდიდატი იყო და თითქოს ულუსუნუმ 22 სიმაგრე ქრთამად მისცა რუსას, ალბათ ტახტისათვის. ქალაქები ზიზია და არმანდი აქ დასახელებულია როგორც იზიზია და არმიდი, „მიუდგომელი სიმაგრეები“. ზიქირთუს-ქვეყნელი მიტატის სატახტო ქალაქად დასახელებულია პარდა. იხსენიება აგრეთვე მანაველების ქალაქები შუანდახული და ზურზუკა. იხსენიება ბედ-შავი ბაგდატიც, უიშდიშის ქვეყნიდან, რომელსაც ტყავი გააძვრეს <sup>6</sup>.

საინტერესო ცნობებს შეიცავს სარგონის ეპისტოლე ასურისადმი მერვე ლაშქრობის შესახებ. ეს ლაშქრობა თითქოს ზიქირთუ და ანდია ქვეყნების წინააღმდეგ ყოფილა მიმართული. 26-ჯერ გადაულახავს სარგონის ლაშქარს მდინარე ბუია. შემდეგ გაუვლია მეტად მაღალი და ძნელად გასაველი მთა სიმირრია <sup>7</sup>, ისევე როგორც სხვა მთები — სინაპულზი და ბირუათთი, ძლიერი მთები, აგრეთვე თურთანი, სინაბირი, აპშურა და სუია <sup>8</sup>.

<sup>1</sup> იქვე, 12.

<sup>2</sup> იქვე, 13.

<sup>3</sup> იქვე, 19.

<sup>4</sup> იქვე, 20.

<sup>5</sup> იქვე, 24.

<sup>6</sup> იქვე, 56.

<sup>7</sup> იქვე, 142.

<sup>8</sup> იქვე, 143 (ეპისტოლე, იხ. აგრეთვე Thureau-Dangin, Une relation de la huitième campagne de Sargon, P., 1912; ქვემოთ = თურთ-დანეენი).

შემდეგ სარგონის ლაშქარს გაუვლია ამ მთების ძირში მიმდინარე რაპა და არათთა და ჩასულა ს უ რ ი კ ა შ ი ს პირდაპირ, რომელიც მანას ქვეყნის ოლქი ყოფილა და კ ა რ ა ლ ი ს ა და ა ლ ა ბ რ ი ა ს თემებს უდგებოდა. ულუსუნუ მანაველი, რომელმაც იცოდა, რომ ამ წლების განმავლობაში სარგონი სულ მის წინააღმდეგ შურისძიებაზე ფიქრობდა, თავისი წარჩინებულებითა და სხვა სეფეწულებით გამოვიდა დედა-ქალაქიზირთუდან, ეახლა სარგონს თავის სანაპირო სიმაგრეში, სინიჰინუში, და მიართვა ხარკი, ცხენები, უღელს შეჩვეულები, და მათი გამრეკელები, მსხვილი რქოსანი პირუტყვი და ცხვარი (იქვე, 144). აქედან, ალაბრიის სანაპირო ზონით, სარგონი ჩასულა პარსუაშუში, სადაც სარგონმა ძღვენი მიიღო მრავალი მეზობელი ქვეყნის მთავრისაგან; მათ შორის ყურადღებას იქცევს ზარდუჟუ ჰარზიანუდან (იქვე, 147). პარსუაშიდან, ამბობს სარგონი, მე მიველ მისი-ში, მანას ქვეყნის ოლქში. ულუსუნუ და მისი ხალხი მელოდნენ თავის ციხე სირდაკუ-ში. თითქოს ჩემი მოხელეები ყოფილიყვნენ, მან დამახვედრა ფქვილისა და ღვინის მარაგი, ჩემი ლაშქრის გამოსაკვებად. დიდი გახედნილი (*draft*, შესაბამელი?) ცხენები, მსხვილი რქოსანი პირუტყვი და ცხვარიც მივიღე მისგან, როგორც ხარკი. თავისი უფროსი ვაჟიშვილიც ჩამაბარა და მის მიერ ხელისუფლების მიღების სიმტკიცისათვის წარწერაც ამოკრა ფიქალზე. ულუსუნუ მევედრებოდა, შური მეძია მის მტრებზე, კაკში ქვეყნის ხალხისაგან, ბოროტი მტრებისაგან დამეთარა მისი ქვეყანა და უკუმეგლო რუსა, აღმედგინა გაფანტული მანაველები მათ წინანდელ ადგილსაცხოვრისში,— აი, რასა მოხოდნენ თვითონ ისა და მისი წარჩინებულნი, მისი ქვეყნის მმართველებიო, ამბობს სარგონი (იქვე, 148; ჩვენ ვამოკლებთ თხრობას, ს. ჯ.). შემდეგ სარგონი განაგრძობს: ულუსუნუს, მათი მეფისა და ბატონის, წინაშე მე გავშალე მძიმე სანადიმო სუფრა და ავამალლე მისი ტახტი მისი მამის, ირანზუს, ტახტზე ბევრად უფრო მაღლაო (ეს ცნობა მიუთითებს იმ მნიშვნელობაზე, რომელსაც ასურეთის მბრძანებელი მანას ქვეყანას აძლევდა). ამავე წარწერაში იხსენიებიან იგივე ზიზი, აპათარიდან, და ზალაია, კიტპათაიდან, გიზილბუნდუს ქვეყნის ქალაქისთავეები. მათი ქვეყანა აღწერილია როგორც შორეულ მთებში მდებარე ქვეყანა, ჩაკეტილი მანასა და მიდიელების ქვეყნებს შორის. ეს ქალაქისთავეები გამოცხადებულან სარგონთან, მორჩილების ნიშნად, მანას ქვეყნის ციხე ზირდიაკაში (იქვე, 149).

ზირდიაკიდან სარგონს გაუვლია 30 ბერუ (ორმაგი საათი) მანაველები ქვეყანასა, ბით-კაბსისა და ძლიერი მიდიელების ქვეყანას შორის და მიახლოებია პანზიშს, ძლიერს საფარ სიმაგრეს ზიქირთუსა და ანდიას ქვეყნების მისაღლომზე (150). პანზიშიდან სარგონი გადასულა მდ. იშთარ-აურაზე და მიახლოებია ზიქირთუს ოლქს აუკანეს, რამაც გამოიწვია მიტატი ზიქირთუელის, რომელმაც თავისი სატახტო ქალაქი პარდაც არარად მიიჩნია, და მისი ხალხის მთლიანად აყრა და გაქცევა. სარგონმა-კი ხელთ იგდო მათი მრავალი დაბა-ქალაქი (151). აუკანედან სარგონი გადასულა მანას ქვეყნის ოლქ უ ი შ დ ი შ-ში, რომელიც რუსას მიერ იყო მიტაცებული. რუსამ, სარგონის თქმით, დიდი ცოდვა ჩაიდინა, რომ ეს ქვეყანა გაანადგურა და მისი ხალხი დაიმორჩილა. რუსა და სარგონი შეხედნენ ერთმანეთს უ ა უ შ-ის მთასთან (საფიქრებელია, რომ ქვეყნის სახელი უ ი შ დ ი შ-ი ამ მთის სახელისაგან არის ნაწარმოები). სარგონი აღწერს უაუშის მთას, როგორც ხანჯლის წვერსავით ცაში აღმართულსა და ღრუბლებში ჩაფლულს დიდ მთას, რომელზედაც არასოდეს ადამიანს არ უვლია, რომლის მწვერვალზე არასოდეს ცაში მონავარდე ფრინველიც არ ასულა, რომელიც მუდამ თოვლითა და ყინულით არის დაფარული და სხვა (იქვე, 152; აღწერილობა რამდენადმე დაზიანებულია). საფიქრებელია, რომ მთა უაუში არარატს უდრის, და ამდენადვე უიშ-დიშის ოლქის მდებარეობაც განსაზღვრულია. ამ უაუშის მთის შუა სარგონსა და მის ლაშქარს, რომელიც დაღლილი და დაუძლურებული ყოფილა ამოდენა გზისა და ურიცხვი, მეტად ძნელი, მთების გავლის გამო, დაუმარცხებია რუსა, მიტატი ზიქირთუდან და სხვა მათი მოკავშირენი და უდევნია ისინი, 6 ბერუს მანძილზე, ზ ი მ უ რ ი ს მთამდე, იასპის (ეშმის) მთამდე. ამ ომის შედეგად რუსა დაიღუპა, ულუსუნუ-კი გავახარე, რაკი მის ქვეყანაში მისი მტრების ფეხი ამოვკვეთეთო, ამბობს სარგონი; მე შევაჩერე ჩემი ლაშქრობა ან დ ი ა ს ა და ზ ი ქ ი რ თ უ ს წინააღმდეგ და პირი ვიბრუნე ურარტუსაკენ; უ ი შ დ ი შ ი, მ ა ნ ა ს ქ ე ე ყ ნ ი ს ო ლ ქ ი, მისი მრავალი ციხე-ქალაქით, რომელნიც ურიცხვი არიან, როგორც ვარსკვლავნი ცისანი, მე მთლიანად ხელთ ვიგდეო. მათი მაგარი კედლები მე დავანგრიე, შევიქპერი მათს ურიცხვს ხეხილის ბაღებში და ჩემი ლაშქარი დავაძლე აუარებელი საქმლითაო (იქვე, 153—157). უიშდიშიდან სარგონი მიახლოებია „ქალაქ უშკაიას, დიდ ციხეს ურარტუს საზღვრის თავზე, რომელიც ჰეკტავს, როგორც კარი, ზ ა რ ა ნ დ ა ს ო ლ ქ ი ს შესავალს,

აბრკოლებს ჩემს შიკრიკებს, დვას მ ა ლ ა უ ს მ თ ა ზ ე, კვიპაროზის მთაზე, როგორც სანაპირო (სვეტი), და აღმართულია სხივოსნობით შემოსილი ს უ ბ ი ქვეყნის ველზე. ამ ოლქში მცხოვრებთ მეტოქე არა ჰყავთ მთელს ურარტუში ცხენოსნობაში. მრავალი წლის განმავლობაში ისინი იქერდნენ (ველური?) ცხენების ახალგაზრდა კვიცებს, ამ ვრცელი ქვეყნის ნაშიერებს, და აშენებდნენ მათ მისი სამეფო ჯარისათვის. მაგრამ მათ არ იქერენ ისე მალა, როგორც სუბიში, ოლქში, რომელსაც ურარტუს ხალხი მ ა ნ ა ს ქ ე ვ ე ყ ა ნ ა ს ეძახის, და მათი ჯოგები იქ არ ჩანან. ისინი უნავირს არ აღვამენ მათ, არამედ მიდიან რა წინ, გვერდისკენ მიბრუნებით ან უკან მობრუნებით, როგორც ეს საჭიროა ბრძოლაში, ვერასოდეს ვერ ნახავთ, რომ ისინი უღელს სტეხდნენ“... რუსას დამარცხების გამო შედრკა ეს ხალხიო, ამბობს სარგონი. შემდეგ საკმაოდ ბუნდოვან ფრაზაში იხსენებიან სუბიელების ომში გამოცდილი ბელადები, რომელნიც თითქოს ურჩევენ ხალხს, წინააღმდეგობა უიმედოა და ასურს დამორჩილდითო. მაგრამ სუბიელებმა უშკაია, ამ ქვეყნის სიმტკიცე, და გარშემო ქალაქები ნანგრევებად აქციეს, და ისეთ გზას გაუდგნენ, რომელსაც უკან მოსავალი არა აქვსო. სარგონი მაინც შესულა უშკაიაში და გაუწიდავს მისი გარდამეტებული სიმდიდრე, დიდი კედელი, რომელსაც განი მ კუბიტი ჰქონია, დაუნგრევია, შინაგანი საცხოვრებელი შენობები დიდი კოჭებით (თავხეებით) დაუწვავს, 115 გარშემო მდებარე ქალაქიც გადაუბუგავს, ქალაქი ა ნ ი ა შ ტ ა ნ ი ა, ს ა ნ გ ი ბ უ ტ უ ს საზღვარზე მდებარე, უ შ კ ა ი ა და თ ა რ მ ა კ ი ს ა ქალაქებს შორის, 17 გარშემო მდებარე ქალაქით, მიწასთან გაუსწორებია, მათი სახურავების დიდი კოჭები (თავხეები) დაუწვავს, ისევე როგორც მათი მოსავალი და მათი ნამკალი, მათი საცხე ბელლები დაუღია და თავისი ჯარები დაუძლია ამოურწყველი მარცვლით. „როგორც კალია, შევუსიე ჩემი ბანაკის ცხოველები მის მინდვრებს და მათ მოსპეს მისი მცენარეულობა, რომელზედაც იგი დამოკიდებული იყო, მათ ააოხრეს მისი ველიო“, ტრაბახობს სარგონი (იქვე, 158). შემდეგ სარგონი განაგრძობს: „უშკაიიდან მე გავემართე ბ ა რ უ ს ქვეყანაში, რომელზედაც იგი დამოკიდებულია თავისი ცხოველებისათვის და რომელსაც აგრეთვე ს ა ნ გ ი ბ უ ტ უ ს ეძახიან, მას მიეუახლოვდი. კედლებით გარშემორტყმული ქალაქები თ ა რ უ ი და თ ა რ მ ა კ ი ს ა, და ლ ა ი ა ქვეყნის ველზე მდებარე, სადაც მას ჰქონდა მარცვლეულის დიდი მარაგი, რომელთა კედლები იყო მეტისმეტად მაგარი, რომელთა გარეთა

კედლები კარგად იყო აშენებული, რომელთა თხრილები ძალიან ღრმა იყო და მთლიანად გარს ერტყმოდა მათ, რომელთა შიგნით თავლაში დაბმული იყო ცხენები, მისი სამეფო ჯარისათვის რომ ინახავენ და ყოველწლიურად რომ ასუქებენ“, — აი, ამ ქვეყნის ხალხი დაშინებული იყო იმით, რაც ჩვენ მეზობელ თემებში ჩავიდინეთო. მათ მიატოვეს თავიანთი ქალაქები და გაიქცნენ ხმელ ქვეყანაში, წყურვილის ადგილს, როგორც უდაბნოში, თავისთავის გადასარჩენადო. აქაც სარგონს დაუნგრევია ყველაფერი და დაუწევავს, თავისი ლაშქარიც დაუძლია ამოურწყველი მარცვლით. აქ თითქოს ასურელებს აუოხრებიათ 30 ქალაქი (იქვე, 159). შემდეგ წარწერა დაზიანებულია. მოხსენებული ყოფილა პუნქტები, სადაც სარგონი მივიდა თარმაკისიდან. პირველად იხსენიება ქალაქი ულჰუ, სიმაგრე (კიშპალის მთის ძირას). დაზიანებულ ტექსტიდან ისე გამოდის, რომ თითქოს ეს უწყლო ქვეყანა ყოფილა; რუსამ გამოუყვანა მათ წყალი დიდი არხით, რომელმაც უხვად, როგორც ეფერატმა, მოუტანა მათ წყალი; არხის მთავარი ტანიდან შემდეგ გაუყვანიათ არხები, რომლითაც მოურწყავთ ხეხილის ბაღები. ძველთაგანვე უდაბურმა მიწამ მოიტანა წვიმისავეთ უხვი ხილი და ყურძენი; მეტად მაღალი, ჩრდილმრავალი ქადრისხეები, მისი სასახლეების სიმიდრე, მან ტყედ გააშენა მის ველზე. „როგორც ღმერთმა, მან ამღერა ხალხს მათი სასიხარულო სიმღერები“. 300 იმერ სათესლე მიწას, მარცვლეულით დათესილს, მან... მოსავალში გამოაღებინა მარცვლის გადიდებული რაოდენობა. დაუთესავი მიწები, გაზაფხულზე მორწყული, ბალახითა და საძოვრებით იყო სავსე ზამთარ-ზაფხულ; ცხენებისა და ჯოგების საბალახოდ გადააქცია ისინი. აქლემები გაწვრთნა მან თავის წალეკილ (ალბათ — მორწყულ, სარწყავ... ს. ჯ.) ქვეყანაში და ისინი ასხამდნენ წყალს არხებშიო, ამთავრებს ამ თავის შესანიშნავ სამეურნეო აღწერილობას სარგონი (იქვე, 160). აქვე ყოფილა, მდინარის პირას, რუსას მიერ აშენებული სასახლე, სურნელოვანი კვიპაროზის კოქებით გადახურული, და ქალაქი შარდურიხურდა, სიმაგრე... ქითეს მთაზე. მოსახლეობას „ვაის“ ძახილით მიუტოვებია ეს ქალაქებიც და სარგონს აუოხრებია პროვინცია. ქალაქ ულჰაში, „ქონებათა ქალაქში“, მას გაუძარცვავს სამეფო სასახლე. „ამოურწყველი“ მარცვლის გარდა, აქ უპოვნიათ ღვინის მარნები, სადაც ასურის მეომრებს უსვამთ კეთილი ღვინო გულდებიდან, როგორც მდინარის წყალი. ამ სიამოვნების მიღების შემდეგ ასურელებს გაუნადგურებიათ ყველაფერი: ბაღები, რომელ...

ნიც ამკობდნენ ქალაქს და რომელნიც აღსავსე იყვნენ ხილითა და ღვინით, როგორც ცის განუზომელი ღვარები, გულდაგულ გაუჩეხიათ რკინის ცულებით; იგივე ბედი დასდგომია დეკორატიულ მცენარეებს — დიდ ხეებს — და მინდვრის ნათესებს, სადაც არ დაუტოვებიათ არც ერთი თავთავი, და საძოვრებს, სადაც და თ ე ს ი ლ ი ყოფილა ბალახი და ხაბურუ, ურარტუს მეფის ცხენების საკვები. ასე დაუნგრევიათ შ ა რ დ უ რ ი ხ უ რ დ ა, „მათი დიდი სიმაგრე“, 57 სხვა ქალაქთან ერთად, სანგიბუთუს ოლქის მიდამოებში (იქვე, 161). ულხუდან სარგონი ლაშქრობს სანგიბუთუს ოლქის ყველა სხვა მნიშვნელოვანი სიმაგრის წინააღმდეგ. 21 გამაგრებული ქალაქი იდგა ა რ ზ ა ბ ი ა ს მ თ ი ს ქ ე ღ ზ ე, ძლიერი აგურის კედლებით, ღრმა თხრილებით გარშემო, ბურჯებით კარებთან. ყოველნაირი სიუხვითა და დოვლათით ყოფილა სავსე აქაური ხალხის ცხოვრება. უზარმაზარი სასახლეები, სამეფო ნიშნებით, სურნელოვანი კვიპაროზის კოკებით უნახავთ აქ სარგონის მეომრებს. სანგიბუთუს ოლქისა და ყველა ამ ქალაქის მცხოვრებთ სწრაფად გადაუციათ ასურელების მოახლოების ამბავი ურარტუს შორეული საზღვრებისათვის იმ წესით, რომელიც „ვეფხისტყაოსანში“—ა აღწერილი: მთის მწვერვალებზე აღმართულ სვეტებზე ანთებდნენ ისინი ცეცხლს ბუჩქნარისაგან და ამით გადასცემდნენ დიდ მანძილზე მტრის მოახლოების ამბავს დილით და ღამით. აქ, ა რ ზ ა ბ ი ა ს ა და ი რ თ ი ა ს მ ა ლ ა ლ მ თ ე ბ ს შ ო რ ი ს დაბანაკებულა სარგონი და შესდგომია ქვეყნის აოხრებას ჩვეულებრივი მეთოდით. „მე დაეწვი მათი მშვენიერი სადგომები: ქერისა და ხორბლის უშველებელი ხეავეები, რომელსაც ისინი მრავალი დღის განმავლობაში აწყობდნენ ბელღებში ქვეყნისა და ხალხის შესანახად, მე მთელს ჩემ ლაშქარს დავატეირთვინე ცხენებსა, ჯორებსა, აქლემებსა და ვირებზე და დავაკრეფინე ჩემი ბანაკის შუა, როგორც გორაკები. საკმელი უხვად და მოყირკებამდის ვაჭამე ჩემს კაცებს. სანოვავის უხვი მარაგი უკან გზისთვის ასურეთში მათ შეჰკრიბეს სიხარულით. მე ავჩეხე მისი დიდებული ხეხილის ბაღები, მე ავჩეხე მისი ვენახების დიდი რაოდენობა, მე ბოლო მოვუღე მთელს მის სასმელს. დიდი ტყეები, რომლებიც ლელიანივით ხშირი იყო,—მათი ხეები ავჩეხე და უდაბნოდ ვაქციე ეს ქვეყანა. ყველა მოკრილი ხის ღერო შევაგროვე და ცეცხლი წაუფიქდე. 146 ქალაქს მათს მიდამოებში მე წაუფიქდე ცეცხლი, როგორც ბუჩქნარს და მათი კვამლით დაფარე პირი ზეცისა, როგორც გრივალმა“, მოუთხრობს სარგონი (იქვე, 164). აქედან სარგონი გადასულა ა რ მ ა რ ი ლ ი -ს (!) ოლქ-

ში, სადაც სარგონს იგივე სურათი დახვდა და სადაც მან ისეთივე კვალი დასტოვა (იქვე, 165). არმარიალის (!) ოლქიდან ასურის ლაშქარი გადასულა უიზუკუ-ს მთაზე და მიახლოებია ოლქს აიადის. აქ დასახელებულია 30 გამაგრებული ქალაქი „საშინელი ზღვის“ პირას და დიდი მთების ძირას, სადაც იღვნენ ურარტუს რჩეული ჯარები, ამ ქვეყნის სიმტკიცე. რაკი მათი მეზობელი პროვინციის, არმარიალის, ამბავი ნახეს, შიშით შეპყრობილნი გაიქცნენო. აქაც იგივე ამბები დატრიალებულა (166). „აიადის ქვეყნიდან წამოველ. გადავლახე მდინარეები ულურია, ქალამია და ინაი, და მივუახლოვედი ოლქს უაიაისს, მისს დასაყრდენს; რომელიც არის ურარტუს ქვემოთა საზღვარზე და ნაირის საზღვარზე“-ო, განაგრძობს სარგონი (167). უაიაისიდან ასურეთის მბრძანებელი მიახლოებია ნაირი ქვეყნის მეფის იანზუს ოლქს. ნაირის მეფე იანზუ გამოსულა თავის სატახტო ქალაქ ჰუბუშკიადან და შეპკებებია სარგონს (168). დანარჩენს ჩვენ აქ აღარ გადმოვცემთ.

აქ ჩვენ მოკლებული ვართ ადგილსა და საშუალებას სარგონის ცნობებში დაცული ყველა გეოგრაფიული ცნობის ლოკალიზაცია ვცადოთ. ცხადია მხოლოდ, რომ მოთხრობილი ლაშქრობის დროს სარგონი ჯერ ასულა ურარტუს ჩრდილოეთ საზღვრებამდე, სადაც მას ამ საზღვრების თავისათვის, ე. ი. უკიდურესი ჩრდილოეთი წერტილისათვის, მიულწევია, შემდეგ იქიდან წამოსულა მეორე გზით, ომითა და რბევით, უკვე თვით ურარტუს ტერიტორიით, ურარტუს „ქვემო“, ე. ი. სამხრეთ საზღვრამდე, სადაც საკუთრივ ურარტუს საკუთრივ ნაირი ემიჯნებოდა. შემდეგ, ვგონებთ, პირველი მარშრუტის დროს — ჩრდილოეთისაკენ, სარგონმა აღმოსავლეთის მხრიდან მოუარა ურარტუს ცენტრალურ პროვინციებს (ამას მოწმობს ზემო და ქვემო ზანგისა და მიდიელების ქვეყნის, მარშრუტის განმსაზღვრელი, ხსენება ტექსტში).

ჩვენთვის მნიშვნელოვანია იმის დადგენა, რომ მანა, ამ ცნობების მიხედვით, საკუთრივ ურარტუსაგან (ვანის ტბის რაიონი), ჩანს, ჩრდილოეთით მდებარეობდა. შეიძლება ისიც ვიფიქროთ, რომ მანა და საკუთრივ ურარტუ (ბიანა) ერთმანეთს არარატის მთის რაიონში ესაზღვრებოდნენ; ამას მთა უაუაშისა და პროვინცია უაიშდიშის ლოკალიზაცია ემოწმება: როგორც ვნახეთ, უაიშდიში მანას ის პროვინცია იყო, რომელიც უშუალოდ ემეზობლებოდა ბიანას და ამიტომაც პირველ რიგში იყო მიტაცებული ამ უკანასკნელის მეფეთა მიერ.



ყველაზე ბუნებრივი იქნება ვიფიქროთ, რომ მანას სამთავროს ძირითადი რაიონები არაქსის ხეობაში მოდიოდა. რამდენად შორს ვრცელდებოდა ჩრდილოეთისაკენ მანას ტერიტორია, ამის თქმა მოცემული ცნობების ნიადაგზე შეუძლებელია. საყურადღებოა ზიქირთუ, რომელსაც უკიდურესი მდებარეობა უჭირავს, სარგონის ცნობებით, და, ჩანს, საკუთრივ მანას ჩრდილოეთ-აღმოსავლეთიდან ესაზღვრება. შესაძლებელია ზიქირთუ უკვე მტკვრის ხეობაში მოდიოდეს. ამდენადვე შეუძლებელი არც ისაა, რომ ზიქირთუს დედა-ქალაქი პ ა რ დ ა ისტორიულ ბ ა რ დ ა ვ ს (პარტავს) უდრიდეს.

ჩვენ მიერ მიღებული ლოკალიზაცია, ვფიქრობთ, ეთანხმება წყაროებში წარმოდგენილ პოლიტიკურ ურთიერთობასაც, როცა მანა-ასურის ბლოკს უპირისპირდება ბიანა-ზიქირთუს ბლოკი (შდრ. ქართველთა სამეფო-სამთავროების ურთიერთობა გვიანდელ-ფეოდალურ ხანაში).

საფიქრებელია, რომ მ ა ნ ა ს სახელწოდების მერმინდელ ფორმას წარმოადგენს ძველი სომხეთის ერთი პროვინციის, მანალისის („მანალიქ“) სახელი. აღონცის ლოკალიზაციით, მანალისის პროვინცია მდებარეობდა მდ. ეფრატის სათავეებში ბალირ-ხაჩის მთიდან მდ. ტუზლუმდის. მომიჯნავე პროვინციები იყო ეკელესენა (აკილისენა, ეკლეცი) და დერჯანი; ახლო პროვინციები იყო აგრეთვე კარინის ოლქი, ჩრდილოეთით, და დარანალია, სამხრეთით. ამავე ავტორის სამართლიანად აქვს გამოყოფილი მოცემულ გეოგრაფიულ სახელში ფუძედ მ ა ნ, ხოლო - ა ლ ი — ქართველურ აფიქსად მიჩნეული<sup>1</sup>. ის გარემოება, რომ ზოგი ძველი სომეხი ავტორი (მაგ., არისტაკეს ლასტივერტელი) ამ ოლქის სახელწოდებას გადმოსცემს მანანალისის ფორმით („მანანალიქ“), — დასაყრდენს ჰპოვებს ლურსმულ წარწერებში, სადაც „მანა“ ყოველთვის ორი ნ-არით იწერება. ამ ნარების გამყოფი ხმოვნის გულევა შესაწყნარებელია.

მაგრამ სარგონის წერილი ასურისადმი შეიცავს შესანიშნავ ცნობას, რომ „მანა“ არ იყო ქვეყნის ადგილობრივი სახელი. როგორც ვნახეთ, სარგონი ამბობს, რომ „ს უ ბ ი ს ოლქს ურარტუს ხალხი მანას ქვეყანას ეძახის“. ცოტა ზემოთ დასახელებულია ს უ ბ ი ქ ე ვ ე ნ ი ს ბარი. მეზობელ ოლქს კიდევ სარგონი ბარუს ეძახის (ასევე სთარგმნის ამ ცნობას თურო-დანეენიც, 29).

<sup>1</sup> Н. А. Д о н ц, Армения в эпоху Юстиниана, С-Пб. 1908, стр. 46, 48-52, 55-56, 19.

ჩვენ ვფიქრობთ, რომ ს უ ბ ი იგივე ს უ ბ ა რ ი ა, რომ აქ ს უ ბ ა რ ე თ ი იგულისხმება<sup>1</sup>. იქნებ ამავე სახელწოდების ფრაგმენტი იყოს „ბარუ“-ც, რომელიც ქართულ სიტყვა „ბარ“-საც ასე ეხმაურება (ორივე ეს პროვინცია მდ. არაქსის დაბლობზე მოდიოდა, როგორც ვნახეთ. სუბის ბარის შესახებ ხომ სპეციალურად არის საუბარი). რომ „ბარუ“ შესაძლოა სწორედ მსაზღვრელი იყოს, ამას მხარს უჭერს სარგონის ცნობა, რომ ბარუს მეორე სახელიც ჰქონდა — სანგიბუთუ. ეს უქანასკნელი ამ შემთხვევაში საკუთრივ გეოგრაფიული სახელწოდება გამოვიდოდა.

ეხლა თუ მოვიგონებთ მანა-სუბის პოლიტიკურ მნიშვნელობას, ურარტულ ხანაში, და მის გეოგრაფიულ მდებარეობას, როგორც ეს ჩვენ განვსაზღვრეთ, სრულიად ბუნებრივად უნდა გვეჩვენოს, რომ საუკუნე-ნახევრის შემდგომ, ჰეროდოტეს ხანაში, როცა ურარტუს სამყარო პოლიტიკურად სავსებით დაშლილი იყო, უქანასკნელის ადგილას ჩვენ კვლავ ორს მთავარ ელემენტს ვხედავთ: სასპეირ-საბერებს, რომელნიც მანა-სუბი-სუბარს შეესატყვისებიან, და ალაროდიებს, რომელნიც საკუთრივ ურარტუ-ბიანიას შეეფარდებიან. ჰეროდოტესეული სასპეირების ლოკალიზაცია, რომელიც ჩვენ თავის ადგილას ვსცადეთ (იხ. აქვე, გვ. 56—57), კარგად ეთანხმება მანა-სუბის ტერიტორიის აქ მოცემულ განმარტებას.

მაგრამ ჩვენ გვაქვს საშუალება კიდევ უფრო შორს წავიდეთ და სუბი დაფუკავშიროთ არა მარტო ჰეროდოტეს სასპეირებს, არამედ სტრაბონის სისპირიტიდა-სუსპირიტიდასაც.

როგორც ვნახეთ, სარგონი სპეციალურად და ხაზგასმით აღნიშნავს სუბი-ქვეყნისა და მისი მოსახლეობის ერთს ძირითად ნიშანს: აქაურ ხალხს თურმე მეტოქე არა ჰყავდა მთელ ურარტუში ცხენოსნობის თვალსაზრისით. მეცხენეობა, ჩანს, მათი მეურნეობის ერთი ძირითადი დარგთაგანი იყო. ისინი წლების განმავლობაში ხედნიდნენ და ზრდიდნენ ცხენებს სამეფო ლაშქრისათვის. შემდეგ აღწერილია ის საგანგებო წესები, რომელთა თანახმადაც სუბიელები წვრთნიდნენ ცხენებს (სათიქრებელია, საომარი) ეტლებისათვის. ყურადღებას იქცევს, ამ თვალსაზრისით, სარგონის მეორე ცნობაც, რომ სუბი-ქვეყნის თავზე აღმართულ ციხე-ქალაქ უშკაიას მეცხოველეობა დამოკიდებული იყო ბარუ-სინგაბუთუს

<sup>1</sup> სარგონის ცნობებით იმ დასკვნის გაკეთებაც შეიძლება, რომ სუბი მანას ერთ პროვინციასაც აღნიშნავდა, კერძოდ და სპეციალურად. ასეთი დავიწროება სახელის მნიშვნელობისა იშვიათი ამბავი არ არის.

მხარეზე (აქ იყო საძოვრები, უნდა ვიგულისხმოთ) და მეორე მეზობელი მხარის, დ ა ლ ა ი ა ს, ქალაქებში, თ ა რ უ ი ს ა და თ ა რ - მ ა კ ი ს ა შ ი, ყოველწლიურად ასუქებდნენ ცხენებს, რომელნიც დაბმული ყოფილან აქ (ურარტუს) სამეფო ლაშქრისათვის.

მეორე მხრით, სტრაბონი გვიამბობს: მიდიის ნაწილი, კასპიის კარებს ქვემოთ, რომელიც დაბალსა და ღრმა ვაკეზე მდებარეობს, მეტად ნაყოფიერია... როგორც ამ ქვეყანას, ისე არმენიასაც აქვთ საუცხოო მინდვრები ცხენებისათვის. საცხენე მინდორს ეძახიან იმასაც, რომლითაც გადადიან პერსიდა-ბაბილონიდან კასპიის კარებამდე; ამბობენ, რომ ამ მინდორში, სპარსელების ბატონობის დროს, ბალახს სძოვდა ორმოცდაათი ათასი ფაშატი (ქაკი) ცხენი: ეს იყო სამეფო ჯოგები. გარდა ამისა, ზოგნი ამტკიცებენ, რომ აქ არის სამშობლო ნესაური ცხენებისა, რომელნიც ყველაზე კარგები და ყველაზე მაგრები იყვნენ სამეფო ცხენებში; სხვების აზრით-კი ამ ცხენების სამშობლო არის არმენია. ელინურ და სხვა ჯიშის ცხენებთან შედარებით მიდიურ ცხენებს თავისებური აგებულება აქვთ. მცენარე, რომლითაც ეს ცხენები უპირატესად იკვებება, იწოდება საკუთრივ მიდიურად, იმიტომ რომ მიდიაში იგი უხვად გვხვდება (XI, 13, 7).

მეორე ცნობაში სტრაბონი ამბობს, რომ არმენიის პროვინციას სისპირიტიდას აქვს მშვენიერი საძოვრები, რაშიაც არ ჩამორჩება მიდიას, ისე რომ ნესაური ცხენები, რომელნიც ემსახურებოდნენ სპარსეთის მეფეებს, იზრდებიან აქაც, ხოლო არმენიის სატრაპი უგზავნიდა სპარსეთს ყოველწლიურად 20.000 კეიცს მითრას დღესასწაულისათვის. მეორე მხრივ, არტავაზდამ გამოიყვანა ანტონის წინაშე, როცა მასთან ერთად შევიდა მიდიაში, მხედრობის გარდა კიდევ 6.000 შეჯავშნული ცხენი. ამგვარი მხედრობის მოყვარულები არიან არა მარტო მიდიელები და არმენიელები, არამედ ალბანელებიც, იმიტომ რომ ისინიც ხმარობენ შეჯავშნულ ცხენებს (XI, 14, 9). მესამე ადგილას კიდევ სტრაბონი ამბობს, რომ არმენიის პროვინციები ფაბენე, კომისენე და ორქისთენე იძლევიან (არმენიის) მხედრობის უდიდეს ნაწილს (XI, 14, 4).

ამრიგად, სტრაბონის ცნობით, აქემენიდების დიდ იმპერიაში ორი რაიონი ყოფილა განთქმული და წამყვანი მეცხენეობაში — ჩრდილოეთი მიდია და სისპირიტიდა არმენიაში. მიდიას იცნობს და ასახელებს სარგონიც თავის ეპისტოლეში. მაგრამ ჩვენთვის საინტერესო ადგილებში, ამ ეპისტოლედან, მეცხენეობის შესახებ მიდია სავსებით გამორიცხულია. არ რჩება არავითარი საფუძვე-

ლი ექვისათვის, რომ სარგონის აღწერილობა გულისხმობს არმენიას, სტრაბონისეული გაგებით, კერძოდ სისპირიტიდას. სარგონის სუბი ანუ მანა, გარკვეულ ფარგლებში, უდრის სისპირიტიდას. ხოლო საერთო სამეურნეო ნიშნების სიახლოვისათვის სუბი-მანასა და არმენიის ამ პროვინციებს შორის ბევრს გვეუბნება სტრაბონის შემდეგი ცნობა: არმენიაში არის ბევრი მთა და მთის ვაკე, სადაც გაჭირვებით მოჰყავთ ვაზი. ბევრი ხეობა-კი გამოირჩევა ან ზომიერი, ან შესანიშნავი ნაყოფიერებით, როგორც მაგალითად, არაქსის ხეობა... შემდეგ საკასენე, რომელიც ალბანეთსა და მტკვარს ესაზღვრება, შემდეგ — გოგარენე (პროვინცია, რომელიც იბერებს წაართევს არმენიელებმა მეორე საუკუნეში, ს. ჯ.). მთელ ამ ქვეყანაში უხვად მოდის ნაყოფი, იზრდება შინაური მუდამ ყვავილმსხმოიარე ხე და ზეთისხილიც კი (XI, 14, 4). სარგონის ზემოთმოტანილი აღწერილობა ამ მხრივაც ხვდება სტრაბონისეულს.

აქ გამართული ხაზის გასაგრძელებლად უკვე იბერებამდის ჩვენ გვინდა დავეუბნოთ კიდევ რამდენიმე ცნობა და მათი განმარტება, რომელთაც უნდა დაგვარწმუნონ, რომ სუბი-მანასა და სასპეირ-საბეირების ტერიტორიაზე ჯერ კიდევ ჩვენი წელთაღრიცხვის დამდეგისათვის ადგილობრივი, მკვიდრი მოსახლეობა იბერების სახით იყო წარმოდგენილი. ის ცნობები, რომელთა ანალიზსაც ჩვენ აქ ვაპირებთ, რომაელების მითრიდატე პონტოელთან ბრძოლასა და ამიერ-კავკასიაში შემოქრას უკავშირდება.

აპიანე მოუთხრობს, რომ პომპეუსისაგან დამარცხებულ (66 წ.) მითრიდატი „საჩქაროდ გაეშურა ეფრატის სათავეებისაკენ, რათა იქიდან კოლხიდაში გადასულიყო. შეუჩერებელი სვლით იგი მეოთხე დღეს გავიდა ეფრატში. მომდევნო სამი დღის განმავლობაში მან დარაზმა და შეაიარაღა თავისი თანამგზავრები, შემდეგ შემოერთებულებთან ერთად, შეიჭრა ხოტენეს არმენიაში, უკუავდო ხოტენელები და იბერები, რომელნიც ცდილობდნენ მის შეჩერებას ისრებითა და ქვებით და მივიდა მდინარე აფსართან. აზიელ იბერებს ზოგნი სთვლიან წინაპრებად, სხვები — კოლონისტებად ევროპელი იბერებისად, მესამენი — მხოლოდ თანამოსახლეებად, იმიტომ რომ ისინი არ არიან მსგავსნი არც ჩვეულებითა და არც ენით“ („მითრიდატეს ომები“, 101). აშკარაა, რომ იბერების შეხვედრა მითრიდატესთან სადღაც ეფრატის სათავეებთან მომხდარა — ამ შეტაკების შემდეგ მიაღწია მხოლოდ მითრიდატმა აფსარს, ე. ი. ქოროხს. უაღრესად საეჭვოა, რომ

მითრიდატესთან მებრძოლი იბერები ცენტრალური ქართლიდან შემთხვევით აქ მოსული რაზმი ყოფილიყო. უფრო ბუნებრივი იქნება ვიფიქროთ, რომ ხოტენელები და იბერები აქაური მკვიდრნი იყვნენ, რომელთაც წინააღმდეგობა გაუწიეს მითრიდატს, როცა ამ უკანასკნელს მათ სამშობლოში უნდოდა გავლა და ამდენადვე იგი ხოტენესაც ომში ითრევდა. თუ ეს დასკვნა გამართლდება, მაშინ მივიღებთ მნიშვნელოვან დებულებას, რომ სასპერ-საბერების შთამომავალნი, იმავე იბერების სახელწოდებით, ჯერ კიდევ პირველსაუკუნეში ისხდნენ თავის ძველ მამულზე, რომელიც არტაშესის სომხურმა სამთავრომ მოსწყვიტა საბერ-იბერების სამყაროს მეორე საუკუნის დამდეგს, ძვ. წ., ხოტენეს იბერებს, მიუხედავად იმისა, რომ ისინი მოწყვეტილი იყვნენ საკუთრივ ქართლის ანუ იბერიის სამეფოს პოლიტიკურად, მაინც შეუნახავთ თავისი ინდივიდუალობა მთელი ამ ხნის განმავლობაში.

აპიანეს ცნობას ადასტურებს და ახალ შუქსა ჰყენს სტრაბონის ერთი ჩვენება (წ. XII, თ. 3, § 28). სტრაბონი ამბობს: ფარნაკიისა და ტრაპეზუნტის მიდამოებს ზემოთ ცხოვრობენ ტიბარენები და ხალხები მცირე არმენიამდე. უკანასკნელი საკმაოდ ნაყოფიერი ქვეყანაა. მას, ისევე როგორც სოფენეს, ყოველთვის ჰქვლობდნენ საკუთარი მთავრები. მათ ემორჩილებოდნენ ხალხებიცა და ტიბარენებიც, ასე რომ მათი ხელისუფლება ვრცელდებოდა ტრაპეზუნტსა და ფარნაკიამდე. როცა გაძლიერდა მითრიდატ ევპატორი, იგი გახდა მბრძანებელი როგორც კოლხიდის, ისე ყველა ამ ადგილისა. იგი ისე ზრუნავდა ამ ადგილების შესახებ, რომ აავგო აქ 75 სიმაგრე, რომლებშიაც მოათავსა თავისი განძების უმეტესი ნაწილი. ყველაზე მნიშვნელოვანი სიმაგრეები იყო: იდარა, ბასგიდარიზა და სინორია. ეს უკანასკნელი დიდი სომხეთის საზღვარზე ძვეს. პარიადრის მთელ მთიანეთს ბევრი მოხერხებული პირობა მოეპოვება: იგი წყალმრავალია, ტყით მდიდარი და მრავალ ადგილას დასერილი ციცაბო ხევებითა და აღმართებით. სწორედ ამიტომ იყო აქ აგებული საქურქლეების უმრავლესობა. პომპეუსისაგან დევნილმა მითრიდატმა პონტოს სამეფოს ამ განაპირაში შეაფარა თავი. მან დაიკავა წყალმრავალი მთა აკილისენაში, დასტერიასთან. აქვე ახლოს იყო ევფრატის, რომელიც ჰყოფს აკილისენას მცირე სომხეთისაგან. მითრიდატმა აქ გაატარა ერთი ხანი, სანამ მტრის მიერ გარემოცული ის იძულებული არ გახდა მთებით კოლხიდაში გაქცეულიყო.

აშკარაა, რომ სტრაბონისა და აპიანეს მოთხრობა ერთსადა-იმევე ამბავს გულისხმობს: აპიანეც ამბობს, რომ მითრიდატი, დასტერიასთან დამარცხებული, მიდის სინორეგას ციხე-სიმაგრეში (სტრაბონის სინორია), სადაც მას ბევრი ფული ჰქონდა შემონახული, შემდეგ აქედან მიდის ეფრატის სათავეებისაკენ, ეფრატს გადადის, შემოთხე დღეს, შეიქრება ხოტენეს არმენიაში, სადაც შეტაკება მოსდის ხოტენელებსა და იბერებთან და მხოლოდ შემდეგ გადადის კოლხეთში.

ამრიგად, მითრიდატი ჯერ აკილისენაში გამაგრდა, დასტერიასთან. აქ დამარცხების შემდეგ იგი მიდის ციხე სინორეგა-სინორიაში, სადაც განძები ეგულება. სინორეგა-სინორია პარიადრის მთიანეთში მდებარეობს, დიდი არმენიის საზღვარზე. აქედან მითრიდატი მიემართება ეფრატის სათავეებისაკენ, გადადის ამ მდინარეს (მაშასადამე, სათავესთან) და თავს ამოჰყოფს ხოტენეს არმენიაში, სადაც ხვდება იბერებს. ხოტენეს არმენიის გავლის შემდეგ მიდის მხოლოდ მითრიდატი აფსართან, ე. ი. ქოროხთან. ამრიგად, ცხადია, ხოტენეს არმენია ეფრატის სათავეებსა და ქოროხს შორის მდებარეობდა, სტრაბონის წარმოდგენით თუ მასთან დაცული ცნობით.

უეჭველია, რომ აპიანეს ხოტენე იგივე სტრაბონის ხორძენეა (პირველის მიღება უკანასკნელისაგან შესაძლოა პალეოგრაფიულ ნიადაგზედაც: ტაუსა და ძეტას აღრევა ბერძნულ დამწერლობაში ძნელი არ არის. სტრაბონის -იპ- ჯგუფი კი იძლევა, ჩანს, აპიანეს ომეგას; მაგრამ გამორიცხული არ არის, რომ ეს ფორმები ადგილობრივი დიალექტური ვარიანტები იყო: რ-ს დაკარგვა-გაჩენა და ძ (ან მონათესავე აფრიკატის) ტ'დ შენაცვლება შესაძლებელი ფონეტიკური მოვლენებია ქართველური ენების წრეში). სტრაბონი ამბობს, რომ სომხეთის პირველმა მეფემ არტაშესმა ჩამოაჭრა იბერებს პარიადრის კალთები, ხორძენე და გოგარენეო (წ. XI, თ. 14, § 5).

პარიადრისა და ხორძენე-ხოტენეს შეუღლებული მოხსენება ორსავე ცნობაში მხარს უჭერს ხორძენესა და ხოტენეს გაიგივებას. ეხლა გასაგებია, რომ ხოტენე-ხორძენეში მითრიდატს იბერები დახვდნენ. ესენი ამ ქვეყნის ძველი მკვიდრნი იყვნენ, რომელნიც აქვე დარჩენილან მათი სამშობლოს დაპყრობის შემდეგ არტაშესის მიერ საუკუნე-ნახევრის წინათ.

პარიადრის მთიანეთისა და ხორძენე-ხოტენეს ლოკალიზაციისათვის გამოსაყენებელია მცირე არმენიისა და აკილისენას გეოგ-

რაფიული მდებარეობა: აკილისენა ეფფრატის მარცხენა ნაპირზე გადაფენილი ქვეყანა იყო, ერზინჯან-კემახის თემები, ხოლო მცირე არმენია, აკილისენას მოსაზღვრე დასავლეთიდან, მიახლოებით შეიცავდა სევესტია-სივასისა და მელიტენა-მალატიას ოლქებს. პარიადრის მთიანი ოლქი, ამრიგად, საგულისხმებელია პარიადრ-პარხალის ქედსა და ეფფრატ-აკილისენას შორის; იგი ვრცელდებოდა აღმოსავლეთისაკენ, ჩანს, მიახლოებით ენდერეს-ყარა-ჰისარიდან. აღმოსავლეთით მას, ცხადია, ხოტენე-ხორძენე ესაზღვრებოდა. ეს საზღვარი უნდა მიახლოებით გუმუშხანა-ერზინჯანის ხაზზე დაესდოთ, თუ მოვიგონებთ აპიანეს ცნობას, რომ მითრიდატი შედის ხოტენეში ეფფრატის გადასვლის შემდეგ ამ მდინარის სათავეებთან. ამრიგად, ისტორიული ხოტენე-ხორძენე შეიცავდა, ზემო ეფფრატის აუზში, გუმუშხანას თემის აღმოსავლეთ ნაწილს და ბაიბურდის თემს (მიახლოებით, რათქმაუნდა).

ამ ძველი ხორძენეს უეპველი მემკვიდრეა აღრინდელ-ფეოდალური სომხეთის ერთი დასავლური თემი — ხორძიანა ანუ ხორძიანენა. ოღონდ როგორც მრავალ სხვა შემთხვევაში, ისე აქაც უნდა ვიგულისხმოთ, რომ მერმინდელმა აღმინისტრაციულმა ერთეულმა ძველი პროვინციის მხოლოდ ნაწილი შეინარჩუნა. პროკოპი კესარიელის ცნობით, ხორძიანა დაშორებული იყო ქალ. თეოდოსიოპოლს (ერზერუმს) სამი დღის გზით. აღონციის ლოკალიზაციით, რაც ჩვენ არ მიგვაჩნია მთლად ზუსტად, ხორძიანას ეჭირა მერმინდელი თურქ. ყაზა კელი, მდ. ფერი-სუს ხეობაში; და სამხრეთიდან ადგებოდა ხალხალის მთას<sup>1</sup>.

საინტერესოა ამ თემების ტოპონიმია, რომელშიაც მათი ძველი ისტორია ცხადად მეტყველებს. შენახულა, როგორც ჩანს, ფორმა ხოტენეს ნაკვალევიც: მდინარე ოგენე-დერეს ზემოთა წელზე ეპოულობთ დაბა ხოტინოსს (Хотинос); ადგილის სახელს ხოტინოს-ქეფურუს და — დასახელებული მდინარის სათავეებისაკენ — დაბა ოტენე-ულას (თუ აქ შეცთომას არ ჩადის ყველა რუსული რუკა: შდრ. იქვე ოგენე სუფლა და ოგენე-დერე). სახელწოდება ხოტინოს-ქეფურუ, — ხოტინოს ხიდი, შეიძლება მიუთითებდეს იმაზე, რომ, სახელმძღვანის თვალსაზრისით, ეს რაიონი შესაავალი კარი იყო საკუთრივ ხოტენეში (შდრ. „გურჯი-ბოლაზ“ — საქართველოს ყელი). გასათვალისწინებელია აგრეთვე ხორტიკი და ხორტიკ-დალიც, ისპირს სამხრეთით. ამ პუნქტის სახელწოდებაში მთელი პროვინციის სახელწოდება ისევია შემონახული, როგორც კლარჯეთის თე-

<sup>1</sup> დასახელ. ნაშრომი, 14—15, 19—20, 46—47.

მის სახელი ერთი დაბის სახელში (იხ. რუს. რუკების *Кларджет*, არტანუჯის სამხრეთით) და, რაც კიდევ უფრო საკვირველია, ბზერ-ვიზერების ძველთა-ძველი თემის სახელი შენახულია დღემდე დაბა ვიზერაში (*Визера* მდ. გალანიმა-დერეზე, ტრაპეზუნტიდან სამხრეთ-დასავლეთით). ხოლო ფორმა „ხორძენე“ ძალიან ეხმაურება „ხორზიანის“ ველის სახელწოდებას ქალ. არტაანის სამხრეთით, არტაან-ოლთისის გზატკეცილიდან აღმოსავლეთით, მტკვრის მარჯვენა სათავეის ხეობაში, და შესაძლოცაა, რომ ეს უკანასკნელი ხორძენეს ისტორიული გამოძახილია.

პარიადრ-ხოტენეს ტოპონიმიკის მთლიანად განხილვის საშუალებას აქ ჩვენ მოკლებული ვართ (ეს სხვა დროისათვის გადაგვიდევია). აქ მხოლოდ საილუსტრაციოდ გაკვრით აღვნიშნავთ: ყურადღებას იქცევს სახელწოდება ი მ ე რ ა, გუმუშხანადან ჩრდილო-აღმოსავლეთისაკენ, რომელიც მეორდება საქართველოშიაც (იმერხევი, ქოროხის ხეობაში, და იმერა — ბორჩალოში). ხომ არ არის ეს იმავე ი ბ ე რ ი ს ტრანსფორმაცია? წინააღმდეგ შემთხვევაში იგი მაინც უდაოდ ქართული ტოპოგრაფიული ტერმინი გამოდის, რომლისგანაც არის ნაწარმოები „იმერეთი“. გვხვდება ისეთი გეოგრაფიული სახელწოდებანი, რომელთა ქართველური ჰაბიტუსი თითქოს ექვს არ უნდა იწვევდეს (აქ ვუჩვენებთ მხოლოდ ზოგიერთს): ტრაპეზუნტის სანჯაყში, მდ. ხორშუტ-ჩაის ხეობაში, ქვემოდან ზევით — ტაიმგუმ (შდრ. ტამგუმ—ტამუში აფხაზეთში), ძარა (*Дзара*), გორიანა, მაჯარა (შდრ. მაქარა კოდორის ხეობაში, „მაჯარ“ გვხვდება სამხრეთ-დასავლეთისაკენაც ამ პუნქტიდან, ჯელარე-დერესის ხეობაში), შუვა (ორ ადგილას, გაღმა-გამოღმა), მირზანი (შდრ. მირზანი, კახეთში); გუმუშ-ხანას თემში, იმერასთან — მოხორა (შდრ. მუხური, ქვემო იმერეთში, და მუხურა, ზემო იმერეთში) და ლორი (შდრ. ლორე ქვ. ქართლში), ბორშიანი, აქვე საყურადღებოა არნო, არა და მდ. ჩოროხ-დერესი. სურმენეს ყაზაში, პარხალის ქედის ერთ ნაწილს ეწოდება უკვე უცილობლად ქართული სახელი „ნატეხილები“ (*Горы Натехилеби*); ხომ არ არის გრაფიკული შეცოთმა: *Чатехилеби*?), სუნურ-ოვანის დაბლობში, სამხრეთით, არის ქსანთა (*Ксанта*; შდრ. ქსანი) და კიდევ უფრო სამხრეთით იგივე ლორი, აქვე, ზიარეთიდან ჩრდილოეთით — კიტრა (*Китра*), სამხრეთ-დასავლეთისაკენ — ჩოროგმა (*Чорогма*), დასავლეთისაკენ ერმადა (*Ермады*). აქვეა ძალიან საინტერესო ხურუ (*Хуру*; შდრ. ქართ. ჰური); ქოროხის ხეობაში, საკუთრივ სპერში — ხართი (*Харт*; შდრ. ქართა), ჩუმოვანი, ორ-



კორ-ი (Орцор, ორწვერი?), მთა ნახიზე-დალი და იქვე დასახლებული პუნქტი — ნახიზირ (Нахизир, ნახი-ძირი?); ისპირიდან სამხრეთისაკენ ყურადღებას იქცევს დაბა ხორტიკი და ქედი ხორტიკ-დალი, უკანასკნელიდან პირდაპირი ხაზით დასავლეთისაკენ — ხუნტუსი; ხომ არ არის ეს სახელებიც იმავე ხოტენეს ნაკვალევი? იქვე ისპირთან, დასავლეთისაკენ, არის ყიზილ-ი მარეთი; ისპირიდან სამხრეთ-აღმოსავლეთისაკენ გვხვდება კობლათი (Коблат) და გობლადი (Гоблад); უკანასკნელ სახელწოდებათა დაბოლოებიანი სახელები აუარებელი რაოდენობით გვხვდება სურმენეს თემში — ბურნაჩანდო, ტერზანდო, კასაჩანდო და მრავ. სხვა; ქართველურია (ქანური) აშკარად ციმილათი (Цимилат)... გოლოშა (ღოლოშა? Голоша; შდრ. ტოლოში), საინტერესოა მესოხორი, იქვე ზაზანა და იქვე აგრეთვე განსაკუთრებით საყურადღებო — ს ა მ ე რ ა (მდ. იამბოლი-დერესის ხეობაში). ხომ არ არის ეს სავერის ნაშთი? ან რა კავშირი აქვს მასთან „სიერი-დალს“, ოლთისის დასავლეთით? უნდა შევნიშნოთ, რომ ამავე ფურცლის ახალ გამოცემაზე უკვე „სამრო“ არის აღნიშნული; სრულიად გამოცვლილა თვით მდინარის სახელიც. ამავე ხეობის ზემო წელზე ყურადღებას იქცევს იშხანი და თელევიც (Телеви).

ამრიგად, ხოტენე იგივე ხორძენეა სტრაბონისეული ცნობისა, ძველი საბერ-სასპერების მიწა-წყლის ნაწილი, არტაშესის მიერ მიტაცებული. უეჭველია, რომ აპიანეს მიერ მოხსენებული ხოტენელი იბერები ძველთაგანვე მკვიდრ მოსახლეობას ეკუთვნოდნენ და პირდაპირი ხაზით შთამომავლობდნენ სასპერ-საბერებისაგან.

ეხლა ნათელია: აპოლოდორის ცნობა, რომ იბერებს სომეხებისაგან არაქსი ჰმიჯნავესო, გულისხმობს საზღვარს, რომელიც შეიქმნა მას შემდეგ, რაც სასპერ-იბერებმა პარიადრის მთიანეთი, ხორძენე და გოგარენე დაჰკარგეს. ეს პროვინციები არაქსის სამხრეთით მდებარეობდა.

გარდა ამისა, უფლება გვაქვს დავასკვნათ: სასპერის სახელი იბერად იქცა არა მარტო ისტორიულ იბერია-ქართლის მოსახლეობის მიმართ, არამედ იბერიის გარეშეც, პარიადრ-ხორძენეს მოსახლეობის მიმართაც, რომელიც ხალხის ძირითად ტანს მოსწყდა ჯერ კიდევ მეორე საუკუნის დამდეგს, ძვ. წ., ამდენადვე სასპერ-იბერის გაიგივება ახალს მტკიცე საბუთს იძენს.

იმის შემდეგ, რაც აქ მეტ-ნაკლებად გაირკვა სუბი-მანას შესახებ, ძალდაუტანებლად შეიძლება ითქვას, რომ „ქართლის მოქცევის“ თხრობის აზო თავის უშუალო დასაყრდენს პოულობს სწო-

რედ სუბი-მანას. მერმინდელ საბერ-სასპირების, რეალურს ისტორიულ სინამდვილეში. ამქამად ძნელია იმის თქმა, უდრის თუ არა, პერსონალურად, „ქართლის მოქცევის“ აზო სუბი-მანას სამეფო-დინასტიის რომელსამე განსაზღვრულს ისტორიულ წარმომადგენელს, თუ გარდმოცემის აზოში პერსონიფიცირებულია, მცხეთა-არმაზის სამეფოს ჩამოყალიბების ისტორიულ ეპოქის ჩარჩოში, ხალხის მოგონებები ამ პოლიტიკურ მოღვაწეთა, კერძოდ — სამეფო-დინასტიის შესახებ. ამ საკითხთან კავშირში არ შეიძლება არ აღვნიშნოთ კიდევ ერთი საგულისხმო შეხვედრა; აზოს დინასტიისავე ერთი წარმომადგენლის, ბ ა გ ა რ ა ტ ი ს სახელი იგივე მერმინდელი ბ ა გ რ ა ტ ი ა, რომელიც საფუძვლად დაედო სპერის თავიგვარის საგვარეულო სახელს — ბაგრატიონს<sup>1</sup>. საყურადღებოა, რომ ჯერ კიდევ მოსე ხორენელის ხანაში (IX ს.), ამავე მწერლის ცნობით, ბაგრატიონების სამფლობელოში არ ისმოდა სომხური მეტყველება.

თუ თავს მოვუყრით ყოველივე იმას, რაც ზემოთ იყო ნათქვამი, მივიღებთ ძირითადად და მოკლედ, შემდეგს<sup>2</sup>:

1. უძველესი ქართული ეროვნული გარდმოცემით, რომელიც ლიტერატურულად ფიქსირებულ იქნა არა უგვიანეს VII ს. შუაწლებისა, ქართლის (მცხეთა-არმაზის) სამეფოს დამაარსებელი და ქართველთა ნაწილის გადმოსახლების მეთაური მტკვრის ხეობის ამ სექტორში ყოფილა აზო, არიან-ქართლის ანუ არიან-ქართველთა მეფის ძე.

2. ეს ისტორიული გარდმოცემა ბერძნებს ერთ ნაწილში გაუცვნიათ უკვე აქემენიდურ ხანაში, ხოლო მთლიანად — ელინისტურ ხანაში; ბერძნებს ადგილობრივი თქმულება თანდათან დაუახლოვებიათ თქმულებასთან არგონავტების შესახებ.

3. გარდმოცემის „არიან“ უდრის ხარი (პარი) || ხური (ჰური)-ს, რაც მეორე ათასეულის (ძვ. წ.) დამდეგიდან მოყოლებული სანერტო სახელია წინა აზიის უძველესი ენდემური მოსახლეობისა და

<sup>1</sup> აღნცი, დასახელ. ნაშრომი, 411—413, ფიქრობს, რომ ტიგრან II დროს (I საუკ. პირველი ნახევარი, ჩვენს ერამდე) მოხსენებული მთავარი ბაგადატი არის მამათმთავარი მერმინდელი ბაგრატიონების საგვარეულოსი, აქვე იხ. არგუმენტაცია დ-ს რ-ში გადასვლის კანონზომიერებისათვის. საყურადღებოა აგრეთვე აზოს მამის, ირანზუს, სახელი, ნაირის მეფის სახელი იანზუ და სხვებიც.

<sup>2</sup> ნარკვევში წამოყენებული ძირითადი დებულებები გამოქვეყნებული იყო ავტორის მიერ, მოკლედ და პოპულარულად, წერილში „ურარტუ“ (ეფრანლი „კომუნისტური აღზრდისათვის“, 1937 წ., № 10).

შეიცავს ხეთას, მიტანის, ურარტუს და მათს მონათესავე სახელ-მწიფოებრივ წარმონაქმებს. ძველი სამეფოსა და, განსაკუთრებით, მიტანის პოლიტიკური დაქვეითების შემდგომ ეს ხარული, ახლო მონათესავე, ხალხები დაქსაქსული სახით წარმოგვიდგებიან, ვიდრე ურარტუს სამეფოს ჩამოყალიბებამდე. ქართველების უშუალო წინაპრად უნდა მიჩნეულ იქნას თაბალ-თუბალი იგივე სუბარი.

4. ურარტულ ხანაში თუბალ-სუბარის პოლიტიკურ ცენტრს წარმოადგენს მანას ანუ სუბის ვრცელი და ძლიერი სამეფო, რომელიც მუდმივ ებრძვის ჰეგემონიისათვის საკუთრივ ბიანას. საფიქრებელია, რომ უკვე მანას სამეფო ისტორიული ქართლის ტერიტორიის უდიდეს ნაწილსაც შეიცავდა.

5. სუბი-მანას სამეფო სახლში საგვარეულო სახელია აზა || აზო, რომლის განმეორებას წარმოადგენს ქართლის მოქცევის აზო.

6. ურარტუს სამყაროს პოლიტიკური დაქვეითების ხანასა და აღრინდელ-აქემენიდურ ხანაში სუბი-მანა წარმოდგენილია როგორც სასპეირ-საბერი, წინა აზიის ოთხ უდიდეს ხალხთაგან ერთი; მეორე—ქართველთა დასავლურ შტოს წარმომადგენელი კოლხები იყვნენ (ჰეროდოტე); ხოლო საკუთრივ ბიანა-ურარტუ წარმოდგენილია ალაროდის სახით, რომელიც მნიშვნელოვნად ჩამორჩენილია სასპეირებთან შედარებით. სასპეირ-საბერი (რომელთა ტერიტორია რომაულ ხანაში სისპირიტიდად იწოდება) ონომასტიკურადაც უდრის მერმინდელ იბერს და ისტორიულ იბერია-ქართლის სამეფოს ტერიტორიასაც შეიცავს, მხოლოდ მისი პოლიტიკური ცენტრი შესაძლოა მცხეთა-არმაზის რაიონზე სამხრეთით იყოს საძიებელი<sup>1</sup>. სამხრეთით სასპეირ-საბერების მიწა-წყალი ვრცელდება არაქსის ხეობასა, კოროხის ხეობის ზემოთა ნაწილზე და ევფრატის სათავეებზე.

7. სუბი-მანას ძირითადი თემების დამთხვევა მერმინდელ სისპირიტიდასთან რომაულ ხანაში დასტურდება შესანიშნავი ცნობებითაც ამ რაიონების განვითარებული მეცხენეობის შესახებ ორსავე ისტორიულ პერიოდში.

8. საბერ-იბერების ტერიტორიის შემდგომი თვალსაჩინო შეკვეცა სამხრეთისაკენ ხდება მეორე საუკუნის დამდეგს, ძვ. წ., როცა არტაშესის ახლად დაარსებული სამეფო ითვისებს საბერ-იბე-

<sup>1</sup> საბერების ერთი ამგვარი ძველი ცენტრთაგანია, უძველია, წალკის ის პუნქტი, სადაც უკანასკნელ წლებში სიძველეთა დაცვის განყოფილების არქეოლოგ გ.ქსაყელიძემ (ხელმძღვანელი — ბ. კუფტინი) შესანიშნავი კულტურის ძეგლები აღმოაჩინა.

რების თემებს — პარიადრის მთიანეთს, ხორძენესა და გოგარენეს; ამის შემდეგად და ამის შემდეგ იბერიისა და არმენიის საზღვარი გადის მდინარე არაქსზე.

9. პარიადრის მთიანეთსა და ხორძენეში (= აპიანეს ხოტენეს), ე. ი. მიახლოებით გუმუშხანასა და ბაიბურდის თემებში, იბერების არსებობა დადასტურებულია ჯერ კიდევ I საუკუნისათვის, ძვ. წ., სათანადო ანტიკურ ცნობებში ყურადღებას იქცევს ფაქტი „საბერ“ ფორმის შეცვლისა „იბერ“ ფორმად ისტორიულ იბერია-ქართლის სამეფოს ფარგლებს გარეთაც. ამ თემების ტოპონიმიკაში დღემდე დაცულია ქართველური წარმოშობის სახელები.

დასასრულ, უნდა აღინიშნოს, რომ წარმოდგენილ წერილის დებულებათა შემდგომი დასაბუთებისათვის აუცილებელია ხარიწრის ხალხთა ენობრივი მემკვიდრეობის ისტორიული შესწავლა. აქ ჩვენ საილუსტრაციოდ გვინდა ვუჩვენოთ ორიოდ ფაქტი, რომელნიც მოწმობენ ხარი-ენების საოცარ შეხვედრებს ქართველურ ენებთან. ჰროზნი ჩვენ მიერ ზემოთციტირებულ თავის რუსულ წერილში, სხვათა შორის, ამბობს (გვ. 30): „ხურული ენის (აქ იგულისხმება საკუთრივ ხარული, რომელიც ჰროზნის აზრითაც, ეიგეგება ე. წ. მიტანი ენას. ს. ჯ.) მეტად მნიშვნელოვანი თავისებურებაა, რომ ნათესაობითი ბრუნვა, რომელიც დამოკიდებულია არსებითი სახელისაგან, იღებს მის წინ მდგომელი არსებითი სახელისაგან ამ უკანასკნელის დაბოლოებასაც. ასე, მაგ., სიტყვები: „ქალაქ შამუხის ღმერთები“ ხურულად იქნება: „ნანი-ნა შამუხა-ი-ნა“; მრავლობითი რიცხვის დაბოლოება პირველ სიტყვაში „ღმერთები“ -ნა აქ მიერთვის მომდევნო შამუხა-ს მხოლოდობითი რიცხვის ნათესაობით ბრუნვასაც. ამის მსგავსი ჩვენთვის ცნობილია ზოგიერთი კავკასიური ენიდანაც. ამიტომ სავსებით შესაძლებელია, რომ ხურული ენა შორეულად მაინც ენათესავება ამ კავკასიურ ენებს“. რომელ კავკასიურ ენებს გულისხმობს აქ ჰროზნი, არ ჩანს. ნამდვილად, ასეთი გრამატიკული წესი ახასიათებს მხოლოდ ქართულს, რაც ამ უკანასკნელის ახლო ნათესაობას ამჟღავნებს ხარულთან. იგივე ფრაზა ძველ ქართულად იქნება „ნანი(ი)-ნი შამუხ(ა)-ისა-ნი“ — ღმერთ-ნი შამუხ-ისა-ნი. თუნდაც იმავე „ქართლის მოქცევის“ აზოს შესახები თხრობის პირველივე ფრაზა რომ ავიღოთ, სწორედ ამ კონსტრუქციას წავაწყდებით: „პირველ ოდეს აღექსანდრე მეფემან ნათესავ-ნი იგი ლოთის-შვილთა-ნი წარიქცი-ნ-ა“... (Опис. II, 708). მაგალითების გამრავლება სრულიად ზედმეტია, იმდენად ცნობილია ძველი ქართული-

სათვის ეს წესი. აღსანიშნავია, რომ ძველ ქართულში ეს წესი ვრცელდება ყველა ირიბ ბრუნვაზე, იმდენად საყოველთაოა მისი მოქმედება.

მნიშვნელოვანია ისიც, რომ მრავლობითი რიცხვის ნიშანიც მატერიალურად ერთიდაიგივეა ხაზულ-მიტანურსა და ქართულში: -ნ (ი). „ღმერთის“ აღმნიშვნელი სიტყვაც ანალოგიებს ჰყოფს ქართველურსა და მის მონათესავე ენებში (მღრ. ქართული „იავ-ნანის“ „ნანა ნანინა“, აფხ. ან-ცია...).

მრავლობითის მაწარმოებლები საერთოდ იქცევიან ყურადღებას ამ თვალსაზრისით. იმავე იარი-წრის ენათა ერთი წარმომადგენლის, პროტო-ხათურის ანუ ხეთურის, შესაბამისად ჰარზნი ამბობს: „ხეთურში ანუ პროტოხათურში... მრავლობითი რიცხვი სიტყვისაგან „ბინუ“ „ბავში“ იქნება „ლე-ბინუ“. „ბავშიები“. შესაძლებელი ჩანს, რომ ეს ენა კავშირში იქცევა ჩრდალ-ალმოსავლურ კავკასიურ ენებთან, რომლებშიც აგრეთვე ხშირად იხმარება პრეფიქსები“<sup>1</sup>. „ჩრდილო-ალმოსავლური კავკასიური ენები“ აქ დასახელებულია მხოლოდ უცოდინარობის გამო. ნამდვილად კავკასიურ ენებში ამგვარი მრავლობითის წარმოება მხოლოდ ქართველურ ენებს ახასიათებს: იგი ჩვეულებრივია სვანურისათვის: „ღ“ — დია (დიასახლისი), დედა, „ღმ-დია“ — დედები; „მუ“ — მამა, „ლა-მუ-ა“ — მამები, „დაჩურ“ — და; „ლა-დჩურ-ა“ — დები. როგორც ვხედავთ, აქაც ფორმალური ნიშანი მატერიალურად იგივეა. მართალია, სვანურის ამ ფორმებში პრეფიქსთან ერთად სუფიქსიც გამოდის, როგორც ჩანს, მაწარმოებლის როლში, მაგრამ ეს გარემოება დაბრკოლებად ვერ ჩაითვლება, თუ გავითვალისწინებთ განვითარების პირობებსა და ხეთური ენის დაცულობა-შესწავლის ვითარებას.

სვანურის წარმოდგენილი ფორმა საკითხს აყენებს, ხომ არ ჰქონდა თავის დროზე ქართულს შესატყვისი „სა — ო“ ფორმისაც აგრეთვე მრავლობითის წარმოების ფუნქცია? სემანტიკურად ეს ბუნებრივია. ასეთივე მოვლენა გვაქვს ჩვენ ხომ მრავლობითის -თ-სუფიქსთან, იგი ადგილსათავის ფორმებსაც აწარმოებს: ჩუმათელეთი — ადგილი, სადაც ჩუმათელიძეები ცხოვრობენ (ამ სოფლის სახელის ნაჩვენები წარმოშობა დოკუმენტალურად დასტურდება), სომხეთ-სომხითი, სომხების ქვეყანა<sup>2</sup>... ადგილის სახელებს აწარ-

<sup>1</sup> დასახელ. წერილი, 27—28.

<sup>2</sup> -თ-სუფიქსი ავტორის განხილული აქვს ცალკე წერილში, რომელიც მოხსენების სახით წაკითხული იყო საქ. საისტორიო და საეთნოგრაფიო საზოგადოებაში.

მოებს აგრეთვე -ნ- სუფიქსიც: აგარანი (ირიბ ბრუნვებში: აგარა-თა), გავაზნი...

თუ მოვიგონებთ, რომ მეგრულში ლე- (ლა-) — ე (სვანურადაა მიჩნეული) აწარმოებს აგრეთვე ადგილის სახელებს (ლე-დგებიე — დგებიების სოფელი, ლე-სიჭინე — სიჭინავების სოფელი... ი. ყიფშიძე, გრამ., s. v. ლე-), შეიძლება ერთი საყურადღებო ისტორიული ჩვენება აეხსნათ.

პროფ. სიმონ ყაუხჩიშვილმა სამართლიანად შენიშნა, რომ ქართულ პროვინციათა შორის მოხსენებული ბიზანტიელ მწერალთა მიერ „სკვმნია“ || „სკვმია“ იგივე ლეჩხუმია: „აღწერილობის მიხედვით ეს პროვინცია უნდა უდრიდეს ლე ჩ ხ უ მ ს, რომლის ძირეული ნაწილის ჩხუმ || ცხუმის მიახლოებითს გადმოცემას წარმოადგენს ბერძნული „სკვმ“. თუ „სკვმია“ უდრის ლე-ჩ-ხ-უმ-ს, მაშინ იქ „ნ“ სრულიად ზედმეტია და, მაშასადამე, კანონიერად უნდა ჩაითვალოს ხელნაწერებში ამ ადგილას მოცემული ფორმა, ხოლო სხვა ადგილებში მოცემული „სკვმნია“ შედეგი უნდა იყოს ამ ფორმის (ლეჩხუმ-სკვმიას) გააზრებისა ბერძნულ ნიადაგზე, სადაც არსებობდა სახელი „სკვმნოს“ (როგორც საზოგადო, ისე საკუთარი), რომლის ნარიან ფორმას გაუჩენია „ნ“ ლეჩხუმ-„სკვმია“-ში“ (გეოგრაფია, II, 96, შენ. 2).

ჩვენ ვფიქრობთ, რომ „ნ“ ამ ფორმაში ზედმეტი არ არის; პირიქით, მის გარეშე ჩვენ ვერც აეხსნით, თუ რატომ არ არის წარმოდგენილი ბერძნულ გარდმოცემაში „ლეჩხუმ“-ის ლე-პრეფიქსი: ჩანს, რომ მეგრულ-სვანურ ფორმა „ლეჩხუმ“-ის გვერდით არსებობდა მისი შესატყვისი ქართ. ფორმა „ჩხუმ-ნ-ი“, სადაც „ნ“ მრავლ. რ. სუფიქსია. ეს ქართული ფორმა აქვს დადასტურებული (გაბერძნულებული სახით: -ია!) ბიზანტიურ მწერლობასაც.

დასასრულ, უნდა აღვნიშნოთ, რომ ქართველური და ხარიენების შეხვედრა აქაც იჩენს თავს: სათანადო ლიტერატურაში ნაჩვენებია, რომ მცირე აზიის უძველეს ტოპონიმიაში ლე-პრე-ფიქსი გეოგრაფიულ სახელებსაც აწარმოებს...

## დ ა მ ა ტ მ ბ ა ნ ი:

59 გვერდისათვის. Kretschmer, Einleitung in die Geschichte der griechischen Sprache, 105—107, უჩვენებს, რომ ძვ.-ბერძნ. π გადმოსცემს უცხოურს (სუმერულს) ბ-ს და თვითონაც გადადის (უძვ. ხანის ლათინურში) ხ-დ.

74 გვერდისათვის. ჩვენ სხვა ადგილას ნაჩვენები გვაქვს „ხარი“ II „ჰარი“ ფუძის ისტორიისათვის მნიშვნელოვან „ჰერ“ ძირის ნაწარმოებნი ქართულში. ამ საკითხს კიდევ დამუშავება სჭირია. ჩვენ აქ მხოლოდ გვინდა მივუთითოთ სატომო სახელ „ჰერ“-ზე, რომელიც მარტოოდენ ძველ ქართულ მწერლობას აქვს დაცული. „ჰერეთს“ ეძახდნენ ჩვენი წინაპრები მეზობელ ალბანეთს, მაშინ როცა ყველა სხვა მეზობელი ხალხისათვის ეს სახელი ამ მნიშვნელობით უცნობი იყო (შეიძლება მხოლოდ ეკვი არსებობდეს, ხომ არ უდრის მას ანტიკური მწერლობის „გერ“-ები, თუ ჰ II გ-ს ეს შესატყვისობა შესაწყნარებელია). ბუნებრივი იქნება ამიტომ ვიფიქროთ, რომ სახელი „ჰერი“ ისევე გადატანილ იქნა მერმინდელ მოსახლეობაზე, როგორც სახელი „სომეხნი“.

საფიქრებელია, რომ აზოს შესახები თხრობის ის ელემენტები, რომელნიც დადასტურებულია ანტიკური მწერლობის მიერ ალბანეთისათვის, გატანილია ჰერების მიერ. ჰერებს უნდა მიეპყრას ყურადღება მაშინაც, როცა საკითხი ჩნდება, თუ ვინ იყო მატარებელი იმ კულტურისა, რომელსაც ამჟამად უკვე ალაზანილოილუთაფას კულტურა უნდა ეწოდოს და რომელსაც პროფ. გ. ნიორაძემ ეხლახან ვრცელი მონოგრაფია უძღვნა („ალაზნის ველის გათხრები“, თბ. 1940).

86 გვერდისათვის. სარგონის მარშრუტი და მანას მღებარეობა სხვაგვარად აქვთ ლოკალიზებული თურო-დანეენს, VI შმდ. და Lebnian-Haupt's, Armenien einst und jetzt, II, 315 შმდ. ლოკალიზაციის საკითხები დაწვრილებით სხვაგან გვაქვს განხილული.

# გვაროვნული წყობილება ქართველ ტომებში

## განაკვეთის სამუშაო გეგმა

წინამდებარე განაკვეთის მიზანია საშუალება მისცეს დაუსწრებელ პედაგოგიურ ინსტიტუტის მსმენელს გაითვალისწინოს გვაროვნულ წყობილების საკითხი ქართველ ტომებში, ამ წყობილების წარმოშობისა და სხვა საზოგადოებრივ ფორმაში გადასვლის საკითხებთან ერთად. რაკი საკუთრივ საქართველოს ისტორიის მასალები ყველა ამ საკითხზე ჩვენ პასუხს არ გვაძლევენ, ამიტომ წინასწარ უნდა ზოგადად მიინც გავიყენოთ იმ გზებს, რომლებითაც ვითარდება კაცობრიობა წინაკლასობრივ ხანაში და წინაკლასობრივ ხანიდან კიდევ კლასობრივში გადადის. ამასთან ერთად ჩნდება ის საკითხიც, თუ რატომ მიგვაჩნია შესაძლებლად ჩვენი საგნის ასეთი დაკავშირება კაცობრიობის საერთო განვითარებასთან და ამ კავშირის ნიადაგზე გარკვეულ დასკვნების გაკეთება. ყველა ამ საკითხის გარკვევისას ჩვენ მუშაობის შემდეგ გეგმას გავუყვებით:

## თემის გეგმა

### I. შესავალი.

- 1) საგანი და მეთოდი.
- 2) საქართველოს ისტორიის წყაროები.

### II. წინაკლასობრივი საზოგადოება.

- 1) მითვისებთი მეურნეობა.
- 2) წარმოებითი მეურნეობა.  
(გვაროვნული წყობილება).

### III. გვაროვნული წყობილება ქართველ ტომებში.

- 1) ა) თანამედროვე გარდმონაშთები, ბ) ძველი ქართული წერილობითი ცნობები გვაროვნულ წყობილების შესახებ ქართველ ტომებში, გ) უცხოური ცნობები ამავე საგნის შესახებ, დ) გვაროვნული წყობილების სახე სვანეთში XIX ს.
- 2) გვაროვნული წყობილების რღვევა ქართველ ტომებში.
- 3) ქართველ ტომთა ამიერ-კავკასიაში გადმოსახლებისა და დღევანდელ ტერიტორიაზე დასახლების საკითხი.



## ხაგანი და მეთოდი

„საქართველო“ პირველად ეწოდა იმ ფეოდალურ მონარქიას, რომელიც მეთე საუკ. მეორე ნახევარში წარმოიქმნა. მაგრამ ეს მონარქია ციდან არ ჩამოვარდნილა. მისი განვითარების მარტო გარეგან ისტორიასაც რომ დავაკვირდეთ, ვნახავთ, რომ მის წარმოშობას წინ უსწრებდა, სხვა, უფრო წვრილი, განცალკევებულ პოლიტიკურ ერთეულების არსებობა. და თუ ამ პოლიტიკურ წარმონაქმთა ერთი მეორეში გადასვლის მიზეზთა გათვალისწინებას შოვინდოებთ, დავრწმუნდებით, რომ მოცემულ პროცესის დამაკმაყოფილებელი ახსნა შეუძლებელია პოლიტიკურ ფორმების ნიადაგზე. აუცილებელი ხდება უფრო ღრმად ჩახედვა საზოგადოებრივ ცხოვრებაში, ამ საზოგადოების შინაგან განვითარების ტენდენციის გარკვევა. შემდეგ, თუ ჩვენ ამ ბუნებრივად გაჩენილ მოთხოვნილებას მივუყვებით და მეცნიერულად გადავჭრით წამოჭრილ ამოცანას, ვნახავთ, რომ ეს ტენდენცია მოძრაობის გარკვეულ კანონზომიერებაზე მიგვითითებს, ისტორიულ განვითარების გარკვეულ ლოგიკას ახასიათებს. ამასთან ერთად იმ ღრმად საყურადღებო ფაქტსაც აღმოვაჩინოთ, რომ ამ ხანის ქართველ საზოგადოების ცხოვრება არ წაჰმოადგენს ისეთს რასმე, რაც სრულებით არ ჰგავს სხვა საზოგადოებათა ცხოვრებას, თუ ამ საზოგადოებებსაც შესაბამის ისტორიულ ხანებში ავიღებთ. პირობით, მთელ თავისებურებასთან ერთად, ეს მსგავსება საშუალო საუკუნოების საქართველოსა და სხვა: ახლობელ თუ შორეულ, ქვეყნებს (მაგ., სომხეთს, რუსეთს, საფრანგეთს, ინგლისს) შორის ძალიან დიდია, ზოგჯერ საოცარიც-კი. ამ ქვეყნების განვითარების მიმართულება ძირითადად ერთიდაიგივეა. მაშ როგორიღაა ეს ძირითადი მიმართულება საზოგადოებრივი განვითარებისა?

საზოგადოებრივ-ისტორიული პროცესი ისეთივე ობიექტურ ხასიათის პროცესია, როგორიც ბუნებრივ-ისტორიული პროცესი. მაგრამ თვითველ მათგანს საკუთარი კანონზომიერებანი ახასიათებენ, რომელთა შორისაც ერთიანობა არსებობს; და არა იგივეობა.

„ბუნებაში, — ამბობს ენგელსი, —... მოქმედებენ ბრმა შეუკნებელი ძალები, და ზოგად კანონთა გამოვლინება მხოლოდ ასეთ ძალების ურთიერთმოქმედების გზით ხდება. აქ არსად არის შეცნობილი მოსურვებელი მიზანი... საზოგადოების ისტორიაში, პირობით, მოქმედებენ ადამიანები, რომელნიც დაჯილდოებულნი არიან ცნობიერებით, ამოძრავებელი არიან განზრახვით ან ეი-

ნით და რომელნიც თავისთვის გარკვეულ მიზნებს ისახავენ. აქ არა ფერი არ ხდება შეცნობილ განზრახვის, მოსურვებულ მიზნის გარეშე. მაგრამ რაც არ უნდა მნიშვნელოვანი იყოს ეს განსხვავება ისტორიულ კვლევისათვის, — განსაკუთრებით ცალკეულ ეპოქების და ამბების მიმართ, — იგი ოდნავადაც არ სცვლის იმ ფაქტს, რომ ისტორიის მსვლელობა შინაგან ზოგად კანონებითაა განსაზღვრული... რა კანონებია ეს კანონები, რომელნიც ისტორიის მსვლელობას განსაზღვრავენ?

იგივე ენგელსი ამბობს, რომ „ისტორიულ პროცესში საბოლოო ანგარიშით განმსაზღვრელ მომენტს წარმოადგენს წარმოება და განმეორებული წარმოება ნამდვილ ცხოვრებისა“—ო. აქტიური ზემოქმედება ბუნებაზე, რომელსაც საარსებო სახსრის მოპოვების მიზნით აწარმოებს ადამიანი, ხორციელდება როგორც მატერიალური საზოგადოებრივი წარმოება. მატერიალურ წარმოების, საზოგადოებრივ შრომის პროცესში ადამიანს შეაქვს ცვლილება თვისი მოქმედებით როგორც გარე ბუნებაში, ისე საკუთარ ბუნებაშიაც. ეს ცვლილებები მუდმივ ნაკადის სახით გვევლინება, იმიტომ რომ თვით საზოგადოებრივი წარმოებაც მუდმივ მოძრაობის პროცესია. წარმოება ყოველთვის განვითარების გარკვეულ საფეხურზეა წარმოდგენილი, და ასევე განვითარების გარკვეულ საფეხურზეა ყოველთვის მოცემული თვით საზოგადოებაც.

„საწარმოო საშუალებათა ამათუიმ ხასიათისგან დამოკიდებით იცვლება, რათქმაუნდა, საზოგადოებრივი ურთიერთობაც, რომლის მეშვეობითაც მწარმოებლები ერთმანეთს უკავშირდებიან“, — „მატერიალურ საწარმოო ძალთა ცვლილებასა და განვითარებასთან ერთად იცვლება და გარდაიქმნება ხოლმე საზოგადოებრივი საწარმოო ურთიერთობაც. საწარმოო ურთიერთობათა ერთობლიობა შეადგენს იმას, რასაც საზოგადოებრივ ურთიერთობათ, საზოგადოებას, ეძახიან, და შეადგენს საზოგადოებას, რომელიც ისტორიულ განვითარების გარკვეულ საფეხურზე იმყოფება, — თავისებურ განსაკუთრებულ ხასიათის მქონე საზოგადოებას. ანტიკური საზოგადოება, ფეოდალური საზოგადოება, ბურჟუაზიული საზოგადოება სწორედ ასეთ საწარმოო ურთიერთობათა სხვადასხვა ერთობლიობას წარმოგვიდგენენ, და თვითეული ამ ერთობლიობათაგან იმავე დროს განვითარების გარკვეულ საფეხურზე მიგვითითებს კაცობრიობის ისტორიაში“ (მარქსი). მაშასადამე, წარმოების განსაზღვრული წესი, ე. ი. სამუშაო ძალისა და საწარმოო საშუალებათა შეერთების განსაკუთრებულ

წესი — ფორმა და მათ შესაბამის საწარმოო ურთიერთობათა განსაკუთრებული სისტემა, განასხვავებს ერთმანეთისაგან კაცობრიობის ისტორიის ამ პროგრესულ ეპოქებს, „იმ სოციალურ ორგანიზმებს, რომელთაც თავის ჩასახვის, სიცოცხლის და უმაღლეს ფორმაში გადასვლის, სხვა სოციალურ ორგანიზმად გადაქცევის, განსაკუთრებული კანონები მოეპოვებათ“ (ლენინი). ამ ეპოქებს საზოგადოებრივ ფორმაციებს ეძახიან. ისინი საზოგადოებრივ განვითარების საერთო ფორმებს წარმოადგენენ და ამ განვითარების ძირითად მიმართულებას გვიჩვენებენ. და როცა ვამბობთ, რომ, მაგ., საქართველოსა და სომხეთს შორის გარკვეულ მსგავსებას ეპოულობთ მათი ისტორიის განსაზღვრულ ხანაში, ეს იმას ნიშნავს, რომ მოცემულ მომენტისათვის ეს ქვეყნები თავის განვითარების ერთსადაიმავე საფეხურზე იმყოფებიან; ერთსადაიმავე ფორმაციას განეკუთვნებიან. ამათუიმ ფორმაციის შესწავლა საშუალებას გვაძლევს შევისწავლოთ საზოგადოება მთლიანად, მისი ცხოვრების გამოვლენის ყველა სფერო, ვინაიდან ის, რაც საზოგადოებრივ ფორმაციას განსაზღვრავს, საწარმოო ურთიერთობათა სისტემა, არის საზოგადოების საძირკველი, რომელზედაც შესატყვისი სოციალურ-პოლიტიკური და იდეოლოგიური შენობაა აღმართული.

ასეთი შეხედულება საზოგადოებრივ განვითარებაზე ისტორიულ-მატერიალისტური შეხედულებაა. იგი ნაყოფია დიალექტიკურ მატერიალიზმის (მარქსიზმის ფილოსოფიის) მეთოდის კონკრეტიზაციისა საზოგადოებრივ მოვლენების სფეროში. ამ მეთოდის მიხედვით სინამდვილე გაგებულია, როგორც უწყვეტი განვითარება, მის შინაგანარსებულ წინააღმდეგობათა ბრძოლა. აქ ერთი რომელიღიდან (საზოგადოებაში ერთი ფორმაციიდან) მეორეში გადასვლა რევოლუციურ გზით წარმოებს. ბუნებასა და საზოგადოებაში ყველაფერი დიალექტიკურად ხდება, ე. ი. გაერთიანებულ, ურთიერთ დაკავშირებულ და იმავდროს ურთიერთ უარყოფელ დაპირისპირებულთა ბრძოლის გზით. კლასობრივ საზოგადოებაში ეს დიალექტიკა კლასთა ბრძოლის სახით იჩენს თავს.

ჩვენი წინამდებარე ამოცანის განხორციელების პროცესში ყოველთვის უნდა გვახსოვდეს, რომ დიალექტიკური მეთოდი მოითხოვს, რომ, სინამდვილესთან მკაცრ შესატყვისობის დაცვით, თვითეულ მოვლენას მივუდგეთ ისტორიულად, განვიხილოთ ეს მოვლენა განვითარებაში, მის მამოძრავებელ შინაგან წინააღმდეგობათა წარმოჩენით, შევისწავლოთ იგი ყოველმხრივ და გავითვალისწინოთ მისი ყველა კავშირი გარესამყაროსთან. ყოველთვის გვახ-

სოფელს, რას მოითხოვდა ენგელსი მატერიალისტ ისტორიკოსისაგან: „მრავალ უფრო ახალგაზრდა მწერლისათვის გერმანიაში სიტყვა „მატერიალისტური“ ცარიელი ბგერაა, რომელსაც სხვადასხვა საგნის მიმართ იყენებენ და თავს არ იწუხებენ შემდგომ შესწავლით, ე. ი. მიაწებებენ ხოლმე ამ ეტიკეტს და ფიქრობენ, რომ ამით ყველაფერი ამოწურულია. მაგრამ ჩვენი გაგება ცხოვრების არის უმთავრესად შესავალი შესწავლისათვის, და არა საკონსტრუქციო ბერკეტი ჰეგელიანობის ყაიდაზე. მთელი ისტორია თავიდან უნდა დავიწყოთ. ჯერ უნდა დაწვრილებით, დეტალურად, გამოვიკვლიოთ სხვადასხვა საზოგადოებრივ წარმონაქმნის არსებობის პირობები, ვადრე შევეცდებოდეთ მათგან გამოვიყვანოთ ის პოლიტიკური, კერძოფლებრივი, ესთეტიკური, ფილოსოფიური, სარწმუნოებრივი და მათი მსგავსი შეხედულებანი, რომელნიც ამ საზოგადოებრივ წარმონაქმებს შეესაბამებიან. ამ მსრივ ჯერ ძალიან ცოტა რამ არის გაკეთებული, იმიტომ რომ ცოტა იყო ისეთი ხალხი, რომელიც ამ საქმეს სერიოზულად მოჰკიდებდა ხელს... ამის ნაცვლად, ახალთაობის მრავალმა გერმანელმა ისტორიულ მატერიალიზმის ფრაზეოლოგია (ხომ ყველაფერი შეიძლება ფრაზად ვაქციოთ) მხოლოდ იმისათვის გამოიყენა, რომ რაც შეიძლება ჩქარა აეშენებინა თავისი საკუთარი, შედარებით მეტად მცირე, ისტორიული ცოდნა“.

საქართველოს ისტორიას ჩვენ განვიხილავთ მეცხრამეტე საუკუნემდეგაძღე, იმ დიდ ისტორიულ მიჯნამდე, როცა ჩვენმა ქვეყანამ ფეხი შესდგა თავის განვითარების სრულიად თავისებურს, უალრესად მნიშვნელოვან, საფეხურზე, რაც ცალკე შესწავლის საგანი უნდა იყოს. ამ ფარგლებში საქართველოს ისტორიას ჩვენ განვიხილავთ ზემოაღწერილ მეთოდის შემწეობით, რაც წარმოგვიჩენს იმ ძირითადს საზოგადოებრივ ფორმებს, რომელნიც ქართველმა საზოგადოებამ გაიარა, და ამ გზით, ცხადია, ჩვენი ქვეყნის განვითარების მიმართულებასაც. მაგრამ ჩვენი ამოცანის კონკრეტული ხასიათი გვავალებს, რომ მოძრაობის ეს საზოგადო ფორმები შესწავლილ იქნას მათი ადგილობრივ განხორციელების მთელ სპეციფიკურობაში, მათს მთელ ისტორიულ კონკრეტულ სინამდვილეში.

ყოველი მოვლენა და, რათქმუნდა, საზოგადოებრივი ცხოვრებაც, სხვა მოვლენათა შორის და მათთან კავშირში ვითარდება. შინაგან განვითარების კანონზომიერება ხვდება გარემომცველ სინამდვილის კანონზომიერებას და მათ შორის გარკვეული ურთიერთ-

ქმედება ჩნდება. ჩვენ ამ მომენტსაც ანგარიში უნდა გაეწეოთ იმიტომ, რომ სოციალურ სამყაროშიც შინაგან განვითარებისა და მის გარემოს ურთიერთშეფარდებასა და ურთიერთქმედებას თავისი მნიშვნელობა აქვს. ამ ნიადაგზე იქმნება ისტორიულ პროცესის სპეციფიკური ხასიათი. აღსანიშნავია, რომ ისტორიული პროცესის გარემო ჩვენ გვესმის აგრეთვე ისტორიულად — როგორც ბუნებრივ-ისტორიული და სოციალურ-ისტორიული გარემო, არა მარტო იმიტომ, რომ ეს გარემო თავის მხრივაც და თავისთავადაც იცვლება, არამედ იმიტომაც, რომ მისი მნიშვნელობა შინაგან განვითარებისათვის იცვლება თვით ამ შინაგან განვითარების პროცესში მომხდარ ცვლილებების მიხედვით და მათთან დაკავშირებით. ფეოდალურ მეურნეობისა და ტექნიკის პირობებში მთის, მძლავრ და სწრაფ დენის მქონე მდინარეებს უარყოფითი მნიშვნელობა ჰქონდათ განვითარებისათვის, დღეს-კი მათ ჩვენ ჩვენი ქვეყნის ბუნებრივ სიმდიდრედ ვსთვლით, იმიტომ რომ ახალ საზოგადოებრივ და სამეურნეო პირობებში შესაძლებელი და საჭირო გახდა მათი ენერჯის გამოყენება საწარმოო ძალთა განვითარების მეოხებით. ამრიგად, შინაგანი და გარეგანი ურთიერთკავშირში, ერთიანობაში იმყოფებიან. მაგრამ მაინც მათი ურთიერთგავლენის, ურთიერთმოქმედების საფუძველი შინაგანი კანონზომიერებაა.

განვიხილოთ რა საქართველოს ისტორიას ფორმაციების მიხედვით, ჩვენ არ დავივიწყებთ, რომ საზოგადოებრივი წყობილებაც, ისე როგორც ყოველი სხვა მოვლენა, მის წარმოშობის, განვითარების და ახალ მოვლენაში გადასვლის თვალსაზრისით უნდა იქნას შესწავლილი. ჩვენ უფლება გვექნება თვითეულ ფორმაციის შიგნით სათანადო ხანები გამოვყოთ. გარდა ამისა, ტექნიკურ მიზნით, ჩვენი თხრობა კიდევ უფრო მკირე პერიოდებად იქნება დაყოფილი, მაგრამ ეს დაყოფა იმავე საზოგადოებრივ განვითარების მიერ ნაჩვენებ გზას გაჰყვება და მის მიერ მოცემულ მიჯნებს დაეყრდნობა. ამას გარდა, გასათვალისწინებელია ერთი ფორმაციიდან მეორეში გარდამავალი პერიოდებიც.

### საქართველოს ისტორიის წყაროები

ამ პუნქტს ჩვენ ყურადღება უნდა მივაქციოთ. მართებული შეხედულება ისტორიულ წყაროს შესახებ აუცილებელი პირობაა მართებულ შეხედულების შედგენისათვის თვით ისტორიულ პრო-

ცესის შესახებ. ისტორიული მწერლობა, ძირითადი წყარო ისტორიისა, გარკვეულ თვისებების მქონეა, რომელთა გათვალისწინებასაც უდიდესი მნიშვნელობა აქვს მასში დაცულ ცნობების გამოყენებისას. მარქსიზმის გაგებით, სუბიექტი სოციალურ-ისტორიულია, კლასობრივ საზოგადოებაში — კლასობრივია. მწერლობა ჩვეულებრივად კლასობრივ საზოგადოებაში ჩნდება. ამიტომ მასში თავს იჩენს ხოლმე კლასობრივი, სარწმუნოებრივი, ეროვნული და სხვა ტენდენცია, რომელ სახითაც ვლინდება კლასთა ბრძოლა. გარდა ამისა მნიშვნელოვანია წერილობითი ტრადიციის გარეგანი შესწავლაც, მის შემადგენელ ნაწილების გამოყოფა, მათი წარმომავლობის განსაზღვრა, დათარიღება და სხვ. შემდეგ: ამათუიმ ერის ისტორიულ მწერლობაში ჩვეულებრივად დაცული არ არის ან ძალიან სუსტადაა დაცული ცნობები უძველეს ხანების შესახებ, ხოლო არის ისეთი ეპოქებიც კაცობრიობის განვითარებაში, რომელთა შესახებაც არავითარი ხსოვნა არც ერთ ერის მწერლობას არ შერჩენია. ამ ხანების შესასწავლად ჩვენ მხოლოდ და მხოლოდ ნივთიერსა და ენობრივ (ენაში ჩარჩენილ) ნაშთებსა და ენთოგრაფიულ მასალას ვეყრდნობით. „რა მნიშვნელობაც დაშთენილ ძვლებს აგებულებას აქვს მოსპობილ ცხოველთა ჯიშების ორგანიზაციის შესასწავლად, ისეთივე მნიშვნელობა აქვს შრომის საშუალებათა ნაშთებს მოსპობილ საზოგადოებრივ-ეკონომიურ ფორმაციათა შესასწავლად“ (მარქსი). იმ გარემოებას, თუ როგორი წყაროები მოგვეპოვება ამათუიმ ხანის შესახებ, რა რაოდენობითაა ისინი მოღწეული, მნიშვნელობა ექნება ჩვენი დასკვნების სისრულე-სინაკლუსისათვის.

### წინაკლასობრივი საზოგადოება

საზოგადოებრივი კლასები იმთავითვე არ არსებულან. ისტორიის უზარმაზარმა პერიოდმა განვლო მანამდე, სანამ საზოგადოება, თავის შინაგან განვითარების გზით, კლასებად გაითიშებოდა. ეს ხანა უაღრესად საყურადღებო ხანაა. მას საწარმოო ძალთა საკუთარი მდგომარეობა და საწარმოო ურთიერთობათა საკუთარი სისტემა ახასიათებს. იგი ცალკე საზოგადოებრივი ფორმაციაა, რომლის შიგნითაც ჩვენ სხვადასხვა საფეხურს ვამჩნევთ. ამ ხანას „პირველყოფილ კომუნიზმის“ ხანასაც ეძახიან. იგი ცალკე უნდა იქნას შესწავლილი.

### მითვისებითი მეურნეობა

ეს ის ხანაა, როცა კაცობრიობა პირველად იდგამს ფეხს. კაცობრიობის პირველ ნაბიჯს კულტურულად წარმოადგენდა „შრომის საშუალებათა მოხმარება და შექმნა, თუმცა მათი ჩანასახი ზოგი გვარის ცხოველებსაც უკვე მოეპოვებათ, იგი სპეციფიკურად ადამიანის შრომის პროცესს ახასიათებს“. თავდაპირველად ეს იარაღი უაღრესად პრიმიტიულია. მის მასალად გამოყენებულია ხე, ძვალი, ქვა, რომელიც ან სრულებით არა, ან უაღრესად მცირედ არის სახეცვლილი. ამათუიმ ეროვნულ ისტორიისათვის ამ ხანას მხოლოდ პირობითი მნიშვნელობა აქვს, რადგანაც მაშინ ტომები ჯერ კიდევ ჩამოყალიბებულნი არ არიან და თანამედროვე ერსა და იმ დროინდელ ადამიანს შორის ერთი კუთხე კავშირის გაბმა შეუძლებელია.

ენლა უკვე უდავოა, რომ იმ უშორეულეს ხანის ადამიანს საქართველოს დღევანდელ ტერიტორიაზედაც უცხოვრია. აღმოჩენილია მისი უპრიმიტიულესი იარაღი — დაუმუშავებელ ქვის, ძვლისა და რქისაგან გაკეთებული. ტექნიკის განვითარების თვალსაზრისით ამ ხანას ძველ ქვის ხანას ანუ პალეოლითს ეძახიან (იხ. პროფ. ივ. ჯავახიშვილი, ქართველი ერის ისტორია, ტ. I, 1928 წლ. გამოც., გვ. 6, § 1. — ქვევით ყველგან, თუ განსაკუთრებული შენიშვნა არ იქნება, ამ წიგნის ხსენებული გამოცემა სიმოკლისათვის ყოველთვის აღნიშნული იქნება ასე: *ჯავახიშვილი, ქართ. ისტ.*). ამ დროს მეურნეობას მითვისებითი ანუ შეგროვებითი ხასიათი აქვს: ადამიანი მზამზარეულ სახით ითვისებს ბუნების მიერ მოცემულ პროდუქტებს (აგროვებს ნაყოფებს, კია-ლუას, ხელით იჭერს პატარ-პატარა ცხოველებს და სხვა). მისი სოციალური ცხოვრებაც უაღრესად პრიმიტიულია. ცხოვრობს იგი პატარა ჯგუფების — ურდოების — სახით (არა უმეტეს, 30 — 40 კაცისა ურდოში). თავდაპირველად ასეთ ურდოში სქესობრივი აღრევა უნდა ვიგულისხმოთ. შემდეგში თანდათან ისახება ნათესაობის შეგნება დედის ხაზით. შრომის ნაყოფიერება წარმოუდგენლად მცირეა. ურდო ძლივს ირჩენს თავს.

შემდგომი განვითარება საზოგადოებისა განსაზღვრული იყო მის საწარმოო ძალების განვითარებით. ადამიანი თანდათან იუმჯობესებს თავის იარაღს, კერძოდ ის სწავლობს ქვის გათლას და ამ მხრივ დიდ ხელოვნებასაც აღწევს. ამ ხანას ტექნოლოგიურად ახალ ქვის ხანას ანუ ნეოლითს ეძახიან. მისი დადგომა მითვისებითი მეურნეობიდან წარმოებით მეურნეობაზე გადასვლას მოასწავებდა.

## წარმოებითი მეურნეობა

ადამიანის შრომის ნაყოფიერება არაჩვეულებრივად გაიზარდა წინა ხანასთან შედარებით. თანდათან უფრო და უფრო გარკვეულ სახეს იღებენ მისი მეურნეობის ცალკე დარგები. ცხოველების შემთხვევითი ქერიდან მონადირეობა ყალიბდება. გროვებას ისევ ისე მისდევენ, მაგრამ ამ ჩვევების ნიადაგზე ადამიანი თანდათან იწყებს მისთვის სასარგებლო მცენარეების — განსაკუთრებით და პირველ რიგში ძირნაყოფა და ბოლქვიან მცენარეთა — გაშენებას. ამასთან ერთად ისახება შრომის ერთგვარი განაწილება, — ქალი გროვებასა და პირველყოფილ „მეზოსტნეობას“ მისდევს, ვაჟი — ნადირობას. სადაც სათანადო პირობები ამას ხელს უწყობს, ადამიანი ბინადარი ხდება.

ამიერ-კავკასიაში ნეოლითის იარაღები თუმცა ნაპოვნია, მაგრამ ეს კულტურა აქ სუსტად არის გამოხატული (ივ. ჯავახიშვილი, ქართ. ისტ., გვ. 6).

გაცილებით მეტი მნიშვნელობა ამიერ-კავკასიისა და საქართველოსათვის ჰქონია მომდევნო კულტურას, როცა ადამიანმა ლითონის დამუშავება ისწავლა. თუ ქვის იარაღის გაუმჯობესებამ ისეთი ცვლილებები გამოიწვია, ლითონის იარაღის შემოსვლამ ხომ მთელი გადატრიალება მოახდინა კაცობრიობის ცხოვრებაში. განსაკუთრებით, „რკინის შემოღებასთან დაკავშირებით საზოგადოებრივი პროგრესი წარმოებდა შეუწყვეტლივ, შეჩერებისა და შენელების გარეშე“ (ენგელსი). მაგრამ განვიხილოთ ის საწარმოო ურთიერთობა, რომელიც წარმოების ამ წესთანაა დაკავშირებული.

## გვაროვნული წყობილება

სულ მოკლედ რომ განვაზოგადოთ ის ცნობები, რომელნიც განვითარების ამ საფეხურზე მყოფ ტომების შესახებ მოგვეპოვება, შემდეგ სურათს მივიღებთ. ურდოს ადგილი გვარს უჭირავს, სისხლით მონათესავე პირების ბუნებრივ საზოგადოებრივ დაჯგუფებას. ის ურდოზე უფრო მრავალრიცხოვანია. გვარები სხვადასხვა კავშირებად არიან გაერთიანებულნი, რომელთაგანაც ყველაზე ფართო არის ტომი. ზოგჯერ მონათესავე ტომები შეადგენენ კავშირს, რომელიც უმთავრესად საგარეო საქმეებითაა დაინტერესებული და გვარების შინაგან ცხოვრებაში არ ერევა. მთავარი საწარმოო საშუალება არის მიწა. იგი საერთო — ტომის და გვარის — საკუთრებაა, შრომის იარაღები-კი კერძო საკუთრებას შეად-



გენენ — დიდი ოჯახისას (ასე ეწოდება იმ დროინდელ უკნინეს საზოგადოებრივ ერთეულს, რამდენიმე შონათესავე ოჯახის კრებულს, რომელიც ერთ სახლად ცხოვრობს) და ცალკე ინდივიდისას. ამის გარდა, მას შემდეგ რაც იწყებენ მიწის დამუშავებას, მიწა იყოფა ცალკე ნაჭრებად, რომლებსაც ცალკე დიდი ოჯახები ჰფლობენ და ამუშავებენ. მაშასადამე, მიწა საგვარეულო საკუთრებისა და საოჯახო მფლობელობის საგანია. სრულ თანასწორობის განხორციელებისათვის ხდება მიწის ხელახალი პერიოდული განაწილება: ერთიდაიგივე მიწის ნაკვეთი სხვადასხვა ოჯახს შორის მოძრაობს. შრომის განაწილების თავდაპირველი ფორმა ზემოხსენებულია — სქესებს შორის. თანდათან ისახება აგრეთვე ე. წ. შრომის გეოგრაფიული განაწილებაც. სხვადასხვა ტომი უცვლის ერთმანეთს იმ ბუნებრივ პროდუქტებს, რომლებიც მათ თავიანთ მიწა-წყალზე აქვთ მოპოვებული. ისახება ერთგვარი ხელოსნობაც — უკვე ქვის ხანაშიაც არიან იარაღის სპეციალისტი-ოსტატები. ესენიც თავდაპირველად თავიანთ საქმიანობით გვარიდან გამოთიშულნი არ არიან.

შემდეგში ეს ხელობა ცალკე დიდ ოჯახებში მკვიდრდება. შრომის ბუნებრივ განაწილებისა და ხელოსნობის ნიადაგზე არსებობს ერთგვარი ალებმიცემა. გაცვლას ამ დროს შემთხვევითი ხასიათი აქვს. იგი ჩნდება ამათიმ პროდუქტის შემთხვევითი სიჭარბის პირობებში. დასაწყისში პროდუქტს სცვლიან პროდუქტზე უმეშვეოდ, შემდეგ ჩნდება განსაკუთრებული საცვლელი საშუალება, რომელიც მე საგნის სახით, მაგ. ნიჟარები. გაცვლა გვარის ტერიტორიულ კიდურებზე წარმოებს, ჩვეულებრივად სხვადასხვა ტომს შორის, და ავით გვარის ცხოვრებაში იგი უმნიშვნელო როლს თამაშობს. ქალაქი სოფელს მხოლოდ გვაროვნულ წყობილების რღვევის პირობებში გამოეყოფა. ალებმიცემის შემდგომ განვითარებისათვის განსაკუთრებული მნიშვნელობა ჰქონდა მესაქონლეობის ჩამოყალიბებას და ცალკე მეჯოგე ტომების გაჩენას. მეჯოგე და მიწისმოქმედ ტომების მეზობლობა „ჭკნის წარმოების ორს ერთდროულს სხვადასხვანაირ ფორმას და აუცილებელ პირობებს წესიერ გაცვლისათვის“. შემდეგ, შრომის ახალი განაწილება შრომისა მიწისმოქმედებასა და ხელოსნობას შორის სულ უფრო და უფრო ზრდის რაოდენობას იმ პროდუქტებისას, რომელნიც მხოლოდ გასაცვლელად არიან დამზადებულნი. ჩნდება საქონელი.

მოსახლეობა მეტად იშვიათი, მეჩხერი და დაქსაქსულია. თვითულ ტომს თავისი საკუთარი გარკვეული ტერიტორია უჭირავს,

რომელიც სხვა ტომთა მიწა-წყალს უმეშვეოდ არ ემიჯნება. აღწერილ საწარმოო წესისა და ურთიერთობის ნიადაგზე გვარის შიგნით საზოგადოებრივი თანასწორობაა გამეფებული. არ არსებობენ კლასები. გვარის სათავეში გვარის მიერვე არჩეული კაცი დგას ჩვეულებრივად—უხუცესი და ურჩეულესი გვარის წევრთა შორის, ტომის სათავეშიაც ასეთივე არჩეული პირია. მის გარდა, სატომო საქმეებს სატომო საბჭო განაგებს, რომელიც ცალკე გვართა წარმომადგენლებისაგან შედგება. გვარისა და ტომის შეიარაღებულ ძალას თვით გვარისა და ტომის ყველა იარაღის ტარების შემძლე წევრები შეადგენენ. ეს ძალაა, გარეშე მტერს რომ პასუხს აძლევს. ინდივიდუუმის დამცველი და მოსარჩლე მისი გვარია. იდეოლოგიურ სფეროში აღსანიშნავია კოლექტივისადმი კუთვნილების ძლიერი შეგნება, სისხლით ნათესაობის შეგნება, რაც კერძოდ ქორწინების სფეროში იჩენს თავს ნათესაების შეუღლების აკრძალვის სახით.

სარწმუნოება პირველყოფილ ანიმიზმზეა დამყარებული. ბუნების ძალები და მოვლენები განპიროვნებული არიან და კულტის საგნად არიან ქცეულნი. ანიმიზტურ რწმენების ნიადაგზევეა აღმოცენებული ე. წ. ტოტემიზმი — თვითეულ გვარს მიჩემებული ჰყავს რომელიმე ტოტემი — ცხოველი, ესათუის ნადირი ან ფრინველი ან რომელიმე ნივთი, — მის სახელს ატარებს, მას თაყვანს სცემს და თავის წინაპრად სთვლის.

აღსანიშნავია აგრეთვე, რომ ვიდრე შინაურ მეურნეობაში ქალი მეთაურობს (სანამ მიწისმოქმედება სუსტადაა განვითარებული, იგი ქალის საქმიანობის სფეროა), დიდ ოჯახის მეთაურადაც ქალი გამოდის. ზოგჯერ ეს მდგომარეობა მატრიარქატად ანუ დემოთავრობადაც ყალიბდება. მაგრამ მეურნეობაში მამაკაცის როლის გაძლიერებამ (მეჯოგეობა და ფართო მიწისმოქმედება მისი საქმიანობის სფეროა) სოციალურ ცხოვრებაშიც უპირატესობა მამაკაცს არგუნა საბოლოოდ. ყალიბდება ე. წ. პატრიარქატი ანუ მამოთავრობა, რომელიც სხვადასხვა ტომში, რათქმაუნდა, სხვადასხვანაირია.

დიდხანს, მრავალ საუკუნის განმავლობაში, შეიძლება ტომი ასეთ ვითარებაში იმყოფებოდეს, მაგრამ ადრე თუ გვიან, შინაგან განვითარების ლოგიკის ძალით, „გვაროვნული კავშირები მოსჭამენ თავის დროს. მათ სპობს შრომის განაწილება, რომელიც სხვადასხვა კლასად ანაწევრებს საზოგადოებას“. სათანადო შესაძლებლო-

ბა თვით გვარის შინაგან სტრუქტურაშია მოცემული. საზოგადო საკუთრების გვერდით აქ ხომ კერძო (საოჯახო) საკუთრებაც არსებობს. „მეჯოგეობის, მიწისმოქმედებისა და საშინაო ხელოსნობის გაზრდილი ნაყოფიერება საშუალებას იძლევა მიღებულ იქნას პროდუქტების ისეთი რაოდენობა, რომელიც აღემატება საზოგადოებრივ მოთხოვნილებას“. მაგრამ ეს ნამატი პროდუქტი უკვე არათანაბრად ნაწილდება გვარში. დაგროვება ცალკე ოჯახებში ხდება. ეს ზრდის ქონებრივ უთანასწორობას მათ შორის. ეს დიდი ოჯახი უფრო მკაფიოდ უპირისპირდება გვარს. ქონებრივ სიძლიერის ნიადაგზე ცალკე ოჯახები ივეალავენ უფრო მყარ გზებს თვით ერთგვარ სოციალურ უპირატესობისაკენ. კონკრეტულ ისტორიიდან ვიცით, რომ ძალიან ხშირია ასეთ პირობებში გვაროვნულ ორგანოების მემკვიდრეობით ორგანოებად გადაქცევა. ამასთან ერთად, გვარში სოციალური უთანასწორობაც ისახება მონობის სახით. მონის, რომელიც ტყვისგან არის წარმომდგარი, ბედი და როლი გვაროვნულ საზოგადოებაში სხვადასხვანაირია, იმისდა მიხედვით, თუ როგორია ამ საზოგადოების მეურნეობის ხასიათი. მონადირეობისას მონის შრომა, მაგ., გამოუყენებელია. სამაგიეროდ, იგი განსაკუთრებით საჭირო ხდება ფართოდ დაყენებულ [მიწის] მოქმედების დროს, და მიწისმოქმედების ზრდასთან ერთად იზრდება მონათა რიცხვიც და მათი წონაც მეურნეობაში. საზოგადოების ამ ორ კლასად დაყოფა სულ უფრო და უფრო ღრმა ხდება. განსაკუთრებით უნდა გაძლიერებულიყო ეს პროცესი მას შემდეგ, რაც განვითარების უკვე მიღწეულ, საკმაოდ მაღალ, საფეხურზე ტექნიკაში ლითონი შემოდის. მან არაჩვეულებრივად გააღვიძა შრომის ნაყოფიერება და დააჩქარა ზემოთაღწერილი პროცესები. ამასთან ერთად აღსანიშნავია ისიც, რომ, რაკი ლითონი მეტად ძვირს საქონელს წარმოადგენს, ის კიდევ უფრო მეტი უთანაბრობით ნაწილდება ცალკე ოჯახებს შორის და ამრიგად ზრდის არსებულ უთანასწორობას. შემდეგ „დგება შრომის მეორე დიად განაწილების დრო: ხელოსნობა ეთიშება მიწისმოქმედებას“, იზრდება აღებმიცემა, რომელიც უკვე რეგულარულ ფორმებს იღებს, როგორც უკვე ვამბობდით ზემოთ.

ქონებრივ უთანასწორობის ზრდას თან სდევდა საგვარეულო საკუთრების რღვევაც. ეს პროცესი ყველაზე ადრე, როგორც ფიქრობენ, ჯოგებზე ვრცელდება. ჯოგები გვარისა და ტომის საერთო საკუთრებიდან ცალკე ოჯახების კერძო საკუთრებად იქცევიან. ამასთან ერთად, ჩვენ ვიცით, რომ მეჯოგე ტომები ხელს უწყობენ

აღებმიცემის განვითარებას და თვით საქონლის საყოველთაო ეკვივალენტურ ფორმის წარმოშობასაც ფულად ფორმის სახით, „რომელიც ადგილობრივ გასასხვისებელ ქონების მთავარ ელემენტს“ (ამ შემთხვევაში, შინაურ ოთხფეხს) უკავშირდება. „მომთაბარე ხალხი ყველაზე პირველად ავითარებს ფულად ფორმას, რადგანაც მთელი მისი ავლადიდება მოძრავ და, ამიტომ, უშუალოდ გასასხვისებელ ფორმაში იმყოფება და რადგანაც მისი ცხოვრების პირობები განუწყვეტლივ აახლოებს ზას უცხო საზოგადოებრივ ორგანიზმებთან და, ამგვარად, აქეზებს პროდუქტთა გაცვლისათვის“ (მარქსი). ამ ნიადაგზე აიხსნება ის ფაქტი, რომ ხშირად საერთოდ ქონების აღსანიშნავად სპეციალური, შინაურ პირუტყვის აღმნიშვნელი ტერმინი იხმარება (შეადრ. ქართ. „საქონელი“), რომელიც შემდეგში ლითონის ფულზედაც-კი გადადის (მაგ. ერთ-ერთ ძველ ქართულ მატრიანეში საერთოდ სიმდიდრისა და განძის აღსანიშნავად ტერმინი „ხვასტაგი“-ა ნახმარი, რომელიც იმავე დროს შინაურ საქონელსაც ნიშნავს. მემატრიანის ეს ცნობა მესამე საუკუნის ამბავს შეეხება ქ. წ., მისივე დათარიღებით. ამ ხანაში დას. საქართველოში იჭრება ადგილობრივი ვერცხლის ფული, რომელზედაც ხარის თავია ამოჭრილი. იმ შემთხვევაშიც-კი, რომ ამ ემბლემის უმეშვეო წყარო რელიგიური რწმენები იყოს, მაინც უფლება გვექნებოდა აღწერილი მოვლენა, საბოლოო ანგარიშით (თვით რწმენების წარმოშობის თვალსაზრისით), ფულის ზემოთ აღნიშნულ ფორმაზე დაგვეყვანა და ზოგადად მემატრიანის ცნობასთანაც დაგვეკავშირებინა.

საქონელი და ჯოგი, როგორც კერძო საკუთრების საგანი, კიდევ უფრო აღრმავებს ქონებრივ უთანასწორობას ცალკე ჯგუფებს შორის, რაც თავის მხრით ხელს უწყობს თვით კერძო საკუთრების ინსტიტუტის შემდგომ გამაგრებასა და განვითარებასაც. ამასთან ერთად, რაკი, ერთი მხრით, საქონელი (პირუტყვი) საყოველთაო ეკვივალენტურ ფორმას წარმოადგენს აღებმიცემაში, მეორე მხრით-კი, უკვე არსებობს მონობა, ამიტომ დიდი რაოდენობით იქცევიან კერძო საკუთრების საგნად. იზრდება თავისუფალთა და უთავისუფლოთა საზოგადოებრივ დაპირისპირების პროცესი, სიმდიდრე და სიღატაკე (სიმდიდრე ეხლა ხომ გამოხატულია არა მარტო იარაღსა და ჯოგეში, არამედ — მონებშიც, ამ განსაკუთრებულ სახის საწარმოო ძალაში) და საკუთრების ახალი ფორმაც — კერძო (თავდაპირველად, საოჯახო) საკუთრება — უფრო გამოკვეთილ ფორმებში ყალიბდება. მიწისმოქმედ ტომებ-

შიც ეს მოვლენები, საფიქრებელია, იმავე რიგით ვითარდებიან. მაგრამ მიწისძოკმედ ტომებისათვის განსაკუთრებული ნიშნელობა აქვს, რათქმაუნდა, იმას, რომ იქ კერძო საკუთრების საგნად, ბოლოს და ბოლოს, მიწაც იქცევა: ცალკე ოჯახები, რომელნიც თავიანთ მიწის ნაკვეთებზე განსაკუთრებულ ენერგიას ხარჯავენ და იქ ზოგჯერ საკმაოდ მაღალ კულტურებს აშენებენ, ამ ნაკვეთებზე უფრო მყარ უფლებების მოპოვებას ცდილობენ, წინააღმდეგობას უწევენ გვარის უფლებას მოახდინოს მიწების პერიოდული ხელახალი დაყოფა და, დასასრულ, ამ მიწებს საკუთრებადაც იმკვიდრებენ. მიწაც აღებმიცემის საგანი ხდება. იზრდება და ხშირდება მოსახლეობაც. გვარები, ტომები უახლოვდებიან ერთმანეთს. მონათესავე ტომები უკავშირდებიან ერთმანეთს და ერთ ხალხად ირწყვიან.

იყო კიდევ ერთი გარემოება, რომელიც ამ პროცესში თავისს, ზოგჯერ ძალიან დიდს, როლს თამაშობდა. ეს იყო მუდმივი შეხლა-შემოხლა და ომიანობა ცალკე ტომებს შორის — უღვეელი წყარო მონობისა, ერთი ტომის გაბატონებისა და მეორის დაპორჩილებისა, ცალკე პირთა დაწინაურებისა თვით გვარში და სხვა.

ასე იშლება და ქრება გვაროვნული კავშირები, რომელთა ადგილსაც ტერიტორიალური კავშირები იჭერენ, ასე ყალიბდება კლასობრივი საზოგადოება და მასთან ერთად, გვაროვნულ ორგანიზაციის ნაცვლად, სახელმწიფოც. ეს პროცესი აქ მხოლოდ ძალიან ზოგადად და სქემატურადაა მოხაზული. უადგილობის გამო. ჩვენთვის ეს აუცილებელი იყო იმისათვის, რათა ცოტათი თუ ბევრად გავრკვეულიყავით ქართველ ტომთა განვითარების სათანადო ხანაში. როგორ ხდება ქართველ ტომების გადასვლა გვაროვნულ წყობილებიდან კლასობრივ საზოგადოებაში, ამის შესახებ არავითარი წერილობითი ცნობები ჩვენ არ მოგვეპოვება. ამიტომ ამ გადასვლის ფორმის შესახებ მთლიან წარმოდგენის შექმნა ჯერ-ჯერობით შეუძლებელია. მაგრამ სხვადასხვა ხასიათის ისტორიულ წყაროების ფრაგმენტულ ჩვენებებზე დაყრდნობით ის მაინც უნდა შევსძლოთ, რომ, რამდენადაც ეს შესაძლებელია ამჟამად, უფრო ზედმიწევნით დავათარილოთ ქართველ ტომების წინაკლასობრივ საზოგადოებიდან კლასობრივში გადასვლის ხანა და ამ გადასვლის შესაძლებელ გზებზედაც მივუთითოთ ზოგადად.

### გვაროვნული წყობილება ქართველ ტომებში

გვაროვნულ წყობილების ნაშთებმა ქართველ ტომებში მე-20 საუკუნემდისაც მოაღწიეს. მათ კვალს დღესაც-კი შეიძლება შევხვდეთ. ეს განსაკუთრებით მთიელ ტომებზე ითქმის: ხევსურებზე, ფშავებზე, სვანებზე და სხვ. ეს ნაშთები აქ თავს იჩენენ სინამდვილის თითქმის ყველა სფეროში — სოციალურ ორგანიზაციაში, ხალხურ ადათში, რელიგიურ რწმენებსა, კულტსა და წესებში, ტოტემიზმის მოვლენებში და მრავალ სხვა რამეში, სისხლის ალების, უფროს-უმცროსობის, სტუმარ-მასპინძლობის, ოჯახისა და თემის. ურთიერთობის წესები გაქონებულია უხსოვარ დროთა სულით. რეალურ სინამდვილიდან გაძევების შემდეგაც ისინი თავს კიდევ დიდხანს ინახავენ ხალხის თქმულებებსა და პოეზიაში (შეადრ. ამ. მხრივ თუნდაც ვაჟა-ფშაველას პოემებში დაცული მასალა). ნაკლების სიცხადით გამოხატულნი, ეს მოვლენები გვხვდებოდა და ნაწილობრივ ეხლაც გვხვდება ბარშიც. მთელი ეს ეთნოგრაფიული მასალა იმდენად მდიდარია, მრავალფეროვანი და ამასთან ერთიანიც, მთლიანი, რომ მარტო მის ნიადაგზე მდგომთაც ჩვენ უფლება გვექნებოდა დაგვესკვნა, რომ: ქართველ ტომებს, ყველას, უკლებლივ, განუვლიათ გვაროვნული წყობილება და უმაღლეს ფორმებამდე განუვითარებიათ იგი. მაგრამ ეთნოგრაფიასთან ერთად ჩვენ ისტორიაც გვაძლევს სათანადო ჩვენებებს, და ეს გარემოება ჩვენთვის კიდევ უფრო საყურადღებოა: ისტორიულ-ლიტერატურულ მოწმობათა შემწეობით შესაძლებელი ხდება ქართულ გვარის განვითარების ზოგიერთ საფეხურის გათვალისწინება მანაც.

უძველეს ქართულ საისტორიო თხზულების, ე. წ. „ქართლის მოქცევის“ (მიღებულ შეხედულებით, დაახლოებით მე-8 საუკუნის დღევანდელ სახით შედგენილი) ცნობით, როცა ქართველი ტომები დღევანდელ მიწა-წყალზე მოვიდნენ თავდაპირველ სამშობლოდან, ისინი 18 სახლის ანუ გვარისაგან შედგებოდნენ. ეს 18 გვარი ორს, ერთმანეთთან დაკავშირებულ, შტოდ ყოფილა დაყოფილი. 10 გვარისგან შემდგარ ჯგუფს მატიანე „მამამძეძეთა სახლებს“ ეძახის. როგორც პროფ. ივ. ჯავახიშვილს აქვს გარკვეული (იხ. მისი „ქართული სამართლის ისტორია“, წიგნი პირველი. 1928 წ. გამ., გვ. 165, მესამე აბზაციდან — გვ. 170), ეს ღრმად საყურადღებო და დაცულობის თვალსაზრისით საკვირველი ცნობა უძველეს სოციალურ მდგომარეობას და მის შესაბამის ქორწინებისა და ოჯახის ფორმაზე მიგვითითებს. ეს საზოგადოება მატრიარქატის განვითარების გარკვეულ საფეხურზეა და ნათესაობა

აქ დედის ხაზის აღიარებაზეა დამყარებული. მატიანე ამ ამბავს ალექსანდრე მაკედონელის ამიერ-კავკასიაში ლაშქრობას უკავშირებს და, მაშასადამე, მეოთხე საუკუნის ქ. წ. დასასრულით ათარილებს. ეს თარიღი მცთარია იმდენად, რამდენადაც მისი საფუძველი ისტორიულ ჭეშმარიტებას არ შეეფერება (ალექსანდრეს საშხედრო ოპერაციების არეში ამ. კავკასია არასოდეს არ შესულა). მიუხედავად ამისა, თვით ცნობა შეუძლებელია შეთხზული იყოს, რადგანაც მატიანის საბოლოოდ შედგენის ეპოქაში საზოგადოებრივი წყობილება სულ სხვა სურათს წარმოადგენდა. და საინტერესოა, რომ რამდენიმე საუკუნის შემდეგ „ქართლის მოქცევის“ ლიტერატურულ ჩამოყალიბების დროიდან, როცა ფეოდალურმა ურთიერთობამაც საქართველოში უკვე სავსებით განვითარებული ფორმები მიიღო, წარმოიშვა ამ თხრობის რადიკალურად შეცვლილი რედაქცია. ამ რედაქციით, აზოს ქართლში მოჰყავს „ათასი სახლი ნდაბიო და მოქალაქე დედებით ყრმებითურთ მათით და კვალად ათი სახლი. მთავართავან პალატისათა დედებით და ყრმებით მათით“. პირველყოფილი გვარები აქ უკვე კლასობრივ საზოგადოებად (მდაბიო, მოქალაქე, მთავარი) იქცა, ფეოდალურ საზოგადოების სტრუქტურასთან შეფარდებით! ამრიგად, უძველეს ქართულ მატიანის მიხედვით, ძირეული ქართველი ტომები გარკვეულ ხანაში (მათ დღევანდელ ტერიტორიაზე გადმოსახლებისას?) გვაროვნულ წყობილებას განიცდიან.

მეორე ადრინდელი ქართული მატიანე, აგრეთვე ქრონოლოგიურ შეცთომითა და ისტორიული პერსპექტივის დარღვევით, თითქმის ახალგაიურ სოციალურ სურათს გვიხატავს (იხ. ივ. ჯავახიშვილი, სამართ. ისტ., წ. 1, გვ. 171—172). ორივე ამ ძველ ქართულ ისტორიულ ცნობისა და თანამედროვე ენობრივ ფაქტების ანალიზით ირკვევა, რომ იმდროინდელ ძირითად საზოგადოებრივ კავშირის ფორმის — გვარის — აღსანიშნავად ტერმინი „სახლი“ იხმარებოდა.

ამავე საზოგადოებრივ ფორმაციისაკენ მიყვავართ უცხოურ ცნობებსაც, რომელთაგანაც ყველაზე ძველი (თუ გაბმულს წერილობით ცნობებს ვიგულისხმებთ) ბერძენთა ცნობილ მწერლის, სტრაბონის, „გეოგრაფია“-შია დაცული. სტრაბონს სხვადასხვა ქართველ ტომის საზოგადოებრივ-პოლიტიკურ ყოფის შესახებ მოეპოვება ცნობები, მაგრამ მათ შორის ჩვენთვის ამჟამად განსაკუთრებული ინტერესი სევანების აღწერილობას აქვს. ამ ძლიერ ტომს, სტრაბონის თქმით, „ჰყავს მეფე“ და საბჭო, 300 მამაკაცის-

გან შემდგარი. ჯარში მათ, როგორც ამბობენ, შეუძლიათ 200,000-მდე კაცი გამოიყვანონ, იმიტომ რომ მთელი მოსახლეობა მეომრობითაა ცნობილი“. აქ რიცხვები, ყოველ შემთხვევაში — ჯარის რაოდენობისა, — გაზვიადებულია, მაგრამ თვით აღწერილობა ნიშანდობლივია და უეჭველად მოქმედ გვაროვნულ საზოგადოებას ახასიათებს: ტომს მოეპოვება ის ორგანო, რომლითაც ხალხი თავის სუვერენულ უფლებებს ახორციელებს, სატომო საბჭო; მისი საპასი წევრი — ეს ცალკე გვართა წარმომადგენლებია, მამასახლისები თუ სხვა დელეგატებიც; ჯარს თვით ხალხი შეადგენს (ჯარის დასახელებულ რაოდენობის გასამართლებლად, სტრაბონი რომ აღნიშნავს მთელი ხალხის მეომრობას — მთელი ხალხი გამოდის ჯარში და იმიტომ ის დიდია!). ცნობა „მეფის“ შესახებ ამ დასკვნას ვერ დაარღვევს: თუნდაც ანგარიში არ გავუწიოთ იმ გარემოებას, რომ ბერძნულ ტექსტში შესატყვისად გაიღას მოცემული ტერმინი — „ბაზილევსი“ — გვაროვნულ წყობილების ტერმინია (ამ დროს მას ახალი მნიშვნელობაც ჰქონდა), ყოველ შემთხვევაში შეუძლებელი არ არის, რომ იმდროინდელს გარეშე დამკვირვებელს ძლიერ ტომის მეთაურის ხელისუფლების განსაზღვრისას სიხუსტე ვერ დაეცვა. კიდევ უფრო გვარწმუნებს ჩვენი დასკვნის სისწორეს ცნობა სვანების მეურნეობის შესახებ. სახელდობრ, სტრაბონის მიერ სვანები მიკუთვნებულნი არიან იმ მთიელ ხალხებისადმი, რომელთაგანაც „ზოგს უწირავს მთის მწვერვალები, ზოგი-კი ცხოვრობს ღია ცის ქვეშ ხევებში. იკვებებიან ისინი უნიტესწილად ნადირია ხორცით, ტყის ნაყოფითა და რძით“. მაშასადამე. მეურნეობის მთავარი დარგები მონადირეობა, ნაყოფების გროვება და მესაქონლეობა (აღბათ სუსტად განვითარებული) ყოფილა. ერთგვარი აღებმიცემა ნეზოპელ თემებთან ჰქონიათ, მაგრამ ამ (ბარის) თემებში ისინი „უმთავრესად მარილისთვის“ ჩადიოდნენ. ბართან კავშირი, სხვათა შორის, მეტად გაძნელებული უნდა ყოფილიყო ამ მთების გზების უჩვეულოდ არახელსაყრელ ხასიათის გამოც. სვანების ყოფა-ცხოვრებაც სტრაბონის ტექსტში მეტად არამიმზიდველ სახითაა წარმოდგენილი და ამ მარილს ისინი ყველაზე ჩამორჩენილ ტომთან არიან გათანაბრებულნი.

რა დროს ეკუთვნის ეს ჩვენება? სტრაბონის თხზულება ჩვენი წელთაღრიცხვის დამდგესაა შედგენილი, მაგრამ მასნი დაცულ ცნობების გამოყენებისას ყოველთვის უნდა გვახსოვდეს, რომ სტრაბონის „გეოგრაფია“ თითქმის მთლიანად სხვის, სულ სხვა-



დასხვა დროს შეკრებილსა და დამუშავებულ მასალაზეა დამყარებული, და ამ გეოგრაფიის კონკრეტულ ჩვენებით სარგებლობისას წინასწარ უნდა ეუბასუხოთ კითხვას, თუ სტრაბონის რომელ წყაროსთან გვაქვს საქმე. სტრაბონი არას გვეუბნება, თუ საიდან ამოიღო მან თავისი ცნობები სვანების შესახებ, მაგრამ სხვადასხვა მოსაზრების ძალით შეიძლება ითქვას, რომ ეს ცნობები ეკუთვნიან ხანას არა უკვიანეს პირველ საუკუნის პირველ ნახევარისა ჩვენი წელთაღრიცხვის დაწყებამდე, და შესაძლოა საუკუნე—საუკუნე-ნახევრით უფრო აღრინდელნიც იყვნენ.

ბარის ქართველ ტომებს სტრაბონისეული იმავე ხანის ცნობები სულ სხვანაირად გვისურათებენ, მაგრამ მათ გარჩევას ჩვენ შემდგომ განაკვეთში შევეცდებით. აქ ყურადღებას იმ გარემოებისაკენ მივაქცევთ, რომ უკვე იმ დროს მთის განვითარება რამდენადმე ჩამორჩებოდა ბარისას იმავე მიზეზების წყალობით, რომელთა მეოხებითაც ამ მდგომარეობის სხვაობამ ჩვენ დრომდეც-კი მოაღწია. რომ სტრაბონის მიერ დახატული სვანეთის ვითარების სურათი რეალურია, ამას შერმინდელი ცნობებიც ადასტურებენ. საშუალო საუკუნეების გარკვეულ დროიდან ვხედავთ, რომ სვანეთი (უფრო ზუსტად რომ ვთქვათ, მისი ერთი ნაწილი, „თავისუფალი“ ანუ „უბატონო“ სვანეთი<sup>1</sup>) თავისუფალ თემების კავშირს წარმოადგენს, რომელიც „სვანეთის ერთობილ ხევის“, „სვანეთის ბედნიერ ხევის“ სახელწოდებას ატარებს და რომელიც მართლაც „ერთობილ“, ერთიან პირითაა წარმოდგენილი როგორც თავის შინაურს, ისე საგარეო საქმეებში, როცა მას ერთერთი წევრი (საფიქრებელია, სამოქალაქო ან სამხედრო წარმომადგენელი) მოუკლეს, მოკლულის სისხლის ფასი მთელმა თემმა აიღო. შინაგან განაწესის სიმტკიცესა და ხალხურ ადათის თავისუფალ მოქმედებას „ერთობილ ხევის შვილები“ ერთმანეთის ნდობითა და საკუთარ ძალებით იცავენ, კიდევ უფრო ნათელ სახით მოჩანს ძველ სვანურ გვარის სახე მეცხრამეტე საუკუნის ცნობებიდან, რომელნიც გვიდასტურებენ, რომ ამ საუკუნის ჯერ კიდევ სამოციან წლებამდე სვანების „პირველყოფილი დემოკრატია“ განაგრძობდა არსებობას (რათქმაუნდა, გარკვეულ ცვლილებებით) და რომ ის ძეო-

<sup>1</sup> თავის დროზე, უბატონო სვანეთშიაც საკმაოდ მკაფიოდ ისახებოდა ფეოდალური ურთიერთობა, მაგრამ ამ კუთხის შემდგენლობიდანღმა ჩკონონიკურმა ვითარებამ შეაჩერა ეს პროცესი. ამ საინტერესო მოვლენას შემდგომ განაკვეთებში ჩვენ უფრო დაწვრილებით შევებებით.

ლოდ ძალით იქნა მოსპობილი (რუსეთის თვითმპყრობელობის მიერ). ეს ცნობები იმდენად საყურადღებოა, რომ საჭიროდ მიგვაჩნია მოკლედ მაინც გადმოვცეთ აქ ისინი.

ნაჩვენებ ხანაში, სვანეთში (განსაკუთრებით თავისუფალი სვანეთი იგულისხმება) რამდენიმე სოფლის კავშირი შეადგენდა თემს. თემის უზენაესი ორგანო იყო თემის ყრილობა ანუ კრება („ლუზორ“, „ლუზორ“), რომელიც შედგებოდა თემის ყველა მამაკაც წევრისაგან ოცი წლის ასაკს ზევით. ყრილობაში მონაწილეობის უფლებას ქალებიც არ ყოფილან მოკლებულნი, განსაკუთრებით მაშინ, როცა კომლს სრულწლოვანი ვაჟკაცი არა ჰყავდა. თემის ყრილობა საბოლოოდ სწყვეტდა ყველა სათემო საზოგადოებრივ საქმეს, არავის თავის მოქმედების ანგარიშს არ აძლევდა და არავის წინაშე პასუხს არ აგებდა. თემის ყრილობას შეეძლო ერთი ან რამდენიმე კომლი აეყარა თავის ადგილიდან, ამოეწვა მათი კარ-მიდამო, გაეძეგებინა საზოგადოებიდან მავნე პირები და სიკვდილითაც-კი დაესაჯა ისინი. განსაკუთრებით მძიმე დანაშაულად ითვლებოდა „ქვეყნის ღალატი“,— ცდა დაემორჩილებინათ თემი რომელიმე მეზობელ თავადისათვის,— და ღვთისგმობა.

სიკვდილით სასჯელს ყრილობა ძლიერ იშვიათად მიმართავდა ხოლმე (წარსულ საუკუნის დასასრულს ასეთ ფაქტის მომსწრე უკვე აღარავინ ყოფილა) და მძიმე ბოროტმოქმედებისათვის შერისხული იღვენებოდა თემის ფარგლებიდან ან მარტო, ან მთელ თავის კომლთან ერთად. მაგრამ ბოროტმოქმედება თემში მეტად იშვიათად ხდებოდა ხოლმე, სათანადო ადათები ძვალ-რბილში ჰქონდა ხალხს გამჯდარი. თემის ყრილობა არჩევდა შემდეგი ხასიათის საქმეებს: მეზობელ ქვეყნებში (უმთავრესად, თერგისა და ყუბანის თემებში) თარეშის მოწყობის შესახებ საკითხის გადაწყვეტა, მათზე ხარკის დადება თუ ზავის შეკვრა მათთან, კავშირის შეკვრა სხვადასხვა თემთან, კომლობრივ გადასახადის საჭიროება გაჩნდებოდა, მაგ. თემის წევრის მიერ მოკლულ საერთო მტრის სისხლის ფასის ანაზღაურებისას, ან ტყვედ ჩავარდნილ თემის წევრის დასახსნელად და სხვ. სასჯელი ქურდობისათვის (განსაკუთრებით, განმეორებითი ქურდობისათვის მდგომარეობდა ჯარიმაში) და მამაპაპურ ადათების დარღვევისათვის (მაგ. უკმ დღეებში მუშაობისათვის). თემის ყრილობას ემორჩილებოდა ადგილობრივი სამღვდელეობაც. განსაკუთრებულ ყურადღებას აქცევდა ყრილობა სქესობრივ ზნეობის დაცვას. მაგ., ქორწინების გარეშე ბავშვის გაჩენისათვის თემი დამნაშავე ქალის მშობლებს ან მის მეურვეებს ან

ნათესავეებს ჯარიმად წაართმევდა ხოლმე ერთ დღიურს სახნავ-სათიბს ან ტყეს, რაც სამუდამოდ იქცეოდა თემის საკუთრებად და საზოგადოებრივ შემოსავლის წყაროდ. ზნეობრივი სასჯელი კიდევ სხვა იყო. ისჯებოდა აგრეთვე სისხლის შერევაც. აკრძალული იყო ნათესავეების დაქორწინება ათი თაობის ფარგლებში, ერთი თაობის სახლიკაცებს-კი შეუღლება სრულიად აკრძალული ჰქონდათ, რაგინდ შორეული ნათესაობაც არ ყოფილიყო მათ შორის. ასეთი იყო სათემო ყრილობის ჩვეულებრივი უფლებები. ყველა, აღწერილ სახით მოწყობილ, სვანურ თემის კავშირი შეადგენდა „ხეობას“, რომელიც იმდროინდელ დამკვირვებელს ფედერაციულ რესპუბლიკის მსგავს წარმონაქმად ეჩვენებოდა. ამ კავშირს ჰქონდა რამდენიმე, საკავშირო ყრილობისათვის მუდმივად მიჩნეული, ადგილი. აქ იყრიდა თავს ხალხი მთელ ხეობიდან, როცა რამე საერთო საქმე იყო გასაბჭობი (მაგ., მეზობელ თავადების ცდა დაემორჩილებინათ თავისუფალი თემები და სხვ.). ასეთი თავყრილობა შედგებოდა თვითეულ თემის „მახვში“-სა და რამდენიმე დეპუტატისაგან („ჩენილისაგან“). განსაკუთრებულ შემთხვევებში-კი ყველა კომლი გზავნიდა თავის კაცს. ასეთი დიდი ყრილობა მოწვეულ იქნა თავისუფალ სვანეთში, მაგ., 1875 წ., როცა აქ აჯანყების ცეცხლმა იფეთქა რუსეთის ცარიზმის წინააღმდეგ. მოხსენებული „მახვში“ (უფროსს ნიშნავს სვანურად), მამასახლისი იყო სათემო ყრილობის თავმჯდომარე და თემის უმაღლესი მოხელე. ის უვადოდ იყო არჩეული ხალხის მიერ და, თუ ღირსეული აღმოჩნდებოდა, ღრმა მოხუცებამდე უძღვებოდა თავის თანამდებობას, და თუ არა — ის შეეძლოთ ყოველ წამს გადაეყენებინათ. მახვშიდ ირჩევდნენ ხანში შესულს, გულადს, გამოცდილს, პატიოსანს, გონიერს და თემის ერთგულ კაცს. არჩევნებში მონაწილეობდა თემის ყველა სრულწლოვანი წევრი, მათ შორის — ქალებიც. არჩევნებისათვის სპეციალური ადგილი იყო განკუთვნილი, რომელიც სხვადასხვა თემში სხვადასხვა სახელს ატარებდა („ლალხორ“, „სვიფ“, „სახევ“). ამ ადგილას იკრიბებოდა საზოგადოდ თემის ყრილობა. ხალხს ყრილობაზე გრძელ სპილენძის ბუკის ძახილით ჰკრეფდნენ. მახვშის არჩევას გარკვეული ცერემონიალი ჰქონდა. არჩევნები საბოლოო იყო ხოლმე და დიდი ერთსულოვნობით ტარდებოდა. აქ ბრძოლას ამრჩეველთა ჯგუფებს შორის არასოდეს ადგილი არ ჰქონია, იმიტომ რომ ღირსეულ კანდიდატად მიჩნეული პირი ჯერ კიდევ ძველ მახვშის სიცოცხლეში იყო საყოველთაოდ აღიარებული. თუმცა ყრილობის დაუკი-

თხავად მახვში არაფერს აკეთებდა, მაგრამ თავის უდიდეს ზნობრივ ავტორიტეტის წყალობით, ის დიდი უფლებებით იყო აღჭურვილი. მახვშის ექვემდებარებოდა როგორც სასულიერო, ისე საერო, როგორც სისხლის სამართლის, ისე სამოქალაქო, დიდი და მცირე საქმეები. ყრილობაში გამოტანამდე მახვში საზოგადოებრივ საქმეების გამო წინასწარ გამოცდილსა და ნდობის ღირს პირებს ეთათბირებოდა. ყრილობას შეეძლო მიეღო მახვშის აზრი მთლიანად ან ნაწილობრივ ან სრულიად უკუეგდო იგი. მახვში თვალყურს ადევნებდა საზოგადოებრივ წესრიგს, შეეძლო დღეობაში ხალხისთვის იარაღი აეყარა, რომ სიმთვრალეში რამე უბედურება არ მომხდარიყო, არიგებდა წაჩხუბებულებს. მახვშის განსაკუთრებულ საზრუნავს შეადგენდა მისი თემის ორ გეარს შორის წამოჭრილი მტრობა. ამ უთანხმოების მშვიდობიან ჩაქრობისათვის მახვში ადათით გათვალისწინებულ ყველა ღონისძიებას იყენებდა. მახვში ერეოდა საოჯახო საქმეებშიაც (ძმების გაყოფა, ცოლქმრის ჩხუბი და სხვ.). მახვშის თავის ხალხის უდიდესი პატივისცემა და სიყვარული ჰქონდა მოხვეჭილი, და ეს იყო მისი მძიმე შრომის ერთადერთი საზღაური. მაგრამ იყო ხოლმე შემთხვევები, როცა ხალხი ეხმარებოდა მახვშის მკაში, თიბვაში, რაკი მახვშის თავის რთული და მრავალმხრივ მოვალეობის გამო შეძლება არა ჰქონდა საკუთარ საქმისათვის მოეგლო. მახვშის თანამდებობა რუსის მთავრობამ გააუქმა 1869 წ. თემს ჰქონდა საკუთარი სასამართლო, რომელშიაც მახვში აგრეთვე მთავარ როლს ასრულებდა. მოსამართლეებს — „მორვარებს“ — ამათუიმ ცალკე საქმისათვის ირჩევდნენ დაინტერესებული მხარეები. სასამართლო ადათის მიხედვით მოქმედებდა და მის განაჩენს გაუსაჩივრებელი და უქცეველი ძალა ჰქონდა. ყველაზე ძნელ საქმედ თვით განაჩენის დადგენა ითვლებოდა. ხოლო გამოტანილ განაჩენს მომჩივარიცა და მოპასუხეც სიტყვის შეუბრუნებლივ ემორჩილებოდნენ. თვით სასამართლო პროცედურა ძალიან რთული და მტკიცედ განსაზღვრული იყო.

საერთო წესწყობილებას შეეფარდებოდა თვით თემის მოქალაქის უფლება-მოვალეობანი. თვითეული სვანი მოვალე იყო თავის თემის სახელი და ღირსება დაეცვა, მტრისათვის პასუხი გაეცა და სხვ. სამაგიეროდ, თვითონაც თემის ყოველგვარ დახმარებით სარგებლობდა. გადამწვარს თემი ეხმარებოდა წვრილმანით და, გარდა ამისა, თვითეული მოსახლე მას მოსავლის ნაწილს უთმობდა. სახლის შენებისას უფასოდ მოჰქონდათ საშენებელი მასალა და, თუ საჭირო იყო, ეხმარებოდნენ კიდევაც. თუ საერთო გარეშე მტრისათვის

რაიმე ნივთიერი საზღაური უნდა მიეცათ, ამ უკანასკნელს თემი თანაბრად ინაწილებდა თავის წევრთა შორის. გაქირვებულ კაცის სათხოვარს თემი ყოველთვის თანაგრძნობით ეკიდებოდა, თუნდაც ეს კაცი სხვის თემისა ყოფილიყო, ან სრულიად უცხო. თემისათვის სავალდებულო იყო უპატრონო მოხუცთა, ავადმყოფთა და ლატაკთა მოვლა-პატრონობა. თემები ერთმანეთს თუზღლად თვალყურს ადევნებდნენ, რომ ძლიერ თემს სუსტი არ დაეჩაგრა და ამით ზათ შორის წონასწორობა არ დარღვეულიყო. თემის კაცი მაინც ვალდებული იყო გასაქირში თავის თემისავე კაცს დახმარებოდა უცხოს წინააღმდეგ, თუნდაც პირველ ორს შორის მტრობა ყოფილიყო.

აღწერილ დაწესებულებებიდან აშკარად გამოკრთის გვაროვნულ ორგანიზაციის სახე. ამ პირველყოფილ მდგომარეობის კვალი ჩვენ შეგვეძლო მრავალ სხვა მოვლენაშიც აღმოგვეჩინა, ადგილი რომ ამის ნებას გვაძლევდეს. მაგ., ოჯახის წყობაში (აქ აღებულ ხანაში მოიპოვებოდნენ ოჯახები, 50 სულის შემადგენლობით, რომლებშიც მეთაურობა განსაკუთრებულ უფლებებით აღკურვილს ოჯახის მამას ეკუთვნოდა; ოჯახის წევრების მონაგარი საერთო საკუთრებას შეადგენდა და თავის მოთხოვნილებებსაც ოჯახი უმეტეს წილად საკუთარ პროდუქტებით იკმაყოფილებდა). შეუღლების წესებში (ძმის ან სხვა მახლობელ ნათესავის უფლება შეერთოთ გარდაცვლილ ოჯახის წევრის ქვრივი, რათა ეს უკანასკნელი გარდაცვლილის ქონებითურთ ისევე ოჯახში დარჩენილიყო და სხვა), სისხლის აღების ადათში, უფროს-უმცროსობის წესებში და სხვ. მაგრამ შეცთომა იქნებოდა, რომ ახალი სევანური თემი გაქვავებულ პირველყოფილ გვარად წარმოგვედგინა. მას უკვე დიდი ცვლილებებია ჰქონდა განცდილი. საკმარისია იმისი აღნიშვნაც, რომ უკვე მისი საძირკველი იყო გარღვეული: მოცემულ პერიოდში უძრავი ქონება აქ უკვე კერძო საკუთრების საგნად ითვლებოდა. სახნავ-სათესი, სათიბი, ტყე და საძოვარი ცალკე ოჯახებს ეკუთვნოდათ. მესაკუთრეს თავის მამულის გასხვისების (მაგ., გაყიდვის მის მიერვე დანიშნულ ფასებში) უფლება ჰქონდა. გაყიდული მამული მყიდველის სამუდამო და სამემკვიდრეო საკუთრებად იქცეოდა. მაგრამ ამ სფეროშიაც მოქმედებდნენ შემზღვეველი წესები, რომელნიც თემურ საკუთრების ინსტიტუტიდან მომდინარეობდნენ. მამულის გაყიდვის მსურველს თავისი საქონელი ჯერ თავის თემის კაცისათვის უნდა შეეძლია, და ამ უკანასკნელს ეკუთვნოდა შეძენის უპირატესი უფლება. თუ თემში

მყიდველი არ აღმოჩნდებოდა, მაშინ კანდიდატებად გამყიდველის მახლობელი ნათესავეები ითვლებოდნენ, და მხოლოდ უკანასკნელთა უარისთქვის შემდეგ შეიძლებოდა მამული უცხოხსაც ეყიდა. მაგრამ სახლი და კარ-მიდამო-კი უსათუოდ თემის ერთ-ერთ წევრს უნდა დარჩენოდა. თუ კარ-მიდამოს შეძენის მსურველს სახსარი არ ჰყოფნიდა, მას თემი ეხმარებოდა. უცხოთაგან ამ შემთხვევაში (თუ თვით თემის წევრთაგან მსურველი მაინც არაყინ იყო) გამო-ნაკლისს მხოლოდ ჩამოსიძებული (ზედსიძედ შემოსული) პირები შეადგენდნენ. ამრიგად, მესაკუთრის მემკვიდრედ მახლობელ ნათესავეებს გარდა თემიც იყო მიჩნეული. გარდა ამისა, ზოგიერთი მთის საძოვარი, მთის სათიბი და სატყეო აგარაკი სოფლისა და თემის საერთო საკუთრებას წარმოადგენდა. მათს მფლობელობასა და სარგებლობაში ყველას თანაბარი წილი ედო.

ამრიგად, ჩვენ ვხედავთ, რომ სვანური თემიც, თავის შინაგან განვითარების ძალით, საერთო გზას ადგა. აქაც საზოგადოების შიგნით ჩნდებოდნენ ძალები, რომელნიც ძველ ურთიერთობას ღრღნიდნენ და ახალს ნიადავს უმზადებდნენ. მხოლოდ, ბუნებრივ პირობების წყალობით, განვითარებას აქ უფრო ნელი ტემპი ახასიათებდა და ტრადიციებიც უფრო დიდხანს ინახავდნენ თავს. ბარის ტომებში ეს პროცესი ბევრად უფრო ადრე მოხდა. მის მეტ-ნაკლები სისწორით გათვალისწინებისათვის ჩვენ უნდა დავუბრუნდეთ ჩვენი თხრობის ზემოთშეწყვეტილ ძაფს.

როგორც უკვე ვამბობდით, ჩვენი ტერიტორიის ნიადავიდან ამოთხრილ ძველ კულტურების ნაშთებს შორის განსაკუთრებული ადგილი ლითონს უჭირავს. შესაძლოა ეს ფაქტი ჩვენი არქეოლოგიის დღევანდელ მდგომარეობის შედეგი იყოს. ჩვენი საკიაზისათვის ამას ისეთი მნიშვნელობა არცა აქვს. უფრო მნიშვნელოვანია ჩვენთვის ის გარემოება, რომ ლითონი აქ საერთოდ ძალიან ადრე შემოდის ხმარებაში — ჯერ ბრინჯაო და მალე რკინაც, თუმცა ამ კულტურების ქრონოლოგიურ განსაზღვრაში არქეოლოგები დღემდე ვერ შეთანხმებულან (ყველაზე ავტორიტეტულ მეცნიერთა თარიღებიდან რომ ორთაშუა რიცხვი გამოვიყვანოთ, რკინის ხანის დასაწყისი კავკასიაში დაახლოებით მეათე საუკუნეს უნდა მიეკუთვნოს ჩვენი წელთაღრიცხვის დაწყებამდე). თვით ამ ნაშთების ხასიათს რომ ჩავუკვირდეთ (იხ. ივ. ჯავახიშვილი, ქართ. ისტ., ტ. I, გვ. 9—16), იძულებული ვიქნებით დავასკვნათ, რომ წარმოება აქ შედარებით ადრე აღწევს საკმაოდ მაღალ საფეხურს. საფლავებში თითქმის ყველა სახის იარაღს ვპოულობთ. დიდად

საყურადღებოა, რომ მათ შორის კვერიც-კი გვხვდება — მიწის-მოქმედება ფართოდ უნდა იყოს დაყენებული. შრომის განაწილებაც მკაფიოდ უნდა იყოს დაყენებული — მეტალურგია და მექურ-კლეობა ალბათ უკვე ცალკე ჯგუფების ხელშია (მათთან ერთად ფეიქრობაც ხომ არა?). ალებმიცემას უკვე მყარი ფორმა უნდა ჰქონდეს — საყურადღებოა ამ მხრივ მორგანის დაკვირვება (ივ. ჯავახიშვილი, ქართ. ისტ., I, გვ. 15—16). მაინც შეიძლება მივი-ლოთ, რომ აქ ცხოვრება ჯერ კიდევ ძველ კალაპოტიდან ამოსუ-ლი არ არის. კოლხები, რომელნიც შავი-ზღვის სამხრეთ-აღმოსავ-ლეთ სანაპიროზე იგულისხმებიან, სპარსეთის მეფეს თავის „ნება-ყოფლობით“ ხარკს ტყვის (მონის) სახით აძლევენ, მაშინ როცა მათ სამხრეთით მცხოვრები ტომები ამ ხარკს ფულად იხდიან (ეს ამბავი მეხუთე საუკუნეს ეკუთვნის). მეორე მხრით, უკვე ამ ცნო-ბიდანაც შეიძლება მონობის (მაშასადამე, ერთგვარ სოციალურ უთანასწორობის) გარკვეული განვითარება ვიგულისხმოთ (კოლ-ხები ოთხ წელიწადში ერთხელ სპარსეთის მეფეს 100 ვაჟს და 100 ქალს აძლევდნენ, გვიამბობს ჰეროდოტე). დაახლოებით ამავე დროს შავი ზღვის ქართულ სანაპიროზე ბერძენთა საეპრო ფაქტორიები — ზღვისპირა ქალაქები ჩნდებიან (ფაზისი, დიოსკურია და სხვ.). ამ ფაქტს, რათქმუნდა, არ შეეძლო ადგილობრივ ტომების ცხოვ-რება ძირეულად შეეცვალა, მაგრამ გავლენა-კი უნდა მოეხდინა, — თუნდაც მცირე: თვით ამ ქალაქების არსებობას ხომ ის აზრი ჰქონდა, რომ აქაურ მოსახლეობასთან სათანადო ურთიერთობა დაემყარებინა. სტრაბონის „გეოგრაფიას“ ეს შოვლენა გაზვიადე-ბებით შემდეგნაირად აქვს აღწერილი: „ჩვენებურ ცხოვრების წესმა ყველგან გამოიწვია ცვლილება უარესობისაკენ, — შეიტანა ფუფუნება, სიამოვნებისადმი მისწრაფება და ამ მოთხოვნის დაკმაყოფილებისათვის მრავალი უზნეო საშუალება, გამდიდრებისა-კენ მიმართული. ასეთმა გაფუჭებამ მნიშვნელოვან წილად შეატა-ნა ბარბაროსებშიაც, სხვათა შორის, ნომადებშიც (ვინც მოხეტია-ლე ცხოვრებას ეწევა, ადგილმაცვალ ხალხში). უკანასკნელნი, მას შემდეგ რაც ზღვა გაიცინეს, უარესი გახდნენ: დაიწყეს ყაჩაღობა, უცხოელების ხოცვა და, დაიპირეს რა კავშირი მრავალ ხალხთან, გადმოაქეთ მათგან ფუფუნება და ჩარჩობა“. მეორე ადგილას, უკირიმელ მიწისმოქმედ ტომების შესახებ, ნათქვამია: ...„თუმცა მათ მეომრობის მხრივ მშვიდობიან და მოქალაქობრივად უფრო დაწინაურებულ ხალხის ხმა აქეთ დაეარდნილი, მაგრამ, ანგარე-ბისა და ზღვასთან სიახლოვის გამო, თავს ვერ იკავებენ ყაჩაღო-

ბისა და სხვა მის მსგავს საშუალებებისაგან, რომელიც გამდიდრებისაკენ არის მიმართული“. „ზღვისთან სიახლოვე“ აქ, რათქმუნდა, ზღვისპირა სააღმშენებლო პუნქტებთან ურთიერთობას გულისხმობს. რომ ქვეყნის შინაგან ცხოვრებაში (ამ შემთხვევაში, დასავლეთ საქართველოში) მართლაც რომ სამეურნეო და საზოგადოებრივი ურთიერთობა არც ისე პრიმიტიული უნდა ყოფილიყო, ამას გვაფიქრებინებს ცნობილი თქმულება არგონავტების მოგზაურობის შესახებ კოლხეთში. თავის მოღწეულ შედგენილობით ეს თქმულება დღესდღეობით მითოლოგიურ სფეროს ეკუთვნის. მაგრამ შეუძლებელია, რომ მთელს ამ მითოლოგიურსა და პოეტურ კონსტრუქციებს ისტორიულ ქვეყნობების მარცვლი მანც არ დასდებოდა საფუძვლად. და ამ გარდამოცემიდან, სხვა არა იყოს რა, ის ფაქტი მანც უნდა დაგვჩვენოს, რომ ზღვისპირა ელინურ ქალაქების გვერდით, მოცემულ ხანაში, არსებობს დიდი „ბარბაროსული“ ქალაქი ეა, რიონის დაბლობში, დღევანდელ სამეგრელოს ტერიტორიაზე მდებარე.

განსაკუთრებული გარდატეხა მანც ჩვენი ქვეყნის ცხოვრებას მომდევნო ხანაში ემჩნევა, მიახლოებით — მეოთხე საუკუნიდან. ამ დროიდან დასავლეთ საქართველოში იწყება ადგილობრივ ფულის მოჭრა. ეს ფული, რომელსაც შეიძლება „კოლხური თეთრი“ ვუწოდოთ, ვერცხლისაა. ის დიდი ხნის განმავლობაშია და ერთი რომელიმე მომენტის საჭიროებას არ გულისხმობს. ამასთანავე, ის შინაგან ურთიერთობისათვის იყო უმთავრესად განკუთვნილი. ამას გვაფიქრებინებს მისი გავრცელების არე — „კოლხური თეთრი“ გვხვდება სოხუმის რაიონიდან მოყოლებული სამხრეთით — ტრაპეზუნტის მეზობელ რაიონამდე და აღმოსავლეთით — ლიხის (სურამის) ქედამდე. ქართლში იგი მხოლოდ რამდენიმე ცალია ნაპოვნი, მაშინ როცა დას. საქართველოში იგი ეხლაც დიდი რაოდენობით ამოდის მიწიდან. ეს არე თითქმის ზედმიწევნით ჰფარავს ძველ კოლხეთის ტერიტორიას. გავითვალისწინოთ ეს უკანასკნელი და მასთან ერთად იბერიისა და მოსაზღვრე ქვეყნების ტერიტორიაც.

რამდენადაც მერმინდელ ცნობებიდან ვიცით, ჩვენი წელთაღრიცხვის წინა საუკუნეებში (ჯერ-ჯერობით ძნელი სათქმელია, როდის ყალიბდება ეს ტერიტორიული მიჯნები) მთელი ამიერკავკასია დაყოფილია ოთხ ერთეულად, — კოლხეთი, იბერია ანუ ქართლი, ალბანეთი და არმენია ანუ სომხეთი. პირველი სამი ერთხანზე ძვეს და მათს საერთო ჩრდილოეთის საზღვარს კავკასიონის ქედი წარმოადგენს. სამხრეთიდან-კი სამსავე სომხე-



თი ემიჯნება. საკუთრივ კოლხეთის საზღვრები ნაჩვენებია ჩვეულ-ბრივად დაახლოებით დღევანდელ აფხაზეთის ჩრდილოეთ საზღვრიდან ვიდრე ტრაპეზუნტის მიდგამამდე. იბერია-კოლხეთის საზღვარი გადის სკანდა-შორაპნის ხაზზე, იბერია-ალბანეთისა-კი — დაახლოებით ალაზნის შესართავზე.

ამრიგად, თუმცა ჯერ გარკვეული არ არის „კოლხურ თეთრის“ მომკრელთა ვინაობა, მაგრამ ცხადია, რომ იგი კოლხეთის შინაგან სააღებმიცემო ურთიერთობას ემსახურებოდა. თითქმის ანალოგიური მდგომარეობაა ამ დროს აღმოსავლეთ საქართველოში, ე. წ. იბერიაშიც. უძველეს ქართულ მატრიანის მიერ მეოთხე საუკუნის დასასრულისათვის იბერიაში ნაჩვენებია შემდეგი ქალაქები: სარკინე, კასპი, ურბნისი და ოძრახე. მომდევნო პერიოდშიც შენდება, იმავე მატრიანის ჩვენებით, არმაზი და მცხეთა. ამ ცნობასაც ჯერ შეძომდება სკირია, მაგრამ სხვა ფაქტები გვიჩვენებენ, რომ მისი ეკონომიკური აზრი უსაფუძვლო არ არის. პირველი ოთხი პუნქტი შემდეგ საუკუნეებში (კერძოდ, თვით ამ მატრიანის შედგენის ხანაში) მნიშვნელოვან როლს აღარ თამაშობს, რომ მათი დასახელება მერმინდელ მნიშვნელობის ნიადაგზე აიხსნებოდეს. ცხადია, სია შემთხვევითი არ არის. არმაზი და მცხეთა, როგორც ქართლის უძველესი ქალაქები, და სწორედ ამ ისტორიულ რიგით ცნობილია ბერძნულ-რომაულ ცნობებითაც. ამ ქალაქების მნიშვნელობა ნაწილობრივ დაკავშირებული უნდა ყოფილიყო იმ დიდ სატრანზიტო გზასთან, რომელიც ქართლსა და კოლხეთზე გადიოდა და რომლის კავკასიურ ნაკვეთს „ფაზის კასპიის გზა“ შეიძლება ვუწოდოთ, კიდურების მიხედვით. სტრაბონის „გეოგრაფიის“ ცნობით, „იგი (საუბარია მდ. აბუ-დარიაზე) გამოსადეგია ნაოსნობისათვის. მისი საშუალებით ინდოეთის მრავალი საქონელი ჩააქვთ ჰირკანიის ზღვაში (=კასპიის ზღვას), აქედან გადააქვთ ალბანეთში და შემდეგ მტკვრით და მიმდგომ მხარეებით ევქსინისაკენ (=შავ ზღვას)“. კოლხეთში ეს გზა ყვირილა-რიონის ხეობას მიჰყვებოდა და შორაპნიდან აგრეთვე სანაოსნოდ ითვლებოდა. რომაულ ცნობითაც, „ინდოეთიდან შეიძლება 7 დღეში ჩასვლა ბაქტრიაში მდ. ბაქტრთან, რომელიც ოქსს ერთვის, და ამ მდინარიდან კასპიის ზღვით გასვლა მდ. მტკვრამდე, და... ინდოეთის საქონელი, დიდი-დიდი 5 დღის განმავლობაში ხმელეთის გზით, შეიძლება მიტანილ იქნას პონტოს ფაზისთან“. სტრაბონის „გეოგრაფიაში“ დაცული ცნობა მომდინარეობს იმ ექსპედიციის მასალებიდან, რომელიც მოწყობილ იქნა მესამე საუკუნის დასაწყის-

ში ქ. წ. ალექსანდრე მაკედონელის მემკვიდრეების მიერ კასპიის ზღვის გამოკვლევის მიზნით (ასეთი განზრახვა ალექსანდრესაც ჰქონდა; მაგრამ შეუსრულებელი დარჩა). რათქმაუნდა, გამოკვლევის ინიციატორებს პრაქტიკული ინტერესი ამოძრავებდათ. თვით ამბის თარიღი ამ გზის სიძველეს მოწმობს. შემდეგში, რომაელების ამიერ-კავკასიაში შემოსვლის ხანისათვის, ფაზის-კასპიის გზას შესაძლოა თავისი მიმართულება შეეცვალა<sup>1</sup>, მაგრამ წინა საუკუნეებში მისი არსებობის უარყოფისათვის საფუძველი არ მოიპოვება.

ალექსანდრე მაკედონელის ლაშქრობათა და მისი იმპერიის არსებობის ხანასთან დაკავშირებულია საქართველოსა და ამიერ-კავკასიის არქეოლოგიის საყურადღებო ფაქტები: ალექსანდრეს ფული, როგორც ვერცხლის, ისე ოქროსი, საკმაო რაოდენობით გვხვდება მთელი ამიერ-კავკასიის ნიადაგში. მეტიც: სპეციალისტები ფიქრობენ, რომ ალექსანდრეს ფულის მიბადვით, მართალია უფრო ცუდ ოქროსაგან და ტექნიკურადაც უფრო ცუდად შესრულებული, უკვე ადგილობრივაც სჭრიან ფულს, რომლის ცალეზი ნაპოვნია კასპიის გაღმა მხარეში, ქართლში და, განსაკუთრებით, მცხეთაში. ანალოგიურ მოვლენას ვხედავთ მომდევნო პერიოდშიც. ალექსანდრეს მონარქიის დაყოფის შემდეგ საქართველო ექცევა განსაკუთრებით თრაკია-მცირე აზიის მფლობელის ლიზიმახის სახელმწიფოს გავლენის სფეროში. ლიზიმახის ფულს ჩვენში ხშირად პოულობენ. და რადგანაც ადგილობრივ მოთხოვნილებას, როგორც ჩანს, ვერ აკმაყოფილებდა უცხოეთიდან შემოტანილი ფულის მარაგი, აქ (საქართველოში) კვლავ იჭრება ოქროს ფული, ლიზიმახის სტატერების მიხედვით, როგორც ამას ამტკიცებს ქართულ ნუმისმატიკის (ძველ ფულთამცოდნეობის) საუკეთესო სპეციალისტი პახომოვი.

ყოველივე ზემოთქმული უფლებას გვაძლევს დავასკვნათ, რომ უკვე საკმაოდ ადრე და განსაკუთრებით თვალსაჩინოდ-კი მეოთხე საუკუნიდან ქ. წ. ბარის ქართველ ტომების ცხოვრებაში მნიშვნელოვანი ცვლილებები უნდა მოჰხდარიყო. მატერიალურ წარმოების წესი იმდენად განვითარებული ჩანს, რომ შეუძლებელია იგი ძველ გვაროვნულ წყობილების საწარმოო ურთიერთობის ჩარჩოში დატეულიყო. შემდგომ განაკვეთში მოცემული ანალიზი გვიჩვენ-

<sup>1</sup> ამ ნიადაგზე აიხსნება სათანადო ცნობების წინააღმდეგობა, რომელიც ზოგიერთს მკვლევარს აეჭვებს ხსენებულ გზის მნიშვნელობაში.

ნებს, რომ ჩვენი წელთაღრიცხვის დამდევისათვის ეს ჩარჩო უკვე გარღვეულია და ჩვენს თვალთ წინ უკვე ახალ საზოგადოებრივ ურთიერთობის სურათი იხატება.

დაგვრჩენია ერთი საკითხიც. მიღებულია შეხედულება, რომლის მიხედვითაც ქართველი ტომები ამიერ-კავკასიაში მკვიდრი ტომები არ არიან და აქისინისამხრეთიდან არიან მოსულნი (წარმოდგენილია მწყობრი თეორიაც ამ ტომთა თანდათან მოძრაობის შესახებ კავკასიისაკენ). საკითხის შესწავლის დღევანდელ მდგომარეობის მიხედვით, ეს თეორია ჯერ-ჯერობით ჰიპოთეზად უნდა იქნეს მიჩნეული. ამჟამად მას, ამ საკითხს, ჩვენთვის ისეთი მნიშვნელობა არცა აქვს. ყოველ შემთხვევაში, უკვე VII—VI ს. ს. ქ. წ. ქართველი ტომები საქარაველოს დღევანდელ ტერიტორიაზე უნდა ცხოვრობდნენ, თვით იმ მკვლევართა აზრითაც, რომელნიც ხსენებულ თეორიას იზიარებენ. ეს ჩვენ საქამო საფუძველს გვაძლევს იმისათვის, რომ ზემოთ წარმოდგენილი ცნობები ამ.-კავკასიის ვითარების შესახებ მოცემულ ქრონოლოგიურ ფარგლებში (VI—V საუკუნიდან მაინც) ქართველ ტომთა განვითარების ისტორიას საფუძვლად დავუდოთ.

### კითხვები თვითშემოწმებისათვის

1. რატომ ვიწყებთ საქართველოს ისტორიას ქართველ ტომთა გვაროვნულ წყობილებით?
2. რა წყაროებით ვსწავლობთ საქართ. ისტორიის ამ ხანას და რას გვავალებს ამ წყაროების ხასიათი?
3. საიდან შეინახა ყველაზე დიდხანს საქართველოში გვაროვნულ წყობილების ნაშთები და რატომ?
4. როდის უნდა დაწყებულიყო გვაროვნულ წყობილების რღვევის პროცესი ბარის ქართველ ტომებში?

### დამხმარე ლიტერატურა

1. ფრ. ენგელსი, ოჯახის, კერძო საკუთრებისა და სახელმწიფოს წარმოშობა, ტფ. 1932 წ.
2. ივ. ჯავახიშვილი, ქართველი ერის ისტორია, ტ. I, 1928 წ. გამ., გვ. 6, 9—16, 17—25, 30—32.
3. მისივე, ქართული საბარათლის ისტორია, წ. I, 1928 წ. გამ., გვ. 139—143, 150—151, 158—170.
4. გ. ნათაძე, საქართველოს ისტორიის მოკლე სოციოლოგიური მიმოხილვა-ნაწ. I, 40—46.
9. ს. ჯანაშია, ტ. II.



# ფეოდალური ურთიერთობის წარმოშობისათვის საქართველოში

## ფეოდალიზმის ცნება

ჩვენ უკვე ვიცით, რომ პირველყოფილ, გვაროვნულ საზოგადოების ნანგრევებზე კლასობრივი საზოგადოება ყალიბდება. „ადამიანის მიერ ადამიანის ექსპლოატაციის პირველი ფორმა, საზოგადოების კლასებად დაყოფის პირველი ფორმა მონობაა“ (ლენინი). მაგრამ განვითარების ადგილობრივ, სპეციფიკურ პირობების წყალობით მონობა ზოგჯერ სამონათქმუნობელო საზოგადოებრივ-ეკონომიურ ფორმაციის სახეს იღებს, როგორც, მაგ., რომსა და საბერძნეთში, „რომელნიც მთლიანად მონობაზე იყვნენ დამყარებულნი“ (ლენინი). სხვაგან კი იგი ადრევე ფეოდალიზმში გადადის. რამდენადაც დღეს-დღეობით ამის თქმის უფლება გვაქვს, საქართველოში მეორე მოვლენას ჰქონდა ადგილი. მიუხედავად მონობის განსაკუთრებულ მნიშვნელობისა ქართველ ტომთა უძველეს ისტორიაში, არ ჩანს, რომ იგი აქ მთლიან ფორმაციად ჩამოყალიბებულ იყოს. გვაროვნულ წყობილებას აქ ფეოდალიზმი სცვლის. ჩვენი წინამდებარე ამოცანა სწორედ ქართულ ფეოდალიზმის წარმოშობისა და განვითარების განხილვაში მდგომარეობს. მაგრამ ვიდრე მას უშუალოდ შევუდგებოდეთ, ჩვენ თვით ფეოდალიზმის ცნება უნდა გაეარკვიოთ.

ფეოდალური საზოგადოება კლასობრივი საზოგადოებაა. იგი წარმოების საზოგადოებრივ პროცესის ანტაგონისტურ ფორმაზეა დამყარებული. როგორია ეს ანტაგონიზმი? იმისათვის, რომ ამ საკითხს ვუპასუხოთ, უნდა ნათელი წარმოდგენა გვქონდეს თვით კლასის შესახებ. ლენინი ასე განსაზღვრავს საზოგადოებრივ კლასებს: „კლასები ეწოდება იდამიანთა ისეთ დიდ ჯგუფებს, რომელნიც განსხვავდებიან თავიანთ ადგილით საზოგადოებრივ წარმოების ისტორიულად განსაზღვრულ სისტემაში, მათი დამოკიდებულებით (რომელიც უმეტეს წილად კანონებშია განმტკიცებული და ჩამოყალიბებული) საწარმოო საშუალებებისადმი, მათი როლით შრომის საზოგადოებრივ ორგანიზაციაში, და, მაშასადამე, საზოგადოებრივ

სიმდიდრის იმ წილის მიღების წესითა და ზომით, რომელიც მათს განკარგულებაში იმყოფება. კლასები ადამიანთა ისეთი ჯგუფებია, რომელთაგანაც ერთს შეუძლია მეორის შრომა მიითვისოს, მათი ადგილის სხვაობის წყალობით საზოგადოებრივ მეურნეობის გარკვეულ წყობაში“.

ფეოდალურ საზოგადოებაში ძველ გვაროვნულ საკუთრების ფორმის ადგილას ეხედავთ, რომ საზოგადოების ერთს, მცირე ნაწილს საწარმოო საშუალებათა მონოპოლია ეკუთვნის. რადგანაც ჩვეულებრივად და უმეტეს წილად ძირითად საწარმოო საშუალებას აქ მიწა წარმოადგენს (ჩვენ ვამბობთ „ჩვეულებრივად“, იმიტომ რომ ერთგვარი ფეოდალური ურთიერთობა, შესაძლოა განვითარების გარკვეულ საფეხურზე მყოფ მესაქონლე ტომებშიც ჩამოყალიბდეს), ამიტომ დამოკიდებულება მიწისადმი განსაზღვრავს აქ გაბატონებულ და დამორჩილებულ კლასების, ფეოდალებისა და ყმების მდგომარეობას. „ფეოდალურ ხანაში მბრძანებლობა ომში და სასამართლოში მიწის საკუთრების ატრიბუტია“ (მარქსი). „ყველგან, სადაც საზოგადოების ერთ ნაწილს საწარმოო საშუალებათა მონოპოლია ეკუთვნის, მუშამ, თავისუფალმა თუ არა თავისუფალმა, იმ სამუშაო დროს, რომელიც აუცილებელია მისი არსებობისათვის, უნდა მიუმატოს ზედმეტი სამუშაო დრო, რომ აწარმოოს საარსებო საშუალებანი საწარმოო საშუალებათა მესაკუთრისათვის“. როგორია ზედმეტი შრომის მითვისების ფორმა ფეოდალურ საზოგადოებაში? „მხოლოდ იმ ფორმით, რა ფორმითაც გამოიწურება ეს ზედმეტი შრომა უშუალო მწარმოებლიდან, მუშიდან, განსხვავდება ერთმანეთისაგან საზოგადოების ეკონომიური ფორმაციები“. ფეოდალურ საზოგადოებრივ-ეკონომიურ ფორმაციისათვის დამახასიათებელია სწორედ ის, რომ ყმის ზედმეტ შრომას ფეოდალი ნატურალურ სახით ითვისებს: მითვისებულია ან თვით ზედმეტი შრომა თავის ნატურალურ სახით და საწარმოო საშუალებათა მესაკუთრის უმეშვეო მეთვალყურეობის პირობებში (ბეგარა, შრომითი რენტა), ან ის პროდუქტი თავის აგრეთვე ნატურალურ ფორმით, რომელშიც განხორციელებულია ეს ზედმეტი სამუშაო დრო (ყალანი, რენტა პროდუქტით). უკანასკნელმა გამოსაღებმა შესაძლოა ფულადი ფორმაც მიიღოს (ფულადი რენტა), მაგრამ რენტის ეს უკანასკნელი ფორმა უკვე ფეოდალურ ურთიერთობის რღვევის მომასწავებელია. ზედმეტი სამუშაო დროის მითვისების აღწერილი ფორმები დამყარებულია იმ განსაკუთრებულ ხასიათსა და წესზე, რომლითაც ფეოდალურ საზოგადოებაში ხორ-

ციელდება სანუშაო ძალის შეერთება საწარმოო საშუალებებთან და რომლითაც ფეოდალიზმი აგრეთვე ნიშანდობლივ განსხვავდება სხვა ეკონომიკურ ეპოქებისაგან; აქ უმეშვეო მწარმოებელი თვითონაც ნაწილობრივ აღჭურვილია საწარმოო საშუალებებით.

თუ მონა სავსებით მოკლებულია როგორც საწარმოო საშუალებებს, ისე პირად თავისუფლებასაც და მხოლოდ ნიეთს წარმოადგენს თავის პატრონის ხელში, თუ მეორე მხრით, პროლეტარი აგრეთვე მოკლებულია საწარმოო საშუალებებს, მაგრამ თავისუფალია „როგორც ფრინველი“, ყმა მხოლოდ ნაწილობრივ არის აღჭურვილი საწარმოო საშუალებებით და ნაწილობრივ თავისუფალი. რადგანაც ცხადია, რომ ყოველთვის, როდესაც „უმეშვეო მუშა რჩება „მფლობელად“ საწარმოო საშუალებებისა და შრომის პირობებისა, რომელნიც აუცილებელი არიან მის საკუთარ არსებობის სახსართა წარმოებისათვის, — საკუთრების ურთიერთობა აუცილებლობით თავს იჩენს როგორც ბატონობა-მორჩილების უმეშვეო ურთიერთობა; მაშასადამე, უმეშვეო მწარმოებელი, როგორც არა თავისუფალი, უთავისუფლოა; უთავისუფლობა, რომელიც საბეგრო შრომისთან დაკავშირებულ ბატონყმობიდან შეიძლება მარტივ საყალბო ვალდებულებამდე შესუსტდეს“ (მარქსი).

„აუცილებელია, მაშასადამე, „გარე-ეკონომიური იძულება“, როგორც მარქსი ამბობს, ამ სამეურნეო რეჟიმის დასახასიათებლად... ამ იძულების ფორმები და ხარისხი შეიძლება სულ სხვადასხვანაირი იყოს, ყმურ მდგომარეობიდან დაწყებული და გლეხის წოდებრივ არასწორ უფლებიანობით გათავებული“. ასე ჩნდება ყმის პირადი დამოკიდებულება ფეოდალისაგან, და, განსაზღვრულ ხანებში, მისი მიმაგრება მიწაზე. პიროვნული დამოკიდებულება გარკვეულ პერიოდში გამსჭვალავს ფეოდალურ საზოგადოებას მთლიანად, იგი თვით მემამულეთა კლასის სხვადასხვა ფენის ურთიერთობასაც განსაზღვრავს (რათქმაუნდა, აქ იგი სხვა ხასიათისაა, ვიდრე ფეოდალისა და ყმის დამოკიდებულების სფეროში). „დამოუკიდებელ ადამიანის ნაცვლად ჩვენ აქ ყველას დამოკიდებულს ვხედავთ — ყმას და ბატონს, ვასალს და სენიორს, საერო პირს და ხუცესს. პიროვნული დამოკიდებულება ახასიათებს აქ როგორც მატერიალურ წარმოების საზოგადოებრივ ურთიერთობას, ისე ამ უკანასკნელის საფუძველზე აგებულ ცხოვრების ყველა სფეროს. მაგრამ სწორედ იმიტომ, რომ პიროვნულ დამოკიდებულების ურთიერთობა აღნიშნულ საზოგადოების საფუძველს შეადგენს, შრომა და პროდუქტი არ საქიროებს მათი რეალობი-

საგან განსხვავებულს ფანტასტიკურ ფორმას. საზოგადოებრივ-ცხოვრების მექანიზმში ისინი ნატურალურ სამსახურისა და ნატურალურ გადასახადის სახით შედიან. შრომის უშუალო საზოგადოებრივ ფორმას აქ შეადგენს მისი ნატურალური ფორმა, ე. ი. მისი თავისებურება და არა საყოველთაობა, როგორც ამას ადგილი აქვს საქონლის წარმოებაზე დამყარებულ საზოგადოებაში“ (მარქსი). ექსპლოატაციის ნატურალური ფორმები გულისხმობენ ფეოდალური მეურნეობის ნატურალურ ხასიათს საერთოდ, ე. ი. იმას, რომ „მეურნეობის პირობები საცესებით ან უმეტეს წილად თვით მეურნეობაში იწარმოება, ანაზღაურებული და რეპროდუქცია ქმნილია უმეშვეოდ მის საერთო პროდუქტიდან“. ნატურალურ ხასიათისაა ფეოდალური მეურნეობა თავის საწარმოო ბაზისის მიხედვით. ამ ბაზისს პირველ რიგში შეადგენს წვრილი მიწათმოქმედება თავის დამხმარე საოჯახო მრეწველობით. საზოგადოება უმეტეს წილად წარმოადგენს ერთგვაროვან სამეურნეო ერთეულების მასას, რომელნიც შედარებით სუსტად არიან ურთიერთ შორის დაკავშირებულნი. მაგრამ ეს კავშირი მაინც არსებობს. ფეოდალურ საზოგადოების ნატურალური მეურნეობა უაღებმიცემო მეურნეობა არ არის. ალებმიცემა, რომელსაც დასაწყისი ჯერ კიდევ გვაროვნულ საზოგადოებაში აქვს, თავის შემდგომ განვითარებას ფეოდალურ ხანაში პოულობს. აქ საალებმიცემო პროცესის განვითარება უკვე დამოუკიდებელ ხელოსნურ წარმოების არსებობასაც გულისხმობს. ეს ხელოსნური წარმოება თანდათან ყალიბდება როგორც საქალაქო ხელოსნური წარმოება (ამქრული ან ინდივიდუალური). ფეოდალურ ხანაში ქალაქი უკვე გამოყოფილია სოფლიდან როგორც ხელოსნურ წარმოებისა და ალებმიცემის ცენტრი, და ქალაქისა და სოფლის წინააღმდეგობა წარმოადგენს ფეოდალურ წარმოების წესის ძირითად წინააღმდეგობას. სასაქონლო წარმოებისა და საალებმიცემო — ფულად ურთიერთობათა განვითარება, შრომის საზოგადოებრივ განაწილების ზრდაზე დამყარებული, ღრღნის და შლის ფეოდალურ სისტემას და ნიადაგს უმზადებს ახალს, კაპიტალისტურს, წარმოების წესს, რომელიც ფეოდალურ საზოგადოების წიალიდან იშვის. ეს პროცესი ხანგრძლივ და არა თანაბარ მოძრაობის ფორმას ატარებს. გაცვლის პროცესში ჯერ მხოლოდ პროდუქტი შედის, შემდეგ ჩნდება საქონლის წარმოება და, დასასრულს, — სასაქონლო კაპიტალისტური მეურნეობაც, რაც უკვე ფეოდალურ წარმოების წესის აღსასრულს მოასწავებს... „სწორედ ის გარემოებანი, რომელნიც ქმნიან კაპი-



ტალისტურ წარმოების ძირითად პირობას — დაქირაებულ მუშათა კლასის არსებობას — ხელს უწყობენ მთელი სასაქონლო წარმოების გადასვლას კაპიტალისტურ სასაქონლო წარმოებაში. იმდენად, რამდენადაც ვითარდება ეს უკანასკნელი, იგი დამარღვევლ და დამშლელ სახით მოქმედებს წარმოების ყოველგვარ უფრო ძველ ფორმაზე, რომელიც საქონლად პროდუქტის გარდამეტს აქცევს, რაკი უმეტეს წილად უმეშვეო საკუთარ მოხმარებისათვის არის განკუთვნილი... მას შემდეგ, რაც ფესვებს გაიდგამს, იგი არღვევს სასაქონლო წარმოების ყველა ფორმას, რომელთა საფუძველიც ან მწარმოებლის საკუთარი შრომა, ან მარტივად საქონლის სახით პროდუქტთა გარდამეტის გაყიდვა იყო. თავდაპირველად იგი სასაქონლო წარმოებას საყოველთაობის ხასიათს აძლევს, შემდეგ-კი თანდათან აქცევს მთელ სასაქონლო წარმოებას კაპიტალისტურ წარმოებად“ (მარქსი). დასასრულ, აღწერილ სამეურნეო სისტემის მნიშვნელოვანი პირობა და შედეგი არის ტექნიკის დაბალი და მამაპაპური მდგომარეობა, რომელიც მეტად ნელი ტემპით იცვლება ფეოდალურ საზოგადოების წიაღში. ფეოდალიზმის, როგორც საზოგადოებრივ ფორმაციის განხილვისას აუცილებელია შევეხოთ ე. წ. „ბატონყმობისა“ და „ბატონყმობის“ საკითხსაც. უკანასკნელ წლებში საბჭოთა კავშირში წამოყენებულ იქნა თეორია, რომლის მიხედვითაც ბატონყმობა (რუს. Крепостное право, გერმან. Leibeigenschaft) ცალკე ფორმაციაა, რომელიც ისტორიულ რიგის მიხედვით მოსდევს ფეოდალიზმს. ეს შეხედულება სრულებით არ არის მართალი; ბატონყმობა იგივე ფეოდალიზმია, ფეოდალიზმის განვითარების ერთ-ერთი მომენტი, იმიტომ რომ აქ ექსპლოატაციის წესია იგივე. ბატონყმობის ელემენტს, მეტნაკლებად გამოხატულს, ჩვენ ყველა ფეოდალურ ქვეყანაში ვხედავთ გარკვეულ ხანაში. ზოგჯერ მან, განვითარების ადგილობრივ პირობების წყალობით, უფრო მკვეთრი ფორმები მიიღო (მაგ., საქართველოში, გერმანიაში, რუსეთში და სხვაგან). ფეოდალურ გერმანიაში ბატონყმური ურთიერთობა ორჯერ იჩენს თავს მე-15 საუკუნიდან, როგორც ძველ მდგომარეობის რეციდივი. მარქსი და ენგელსი ამ გარემოებას ქვეყნის ეკონომიურ დაქვეითებით ხსნიან. უკანასკნელ ხანებში ასევე ხსნიან ბატონყმურ ურთიერთობის წარმოშობას რუსეთში. ქართულ ბატონყმობას დაუსწრებელ ინსტიტუტის მსმენელები სპეციალურ განაკვეთით გაეცნობიან. ამრიგად, ბატონყმობა ფეოდალიზმის ერთ-ერთი მომენტიცაა მხოლოდ, რომელსაც ახასიათებს ის, რომ, თუმცა ექსპლოა-

ტაციის წესი იგივე რჩება, მაგრამ თვით ექსპლოატაცია ბევრად უფრო სასტიკ ფორმით გვევლინება. ყმის პირადი თავისუფლება უფრო მეტად არის შეზღუდული, რაც უმეტეს წილად მის მიწაზე მიმაგრებაში გამოიხატება. ასეთ მდგომარეობას თან სდევს ყმის საბეგრო ვალდებულებათა გაძლიერება ნატურალურ ყალანთან (გამოსაღებთან) შედარებით.

ტერმინი „ბატონყმობა“ საქართველოში შედარებით გვიან ჩნდება. თუმცა „ყმა“ იმ თავითვე იხმარება, მაგრამ „ბატონის“ მაგიერ ძველად (მაგ., XI—XII სს.) ჩვენ მხოლოდ „პატრონი“ გვხვდებით. უეჭველია ეს ენობრივი ფაქტი იმ რეალურ ცვლილებას ასახავს, რომელიც საწარმოო ურთიერთობაში მოხდა. მაგრამ შეცთობა იქნებოდა გვეთქვა, რომ ქართულ ფეოდალიზმის ეს მოვლენები მარტოოდენ ამ ენობრივ ჩვენების მიხედვით თარიღდებოდნენ; ენის განვითარება ნაწილობრივ ჩამორჩება მატერიალურ საწარმოო პროცესის განვითარებას. ბატონყმობის ელემენტები ფეოდალურ საქართველოში ჩვენ ბევრად უფრო ადრე უნდა ვეძიოთ. თვით ტერმინი „პატონყმობა“ შეიძლება მივიღოთ, როგორც ტექნიკური ტერმინი ქართულ ფეოდალიზმის საშუალო პერიოდის აღსანიშნავად. ასეთი სიტყვის ხმარება, გარდა იმისა, რომ იგი ისტორიულ ტერმინოლოგიას ეყრდნობა, იმითაც იქნება გამართლებული, რომ თავიდან ავგაცილებს იმ უხერხულობას, რომელსაც სჩადიან, როდესაც განვითარების ამ სხვადასხვა მომენტის აღსანიშნავად ერთმანეთს უპირისპირებენ ტერმინებს „ფეოდალიზმსა“ და „ბატონყმობას“ ისინი-ც-კი, ვინც ბატონყმობას ცალკე ფორმაციად არა სთვლიან, მაშინ როცა „ფეოდალიზმი“ გვაროვნულ ცნების აღმნიშვნელია.

„პატონყმური“ საქართველო ისეთ სამყაროს წარმოადგენს, სადაც ზემოთდახასიათებულმა ფეოდალურმა ურთიერთობამ თავის განვითარების უმაღლეს წერტილს მიაღწია. ჩვენ შემდეგში დავრწმუნდებით, რომ ამ დროს უკვე მკაფიოდ მოცემულია ის ელემენტები, რომელთაც მერმინდელ ეპოქაში უფრო მძაფრი გამოხატულება მოიპოვეს და „ბატონყმობის“ სახელი მიიღეს.

### სტრაზონის ცნობის ანალიზი იბერიის სოციალურ წყობილების შესახებ

ეხლა ჩვენ შეგვიძლია საქართველოს ისტორიის იმ ეპოქას ი ვუბრუნდეთ, რომლის შესახებაც პირველ განაკვეთში შევწყვიტეთ ს ა უბარი. ჩვენ ვნახეთ, რომ იმ პერიოდში, რომელიც უმეშვეოდ

წინ უსწრებს ჩვენს ერას, ბარის ქართველ ტომებში საგვარეულო წყობილება უკვე დარღვეულად არის საგულისხმებელი, ყველა არაპირდაპირ ჩვენების მიხედვით. მაგრამ სტრაბონის ჩვენთვის უკვე ცნობილ თხზულებაში დაცულია პირდაპირი ცნობაც ქართლის (ივერიის) სოციალურ აღნაგობის შესახებ და მის ანალიზზე უნდა გადავიდეთ ეხლა. აი ამ ადგილის თარგმანიც:

„ოთხგვარი ხალხი (ადამიანთა ოთხი გვარი) სახლობს ამ ქვეყანაში. პირველია მათ შორის ის, რომლიდანაც მეფეებს სვამენ ტახტზე, ახლობელ ნათესაობისა და ასაკის უხუცესობის მიხედვით; მეორე (პირი) მოსამართლეობს და სარდლობს. მეორე (გვარი ხალხი შესდგება) ქურუმებისაგან, რომელნიც განაგებენ აგრეთვე მეზობლებთან სადაო საქმეებს. მესამე — მეომრებისა და მიწისმოქმედთაგან. მეოთხე — მდაბიო ხალხისაგან („ლალი“), რომელნიც სამეფო მონები არიან და ასრულებენ ყოველგვარ სამსახურს, რაც საჭიროა ცხოვრებისათვის. ქონება მათი საერთოა საგვარეულოთა მიხედვით, რომლებშიაც თვითელში მეთაურობს და განაგებს უხუცესი. ასეთია ივერები და მათი ქვეყანა“.

რას გვეუბნება ეს ცნობა? უწინარეს ყოვლისა უნდა შევნიშნოთ, რომ იგი სტრაბონის საკუთარ დაკვირვების ნაყოფი კი არ არის, არამედ სტრაბონის ერთ-ერთ წყაროს ეკუთვნის. მისი წარმოშობის შესახებ მოკლედ უნდა ითქვას, რომ იგი არ შეიძლება პირველ საუკუნის პირველ ნახევარზე გვიანდელი იყოს, ჩვენი წელთაღრიცხვის დაწყების წინ<sup>1</sup>.

მისი განმარტებისას ყველა მკლევარი, რომელიც ამ საკითხს ეხებოდა, იმ მოსაზრებას ადგებოდა, რომ აქ ჩვენ გვაროვნულ-საზოგადოების სურათი გვაქვს. ამასთან ერთად გამოითქმებოდა ხოლმე ის აზრიც, რომ ამ ცნობაში გვაროვნულ წყობილების რღვევის ნიშნებია უკვე მოცემული. ასე ფიქრობს, მაგ., პროფ. ივ. ჯავახიშვილი (ქართ. ერის ისტორია, I, გვ. 154—155; მისივე, ქართ. სამართ. ისტ., I, გვ. 148).

ჩვენ იძულებული ვართ ასეთი შეხედულება უარყოთ. აქ, ამ ძვირფას ლიტერატურულ ცნობაში, წარმოდგენილია არა გვაროვნული საზოგადოება თუნდაც რღვევის გზაზე შემდგარი, არამედ გარკვეული კლასობრივი

<sup>1</sup> ადგილი საზოგადოდ ნებას არ გვაძლევს სტრაბონის ცნობის ანალიზზე, ისე როგორც ამ ეპოქასთან, დაკავშირებულ სხვა საკითხების განხილვაზე უფრო დეტალურად შევჩერდეთ. ეს ჩვენს სპეციალურ ნარკვევშია შესრულებული.

საზოგადოება, ერთგვარ გვაროვნულ გარდმონათმ-  
თების მქონე.

უკანასკნელი გარემოება ხელს სრულებით ვერ შეგვიშლის ეს საზოგადოება სწორედ როგორც კლასობრივი დავახასიათოთ, იმიტომ რომ გვაროვნულ წყობილების ნაშთებს ჩვენ ფეოდალურ საზოგადოების განვითარების მთელ სიგრძეზე ვხედავთ, ისინი კაპიტალისტურ საზოგადოებასაც-კი გადმოჰყევიან და ზოგჯერ ჩვენს დროშიც იჩენენ თავს, ბევრად უფრო შესუსტებულ სახით, რათქმაუნდა. მათი არსებობა იმ შორეულ ხანებში ჩვენ ამიტომ სრულიადაც ვერ გავგაკვირვებს. მაგრამ გაეარჩიოთ სტრაბონის ცნობა დაწვრილებით, რამდენადაც ეს აქ შესაძლებელია.

სტრაბონი ივერიის მოსახლეობას ჰყოფს „ადამიანთა ოთხ გვარად“. ამისდა მიხედვით ზოგნი ფიქრობენ, რომ აქ გვაროვნული საზოგადოებრივი ერთეულები — გვარები — არის ნაგულისხმევი. ასეთი მოსაზრება სრულიად ფანტასტიკურია. ჯერ ერთი, ივერია ამ დროს იმდენად დიდი და მკიდროდ დასახლებული ქვეყანაა, რომ მისი მოსახლეობის ოთხ გვარში მოთავსება კრიტიკას ვერ უძლებს. შემდეგ — რაც მთავარია — ასეთი განაწილება ფუნქციებისა გვართა შორის ერთი საზოგადოების შიგნით, როცა ერთი მეფობს, მეორე ქურუმობს, მესამე მიწას ამუშავებს, მეოთხე მეფეებს ემსახურება, ისტორიულად წარმოუდგენელი მოვლენაა და არც ერთი გვაროვნული საზოგადოება, ასეთ სტრუქტურის რომ იყოს, ცნობილი არ არის. მართალია, აქ ნახმარია სიტყვა „გენოს“, რაც ბერძნულად „გვარს“ უდრის, მაგრამ ამ ფორმით იგი უფრო ლოგიკურ ცნების („გვარობა“) აღსანიშნავად იხმარება, ვიდრე სოციალურისა („გვარი“) (ვთქვათ ისე, რუსთაველს რომ აქვს ნახმარი: „მიჯნურობა არის ტურფა საცოდნელად ძნელი გვარი“).

უეჭველია, ამ ცნობაში ნაგულისხმევია არა გვაროვნულ საზოგადოების ერთფეროვან ერთეულთა განსაზღვრული კრებული, არამედ დადიფერენცირებულ, დანაწევრებულ, საზოგადოების სოციალურად განსხვავებული ერთეულები. მოცემული დაყოფა თავისებურ წოდებრივ დაყოფის საფუძველზეა აგებული. საზოგადოების მწვერვალზე დინასტიაა აღნიშნული, შემდეგ მოსდევს ქურუმთა წოდება (ტერმინს „წოდება“-ს ჩვენ ჯერ-ჯერობით პირობითად ვხმარობთ), მესამე იქნება, როგორც ჩანს, „თავისუფალთა წოდება“ და უკანასკნელიც — „არათავისუფალთა“ წოდება. შეუძლებელია სტრაბონის ცნობა სხვანაირად იქნას გაგებული. მაგრამ არის ამ აღწერილობაში ერთი უაღრესად დამაფიქრებელი ჩვენება — ჩვე-

ნება საერთო საგვარეულო ქონებისა და გვარის ორგანიზაციის შესახებ („მეთაურობს და განაგებს უხუცესი“). ყველა მკვლევარი, ვისაც-კი სტრაბონის აღწერილობის ანალიზი უცდია, იმ დასკვნამდე მისულა, რომ ამ დროს ჯერ კიდევ კერძო საკუთრების ინსტიტუტი არ არსებულა და, მაშასადამე, საგვარეულო წყობილებაც დარღვეული არ ყოფილა. პროფ. ივ. ჯავახიშვილი, მაგ., ამბობს: „სტრაბონის აღწერილობაში განსაკუთრებული ყურადღების ღირსი მაშინდელ აღმოს. საქართველოში საგვარეულო მიწისმფლობელობის არსებობის შესახებ ცნობაა. მისი სიტყვით, ქონება იბერებს საერთო ჰქონიათ საგვარეულოთა მიხედვით და ამ საერთო საგვარეულო ქონებას გვარის უხუცესი წევრი განაგებდა. მაშასადამე, კერძო საკუთრება მაშინ, უძრავი მაინც, არ ყოფილა. უძრავი ქონება გვარის საერთო საკუთრება იყო და თვით ამ ქონების მოვლა-გამგეობაც საერთოვე ყოფილა, რადგან მისი მართვა-გამგეობის უფლება გვარის უხუცეს წევრსა ჰქონია ხელთ“ (ქართ. სამ. ისტ., I წიგნი, გვ. 148; ქართ. ერ. ისტ., I, გვ. 154). აქედან ავტორი დაასკვნის, რომ „გვარი და საგვარეულო წესწყობილება მაშინდელ ცხოვრების დედაბოძი იყო“.

ეს საესებით ლოგიკური და სამართლიანი დასკვნაა მიღებულ წინაპირობათა საფუძველზე. თუ საკუთრებაცა და მართვა-გამგეობაც საერთოა, მაშინ წინაკლასობრივ საზოგადოებასთან გეჰონია საქმე. და თუ სტრაბონის ტექსტის უწყებულ ფრაზაში აღნიშნულ მნიშვნელობას ჩავდებთ, მაშინ იძულებული ვიქნებით აღვიაროთ, რომ განთქმულ გეოგრაფის აღწერილობა აშკარა წინააღმდეგობას შეიცავს. ზემოთ ვნახეთ, რომ ცნობა ოთხი „გენის“ შესახებ ივერიის მოსახლეობის „წოდებრივ“ სტრუქტურას გულისხმობს. სხვა „წოდებებს“ რომ თავი დავანებოთ, რანაირად შეიძლება, რომ „მეფეებს“ და „მდაბიოსახსს“, რომელიც ამ „მეფეებს“ თურმე „მონებად“ ჰყოლია, საერთო საკუთრება და საერთო მართვა-გამგეობა ჰქონოდათ? მაშინ რა საფუძველი-ლა უნდა ჰქონოდა ექსპლოატაციას? რადგანაც ეს შეუძლებელია, იძულებული ვიქნებოდით მიგველო, რომ სტრაბონისეულ აღწერილობის ან პირველი ნახევარი არ შეეფერება სინამდვილეს, ან მეორე. მაგრამ ჩვენ ვფიქრობთ, რომ „გეოგრაფიის“ ცნობა წინააღმდეგობას არ შეიცავს და აი რატომ:

ყველა მკვლევარი, რომელიც ამ ცნობას განმარტავდა, იმ თავისთავად ნაგულისხმევ დებულებიდან გამოდიოდა, რომ სტრაბო-

ნის მტკიცება საერთო ქონებისა და მართვა-გამგეობის შესახებ ქართლის მთელ მოსახლეობას შეეხება. მაგრამ მოცემულ ფრაზის ასეთი გაგება სავალდებულო არ არის. პირიქით, შესაძლებელია და უფრო ბუნებრივიც მისი სულ სხვაგვარი გაგება, თვით კონტექსტის ნიადაგზე. ჩვენ ვფიქრობთ, რომ სადაოცნობა მხოლოდ მეოთხე „წოდებას“ გულისხმობს. აღწერილობაში თვითეულ ჯგუფის სპეციალური დახასიათებაა მოცემული, მაგრამ აშკარად ჩანს, რომ ყველა ჯგუფის შესახებ ავტორს თანაბარი ცნობები არ ჰქონია. მესამე „წოდების“ შესახებ, მაგ., მხოლოდ ორიოდ სიტყვაა ნათქვამი ამ ჯგუფის შედგენილობის თაობაზე („მეომრები და მიწისმოქმედნი“!). შედარებით მეტს გვაცნობებს ავტორი ქურუმთა შესახებ და განსაკუთრებით კიდევ — „მეფეებისა“ და „დაბალ ხალხის“ შესახებ. და სწორედ ამ უკანასკნელთა შესახებ ცნობას რომ ისინი „სამეფო მონები არიან და ასრულებენ ყოველგვარ სამსახურს, რაც საჭიროა ცხოვრებისათვის“-ო, უმეშვეოდ მოსდევს ცნობა: „ქონება მათი საერთოა საგვარეულოთა მიხედვით“ და სხვა. არავითარი უფლება არ გვაქვს ნაცვალსახელი „მათი“ იბერიის მთელ მოსახლეობაზე განვავრცოთ და ვიფიქროთ, რომ აქ ივერების საკუთრებაზეა საერთოდ საუბარი. რაკი ავტორს ზემოთ თვითეულ „ჯგუფის“ შესახებ ცალკე განმარტება აქვს მოცემული, აქ იგი უთუოდ გარკვეულ ნაცვალსახელის მაგიერ საკუთარ სახელს („იბერები“) იხმარდა, როგორც ეს ნაწყვეტის ბოლოში აქვს ჩადენილი („ასეთია იბერები და მათი ქვეყანა“ — იგულისხმება იბერიის მთელი აღწერილობა, რომლისაც ჩვენ მხოლოდ ერთი მუხლი ვთარგმნეთ). მაგრამ ავტორმა ეს ზედმეტად მიიჩნია იმიტომ, რომ მისთვის არა მარტო ტერიტორიულად, არამედ ლოგიკურად ორივე წინადადება მჭიდრო კავშირში იმყოფება, ორივე მტკიცება ერთისადაიმავე საგნის სხვადასხვა განმარტებაა სხვადასხვა თვალსაზრისით. ამრიგად, „ქონება მათი“ და სხვ. მდებრიო ხალხის საკუთრებისა და ორგანიზაციის ფორმას ახასიათებს. აქ დალაგებულ მოსაზრებათა ნიადაგზე ჩვენ შემდეგი სოციალური განსაზღვრება უნდა მივცეთ სტრაბონისეულ მეოთხე „გენს“ ივერიის მოსახლეობისას.

უწინარეს ყოვლისა საყურადღებოა თვით სახელწოდება, რომელსაც ატარებს ეს „ჯგუფი“ სტრაბონისეულ ტექსტში — იგი „ლაოი“ების „გენი“ ყოფილა. „ლაოს“ ბერძნულად საერთოდ „ხალხს“ ნიშნავს. მაგრამ უფრო სპეციალურ აზრითაც იხმარება.

რომ აქ იგი სწორედ ტექნიკურ ტერმინის როლში გვევლინება, ეს საფიქრებელია, ნაწილობრივ, მისი მრავლობითი რიცხვის ფორმიდან — „ლაოი“. გარკვეულ ხანაში ეს ტერმინი, მართლაც, განსაზღვრულ სოციალურ მნიშვნელობისაა. ჩვენთვის აქ, სხვადასხვა მოსაზრების გამო, განსაკუთრებით საინტერესოა მისი ხმარება მცირე აზიაში. აქ, სწორედ იმ ხანაში, როდესაც შესაძლებელი იყო სტრაბონისეულ ცნობის წარმოშობა იბერიის სოციალურ წყობილების შესახებ, „ლაოი“ კოლონების აღსანიშნავად იხმარებოდა. კოლონატი-კი, როგორც ცნობილია, ფეოდალიზმის ისტორიულად ცნობილს ყველაზე ადრინდელ სახეს წარმოადგენს; თვით ტერმინი „კოლონი“ რომაულია. მცირე აზიაში ამ საზოგადოებრივ კლასის მდგომარეობა ჩვენთვის საინტერესოა ხანაში ასეთი იყო.

აქ მთელი ტერიტორია შესდგება, ერთის მხრივ, ბერძულ ქალაქების (და, იგულისხმება, აგრეთვე ტაძრების) მამულებისაგან და, მეორე მხრივ, „სამეფო მიწა-წყლისაგან“ („ხორა ბასილიკე“). ქალაქების მამულებს როგორც თვით მოქალაქეები, ისე ყმები ამუშავებენ. ეს უკანასკნელნი სხვადასხვა მდგომარეობაში იმყოფებიან. მაგრამ ჩვენთვის განსაკუთრებით საინტერესოა „სამეფო მიწა-წყლის“ ვითარება.

ამ „ხორა ბასილიკე“-ს ყმები ამუშავებენ, რომელნიც „ლაოი ბასილიკოი“ (სამეფო „ლაოი“) იწოდებიან. ეს „ლაოი“, მაშინაც-კი, როცა ისინი ტაძრების მიწებზე ცხოვრობენ, უმეშვეოდ მეფეს ეკუთვნიან.

ამ ყმების კერძო მფლობელებს მათი გაყიდვის უფლება არა აქვთ, ისინი მხოლოდ სარგებლობის უფლებით არიან აღკუთრდებიან. რაც უფრო მეტი ხანი გადის, ამ ყმებს სულ უფრო და უფრო მეტად უყურებენ, როგორც სახელმწიფო გლეხებს. ისინი პოულობენ ადგილის გამოცვლის ერთგვარ თავისუფლებას. მათ ჰყიდიან და გაასაჩუქრებენ ხოლმე მხოლოდ მიწასთან ერთად. თავიანთ სოფლებში ისინი ერთგვარ თვითმმართველობასაც-კი იძენენ. მათი ვალდებულება მეფის მიმართ ყოველწლიურ საარენდო გამოსაღების გადახდაში მდგომარეობს. მათ განსაკუთრებული მოხელეები ჰპართავენ და მათთვის განსაკუთრებული მოსამართლეებიც არიან დანიშნულნი. ამ „ლაოი“-ს შემდეგდროინდელი ვითარება ისეთი იყო, რომ მეფეები მათ, იმ მიწასთან ერთად, რომელზედაც ისინი მიმაგრებულნი იყვნენ, ჰყიდდნენ ან უბოძებდნენ სხვადასხვა პირებს.

„ლაოი“ თავიანთ გადასახადებს ეხლა უკვე ახალ მებატონეებს უხდიან.

ძნელი შესამჩნევი არ არის, რომ მცირე აზიის „ლაოი“— კოლონებსა და ივერიის „ლაოი“, მეოთხე „გენს“, შორის დიდო მსგავსებაა არსებითადაც, ტერმინოლოგიურ იგივეობის გარდა. იქაც და აქაც ისინი უმთავრესად სამეფო ყმები არიან. როგორც მცირე აზიაში, ისე იბერიაში მათ გარკვეული „თვითმმართველობა“ მოეპოვებათ.

ამ მხრივ სტრაბონისეული ცნობა განსაკუთრებით მკაფიოა. მის თანახმად, ივერიის სამეფო ყ მ ე ბ ი შ ე კ ა ვ შ ი რ ე ბ უ ლ ი ყ ო ფ ი ლ ა ნ თ ე მ ე ბ ა დ. ისინი ყ მ ა - თ ე მ ე ბ ი ს ს ა ხ ი თ არიან წარმოდგენილნი.

ასეთი თემები ჩვეულებრივ მოვლენას წარმოადგენენ, მაგ., ფეოდალურ ევროპაში (შეად. რუს. „ობშინა“, გერმ. „მარკა“ და სხვა).

„რა იყო მიზეზი, — ამბობს ენგელსი, — რომ სამ უმნიშვნელოვანეს ქვეყნის — გერმანიის, საფრანგეთისა და ინგლისის — გერმანელებმა გადაარჩინეს გვაროვნულ კავშირის დაწესებულებათა ნაწილი ფეოდალურ სახელმწიფოს Markgenossenschaften თ ე მ ე ბ ი ს ფორმით და ამ გზით დაჩაგრულ კლასს, გლეხებს, თვით საშუალსაუკუნებრივ სასტიკ ბატონყმობის დროსაც-კი, მისცეს წინააღმდეგობის ისეთი საშუალება, რომლის მსგავსი არ მოეპოვებოდათ ძველ ქვეყანაში მონებს და არ მოეპოვებათ ამჟამად პროლეტარებს, — რა იყო ამის მიზეზი, თუ არ ბარბაროსობა, თუ არ გვარებად დასახლების წესი“. ყმა-თემის არსებობა სრულებითაც არ გამორიცხავს მის ფეოდალურ ექსპლოატაციის შესაძლებლობას მებატონეების მიერ. ფეოდალურ საზოგადოების განვითარების მხოლოდ შედარებით გვიანდელ საფეხურზე ჩნდება ფეოდალების მისწრაფება დაანგრიონ თემი, რათა მთლიანად ჩაიგდონ ხელში სათემო მიწები. უფრო ადრინდელ ხანებში-კი ისინი არამცთუ არ ეწინააღმდეგებიან ყმების თემურ ორგანიზაციას, არამედ იშვიათ შემთხვევებში ხელს უწყობენ მათს არსებობას. პოლ ლაფარჯი, ცნობილი ფრანგი მარქსისტი, შემდეგს გადმოგვცემს გლეხურ თემთა შესახებ საფრანგეთში:

„თავიანთ განთავისუფლების შემდეგ, ყმები განაგრძობდნენ თემებად ცხოვრებას და თვით რევოლუციამდე საბატონო მიწებს ამუშავებდნენ მიწისმოქმედთა კომუნისტური კავშირები. აზნაურები თავიანთთვის ამაში სარგებლობას ხედავდნენ. აზნაურები სრულებით არ სცდილობდნენ ამ კომუნისტურ კავშირების დანგ-



რევას და თავზე ახევედნენ კიდევაც გლეხებს ამ ფორმას, როცა ისინი საკუთრებად უბოძებდნენ მიწებს ან დასამუშაველად აძლევდნენ თავიანთ მინდვრებს. პერესიო იხსენიებს 1549 წ. ერთ ელიქტს, რომელიც მიღებულ იქნა ერთობლივ ბურგუნდიის სამღვდელეობისა და თავად-აზნაურობის მიერ და რომელიც უკრძალავდა ყმობიდან გამოსულ გლეხებს შეეძინათ მიწა საკუთრებად, თუ რომ ისინი თემს არ შეადგენდნენ. დალოზი იხსენიებს XVII ს. ერთ ხელშეკრულებას, რომლითაც ვინმე სენიორი დე-ლა-მარში აძლევს თავის მიწებს სამუდამო არენდის სახით იმ პირობით, რომ „გლეხები-არენდატორები გაერთიანდებიან ერთი ქოთნის, ერთი ქერისა და ლუქმა-ა-პურის გარშემო და მუდამ თემურად იცხოვრებენ“. დიუნო, XVII ს. იურისტი, განგვიმარტავს სენიორთა მოთხოვნილების მიზეზს:

„თანხმობა მიწის მუშებს შორის საჭიროა იმიტომ, რომ მაშინ სენიორიის (საბატონოს) მიწები უკეთ არის ხოლმე დამუშავებული, და ყმებს უფრო ადვილად შეუძლიათ უხადონ სენიორს ყალანი (ყმური გადასახადები), როცა ისინი თემად ცხოვრობენ, და არა დაქსაქსულ ოჯახებად“.

ჩანს, იბერიის „ლაოი“—სამეფო ყმები მრავალრიცხოვანი ყოფილან. ტექსტში მრავალი „გვარია“ (თემი) ნაგულისხმევი, და არა ერთი. როგორი უნდა ყოფილიყო მათი ვალდებულებები? ამის შესახებ ჩვენ მეტნაკლებად მიხვედრით უნდა შევადგინოთ აზრი: კონკრეტულად ხომ არაფერია ნათქვამი. სიტყვებიდან:— ე მ ს ა ხ უ რ ე ბ ი ა ნ („დიაკონუნტი“) ყველაფრით [ან: ასრულე-ბენ ყოველგვარ სამსახურს], რაც ცხოვრებისათვის არის საჭირო“ — ხომ არ შეიძლება იმის დასკვნა, რომ მათ უმთავრესად ს ა ბ ე გ რ ო ვ ა ლ დ ე ბ უ ლ ე ბ ა აწვათ? გადაჭრით თქმა ძნელია. თუნდაც ეს ასე ყოფილიყო, ეს იმას არ ნიშნავს, რომ ისინი საესე-ბით თავისუფალი იქნებოდნენ ს ა ყ ა ლ ნ ო გადასახადისაგან, მიო-ლოდ პროპორცია პირველისაკენ უნდა გადახრილიყო<sup>1</sup>.

პირადად ეს სამეფო ყმები არა თავისუფალნი უნდა ყოფილ-იყვნენ: თუმცა მათთვის, როგორც სოციალურ წრისათვის, ცნობის

<sup>1</sup> ტერმინები „ბეგარა“ და „ყალანი“ ისტორიულად (სხვ.დასხვა ხანაში და ზოგჯერ ერთსადიმავე ხანაშიაც) ქართულში სხვადასხვა მნიშვნელო-ბით იხმარებოდა — ტერმინოლოგიურ ერთფეროვნების დამყარებ-სათვის ჩვენ პი-რობითად ვხმარობთ: ბ ე გ ა რ ა ს — ყმის შრომითი გამოსაღების აღსანიშნავად (რუს ნарядина), ყ ა ლ ა ხ ს — ყმის ნ ტურალურ გ.დასახ.დებისათვის (რუს. от-рок) აქედან — ბ ე ბ გ რ ე და მ ო ყ ა ლ ნ ე გლეხები სათანადო ვალდებულებე-ბით დატვირთული ყები არიან.

ავტორს „ლაოი“ (მაშასადამე, კოლონები — ყმები, როგორც ზემოთ განვმარტეთ) უწოდებია, მაგრამ მებატონეებისაგან მათის პირად დამოკიდებულების აღსანიშნავად უკვე ტერმინი „მონები“-ანხმარი („დულოი“). მონებს, როგორც ეკონომიურკატეგორიას, ჩვენ მათვე რას გზით ვერ მივაკუთვნებთ: მწარმოებელი, თავის „გვარში“ („თემში“) ცხოვრობს, იქ ერთგვართვით მმართველობის მქონეა და (ამ ცნობების ნიადაგზე) ოჯახს არის მოკიდებული და ერთგვარსაწარმოოსაშუალებებსაც მოკლებული არ არის (ამასთანავე გარკვეულდამოკიდებულებაში იმყოფება საწარმოო პირობების პატრონისაგან); ასეთი მწარმოებელი უკვე ყმაა და არა მონა.

გადავიდეთ ეხლა სხვა „წოდებათა“ განხილვაზე.

სტრაბონის „გეოგრაფიის“ სიტყვებს მესამე „გენის“ შესახებ ჩვეულებრივად ისე განმარტავენ, რომ აქ იგულისხმება იბერიის მოსახლეობის ის ნაწილი, რომელიც ერთსადაიმევე დროს მეომარიც იყო და მიწისმოქმედიც. მაგრამ, რადგანაც ტექსტში პირდაპირაა ნათქვამი: „მეომრები და მიწისმოქმედნიო“, ეს შესაძლოა იმას ნიშნავს, რომ აქაც უკვე ერთგვარი დიფერენციაციამომხდარა: თუმცა სამხედრო წოდება ჯერ ცალკე გამოყოფილი არ არის, მაგრამ ის ერთგვარად უკვე ჩასახულია. მესამე „წოდების“ შემდეგ დროინდელი ევოლუცია იმ გზით უნდა წასულიყო, რომ ეს ჩანასახი უკვე ცალკესოციალურ ჯგუფად, წოდებად, განვითარებულიყო. ამისათვის ყველა პირობა არსებობდა, როგორც ქვემოთ ვნახავთ. ამ პირობათა შორის აქ აღვნიშნავთ მხოლოდ იმას, რომ მესამე „გენში“ უკვე უნდა არსებულიყო ქონებრივი უთანასწორობა ცალკე ოჯახებს შორის (მოვიგონოთ ზემოთ, თავის ადგილას, ჩვენ მიერ მიღებული დასკვნები, — აქ ხომ თემური საკუთრება უკვე დარღვეულია!), ერთი მხრით, და სოციალური უთანასწორობაც, მონობის სახით; ჩვენ უკვე ვიცით, რომ გვაროვნულ საზოგადოების განვითარების უკანასკნელ პერიოდში მონობა საყოველთაოდ გავრცელებული მოვლენაა. მონა ჰყავს (ყოველ შემთხვევაში, შეიძლება ჰყავდეს) ყველას მეტნაკლებ რაოდენობით, რაც ცალკე ოჯახების შეძლებაზე და საპირობებაზე დამოკიდებული. თუ სტრაბონის ტექსტში ამის შესახებ არაფერია ნათქვამი, ამაში გაუგებარი არა არის რა: ამ სახის მონობა იმდენად ჩვეულებრივი მოვლენა იყო, რომ მისი მოხსენება საპირობებას არ წარ-

მოადგენდა. ჩვენ ვიცით, ექვსი საუკუნის შემდეგ ქართლში მონები უბრალო ხელოსნებსაც-კი ჰყავთ. უმართებულო და ისტორიულად გაუმართლებელია მოსაზრება, რომლის მიხედვითაც ეს მონობა, ჩვენ ხანასთან შედარებით, მერმინდელ მოვლენად არის მიჩნეული. მონობა აქ უძველეს დროიდან მოდის და, რათქმაუნდა, ყოველ თავისუფალ პირს ამ დროს, თუ მას სათანადო ქონებრივი პირობები მოეპოვება, შესაძლებლობა აქვს მონის შრომა გამოიყენოს. თვით სამეფო დინასტიასაც, მიუხედავად იმისა, რომ მისი სოციალურ-ეკონომიური მდგომარეობა უმთავრესად, როგორც ჩანს, კოლონების ექსპლოატაციზე იყო დამყარებული, მონები, უექველია, საკმაო რაოდენობით უნდა ჰყოლოდა.

მეორე „გენი“ ქურუმებისაგან შესდგებოდა. რელიგიურ საქმეებს გარდა მათ თურმე მეზობლებთან ურთიერთობის გაძლიერების ფუნქცია ჰბარებიათ. ეს ხომ პოლიტიკურ საქმიანობის ერთი უმნიშვნელოვანეს დაზღვევაა. ამიტომ ამ გარემოებიდან, ისევე როგორც იმ ფაქტიდან, რომ მეფის „გენის“ შემდეგ ქურუმთა „გენი“ პირველ რიგშია დასახელებული, უფლება გვაქვს დავასკვნათ, რომ ქურუმები ივერიაში გაბატონებულ კლასს წარმოადგენდნენ.

ექვს გარეშეა, რომ ტაძრებს ამ დროს ივერიაში საკუთარი, არამცირედი სიერცის მამულები აქვთ, რომელთა დამუშავებისათვისაც ისინი არათავისუფალ შრომას იყენებდნენ (საფიქრებელია, რომ უფრო მონების შრომას, რადგანაც სტრაბონის ტექსტში კოლონების მფლობელად მხოლოდ მეფის „გენი“-ა აღნიშნული). საფიქრებელია აგრეთვე, რომ ეს ტაძრები განძების მფლობელნი არიან. ყოველივე ამაში ქვემოთ დავრწმუნდებით. ამ დენადვე, სახელმწიფოსაც მეტნაკლებად თეოკრატიული ხასიათი ჰქონდა.

თეოკრატიულ სახელმწიფოებს ჩვენ თითქმის ყველგან ვხვდებით ძველ აღმოსავლეთში. ქურუმთა ბატონობას ზოგჯერ უფრო ძლიერ, სხვაგან უფრო სუსტად გამოხატული სახე აქვს, მაგრამ იგი, ვიმეორებთ, ყველგან არის შესამჩნევი აღმოსავლეთში, და ზოგჯერ დასავლეთშიც (მაგ., ძველ საბერძნეთში). ქურუმების (ე. ი. კლასობრივად — მონათმფლობელთა ერთი ჯგუფის) სოციალური დაწინაურება ჯერ კიდევ პირველყოფილ გვარის შიგნითა ხდება. მსგავსი შრომის საზოგადოებრივი განაწილება პირველყოფილ თემში, რომელიც შესაძლოა საფუძველი გახდეს ქურუმთა ძლიერების შემდგომ ზრდისათვის. აღწერილი აქვს მარქსს ინდო-

ეთის თემის მაგალითზე: „უმარტივეს ფორმის თემი მიწას კოლექტიურად ამუშავებს და პროდუქტებს თავის წევრებს შორის ანაწილებს; ხოლო რთვას, ქსოვას და სხვ. თვითთული ოჯახი ცალკე აწარმოებს, როგორც დამხმარე შინამრეწველობას. ამ ერთგვაროვანად მომუშავე მასასთან ერთად ჩვენ აქ გვხვდება „მამასახლისი“, რომელიც ერთსადაიმთხვე დროს მოსამართლევ არის, პოლიციაც და ხარკის ამკრეფიც; ბუხპალტერი, რომელიც მიწისმოქმედების ანგარიშს აწარმოებს და კადასტრსა და რეგისტრში შეაქვს ყველაფერი ის, რაც ამას შეეხება; მესამე მოხელე, რომელიც ბოროტმოქმედთ სდევნის და მფარველობას უწევს უცხოელ მოგზაურებს და მათ ერთი სოფლიდან მეორემდე მიაცილებს; მესაზღვრე, რომელიც თემის საზღვრებს სდარაჯობს; მერაბი, რომელიც საერთო აუზიდან სამიწათმოქმედო მიზნით წყალს ანაწილებს; ბრამინი, რომელიც რელიგიურ კულტის ფუნქციებს ასრულებს; მასწავლებელი, რომელიც თემის ბავშვებს ქვიშაზე წერაკითხვას ასწავლის; კ ა ლ ე ნ დ ა რ ი ს. ბ რ ა მ ი ნ ი, რ ო მ ე ლ ი ც რ ო გ ო რ ც ა ს ტ რ ო ლ ო გ ი, გ ა ნ ს ა ზ ღ ვ რ ა ვ ს თ ე ს ვ ი ს ა და მ კ ი ს და ს ა ე რ თ ო დ ყ ვ ე ლ ა ს ა მ ი წ ა თ მ ო ქ მ ე დ ო ს ა მ უ შ ა ო ს ხ ე ლ ს ა ყ რ ე ლ და ა რ ა ხ ე ლ ს ა ყ რ ე ლ დ რ ო ს; მკედელი და ხურო, რომლებიც ამზადებენ და აუმჯობესებენ ყველა სამიწათმოქმედო იარაღს; მეჭურჭლე, რომელიც სოფლისათვის ყოველნაირ ქურჭელს ამზადებს; დალაქი, მრეცხავი, ოქრომკვედელი; აქა-იქ პოეტი, რომელიც ზოგიერთ თემებში ოქრომკედლის და ზოგიერთში სკოლის მასწავლებლის როლს ასრულებს. ეს თორმეტიოდე პირი მთელი თემის ხარჯზე ცხოვრობს“, განვითარების სპეციფიკურ პირობებისაგან დამოკიდებულებით, მაგ., იქ, სადაც მორწყვა და საერთოდ წყლის მეურნეობა მიწისმოქმედებაში განსაკუთრებულ როლს თამაშობს, ეს ასტროლოგი და კალენდარის სპეციალისტი ქურუმში კლასობრივ საზოგადოებაში შესაძლებელია უკვე გაბატონებულ ქურუმთა წოდებად ან კასტად ჩამოყალიბდეს. ასე იყო, მაგალითისათვის რომ ავიღოთ, ეგვიპტეში, რომლის შესახებაც მარქსივე ამბობს: „მრეწველობის ისტორიაში გადამწყვეტ როლს ასრულებს აუცილებლობა ბუნების ამა თუ იმ ძალზე საზოგადოებრივ კონტროლის დაწესებისა, მისი ყაირათიანად გამოყენებისა ადამიანის ხელით შექმნილ მოწყობილობათა საშუალებით, მისი დიდი მასშტაბით მისაკუთრების ან დამორჩილებისა. ამის მაგალითია წყლის გაწესრიგება ეგვიპტეში (იმ აუცილებლობამ, რომ უნდა გამოენგარიშნათ ნილოსის წყალ-

დიდობის პერიოდები, შექმნა ეგვიპტური ასტრონომია და მასთანვე მოგვცა ქურუმთა კასტის, როგორც მიწისმოქმედების ხელმძღვანელის, ბატონობა“)... თანდათან ტაძრები და მათი წარმომადგენლები იქცევიან უდიდეს მემამულეებად, რომელნიც თავიანთ მიწებს მონების ან ყმების შრომით ამუშავებენ. ფულად ურთიერთობათა განვითარებასთან ერთად ტაძრები, რომელთაც დიდი განძები აქვთ დაგროვილი, სეპაზმო კაპიტალის როლში გამოდიან და კიდევ უფრო ჰბოჭავენ მათი გავლენის ქვეშ მყოფ ხალხს. ცენტრალური ხელისუფლება ასეთ შემთხვევაში სწორედ ქურუმებს ეყრდნობა, როგორც თავის სოციალურ საფუძველს. ქურუმები ასეთ ქვეყნებში არა მარტო კლასობრივ საფუძველს შეადგენენ მონარქიისას, არამედ იდეოლოგიურადაც ამ ხელისუფლების დამკვიდრებას განსაკუთრებით უწყობენ ხელს ცრუმორწმუნეობით აღსაესე მასების შეგნებაში. ისინი უქმნიან მეფეებს „აპოთეოზს“ (ღვთაებრიობის შარავანდელს). იბერიის ქურუმთა წოდების განვითარების კონკრეტული ისტორია ჩვენთვის უცნობია პირდაპირი ცნობების სრულ უქონლობის გამო, მაგრამ აქაც განვითარების გზა ზემოთაღწერილის მსგავსი უნდა ყოფილიყო. მრავალ მოსაზრების მოტანა შეიძლებოდა ამის სასარგებლოდ. უადგილობის გამო ჩვენ აქ მათზე ვერ შევჩერდებით, ნაწილობრივ ამის შესახებ ქვემოთაც ვისაუბრებთ<sup>1</sup>.

პირველ „გენის“ შესახებ ცნობას ჩვენ დაწვრილებით გავაჩივებთ მაშინ, როცა სახელმწიფოს შესახებ გვექნება საუბარი.

ამრიგად, ექვს გარეშეა, რომ ჩვენს წინაშე თავისებური კლასობრივი (რათქმაუნდა, ჯერ ჩამოუყალიბებული და განუვითარებელი) საზოგადოებაა წარმოდგენილი. ჩვენ უკვე ვიცით, რომ გვაროვნული კავშირები დაარღვია შრომის საზოგადოებრივმა განაწილებამ, რომელიც საფუძველი გახდა საზოგადოების სხვადასხვა კლასად დანაწევრებისათვის. საყურადღებოა, რომ ივერიის აღწერილობაში, რომელიც დაცულია სტრაბონის ტექსტში, არსად არაფერია ნათქვამი ივერიის მოსახლეობის ტომებად დაყოფის შესახებ. ეს იმას არ ნიშნავს, რათქმაუნდა, რომ ამ დროს უკვე წაშლილია ცალკე ტომების არსებობის კვალი; განსხვავებული ეთნიკური ჯგუფები ამ დროს ივერიაში უეპველად არსებობდნენ. ეს იმას ნიშნავს მხოლოდ, რომ უკვე სავსებით გამ-

<sup>1</sup> ამ საკითხის, ისე როგორც საერთოდ აღებულ პერიოდის, შესახებ, ავტორი უფრო დაწვრილებით განსაკუთრებულ მონოგრაფიაში მსჯელობს.

ქრალი ყოფილა ტომური ორგანიზაციები. ზემოთგარჩეულ-დაყოფას სტრახონის ტექსტში წარმოდგარებული აქვს ივერიის მოსახლეობის მეორეგვარი დაყოფაც. სტრახონი ამბობს: „ბარშიცხოვრობს ივერების ერთი ნაწილი, რომელიც უფრო მიწისმოქმედებას მისდევს და მშვიდობიან ცხოვრების მოყვარულია, მთიანი ადგილები-კი დასახლებულია მეომარ უმრავლესობით“-ო. ეს ორი ნაწილი ერთმანეთისაგან თურმე ყოფაცხოვრებითაც განსხვავდებოდა: ბარელები თურმე სამხრეთელ მეზობლებს — არმენებს (სომხებს) და მიდიელებს — წააგავდენ; მთიელები კიღვე — ჩრდილოეთელ მეზობლებს — სკვითებსა და სარმატებს. „სკვითებისა და სარმატების წესით ცხოვრობენ“-ო, რომ არის ნათქვამი, ალბათ იმას ნიშნავს, რომ მეურნეობრივად მთელი იბერიელები უმთავრესად მესაქონლეები იყვნენ. თუმცა ამასთან ერთად სტრახონი დასძენს: „მაგრამ მაინც ეს (მთის) ივერიელები მიწისმოქმედებასაც მისდევენ“-ო. მაშასადამე, უწინარეს ყოვლისა, შესამჩნევი ყოფილა ივერიის მოსახლეობის ის დაყოფა, რომელიც საზოგადოებრივ შრომის ბუნებრივ განაწილების ნიადაგზე იყო აღმოცენებული.

ქალაქის სოფლიდან გამოყოფის შესახებ ჩვენ უკვე ვლაპარაკობდით ზემოთ. ეს მოვლენა ამ პერიოდშიც არსებობს და თავის როლს ასრულებს ჩვენი ქვეყნის განვითარებაში. ჩვენ უაღრესად მწირი ცნობები მოგვეპოვება მაშინდელ ქართულ ქალაქების შესახებ, მაგრამ რაც მოღწეულა, ისიც გვარწმუნებს, რომ, ჯერ ერთი, ქალაქების, როგორც ერთგვარ ალებშიცემისა და (შეუძლებელი არ არის რომ აგრეთვე) ხელოსნობის ცენტრების, არსებობისათვის ნიადაგი უკვე მზად იყო და რომ წყაროებში დაცული ფაქტები საერთო პირობების სინათლეში უნდა განვიხილოთ. „ყოველს, განვითარებულსა და საქონლის გაცვლა-გამოცვლით განხორციელებულ, შრომის დანაწილებას საფუძვლად აქვს ქალაქის სოფლიდან გამოყოფა. შეიძლება ითქვას, რომ საზოგადოების მთელი ეკონომიური ისტორია ამ მოძრაობაში მიმდინარეობს... როგორც მანუფაქტურაში ერთსა და იმავე დროს დაბანდებულ მუშების განსაზღვრული რიცხვი შრომის დანაწილების მატერიალურ წინასწარ პირობას შეადგენს, აგრეთვე საზოგადოებაში შრომის დანაწილებისათვის ამ პირობას წარმოადგენს მოსახლეობის სიდიდე და მისი სიმჭიდროე, რომელსაც აქ ისეთივე მნიშვნელობა აქვს, როგორც პირველ შემთხვევაში მრავალ მუშის თავმოყრას ერთსა და იმავე სახელოსნოში. მაგრამ ეს მოსახლეობის სიმჭიდროე შედარებითი რამ არის. ის ქვეყანა, რომელიც შედარებით მცირედ არის დასა-

ანლებული, მაგრამ სადაც მიმოსვლის საშუალებები განვითარებულია, უფრო მკიდრო მოსახლეობას შეიცავს, ვიდრე ის ქვეყანა, რომელიც უფრო დასახლებულია, მაგრამ სადაც განუვითარებელი მიმოსვლის საშუალებებია“... მარქსის ეს სიტყვები დიდ სინათლეს ჰფენენ სტრატონის სათანადო ცნობებს იბერიის შესახებ. „კავკასიონთან მცხოვრები სხვა წვრილი ხალხები ღარიბები და მცირე მიწაწყლის მქონენი არიან. მაგრამ აღვანელებსა და ივერებს, რომელნიც შეადგენენ კავკასიის ყელის მთავარ მოსახლეობას და რომელთაც აგრეთვე შეიძლება კავკასიელების სახელი მიეკუთვნოს, უპირაფთოდ ღლიდარი ქვეყანა, რომელსაც შეუძლია ფრიად ხშირი მოსახლეობა და იტიოს. და მართლაც, ივერია მშვენიერად არის დასახლებული უმეტეს წილად ქალაქებად და დაბეებად, ისე რომ იქ კაცს ხედება კრამიტის სახურავები და ხუროთმოძღვრების წესების თანახმად აგებული სახლები, ბაზრები და სხვა საზოგადოებრივი შენობები“ ეს აღწერილობა ექვს აღარა სტოვებს მოსახლეობის სიბშირისა და განვითარების, საწარმოო ძალთა საკმაოდ მაღალი დონის შესახებ. სათანადოდ განვითარებული ყოფილა მიმოსვლის საშუალებებიც. მეზობელ ქვეყნებთან ივერიას ოთხი მთავარი გზა აკავშირებდა თურმე: ჩრდილოეთთან — არაგვის ხეობით დარიალზე გამავალი გზა, აღმოსავლეთით — აღვანეთთან კავშირი მტკვრის ხეობით იყო გაბმული; გზა აქ მტკვარ-ალაზნის შესართავზე გადიოდა, სამხეთიდან გზა მტკვრის ხეობის ზემოთა ნაწილს მიჰყვებოდა. კოლხეთთან და კოლხეთის საშუალებით ევროპასთან იბერიას კიდევ უფრო კარგი კავშირი ჰქონია: აქ გზა სურამის ქედის გადალახვის შემდეგ შორაპანზე გადიოდა, საიდანაც ნაევებით ჩალიდნენ ზღვაში. ნაოსნობა წარმოებდა აგრეთვე მტკვარში და ალაზანშიაც. ეს გზები მუდმივს საკურობას ემსახურებოდნენ — ისინი სპეციალურ სიმაგრეებით ყოფილან დატულნი და მათთვის ყური უგლიათ.

განსაკუთრებით საყურადღებოა ცნობა მდ. ფაზისზე ხიდების არსებობის შესახებ. ეს ცნობა ჩვეულებრივად არა სწორად ესმით ხოლმე: აქ მდ. ფაზისის მთელი მიმდინარეობა-კი არ იგულისხმება (ფაზისად მაშინ იწოდება რიონი ყვირილას შესართავამდე და შემდეგ — ყვირილა. მაშინდელი წარმოდგენა ფაზისის სათავის შესახებ მთლად ნათელი არ არის), მითუმეტეს — რიონი, არამედ მხოლოდ შორაპანს ზევით (ე. ი. აღმოსავლეთისაკენ) მდევ-

ბარე ხეობა. აი ამ შედარებით მცირე მანძილზე 120 ხიდი ყოფი-  
ლა გადებული, სტრაბონის მტკიცებით. თუნდაც რიცხვი გაზ-  
ვიადებული იყოს, მაინც ეს ცნობა ძალიან საყურადღებოა.

სამწუხაროდ, სტრაბონისეულ აღწერილობაში არავითარი  
ცნობა არ არის დაცული იბერიის მეურნეობის შესახებ გარ-  
და იმისა, რაც ზემოთ იყო უკვე განმარტებული, რომ, სახელ-  
დობრ, ბარელები უმთავრესად მიწისმოქმედებას მისდევენ, მთიელები  
სათვის-კი მიწისმოქმედება თითქოს დამხმარე დარგია, მთა-  
ვარი კი, საგულისხმებელია, მესაქონლეობა უნდა იყოს. რა დონე-  
ზეა ასული ეს მიწისმოქმედება და რა წესია იქ გაბატონებული, რა  
კულტურებს მოუპოვებიათ იქ გავრცელება, როგორია პროდუქცია.  
რა არის საშინაო და საგარეო აღებმიცემის საგანი — ამის შესახებ  
სრულიად არაფერია ნათქვამი. ამ ცნობებს-კი ჩვენთვის დიდი  
მნიშვნელობა აქვთ. და რაკი პირდაპირი ცნობები არ მოგვეპო-  
ვება, არაპირდაპირსა და მეზობელ ქვეყნებთან შედარებითი შეს-  
წავლის გზას უნდა მივმართოთ. საერთოდ, ქართველ ტომების  
ისტორიულ მდგომარეობის შესწავლა შეუძლებელია მეზობელ, პი-  
რველ რიგში, კავკასიელ ტომთა ვითარების გათვალისწინების გა-  
რეშე შესაბამის ხანაში. სამეურნეო და კულტურული კავშირები  
ნაწილობრივ გენეტიკურ, ნაწილობრივ ისტორიულ ხასიათისა,  
ურთიერთგავლენა და ურთიერთმოქმედება აქ იმდენად ხელშე-  
სახებია, რომ უფლება გვაქვს, მეთოდოლოგიურ ზედმიწევნილო-  
ბისა და მკაცრ ისტორიულ პერსპექტივის დაცვის პირობებში,  
ლოკალურ განვითარების მთელი სპეციფიკურობის გათვალისწი-  
ნებით, ერთი ტომის სინამდვილის ცნობილ ფაქტებიდან გარკვეუ-  
ლი დასკვნები გავაკეთოთ მეორე ტომის უცნობ სინამდვილის შე-  
სახებ.

განსაკუთრებით ახლოს არიან ამ მხრივ ერთმანეთთან  
ამიერ-კავკასიის ქვეყნები, რაც აგრეთვე, რათქმაუნდა, სრულე-  
ბით იმას არ ნიშნავს, თითქოს თვითეულ მათგანის განვითარებას  
საკუთარი ტემპი და თავისებურება არ ჰქონდეს. კერძოდ, ჩვენ-  
თვის აქ საყურადღებო იქნება პარალელის გატარება იბერიასა  
და ალბანიას შორის. ამ ქვეყნების ხალხები ხომ, როგორც ვნა-  
ხეთ, სტრაბონის განცხადებით, კავკასიის ყელის მთავარ მოსახ-  
ლეობას შეადგენენ. მაშინ როცა იბერიას სტრაბონის ტექსტი  
გვიხატავს, როგორც მკიდროდ დასახლებულსა და განვითარებულ  
ქვეყანას, ალბანიის აღწერილობას იგი იმთავითვე იმით იწყებს.  
რომ გვამცნობს: ალბანელები უფრო მწყემსები არიან და მომთა-



ბარე ხალხებს მიაგვანენ, მაგრამ ისე ველური არ არიანო. მაგრამ ეს იმას არ ნიშნავს, თითქოს ალბანელები მიწის მოქმედებას არ მისდევდნენ, ოღონდ მეურნეობის ამ დარგს ინტენსიური ხასიათი არ ჰქონია. სტრაბონისავე თქმით: „ისინი არ სარგებლობდნენ, როგორც საჭირთა, მიწითაც, რომელიც ყოველგვარ ნაყოფს იძლევა, თვით უნაზესსაც-კი, და აგრეთვე ყოველგვარ მცენარეს, მათ შორის მარად მწვანესაც. მიწას სრულებით არ უფლიან... მრავალგან ერთხელ დათესილი მიწა იძლევა ნაყოფს ორჯერ და სამჯერაც, პირველად -- ერთი-ორმოცდაათად, დაუსვენებლად, და მოხნული არა რკინის, არამედ უბრალო ხის გუთნით... ვენახები შემოუბარავი აქვთ ხოლმე და ვანს ხუთ წელიწადში ერთხელ სხლავენ ხოლმე, მაგრამ მიუხედავად ამისა ახალი ვანი უკვე ორი წლის შემდეგ იძლევა ნაყოფს, ძველი ვანი-კი იმდენს ისხამს, რომ უმეტეს ნაწილს ზედვე სტოვებენ... აქაური ხალხი ლამაზია და დიდი ტანისაა, მაგრამ მიაპიტია (მარტივია) და მეწვრილმანე არ არის (ვაქრულ მიდრეკილებებს მოკლებულია). ლითონის ფულს უმეტეს წილად არა ხმარობენ, ასზე ზევით თვლა არ იციან და ალემბიცემას საქონლის საქონელზე გაცვლით აწარმოებენ. ცხოვრების სხვა საჭიროებათა მიმართაც ისინი ასეთსავე დაუდევრობას იჩენენ: მათთვის უცნობია სწორი საზომ-საწონი და აგრეთვე უზრუნველი არიან სამხედრო, სახელმწიფოებრივს და მიწის დამუშავების საქმეებში“.

ამ აღწერილობიდან გაზვიადებული და აზარეალური ელემენტი მოჩანს ნაწილობრივ. მაგრამ საერთოდ იგი სწორად უნდა გვიხატავდეს საწარმოო ძალთა მდგომარეობას ალბანიაში. ცხადი ხდება, როგორც ეს სტრაბონის საერთო ცნობებიდანაც საგულგებელი იყო, რომ იბერიასთან შედარებით ალბანია უფრო ჩამორჩენილი ყოფილა. და როცა სტრაბონი მხოლოდ საერთოდ აღნიშნავს, რომ იბერიის ბარის მოსახლეობა უფრო მიწისმოქმედებას მისდევსო, თვით ამ მიწისმოქმედების ხასიათსა და სასოფლო-სამეურნეო ტექნიკის შესახებ-კი არაფერს გვეუბნება, ეს იმის მომასწავებელი უნდა იყოს, რომ ამ თვალსაზრისით ბერძენ დამკვირვებლისათვის უცხო და უჩვეულო იბერიაში ბევრი არაფერი იყო. და ამ მხრივ მისთვის ეს ქვეყანა ალბანიისაგან განსხვავდებოდა. მიუხედავად საერთო მდგომარეობის ამ სხვაობისა, ალბანიის სოციალური განვითარება იმავე მიმართულებით მიდიოდა, როგორც იბერიისა, რაც ჩვენთვის დიდად არის საყურადღებო და თვით იბერიის ისტორიასაც გარკვეულ შუქსა ჰყენს. სტრაბონისვე ტექ-

სტჷმი შემდეგ ცნობას ვპოულობთ ალბანიის შესახებ: „ქურუმის მოვალეობას ასრულებს ყველაზე პატივცემული მეფის შემდეგ პირი. იგი განაგებს საღვთო მამულს, რომელიც ვრცელია და კარგად დასახლებული, და აგრეთვე ტაძრის მსახურთაც („ჰიეროდულებს“, სიტყვასიტყვით, ტაძრის, ღვთის მონებს), რომელნიც ქადაგად ეცემიან და წინასწარმეტყველებენ“. ერთ-ერთ ამ მსახურთაგანს ქურუმი მსხვერპლად სწირავს ჭხოლმეო. ასეთი მსხვერპლშეწირვა, როგორც ჩანს, ყოველწლიურად ხდებოდა, რაც იმაზე მიგვითითებს, რომ თვით დაწესებულება ძველსა და ძლიერ ტრადიციასზე უნდა ყოფილიყო დამყარებული. კონტექსტიდან თითქოს ისეთი დასკვნა გამოდის, რომ მთელი ეს ცნობა მხოლოდ ერთს, იბერიის მახლობლად მდებარე, მთვარის ტაძარს შეეხება. თუნდაც ასე იყოს, იგი მაინც დამახასიათებელია ალბანიის საზოგადოებრივ განვითარებისათვის მთლიანად. აქაც, — იმავე მიზეზების გამო, ცხადია, — ქურუმებს გაბატონებული მდგომარეობა მოუპოვებიათ. ტაძრები უკვე მსხვილ მიწისმფლობელებად გვევლინებიან, რომელნიც თავიანთ მამულების დამუშავებას არათავისუფალ შრომის — ექსპლოატაციის გზით ეწევიან. იბერიაში ეს პროცესი უფრო შორს არის მხოლოდ წასული — იქ ქურუმები უკვე ცალკე წოდებად არიან ჩამოყალიბებულნი. ამასთან ერთად, ჩვენ ვპოულობთ დასაყრდენს ზემოთ გამოთქმულ მოსაზრებისათვის იმის შესახებ, რომ იბერიაშიც ტაძრები ამ დროს მსხვილ მამულის მფლობელნი უნდა ყოფილიყვნენ. — აღწერილ ალბანურ, იბერიის მახლობლად მდებარე, ტაძრის მაგალითი გვარწმუნებს ამაში.

სტრაბონი ალბანიის სოფლის მეურნეობის დარგთა შორის მევენახეობასაც იხსენიებს. მევენახეობას ამ დროს საქართველოს მრავალ მეზობელ ქვეყანაში მისდევენ, და რადგანაც იბერიაში საამისო საუკეთესო ბუნებრივი პირობები იყო, სავსებით სარწმუნოა, რომ ეს კულტურა აქაც უნდა არსებულიყო. სხვადასხვა მოსაზრების გამო ჩვენ ვფიქრობთ, რომ ღვინო ამ დროს იბერიიდან სხვა ქვეყნებშიაც უნდა გაეტანათ გასაყიდად, და რომ საერთოდ მეღვინეობა ჩვენი ქვეყნის ცხოვრებაში მნიშვნელოვან როლს თამაშობდა. მაგრამ ამის შესახებ უფრო დაწვრილებით შემდეგ ვისაუბრებთ.

საზოგადოდ, არავითარი ცნობა არ დაგვრჩენია, თუ რა იყო ამ დროს იბერიაში შინაურ და საგარეო აღებშიცემის საგანი. მაგრამ რომ ეს აღებშიცემა არსებობს და განვითარებულიცაა, ამაში

ყველა საერთო ცნობა (სავაჭრო გზების, ქალაქების, ბაზრების, ფულის და სხვ. შესახებ) და მთელი ზემოთმოყვანილი მსჯელობა გვარწმუნებს.

### კოლხეთის მდგომარეობა

ჩვენ განსაკუთრებით დიდ ხანს შეეჩერდით ქართლის (იბერიის) ვითარების განხილვაზე იმიტომ, რომ ცნობები მის შესახებ მეტად ნიშანდობლივი და საყურადღებოა. დას. საქართველოს შესახებ ეს ცნობები ისე სრული არ არის. საერთოდ შეიძლება ითქვას, რომ, კერძოდ სტრაბონის „გეოგრაფიაში“ დაცული ფაქტების მიხედვით, განვითარების მხრივ კოლხეთს ამ დროს საშუალო ადგილი უნდა სჭეროდა ალბანიასა და იბერიას შორის. მაგრამ თვით კოლხეთის ფარგლებშიც, აშკარაა, სხვადასხვა კულტურული რაიონი განირჩეოდა. სუანეთს ჩვენ უკვე პირველ განაკვეთიდან ვიცნობთ. დაახლოებით ანალოგიურ მდგომარეობაში იმყოფებოდა კოლხეთის ჩრდილოეთი ნაწილი. ყველაზე დაწინაურებულ რაიონს წარმოადგენდა რიონის აუზის დაბლობი და ზღვისპირა ზოლი, სადაც ძველი ბერძნული ქალაქები იყო გაშენებული—ფაზისი (ფოთი), „კოლხების სავაჭრო ნავთსადგური“, დიოსკურიადი (დღევანდ. სოხუმის რაიონში), სადაც 70-მდე სხვადასხვა ტომი იყრიდა თითქოს თავს სავაჭროდ (უმთავრესად მარილის შესაძენად) და სხ. ეს ქვეყანა მდიდარიაო, მოგვითხრობს სტრაბონი, ნაყოფებით და გემთმშენებლობისათვის საჭირო ყოველგვარ მასალით. აქ დიდი რაოდენობით მოდის აგრეთვე სელი, კანაფი, ცვილი და ფისი. სელის წარმოებამ ხომ სახელიც-კი მოიხვეჭა; აქაური სელის ნაწარმოები უცხო ქვეყნებშიც გაჰქონდათო (ამ შემთხვევაში სტრაბონი ძველ ცნობას იმეორებს).

„გეოგრაფიის“ მტკიცებით, რიონსა და ყვირილაზე შორაპნამდე ნაოსნობა წარმოებდა, შორაპნიდან საქონელი იბერიაში უკვე ხმელეთის გზით გადაჰქონდათ;—შორაპნიდან მტკვრამდე 4 დღის გზა ყოფილა. კოლხეთის მოსახლეობის სოციალურ სტრუქტურის შესახებ სტრაბონისეულ აღწერილობაში არავითარი პირდაპირი ჩვენება არ არის მოცემული. მაგრამ ყველა სხვა ცნობის ნიადაგზე, რომელთა შესახებაც უკვე პირველ განაკვეთში გვქონდა საუბარი, აქაც იბერიისა და ალბანიის ანალოგიური სურათი უნდა ყოფილიყო. კერძოდ, ერთი ფაქტია საყურადღებო სტრაბონის ცნობით, მოსხიკეში (მესხების ქვეყანაში) ლევკოთეას ტაძარი ყოფილა აშენებული, რომელიც ოდესღაც მდიდარი იყო, მაგ-

რამ ჩვენს მახსოვრობაში ჯერ ფარნაკმა გასძარცვა, შემდეგ-კი მით-რიდატ პერგამელმაო. მესხების ქვეყანა ამ დროს სამ ნაწილადაა გაყოფილი — არმენიასა, იბერიას და კოლხეთს შორის. რაკი ეს ცნობა კოლხეთის აღწერილობაშია მოთავსებული და მდებარეობითაც ტაძარი საკუთრივ კოლხეთის ტერიტორიის მახლობლად ყოფილა (სტრაბონი ამბობს, რომ იგი ფაზისის ზემოთაა), ცხადია, იგი კოლხეთს ჰკუთვნებია. მაშასადამე, კოლხეთშიც ტაძრებს გარკვეულ მდგომარეობისთვის მიუღწევიათ — მათ ხელში უკვე დიდ განძებს მოუყრიათ თავი (მეზობელ ქვეყნების მეფეები მათ რამდენიმეჯერ სძარცვავენ!). ტაძრების ქონება ალბათ მარტო განძებში არ გამოიხატება — ისინი აქაც მამულის მფლობელნიც უნდა იყვნენ.

### სახელმწიფოს არსებობის საკითხი

ყოველივე ზემოთქმულის საფუძველზე თავისთავად წყდება ერთი მეტად მნიშვნელოვანი საკითხი, სახელდობრ, საკითხი სახელმწიფოს არსებობის შესახებ ამ დროს ქართველ ტომებში. მარქსიზმის გაგებით, სახელმწიფო არის „ექსპლოატატორების მოცემულ კლასის ორგანიზაცია წარმოების საერთო პირობების შენარჩუნებისათვის, მაშასადამე, ექსპლოატაციაქმნილ კლასის ძალმომრებითი ყოლისათვისაც მორჩილების იმ საფეხურზე, რომელსაც მოითხოვდა წარმოების მოცემული წესი (მონობაში, ყმობაში, დაქირავებულ მუშის მდგომარეობაში). სახელმწიფო იყო მთელი საზოგადოების ოფიციალური წარმომადგენელი, იგი მას ერთს ხილულ ორგანიზაციაში აერთიანებდა, მაგრამ იგი ამ როლს ასრულებდა მხოლოდ იმდენად, რამდენადაც სახელმწიფო იყო იმ კლასისა, რომელიც თვითონ იყო მთელ თავის თანამედროვე სახელმწიფოს წარმომადგენელი: ძველ დროში — მოქალაქე-მონათმფლობელების სახელმწიფო, საშუალო საუკუნეებში — ფეოდალურ თავდაუნაურობისა, ჩვენს დროში — ბურჟუაზიისა“. „სახელმწიფო — საზოგადოების ნაყოფია განვითარების გარკვეულ საფეხურზე. სახელმწიფო არის იმის აღიარება, რომ ეს საზოგადოება გაიხლართა გადაუწყვეტელ წინააღმდეგობაში თავის საკუთარ თავთან, გაითიშა შეურიგებელ წინააღმდეგობებად, რომელთაგან განთავისუფლება მას აღარ ძალუძს. მაგრამ იმისათვის, რათა ამ დაპირისპირებულმა კლასებმა მოწინააღმდეგე ეკონომიურ ინტერესებით არ შთანთქან ერთმანეთი და საზოგადოება უნაყოფო ბრძოლაში, ამისათვის აუცილებელი გახდა ძალა, რომელიც, როგორც ჩანს, სა-

ზოგადობაზე მალა დგას, ძალა, რომელიც შეანელებდა შეტაკებას, „წესრიგის“ ფარგლებში გააჩერებდა მას“. რა ძალაა ეს ძალა? „ძველ გენტილურ (გვაროვნულ ანუ კლანურ) ორგანიზაციასთან შედარებით სახელმწიფო განსხვავდება სახელმწიფოს ქვეშევრდომების ტერიტორიულ დაყოფით... მეორე განსხვავებული ნიშანია დაარსება საზოგადოებრივ ხელისუფლებისა, რომელიც უკვე აღარ თანემთხვევა უმეშვეოდ მოსახლეობას, რომელიც თავის თავს რაზმავს როგორც შეიარაღებულ ძალას. ეს განსხვავებული განსაკუთრებული საზოგადოებრივი ხელისუფლება აუცილებელია იმიტომ, რომ მოსახლეობის თვითმოქმედი შეიარაღებული ორგანიზაცია შეუძლებელი გახდა მას შემდეგ, რაც საზოგადოება კლასებად გაითიშა... ეს საზოგადოებრივი ხელისუფლება არსებობს ყოველ სახელმწიფოში. იგი შესდგება არა მარტო შეიარაღებულ ადამიანებისაგან, არამედ აგრეთვე მათის ნივთიერ დამატებებისაგან, საპრობილეებისა და ძალდატანების ყოველგვარ დაწესებულებისაგან, რომელნიც უცნობი იყვნენ საზოგადოების გვაროვნულ (კლანურ) წყობილებისათვის... ამ ძალის შენახვისათვის საჭიროა მოქალაქეთა დაბეგრა გადასახადებით, რაც არ ყოფილა გვაროვნულ წყობილების დროს... მოეპოვებათ რა საზოგადოებრივი ხელისუფლება და გადასახადების აკრეფის უფლება, მოხელეები, როგორც საზოგადოების ორგანოები, საზოგადოების ზევით ექცევიან... რადგანაც სახელმწიფო წარმოიშვა კლასთა დაპირისპირების ალაგმვის მოთხოვნილებიდან, რადგანაც ამავე დროს იგი წარმოიშვა ამ კლასთა შეტაკებებში, ამიტომ იგი საერთო წესით გვევლინება როგორც სახელმწიფო ყველაზე ძლიერის, ეკონომიურად გაბატონებულ კლასისა, რომელიც სახელმწიფოს შემწეობით პოლიტიკურად გაბატონებულ კლასადაც იქცევა და ამგვარად ახალ საშუალებებს იხვეკს დაჩაგრულ კლასის დათრგუნვისა და ექსპლოატაციისათვის“ (ენგელსი). ამრიგად, სახელმწიფო კლასობრივ საზოგადოების კუთვნილებაა, მაგრამ მისი „ფორმები უაღრესად მრავალფეროვანია“. „სახელმწიფო ყოველთვის იყო გარკვეული აპარატი, რომელიც ეთიშებოდა საზოგადოებას და მდგომარეობდა იმ ადამიანთა ჯგუფში, რომელნიც მხოლოდ იმას, ან თითქმის მხოლოდ იმას, ან უმთავრესად იმას აკეთებდნენ, რომ მართავდნენ. ადამიანები შესდგებიან იმათგან, რომელთაც ჰმართავენ, და ამ მმართველობის სპეციალისტებისაგან, იმათგან, ვინც საზოგადოების ზევით არიან მოქცეულნი და ვისაც მმართველებს, სახელმწიფოს წარმომადგენლებს, უწოდებდნენ. ეს აპა-

რატი, ეს ჯგუფი ადამიანებისა, რომელნიც სხვებს ჰმართავენ, ყოველთვის ხელთ იგდებს იძულების, ფიზიკურ ძალის, გარკვეულ აპარატს, — სულ ერთია, გამოიხატება ეს, ძალადობა ადამიანების მიმართ პირველყოფილ კეტში, თუ მონობის ხანაში შეიარაღების უფრო გაუმჯობესებულ ტიპში, თუ ცეცხლის იარაღში, რომელიც საშუალო საუკუნეებში გაჩნდა, თუ ჩვენი დროის იარაღში, რომელმაც — XX ს-ში ტექნიკურ სასწაულებს მიაღწია და თანამედროვე ტექნიკის უკანასკნელ მიღწევებზეა მთლიანად დამყარებული. ძალადობის ხერხები იცვლებოდა, მაგრამ ყოველთვის, როცა არსებობდა სახელმწიფო, ყოველ საზოგადოებაში არსებობდა ჯგუფი. ამ პირთა, რომელნიც მართავდნენ, მბრძანებლობდნენ, ბატონობდნენ და რომელთაც ხელისუფლების შესანარჩუნებლად ხელთ ჰქონიათ ფიზიკურ ძალდატანების აპარატი, ძალადობის, იმ შეიარაღების აპარატი, რომელიც თვითვე ეპოქის ტექნიკურ დონეს შეესაბამებოდა“ (ლენინი).

ჩვენი ქვეყნისა და ამიერ-კავკასიის სხვადასხვა რაიონში ამ მხრივ სხვადასხვანაირი მდგომარეობა იყო. იმისდა მიხედვით, თუ როგორი იყო სოციალურ განვითარების დონე, თუ რამდენად შორს იყო წასული საზოგადოებრივი ანტაგონიზმი. სვანეთში, ჩვენ ეს უკვე ვნახეთ, ჯერ კიდევ ცოცხალია „მოსახლეობის თვითმოქმედი შეიარაღებული ორგანიზაცია“, საზოგადოებრივი ხელისუფლება ხალხისაგან გამოთიშული არ არის, და ამდენადვე სახლმწიფოც არ არსებობს (ცნობა „მეფის“ არსებობის შესახებ სვანებში; თუ იგი გარეშე სახელმდებლის შეცთომას არ წარმოადგენს, შეიძლება მიუთითებდეს ტომის მეთაურის უფლებების ერთგვარ გაძლიერებაზე, და, ამდენადვე, სახელმწიფოებრიობის მხოლოდ სუსტ ჩანასახზე). კოლხეთში (რიონის აუზის დაბლობში) უკვე სხვა მდგომარეობაა. აეტის, მედეას და არგონავტების ყველასათვის ცნობილ ხანის შემდეგ, რომელშიაც ჯერ კიდევ მითოსი სინამდვილისაგან გარჩეული არ არის, სტრაბონი ასახელებს მეფეებს, რომელნიც თურმე ჰფლობდნენ „სკეპტუხიებად“ დაყოფილ ქვეყანას. მათ დიდი ძალა არ ჰქონიათო, დასძენს აეტორი. ძნელი სათქმელია, როგორ უნდა გავიგოთ ტერმინი „სკეპტუხია“. სხვა შემთხვევებში, კერძოდ კავკასიურ სინამდვილიდან, სტრაბონის ტექსტში ამ სიტყვით ტომის პოლიტიკური ორგანიზაცია აღნიშნული. მაშინ თითქოს ისე გამოდის, რომ კოლხეთში ცალკე ტომთა ორგანიზაცია მთლად გამჭრალი არ იყო, მაგრამ ეს ტომები უკვე ცენტრალურ ხელისუფლებას ექვემდებარებოდნენ. ან

შესაძლოა აქ პირდაპირ ადმინისტრაციული დაყოფა იგულისხმებოდეს. კოლხეთის უკანასკნელ საუკუნეებისათვის მოცემულ მდგომარეობის მთელმა ჩვენმა წინამორბედმა ანალიზმა გვიჩვენა, რომ აქ უკვე კლასობრივი საზოგადოებაა საგულისხმებელი, ამდენადვე თვით მეტნაკლებად განვითარებულ სახელმწიფოებრივ აპარატის არსებობაც საგულგებელი ხდება. კერძოდ, ერთხელ კიდევ მოვიგონოთ ადგილობრივ კოლხურ ფულის მოჭრის ფაქტი—ლითონის ფული კლასობრივ საზოგადოების კუთვნილებაა, და მონეტის მოჭრაც სახელმწიფოს საქმეა. ენგელსის თქმით, ცივილიზაციას, ე. ი. კაცობრიობის განვითარების იმ პერიოდს, „რომლის მთელ სივრცეზედაც საზოგადოება დანაწევრებულია ექსპლოატატორ და ექსპლოატაციამწილ კლასებად“, პირველ რიგში, ლითონის ფულის შემოღება ახასიათებს. მარქსიც ამბობს, რომ „ფულის, როგორც მიმოქცევის საშუალების, ფუნქციიდან წარმოსდგება მისი მონეტური სახე საქონლის ფასში ანუ მის ფულად სახელწოდებაში იდეალურად არსებული ოქროს წონითი ნაწილი უნდა დაუპირდაპირდეს მიმოქცევაში საქონელს როგორც იმავე სახელწოდების ოქროს ნაჭერი ანუ მონეტა. როგორც ფასების მასშტაბის დაწესება, ფულის მოჭრაც სახელმწიფოს საქმეა“.

ალბანიის პოლიტიკურ ორგანიზაციის შესახებ სტრაბონის ტექსტში ნათქვამია: „ეხლა ყველა ერთ მეფეს ემორჩილება. წინათ-კი თვითეულ ტომს, თავის განსაკუთრებულ ენის მქონეს, ცალკე მეფე ჰყავდა. ენა-კი მათ 26 მოეპოვებათ, რადგანაც ურთიერთ შორის ხშირი ურთიერთობა არა აქვთო“. აქ მოცემულია ტომურ კავშირის მონარქიად გადაქცევის ნიშანდობლივი სურათი, რაც სავსებით შეესაბამება ქვეყნის სოციალურ ვითარებას.

კიდევ უფრო ნათელია საკითხი სახელმწიფოს არსებობის შესახებ იბერიის მიმართ: აქ, როგორც ვნახეთ, საზოგადოების კლასებად დანაწევრების პროცესი ყველაზე უფრო ღრმად იყო წასული. როგორც უკვე ვიცით, იბერიაში სტრაბონის აღწერილობით პირველ „გენეს“ მეფის „გენე“ შეადგენდა, რომელშიაც ამ უფლების მემკვიდრეობას უხუცესობის პრინციპი ედო საფუძვლად. მაგრამ ეს პრინციპი არის მხოლოდ ფორმალური გარდმონაშთი საგვარეულო წყობილებისა, და თვით დაწესებულების რაობას სრულიად არ განსაზღვრავს. მთავარი ეს კი არაა, არამედ ის, რომ აქ ხელისუფლება ხალხისაგან გამოყოფილია და საზოგადოების ზევით არის მოქცეული. მეფის „გენე“ სამეფო დინასტიაა და სხვა არაფერი. შესაძლოა თვით გენეს შემადგენლობა უფრო მრავალრიცხოვანი ყოფილიყო (სამე-

ფო საგვარეულოს სახით), მაგრამ თვით მეფის უფლება ერთი ოჯახის შიგნითაა დამკვიდრებული: ჩვენ გვაქვს საკმაოდ სრული სია იბერიის მეფეებისა. მოცემულ დროიდან მოყოლებული, და ამ სიიდან ჩანს, რომ მეფის უფლება აქ ჩვეულებრივად ძმებსა და მათს შვილებს შორის ტრიალებს. ამ ვიწრო წრეში ეს უფლება ხალხისაგან მონიკებული კი არ არის, ეს მეფეები გვევლინებიან არა როგორც ხალხის წარმომადგენლები, არამედ როგორც მონარქები, საკუთარ დინასტიურ ინტერესებითა და ზოგჯერ დესპოტიურ მიდრეკილებებითაც გამსჭვალულნი, რომელთათვისაც მთავარ სოციალურ დასაყრდენს აღწერილ ხანაში, როგორც ჩანს, ქურუმები წარმომადგენენ და რომელთა ძლიერების განსაკუთრებული წყაროც მამულებისა და ყმების მსხვილ ძეგლობებაში უნდა ვეძიოთ. კონკრეტული ცნობებიც ადასტურებს ამ საერთო მონაზრებას.

როცა იბერიელების წინააღმდეგობა ჩვენს ქვეყანაში პირველად შემოსულმა რომაელებმა საბოლოოდ შემუსრეს (65 წ. ქ. წ.). რომაელების სარდალმა ზავი მანამ არ დასდო, სანამ მისი თავდაპირველი მოთხოვნილება შესრულებულ არ იქნა, სახელდობრ, სანამ იბერიის მეფემ რომაელებს თავისი შვილები მძევლებად არ მისცა. სუვერენული უფლებები რომ ხალხს ჰკუთვნებოდა, მაშინ, ცხადია, მძევლებად თვით ხალხისავე წარმომადგენლები იქნებოდნენ.

კიდევ უფრო საგულისხმოა ის ამბები, რომლებიც დაახლოებით ასი წლის შემდეგ ხდება. ჩვენ აქ ამბავს სულ მოკლედ ვაღმოვსცემთ (ფაქტიური აღწერილობა დაწვრილებით იხ. ივ. ჯავახიშვილი, ქართ. ერ. ისტ., I, გვ. 155 შემდ.), და მკითხველს მივუთითებთ იმ ფაქტებზე, რომელნიც იბერიაში არსებულ ხელისუფლებას ახასიათებენ და რომლებსაც განთქმული იმდროინდელი რომაელი ისტორიკოსი ტაციტე მოგვითხრობს. საქმის არსი მდგომარეობდა რომაელებისა და სპარსელების ბრძოლაში სომხეთის გამო. ორსავე მებრძოლ მხარეს სომხეთის სამეფო ტახტისათვის თავის კანდიდატი ჰყავს. რომაელების კანდიდატია მითრიდატი, ძმა იბერიის მეფის ფარსმანისა, რომელსაც თურმე „მამეული ხელისუფლება“ ჰქონია. ამ შემთხვევის გამო რომაელები ძმებს არიგებენ — ისინი ნაჩხუბარნი ყოფილან. ფარსმანი ჰშეელის ძმას ვერაგობითა და იარაღით. მათ მიერ შეჩენილი ხალხი ოქროს დიდი თანხით მოისყიდის სომხეთის მეფის არშაკის, სპარსელების კანდიდატის, მსა-



ხურებს და ბოროტმოქმედებას ჩაადენინებს. იბერიის ჯარები სომხეთს შეესევინა და სატახტო ქალაქს დაიჭერენ. იწყება ომი იბერიელებსა და სპარსელებს შორის. ურთიერთ ბრძოლაში იბერიისა და სპარსეთის მეფეები ერთმანეთს სამეფო ტანისამოსით სცნობენ. შემდეგ მითრიდატი ისევ ჰყარგავს სომხეთის ტახტს და ისევ ეძიებს მას თავის ძმის, იბერიის მეფის და რომაელების დახმარებით. თვით სომხები ან პასიურად არიან, ან ეწინააღმდეგებიან მითრიდატის ცდებს. მეორედ გამეფების შემდეგ მითრიდატი დიდ სისასტიკეს იჩენს — ალბათ თავის ქვეშევრდომების უკმაყოფილოა. ეხლა პოლიტიკური მდგომარეობა ასეთია, გვიამბობს რომაელი ისტორიკოსი, რომ „იბერებს ჰფლობს ფარსმანი, მფლობელობის ძველისძველ უფლების თანახმად, სომხებს-კი — მისი ძმა მითრიდატი ჩვენი შემწეობით!“ შემდეგ იწყება ახალი ინტრიგა — იბერიის მეფეს შვილი აუმხედრდება. ეს ყმაწვილი, რადამისტი, თურმე დაუფარავად და ხმაძალდა ჩივის, მამაჩემის მოხუცებულობის გამო ჩვენი ქვეყანა დაძაბუნებულაა-ო, და თავის გულისთქმას უკვე ვეღარ ჰმალავს — მამის ტახტს ეპოტინება, მას „ხელისუფლება სწყურია“. მაგრამ არც მამას ჰსურს ხელისუფლების დათმობა და არც გამკლავების იმედია აქვს (ხანში შესულს ეშინია ყმაწვილის, რომლის მხარეზე „ხალხის“ სიყვარულიც არის!) და თავის ტახტის მაგიერ ისევ ძმისას სთმობს — ეს ქვეყანა ხომ მე მივეცი მითრიდატს და ისევ შენ გქონდესო, ეუბნება რადამისტს მამა. მამის მიერ სთანადოდ გაწვრთნილი რადამისტი თავის ბიძას ესტუმრება, იქ ვერაგულად და საიღუმლოდ სომხეთის დიდებულებს გადმოიბირებს, შემდეგ მამის ჯარებსაც დაიხმარებს. ცრუფიცით თავის ბიძას, სომხეთის მეფეს, მითრიდატს, რომელმაც შეილივით ისტუმრა ვერაგი ძმისწული, მოხერხებულად გილას გაისტუმრებს, სადაც მითრიდატს ლალატით წააქცევენ და ბოჯილს დაადებენ, რაც აქაურ ხალხში სირცხვილად ითვლება. აქვე უბრალო ხალხი, ბრბო, რომელსაც მითრიდატის მეფობაში ცუდი ცხოვრება ჰქონდა, ჯავრის ამოსაყრელად დროს იხელთებს, მისცივიდება ბოჯილ შეყრილ მეფესა და გინებას და ცემას დაუწყებს! რადამისტი ჰქლავს მითრიდატსა და მის ცოლს, თავის დას, შემდეგ მათს შვილებსაც ხოცავს, — მოზობლების სიკვდილი რად იტირეთო! — და სომხეთში თვითონ მეფდება. რომაელები

ბოლოს და ბოლოს ურიგდებიან ახალ მდგომარეობას, რადამისტს სამეფო ნიშნების შემოსვასაც-კი ურჩევენ და თვითონაც ესწრებიან ამ ცერემონიას.

შემდეგ სპარსელები გააგდებენ რადამისტს, შემდეგ ის ისევ უკან ბრუნდება და ეხლა კიდევ უფრო მკაცრად ეპყრობა სომხებს, როგორც მოლაღატეებს, რომელნიც მზად არიან აჯანყებისათვის ყოველ ხელსაყრელ წუთს. ბოლოს და ბოლოს სომხებმა, „თუცა მიჩვეული არიან მონობას“, ყოველგვარი მოთმინება დაჰკარგეს და ალყა შემოარტყეს რადამისტის სასახლეს იარაღით. რადამისტიმ ძლიერ უშველა თავს იბერიაში გაქცევით. აქ, „მამეულ სამეფოში“, რადამისტის სიცოცხლე იმით გათავდა, რომ მამამ ის მოაკლევინა როგორც მოლაღატი, რომ რომაელებისათვის ერთგულება დაედასტურებინა.

ვინც საგვარეულო წყობილებას ოდნავ მაინც იცნობს და მოტანილს, განსაკუთრებით ჩვენ მიერ გახაზულ ფაქტებს ჩაუკვირდება (მეფის ხელისუფლების წარმომავლობა, დინასტიური ინტრიგები, დაუნდობელი ბრძოლა ახლობელ ნათესავეებს შორის სამეფო ტახტისათვის, მოქმედების საშუალებები — ფული, ღალატი, ვერაგობა, — მეფისა და დიდებულების და მეფისა და ხალხის ურთიერთობა, რეჟიმი და აჯანყებები, სამეფო სამოსი და ნიშნები და მრავ. სხვა), დაგვეთანხმება, რომ ეს სურათი ისევე ჰგავს პირველყოფილ საზოგადოების სამყაროს, როგორც ცა—დედამიწას. სამეფო, მონარქიულ ხელისუფლების არსებობა ფაქტია. მართალია, ეს ამბები სტრაბონის ცნობის დროს დაშორებულია, მაგრამ მაშინაც ხომ იგივეა, როგორც ზემოთ ვნახეთ.

## ადრეული ფეოდალიზმი

სტრაბონის მიერ აღწერილი იბერიის საზოგადოების  
სტრუქტურული განსაზღვრა

სტრაბონის ცნობის ანალიზი დასრულებულია. იბერიის საზოგადოება აღებულ ხანაში ჩვენს წინაშე წარმოსდგა, როგორც მეტნაკლებად კლასობრივი აღნაგობის მქონე საზოგადოება. მაგრამ კლასობრივი სტრუქტურა საზოგადოებისა ხომ ყოველთვის ერთი-დაიგივე არ ყოფილა. საკითხი დგას, მაშასადამე, იბერიის შინაგანი სოციალური აღნაგობის განსაზღვრის შესახებ. წარმოების რომელი წესის წარმომადგენელნი არიან მოცემული კლასები? რა კლასებია ეს კლასები?

თუ ღრმად ჩაეუკვირდებით სტრაბონისეულ ცნობას და მის ზემოთ მოცემულ ანალიზს, ადვილად დავრწმუნდებით, რომ იბერიის იმდროინდელი საზოგადოება შეძლევი, მეტნაკლებად განვითარებული კლასებისაგან შესდგებოდა. სოციალური კიბის ერთ-ერთი ყველაზე დაბალი საფეხური ექირათ კოლონებს (= სტრაბონის „ლაოი“). ეს არის ფეოდალური საზოგადოების კატეგორია „ყმებისა“, როგორც უკვე თავის ადგილას დავაზნასიათეთ, კატეგორია პირადად დამოკიდებულ უნეშვეო ნწარმოებელთა, რომელნიც მთლად მოკლებულნი არ არიან საწარმოო საშუალებებს. მათი თავისებური მდგომარეობა აქ იმაშია, რომ მათ ექსპლოატატორთა სახით უპირისპირდება სახელმწიფოებრივი ხელისუფლება და არა ფეოდალების კლასი, როგორც ეს ფეოდალურ საზოგადოებაში ხდება (სტრაბონის ცნობით, „ლაოი“ ხომ მხოლოდ მეფეებს ჰყავდათ). კიდევ უფრო დაბალი საფეხური იმდროინდელი იბერიის საზოგადოებაში ექირათ მონებს, რომელნიც სტრაბონის ცნობაში პირდაპირ დასახელებულნი არ არიან, მაგრამ, როგორც უკვე ვამბობდით, უეჭველად იგულისხმებიან. ყველაზე ფართოდ მონური შრომით, რათქმუნდა, ტაძრები და მათი წარმომადგენელნი — ქურუმები — სარგებლობდნენ. მაგრამ, ცხადია, მონები ეყოლებოდათ სამეფო დინასტიასაც და აგრეთვე იმ თავისუფალ მეომართა და მიწისმოქმედთ მესამე გენდან, რომელთაც ამისი ეკონომიური შესაძლებლობა და საჭიროება მოეპოვებოდათ (ასეთები-კი ამ

გენეში უთუოდ იყვნენ უკვე ამ დროს). მონებს ექსპლოატატორთა სახით მონათმფლობელნი უპირისპირდებიან. ყველაზე მსხვილ მონათმფლობელებს ტაძრები და ქურუმები შეადგენენ. დასასრულ, დიდი ნაწილი იბერიის მოსახლეობასა, რომელიც წოდებრივად მესამე გენეში იყო თავმოყრილი, საკმაოდ კრელ მდგომარეობაში უნდა ყოფილიყო. უმრავლესობა თავისუფალ მიწისმოქმედთაგან შედგებოდა, მაგრამ ქონებრივი უთანასწორობა ამ თავისუფალ მეურნეთა შორის ზოგჯერ საკმაოდ თვალსაჩინო უნდა ყოფილიყო. ზოგი მათგანი მონის შრომასაც გამოიყენებდა (იმ სახით, რა სახითაც ეს უკვე პატრიარქალურ საზოგადოებაშიც გვხვდება), ზოგი-კი ამის საშუალებას მოკლებული იქნებოდა. შემდეგ, უქვევლია, რომ ამ წრეში ამ დროს ჯერ კიდევ ძლიერი იქნებოდა სავარაუდო წყობილების ნაშთები, მაგრამ უფრო სოციალურს, ვიდრე საწარმოო სფეროში.

იბერიის საზოგადოების ასეთი შედარებით რთული და მრავალფეროვანი შედგენილობა ამ საზოგადოების წარმოშობით უნდა აიხსნას. საჭიროა ამიტომ, მოკლედ მაინც, შესაძლებელ მთლიანობაში განვიხილოთ ის განვითარება, რომელმაც სტრაბონის „გეოგრაფია“-ში აღწერილი საზოგადოებრივი სტრუქტურა მოგვცა. ეს დახმარებას გაგვიწევს შემდეგდროინდელი ამბების გაგებისათვისაც.

ქართველ ტომთა მიწაზე დაჯდომა, ბინადარ ცხოვრებაზე გადასვლა, მიწისმოქმედებაზე გადასვლასთან უნდა ყოფილიყო დაკავშირებული. მიწისმოქმედება აქ, როგორც ჩანს, პრიმიტიული მებოსტნეობის სახით არის წარმოდგენილი. სოციალურად ამ ცვლილებას შეეფარდებოდა „სახლ“-ის, როგორც ძირითადი სოციალური ერთეულის ჩამოყალიბება. „სახლი“ (ქანურ-მეგრული „ოხორი“) არის გარკვეული საზოგადოებრივი ერთობა, რომელიც დასახელებული სამეურნეო ფაქტისა (მებოსტნეობა) და წინა პერიოდიდან მიღებული იდეოლოგიური ტრადიციების (ტოტემისტური ჯგუფის მონათესაობის შეგნების ფორმა) ნიადაგზე, მატრიარქალურ წესის მიხედვით ეწყობა. „სახლის“ სათავეში დგას ქალი, დედათმთავარი, „დიასახლისი“. სახლის წევრები ანუ „სახლისშვილები“ ურთიერთნათესაობას დედის ხაზით ანგარიშობენ. ამიტომ არის, რომ დასავლეთ საქართველოში დღესაც „სახლისშვილი“, ისევე, როგორც ქანური „ოხრასკირი“ (სკირი = შვილს) და „ოხრასურე“, მეგრული (ამჟამად, მხოლოდ ნაწილობრივ) „ოხრასკილი“ ისეთი ტერმინებია, რომელნიც აღნიშნავენ ნათესაობას დედის, ქალის, ხაზით. ხოლო „სახლის“ ჩამოყალიბების კავშირი ბინადარ

ცხოვრებაზე გადასვლასთან მიზეზია იმისა, რომ, ასევე ტრადიციულად, ტერმინი მერმინდელ ხანებშიც „მიწაზე ჯდომის“, „მკვიდრობის“, „მოსახლობის“ მნიშვნელობის მომენტს შეიცავდა. შემდეგ, ეს „სახლი“ არის, ეთნოგრაფების ენით რომ ვთქვათ, „დიდი ოჯახი“ — ისეთი ერთობა ადამიანებისა, რომელიც ერთ ქერქვეშ, ერთ ბინაში ცხოვრობს. ამიტომ გახდა შესაძლებელი, რომ „სახლი“ ადამიანთა საცხოვრებელ შენობასაც დაჰქმეოდა, და დღეს ხომ ეს ტერმინი უპირატესად სწორედ ამ მნიშვნელობით იხმარება. სახლის შეილების სოციალური ერთობა დამყარებულია მათს ეკონომიურ ერთობაზე. ერთ ქერქვეშ ერთად ცხოვრება ამ უკანასკნელის ერთ-ერთი მომენტია. გარდა ამისა, [„სახლი“] გარკვეულ დროში მაინც, კოოპერირებულ სამეურნეო საქმიანობას ეწევა მიწის გარკვეული ნაჭრის საერთო მფლობელობის ნიადაგზე. აქედან — „სახლი“ შემდეგში, უკვე კლასობრივ საზოგადოებაში, შესაძლებელია ხმარებული ყოფილიყო, ერთი მხრით, მიწის გარკვეულ ნაკვეთის, რომელიც გლეხურ მეურნეობის საფუძველს შეადგენდა (= მერმინდელ „ფუძეს“) აღსანიშნავად, ხოლო, მეორე მხრით, თვით ფეოდალური საზოგადოების ძირითადი ერთეულის, სენიორიის, მენორის, — რომელიც აგრეთვე თავისებური ხასიათის ეკონომიურ ერთობას წარმოადგენდა, — აღსანიშნავადაც. თავისთავად ცხადია, რომ, ყოველივე ამასთან ერთად, პირველყოფილი „სახლი“ პრიმიტიული სამომხმარებლო კომუნის პრინციპსაც ემყარებოდა.

ამრიგად, თავდაპირველად ქართული „სახლი“ წარმოადგენდა მიწაზე მჯდომს მატრიარქალურ კომუნას, რომელიც, თავის ზრდის გარკვეულ საფეხურამდე, ერთს ქერქვეშაც ცხოვრობდა.

საწარმოო ძალთა შემდგომი განვითარება იწვევს იმას, რომ მატრიარქალური „სახლი“ ადგილს უთმობს პატრიარქალურს, სადაც უპირატესობა მამაკაცს ეკუთვნის და რომლის სათავეშიც „მამასახლისი“ დგას. „სახლისკაცობას“ (გვარიშვილობას) ეხლა უკვე მამის ხაზით ანგარიშობენ. მეურნეობრივად ქართველ ტომთათვის ეს ცვლილება, როგორც ჩანს, დაკავშირებული იყო მიწისმოქმედების შემდგომ განვითარებასა (მებოსტნეობის ინტენსიფიკაცია და მებაღეობის გაჩენა) და შინაური საქონლის მომშენებლობასთან, მეტნაკლები სიძლიერით (რასაც ქართველური ენების შედარებითი მასალა გვაფიქრებინებს). სათანადოდ ვითარდება და რთულდება ტომური ცხოვრებაც. „სახლთა“ კავშირი შეადგენს „ნათესავს“ (= ტომს). „ნათესავის“ ყველა სახლის შვილები შეადგენენ კრებულს; რომელსაც ეწოდება „ერი“. „ერი“ უაღრესად შესანიშნავი

ძველი ქართული ტერმინია, რომელიც ერთსადაიმთხვე დროს აღნიშნავს როგორც „ხალხს“, ისე „ჯარსაც“. ეს იმიტომ, რომ გვაროვნული საზოგადოება წარმოადგენს „სამხედრო დემოკრატიას“: ხალხი და ჯარი აქ ერთმანეთისაგან განუყოფელი არიან. ყოველი „ერისკაცი, ყოველი „სახლისშვილი“ იმავე დროს მეომარია. „ერისკაცი“ „ჯარისკაცსაც“ ნიშნავს. ყველა „ერის კაცი“ (ანუ „ერისგანი“), ყველა „სახლისშვილი“, თანასწორუფლებიანი წევრია საზოგადოებისა; ეს უფლებები, სხვათა შორის, გვაროვნული დემოკრატიის უზენაესი ორგანოების წევრობაში გამოიხატება. ასეთ ორგანოებს წარმოადგენს სახლი — გვარისა და ნათესავ-ტომის სახლისშვილთა ყრილობა, რომელსაც „ერის კრება“ ეწოდებოდა, როგორც მერმინდელი მასალებიდან არის საგულისხმებელი. ამ „ერის კრების“ საშუალებით ახორციელებს თავის ნებას გვაროვნული საზოგადოება ანუ „ყოველი ერი“. „ყოველი ერი“ ანუ, ჩვენებურად რომ ვთქვათ, „მთელი ხალხი“ არის უზენაესი ბატონ-პატრონი. ვინც ამ „ნათესავს“, ამ „თესლს“ (ე. ი. ამ მოდგმას) არ ეკუთვნის, ის „უცხო თესლია“ და, მაშასადამე, აქ, არა თავისი გვაროვნული საზოგადოების წიაღში, სათანადო უფლებებს მოკლებულია.

აი სწორედ ეს „ერი“ შეადგენდა სტრაბონის „მესამე გენეს“ და ამ გენეს იმ დროს ქართულად ჯერ კიდევ სწორედ „ერის“ სახელწოდება უნდა ეტარებინა. მაგრამ იმ დროს ეს „ერი“ აღარ იყო ძველი, პატრიარქალური ხანის, „ერი“ — საზოგადოების დიფერენციაციის შედეგად, რომლის ტიპური პროცესი ჩვენ თავის ადგილას აღვწერეთ. ამ ერს გამოეყო ერთი ფენა და განსაკუთრებულს პრივილეგიურ მდგომარეობაში მოექცა. ეს იყვნენ „ქურუმები“, სტრაბონის „მეორე გენე“. დარჩენილებმაც დაჰკარგეს პირველყოფილი კომუნისტური საზოგადოებისათვის დამახასიათებელი მრავალი ნიშანი. განსაკუთრებით ბარის სახლებში ამ დროს (I ს. ჩვენს ერაზდე და უფრო ადრე) თემური მიწისმფლობელობა სავსებით დარღვეულად არის საგულისხმებელი. სათანადოდ განვითარებული უნდა იყოს ეკონომიური დიფერენციაცია ცალკეულ სახლისშვილებს შორის.

მას შემდეგ, რაც ტაძრები თავიანთ მამულებზე შედარებით ფართო მეურნეობის წარმოებას იწყებენ და ამისათვის საჭირო ხდება მონების შრომის უფრო დიდი მასშტაბით გამოყენება, ჩნდება აუცილებლობა ისეთი აპარატის შექმნისა, რომელიც ტაძრების მრავალრიცხოვან მონებს მორჩილებაში იყოლიებს. ჩნდება მეფის ხელისუფლება და სახელმწიფო და ჩვენ ვფიქრობთ, მაშასა-

დამე, რომ მეფის ხელისუფლება ქართველ ტომებში მონათმულობელთა ინტერესებისა და საჭიროებათა ნიადაგზე აღმოცენდა უპირატესად. ჩვეულებრივად-კი ფიქრობენ, რომ მეფის ხელისუფლება აქ მამასახლისის ხელისუფლების განვითარებას წარმოადგენდა, რომ მცხეთის მამასახლისის იქცევა უფროს, „მეუფე მამასახლისად“ და რომ ეს უკანასკნელი სახელწოდება უნდა ყოფილიყო სწორედ ნამდვილი ტიტული იბერიის მეფეებისა.

შესაძლებელია, რათქმაუნდა, რომ ტომის მამასახლისის, როცა საამისო ეკონომიური და სოციალური პირობები მზად იყო, უზურპაცია მოეხდინა და ის სუვერენული უფლებები, რომლებიც „ყოველ ერს“ ეკუთვნოდა, მიეთვისებინა, ანუ, როგორც ენგელსი ამბობს, „წინანდელი მსახური, ხელსაყრელ პირობებში, ბატონად ქცეულიყო თანდათანობით“.

ასეთ შემთხვევაში მივიღებდით შემდეგს: მცხეთის მამასახლისი იქცევა უფროს მამასახლისად, „მეუფე მამასახლისად“. მეუფე მამასახლისად ის იქცევა იმიტომ, რომ ეხლა ის უკვე მცხეთის მამასახლისი კი არ არის, არამედ მთელი ქვეყნის მამასახლისია. ასეთ შესატყვისობაში მცხეთას ქართლი უპირისპირდება. მაშასადამე, ძველი „მცხეთის მამასახლისი“, როგორც „მეუფე“, „ქართლის მამასახლისად“ ქცეულა. [ქართლის მეფე ქართლის მამასახლისია. მაგრამ ეს ფაქტიურად არ არის სწორი. ჩვენ დანამდვილებით ვიცით, რომ, როცა VI ს. სპარსელებმა ქართლში მეფობა მოსპეს, „ქართლის მამასახლისის“ თანამდებობა მათ დასტოვეს. „ქართლის მამასახლისს“ ამ დროს ქართლის მმართველ მოხელეთა შორის პირველ ადგილთაგანი უჭირავს. VI ს-ის ორმოციან წლებში ქართლის მამასახლისად ვინმე გრიგოლი ყოფილა.

ამრიგად, საესებით ცხადია, რომ ქართლის მეფისა და ქართლის მამასახლისის ხელისუფლებანი სულ სხვადასხვა იყვნენ.

დასაჯერებელია, რომ ტერმინი „მეფე“ „მეუფის“ განვითარებას წარმოადგენს. მაგრამ ასეთი ცვლილება შემთხვევითი არ იყო და ეს ენობრივი ფაქტი ასახავდა იმ გარდატეხას, რომელიც რეალურ ურთიერთობაში მოხდა. „მეფე“-ს მონარქის, ხოლო „მეუფე“-ს უფრო ზოგადი, მნიშვნელობა მიენიჭა.

მონარქიის ჩამოყალიბება სამეფო დინასტიის განსაკუთრებულს პრივილეგიურ მდგომარეობაში მოქცევას მოასწავებს. ჩნდება „პირველი გენე“, რომელსაც ქართულად უნდა „სეფე“-ს, ან „სეფე-სახლის“ სახელწოდება ეტარებინა. დოც. ვარლამ თოჯურიას სამართლიანი შენიშვნით, „სეფე“ ქართული სიტყვაა, იმა-

ვე ძირისა, რომელსაც „მეფე“ ეკუთვნის, და არა სპარსული ტერმინი, როგორც ჩვეულებრივ ფიქრობენ. ჩვენ აქ ის უნდა დავუმატოთ, რომ, რაც ჩვენთვის ძალიან საყურადღებოა, „სეფე“-ჩნდება „მეფის“ ნიადაგზე, მას შემდეგ, რაც საბოლოოდ მოხდა დიფერენციაცია „მეფესა“ და „მეუფეს“ შორის, რეალური ცვლილების ნიადაგზე (ფორმა „სეუფე“ არ მოიპოვება). ამრიგად, სამეფო სახლის პრივილეგიურ მდგომარეობაში მოქცევა შედეგი იყო მონარქიის წარმოშობისა და არა პირუქუ! „სეფე“ აღნიშნავდა სამეფო სახლს, როგორც სოციალურ ერთობას (დინასტია), მეფის სახლს, როგორც სამეურნეო ერთობას (სამეფო დომენი), და აგრეთვე თვით სამეფო სასახლეს, სამეფო კარსაც. დასასრულ, „სეფე“ შეიძლებოდა ხმარებული ყოფილიყო თვით სამეფო სახლის წევრთა აღსანიშნავადაც, მაგრამ უკანასკნელი მნიშვნელობით, ჩვეულებრივად, „სეფე-წული“ (=სეფე-შვილი) იხმარებოდა. ასეთივე კომპოზიციით აღნიშნავდნენ სამეფო კარის მსახურ მონებსაც. „სეფე-ქალი“, მაგალითად, შეიძლებოდა ხმარებული ყოფილიყო სამეფო სასახლის მზველის აღსანიშნავად. ფეოდალურ საზოგადოებაში ტერმინმა „სეფე“-მ უფრო ზოგადი მნიშვნელობაც მიიღო.

ასეთი იყო თავდაპირველად იბერიის სოციალური აღნაგობა და მისი გაბატონებული კლასის პოლიტიკური ორგანიზაცია, რომელიც ჩვენ დავახასიათეთ, როგორც თეოკრატია.

როგორღა გაჩნდა „მეოთხე გენე“? მისი გაჩენა შესაძლებელი იყო სამი გზით: 1) სოციალური დიფერენციაციის შედეგად „ყოველი ერიდან“ გამოყოფა. ამ კონკრეტულ შემთხვევაში დასახელებულ გზას ჩვენ უარვყოფთ, ვინაიდან ამ პროცესის შედეგად „მდაბიო ხალხი“, უწინარეს ყოვლისა, ტაძრების ყმებად უნდა ქცეულიყო, და არა მარტო სამეფო სახლისა, როგორც გადმოგვცემს სტრაბონი. რამდენადმე გაუგებარი იქნებოდა აგრეთვე „შესამე გენეს“ მოცემული ხასიათი; 2) მეფის მონების მიწაზე დასმა. ეს სავსებით შესაძლებელია, მხოლოდ არ მოგვეპოვება საკმაო საბუთი\*; 3) უცხო თემების დაპყრობა კლასობრივად საკმაოდ და დიფერენცირებულ საზოგადოების ხელისუფლების მიერ, დაპყრობილ თემთა მიწების სამეფო ფონდში გაღარიცხვა და ამ ნიადაგზე თვით დაპყრობილთა ჩაყენება ყმურ მდგომარეობაში მეფის, როგორც სამხედრო ხელისუფლების უზენაესი წარმომადგენლისა და დასახელებული მიწის ფონდის უზენაესი პატრონის, მიმართ. ჩვენ უფრო ამ შესაძლებლობისა-

\* აქ ავტორის აზრი ლითოგრაფიულად დაბეჭდილ ტექსტში დაუმთავრებელია: ის ასე იკითხება: „იმისათვის, რომ იბერიის მეფის სახლის როდესმე და რომელსამე (როგორს?) პირობებში“;



კენ ვიხრებით, მაგრამ საბოლოოდ ამ საკითხს მომავალი კვლევა გადასწყვეტს. რა უნდა რქმეოდათ ქართულად „მეოთხე გენეს“ წევრებს? თუ მერმინდელი, ფეოდალური საზოგადოების, ტერმინოლოგიიდან ამოვალთ — „გლუხები“, მაგრამ ზოგიერთი მოსაზრება ჯერ კიდევ ამ საკითხის გარშემო დამატებითს კვლევა-ძიებას მოითხოვს.

წარმოდგენილი ანალიზი უმთავრესად ენობრივ მასალებს ეყრდნობა. თუ ისტორიულ-წერილობითი სურათი ქართველ ტომთა სოციალური დიფერენციაციის პროცესისა შენახული არ არის, სამაგიეროდ მოგვეპოვება მერმინდელი ანალოგიები, რომელნიც საშუალებას გვაძლევენ თვალსაჩინოდ წარმოვიდგინოთ აღნიშნული პროცესის ზოგიერთი, მეტად საყურადღებო, მომენტი ცოცხალი ცხოვრების მასალაზე. შევჩერდებით აქ მხოლოდ ერთ მაგალითზე, რომელსაც გვაძლევს ძველი ქართული საისტორიო მწერლობის შესანიშნავი ძეგლი, ქსნის ერისთავების საგვარეულო მართიანე, რომლის, როგორც სოციალურ ისტორიის დოკუმენტის, მნიშვნელობა სცილდება საქართველოს ფარგლებს.

ავტორი აგვიწერს ბიბილურთა გვარის ქსნის ხეობაში გაერისთავების ისტორიას. თავისი ფეოდალური ტენდენციის გამო ის ხშირად არღვევს ისტორიულ პერსპექტივს, უმართებულად აზღუქებს ისტორიულ ფაქტებს, აზვიადებს ერთი რიგის მოვლენებს, ამცირებს მეორე რიგისას.

მაგრამ კრიტიკული თვალსაზრისი ობიექტურ სინამდვილის აღდგენას შესაძლებელს ხდის.

პოლიტიკური უბედობის მიზეზით სამშობლოდან გადმოხვეწილი, ცხრაზმის ხევში მოდის როსტომ ბიბილური თავისი ორი ძმით, შვილებით და სამოცდაათი „კეთილი“ (ქარგი, რჩეული) მონით. ცხრაზმისხეველებს ამ დროს სამხედრო გასაქირო ადგას. მოსულნი, პირველ რიგში, რათქმაუნდა, როსტომი, ჩინებულნი შემოვრები არიან. იგულისხმება, რომ შეიარაღებთაც ეს რაზმი უზადოა. როსტომი და მისი მხლებლები დაუფასებელ სამხედრო სამსახურს უწევენ თავიანთ მასპინძლებს. აბიტომ ეს უკანასკნელნი გადასწყვეტენ ამიერიდან „ეს გოლიათი კაცი“ თავიდან აღარ მოიშორონ. იქნებ მათ ჰსურთ როსტომის მხოლოდ შეყვანა ჩვეულებრივ წევრად თავის საზოგადოებაში, მაგრამ თვით როსტომს სხვა განზრახვა აქვს.

იგი უკავშირდება ცხრაზმის ერთ-ერთი მთავარი პუნქტის მამასახლისს, გუგუჯი ხუცუნანდაზისძეს. ეს მამასახლისი უკვე

გვაროვნული საზოგადოების წარმომადგენელი კი არ არის, იგი მეფის მოხელეა, მისი „პატივი და ხელი (= თანამდებობა) მეფეთაგან არის მოცემული“.

როსტომი მოითხოვს გუგაკისაგან, რომ იგი „უქმნიდეს“ და „ეტყოდეს“ ხოლმე ყველაფერს, „რომელი სჯობდეს საქმედ“ როსტომისთვის, ე. ი. საქმით და სიტყვით ეხმარებოდეს მას. სანაცვლოდ როსტომი ჰპირდება ლარგვისის მამასახლისს მისი „პატივი და ხელი, რომელ მეფეთაგან მოცემულ არს“ (= მამასახლისობა), სამუდამოდ შეუნარჩუნოს მის შთამომავლობას. გუგაკი სავსებით კმაყოფილია ამ პირობისა: „მე თავი ჩემი დავსდვა ერთგულებით მსახურებად შენდა და ღმერთმან წარგიმართოს უმჯობესი ყოველი“, — არის გუგაკის პასუხი. იგი თავის მხრით ერთგულ სამსახურს კისრულობს. აქ დახატულია ტიპური სურათი იმისა, თუ როგორ მყარდება ორ პირს შორის გარკვეული სახე ფეოდალური ურთიერთობისა, რომლის შესახებაც ჩვენ შემდეგ გვექნება საუბარი.

აი, ეს მამასახლისი საიდუმლოდ ურჩევს როსტომს: თუ გინდა ამ ქვეყანაში დამკვიდრება, „ითხოვე საფლავი მონასტერსა ამას, რამეთუ ყოველთა დიდებულთა აზნაურთა საფლავი აქ არს, და სოფელნი, ესე რომელნი ღვთივ გვირგვინოსნისა იყო, იუსტინიანე აღმშენებლისაგან შემოწირული არიან, იყო წინამძღუარ მათდა“—ო. მონასტერს მამულები აქვს. ამ მამულების გამგეობა ტაძრის, საყდრის წარმომადგენელთა, მსახურთა, მოხელეთა ფუნქციაა. ტაძრის, საყდრის წარმომადგენლის ერთ-ერთი გარეგნული ნიშანია უფლება დასაფლავებულ იქნას მონასტერში (ამით ცხადდება მისი სიახლოვე და განსაკუთრებული კავშირი ტაძართან).

როსტომმა ამ უფლების შექმნით უნდა თვით საყდრის, ტაძრის წარმომადგენლის უფლებებიც და პატივიც შეიძინოს, რომ შემდეგ ამ გზით ხელი დაადოს თვით ტაძრის მამულსაც. აქ მემატინეს საპიროდ მიაჩნია სცენაზე „ყოველი ერი“ გამოიყვანოს („მე მოვითხოვო ყოველისა ამის ერისაგან“ საფლავი მონასტერშიო, — ეუბნება როსტომი გუგაკს. შემდეგ: „რქუა ყოველმან ერმან როსტომს“, რა გსურს, რომ შენთვის ექნათო. ეს ყოველი ერი ქვემოთაც რამდენიმე გზის იხსენიება. სხვა შემთხვევაში იგი უდრის „ყოველთა ცხრანმისხვევლთ“ ან მარტივად „ცხრანმისხვევლებს“, ე. ი. „ყოველ ერს“ შეადგენს ცხრანმის ხეობის მთელი თემი, (მოსახლეობა). „ყოველი ერის“, მთელი ხალხის, უფლება ყოფილა შე-

უსრულოს როსტომს ეს საწადელი, რომელიც მისი ფარული ზრახვის განხორციელების გზაზე პირველ საჯარო ნაბიჯს წარმოადგენს.

შესაძლებელია (და უჯრო სწორედ ასეც უნდა იყოს), რომ აქ ავტორი ტენდენციურად ცდილობს ხალხის ნებაყოფლობითი სანქციის შთაბეჭდილება შექმნას ბიბილურთა გაერისთავების საქმეში.

სინამდვილე სხვანაირი უნდა ყოფილიყო. მაგრამ მაინც ცხადია, რომ გვაროვნული საზოგადოების სუვერენს — „ყოველ ერს“, რომელსაც ან დროს, რათქმაუნდა, თავისი ძირითადი პრეროგატივები უკვე აღარ გააჩნდა, მაინც შერჩენილი ჰქონდა იმდენად ძლიერი ტრადიციები, რომ შესაძლებელი იყო მიზეზი გამხდარიყო ფეოდალური მემკვიდრის აღნიშნული ტენდენციისათვის. და აი, მემკვიდრის მტკიცებით, როსტომმა „ყოველი ერის“ კითხვაზე, თურა სურს მას, „მოითხოვა საფლავი ლარგვისსა და საჯდომად სახლი შუა საყდრისშვილთა და ცხრაზმის ციხისთავის ნაქონები მამული“. მაშასადამე, როსტომი ეძიებს: 1. საფლავს (სასაფლაოს) ტაძარში, ზემოთ აღნიშნული მიზეზით; 2. „საჯდომად სახლს“, სასახლო ადგილს, მამულს, რომელიც უპირატესად უნდა იყოს მისი რეზიდენცია. ამ ადგილს როსტომი ეძიებს „შუა საყდრისშვილთა“. საყდრისშვილებად იწოდება მთელი ის პერსონალი, რომელიც დაკავშირებულია კულტსა და ტაძართან, კერძოდ — ტაძრის მეურნეობასთან. უპირატესად აქ ტაძრის, საყდრის, მოხელე ხელისუფალნი იგულისხმებიან (საკათალიკოსო სენიორიისათვის სათანადო პარალელს „მცხეთისშვილი“ წარმოადგენს, ზოგადად-კი იხმარებოდა „ეკლესიის შვილი“. მაგ. ერთს, მე-16 საუკ. დამდეგის დოკუმენტში ნათქვამია: „დიდი და პატიოსანი ვარძიის მონასტერი მისითა შესავლითა და ეკლესიის შვილებითა“).

ტერმინი, რათქმაუნდა, საგვარეულო წყობილებიდან მოდის, მაგრამ ამ დროს მას ახალი შინაარსი აქვს. „საყდრისშვილთა შუა“, ცენტრალურ ადგილას, „სახლი“ ტყუილად არ არის მოთხოვნილი — ეს გარემოებაც საფუძველი უნდა გახდეს როსტომის მომავალი პრივილეგიებისათვის: ცენტრალური ადგილი უფროს საყდრისშვილს უპირავს (დაწვრილებით ამის შესახებ — შემდეგში).

3. თავისი მდგომარეობის საბოლოო განმტკიცებისათვის როსტომს თავის მოთხოვნებში კიდევ ერთი პუნქტი აქვს წამოყენებული, რომელსაც იგი ამყარებს იმაზე, რომ მას, როსტომს, თვით ცხრაზმისხვევლებისათვის უპირატესად სამხედრო ინტერესი და მნიშვნელობა აქვს. იგი ხეობის სამხედრო ორგანიზაციის ხელმძღვანე-

ლი, წინამძღვარი, უნდა გახდეს, მან ცხრაზმის ციხის თავის ადგილი უნდა დაიჭიროს. ამისთვის მას ერგება „შუა (აქაც — ცენტრი!) ცხრაზმის ციხისთავის ნაქონები მამული“, რომელიც თემის ამ მოხელისათვის თვით თემს დაუთმია, როგორც მისი შრომის საზღაური, გასანაწევლო. როსტომი ორი გზით მიიღტვის თავისი მიზნისაკენ, მაგრამ ეს გზები არ არიან გათიშულნი ერთმანეთისაგან: ციხისთავიც საყდრისშეილია.

ერი ასრულებს როსტომის მოთხოვნას: „მისცეს ესე ყოველი ცხრაზმისხველთა: შუა ცხრაზმის ციხისთავისა ნაქონები სოფელნი და ქვეყანანი, საფლავი ლარგვისსა და საჯდომი ქვენიფნევეს“... როსტომის ფუნქცია ხეობაში ამის შემდეგ უპირატესად სამხედრო ხასიათისაა: როსტომმა და მისმა ძმებმა „იწყეს შენებად ციხისა და სახლებისა დიდ-დიდებისა. და უკეთუ სადა იყვის ლაშქრობა, იგინი იყვიან წინამძღვარ ბრძოლათა, და არავინ იპოვებოდა მართოდ მბრძოლი როსტომისა, და შეიყუარნა ყოველმან ერმან ცხრაზმისხვეისამან“. საფლავსაც როსტომი, თავის „ერთგულად მსახურ“ მამასახლისის დახმარებით, მიიღებს ტაძრის საუკეთესო ადგილას. ამრიგად, ის და მისი ნათესაობა ერისა და საყდრისშვილების ყველაზე წარჩინებულ წრეში ექცევიან. რამდენისამე ხნის შემდეგ როსტომი ერისთავობასაც მიიღებს. ამ პროცესის აღწერილობაც მეტად საყურადღებოა.

დიდებულნი და აზნაურნი ეძიებენ მეფისაგან ცხრაზმისხეობის ერისთავობას. ... „იქმნა დიდებულთა და აზნაურთაგან თხოვად ერისთავობისა ბირებითა ერისათა, რამეთუ იტყოდეს: ვისიცა იყოს საფლავი, მას შეჰგავს ეკლესია და ყოველი მიმდგომი მისი“. ე. ი. ვისაც საფლავი აქვს მონასტერში, ვინც, მაშასადამე, ტაძრის წარმომადგენელია, მას შეჰფერის ეკლესია. და ამ ეკლესიის, საყდრის, „მიმდგომი“, ყველაფერი, რაც ტაძართანაა დაკავშირებული. პირველ რიგში-კი, რათქმაუნდა, მამული, მიწებიო; — აი, რას ამბობენ ერისთავობის მაძიებელნი. მეფის გამოძიება არკვევს, რომ „ყოველთა მახლობელთა დიდებულთა და აზნაურთა შეექმნა საფლავი, ნუთუ-მცა მიუბოძნა ქვეყანანი, შეწირულნი ეკლესიისათვის“ — ყველა მახლობელ დიდებულსა და აზნაურს (მაგრამ მაინც მხოლოდ ამ წოდების ხალხს) გაუჩენიათ თავიანთთვის სასაფლაო ტაძარში იმ იმედით, რომ ამ გზით მიიღებენ ისინი ტაძრისათვის შეწირულ მამულებს. რაკი, მაშასადამე, პრეტენდენტი და კანდიდატი ბევრია, მეფე ბრძანებს: ვისი საფლავიც ყველაზე საპატრიარქოა.

ყველაზე „უპატიოსნესია“, „მისი არს ეკლესიისა გასაგებელი ყოველი სამართლად, უკეთუ ენების ერთა“, — სამართლით მას ეკუთვნის ტაძრის მთელი საგამგეო, თუ ერმა ისურვოსო (ერი ისევ ჩნდება სცენაზე!). მაშინ ტაძრის ერთი მსახურთაგანი, „კლიტემპსურობელი“, მოახსენებს მეფეს, რომ ასეთია როსტომის საფლავი, რომელიც მას მიცემული აქვს „ყოველთა ცხრაზმისხვევლთაგან“ და ამიტომ, „უკეთუ ინებოს მეფეებამან თქვენმან, მას შეჰგავს ყოველი გასაგებელი ეკლესიისა, მსახურება თქვენი და მთავრობა შეიღთა მათ ხევთაო“, თუ თქვენი დიდებულება ინებებს, როსტომს შეჰფერის ტაძრის საგამგეო (მამული), თქვენი სამსახური და ამ ხეობის მთავრობაო. მეფე ერთხელ კიდევ კითხულობს ერისნებას: „ვითარ ჰნებავს ერთა“-ო? და პასუხად გაიგებს, რომ „ჰნებავს იგი ყოველთა ხევთა შუა მკვიდრობისათვის“, როსტომი უნდა მთავრად მთელ ხეობას, რადგანაც მას სამკვიდრებელი, რეზიდენცია, ცენტრში (აქვსო იგულისხმება საზოგადოებრივ-ეკონომიური ურთიერთობის ცენტრი). მეფე ამის შემდეგ ნიშნავს როსტომს ერისთავად: „მაშინ მიუბოძა შეიღნი ესე ხენი გასაგებლად, ეკლესიანი და ყოველნი აზნაურნი მკვიდრნი მას შინა და უწოდა ერისთავი ცხრაზმის ხევისა და შემოსა სამოსლითა მით, რომელ ემოსა მაშინ მეფესა და შეაცვა ბეჰედი და საყურე და სარტყელი თავისი, საკურველი და ცხენი თოროსანი, დროშა და შუბი“. როსტომი იღებს მთელი ხეობის გამგებლობას, ტაძრებს და ამასთან ერთად მასვე უქვემდებარებენ ხეობის აზნაურებს. გარდა ამისა, თავისი თანამდებობის ნიშნად ის მოიპოვებს უფლებას ატაროს სათანადო გარეგნული ნიშნები. რომელთა შორისაც სპეციალურად იპყრობს ყურადღებას საკუთარი საომარი იარაღი და აგრეთვე ცხენის მძიმე საკურველი.

რათქმაუნდა, მთელი ეს სურათი საკუთრივ ფეოდალურ სამყაროს ეკუთვნის და პირველ რიგში ამ სამყაროს განვითარებისათვის არის საინტერესო. მაგრამ მასში, ჯერ ერთი, უქველად არის უფრო ძველი ელემენტი და, გარდა ამისა, საანალოგიოდაც მას დიდი მნიშვნელობა აქვს.

უწინარეს ყოვლისა, ჩვენთვის საყურადღებოა ძველის მკაფიო და დაქინებითი ჩვენება, რომ სოციალურ-პოლიტიკური მწვერვალისკენ მოძრაობა, ასე ვთქვათ, საბოლოო საფეხურებზე, საბოლოო ანგარიშით, ტაძრის მემამულეობის გზით ხდება. ვინც „საყრდის შეილია“, ტაძრის მსახურია, ამ მემამულეობის რეალური, ფაქტიური სუბიექტიც ის არის. შემდგ.

გომი მეტამორფოზი მსახურიდან ბატონისაკენ შედარებით ადვილი საქმეა.

ლარგვისის ქრისტიანული ტაძრის მიწები მეფე-ფეოდალთა მიერ არის შეწირული. პირველყოფილი საზოგადოების თავისუფალ თემში-კი ამ მიწას თვით თემი გამოჰყოფს საერთო საზოგადოებრივი ფონდიდან. გვაროვნული საზოგადოების ყოველ ერთეულს [(გვარი, ფრატრია, ტომი, ან, სხვა დაყოფით, დაბა (სოფელი); ხევი, სოფელი (ქვეყანა)] მოეპოვება გარკვეული თავისუფალი მიწის ფონდი, რომელიც გადარჩა გვარისშვილთა პირად სამეურნეო საჭიროებას.

ამ ფონდიდან „ერის“ გამოჰყოფს გარკვეულ ნაკვეთებს, რომელთა საშუალებითაც ის აკმაყოფილებს თავის საზოგადოებრივ დაწესებულებათა საჭიროებებს, ან აანახლურებს თავისი მოხელეების შრომას. მაგრამ ვიდრე ამ კომუნას თავისი სუვერენული უფლებები შერჩენილი აქვს, ეს მიწის ნაქრები განკუთვნილია თვით საზოგადოებრივი დაწესებულებებისა და სამოხელეო თანამდებობისადმი. და არა ამ დაწესებულებათა წარმომადგენელ ან ამ თანამდებობათა მატარებელ პირებისადმი. უკანასკნელნი ხომ „ერის“ ნებით იცვლებიან: დღეს ერთია, ხვალ შეიძლება მეორე იყოს. ამ მიწების აღნიშნულ პირთა მიერ მითვისება ღრმა საზოგადოებრივ ცვლილებას მოასწავებს.

თავისებურ პირობებში, რომელთა შესახებაც ჩვენ ზემოთ ვსაუბრობდით, ტაძრის მსახურნი ქურუმების სახით გაბატონებულ სოციალურ კლასად იქცევიან. ქართველ ტომებში, ჩვენ გვგონია, ეს პროცესი დაკავშირებული იყო ინტენსიური მებოსტნეობის კულტურისა და, უკანასკნელზე დაქვემდებარებით, მებაღეობის ნიადაგზე, ზოგიერთი საშუაოს (კერძოდ ირიგაციისა და სასოფლო სამეურნეო საქმიანობის კალენდარული განსაზღვრის) საზოგადოებრივი კონტროლისა და განწესრიგების აუცილებლობასთან (სათანადო არგუმენტაციაზე აქ, უადგილობის გამო, სამწუხაროდ, ვერ შევჩერდებით). აქ საჭიროა შევნიშნოთ: ქურუმები იმიტომ კი არ იქცევიან გაბატონებულ კლასად, რომ ისინი წარმოების ორგანიზატორები არიან. სინამდვილეში ეს პროცესი პირუკუ ხდებოდა. წინასწარი ერთგვარი ეკონომიური დიფერენციაცია არის აუცილებელი პირობა საზოგადოებრივი ფუნქციების უზურპაციისა და საზოგადოებრივი მიწების მიტაცებისათვის. როსტომი უკვე ეკუთვნის, ეკონომიურად და სოციალურად, გაბატონების გზაზე დამდგარ ჯგუფს. სხვა არა იყოს რა, გარკვეული ეკონომიური საფუძველი სჭირია

როსტომისა და მისი რაზმელების სამხედრო თვისებათა (საუკეთესო. შეიარაღება, სამხედრო გაწვრთნილობა და სხვა) წინასწარ შემზადებას. ასევეა თეოკრატიის წარმოშობის შემთხვევაშიც. სხვებთან შედარებით, ეკონომიურად დაწინაურებული ჯგუფი, დიფერენციაციის გზაზე შემდგარ საზოგადოებაში, მონოპოლიურად ითვისებს ტაძრების სამსახურს, ტაძრების მამულების გამგეობას, იმდროინდელ ცოდნის მარაგს, რომელიც ქურუმთა ხელშია, და ამრიგად გზას იკაფავს თავისი საბოლოო კლასობრივი გაბატონებისაკენ.

ტაძრების მამულს გარდა, სათემო მიწებიდან გამოყოფილი არის ხოლმე აგრეთვე გვარის, თემის საერო (როგორც სამოქალაქო, ისე სამხედრო), სამოხელეო დაწესებულებათა საჭიროებებისათვის, სათანადო მიწის ნაკვეთები. XI საუკუნეში ბაგრატ IV ოპიზის მონასტერს სწირავს სოფელს და ამბობს: ... „თავსავე ჩემსა დავათმინე: ავიღე სამამასახლისოსისა სამსახურებლისა ჩუენისაგან ბარევანი სოფელი და მივეც ოპიზართა“ (საქ. სიძე. II, 4; პროფ. ივ. ჯაფარიძის შვილი, ქართ. სამართ. ისტ. I, 174), ე. ი. მე თვითონ მოვიკელი და ჩემი „სამამასახლისო სამსახურებლიდან“ სოფელი შევწირეო. რაძქმაუნდა, ეს მიწისმფლობელობა სულ სხვა ახალ ნიადაგზე იყო წარმოშობილი. მაგრამ თავისთავად ტერმინი ძველია და უდაოდ მიუთითებს იმაზე, რომ გვაროვნულ საზოგადოებაში არსებობდა გარკვეული მიწის ფონდი, რომელიც „მამასახლისის სამსახურის“ ასანაზღაურებლად იყო თემის მიერ გამოყოფილი. ასეთივე „სამსახურებელი“ მიკუთვნებული ჰქონდა სამხედრო ბელადს, „წინამძღვარს“ (შეადრ. ცხრაზმის ციხისთავის შესახებ ცნობა). ეს მიწები, რომელნიც თავდაპირველად „ერის“ საკუთრებას შეადგენდნენ, შემდეგ კერძო საკუთრებად იქცევიან, მიტაცების გზით.

ყოველივე თქმულის ნიადაგზე გასაგები უნდა გახდეს სტრატონისეული იბერიის საზოგადოების ხასიათი. ეს არის გარდამავალი ტიპის საზოგადოება იმიტომ, რომ მას ჯერ კიდევ გარკვეული და ჩამოყალიბებული საზოგადოებრივ-ეკონომიური ფორმაციის სახე არ მიუღია. აქ წარმოების სხვადასხვა წესები ებრძვიან ერთმანეთს. თავდაპირველმა დიფერენციაციამ მოგვცა გაბატონებული ჯგუფი ქურუმებისა, რომელნიც მონათმფლობელთა კლასს ეკუთვნიან და რომელთა პოლიტიკური ბატონობის ფორმაც თეოკრატიის ხასიათს ატარებს. მაგრამ წარმოების მონათმფლობელურ წესს, რომელიც წარმოადგენს

და ქურუმთა ბატონობის საფუძველს, არასოდეს არ მიუღია, როგორც ჩანს, ქართველ ტომებში ისეთი ფართო ხასიათი, რომ ის მთელი საზოგადოებრივი ცხოვრების საძირკველი გამხდარიყო. გვაროვნული საზოგადოების ერთმა ნაწილმა (მესამე გენე, „ერი“) დიდხანს, ფეოდალური ურთიერთობის საბოლოო გაბატონებამდე, შეინარჩუნა ერთგვარი ეკონომიური დამოუკიდებლობა და ნაწილი თავისი ძველი პოლიტიკური უფლებებისა; სუსტად და აქა-იქ ამ წრეშიც ვხვდებით მონის შრომის გამოყენებას, სოციალურსა და პოლიტიკურ სფეროში — გვაროვნული წყობილების ნაშთებს, მაგრამ ეკონომიურად მაინც ამ ფენის უმრავლესობა წვრილი მესაკუთრე-მწარმოებლებისაგან შედგება. ყველაზე გვიან ამ საზოგადოებაში ისახება ფეოდალური წესი წარმოებისა, რომელიც თანდათან უპირისპირდება მონათმფლობელურს. ყმის შრომის ექსპლოატაციას თავდაპირველად და ყველაზე ადრე „სეფე-სახლი“, სამეფო სახლი, ეწევა. მეფის ხელისუფლება დიდხანს ატარებს აქ თეოკრატიულ ხასიათს, რადგანაც მის (მონარქიის) სოციალურ დასაყრდენს ქურუმები წარმოადგენენ. მაგრამ აღნიშნულ ნიადაგზე უეჭველად უნდა ჩასახულიყო და განვითარებულიყო, ჯერ სუსტად; შემდეგ თანდათან სულ უფრო და უფრო ძლიერად, წინააღმდეგობა მეფესა და ქურუმებს შორის (ანალოგიურ პროცესს ჩვენ მრავალ ძველ ქვეყანაში ვხედავთ). ეს მით უფრო შესაძლებელი ხდებოდა, რომ ფეოდალური ურთიერთობა ისახებოდა და ვითარდებოდა იბერიის საზოგადოების ძირითად ფენაში, სტრატონის „მესამე გენეში“, ქართულ „ერში“. ამ „მესამე გენეს“, „ერის“, მთელი შემდეგდროინდელი ისტორია იმაში მდგომარეობს, რომ იგი სულ უფრო და უფრო მკვეთრად და შეურიგებლად იყოფა ორ ბანაკად: უმრავლესობა თანდათან ჰკარგავს თავის ძველს ძირითადს ქონებრივსა და სოციალურ-პოლიტიკურ უფლებებს და „მეოთხე გენეში“, „გლეხობაში“, გადადის (თავისი მდგომარეობის მიხედვით), უმცირესობა-კი ჰქმნის იმ კლასს, რომელსაც ჩვენ ფეოდალებს ვეძახით. ამ კლასს გარკვეული ურთიერთობა უჩნდება ძველს გაბატონებულ კლასთან — ქურუმებთან — და მეფესთან. ეს ურთიერთობა თანდათან იღებს მტრულ ხასიათს ქურუმთა მიმართ, ხოლო მონარქიისათვის იგი თავდაპირველი მსახურისა და მოკავშირიდან მთავარ სოციალურ საყრდენად იქცევა.

ასეთია ძირითადი ხაზი იბერიის საზოგადოების შემდეგდროინდელი განვითარებისა.



დასავლეთ საქართველოს შესახებ ჩვენ ნაკლები ცნობები მოგვეპოვება. მაგრამ აქაც, რაკი კლასობრივი საზოგადოების ისტორიის დასაწყისში თეოკრატიულ მომენტს ვხვდებით, განვითარება დაახლოებით მსგავსივე უნდა ყოფილიყო.

ეს ჩვენ მიერ აღნიშნული თეოკრატიული მომენტი საშუალებას გვაძლევს გავიგოთ მერმინდელი ფეოდალური საზოგადოების ზოგიერთი მოვლენა. შესაძლოა, მაგ., მის ნიადაგზე აიხსნებოდეს ის ფაქტი, რომ ძველი კახეთის სამთავროს მფლობელი საეკლესიო-იერარქიულს ტიტულს ატარებს (თუ რომ ეს ტიტული მართლაც „ქორეპისკოპოსი“-ა). შესაძლოა აგრეთვე მასვე უკავშირდებოდეს ის გარემოება, რომ ასალ კახეთის სამეფოში სამხედრო ოლქების, „სადროშოების“ სათავეში საეკლესიო პირები, ეპისკოპოსები, დგანან, და, უეკველია, აღნიშნული სათავედან მომდინარე ტრადიციების ნიადაგზე უნდა აიხსნებოდეს ის მნიშვნელობა, რომელიც ფეოდალის ფსიქო-იდეოლოგიურ სამყაროში უჭირავს სასაფლაოსა და კარის ეკლესიას. საილუსტრაციოდ იხ. სია სამცხის თავადებისა, რომელნიც მცხეთის კათალიკოსის სამწყსონი არიან. აქ ოცამდე დიდი გვარია ჩამოთვლილი და თვითთვის შესახებ სპეციალურად აღნიშნულია, რომ მას „სასაფლაო მონასტერი და კარის ეკლესია მოეპოვება“, ამ წესით: „სამძივარი მისითა სასაფლაოთა მონასტრითა და კარის ეკლესიითა“, „აბუსერისძენი სასაფლაოთა მონასტრითა და კარის ეკლესიითა“, „სპასალარნი სამით სასაფლაოთა მონასტრებითა და კარის ეკლესიითა“ და სხვ. ამ ტრადიციებს შესაძლოა გავლენა მოეხდინათ მონასტრების მერმინდელ ეკონომიურ როლზედაც. ყოველივე ამის შესახებ დაწვრილებით თავის ადვილას ვისაუბრებთ.

### ადრეული ფეოდალიზმი

ასეთი იყო მდგომარეობა პირველი საუკუნის პირველ ნახევარში ჩვენი წელთაღრიცხვის დაწყებამდე (ან, შესაძლოა, უფრო ადრეც). მერმინდელი განვითარების გასაგებად მნიშვნელოვანია იმდროინდელი პოლიტიკური ისტორიის ამბების გათვალისწინება.

ჩვეულებრივად საქართველოს პოლიტიკურ ისტორიას იწყებენ რომაელთა შემოსვლით ამიერ-კავკასიაში. ამის მიზეზი ის არის, რომ ამ დროიდან მოყოლებული, განსაკუთრებით მრავლდება ცნობები საქართველოს შესახებ ბერძნულ-რომაულ მწერლობაში, მაგრამ ჩვენ საშუალება გვაქვს ზოგადად მაინც წარმოვიდგინოთ უფრო ადრინდელი პოლიტიკური ვითარებაც.

თავი რომ დავანებოთ ქართულ ეროვნულ ტრადიციებს, რომელთა მიხედვითაც მცხეთის სამეფოს ჩამოყალიბება მეოთხე საუკუნის დასასრულზე მოდის (ამ ტრადიციებს ჯერ კიდევ კრიტიკული შესწავლა სჭირდება, თუმცა ისინი უეჭველად შეიცავენ ჭეშმარიტების ელემენტს. მაგ., ამ ქართული ცნობების სომხურთან შედარებით ირკვევა, რომ ეს ძველი იბერიის მეფეები ფარნავაზიანთა დინასტიას ეკუთვნოდნენ), — უაღრესად საყურადღებოა ბერძენი ისტორიკოსისა და გეოგრაფოსის აპოლოდორის (ცხოვრობდა II ს. ჩვენს ერამდე) ცნობა, რომ იბერიას სომხეთისაგან მდ. არაქსი სავლერავს. მასხადადამე, იბერია საკმაოდ ვრცელი სახელმწიფოა და, მასთან ერთად, ძლიერიც; როგორც ეს ჩანს რომაული ცნობებიდან, რომ წინათ იბერიელები არავის ემორჩილებოდნენო.

პირველი დიდი ზიანი მცხეთის სამეფოს მიაყენეს ანტიოქოზ დიდის სარდლებმა — არტაქსიამ და ზარიადრემ. — რომელთაც სომხეთის (არმენიის) სამეფოები დააარსეს და, კერძოდ, იბერიას წაართვეს სამხრეთი პროვინციები — პარიადრის მთის კალთები, ხორზენე და გოგარენე. ეს უნდა მომზდარიყო მეორე საუკუნის დამდეგს, ასე რომ აპოლოდორის ცნობა ამანე აღრინდელ ხანას ეკუთვნის.

კოლხეთის ძველი სამეფო, როგორც ჩანს, იბერიასთან შედარებით ადრე დასუსტებულა. მალე მან პოლიტიკური დამოუკიდებლობაც დაჰკარგა. ეს ამბავი პონტოს სამეფოს გაძლიერებასთან იყო დაკავშირებული. ამ სამეფოს, რომელსაც უკვე რამდენიმე საუკუნის არსებობის ისტორია ჰქონდა, ეჭირა მცირე აზიის ჩრდილო-აღმოსავლეთი ნაწილი (შავი ზღვის სამხრეთი სანაპიროები). განსაკუთრებულ სიძლიერეს პონტომ მითრიდატ ევპატორის მეფობაში (II—I სს. ჩვენი წელთაღრიცხვის დაწყებამდე) მიაღწია. მითრიდატმა თავის სამეფოს შემოუერთა მრავალი მეზობლად მდებარე თემი, მათ შორის შავი ზღვის მთელი კავკასიური სანაპირო და თვით ყირიმიც. ამრიგად, მითრიდატს დაუპყრია კოლხეთიც, მაშინ როცა იგი „განსაკუთრებით გაძლიერებულია“ (აღბათ პირველ საუკუნის დამდეგს ჩვენს ერამდე). მითრიდატს კოლხეთი თავის სამეფოს უშუალო ადმინისტრაციულ ერთეულად უქცევია: თავის „ნაცვლად“ (მოადგილედ) და ქვეყნის მმართველად იგი ყოველთვის გზავნიდა თურმე ერთ-ერთს თავის მეგობართაგანს (მათ შორის თავის დროზე სტრაბონის ერთი ნათესავიც ყოფილა). ასეთს განსაკუთრებულს ყურადღებას მითრიდატი.

ტყუილა-კი არ აქცევდა კოლხეთს: სტრაბონის მტკიცებით, მითრიდატი კოლხეთიდან იღებდა „უმთავრეს შემწეობას თავისი საზღვაო ძალებისათვის“. კოლხეთი მითრიდატის მფლობელობის ქვეშ დაახლოვებით ნახევარ საუკუნეს უნდა ყოფილიყო, ვიდრე არ დაემხო თვით მითრიდატი და მისი სამეფო და ვიდრე რომაელების ლეგიონებმა აქ გამარჯვების დროშა არ ააფრიალეს.

კოლხეთისათვის მომხდარი ამბები მხოლოდ მეზატონეების შეცვლას ნიშნავდა და არა გათავისუფლებას. რომაელთა გამარჯვება მნიშვნელოვანი იყო აღმოსავლეთ საქართველოსათვისაც და იგი უფრო დაწვრილებით უნდა განვიხილოთ.

საქართველოს სამხრეთით ამ დროს, პონტოს სამეფოს გარდა, კიდევ ორი დიდი სახელმწიფო არსებობს — სომხეთი და სპარსეთი (პართია). სომხეთიც სწორედ ამ ხანებში (პირველი საუკუნის პირველი ნახევარი ჩვენს ერამდე), ტიგრან დიდის მეფობაში, ისეთ ძლიერებას აღწევს, რომლის მსგავსიც მას შემდეგში არასოდეს არ უნახავს. მესამე დიდი სახელმწიფო, რომელიც საქართველოდან სამხრეთ-აღმოსავლეთით და სომხეთის უშუალო მეზობლად მდებარეობდა და რომელმაც მითრიდატისა და ტიგრანის სახელმწიფოებზე ღიღხანს შეინარჩუნა პოლიტიკური დამოუკიდებლობა და სიძლიერე, იყო პართია, სადაც არაჰაკიდების ცნობილი დინასტია მეფობდა.

ამ ქვეყნებს სამხრეთ-დასავლეთიდან თანდათან უახლოვდებოდა რომის მსოფლიო იმპერია. რომის მთავარი მოპირისპირე მხარე, წინა აზიის ტერიტორიაზე გაბმულ ეკონომიურსა და პოლიტიკურ ურთიერთობაში, იყო, რა თქმა უნდა, პართია, როგორც ეს შემდეგში უფრო ცხადად გამოჩნდება. მაგრამ იმ ხანაში, რომელსაც აქ ვეხებით, რომის მმართველი წრეების ყურადღებისა და ზრუნვის მთავარ საგანს წარმოადგენს პონტოს სამეფო, რომელიც სწრაფად ძლიერდება და აშკარად გამოდის რომის კონკურენტის როლში. ამ ბრძოლაში მითრიდატი ინიციატივის მთლიანად თავის ხელში ჩაგდებასაც კი ცდილობს. გარდა თავისი ტერიტორიის გაფართოებისა ჩრდილოეთისაკენ, რაც ზემოთ იყო აღნიშნული, მითრიდატი პოლიტიკურსა და სამხედრო კავშირს აბამს სომხეთსა და იბერიასთან და ინდენსაც-კი ახერხებს, რომ ბრძოლა თვით საბერძნეთის ტერიტორიაზე გადააქვს და იტალიაში შექრასაც ლამობს. ასეთ ვითარებას რომის სამხედრო ძალების მაქსიმალური დაქიმება უნდა გამოეწვია, მით უმეტეს რომ, როგორც რომის ისტორიის სპეციალისტები ამტკიცებენ, მითრიდა-

ტის მიერ შექმნილი მდგომარეობა იყო ერთი ძირითად მიზეზთაგანი რომში წარმოშობილი უსაშინელესი ეკონომიური კრიზისისა, რომელიც ძალუძად არყვედა გაბატონებული საზოგადოებრივი ფენების არსებობის პირობებს და ამწვაებდა კლასობრივ ურთიერთობას. მითრიდატის წინააღმდეგ ლაშქრობაში უშუალოდ იყო დაინტერესებული არმიაც, რომელიც ამ დროს წარმოადგენს დეკლასირებული ელემენტებისაგან [შემდგარ] დაქირავებულ მასას. თუ საზოგადოდ ძველ სამყაროში ომიანობის ერთი უძლიერესი სტიმულთაგანი ხარკი და ალაფია, მით უმეტეს რომის ხსენებული არმიისათვის საშოვრისადმი მისწრაფებას გარკვეული მიზნები უნდა დაესახა პონტოს სამეფოს მიმართულებით. სადაც უმდიდრესი ნადავლი და, უწინარეს ყოვლისა, თვით მითრიდატის საყოველთაოდ განთქმული განძები ყველას თვალწინ ეხატებოდა. თუ როგორი მნიშვნელობა ჰქონდა რომის არმიისათვის მცირე აზიაში ლაშქრობას, ჩანს იქიდან, რომ, როგორც წერს ვ. სერგეევი: „ყველაფერი, რასაც-კი შეეძლო რაიმე წინააღმდეგობა გაეწია (თვით რომში) გენერლისათვის, რომელსაც თავისი ჯარისკაცები მიჰყავდა მცირე აზიაში ადვილსა და გაუთავებელ საშოვარზე: შეუბრალებლად ნადგურდებოდა“. გაჩაღდა ბრძოლა, რომელმაც ოც წელზე მეტს გასტანა. ეს ხანგრძლივი ბრძოლა ბოლოსდაბოლოს მითრიდატის განადგურებით ვათავდა. მასთან ერთად დამარცხება იწვნის მითრიდატის მოკავშირეებმაც. ძლევამოსილი რომაელები ჯერ სომხეთში შევიდნენ, სადაც მითრიდატის სიძემ, მეფე ტიგრანმა, მუხლმოდრეკით თავისი სამეფო ნიშნები, სრული მორჩილების ნიშნად, ჩააბარა რომაელების სარდალს, ცნობილ პომპეუსს. ეხლა ჯერი მითრიდატის დანარჩენ მოკავშირეებზე იყო მიმდგარი. პირველ რიგში პომპეუსს, როგორც ჩანს, იბერია და კოლხეთი ჰქონდა მიზანში ამოღებული. აქეთკენ ლტოლვილ მითრიდატს მოსდევდა და აქეთკენვე მოითხოვდა გზის დანებებას ალბანელებისაგან სომხეთში დაბანაკებული პომპეუსი. ალბანელებმა ჯერ გზა მისცეს რომაელებს, მაგრამ შემდეგ თავს დაესხნენ მათ, რადგანაც რომაელების საბოლოო გამარჯვება მაინც, როგორც ჩანს, არაფრად ეპიტნაებოდათ და მომენტიც ხელსაყრელად მიაჩნდათ (პომპეუსს მათ ქვეყანაში ზამთარმა მოუსწრო). დამარცხებულმა ალბანელების მეფემ პატიება ითხოვა და მიიღო კიდევ. რომაელების სარდალმა ალბანელებთან ზავი შექკრა და იბერიისაკენ გასწია. ეს ქვეყანა თურმე უძლიველად ითვლებოდა. მცხოვრებნი რიცხვით ალბანელებს არ ჩამოუვარდებოდნენ, მეომრობით-კი მათ წააცილებდნენ კიდევაც. იბე-

რის მეფემ არტაგმა, რომელსაც ძალიან უნდოდა მითრიდატი-სათვის ესიამოვნებინა, რომაელებისათვის თვალის ახვევა სცადა. ზავის შესახებ მოლაპარაკება გამართა, ფარულად-კი სამხედრო სამზადისს აწარმოებდა. პომპეუსმა ეს ეშმაკობა შეუტყო, თვითონ დასწრება არჩია და თავს დაესხა. სასტიკი ბრძოლების შემდეგ, რომლებმაც თითქოს იბერიელების მხრით 9.000 მოკლული და 10.000 ტყვე კაცი იმსხვერპლეს, არტაგიც იძულებული შეიქნა მორჩილება ელიარებინა და შეესრულებინა რომაელების მთავარი საზავო პირობა: მძევლებად მიეცა მათთვის თავისი შვილები (გარემოება, რომელიც მიუთითებს არტაგის მონარქიულ უფლებებზე, როგორც უკვე აღნიშნული იყო თავის ადგილას). იბერიიდან პომპეუსი მდ. ფაზისით კოლხეთში ჩავიდა. აქ მას, როგორც ჩანს, დიდი წინააღმდეგობა არ შეხვედრია და ქვეყანა თავისთავად ზაბარებია გამარჯვებულებს.

პომპეუსის ლაშქრობა ამიერ-კავკასიაში მოხდა 65 წელს ჩვენს ერამდე, თითქმის სრული 2 ათასი წლის წინათ. რა მოუტანა მან ჩვენს ქვეყნებს?

პომპეუსი სხვადასხვანაირად მოექცა თავის მოწინააღმდეგეებს, იმისდა მიხედვით, თუ როგორს დამოკიდებულებაში იმყოფებოდნენ ისინი რომის მთავარ მტერთან, მითრიდატ ევპატორთან. მითრიდატის საკუთარ სამფლობელოს რომაელებმა ოკუპაცია უყვეს. სტრაბონი გადმოგვცემს, რომ მითრიდატი თავდაპირველად ფლობდა ტერიტორიას, რომელიც ისაზღვრებოდა მდ. ჰალისით ტიბარენებსა და სომხებამდე, და, გარდა ამისა, ჰალისის გამოღმა მოიცავდა პაფლაგონიის ზოგიერთ ნაწილებსა და სხვა ადგილებს ამასტრეამდე, რომ შემდეგში მითრიდატმა ამ თავის მიწა-წყალს მიუმატა სანაპირო ჰერაკლიამდე, ხოლო, მეორე მხრით, — კოლხეთსა და მცირე არმენიამდე (იგულისხმება, ამათის ჩართვით) და ეს ადგილებიც პონტოს შეუერთა. „პომპეუსმა — განაგრძობს სტრაბონი — დაამარცხა რა იგი [მითრიდატი], ხელთ იგდო [დაეუფლა] ეს ქვეყანა, აღწერილ [ასეთ] საზღვრებში მოქცეული. ადგილები არმენიასა და კოლხეთთან მან გაუყო თავის თანამოსაგრე დინასტებს“, დანარჩენი თემები-კი ბითინიას შეუერთაო.

ამრიგად, კოლხეთიც, როგორც მითრიდატის სამეფოს ნაწილი, რომაელების მიერ დაპყრობილ ქვეყნებს უნდა მივათვალოთ. და მართლაც, ამით აიხსნება ის გარემოება, რომ პომპეუსს კოლხეთში თავისი კაცი, ვინმე არისტარხი დაუდგენია მეფედ. ეს ამბავი, ჩანს, არ ნიშნავდა მითრიდატის ბატონობისაგან გან-

თავისუფლებული კოლხეთის აღდგენას ცალკე სამეფოს სახით, თუნდაც რომის ვასალობის პირობებში: არისტარხი ყოფილა არა მარტო კოლხების, არამედ ბოსფორელების მეფეც. შემდეგშიაც კოლხეთს მეზობელი ქვეყნების მფლობელთა (რომელნიც, უმეტესწილად, რომის ვასალები არიან) ხელში ვხვდავთ. 48 წ. ჩვენს ერამდე კოლხეთი ბოსფორის მეფეს ფარნაკს, მითრიდატ დიდის შვილს, დაუპყრია, შემდეგ-კი იგი პონტოს მეფეებს (ჯერ პოლემონს, უკანასკნელის სიკვდილის შემდეგ მის ქვრივს და პომპეუსის რჩეული მეგობრის, პითოდორის ასულს, პითოდორიდას) ეკუთვნოდა.

მითრიდატის მოკავშირეებს-კი რომაელები სხვარიგად მოექცნენ. აქ მფლობელი დინასტიები ხელუხლებლად იქნენ დატოვებულნი, რაც ამ ქვეყნებისათვის მეტს პოლიტიკურ დამოუკიდებლობას მოასწავებდა. სამაგიეროდ, ამ ქვეყნებს რომის „მეგობრობა“ (ფილია *filia*, ამიციცია *amicitia*) დაეკისრათ (თუმცა ზოგმა მათგანმა, მაგ. სომხეთმა, თავისი ტერიტორიის ნაწილიც დაჰკარგა). კერძოდ, იბერიის დამოკიდებულება რომისადმი მომდევნო საუკუნეებში გამოხატულია ყოველთვის ამ ტერმინით, რომელიც საესებით იძულებითი ხასიათის ურთიერთობას გულისხმობს, რაცა თუნდაც იქიდანა ჩანს, რომ ეს „ფილოკესარები“ და „ფილორომეები“, ე. ი. იმპერატორისა და რომაელთა მეგობრები, ზედისე აჯანყებას აწყობენ თავიანთი მაღალი „მეგობრების“ წინააღმდეგ. იბერიაში პომპეუსის ლაშქრობის მომდევნო წლებში რამდენიმე ასეთი აჯანყებაა ცნობილი. ბოლოსდაბოლოს. ეს ამბოხებები მარცხით თავდებოდა და „მეგობრობა“ ისევ აღდგენილი იყო ხოლმე. რაში მდგომარეობდა იგი?

თუ ერთდროულ ლაშქრობას შესაძლებელია მიზნად ალაფიც ჰქონოდა (სხვათა შორის, შენახულია ცნობა, რომ არტაგმა პომპეუსს „მიართვა ძღვნად“ ოქროს სარეცელი, მაგიდა და ტახტი, რაც იბერიის მეფის გარკვეულ ქონებრივ შეძლებაზე მიუთითებს), აღწერილს ესოდენ ხანგრძლივ ურთიერთობას, რათქმაუნდა, უფრო ღრმა მიზეზები უნდა ჰქონოდა. კერძოდ, იბერია რომ ავიღოთ, რომისა და „იბერიის“ „მეგობრობა“, წყაროების ენით თუ ვიტყვი, „სიმმაქიაში“ (σμμαχία) ე. ი. სამხედრო კავშირში გამოიხატებოდა, რომელსაც, რათქმაუნდა, ცალმხრივი ხასიათი ჰქონდა. იბერია იძულებით იყო მასში შებმული და სასიამოვნოსაც ამ კავშირში, როგორც უკვე ვამბობდით, ბევრს ვერაფერს ხელავ-

და. იბერიის ეს სამხედრო სამსახური რომის აღმოსავლეთი სანაპიროს სამხედრო ინტერესების დაკმაყოფილებისაკენ უნდა ყოფილიყო მიმართული, ზოგადად რომ ვთქვათ. კერძოდ, განსაკუთრებით მნიშვნელოვანი უნდა ყოფილიყო რომისთვის ჩრდილოეთისკენ გამყვანი გზების კონტროლი ადგილობრივი ძალების საშუალებით. აღნიშნულ გზებში ვგულისხმობთ კავკასიონის საულელტეხილო გარდასასვლელებს ანუ, ძველი ქართული ტერმინოლოგიით, „ზეკარებს“, რომელნიც მართლაც კარებს წარმოადგენდნენ (და ეხლაც წარმოადგენენ) იმათთვის, ვისაც ამ უზარმაზარი ბუნებრივი მასივების გადალახვა სურდათ.

იბერიის ტერიტორიაზე მდებარეობდა ერთი ყველაზე მნიშვნელოვანი ამ კართაგანი — დარიალის ხეობა. დასავლეთ საქართველოს ტერიტორიაზე მთავარი მნიშვნელობა ჰქონდათ დღევანდელ სამხედრო-ოსეთის გზას და, აფხაზეთში, იმ გადასასვლებს, რომელთაც კოდორის ხეობიდან მდ. ყუბანისა და მისი შენაკადების აუზებში გადაჰყავდათ.

გამოყენებული იყო აგრეთვე სვანეთის საულელტეხილო გზებიც და ზოგიერთი სხვა, რომელთაც ყველას ერთნაირი მნიშვნელობა არ ჰქონდათ იმდროინდელი ტექნიკის პირობებში, განსაკუთრებით როცა საქმე ეხებოდა დიდი მასების მოძრაობას. საქართველოს ფარგლებს გარეშე სხვა გზებიც არსებობდა. მათ შორის განსაკუთრებით ცნობილი იყო დარუბანდის ყელი (რომელიც უკვე აღარ იყო, საკუთრივ, „ზეკარი“, მაგრამ ჩინებული თვისებები ჰქონდა, როგორც გზას) და დასავლეთ კავკასიონის გადასასვლები.

ამ გზებს, ჯერ ერთი, დიდი სტრატეგიული მნიშვნელობა ჰქონდათ კავკასიონის სამხრეთით მდებარე ყველა სახელმწიფოსათვის.

ჩრდილოეთ-კავკასიის ვრცელი ტრამალები (ველები) წარმოადგენდნენ აგრეთვე მსოფლიო შარაგზას, რომელზედაც უძველესი, ისტორიისათვის ცნობილი დროებიდან მოყოლებული, განუწყვეტლივ მოძრაობდნენ ტომთა და ხალხთა დიდი მასები, რომელნიც ჩვეულებრივ აღმოსავლეთიდან დასავლეთისაკენ მიემართებოდნენ. სკვითები, სარმატები, ჰუნები, თურქები, ხაზარები, პაქანიგები, ყივჩაყები, მონღოლები და მრავალი სხვა ერთმანეთს ენაცვლებოდნენ ამ გზაზე და მორიგეობით ასვამდნენ თავიანთ ბეჭედს აქაურობას. თითქმის ყველა ეს ტომი მეჯოგე ტომი იყო, რომლისთვისაც თავდაპირველ სამშობლოს ცენტრალური აზია წარმოად-

გენდა. რადგანაც მეურნეობის ამ დარგისათვის „ფართო დაუსახ-  
ლებელი ადგილები მთავარ პირობას შეადგენს“ (მარქსი), ბუნებ-  
რივი გამრავლების შედეგად ეს ტომები ველარ ეტეოდნენ თავიანთ  
სამშობლოში და საძოვრებისა და ალაფის მაძიებელი ეთნიკური ტალ-  
ღების სახით ეფინებოდნენ მეზობელ ტერიტორიებს, სადაც, იშვია-  
თად, ზოგჯერ მეურნეობის გამოცვლასაც ახერხებდნენ, უმეტეს ნა-  
წილად-კი ისევ ისე მეჯოგეებად რჩებოდნენ, რომელნიც ბინადარი  
ხალხებისათვის სამეზობლოდ არასოდეს სასურველნი არ ყოფილან.  
ერთ-ერთი მთავარი სადგური ამ ტომებისათვის ჩრდილოეთ-კავკა-  
სიის მოხსენებული ტრიალი ველები იყო. აქედან ისინი კავკასიონის  
გადმოლახვასაც ახერხებდნენ აღნიშნული კარებით, ზოგჯერ ძალიან  
ღრმადაც იჭრებოდნენ სამხრეთის ქვეყნებში და ყველგან ცეცხლი და  
მახვილი მიჰქონდათ. ზოგჯერ მათ სპეციალურადაც იწვევდნენ,  
როგორც საუცხოო მემორებს, რომელნიც მზად იყვნენ ქირისათვის  
ყოველგვარი სამხედრო დავალება შეესრულებინათ. ცხადია, რომ  
ვის ხელშიაც ეს კარები იმყოფებოდა, ჩრდილოეთის ნომადების  
სამხრეთისაკენ მოძრაობაც მის ნება-სურვილზე ეკიდა. ამი-  
ტომვე უნდა ყოფილიყო ამ 'კარებით დაინტერესებული რომის  
მთავრობაც, რომელიც წინა აზიაში თავის მტკიცე დამკვიდრების  
საკითხს დიდ მნიშვნელობას ანიჭებდა. გარდა სამხედროსი, ამ  
გზებს სრულიად გარკვეული ეკონომიკური მნიშვნელობაც ჰქონ-  
დათ: არა მარტო იმ დროს, არამედ ბევრად უფრო ძველ ხანა-  
შიაც ისინი იმდროინდელი საქონლის გამტარებელი არხების როლს  
ასრულებდნენ.)

გასაგებია, რომ რომაელებს საქმის ამ მხარისათვისაც  
ყურადღება უნდა მიექციათ, მაგრამ განსაკუთრებულ მნიშვნელო-  
ბას რომის ინტერესთა სფეროში, რომელნიც ამ მხარეებისაკენ  
იყვნენ მიმართულნი, ჩვენ ვანიჭებთ მონათმფლობელთა საჭირო-  
ებებს. რომაელთა ვაბატონებული კლასების მეურნეობა, რომელიც  
მონის შრომის გამოყენებაზე იყო დამყარებული თითქმის მთლიან-  
ნად და რომელიც, „მუდმივ ზრდაში მყოფი, კატონის ღრვიდან  
მოყოლებული იმპერატორის ეპოქამდე, ეროვნულ სამეურნეო ფორ-  
მად იქცა“, საჭიროებდა მუდმივსა და, ამასთან ერთად, ან მეტად  
იაფს, ან სავსებით მუქთს წყაროს მონებისას.

„და რაც უფრო იზრდება თვით წარმოება, მით უფრო იზრ-  
დება მოთხოვნილება მონებზე და მისწრაფება შეიძინონ მონები  
რაც შეიძლება უფრო იაფად“. მონების ასეთ წყაროს წარმოად-  
გენდნენ ან პირდაპირი ომები, ან ისეთი მონათვაქრობის ბაზრები.



სადაც წერილი თარეშების, თავდასხმებისა და მოტაცება-დატყვევების გზით შექმნილი მონები (თავისუფლებას მოკლებული პირები) სასურველ დაბალ ფასებში ისყიდებოდნენ. რომის ეკონომიური და პოლიტიკური განვითარების მკვლევართა აზრით, მონათა მოპოვების საჭიროებით აიხსნება, სხვათა შორის, ის სანაპირო ომები, რომლებსაც აწარმოებდა რომის ჯერ რესპუბლიკა. შემდეგ იმპერია და რომლებსაც უნდა შეეფასოთ იმ დროისათვის საგრძნობად ქცეული ნაკლებობა მონებისა.

მაგრამ როცა ეს დიდი ომები, რომლებიც ქრონოლოგიურად რესპუბლიკის უკანასკნელ პერიოდზე და იმპერიის პირველ საუკუნეებზე მოდის, ნელდება და, ამრიგად, მონათა ეს პირდაპირი წყარო თანდათან უფრო და უფრო იშრიტება, — ვრცელდება მონათა მოპოვების მეორე საშუალება — ადამიანთა მოპარვა და მოტაცება. პირველი კეისრების — ავგუსტუსისა და ტიბერიუსის — დროს მონათა ნაკლებობა რომში განსაკუთრებით საგრძნობი ყოფილა. ამ ნიადაგზე განსაკუთრებით გამრავლებულა ადამიანთა — როგორც თავისუფალთა, ისე მონათა — მოტაცების შემთხვევები და ტიბერიუსი იძულებული გამხდარა გამოეცა განკარგულება, რათა ეწარმოებინათ იტალიის ყველა მონათსაღვომების შემოწმება მათში დაფარული მოპარული ადამიანების აღმოსაჩენად. ეს განკარგულება, ცხადია, მხოლოდ რომის მოქალაქეებს ესარჩლებოდა. თუ როგორი იყო რომაული ბიუროკრატიის დამოკიდებულება ამ მოვლენისადმი პროვინციაში, ქვემოთ ვნახავთ.

ჩვენ ვფიქრობთ, რომ მონების ასეთს, განსაკუთრებით მდიდარს, წყაროს წარმოადგენდა სარმატია (ე. ი. შავი ზღვისა და კავკასიონის ჩრდილოეთით მდებარე ვრცელი ქვეყანა) და მისი მიმდგომი ამიერ-კავკასია. კლასიკურ მწერალთა ცნობით, სარმატიაში ფართოდ იყო გავრცელებული მონობა და მონით ვაჭრობა. 49 წ. სარმატიის ქალაქმა (როგორც ჩანს, შედარებით უმნიშვნელომ და პატარამ) უსპამ, რომელსაც ალყა ჰქონდა შემოტყმული რომაელებისა და მათი მოკავშირეების მიერ, თავისუფალ მოქალაქეთა შეწყალების სანაცვლოდ ათი ათასი მონა შეაძლია რომაელებს. იმ მუდმივ ბაზართა შორის, რომელნიც მასობრივად აწვდიდნენ რომს მონებს (ქიოსი, ათენა, კუნძული დელოსი), ერთი პირველ ადგილთაგანი ეჭირა სწორედ სარმატიის უმთავრეს ქალაქს, ტანაისს, რომელიც მდ. დონის შესართავთან მდებარეობდა.

აქაური მონათეაქრობის შესახებ სტრაბონი, მაგ., გვამცნობს, რომ „ქალ. ტანაიდი [მდებარეობდა მდ. დონის შესართავთან] წარმოადგენდა [I საუკ. ჩვენს ერამდე] საერთო საბაზრო ადგილს აზიელი და ევროპელი ნომადებისა და ბოსფორიდან ტბით [აზოვის ზღვით] მოსულ პირთათვის. პირველთ. მოჰყავდათ მონები, მოჰქონდათ ტყავ-ბეწვეული და სხვა, ნომადებისათვის ჩვეული, საქონელი, ხოლო სხვებს სანაცვლოდ მიჰქონდათ სამოსი, ღვინო და სხვა საგნები, რომლებიც ცხოვრების ჩვენებურ წესს სჩვევია“. საქართველოს შესახებ ჩვენ მოგვეპოვება პირდაპირი ცნობა, მეექვსე საუკუნისა ჩვენი წელთაღრიცხვით, რომ დასავლეთ საქართველოს მთავარ საქეპორტო საგანს მონები შეადგენდნენ.

პირველი საუკუნისათვის ასეთი პირდაპირი ჩვენება, ჩვენს ქვეყანას რომ გულისხმობდეს, არ მოიპოვება, მაგრამ ვფიქრობთ, რომ ეს შემთხვევითი ამბავია. ამას სხვადასხვა არაპირდაპირი მოწმობაც გვარწმუნებს.

სტრაბონი ყირიმელების შესახებ, მაგ., ამბობს, რომ „რაკი ისინი ანგაარნი არიან და ზღვასთან ახლოს ცხოვრობენ. თავს არ იკავებენ ძარცვა-გლეჯისა და სხვა ასეთ ბოროტმოქმედებათაგან, რომელნიც უკანონო საშუალებებს წარმოადგენენ გამდიდრებისათვის“. კიდევ უფრო საინტერესოა ჩვენთვის სტრაბონისავე ცნობები შავი ზღვის აღმოსავლეთ (ნაწილობრივ თანამედროვე საქართველოს) სანაპიროს შესახებ, უფრო ზუსტად, ამ სანაპიროს იმ ნაწილის შესახებ, რომელიც მიახლოებით უდრის ტუათსის, სოჟისა და გაგრის რაიონებს. აქაური მცხოვრებნი (ახეები, ზიგები და ჰენიოხები) „ცხოვრობენ საზღვაო ძარცვა-გლეჯით, მეკობრეობით“, რისთვისაც მათ სათანადო ნაგები აქვთ, კამარებად წოდებული. „ამ თავიანთი კამარებით ისინი გადიან ზღვაში, თავს ესხმიან ხან საბარგო ხომალდებს, ხან რომელსამე ადგილს და ზოგჯერ ქალაქსაც-კი და, ამრიგად, ისინი ბატონობენ ზღვაზე“. ამ მეკობრეობის საგანი საერთოდ ნაღვლი იყო, განსაკუთრებით-კი, როგორც ჩანს, ტყევე. „უცხო ქვეყანაში... ისინი მალავენ ტყეებში თავიანთ კამარებს, თითონ-კი ქვეითად დაძრწიან დღე და ღამე, აღამიანთა ტყვედ მოტაცების მიზნით. მოტაცებულს ისინი ხალისით აძლევენ თავდახსნის საშუალებას, მისცემენ რა ცნობას და ზარალებულებს თავიანთი წასვლის შემდეგ“. ცხადია, იმ შემთხვევაში, როცა ქირისუფალს არ ჰქონდა შეძლება თავისი ტყვის დახსნისა და გამოსყიდვისა, დაკარგულ აღამიანს სხვაგან ელოდა

გაყიდვა. მაგრამ განსაკუთრებით საინტერესოა ამ ცნობის ის ადგილები, საიდანაც ჩანს, რომ რომაელები პირდაპირ აქეზებდნენ და ხელს უწყობდნენ ადამიანებზე მონადირე კავკასიელი პირატების ბელობას. „ზოგჯერ მათ ხელს უწყობენ ბოსფორის მფლობელები, რომელნიც აძლევენ მათ სადგომებს, ბაზარსა და ნაძარცვის გაყიდვის საშუალებას“. ბოსფორის მფლობელები ამ დროს რომის ვასალები არიან და მათი ეს პოლიტიკაც სიუჟერენის ინტერესებთან უნდა ყოფილიყო შეთანხმებული.

თვით ბოსფორის ბაზრების მთავარი მუშტრები (ვანსაკუთრებით, რათქმაუნდა, ცოცხალი საქონლის მიმართ) რომაელები იყვნენ. მაგრამ კიდევ უფრო საინტერესოა მომდევნო ცნობა. ამ პირატებისაგან უფრო დაცულნი არიან დამოუკიდებელი ქვეყნებიო, ამბობს სტრაბონი: „იმ ადგილებში, სადაც ადგილობრივი დინასტიები არიან, დაზარალებულნი კიდევ პოულობენ ერთგვარ შემწეობას თავიანთი მფლობელებისაგან. ხშირად ისინი თვით „ესხმიან თავს [მეკობრეებს] და ატყვევებენ კამარებსა და მათ ხალხს [ყაჩაღებს]. მაგრამ იმ ქვეყნებში, რომელნიც რომაელთა მმართველობის ქვეშ იმყოფებიან, მოსახლეობა უფრო უმწეოა იქ გაგზავნილ მმართველთა უზრუნველობის გამო“. ამ ქვეყანათა შორის, რათქმაუნდა, პირველ რაგში დასავლეთი საქართველოა ალბათ ნაგულისხმევი, და სავსებით ცხადია, თუ რას უნდა ნიშნავდეს აქაურ, რომის მიერ დადგენილ მმართველთა უზრუნველობა.

ასეთი იყო ის მიზეზები, რომელნიც საფუძველს აძლევდნენ რომის მთავრობას ყურადღებით ეზრუნა მტკიცედ დამკვიდრებისათვის ამიერ-კავკასიაში და, კერძოდ, საქართველოში. რომის მფლობელობის კონკრეტული ფორმა დამოკიდებული იყო ძალთა ადგილობრივს რეალურს განწყობილებაზე. თავდაპირველად ჩვენი ქვეყნების რომისგან დამოკიდებულება გამოიხატა, როგორც ვთქვით, იბერიისათვის „სიმამაქიაში“; იძულებით სამხედრო კავშირში, ხოლო კოლხეთისათვის — ვასალობაში. კოლხეთის ასეთ მდგომარეობას მოწინობს ის ფაქტი, რომ რომს დასავლეთ საქართველოში თავისი გარნიზონები ეყენა. ასე, მეორე საუკუნის დამდეგს რომაელთა ციხეჯანი ჯარი მდგარა ქ. ფაზისსა და ქ. სებასტოპოლში. შემდეგში ეს დამოკიდებულება იბერიისათვისაც ვითარდება მისი შემკიდრების მიმართულებით.

აქ დიდი როლი ითამაშა იმ გარემოებამაც, რომ რომის სუვერენიტეტს ამიერ-კავკასიაში საშიში მტერი უჩნდება სპარსეთის

სახით (ჯერ არშაკიდების, ხოლო 226 წლიდან, სასანიდების მფლობელობის ქვეშ). ვიდრე რომაელები მითრიდატ ევპატორსა და მის მოკავშირეებს ურტყამდნენ, არშაკიდებს ეს თავისთვის ხელსაყრელად და სასურველად მიაჩნდათ და თავისუფლად დაანებეს რომს პონტოს სამეფოს განადგურება, დიდი სომხეთის ჩამოყვანა პატარა სამეფოს მდგომარეობაზე და სხვა მოკავშირეების დასუსტება. მაგრამ მას შემდეგ, რაც რომი და პართია (არშაკიდების სამეფო) ერთმანეთის პირისპირ მარტონი, აღმოჩნდნენ და როდესაც რომმა საქვეყნოდ გამოამჟღავნა, რომ მისი მიზნები და ინტერესები წინა-აზიაში მარტო მოკავშირეების სამხედრო დამარცხებით არ ამოიწურებოდა და რომ მას საჭიროდ მიაჩნდა აქ ფეხის მტკიცედ მომაგრება და შემდგომი წინსვლა, — ამის შემდგომ, პირველი საუკუნის შუა წლებიდან მოყოლებული (ჩვენს ერამდე), ატყდა მრავალსაუკუნოვანი სამკვდრო-სასიცოცხლო ბრძოლა, რომელშიაც ორი მსოფლიო იმპერია პირველობისათვის ეცილებოდა ერთმანეთს. ბრძოლის ფრონტი გაჭიმული იყო კავკასიიდან სპარსეთის ყურემდე. ამრიგად, იგი ჩვენს ქვეყნებსაც სწვდებოდა, და, როგორც ვამბობდით, არშაკიდების ამოცანა იმაში მდგომარეობდა, რომ რომაელთა გავლენის სფეროდან გამოეგლიჯა ამიერკავკასიის ქვეყნები და სომხეთიც. თავდაპირველად უპირატესობა აშკარად რომის მხარეზე იყო. ეს უპირატესობა დაადასტურა რომისა და სპარსეთის საზავო ხელშეკრულებამ, რომელიც ნიზიბინში დაიდო 298 წელს და რომელიც, სხვათა შორის, ჩვენს ქვეყნებსაც გულისხმობდა. ამ აქტის მიხედვით, იბერიის მეფეს სამეფო ნიშნები რომაელებისაგან უნდა მიეღო (პროფ. ივ. ჯაფახიშვილი, ქართველი ერის ისტორია, ტ. I, მესამე გამოცემა, გვ. 256). ასეთი მოვალეობა ვასალიტეტის გარეგან გამოხატულებას წარმოადგენს და, მაშასადამე, რომს არა მარტო შეურჩენია თავისი გავლენა აღმოსავლეთ საქართველოზედაც (დასავლეთი მას კიდევ მკიდროდ ჰყავდა ჩაქერილი), არამედ იმისთვისაც მიუღწევია, რომ ძველი „მეგობრობა“ (იძულებითი სამხედრო კავშირი) ვასალურ (თუმც, საფიქრბელია, მეტად მსუბუქი ფორმის, როგორსაც ჩვენ მეზობელ სომხეთშიც ვხედავთ) დამოკიდებულებად უქცევია.

რათქმუნდა, ეს ვასალური დამოკიდებულება ნიზიბინის ზავის მიერ არ იყო შექმნილი. ნიზიბინის ზავს შეეძლო მხოლოდ დაედასტურებინა ის მდგომარეობა, რომელიც უკვე არსებობდა. მაგრამ თანდათანობით გამარჯვების სასწორი სპარსელებისაკენ იხრებოდა.

მაგრამ ჯერ ისევ შინაგან განვითარებას მიუბრუნდეთ. ამ სამ-ნახევარი საუკუნის განმავლობაში განვითარების მთავარ ფაქტორს შეადგენდა „მესამე გენეს“, „ერის“, შემდგომი დიფერენცია-ცია. აქ, როგორც ვნახეთ, უკვე I საუკუნის დამდეგს, ჩვენს. ერამდე, (და იქნებ უფრო ადრეც) ერთგვარი ბზარია გაჩენილი „მეომრებსა“ და „მიწისმოქმედთა“ შორის. ეს ბზარი ეკონომიურ ნიადაგზეა წარმოშობილი. იბერიის ლაშქარს, რომელიც მხოლოდ განსაკუთრებულს, — ომის, — შემთხვევაში იკრიბება (სტრაბონი ამბობს, რომ მხოლოდ მთიელებს შეეძლოთ ჯარში მრავალი ათეული ათასი მეომარი გამოეყვანათ, საერთოდ-კი იბერიის ჯარი თითქოს ალბანელებისაზე მცირე იყო, ხოლო ეს უკანასკნელი უდრიდა 60.000 ჰოპლიტსა და 22.000 ცხენოსანს).

მაშასადამე, იბერიის ლაშქრის რიცხვი 60—70 ათასამდე უნდა ვიანგარიშოთ. თავდაპირველად მას შეადგენს მთელი „ერი“, ე. ი. მესამე გენესში მოქცეული ნაშთი გვაროვნული საზოგადოებისა, მაგრამ რადგანაც, საფიქრებელია, შეიარაღება „ერის“ საკუთარ ხარჯზე ხდება, შეიარაღების ხარჯების განსაკუთრებული ზრდის შემთხვევაში, „ერის“ მცირედშემძლე წევრები მოკლებული ხდებიან ფაქტიურ შესაძლებლობას გაეიდნენ ჯარში. შეიარაღების გაძვირება დაკავშირებულია ლითონის (განსაკუთრებით, რკინის) იარაღის შემოღებასთან. კიდევ უფრო ძნელი მისაწვდომი ხდება იარაღი მაშინ, როცა მძხმე აბჯარი შემოდის: არა მარტო საკუთრივ საბრძოლო, არამედ მეომრის თავდასაცავი იარაღიც ლითონის სამოსი და თავსაბურავია.

ტყუილად-კი არ ითვლება ფეოდალური რაინდის მიუცილებელ გარეგან ნიშნად „ჯაჭვ-ჭური“ (მუზარადი, ჯაჭვის პერანგი და სხვა). განსაკუთრებით მნიშვნელოვანი იყო, როგორც ჩანს, თვით მეომრის შეიარაღებასთან ერთად, მისი ცხენის დაცვაც ლითონისაგან გაკეთებული განსაკუთრებული სამოსით.

ასეთი, მთლიანად ლითონში ჩამჯდარი მხედარი უძლევლად უნდა ყოფილიყო მიჩნეული მარტივად, ხმალ-მშვილდ-ისრით შეიარაღებული ქვეითისათვის.

ამასთან ერთად, თუ მოვიგონებთ, რომ იარაღი ყველაზე ადრე იქცევა კერძო საკუთრების საგნად და, რომ ის, როგორც მამაკაცის კერძო საკუთრების საგანი, მტკიცე მემკვიდრეობის (მამიდან შვილზე) განსაკუთრებით საყურადღებო და საზოგადოებრივ ობიექტია აგრეთვე, რაც მერმინდელ ფეოდალურ ადათსა და კანონშიც

მკაფიოდ ჩანს <sup>1</sup>, — კიდევ უფრო ცხადი გახდება, რომ იარაღს განსაკუთრებული სოციალური მნიშვნელობა უნდა ჰქონოდა და რომ იგი ხელს უწყობდა, როგორც უკვე მიღწეული, ისე ახალი, იარაღისავე საშუალებით მოპოვებული, პრივილეგიების დამკვიდრებას და განვითარებას ინდივიდუალისტური და კერძო მესაკუთრული მიმართულებით.

სტრაბონისავე ცნობების მიხედვით შეგვიძლია წარმოვიდგინოთ, თუ როგორი იყო კონკრეტული ტიპი შეიარაღებისა იბერიაში პირველი საუკუნის დამდეგს, ჩვენს ერამდე.

ალბანელების შესახებ ცნობილი გეოგრაფი გვიამბობს, რომ ისინი „ომობენ ოროლებითა და მშვილდ-ისრით და შექურვილნი არიან ჯავშნითა და ფარით, აგრეთვე ნადირის ტყავის მუზარადით, იბერების მსგავსად“. კიდევ უფრო საყურადღებოა სტრაბონის გეოგრაფიის მეორე ცნობა, რომელიც უმთავრესად იბერიის სამხრეთ მეზობელს, სომხეთს გულისხმობს. სტრაბონი ამბობს, რომ სისპირტილას (ცნობილი ძველი ქართული პროვინცია სპერი, თურქული ისპირი; აღებულ ხანაში სომხეთს ეკუთვნის) „აქვს მშვენიერი საძოვრები, რითაც იგი მიდიასაც არ ჩამოუვარდება, ისე რომ ნესაის ცხენებს, რომლებიც სპარსეთის მეფეს ემსახურებოდნენ, აქაც აშენებენ... მეორე მხრით, არტავაზდმა [იგულისხმება სომხეთის მეფე, ტიგრანის შვილი. ს. ჯ.] გამოიყვანა ანტონისთან, როდესაც მასთან ერთად მილიაში შევი-

<sup>1</sup> ბექასა და ალბულას კანონებით, ქალის დაქვრივების შემთხვევაში მნიშვნევი ქალს ან მის მშობელს ეკუთვნოდა, მხოლოდ აბჯარი უთუოდ ვაჟს უნდა დარჩენოდა: თუო ქალი „შვილოსანი დაქვრივდეს, აბჯარი შეიღთა მართებს და სასაქონლო დიაცსა“... „გულბთა ესე ქნან: ყოფილა-ცა რომე-თუ დიაცი უშვილო მოკვდეს, ზითევი ნახევარი სულისა საურაეად გაუშვან და ნახევარი-ლა სამშობლოს მართებს. და თუ ქალი დარჩეს — მას მართებს აქვნდეს; ვინცა გაზარდოს და გაათხოვოს — მას მართებს და აქვნდეს და მან ჯაატანოს; და თუ ვაეიცა დარჩეს, აბჯარი ვაჟსა და საქონელი — ქალსავე“. ამრიგად, აბჯარი უთუოდ ვაჟებს უნდა დარჩენოდათ, მაგრამ, როგორც საეკებით ინდივიდუალური საკუთრების საგანი, მანას თავისი იარაღი შეიძლო, რომელიც უნდოდა, იმ ვაჟისათვის მიეცა. როცა მე-16 საუკუნეში ბარათაანთ დიდი გვარი იყრებოდა, შემკვრადრეებს დავა აუტყდათ მამისეული იარაღის გამო და გამოყოფისათვის დამსხდარმა შუა კაცებმა ასეთი სამართალი გააჩინეს მოცემული კახუის შესახებ „მამისა მათისა აბჯარზედა ირჩოდეს და გერმანოზ ასე ისარჩლა: მამამან ჩემმან მისსა სიცოცხლესა შიგა მე მომცაო. ამისი ასრე გუვაჩინეთ: თუ გერმანოზ მოწამე იზოვოს და შეაფიცოს ასრე, რომე მამასა მათსა აბჯარი და აბჯრისა იარაღი გერმანოზისთუის და ანუ უმტროსისა ძმისათუის მიეცეს, თუ შეიფიცოს — სხენა ძმანი ნულარა სთხოვენ. და თუ ვერ შეიფიცოს — მამისა მათისა ეული არას და ისიცა ძმურად გაიყონ“.

და, ცხენოსან ჯარს გარდა, კიდევ ექვსი ათასი შეჯავშნული ცხენი. ასეთი ცხენოსანი ჯარის მოყვარულნი არიან არა მარტო მიდიელები და სომხები, არამედ აგრეთვე ალბანელები, ამიტომ რომ ისინიც ხმარობენ „შეჯავშნულ ცხენებს“.

ღრმად საინტერესო ცნობაა! ექვსი ათასი მძიმედ შეიარაღებული მეომარი, შეჯავშნულ ცხენზე ამხედრებული, გარდა ჩვეულებრივი ცხენოსანი ჯარისა, — ეს სურათი მაშინვე მიგვითითებს იმ საზოგადოების სოციალურ სტრუქტურაზე, რომელსაც იგი განეკუთვნება.

აქ საყურადღებოა განსაკუთრებული ჩვენება, რომ შეჯავშნულ ცხენებს ალბანიაშიც ხმარობდნენ. ჩვენ სრული უფლება გვაქვს სომხეთიდან და ალვანიიდან ეს დაწესებულება იბერიაშიც გადავიტანოთ. თავის ადგილას უკვე ვამბობდით, თუ რამდენი ანალოგიური მომენტია ამ ქვეყნების განვითარებაში. ისიც ვიცით, რომ საწარმოო ძალთა განვითარების მხრივ იბერია ალბანიაზე შორს წინ იდგა და უფრო სომხეთს უსწორდებოდა, ხოლო საწარმოო ძალთა განვითარება განსაკუთრებით ადრე სწორედ ჯარის ორგანიზაციაში იჩენს თავს.

„ომი უფრო ადრე ჩამოყალიბდა, ვიდრე მშვიდობიანობა; [განსამარტებელი] ის წესი, თუ როგორ განვითარდა ზოგი ეკონომიური ურთიერთობა, როგორცაა დაქირავებული შრომა, მანქანები და სხვა, უფრო ადრე ომის გზითა და ლაშქარში, ვიდრე ბურჟუაზიულ საზოგადოების წიგნით.

აგრეთვე დამოკიდებულება საწარმოო ძალებსა და მიმოსვლამიმოწიდვის საშუალებებს შორის განსაკუთრებით თვალსაჩინოა ლაშქარში“ (მარქსი).

ასეთი მძიმედ შეიარაღებული ძველი ქართველი მეომრისაგან აქვს გადმოწერილი ჰაგიოგრაფის ის აღწერილობა, რომელიც მას სურს არმაზის კერპის სურათად წარმოგვიდგინოს: „დგა კაცი ერთი სპილენძისაი და ტანსა მისსა ეცვა ჯაჭვი ოქროისაი და ჩაფხუტი ოქროისაი და სამაარნი ესხნეს ფრცხილი და ბივრტი და ხელსა მისსა აქვნდა ხრმალი ლესული“. რათქმაუნდა, ეს ცნობა რანდენიმე საუკუნით გვიანდელია იმ ეპოქასთან შედარებით, რომელსაც აქ ვიხილავთ, მაგრამ, როგორც ვნახეთ, მსგავსი საომარი იარაღი ბევრად ადრე შემოდის. არის სხვა მოსაზრებებიც, რომლებიც ამასვე გვარწმუნებენ. მაგრამ აქ მათზე ვერ შევჩერდებით.

შეჯავშნული ცხენის შესახებ აგრეთვე საყურადღებო ცნობები მოიპოვება ძველ ქართულ მწერლობაში. ვახტანგ გორგასლის შესახებ, მაგ., მემატიანე ამბობს, რომ ერთ-ერთ ბრძოლაში მეფე „აღჯდა ტაიქსა, შექურვილსა ჯავშნითა, და ალილო ფარი მისი ვიგრის ტყავისა, რომელსა ვერა ჰკვეთდა მახვილი“. სპეციალური ტერმინიც არსებობდა ძველ ქართულში, „თოროსანი ცხენი“, რომელიც სწორედ ასეთს, ჯავშნიან ცხენს გულისხმობს. ამ ტერმინს უკვე იგივე ვახტანგის მემატიანე იცნობს. მისი ტექსტის სხვა ადგილებიდან, თუ ტერმინის ასეთ მნიშვნელობას გავითვალისწინებთ; ცხადი გახდება, რომ მეხუთე საუკუნის ქართლში არსებობდა განსაკუთრებული რაზმი ჯავშნიანი ცხენოსნებისა და რომ ჯარისა და სამხედრო საქმის ორგანიზაცია საოცრად მოგვაგონებს იმ პირობებს, რომელნიც ამ მხრივ სტრაბონის დროინდელ სომხეთში (და, მაშასადამე, იბერიაშიც) არის საგულისხმებელი. ოსეთს სალაშქროდ წასული გორგასლის სპა, ე. ი. ჯარი ასეა აქ აღწერილი: „სპანი იგი წარმოემართნეს განმზადებულნი; ცხენ-თოროსანნი და ჯაქვ-ჩაბალახოსანნი წინათ კერძო [ე. ი. წინა მხარეს] და მათსა უკანით ქვეითნი, და ქვეითთა უკანით — სიმრავლე მხედართა, და ესრეთ მიჰმართეს. ხოლო ოვსნი წარმოდგეს ქარაფსა ზედა [ე. ი. კლდეზე] და დაასხეს ისარი, ვითარცა წვიმა მძაფრი. მაშინ მეფე ვახტანგ მოქცეულ იყო სპასსა მისსა ზურგით, რჩეულითა მხედრობითა, უზახებდა, განაძლიერებდა, ნუგეშინისცემდა სპათა მისთა. მაშინ წინათ ცხენ-თოროსანთა აღვლეს გზა ქარაფისა, აღხდეს ვაკესა და აღუდგეს უკან ქვეითნი და შემდგომ — სიმრავლე მხედართა, და იქმნა ბრძოლა ძლიერი მათ შორის“.

მაშასადამე, ქართლის ჯარი შესდგება ქვეითობისა, ჩვეულებრივი მხედრობისა, სპეციალური სამხედრო ნაწილისა, რომელსაც ჯავშნიანი ცხენები ჰყავს, და დასასრულ რჩეული მხედრების, ალბათ მცირე რაზმისაგან, რომელიც, როგორც ჩანს, მეფის მცველია. ბრძოლის პროცესში ჯავშნიანი ცხენოსნები ავანგარდს შეადგენენ, მათ უკან ქვეითობა დგას, არიერგარდში-კი ჩვეულებრივი მხედრობაა. ცხადია, თუ რამდენად განვითარებულ საწარმოო ძალებსა და სოციალურ დიფერენციაციას გულისხმობს ჯარის ორგანიზაციის ეს ტიპი.

მოტანილი ფაქტების სინათლეზე ეხლა ჩვენთვის გასაგები უნდა იყოს ნამდვილი მნიშვნელობა ქსნის ერისთავების ანალიზის ცნობისა, რომ, როდესაც ჩვენთვის უკვე ნაცნობს როსტომ



ბიბილურს მეფემ ერისთაობა უწყალობა, ამასთან ერთად უბოძა სათანადო გარეგნული ნიშნებიც: ... „შემოსა სამოსლითა მით, რომელ ემოსა მაშინ მეფესა, და შეაცვა ბეჭედი და საყურე და სარტყელი თვისი, საქურველი და ცხენი თოროსანი, დროშა და შუბი“-ო.

მაშასადამე, ერისთავს დანარჩენი მასისგან განასხვავებდა, გარეგნულ ნიშანთა შორის, განსაკუთრებული იარაღი, საქურველი, დროშა, შუბი და აგრეთვე თოროსანი, ჯავშნიანი ცხენი.

იბერიის მეფეს, აღწერელ „სახალხო“ ლაშქარს გარდა, რომელიც, როგორც ვთქვით, თავდაპირველად მხოლოდ განსაკუთრებულ შემთხვევებში იკრიბება, რათქმაუნდა, ჰყავს სპეციალური რაზმი, უფრო მუდმივი ხასიათისა. წინააღმდეგ შემთხვევაში მისი უფლება ჰაერში იქნებოდა გამოკიდებული. ვისგან შესდგება ეს რაზმი? კონკრეტული ცნობა ამის შესახებ შენახული არ არის. შეიძლება ვიფიქროთ, რომ აქ ნაწილობრივ მონებიც არიან. მონები პართიის სამეფო ჯარში მნიშვნელოვან კონტინგენტს შეადგენდნენ.

მოვიგონოთ აგრეთვე როსტომ ბიბილურის რაზმის შემადგენლობა. „ო ვ ს ე ა : ი დ ა ნ“ გადმოხვეწილნი დვალეთში მოდიან ძმები „როსტომ, ბიბილა, წითლოსან და ძენი მათნი, სამეოცდაათითა მონითა, კეთილითა“. შემდეგ დვალთაც თავიანთ ქვეყანაში მათი ყოფნა აღარ ჰსურთ და როსტომს და მის ძმებს აძევენ: „ალიყვანეს და მოასხნეს ხევსა ისროლისასა, ნაკათოვანს, როსტომ და ყოველნი ძმანი და მონანი მისნი“. აქ როსტომი ცხრაზმისხვევლებს ჰშველის გრუვის ციხის აღებაში: „მაშინ მივიდა როსტომ ძმითა და სამეოცდაათითა მონითა და წარუძღვა წინა ვითარცა ლომი ზახილითა და ვითარცა ვეფხვი სიფიცხითა, ვითარცა ჯიქი სიმხნითა“. მაშასადამე, თვით ოჯახის წევრებს გარდა, როსტომის რაზმი მხოლოდ მონებისაგან, „კეთილი“ (= კარგი, ვარგებელი) მონებისაგან იყო შემდგარი.

ამ მონათაგან ზოგი, შესაძლოა, გააზატებულიც ყოფილიყო და მეფის კარზე უბრალო რაზმელის თანამდებობაზე ზევით დაწინაურებულიყო. მაგრამ, გარდა ამისა, მეფის რაზმში, უქვევლია, იმთავითვე თავისუფალნიც იქნებოდნენ. თუ ისევ ბიბილურთა გაერისთავების ეპიზოდს მივმართავთ საანალოგიოდ, ეს პირნი იმ კატეგორიას ეკუთვნიან, საიდანაც გამოსული არის ლარგვისის მამასახლისი, გუგაკ ხუციანდაბისძე. მთავარი დასაყრდენი როსტომისა მის შემდგომ კარიერაში. ესენი „ერისგანნი“, მესამე გენეს

წევრები, არიან; ეკონომიური დიფერენციაციის შედეგად მათ უკვე თავის სოციალურ წრეშიაც გარკვეული აღწევებისათვის მიულწევიათ. ასეთ პირებს შესაძლოა ექიროთ როგორც სამხედრო, ისე საერო სახელმწიფო თანამდებობანი. რაც უფრო მეტად იტვირთებიან ისინი აქ, მით უფრო და უფრო მკვეთრად ეთიშებიან საკუთარ სოციალურ გარემოს. რაც უფრო მეტად იტვირთებიან ისინი სამხედრო და სახელმწიფო სამსახურში, მით უფრო და უფრო მეტად ცდილობენ ისინი საკუთარი მეურნეობის გაძლოლისა და მოვლის ტვირთი სხვას გადააკისრონ. ასე იქმნება სრულად გარკვეული სოციალურ-ეკონომიური ურთიერთობა.

ამ სამეფო გვარდიას საკუთარი სახელწოდებაც უნდა ჰქონოდა, მაგრამ ამის შესახებ ჩვენ სხვა ადგილას ვისაუბრებთ.

ჩვენ მოკლებულნი ვართ საშუალებას, წყაროების მდგომარეობის მიხედვით, სასურველი სისრულით გავითვალისწინოთ შემდგომი პროცესი „ერის“ დიფერენციაციისა და მისგან პროფესიონალი მეომრების, რომელთაც სათანადო საზოგადოებრივი და ეკონომიური მდგომარეობა აქვთ, ცალკე წრედ გამოყოფისა. მაგრამ კანტიკუნტად მაინც ჩნდება გარკვეული ცნობები, რომლებიც ყოველმხრივ უნდა ჩქან გამოყენებული.

ჯერ ამ განვითარების პირობების შესახებ. რომაელთა შემოსვლას ჩვენში შექველად უნდა დაეჩქარებინა ეს პროცესი. რომაელებს თან მოჰყვათ და ნაწილობრივ თვით მათ მოიტანეს ბევრად უფრო შფოთიანი (სოციალურად) დრო, ბევრად უფრო დაქიმული, საომარი მოქმედებითა და სამხედრო საჭიროებებით საესე, ხანა, ვიდრე ეს იყო მანამ (რამდენადაც ასეთი დასკვნის გაკეთების უფლებას გვაძლევენ მოღწეული წყაროები). ომიანობა, რათქმაუნდა, წინათაც იყო, მაგრამ ეს უნდა ყოფილიყო ადგილობრივი თავდასმები, წერტილი თარეშები და სხვა. ეხლა-კი უკვე მსოფლიო მასშტაბის ბრძოლები წარმოებს. სასტიკი ბრძოლები მითრიდატსა და მის მოკავშირეებთან, შემდეგ ამტყდარი მრავალსაუკუნოვანი სამკედრო-სასიცოცხლო ომი რომაელებსა და სპარსელებს შორის, რომელიც სულ უფრო და უფრო ითრევეს თავის სფეროში ამიერ-კავკასიასაც, რომაელთა მუდმივი სამხედრო საზრუნავი ჩრდილოეთ საზღვრებზე, თვით ადგილობრივი თავდასმებისა და თარეშების ახალი ხასიათი და მიმართულება (ამის შესახებ ქვემოთ), — ყოველივე ამას არ შეიძლებოდა თავისი დალი არ დაეჩნია აქაური ცხოვრებისათვის. მოვიგონოთ თუნდაც თავის ადგილას აღწერილი ბრძოლა სომხეთისათვის I ს-ში, ქ. შ.,

რომელშიაც იბერიის სამეფო დინასტია სომხეთის ტახტის პრეტენდენტად გამოადის. ბევრი რამეა ამ ეპიზოდში საგულისხმო. ასეთი მოვლენები იწვევდნენ სახელმწიფო და საწინდრო აპარატის გართულებას, მონარქიის გაძლიერებასა და მისი ხასიათის შეცვლას სამხედრო-ბიუროკრატიული მიმართულებით და იმ ახალი სოციალური ძალების ზრდას, რომლებსაც უნდა დაეყრდნოს სამხედრო-სამოსხელეო მონარქია.

მაგრამ ომს არ შეუძლია არაფრისგან ახალი საზოგადოებრივი ურთიერთობა შექმნას. ქართული ფეოდალიზმის დეკადანსის ეპოქაში ბრძოლა და თარეში უფრო უხვდაც არის მოცემული, მაგრამ ეს უკანასკნელი კაპიტალიზმის წყარო-კი არ არის. — იგი კიდევ უფრო ანიავებს ქვეყნის საწარმოო ძალებს და კიდევ უფრო აგვიანებს ახალი ეკონომიური ეპოქის დადგომას. საჭირო იყო შინაგანი პირობების მომწიფება, რომ ეს გარეგანი ფაქტორები წინააღმდეგობრივი სტიმულის როლში გამოსულიყვნენ.

ყოველგვარ კლასობრივ სტრუქტურას საფუძვლად შრომის საზოგადოებრივი განაწილება უძევს. ახალი სოციალური კლასების წარმოშობის ფესვებიც ამ სფეროში უნდა ვეძიოთ.

შრომის საზოგადოებრივი განაწილების ძველი წესის ნიადაგზე თეოკრატიული საზოგადოება და სახელმწიფო წარმოიშვა, საკუთარ სამეურნეო პირობებში (ჩვენ ვფიქრობთ, რომ ეს იყო ბაღდადის კულტურა, რომელიც ზოგიერთი საწარმოო ძალის გამოყენების დარგში საზოგადოებრივ კონტროლს მოითხოვდა). შესაძლოა, რომ ამ წყობილების წარმოშობა საქართველოს ტერიტორიის გარეთ ვიგულისხმოთ. საქართველოს მიწა-წყალზე დასკვიდრების შემდეგ მეურნეობის ხასიათი უნდა შეცვლილიყო. თანდათანობით (ეს განსაკუთრებით აღმოსავლეთ საქართველოზე ითქმის) ვითარდება მიწისმოქმედება, მემინდვრეობის მიმართულებით. ვრცელდება, ჩანს, უფრო ფართოდ, ვიდრე ეს იყო მანამდე, პურეული კულტურები. ზოგიერთი რაიონისათვის განსაკუთრებულ გავრცელებას პოულობს მესაქონლეობა. სოფლის მეურნეობაში განსაკუთრებული მნიშვნელობა უნდა ჰქონოდა მევენახეობისა და მეღვინეობის განვითარებას. ენახსა და ღვინოს ქართველი ტომები, საფიქრებელია, თავის ძველ სამშობლოშიც იცნობდნენ. მაგრამ განსაკუთრებული წონა მეურნეობაში მევენახეობას ახალ ტერიტორიაზე დასკვიდრების შემდეგ უნდა მიეღო (ამის შესახებ სპეციალურ ნარკვევში ვისაუბრებთ). მევენახეობას ამ დროს საქართველოს მეზობლად მდებარე მრავალ

ქვეყანაში მისდევენ, თუმცა საწარმოო ძალთა განვითარების საერთო დონის მიხედვით თვით მევენახეობის კულტურაც აქ სხვადასხვა სიმაღლეზეა ასული. აღმოსავლეთი საქართველო ამ მხრივ, საფიქრებელია, უფრო ახლო იდგა ბოსფორთან (ყირიმში), ვიდრე ალბანიასთან, რომლის შესახებაც ზემოთ ვსაუბრობდით. ბოსფორში-კი ეს კულტურა საკმაოდ მაღალ საფეხურზე იყო ასული. ჩვენ ნამდვილად ვიცით, რომ აქ ვაზს საზამთროდ მიწაში ფლავენ (მაშასადამე, ვენახი დაბლარია). ღვინოს ბოსფორელებისათვის სამრეწველო მნიშვნელობა ჰქონდა. ქალ. ტანაიდში, რომელიც მდ. დონის შესართავთან მდებარეობდა და რომელიც პანტიკაპეას შემდგომ ყველაზე დიდი სავაჭრო-საბაზრო პუნქტი იყო „ბარბაროსებისათვის“, ღვინო გაცვლა-გამოცვლის ერთი ყველაზე მნიშვნელოვანი საქონელთაგანი იყო: თუ აზიელი (მაშასადამე, ჩრდილოეთ-კავკასიის) და ევროპელი ნომადები აწოდებდნენ ამ ბაზარს მონებს, ტყავ-ბეწვეულსა და სხვას, მათი მეურნეობის პროდუქტს, ბოსფორიდან ზღვით მოსულ ხალხებს მოჰქონდათ აქ თურმე სამოსი, ღვინო და სხვა მსგავსი საქონელი. საეკვაო, რომ სამოსს დიდი გასავალი ჰქონოდა მომთაბარე და მეჯოგე ტომებში. უფრო ხარბად ისინი ალბათ სწორედ ღვინოს ეტანებოდნენ. მაგრამ ამ ღვინის მუშტარ ტომებს სამხრეთიდან სწორედ საქართველო (კერძოდ და პირველ რიგში — იბერია) ეკრა. ამიტომ სრულიად ბუნებრივია მივიღოთ, რომ მათ ღვინო ქართველ (კერძოდ — იბერიის) ტომთაგანაც შეეძლოთ შეეძინათ. იბერიასთან სარმატიას ისეთი ჩინებული გზა აკავშირებდა, როგორცაა დარიალის ხეობა. მაშასადამე, იბერიისთვისაც ამ დროს უკვე მელვინობას სამრეწველო მნიშვნელობა შეიძლება ჰქონდეს.

შესაბამისად, თვით კულტურაც (აქ ყოველთვის, უწინარეს ყოვლისა, იბერიას ვგულისხმობთ) შედარებით მაღალი უნდა იყოს. ვენახი იბერიაში დაბლარია, ჩანს (სტრაბონის შენიშვნები ალბანური ვენახების მდგომარეობის შესახებ ალბათ აგრეთვე დაბლარს გულისხმობენ).

რაკი მელვინობას სამრეწველო ხასიათი შეიძლებოდა ჰქონოდა, სათანადო მეურნეობანიც უნდა გაჩენილიყვნენ. შესაძლებელია, ტაძრებსაც დაემზადებინათ ღვინო ბაზრისათვის. გარდა ამისა, აქ კერძო პირთა ინიციატივაც საგულეებელია. მოთხოვნის ზრდას ამ საქონელზე სათანადო მეურნეობათა გაფართოების ცდა უნდა გამოეწვია და, შესაბამისად, საჭირო მუშახელის საკითხიც უნდა გაეჩინა.

ბუნებრივია, რომ თავდაპირველად აქ მონის შრომა გამო-  
ყენებინათ. და სწორედ ამ მეურნეობის სფეროში შეიძლება მო-  
ნათმფლობელური წარმოების წესის თავისებურებას დავაკვირდეთ.  
ეს კულტურა იმდენად რენტაბელურია, რომ მონი შრომას შეუძ-  
ლია აქ თავის თავი გაამართლოს ეკონომიურად. მაგრამ ეს იმ  
აუცილებელი პირობით, რომ მონის შრომა აქ გამოყენებულია მეურ-  
ნეობის პატრონის უმეფეო მეთვალყურეობის პირობებში. მაგრამ,  
ამასთან ერთად, ვაზი იმდენად სათუთი მცენარეა, რომ ამ მეთვალ-  
ყურეობის შესუსტების შემთხვევაში იგი მონის თავისადმი დამო-  
კიდებულებას ვერ აიტანს. როცა მეურნეობის მესაკუთრე იძულე-  
ბულია უფრო ხანგრძლივად მოსწყდეს თავის მეურნეობას, ეს გა-  
რემოება უფრო მკაფიოდ იჩენს თავს. საჭირო ხდება წარმოების  
ახალ წესზე მოწყობა. აქ იბადება ეკონომიური შესაძლოება მონის  
შრომის შეცვლისა ყმის შრომით.

რომაელთა შემოსვლას საერთოდ უნდა გაეფართოებინა სა-  
ქართველოში სააღმშენებლო ბრუნვის წრე. ეს სრულიად არ ეწი-  
ნააღმდეგება ჩვენს მიერ ზემოთ თქმულს ამ ეპოქის ომიანი ხასია-  
თის შესახებ: ომი და ვაჭრობა ამ დროს მჭიდროდ არის დაკავ-  
შირებული, და კონკრეტული მდგომარეობის შესახებ ჩვენ კონკრე-  
ტული მასალების მიხედვით უნდა ვიმსჯელოთ.

ამ მხრივ საყურადღებოა რომაული ფულის ტრიალის ფაქ-  
ტები ჩვენში. პირველი საუკუნის დამლევებიდან (ჩვენს ერამდე) ამიერ-  
კავკასიაში შემოაქვთ რომაული დინარი (კერძოდ, ავგუსტოსის ფული)  
აუარებელი რაოდენობით. სპეციალისტების მტკიცებით, როგორც  
აღმოსავლეთ, ისე დასავლეთ საქართველოში კუთხე არ მო-  
იპოვება ისეთი, სადაც ეს რომაული მონეტა ნაპოვნი არ იყვის.  
შემდეგში მოთხოვნილება ფულის ნიშნებზე იმდენად იზრდება,  
რომ მას ვეღარ აკმაყოფილებს მათი გარედან შემოსული მასა  
და, ისევე როგორც ძველად თავის დროზე, ადგილობრივად  
სჭირად ფულს რომაული დედნის მიბაძვით.

შემდეგში თვით ეს მინაბაძი იქცევა ორიგინალად ახალი მიბაძ-  
ვისათვის და ა. შ. ეს მიბაძვით მოჭრილი ადგილობრივი ფული,  
სპეციალისტების დასკვნით, ეკუთვნის I—II სს., ჩვენი წელთაღრიცხ-  
ვით. ყოველივე ეს აშკარად მიუთითებს გაცვლა-გამოცვლის სიცხო-  
ველეს ამ ხანაში.

ამ პროცესის გაფართოებას ხელს უწყობდა რომაელთა მიერ  
საქართველოს მეზობლად მდებარე ტერიტორიის ერთ პოლიტი-  
კურ სუვერენიტეტს ქვეშ მოქცევა და, მაშასადამე, სხვადასხვა

ხალხების წინანდელზე მეტად დაახლოება ერთმანეთთან. სტრატონი ანბობს: ... „აზიაში მთელი ჩვენი სანაპირო ემორჩილებათ [=რომაელებს], თუ სათვალავში ახეების, ზიგებისა და ჰენიოხების მიწებს არ ჩავაგდებთ, სადაც, მწირსა და ვიწრო ადგილებში, ეს ხალხები ყაჩაღურსა და მომთაბარე ცხოვრებას ეწევიან. რაც შეეხება ხმელეთს აზიის შუაგულისაკენ, ნაწილობრივ იგი რომაელებს ეკუთვნის. ნაწილობრივ-კი — პართელებსა და მათ ზემოთ მცხოვრებ ბარბაროსებს... აქაურობისაგანაც ყოველთვის ზოგი რამ რომაელების ხელში გადადის. ამ რომაული სამფლობელოს ერთი ნაწილი მეფეთა მფარველობის ქვეშ იმყოფება; ნაწილს-კი თვით რომაელები ჰფლობენ; გადააქციეს რა იგი პროვინციად, სადაც ჰგზავნიან მმართველებსა და ხარკის ამკრეფელებს. არის აგრეთვე თავისუფალი ქალაქები, რომელთაგანაც ზოგთ იმთავითვე დაამყარეს რომაელებთან მეგობრული კავშირი, სხვებმა-კი თვით მიიღეს უკანასკნელთაგან თავისუფლება, რჩეულობის ნიშნად. მათი მფლობელობის ქვეშ იმყოფებიან აგრეთვე ზოგიერთნი მთავარნი, ერისთავნი და ქურუმნი, რომელნიც მამაპაპეული კანონებით ჰმართავენ“. მაშასადამე, მთელი წინა აზია ამ დროს ორი დიდი ეკონომიურ-კულტურული — რომაული და პართული — სამყაროს ორბიტაშია მოქცეული.

ჩრდილოეთიდან მათ სარმატია ეკვროდა, ამიერ-კავკასია-კი შუაში იყო მოქცეული. ასეთ პირობებში საქართველოს სააღებ-მიცემო კავშირმა ამ ქვეყნებთან განვითარების უფრო ხელსაყრელი პირობები მოიპოვა. რანაირია ამ აღებმიცემის ეკონომიური და სოციალური ხასიათი და რა არის მისი საგანი? რათქმაუნდა, მისი მოცულობა და ეკონომიური მნიშვნელობა ბევრად უფრო მცირეა, ვიდრე მერმინდელ (თუნდაც IX—X) საუკუნეებში. სტრატონის ცნობით, როგორც ვიცი, კოლხეთი მდიდარია ხეტყით, სელით, კანაფით, ცვილითა და ფისით და, გარდა ამისა, აგრეთვე ნაყოფით (ხილით). ეს სიტყვები ალბათ იმას გულისხმობენ, რომ აღნიშნული საქონელი აქაურ ბაზარზე იშოვება უცხოელი ვაჭრებისათვის. ასეთივეა, საფიქრებელია, იბერიის ბაზრის მდგომარეობაც.

აღნიშნულ საქონელს უნდა დაეუმატოთ, ზემოთქმულის მიხედვით, ღვინოცა და, განსაკუთრებით-კი მონებიც.

ზემოთ დავრწმუნდით, რომ მოპარვა-მოტაცებისა და წვრილი თავდასხმების გზით მოპოვება მონებისა ამ დროს საერთოდ ვრცელდება რომის იმპერიაში და რომ კერძოდ ეს მოელენა ფართო

ბასიათს იღებს შავი ზღვის კავკასიურ სანაპიროზე. ისიც ვნახეთ, რომ მონების ერთს უმდიდრეს წყაროთაგანს საქართველოს მოსახლურე სარმატია შეადგენს.

ამიტომ ბუნებრივი იქნება ვითიქროთ, რომ სწორედ ამ ხანის ის რომაული ფული, რომელიც ასეთი რაოდენობით არის შენახული ჩვენი ქვეყნის ნიადაგში, სწორედ მონებშია დახარჯული. თავის ადგილას დავრწმუნდით, რომ ადამიანების ტაცება შავი ზღვის კავკასიურ სანაპიროზე ამ დროს ზოგიერთი ტომებისათვის ნამდვილ პროფესიად არის გადაქცეული. ასეთი ხელობა, რათქმაუნდა, საქართველოშიც იქნებოდა გავრცელებული. რიცხვი ასეთი პროფესიონალებისა თანდათან უნდა გამრავლებულიყო, სწორედ რომაელთა წაქეზების წყალობით.

აღბათ ბევრი რამ საქართველოს ინდროინდელ ისტორიაში სწორედ ამ ფაქტების ნიადაგზე აიხსნება.

ეს ადამიანის ქურდები და მონადირეები იმავე დროს თავიანთი საქონლის უმეშვეო ვაჭრებიც არიან. აქ მქლავნდება იმდროინდელი აღებმიცემის საერთო სოციალური ხასიათიც.

საეჭვოა, რომ ამ ეპოქაში უკვე არსებობდეს ოდნავ მაინც მნიშვნელოვანი ჯგუფი ისეთ ადგილობრივ მკვიდრთა, რომელნიც მხოლოდ ვაჭრობას მისდევენ. ბაზარზე გამოსულ პირთა უდიდესი უმრავლესობისათვის ბაზისს მაინც საკუთარი სოფლის მეურნეობა შეადგენს. წარმოშობით ეს პირნი იმავე „ერს“ ეკუთვნიან.

დავასკვნათ: ჩვენ ვთიქრობთ, რომ ქრისტიანული წელთაღრიცხვის დასაწყისისათვის „ერში“, „ყოველ ერში“ (ძესამე „გენეში“), ეკონომიური დიფერენციაციის ნიადაგზე, უკვე მკათიოდ ირკვევა მთელი კატეგორია ადამიანებისა, რომელნიც ფორმალური სოციალური ნიშნეულობით („წოდებრივად“) ჯერ თავიანთ წრეს („გენეს“) არ გამოჰყოფიან, მაგრამ არსებითად დანარჩენ მასაში რელიეფურად ერჩევიან. უმეტესწილ შემთხვევაში, მათი მეურნეობა უფრო მსხვილია და ბაზართან უფრო დაკავშირებული. ასეთი გამსხვილება შესაძლებელი ხდება ზოგიერთი განსაკუთრებული რენტაბელური კულტურის (კერძოდ, მევენახეობის) ნიადაგზე. საჭირო დამატებით მუშახელს ასეთ მეურნეობაში თავდაპირველად მონები წარმოადგენდნენ. ეკონომიური შეძლების საფუძველზე და შეიარაღების განსაკუთრებული ტიპის არსებობის პირობებში ეს პირნი შეადგენენ ძირითად კონტინგენტს გაპროფესიონალების გზაზე დამდგარი მემორებისას, რომელთაც, ამას გარდა, ამავე ნიადაგზე, მოეპოვებათ რეალური საშუალება სახელმწი-

ფო და სამხედრო სამსახურში დაწინაურებისა. ეპოქის საერთო პირობები ხელს უწყობენ ამ სოციალური ტიპის შემდგომ დასრულებას, გამოკვეთას. მათ შორის პირველხარისხოვანი მნიშვნელობა ენიჭება მონათვაპრობას, რომელიც აქ აღამიანთა პარვა-ტაცებასთან განუყრელადაა დაკავშირებული. ეს ხელობა, ჯერ ერთი, შემოსავლის უმდიდრესი წყაროა. შემდეგ იგი ზრდის პროფესიონალ მეომართა თვისებებს, ამრავლებს თვით ამ მეკობრე მეომართა რიცხვს და ხელს უწყობს, საფიქრებელია, ასეთ პირთა, ცალკე რაზმების წარმოშობას, რომელთაც მეტნაკლებად მულმივი ხასიათი და გარკვეული სტრუქტურა (ერთგვარი იერარქიის საფუძველზე) აქვთ.

ნაწყვეტ-ნაწყვეტი ცნობები მერმინდელი საუკუნეებიდან ადასტურებენ ამ მოსაზრებას.

მეორე საუკუნის პირველ ნახევარში, ბერძნულ-რომაული ცნობებით, იბერიაში მეფობს ფარსმანი, რომელთანაც კავშირის შენარჩუნებას რომელი იმპერატორები, როგორც ჩანს, დიდ მნიშვნელობას ანიჭებენ და ამ კავშირის განმტკიცებას, კერძოდ, პირადი ურთიერთობითაც ცდილობენ. როცა ფარსმანი ცოლ-შვილით აღრიანე კეისარს (117—138 წ.) რომში ეწვია სტუმრად ძვირფას საჩუქრებით, იმპერატორმა საპასუხოდ თვითონაც ისე დაასაჩუქრა იბერიის მეფე, რომ არც ერთი სხვა მეფისათვის მას ამდენი არ მიუცია, თუმცა ბევრს მიუღია მისგან აუარებელი საჩუქარი. ფარსმანს იმპერატორმა, სხვა დიდებულ საჩუქრებს გარდა, გაუფართოვა ტერიტორია და მიუძღვნა სპილო და ხუთასი მხედრისაგან შემდგარი რაზმი. ეს მხედრები ალბათ სათანადოდ გაწვრთნილი მონები იყვნენ და სპილოსაც საომარი დანიშნულება უნდა ჰქონოდა. უკვე ეს გარემოება ძალიან დამახასიათებელია და გარკვევით მიუთითებს იბერიის მონარქიის ძლიერ განვითარებას სამხედრო მიმართულებით. ფარსმანს, ჯერ ერთი, სათანადო სამხედრო მოთხოვნილებანი უნდა ჰქონოდა, რაკი მას ასეთ თავისებურ ძღვენს აძლევდნენ. შემდეგ, მას თვითონაც უნდა ჰყოლოდა ასეთი მულმივი რაზმებიც და, საფიქრებელია, უფრო ძლიერიც. რომ ამ უცხოელებს სამეფო კარზე რეალურ ძალთა მეფისათვის არასასურველი განწყობა არ შეექმნათ. მეტიც: ფარსმანის ამაღლა, რომელიც მეფეს რომში თან ჩაჰყვა, როგორც ეს ქვემოთაა მოხსენებული, თავისთავადაც კეისრის მიერ ნაჩუქარ რაზმზე პატარა არ უნდა ყოფილიყო, რომ სტუმარს ასეთი საჩუქრისათვის ექვის თვალთ არ შეეხედა და იგი თავისი საპატიო დატყვევების



ცლად არ მიეჩნია. შემდეგ ისტორიკოსი მოგვითხრობს: ადრიაანემ ფარსმანს „ნება მისცა მსხვერპლი შეეწირა კაპიტოლის ტაძარში, მისი [ფარსმანის] ცხენოსანი ქანდაკება მარსის ველზე დაადგმევინა და უმზერდა, თუ როგორ ვარჯიშობდნენ თვით [ფარსმანის], მისი შვილი და სხვა პირველი [= მთავარი, წარჩინებული] იბერები აბჯარში“. მაშასადამე, მეფის ამაღლაში, რომელიც, როგორც ვთქვით, მრავალრიცხოვანი უნდა ყოფილიყო, წარჩინებული ქართველებიც ყოფილან. მათს წარჩინებულებას უკვე ის ფაქტიც ადასტურებს, რომ ისინი მეფესა და მის შვილთან ერთად ვარჯიშობენ. ეს ვარჯიშობა ალბათ ცხენზე წარმოებს და იქნებ სწორედ ამიტომ დაადგმევინა კეისარმა ფარსმანის ცხენოსანი ქანდაკება. დაუჯერებელიცაა, რომ ასეთი პატივით მიღებულს იბერიის მეფეს ქვეითად ეხტუნა იმპერატორის წინაშე.

შემდეგ საყურადღებოა ცნობა, რომ ქართველები ვარჯიშობდნენ აბჯარში (ἐν ἄβυλῳ). რადგანაც ჩვეულებრივად სხვა გამოთქმებში (კერძოდ, კომპოზიტებში) ეს სიტყვა მძიმე (ჰოპლიტის) შეიარაღებას გულისხმობს, ამიტომ შეიძლება ვითქვოდეს, რომ ცხენოსანი იბერიელები მძიმედ შეჯავშნულნი ვარჯიშობდნენ. წარჩინებული ერისკაცები, რომელნიც მძიმედ შექურცილნი ასპარეზობენ და ცხენს ისე ხმარობენ, რომ იმპერატორის აზიზი კარცს ურადლებასაც იმსახურებენ — ეს სურათი ჩინებულად მოწმობს, რომ ფეოდალური კლასის სოციალური წინაპრები უკვე საკმაოდ გაზრდილან და თავიანთ საზოგადოებრივ დავაჟკაცებას უახლოვდებიან.

თუ რომელ ადგილობრივ ტერმინს უნდა შეესატყვისებოდეს ბერძნული ტექსტის „პირველნი“, ქვემოთ ვნახავთ.

კიდევ უფრო საინტერესოა ცნობა, რომელიც ამავე ხანას ეკუთვნის და უკვე დასავლეთ საქართველოს გულისხმობს. ეს ცნობა აქვს რომის ერთს მცირეაზიელ მოხელეს ფლ. არიანეს, რომელმაც დაათვალიერა რომის მფლობელობაში მყოფი, შავი ზღვის აღმოსავლეთი სანაპირო და აქაური მდგომარეობის შესახებ იმავე ადრიაანე კეისარს სპეციალური მოხსენება მიართვა. ეს მოხსენება სრულიად ახალ სურათს გვიშლის თვალწინ. ამ დროს დასავლეთ საქართველოს ტერიტორიაზე უკვე ოთხი პოლიტიკური ერთეული არსებულა. ჯერ თურმე ლაზების სამეფო ხელებოდა სამხრეთიდან მომავალ მგზავრს, შემდეგ — აფსილებისა, აფსილებს ზემოთ. — აბაზგებისა, ყველაზე ჩრდილოეთით-კი მოთავსებული ყოფილა სანიგების სამეფო. ტერიტორიულად ეს სამთავრო-

ები ლაგდებიან რიონის ხეობიდან მოყოლებული ჩრდილოეთისაკენ, ბზიფის ხეობამდე. თვითეული მათგანი განცალკევებულ ერთეულს წარმოადგენდა და უმეშვეოდ იყო დამოკიდებული რომის მთავრობაზე.

როგორ გაიზარდა ეს პოლიტიკური წარმონაქმები, ან რას წარმოადგენენ ისინი სოციალურად და ეკონომიურად?

პროფ. ივ. ჯანაშიაშვილი ფიქრობს, რომ „მთლიან დასავლეთ საქართველოს დაქუცმაცება. ოთხ სამეფოდ“ რომაელთა პოლიტიკის შედეგი უნდა ყოფილიყო. „როგორც ჩანს, რომაელებს თავიანთი საყვარელი პოლიტიკური მცნება divide et impera [დაანაწილე და იბატონე] აქაც განუხორციელებიათ და გაერთიანებული კოლხეთის მაგიერ ოთხი სამეფოს შექმნისათვის ხელი შეუწყვიათ“ (ქართ. ერის ისტორია, ტ. I, გამ. 3, გვ. 160-161). მართლაც, ამ პრინციპს რომაელები მტკიცედ ადგენენ მახლობელ აღმოსავლეთშიც. ძალიან საინტერესოა ამ მხრივ რომაელ ადგილობრივ მოხელეთა უმრავლესობის აზრი, გამოთქმული იმ მდგომარეობის გამო, რომელიც შეიქმნა სომხეთში I საუკუნის პირველ ნახევარში. როგორც ვიცით, ამ დროს აქ რომაელებისა და პართელების ბრძოლის ნიადაგზე ამ სამეფოს გამო, იბერიის სამეფო სახლი გარკვეულ აგრესიას ავითარებს, რომელიც ამ სახლის წევრთა სისხლიანი მტრობით თავდება. იბერიის მეფე თარსმანი თავის შვილს რადამისტს საკუთარს ბიძას, სომხეთის მეფეს, მითრიდატს, აკვლევინებს. ამ ბოროტმოქმედებას ადგილობრივი რომაელი მოხელეების უმეტესი ნაწილი ადვილად შერიგებია. „სხვის ყოველგვარ ბოროტმოქმედებას სიხარულით უნდა შევხვდეთო — უთქვამთ მათ — ჩვენ კიდევაც უნდა დავთესოთ სიძულვილის თესლი, როგორც რომის ხელმწიფენი სიუხვის მოსაჩვენებლად იმავე სომხეთს ვისნე უთმობდნენ, რათა ბარბაროსებში შფოთი აღეძრათ. დავ: რადამისტი ფლობდეს თავისი ბოროტმოქმედების ნაყოფს და იყოს სიძულვილისა და ზიზღის საგანი, რაკი ეს ჩვენთვის უფრო ხელსაყრელია. ვიდრე მაშინ, მას რომ ხელისუფლებისათვის დიდებით მიეღწია“-ო. ამიტომ შესაძლებელია, რათქმაუნდა, რომ მსგავსი მიზნები რომაელებს კოლხეთშიც დაესახათ. მაგრამ თუ მოვიგონებთ იმას, რაც ჩვენ მიერ ზემოთ იყო ნათქვამი კოლხეთის მდგომარეობის შესახებ, იძულებული ვიქნებით დავასკვნათ, რომ ასეთი პოლიტიკა ფაქტიურად ზედმეტი უნდა ყოფილიყო. კოლხეთმა პოლიტიკური დამოუკიდებლობა შედარებით ადრე დაკარგა, რაც მისი დასუსტების შედეგი უნდა ყოფილიყო. რო-

მის იმპერიის ფარგლებშიც ეს ძველი კოლხეთი, როგორც ჩანს, არასოდეს არ შესულა გამოცალკევებული მთლიანობის სახით, — იგი ყოველთვის, როგორც ვამბობდით, მეზობელ პროვინციებთან ჩანს გაერთიანებული. ყველაფერი მიგვიჩვენებს იმაზე, რომ კოლხეთი მოკლებული იყო ისეთ შინაგან ერთიანობას, რომელიც სხვა შემთხვევებში არასასურველად მიაჩნდათ რომის მმართველ წრებს. ამ ერთიანობის არარსებობა განსაზღვრული იყო, საგულეებელია, იმ გარემოებითაც (რომელიც შემდეგში იჩენს თავს), რომ ტომური შედგენილობის მხრით კოლხეთი განსაკუთრებულ მრავალფეროვანებას წარმოადგენდა. ეს ტომები საკმაოდ მნიშვნელოვნად განსხვავებული უნდა ყოფილიყვნენ ერთიმეორისაგან მოდგმით, ენითა და ყოფაცხოვრებით. ამიტომ, საფიქრებელია, არიანეს მიერ აღწერილი მდგომარეობა ერთიანი მთელის დაქსაქსვის შედეგი-კი არ არის, არამედ, პირიქით, ინტეგრაციის, შეკრებისა და გაერთიანების ნაყოფია. იგი მაჩვენებელია ადგილობრივ ძალთა აღორძინებისა, უნდა ვიგულისხმოთ, რალაც ახალ საფუძველზე. ამ ადგილობრივ ძალთა შეკრების, მათი ზრდის საფუძველი; ჩვენ ვფიქრობთ, იყო განვითარების გზაზე მდგომი და უკვე სათანადო სიცხადით გამოხატული ფეოდალური ურთიერთობა. აღწერილი პოლიტიკური წარმონაქმები ტომური ორგანიზაციები როდია. ვერც მათი მეთაურები ჩაიფლებიან გეარონული საზოგადოების წარმონადგენლებად: მათ თავიანთი უფლება მიღებული აქვთ არა გეარონული დემოკრატიისაგან, არამედ რომის კერსრებისაგან. შემდეგ: ამ რომის ვასალ „მეფეთა“ (ბაზილევების, როგორც არიანე ეძახის მათ) დასაყრდენად მარტო ის რომაული გარანიზონები საკმარისნი არ იყვნენ. რომელნიც ფაზისსა და სებასტოპოლში მდგარან (ე. ი. დღევანდელ ფოასა და სოხუმში, თუ სებასტოპოლ-სოხუმის იგივეობას უდავოდ მივიჩნევთ). ეს წერილი მფლობელი, რომელნიც, უეჭველია, თვითონაც ადგილობრივი მკვიდრნი უნდა ყოფილიყვნენ (სხვათა შორის, მათი სახელებიც მოწმობენ ამას). ცხადია, რალაც ადგილობრივ ძალებსაც უნდა დაყრდნობოდნენ. ეს-კი მხოლოდ ისეთი ძალები შეიძლებოდა ყოფილიყვნენ. რომელნიც ნაყოფნი იყვნენ გარკვეული სოციალური დიფერენციაციისა. მერმინდელი ფაქტების მიხედვით ვფიქრობთ, რომ ეს დიფერენციაცია ფეოდალური, თუმც საგულეებელია. ჯერ კიდევ განუვითარებელი ხასიათისაა (სწორედ ეს უკანასკნელი გარემოება განსაზღვრავს ამ დინასტიებისათვის გარეშე ძალის დახმარების საჭიროებას. შემდეგში, როცა ფეოდალური ურთიერთობა

აქ უფრო განვითარდება, ეს მფლობელები შეეცდებიან მხოლოდ საკუთარ ძალებს დაეყრდნონ). ამასთან ერთად საყურადღებოა, რომ ამ პოლიტიკურ ერთეულებს უკვე ჰქონდათ ერთგვარი ისტორია გამოვლილი. მათი წარმოშობა პირველ საუკუნეს უნდა ეკუთვნოდეს. თუ ლაზების, აბაზგებისა და სანიგების მეფეებს თავიანთი უფლება ადრიანესაგან ჰქონიათ მიღებული, ლაზებსა და აბაზგებს შორის მცხოვრები აფსილების მეფეს მეფობა მამაშენისაგან აქვს მიღებულიო, მიჰმართავს არიანე ადრიანეს. აქ, რათქმაუნდა, იგულისხმება წინა მეფობა ტრაიანე კეისრისა (98—117; ტრაიანე ნათესავი და „მამობილი“ იყო ადრიანესი). ცხადია, რომ, ყოველ შემთხვევაში, ლაზთა სამეფო ჩამოყალიბდებოდა, თუ არა უადრეს, არა უგვიანეს აფსილების სამთავროსი. მრავალი სხვა მოსაზრებაც მხარს უჭერს ასეთ ქრონოლოგიას.

მომდევნო ხანებისათვის ჩვენ, საწმენდაროდ, გვაკლია ცნობები. აღებული თემის ინტერესისათვის იძულებული ვართ საკმაოდ დიდი ნახტომი გვაკეთოთ და მეოთხე საუკუნეში გადმოვიდეთ, იმ ხანაში, როცა აღმოსავლეთ საქართველოში, ქართლში (იბერიასში), ერთი მეტად მნიშვნელოვანი ამბავი მოხდა — ქრისტიანობა ოფიციალურ რელიგიად იქცა. პირობები, რომლებშიც ეს ფაქტი მოხდა, საყურადღებო მასალას წარმოგვიდგენენ საქართველოს სოციალური ისტორიისათვის და სწორედ ამიტომ აქ უფრო დეტალურ განხილვას საჭიროებენ.

არ უნდა ავრიოთ ერთმანეთში ქრისტიანობის გავრცელებისა და მისი სახელმწიფო სარწმუნოებად გადაქცევის ამბები. თვითელი მათგანი საკუთარ პირობებში მიმდინარეობდა. ჩვენ გვაქვს საფუძველი ვიფიქროთ, რომ ქრისტიანობის სახელმწიფო სარწმუნოებად ქცევამდე საქართველოშიც უნდა არსებულიყო (რათქმაუნდა, ქალაქებში, მაგ. მცხეთაში) ადგილობრივი წვრილი ქრისტიანული თემური ერთობანი, დაახლოებით ისეთივე ხასიათის მქონენი, როგორიც ჰქონდათ მათ რომის იმპერიის სხვა პროვინციებში.

აქ ჩვენ განსაკუთრებით სწორედ ქრისტიანობის ოფიციალურ კულტად ქცევის ისტორია გვინტერესებს. სწორედ ამ მოვლენის ისტორიულ გარემოზე აშკარავდება ქართული საზოგადოებრივი განვითარების შესაბამისი საფეხური. თუ წინამორბედ ამბებს ჩაუყვირდებით, აპრიორულად საქმის ვითარება ასე უნდა წარმოგვიდგეს. მონარქიის სამხედრო-ბიუროკრატიული ხასიათი

ამ დროისათვის საჭირო სიძლიერითაა უკვე გამოხატული. ეს იმიტომ, რომ უკვე სათანადოდ გამოკვეთილია ის სოციალური ძალა, რომელსაც მას შეუძლია დაეყრდნოს. ამ ძალას შეადგენენ ის წევრები „ერისა“, რომელთა შესახებაც ზემოთ ვსაუბრობდით და რომელნიც მეორე საუკუნის პირველ ნახევარში იხსენიებიან. („პროტოი“—„პირველნი“) გარკვევით. ამ საუკუნე-ნახევრის თუ ორი საუკუნის განმავლობაში ისინი შეუჩერებელი ზრდის პროცესს განიცდიან. მათი სოციალურ-ეკონომიური ზრდა მიმდინარეობს თავისთავად, როგორც ვნახეთ. მონარქია, თავის მხრით, აჩქარებს ამ პროცესს: მეფის ხელშია მნიშვნელოვანი მიწის ფონდები და „ყმები“ (მეოთხე გენე), რომელთაც მეფე ურიგებს ამ პირებს. სხვადასხვა ფორმით, მხოლოდ, საფიქრებელია, მუდამ სამხედრო სამსახურის პირობით. ეს ურთიერთობა მკიდრო კავშირის ნიადაგად იქცევა მეფესა და „მხედართა“ შორის. მეორე მხრით, ტაძრები და მათი წარმომადგენელი ქურუმები, თავიანთი მეურნეობით, სულ უფრო და უფრო შეუფერებელი ხდებიან ცხოვრების ახალი პირობებისათვის. მათი არსებობა ტრადიციასა და ინერციასა და მყარ და მყარად დამყარებული. აუცილებლობით იბადება წინააღმდეგობა. ქურუმებსა, ერთი მხრით, და, მეორე მხრით, ახალ მონარქიასა და მის სოციალურ მოკავშირეებს შორის. სხვა არა იყოს რა, მეფე შურით უნდა უყურებდეს ტაძრების მემამულეობას განსაკუთრებით ეხლა, როცა მონარქიის საკუთარი მიწის ფონდი კლებულობს თანდათან, სამხედრო-სალენო ურთიერთობის განვითარების პროცესში. ამ ბრძოლაში მეფე და მისი მოკავშირენი ახალ იარაღსაც პოულობენ.— ქრისტიანობას, რომელიც ქურუმთა ძველ სარწმუნოებას უპირისპირდება.

ეს აპრიორული სქემა დასტურდება ქართულ წყაროების ნაკლები ჩვენებით. ამ უკანასკნელთა შესახებ უნდა ვთქვათ, რომ თუმცა სათანადო ქართული ლიტერატურული ძეგლები, მოღწეული სახით, ნაგვიანვე ხანას ეკუთვნიან, მაგრამ ისინი უეჭველად შეიცავენ ძველ ელემენტებს და სხვა, უფრო მკვიდრ ნიადაგზე შემუშავებული ისტორიული პერსპექტივის დაცვის პირობებში მათი გამოყენება შესაძლებელი და შესაწყნარებელი ხდება.

ჯერ ერთი, თვით სოციალური დიფერენციაციის ზემოთ წარმოდგენილი სურათი სავსებით და შესანიშნავად არის აღბეჭდილი ქართულ საისტორიო და ნახევრად-საისტორიო მწერლობაში. ის ზედა ფენა „ერისა“, რომლისთვისაც ბერძენ მწერალს „პროტოი“—„პირველნი“ შეურქმევია, ადგილობრივ „წარჩინებულთა“

სახელწოდებას ატარებს. „წარჩინებული“ არის არა მარტო ზოგადი ეპითეტი ამ წრისათვის, არამედ ტექნიკური სოციალური ტერმინიც. მცხეთის მეორე მეფის შესახებ მემატთანე მოგვითხრობს, რომ იგი — მეფე საურმაგი — იძულებული შეიქნა, რაკი შინაურობაში მტკიცე მდგომარეობა არა ჰქონია, აზნაურთა გარდა (რომელნიც, ისტორიკოსთა წარმოდგენით, არაქართული წარმოშობისა არიან, ალექსანდრე მაკედონელის სარდლის, აზონის რაზმელთაგანნი) აგრეთვე უცხო ტომებსაც დაყრდნობოდა. ოსებ-სა და ღურძლუკების (ქისტ-ლლიღვების) მეშველი ჯარით იგი „წარნოემართა ქართველთა ზედა და ვერ ვინ წინააღუდგა მას და დაიპყრა ქართლი“. გამარჯვების შემდეგ საურმაგი სათანადოდ გაუსწორდა მტრებსა და მეგობარ-მოკავშირეებს: „მოსრნა განდგომილნი ნისნი და რომელთამე შეუნდო. ხოლო დაამდაბლნა ქართლოსიანნი და წარჩინებულ ყენა აზნაურნი“ („აზნაური“ აქ ნახმარია „აზონელის“, აზონის რაზმელის, მნიშვნელობით). მაშასადამე, „წარჩინებული“ „მდაბალს“ უპირისპირდება აქ სოციალურად. საურმაგი ქართველებს ამდაბლებს და, სამაგიეროდ, თავის ერთგულ „პრომებს“, აზნაურებს, ამალგებს. იგი არც სხვებს ივიწყებს. მან „წარმოიყვანა ყოველთა კავკასიის ნათესავ-რა [=ტომთა] ნახევარნი და რომელნიმე მათგანნი წარჩინებულ ყენა და სხვანი დასხნა მთიულეთს დიდოეთითგან ვიდრე ეგრისამდევ.. და ესენი დაიპყრნა მისანდობელად თავისადრა“. ჩრდილოეთ კავკასიიდან გადმოყვანილი მთიელებისათვის ზოგისთვის მეფეს წარჩინებულება უბოძებია, სხვებისთვის-კი მარტივად საცხოვრებელი აღგილი. აქაც გარკვეული სოციალური აზრია მოცემული. ეს ახალი პრივილეგიური წრეები მეფის მისანდობელნი, მისი სოციალური საყრდნობი ხდებიან.

თავისთავად ცხადია, რომ ეს ცნობა მემატთანის მიერ მოცემულ ქრონოლოგიურ ჩარჩოში ხელოვნურად არის მოთავსებული. იგი, რაგონი როგორც ქვემოთ აღნიშნული ცნობა, მხოლოდ ტერმინის მერმინდელი გაგებისათვის არის საინტერესო; პირველი საუკუნის დამლევისათვის, ჩვენს ერამდე, მოხსენებული არიან „მცირედნი ვინმე ქართველნი არა წარჩინებულნი“. მაგრამ ბევრად უფრო რეალური უნდა იყოს ისტორიულად ამ ტერმინის ხმარება ფარსმან ქველის ეპოქისათვის, რომელიც, მეფობათა თანამიმდევრობის ქრონოლოგიით, მეორე საუკუნეზე წოდის. მეტიც: შესაძლოა, ეს ფარსმანი სწორედ ის ფარსმანი იყოს, რომელმაც რომში იმგზავრა და რომლის მხლებლებად უცხოელმა მწერალმა იბე-

რიის „პირველნი“, „წარჩინებულნი“, მოიხსენია. ქართველი ძველი ანალისტი გვიამბობს, რომ ამ ფარსმანის სიკვდილის გამო „იქნა გლოვა და ტირილი და ტყება ყოველთა ზედა ქართველთა წარჩინებულთგან ვიდრე გლახადმდე“. ქართველი საზოგადოების უმაღლეს საფეხურზე ამ დროს წარჩინებულნი დგანან, ყველაზე დაბლაკი გლახანი არიან ნაგულისხმევი. მაგრამ განსაკუთრებით რეალური გვეჩვენება ის სოციალური სურათი, რომელიც ნიახლოებით მეოთხე საუკუნის პირველ ნახევარს გულისხმობს. უქვევლია, რომ, როგორც კერძოდ მატინისებურ თსრობებში, ისე მერმინდელ ჰავიოგრაფიულ ძეგლებში, რომელნიც ქართლის სამეფო სახლისა და წარჩინებული წრეების გაქრისტიანების შესახებ მოგვითხრობენ, ძველი ელემენტია დაცული. სათანადო კრიტიკული მიდგომა შეიძლება ისტორიული ქვეშარიტების მარცვალს მერმინდელი შენაზარდი, ტენდენციური და ყალბი, ფენები ააცალოს. ამჟამად აქ ხსენებულ ცნობებს ჩვენ მხოლოდ აღებული თვალსაზრისით განვიხილავთ.

ქართლის საზოგადოებრივი სტრუქტურა ამ დროს უფრო მრავალნაწევროვანი და მრავალფეროვანი ჩანს, ვიდრე წინა საუკუნეებში. „წარჩინებულთა“ ფენა, რათქმაუნდა, უფრო ძლიერია, მაგრამ თვით წარჩინებულთა შორისაც უკვე გარკვეულ პირებს შემდგომი დაწინაურებისათვის მიუღწევიათ. ეს არიან „მთავარნი“. რადგანაც შემდეგ ხანში ამ ტერმინს ჩვეულებრივად და უპირატესად პოლიტიკური მნიშვნელობა აქვს, ამიტომ შეიძლება მკითხველმა მასში აქაც ანალოგიური აზრი ჩასდოს. შეიძლება ტერმინს პოლიტიკური ელფერი მართლაც უკვე ამ დროს ჰქონდეს გადაკრული. მაგრამ უქვევლია, რომ მას სოციალური მნიშვნელობაც ჰქონდა. ქართლის და სომხეთის გაქრისტიანების ისტორიის ცნობილი ქალი პერსონაჟები, ნინო და რიფსიმე, „მთავრებად“ არიან წოდებულნი. ასევე უნდა გავიგოთ ეს სიტყვა შემდგომ ნაწყვეტში: „მოდრკა მეფე მუხლთა თვისთა ზედა და ყოველნი მთავარნი და ყოველი სიმრავლე ერისაი... ხოლო დედოფალი და სხვანი იგი მთავარნი დედანი არა სადა განეშორებოდეს წმიდასა ეკლესიასა“.

მთავართა გვერდით მოხსენებულნი „ერისთავნი“-კი უკვე აშკარად მეფის მოხელენი არიან. შესაძლოა სარდლები, ან აგრეთვე „საქვეყნოდ გამრიგე“ მოხელენი. ისინი მეფის განკარგულების განმხორციელებელნი არიან, როგორც ქვემოთ ვნახავთ.

შემდეგ არსებობს კიდევ უფრო დაწინაურებული წრე, რომელიც მეფესთან განსაკუთრებით ახლოს დგას. ეს არის მეფის „პალატ-ბანაკი“. „პალატის“ ქვეშ იგულისხმებიან, ცხადია, მისი პალატის, კარის ხალხი, კარისკაცები, რომელნიც მეფის უახლოესი თანამშრომელნი, მრჩეველნი არიან. „ბანაკი“-კი უმაღლეს სამხედრო პირთ უნდა აღნიშნავდეს, რომლებსაც აგრეთვე განსაკუთრებით ახლო ადგილი უჭირავთ მეფესთან ამ სფეროში. პალატ-ბანაკის ურთიერთობა თავიანთ შორის და შემდეგ მათი დამოკიდებულება მეფესთან კარგად არის გამოხატული იმ სიტყვებში, რომლებსაც ჰაგიოგრაფი ნინოს ათქმევინებს მეფის მიმართ: „... სიმრავლე წყალობისა გარემოს ბანაკსა და შინაგან პალატსა და ყოველსა ერსა თქვენსა ზედა იყავნ“-ო. ბანაკი, როგორც უმაღლესი სამხედრო წრე, მეფისა და მისი სასახლის გარე, საგარეო, საქვეყნო, საყრდენს წარმოადგენს, პალატი-კი შინაური, კარის, დარბაზის, წრეა. „ბანაკი“ მეფეს მისდევს მის შორეულ მგზავრობაშიც: მცხეთიდან კახეთს წასულ მეფეს თან მოუშორებლად ახლავს მისი „ბანაკი“.

გარდა ამ წრეებისა, როგორც უკვე მოტანილი ციტატებიდანაც შეიძლება დავერწმუნებულებიყავით, „ერიც“, „ყოველი ერიც“ იხსენიება. „ყოველი ერი“ მთელი ქართლის მოსახლეობას იგულისხმობს ზოგადად: „განვიდა მეფე და ყოველნი მთავარნი მისნი და ყოველი ერი ქართლისა დედებითურთ და ყრმებით“. მაგრამ, რათქმაუნდა, ეს ერი ძველი გვაროვნული საზოგადოება უკვე აღარ არის. საგულისხმოა (და იქნებ შემთხვევითაც არ არის), როცა „ქართლის მოქცევის“ მატიანის შატბერდული ვარიანტი ამბობს გაქრისტიანების შესახებ: „წარემართა მეფე და ყოველი ქართლი ქრისტიანობასა“-ო: ქელიშური ვარიანტი იმავე აზრს სულ სხვა რელაქციით გამოსთქვამს: „... მეფე წარემართა ქრისტიანობასა ყოველით საბრძანებლით მისით“-ო. ძველი ავტონომიური ერი ეხლა უკვე სხვის საბრძანებლად ქცეულა — სავსებით ნიშანდობლივი ჩვენებაა! ასევე დამახასიათებელია ცნობა ნინოს მიერ კუხეთის ტომთა გაქრისტიანების შესახებ: „... მონათლა კხოელნი და სოჯნი ერიითურთ მათით“. რადგანაც მომდევნო ფრაზაში კახეთის „მთავართა“ მონათვლაა ნახსენები, ცხადია, ზემოთაც ასევე უნდა გავიგოთ — მონათლნენ კხოელი (ანუ: კუხელი) და სუჯი მთავრები მათის ერით. მაშასადამე, აქაც მითითებაა იმაზე, რომ წინანდელი თავისთავადი ერი ეხლა უკვე სხვაზე დამოკიდებული. ზოგიერთ შემთხვევაში, ამ ავტორებს ერი თით-



ქოს ერთგვარი თვითმოქმედების ასპარეზზედაც გამოჰყავთ. მაგრამ, ჯერ ერთი, ერის ნებისყოფა ამ შემთხვევებში შედარებით უვნებელი და ნეიტრალური საგნებისადმი არის მიმართული. შემდეგ, თვით „ერიც“ აქ ახალი შინაარსის ცნებაა. მაგ., ახალი რელიგიის ოფიციალურად მიღების შემდგომ ბერძნები წინადადებას იძლევიან საუფლო ნიშის აღმართების შესახებ. ეს „სათნო უჩნდა ზეფესა და ყოველსა ერსა“, მეფემ და ერმა მიიღეს წინადადება. შემდეგ ეძებენ სათანადო ადგილს და მეფე ამის შესახებ ერს ეთათბირება: „... განაზრახვიდა მეფე ყოველსა მას ერსა ვითარმედ რომელსამე ადგილსა აღჰმართონ სახეი იგი ჯვრისაი. ხოლო კაცად-კაციადი [=თვითეული] იტყოდა, სადა ვის მარჯვე უჩნდა, არამედ ვერსადა გამოირჩიეს“, ყველა თავისას გაიძახოდა, ვისაც რა ეხერხებოდა, და ვერ შეთანხმდნენო. ბოლოს, სასწაული სწყვეტს საკითხს. ნაჩვენები ადგილი „სათნო უჩნდა ყოველსა ერსა... და ყოველთა ერთბაშად აღიღეს ჯვარი იგი და აღჰმართეს... და ყო მირიან მეფემან და ყოველმან ერმან მცხეთისამან შესაწირავე დიდი“-ო. მაშასადამე, ეს ერი მცხეთის ერი ყოფილა; ქალაქის ერი. ასეთი ქალაქის ერი-კი, სრულებით არ ჰარის საეალღებულო, გეაროვნულ საზოგადოებას ეიგივებოდეს. ქალაქის ერი, შესაძლოა, „მონათმფლობელურ დემოკრატიას“ წარმოადგენდეს, როგორც ლენინი ამბობს, და თავისი სოციალური შინაარსით იგი განსხვავებული იქნება პირველყოფილი დემოკრატიისაგან. საერთოდ უნდა ითქვას, რომ „ერის“ ძველი მნიშვნელობა ფეოდალურ ეპოქაში ახსოვდათ და ტერმინი სხვადასხვა კონტექსტში შეიძლებოდა ხმარებული ყოფილიყო ისეთი კრებულის აღსანიშნავად, რომელიც განსაკუთრებული, კერძოდ საკანონმდებლო, უფლებებით არის აღჭურვილი. ეს გარემოება თავს იჩენს, მაგალითად, ფეოდალური სამეფო საბჭოს, „დარბაზის ერნის“, სახელწოდებაში.

თვით მოვლენები თავისი სოციალური აზრით-კი, გასაგებია, დიამეტრულად განსხვავდებოდნენ ერთმანეთისაგან — „დარბაზის ერნი“ ფეოდალური კლასის საწარმომადგენლო ორგანო იყო და არა მთელი ხალხისა.

გარდა ამისა, როცა საეკლესიო მწერალს სურს დაგვარწმუნოს, რომ ერმა, თუნდაც ქალაქის ერმა, ერთხად მიიღო ქრისტიანობა, ამაში მისი ტენდენცია მკლავნდება და არა ისტორიული სინამდვილე მთელი თავისი სახით.

ტენდენციური და ყალბია აგრეთვე ცნობები მოწინააღმდეგე საზოგადოებრივ ძალთა შესახებ. არათერი ან, ყოველ შემთხ-

ვევაში, უაღრესად მცირე და უფერული რამ არის ნათქვამი ქურუმთა კლასის შესახებ. ქართული წარმართობა წარმოდგენილია, როგორც კერპთაყვანისმცემლობა. ქართველები „ცეცხლსა და ქვათა და ძელთა თაყვანისსცემდნენ“. ნათი ძველი ღმერთები არიან „ღმერთნი ღიდთა ნაყოფთა შომცემელნი და სოფლის მპყრობელნი, მზის მომფენელნი და წვიმისა მომცემელნი, ქვეყნისა ნაყოფთა გამზრდელნი ქართლისანი — არმაზ და ზადენ, — ყოვლისა დაფარულისა გამომძიებელნი. და ძველნი ღმერთნი მამათა ჩვენთანი — გაცი და გა“. ამ ღმერთებს ჰყავთ თავიანთი „მსახურნი“, რომელნიც განსაკუთრებული პრივილეგიებით არიან აღჭურვილნი. არმაზის „მსახურად“ და, ამასთან დაკავშირებით, „მცხეთის მკვიდრად“ გახდომა. მაგალითად, მიჩნეულია ისეთ უპირატესობად, რომლის მინიჭებაც მხოლოდ მეფეს შეუძლია. ჩვენ ვიცით უკვე, რა პრივილეგიები იჯულისხმება აქ. ამ პრივილეგიების საფუძველზე შეუძლია მემატთანეს სთქვას, რომ ეს „ღმერთები“ (= ტაძრები) არიან არა მარტო „სოფლის [ე. ი. ქვეყნის] მპყრობელნი“, არამედ, უფრო კონკრეტულად, ისინი არიან „ღმერთნი, მპყრობელნი ქართლისანი“. სათანადოდ, პოლიტიკური მდგომარეობაც მცხეთაში წარმოდგენილია, როგორც ისეთი მდგომარეობა, როცა „ღმერთნი ღმერთობენ და მეფენი მეფობენ“. თუ მოვიგონებთ იმას, რასაც ჩვენ თავის ადგილას ვამბობდით ქურუმთა ბატონობის საფუძვლებისა და ხასიათის შესახებ, ამ ციტატებში ბევრი რამ იქნება ჩვენთვის საგულანსხმო. საერთოდ-კი ცნობები ნაკლებია და სულ არაფერი არ ვიცით ყველაზე დაბლა მდგომი სოციალური ჯგუფების (სტრატონისეული. მეოთხე გენეს) მდგომარეობის შესახებ.

აი, ასეთი იყო ქართლის საზოგადოებრივი აღნაგობა, როცა აქ წამოიჭრა საკითხი ქრისტიანობის სახელმწიფოებრივ კულტად მიღების შესახებ. როგორც ვამბობდით, ქრისტიანობა მიიღეს სამეფო დინასტიამ და მისმა მოკავშირე საზოგადოებრივმა კლასმა, თავისი სოციალური და პოლიტიკური ინტერესების გულისათვის. ეს კლასი ერისაგან გამოთიშული ელემენტებისაგან შედგება. ზოგადად ეს არიან „წარჩინებულნი“<sup>1</sup>, ხოლო ამ წარჩინებულთა შორის, ვნახეთ, არიან ცალკე ჯგუფები „მთავართა“, „ერისთავ-

<sup>1</sup> ეს არ იყო ერთადერთი ტერმინი ამ ფენის აღსანიშნავად. სხვა ტერმინიც მრავალი იყო, და განსაკუთრებით ცალკე კუთხეებს თავისი ადგილობრივი ტერმინებიც მოეპოვებოდათ (მაგ., თავადნი, მოთაულნი, თავკაცნი, თავნი და სხვ.). სხვადასხვა დროსაც აგრეთვე მნიშვნელობა ჰქონდა ამ მხრივ. დაწერილებით ამის შესახებ სხვა ადგილას.

თა“, ნეფის „პალატ-ბანაკისა“ და სხვა. საერთოდ-კი, მერმინდელი ტერმინოლოგია რომ ვიხმაროთ, ეს არის „ანნაჟრია“ წრე; ჯგუფი ი.ე. კლასი (არ ვიცით ნამდვილად, არის ამ დროს უკვე ცალკე წოდებად ჩამოყალიბებული თუ არა). მერმინდელი ტერმინოლოგიაო, ვამბობთ, რადგანაც უძველეს მთგანია, რომ ამ სოციალურმა ფენამ თავისი შინაგანი განვითარების გზით ყველ საესებით მკაფიო სახეს მიაღწია უფრო ადრე, ვიდრე მის აქსანიშნავად უცხოური (ირანული წარმოშობის) ტერმინი „ანნაჟრია“ დამკვიდრდებოდა (ტერმინ „ანნაჟრის“ ისტორიისათვის იხ. პროფ. ივ. ჯავახიშვილი, ქართ. სამართლის ისტორია, წ. I, გვ. 190<sup>1</sup> შემდ.). ვამბობთ, ამ მერმინდელი ტერმინოლოგიით რომ ვთქვათ, ქრისტიანობა საქართველოს მოველია, როგორც ანნაჟრთა რელიგია და მონარქიის ოფიციალური კულტი. და, მიუხედავად ქრისტიანული წყაროების მთელი ტენდენციურობისა, მათში მაინც არის მერმინილი (ე. ი. მთლად ვერ წარუხტებთ) კვალი იმ ბრძოლისა, რომელიც თეოკრატიული ელექტენტების განადგურების შემდეგ კიდევ გაუმართავთ ქრისტიანობის მოციქულებისა და გამაგრებულებსათვის. მას შემდეგ, რაც „ნათელი მიიღო მიჩენ მფემან და ხანა დელოვალმან და ყოველმან პალატ-ბანაკმან მათმან“, საჭიროდ მიჩნათ „უქალაგონ“ ქრისტიანობა პროვინციასაც. პირველ რიგში მიმართავენ მცხეთის მრდილოეთით მდებარე მთიან რაიონებს. იქ წასულ ნინოს თან წაუყვანია საბეჭდითიდან მოსული სამღვდლოება და ერთი ერისთავი. „წარვიდა და დადგა წობენს და მოუწოდა მთეულთა — ქართალელთა და ფხოველთა და წილკანელთა და უტადაგა საჩუქნოვებაჲ ქრისტესის“. მაგრამ ამ მთიელებს არ აღმოაჩნდაო საქართვება: „ხოლო მათ პირუტყვ სასეთა [ე. ი. პირუტყვის მსგავსთა] განუყარეს თავი და პირანი გარე მიიქცივნეს და იღრქერეს კბილთა მათთა წმიდისა ნინოსთვის“. მაგრამ ნინოს ერისთავი თან ტყუილად-კი არ ახლდა — ქადაგების გარდა სხვა მცოდნების გამოყენების საჭიროება იმთავითვე იყო ვათვალისწინებელი. „ხოლო ნინო უბრძანა ერისთავსა, რათა წარმართოს მცაქრელ მახვილი მათ ზედა. და ერისთავმან მცირედ წარსართა მახვილი და ვითარცა შებმა უყვეს, შიშით მოსცნეს კერპნი მათნი დაღეწაჲ. და გარდავიდა ერწულ და დაღუა ქაღეთს, დაბასა ედემს და ნათელსცა ერწუთიანელთა. ხოლო ყვარელთა რა ესმა ესე, შეშინდეს და გარდაკრბეს თუშეთს, რომელნი უკანასიქნელ იპოვნეს: თრდატ მფემან მოიყვანნა და მონათლნა“. მაშასადამე, ზოგ-

ნი ამ მთიულ თემთაგან არა მარტო წინააღმდეგობას უწევდნენ ქრისტიანობის მოციქულებს, არამედ, როცა იმედი აღარ ჰქონდათ თავისი გამარჯვებისა, მამაპაპეულ მიწა-წყალსაც სტოვებდნენ და სხვაგან მიიხვეწებოდნენ. ჩანს, კახეთშიაც ყველა „ალტაცებით“ არ შეხვედრია ახალ სარწმუნოებას—წყაროები ამბობენ აქ „მთავართა“ გაქრისტიანების შესახებ და „ერი“-კი არ იხსენიება.

მერმინდელი ისტორიკოსებიც ვერ მალავენ, რომ როცა „ნათელ იღეს ყოველმან ერმან და სიმრაველმან ქართლისამან... არა ნათელ იღეს მთეულთა კავკასიისათა... არამედ დადგეს ბნელსა შინა ეამ რაოდენმე“, რომ მეფე ამ გარემოების გამო იძულებული ყოფილა განეცხადებინა: „მნებავეს ესრეთ რათა იძულებით მახვილითა მოვაქციენფთ მთეულნი... და დავამონნე ძესა ღმრთისასა“-ო. ამავე ისტორიკოსს მოეპოვება ერთი ძალიან საყურადღებო ცნობა, რომ ქრისტიანობის გასაერცელებლად ადმინისტრაციულ ღონისძიებათა შორის მარტო მახვილი როდი იყო გამოყენებული, არამედ სხვა, უფრო დახვეწილი საშუალებებიც. „სხვანიცა მთიულელნი უმრაველესნი არა მოიქცეს, არამედ და უ მ ძ ი მ ა მ ა თ მ ე ფ ე მ ა ნ ხ ა რ კ ი, ოდეს არა ინებეს ნათლილებაო“. რატომ იყო, რომ ახალი სარწმუნოების პროპაგანდისტებს სწორედ მთაში შეხვდათ ასეთი გააფთრებული წინააღმდეგობა? ეს საეგებით გასაგებია: სწორედ მთაში ამ დროს ფეოდალური ურთიერთობა ან სრულიად არ არსებობდა, ან სუსტად იყო ჩასახული, და, მაშასადამე, აქ არ არსებობდა ჯერ კიდევ ის სოციალური ფენა, რომელსაც ქრისტიანობა დაემყარებოდა. - იყო, რათქმაუნდა, სხვა, სოციალურად ანალოგიური, თუმც ბუნებრივად განსხვავებული, რაიონებიც. შედეგი იქაც იგივე იყო. მოიპოვება დოკუმენტალური ცნობები იმის შესახებ, რომ მრავალი საუკუნის შემდეგაც საქართველოს მრავალ კუთხეში წარმართობა უფრო ძლიერი იყო, ვიდრე ქრისტიანობა. თვით ზემოაღნიშნული წყაროც ამბობს, რომ „რომელნიმე მათგანნი [ამ მთიულთაგან] დარჩეს წარმართებასავე დღესამომდე“, ჩვენს დრომდეო; ავტორის დრო-კი რამდენიმე საუკუნითაა დაშორებული აღებულ ეპოქას.

ქრისტიანობის მიმღები წრეების დახასიათებისათვის იქნებ უმნიშვნელო არ იყოს წყაროთა ცნობები ეკლესიების მაშენებელთა შესახებ. გასაგებია, რომ საზოგადოდ ქრისტიან მაშენებელთა შორის და კერძოდ პირველ ქრისტიან მაშენებელთა შორის ქართლში მეფენი და ეპისკოპოსნი იხსენიებიან. მაგრამ თითქოს განსაკუთრებული აზრი ეძლევა ისეთ ცნობებს, რომლებშიაც

ნათუბარია ტაძრების აშენებაზე აზნაურთა მიერ და ეს უკანასკნელნი აქ კორპორაციულად არიან ნაგულისხმევი. მეოთხე საუკუნის მეორე ნახევრისათვის აღნიშნულია, რომ ვარაზ ბაკურ მეფის „ზეალაშენეს აზნაურთა ეკლესიაი გიორგი წმიდისა მცხეთას“. მეოთხე საუკუნის დამდეგისათვის, მიახლოებით, ნათქვამია, რომ არჩილ მეფის „ზე აზნაურთა სტეფანე წმიდაი ალაშენეს არაგვსა ზედა“. მხოლოდ უკვე მეექვსე საუკუნის დამდეგისათვის ყრულ არის აღნიშნული, რომ მეფე დაჩის „ზე ტფილისს კაცნი დასხდებოდეს და მარიამ წმიდაი ეკლესიაი ალაშენეს“. თუ აქ მაინც მკაფიოდ არ ჩანს, ვინ არიან ეს კაცნი, სამაგიეროდ აზრი სავსებით ნათელია მომდევნო ცნობაში, რომელიც მიახლოებით მეექვსე საუკუნის მეორე ნახევარს გულისხმობს. ამ დროს, გუარამ ერისთავის „ზე ტფილისის მკვიდრთა დიდსა ეკლესიასა დაიწყეს. ნახევარსა იქმოდა ყოველი ერი და ნახევარსა ერისთავნი“. ორ-ნახევარი საუკუნის განმავლობაში, საზოგადოებრივ განვითარებასთან დაკავშირებით, ქრისტიანობას დიდი ნაბიჯები წაუდგამს წინ თავის გავრცელების მხრით. ტფილისის „ყოველი ერი“, ქალაქის ერი, უკვე იმ საქმიანობის თანამონაწილე (მოთავე თანამონაწილე, როგორც ჩანს) არის, რომელიც წინათ მხოლოდ აზნაურებს ახასიათებდათ.

მაგრამ ქრისტიანობის ოფიციალურ სარწმუნოებად ქცევა ქართლში გულისხმობდა არა მარტო გარკვეულს შინაურს სოციალურსა და პოლიტიკურ პირობებს, არამედ გარკვეულს გარეპოლიტიკურ პირობებსაც. ეს გარეპოლიტიკური პირობები განსაზღვრული იყო რომისა და სპარსეთის ბრძოლით პირველობისათვის წინა აზიაში, მეტრძოლ მხარეთა დაინტერესებით ამიერკავკასიის ქვეყნებისა და, კერძოდ, ქართლის მიმართ, და დასასრულ თვით ქართლის მმართველი წრეების განწყობილებითა და მიდრეკილებებით ამ ბრძოლაში.

როგორც თავის ადგილას ვამბობდით, მესამე საუკუნიდან მოყოლებული, მას შემდეგ, რაც სპარსეთის სამეფო ტახტი სასანიანებმა დაიპყრეს, იწყება სპარსეთის თვალსაჩინო გაძლიერება. მესამე საუკუნის შუა წლებში მათ მწარე დამარცხება აწვენიეს რომაელებს — მით უფრო ადვილად, რომ ამ დროს იმპერია თავისთავადაც ძალზე იყო მისუსტებული, რადგანაც შინაური და საგარეო აშლილობა თავის მწვერვალზე იყო ასული. სპარსელებმა იმასაც-კი მიაღწიეს, რომ თვით კეისარი ვალერიანე ტყვედ წაიყვანეს (260 წელს), რაც დაგვირგვინება იყო სპარსეთის მეფის

შაბუკა I-ის ცდისა, ხელში ჩაეკვდო რომის იმპერიის აღმოსავლეთი პროვინციები. სპარსელების გაძლიერებას, რათქმუნდა. მნიშვნელობა ჰქონდა ჩვენი ქვეყნებისათვისაც, საილაგნაც სპარსეთის მეფეები ხარბი თვალთ აღრევე იცქირებოდნენ. სპარსელების ვაფლენა ამიერ-კავკასიაში ყველაზე აღრე, გასაგებია, სომხეთში ჯა აღბანიაში გრკველდებოდა. სომხეთშიც მათ წინა საუკუნეებშიაც არა ერთგანის მიულწევიათ ჰეგემონიისათვის.

სომხური ეროვნული ტრადიციების მიხედვით, უკვე პირველმა სასანიანმა, არდაშირმა (226-240) დაიპყრა სომხეთი, დახარკა იგი და 25 წლის განმავლობაში ჰმართავდა მას თავისი მოხელეების საშუალებით. რომაული წყაროების ჩვენებითაც სომხეთი არდაშირის შვილის შაბურის დროს სპარსული ვაფლენის სფეროში შედიოდა. სპარსელების „მოღვაწეობა“ სომხეთში, როგორც ჩანს, არც თვით სომხებს ხიბლავდა და სომხების მეზობლებისათვისაც ცუდი მაგალითი უნდა ყოფილიყო. როცა იმპერატორი ვალერიანე სპარსელებმა ტყვედ წაიყვანეს, სომხეთის მეფეს არტაგაზდს შაბურისათვის მიუწერია — ამ აქტით (ვალერიანეს ტყვედ წაყვანით) შენ გადაიმტერე და ჩვენც გადაგვამტერე, იმიტომ რომ ჩვენ შემწეობა გამოგიგზავნეთ, ყველა ხალხი, რომელნიც მეგობრულ ურთიერთობაში იმყოფებიან რომაელებთან, ან ემორჩილებიან მათო. ამ ხალხთა შორის სომეხთა მეფე აღმოსავლეთში და პონტოში მცხოვრებ ხალხებსაც იხსენიებს და მართლაც ბაქტრიელებს, იბერიელებს, ალბანელებსა და ტავროსკვითებს უკუუგდიათ შაბურის წერილები, რომლებითაც სპარსეთის მეფე ამ ხალხებს ალბათ თავის მხარეს ეპატიჟებოდა და, სამაგიეროდ, რომაელების წინამძღოლთათვის მიუწერიათ, ვალერიანეს ტყვეობიდან გამოსხნის საქმეში დაგეხმარებითო. მაშასადამე, მესამე საუკუნის მეორე ნახევარში ამ ხალხების მმართველი წრეების ორიენტაცია რომისკენ ყოფილა მიმართული. უქვეველია, ამ მოვლენას თავისი უფრო ღრმა მიზეზებიც უნდა ჰქონოდა.

298 წლის ზაგმა, როგორც ვნახეთ, დადასტურა რომის უპირატესობა კერძოდ ქართლში, მაგრამ ქართლის დამოკიდებულება რომისაგან ამ დროს საფესებით მსუბუქი ფორმისა უნდა ყოფილიყო, მიუხედავად იმისა, რომ ფორმალურად ეს ვასალობა იყო. რომის იმპერატორები ხომ უფრო აღრევე ცდილობდნენ უხვი საჩუქრებით განემტკიცებინათ თავიანთი „მეგობრობა“ იბერიის მღეებთან, ხოლო შემდეგში, საერთო მდგომარეობის

გამო, კიდევ უფრო მეტი საფუძველი ჰქონდათ ასეთი პოლიტიკა განეგრძოთ. მეოთხე საუკუნის შუა წლებში, სპარსელთა გაძლიერებული შემოტევების გამო, რომაელები ცდილობდნენ, მდ. ტიგროსის გაღმა მცხოვრები მეფენი და სატრაპები თავიანთ მხარეს გადმოებრებინათ, მდიდარი საჩუქრებითა და საკირო შთაგონებით. მაგრამ, უწინარეს ყოვლისა, ცდილობდნენ ბრწყინვალე სამოსლებითა და მრავალფეროვან საჩუქრებით მოეჭრათამათ არშაკი და მირიანი („მერბანე“), სომხეთისა და იბერიის მეფეები, რომელთაც შეეძლოთ მაშინდელ საეკვო გარემოებაში ენოთ რომაელებისათვის, სპარსელების მხარე რომ მიეღოთო, ამბობს რომაელი ისტორიკოსი. და მართლაც, მეოთხე საუკუნის დამდეგიდან სპარსელების იერიშები სულ უფრო და უფრო ძლიერი ზდება. ამიერ-კავკასიაში, სომხეთისა და ალბანიის შემდეგ, სპარსელებს ეხლა ქართლიც ჰქონდათ მიზანში ამოღებული და ძალღონეს არა ზოგავდნენ, რომ რომაელები აქედან გაეძევებინათ.

რადგანაც არც ერთს მებრძოლ მხარეს იმხანად ისეთი რეალური ძალა არ გააჩნდა, რომ იარაღით გადაეწყვიტა საკითხი, ამიტომ ადგილობრივი მმართველი წრეების განწყობილებას განსაკუთრებული მნიშვნელობა ენიჭებოდა. ორივე მხარე სწორედ ამ განწყობილების მოპოვებას ცდილობდა. წყაროებიც მკაფიოდ მიუთითებენ მდგომარეობის ასეთ ხასიათს. მეხუთე საუკუნის დამდეგისათვის, როცა ბრძოლა ქართლის გამო ჯერ კიდევ არ იყო საბოლოოდ გადაწყვეტილი, ძველი ქართველი ჰაგიოგრაფი აღნიშნავს: „მათ ჟამთა შინა უკვე იყო ბრძოლა შორის ბერძენთა და სპარსთა და ეშინოდა ბერძენთა, ნუ უკვე შეერთოს მეფე ქართველთა სპარსთა და ბრძოლიან სამეფოსა ბერძენთასა და მძლე ექმნენ ბერძენთა. ამისთვისცა მოსთხოვა [კეისარმა]... მეფესა ქართველთასა ფიცითა სიმტკიცე, რათა არა შეერთოს სპარსთა“. ქართლის მეფე სათანადო პირობას იძლევა. მაგრამ კეისარმა „უმეტესისა სიმტკიცისათვის მოსთხოვა მძევალიცა მეფესა ქართველთასა, ხოლო რათა არა განიწვალნენ [ე. ი. არ გაიყონ, არ გაეთიშონ ერთმანეთის] ბერძენნი და ქართველნი და რათა იყოს მათ შორის მშვიდობა და სიყვარული, ამისთვისცა თავს იღვა ესე მეფემან ქართველთამან და წარგზავნა ძე თვისი“ მძევლადო. დასავლეთისკენ აულიათ ორიენტაცია ქართლის მმართველ წრეებს ჩვენთვის საინტერესო ხანაშიაც. დამოკიდებულება შორეულ რომთან მათთვის უფრო ხელსაყრელი იყო და ისაღები; ვიდრე სპარსელების ზედ კარზე მომდგარი ბატონობა.

მემატიანე ამტკიცებს, რომ პირველმა ქრისტიანმა ქართველმა მეფემ, მირიანმა, „წარგზავნა მოციქული წინაშე კონსტანტინე მეფისა და ითხოვა მისგან მშვიდობა და აღუთქვა მას მსახურება, და განდგომა სპარსთაგან და შემოდგომა მისი, რომელიცე სთნდა კონსტანტინეს, რამეთუ შიში აქენდა კვალადცა სპარსთა მეფისაგან და თანაშემწეობისაგან [ქართველებისა სპარსელების სასარგებლოდ], დაეზავა მირიანს და აღიყვანა შვილი მირიანისი მხეველად“. რომის იმპერიაში ამ დროს ქრისტიანობა უკვე სახელმწიფო რელიგიაა და იგი ბუნებრივად გამოყენებული ხდება აღწერილი საურთიერთო პოლიტიკური მიდრეკილების განსამტკიცებლად. ეს ამბავი და მისი ნამდვილი აზრიც მშვენივრად აქვს აღწერილი იმავე მემატიანეს. როცა მირიან მეფემ თავისი საბრძანებელი „განამტკიცა... სრულსა სარწმუნოებასა ზედა“, კონსტანტინე კეისარმა ქართველთა მეფეს „მძევალი, ძე მირიანისი... გამოუგზავნა... ნიკითა დილითა [დიდი საჩუქრებით] და მოუწერა ესრეთ: „მე კონსტანტინე თვითმპყრობელი, ახალი მონა ცათა მეუფისა, პირველ ეშმაკისაგან წარტყვენული და გამოხსნილი დამბადებელისა მიერ, მოვსწერ შენდა... ჩემთანვე ახალნერგისა მეფისა მირიანისსა—იყავნ შენთანა მშვიდობა და სიხარული. ვინაითგან იცან შენ სამება და ერთარსება, ღმერთი დამბადებელი ყოვლისა, არლარა მიხმს მე შენგან მძევალი, არამედ კმა არს ჩვენ შორის შუამდგომელად ქრისტე... და ჯვარი მისი... ვიყვნეთ ჩვენ სიყვარულსა ზედა ძმებრივსა. შვილი შენი შენდავე მომინიჭებია, იხილე და განიხარე... განდევნენ ღმერთმან დამბადებელმან ეშმაკი მაცთური საზღვართაგან შენთა“-ო. რადგანაც შენ ჩვენი ღმერთი იცან, მძევალი ეხლა ჩვენთვის საჭირო აღარ არის, მის მაგივრობას ქრისტე შეასრულებს — ის განამაგრებს კავშირს ჩვენ შორის და მაცთურ ეშმაკსაც (სპარსელებს!) გააძევებს შენი მიწა-წყლიდანაო. ჯერ საკვლევია, რათქმაუნდა, თუ საიდან აქვს ავტორს ეს საყურადღებო ცნობა ამოღებული, მაგრამ რომ თვით ცნობა სავსებით შეეფერება ისტორიულ სინამდვილეს, ამას საუკუნოდ ადასტურებენ უცხოური წყაროები. ბერძნული წყარო IV საუკუნისა, რომელსაც საფუძვლად დასდებია იბერიის საწინფო სახლის შვილის მოთხრობა ქართლის გაქრისტიანების შესახებ და რომელიც თითქმის თანამედროვეა ამ ამბებისა, გვამცნობს: როცა ახლად გაქრისტიანებული იბერიიდან მოციქულები მივიდნენ რომის იმპერატორთან სამღვდელო პირთა გამოსათხოვად, „კონსტანტინე მეფემ ისინი მეგობრულად მიიღო, უხაროდა რა



უფლისათვის. მან შეიწყნარა თხოვნა და... ხელთდასხმევინა [ე. ი. აკურთხებინა] იბერთა ეპისკოპოსი. ამავე დროს მას (კარგად) ესმის, რომ ეს არის ნიში ღმრთისა, რომელიც უცხოთესლთ უქვემდებარებს მას — ო.

ქრისტიანობის სახელმწიფო-სარწმუნოებად მიღება ქართლში უნდა მომხდარიყო IV საუკუნის ოცდაათიანს თუ ორმოციან წლებში. ქართლის იმ მეფეს, რომელმაც ეს აქტი შეასრულა, ქართულ-სომხური წყაროები ეძახიან მირიანს, ბერძნულ-ასურულნი-კი — ბაკურს.

არსებითად ეს ცნობები არ ეწინააღმდეგებიან ერთმანეთს: უცხოური წყაროების ბაკური არის მირიანის მემკვიდრე და მომდევნო მეფე ბაკური<sup>1</sup>. ამ ბაკურმა, როგორც ვნახეთ, გარკვეული როლი ითამაშა აღწერილ ამბებში. შესაძლებელია, ის მძევალი არ ყოფილიყო (და ეს გარემოება მერმე იყოს შეთხზული); მაგრამ სავსებით დასაჯერებელია, რომ მას იმპერატორის კარზე ეცხოვრა და კეისრის მთავრობას მისი იქ ყოფნა მართლაც გამოეყენებინათ თავისი მიზნებისათვის. შესაძლებელია ისედაც მომხდარიყო, რომ ქართული სამეფო სახლიდან ფაქტიურად პირველად ქრისტიანობა სწორედ კეისრის კარზე მყოფ ბაკურს მიეღო, სახელმწიფოს გაქრისტიანებას-კი მხოლოდ მეფის მონათვლა უღებდა საფუძველს. ქართული წყაროებიც შემდეგში ბაკურს განსაკუთრებით ენერგიულ მიმდევრად აცხადებენ ახალი სარწმუნოებისა და მისი შემდგომი გავრცელების აქტიურ ორგანიზატორად. ამიტომ გასაგებია, რომ ბაკური ქართლის პირველ ქრისტიან მეფედ გამოეცხადებინათ გარკვეულ წრეებს — აქაც ალბათ პოლიტიკური ტენდენციები იფარებიან.

რომ ზემოთ წარმოდგენილი ანალიზი სწორი უნდა იყოს, ამაში დასავლეთ საქართველოს გაქრისტიანების ისტორია გვარწმუნებს. უეჭველია, რომ დასავლეთ საქართველოში ქრისტიანობის ოფიციალურ კულტად ქცევას მნიშვნელოვნად დააგვიანდა აღმოსავლეთ საქართველოსთან შედარებით. თანაც ეს მოხდა იქ დიდი ყოყმანისა და მერყეობის შემდეგ, როგორც ჩანს. ამავე დროს

<sup>1</sup> ასე ეძახის მას უძველესი „ქართლის მოქცევის“ მატიანე. ჯურო გვიანდელი, ლ. მროველის თხზულებით ამ პირს ბაქარი ჰქვია. ცხადია, უპირატესობა პირველ წყაროს უნდა მიეცეს. სახელი „ბაქარი“ ამ დროს მით უმეტეს ნეოპლბელია, რომ, როგორც დოქ. ნ. ბერძენი შვილმა მიაქცია ჩვენი ყურადღება, ეს სახელი არაბული წარმოშობისაა და აღებული ხანისათვის ანაქრონიზმს წარმოადგენს.

ისიც უეჭველია, რომ ამ ფაქტის განხორციელებისათვის დასავლეთ საქართველოში ბევრად უფრო ხელსაყრელი პირობები იყო, თუ ფორმალურ თვალსაზრისზე დავდვებით. დასავლეთი საქართველო იმთავითვე ბევრად უფრო მჭიდრო კავშირშია რომის სახელმწიფოსთან, ვიდრე ქართლი. იგი გეოგრაფიულადაც ხომ უფრო ახლოს იყო რომთან. გარდა ამისა, დასავლეთ საქართველოს ტერიტორიაზე უძველესი დროიდან მოყოლებული იყო უცხოელთა ფაქტორიები — ზღვისპირა სავაჭრო ქალაქები (ფაზისი, დიოსკურია, ჰიტრუნტი), რომლებშიც მოსახლეობის უდიდეს ნაწილს აგრეთვე უცხოელები, კერძოდ ბერძნები, შეადგენდნენ. იმპერიის სხვა ნაწილებთან ეკონომიურად, პოლიტიკურად და კულტურულად მეტად ახლო დაკავშირებულმა, ამ ქალაქების მოსახლეობამ ქრისტიანობაც ადრე მიიღო. VI საუკუნის პირველ ნახევარში ზოგიერთ ამ ქალაქთანში უკვე საეპისკოპოსო კათედრაც-კი არსებობს. ყოველივე ამას სათანადო გავლენა უნდა მოეხდინა ადგილობრივ მოსახლეობაში ქრისტიანობის გავრცელებაზე. მოიპოვება ფაქტებიც, რომლებიც მოწმობს ახალი რელიგიის მიმღევართა არსებობას ლაზიკაში. მაგრამ, უკვე ვამბობდით, ქრისტიანობის გავრცელება ერთია და მისი სახელმწიფოებრივი სანქცია და ლეგალიზაცია — მეორე. მართალია, მოხსენიებულია, რომ სამოციანი წლების დამდეგს კონსტანტინოპოლში ჩასული ლაზიკის მეფე თავის ქრისტიანობის ნიშნებს ატარებდა, მაგრამ ეს, როგორც ჩანს, ვერ გამოდგება იმის საბუთად, რომ ლაზიკის სამეფო სახლი საბოლოოდ გადასული იყო ქრისტიანობის მხარეს. შესაძლოა, ლაზიკის მეფის მხრით ეს ერთგვარი ხერხიც ყოფილიყო: ის კონსტანტინოპოლში თავის სამართლებლად იყო ჩასული, რადგანაც მას რომაელების ლალატი ბრალდებოდა. და მართლაც, ამ ცნობის ავტორი ამტკიცებს, რომ ლაზიკის მეფემ რომაელი კარისკაცები, რომელთაც იგი თავდაპირველად საყვედურით აავსეს, მოხიბლა თავისი პირობით სიტყვებით და თავისი ქრისტიანობის ნიშნებით. მეორე მხრით, ამავე პირის შესახებ ნათქვამია, იგი კონსტანტინოპოლში ჩავიდა სპარსულ ტანისამოსში გამოწყობილი და მიდიურად მკველებით გარშემორტყმული. მაშასადამე, მას სპარსული ზნეჩვეულება და მიდრეკილებაც მკაფიოდ ახასიათებდა. პოლიტიკური ორიენტაციაც მას, კარგად ვიცით, სპარსული ჰქონდა. ლაზიკის სამეფო სახლის საბოლოო გაქრისტიანება, რაც, რათქმუნდა, ნიშნაედა ამ რელიგიის ოფიციალურ კულტად ქცევას ლაზიკაში, მოხდა, როგორც ჩანს, მხოლოდ მეექვსე საუკუნის ოციან

წლებში და ისიც თავისებურსა და საგულისხმო პირობებში. ლაზთა მეფე წათე მიდის კონსტანტინოპოლს, სადაც კეისარს უცხადებს სურვილს გაქრისტიანებისა და ლაზიკის სამეფო ტახტზე დამტკიცების შესახებ (ის ბიზანტიის ვასალია!). კეისარი სიხარულით ნათლავს წათეს და მის შვილს (მაშასადამე, მეფის ოჯახიც წარმართია), უბოძებს მას სანეფთო გვირგვინს, ძვირფას სამოსლებსა და სამკაულებს და თანაც ცოლად რთავს წათეს თავისი ერთი დიდებულ კარისკაცთაგანის ასულს. ცხადია, ქრისტიანობა, რომელიც მზითვად გააყოლეს წათეს სანეფთო გვირგვინს და ახალ ცოლს, იყო პირობა იმისათვის, რომ იმპერატორს თავისი ვასალი ტახტზე დაემტკიცებინა. წათეს მეორე ცოლიც ბიზანტია-ლაზიკის პოლიტიკური კავშირის განმტკიცების იარაღი უნდა ყოფილიყო. ეს პოლიტიკური მდგომარეობა აიძულებდა ალბათ წინათაც ლაზიკის სამეფო სახლს წინააღმდეგობა ქრისტიანობას, მისთვის კავშირი რომთან სრულებით არ იყო საძიებელი. ეს კავშირი არსებობდა და არსებობდა საკმაო მძიმე ფორმითაც: დასავლეთი საქართველო იმთავითვე რომის ვასალი იყო და არა ფედერატი. გვაქვს საბუთი ვიუიქროთ (ამის შესახებ შემდეგ ვისაუბრებთ), რომ გარკვეულ პერიოდში ქვეყანა ხარკსაც იხდიდა რომის სასარგებლოდ. ასეთ პირობებში, ივერიის საწინააღმდეგოდ, ლაზიკის მმართველი წრეები აშკარად სპარსული ორიენტაციისა არიან. ჩვენ, სამუშუაბროდ, თითქმის სრულებით არ მოგვეპოვება ცნობები დასავლეთ საქართველოს ვითარების შესახებ IV საუკუნეში. V საუკ. შუაწლებისთვის-კი დადასტურებულია, რომ ლაზები სპარსელების დახმარებას ეძიებენ რომაელების წინააღმდეგ; რომაელებსა და ლაზებს შორის ხანგრძლივი ომებიც სწარმოებს ამ ხანაში. ზოგჯერ რომაელები დამარცხებულნიც არიან ამ ბრძოლაში და იძულებულნი არიან უცხო დახმარებაც-კი ეძიონ ლაზების წინააღმდეგ. ამრიგად, ქრისტიანობის როლი დასავლეთ საქართველოს საგარეო პოლიტიკურ ურთიერთობაში სულ სხვაგვარი იყო, ვიდრე ეს ჩვენ ქართლის მიზართ დავადგინეთ.

ცნობების თითქმის სრული უქონლობის გამო, ჩვენ არაფერი ვიცით ფეოდალური კლასის განვითარების შინაგანი პირობების შესახებ ლაზიკაში. სხვადასხვა არაპირდაპირი წყნების საფუძველზე შესაძლოა მხოლოდ ვიფიქროთ, რომ ამ განვითარებას აქ არ შეხედრია ისეთი წინააღმდეგობა, როგორიც ქართლში. თეოკრატიული ელემენტები, რომელთაც ჩვენ აქაც ვპოულობთ გარკვე-

ულს დაწყებით პერიოდში, უფრო ზუსტად უნდა ყოფილიყვნენ გამონათვლნი და უფრო ადრე უნდა გამქრალიყვნენ, ვიდრე ქრისტიანობა აქ შინასოციალური და შინაპოლიტიკური ურთიერთობის სცენაზე გამოვიდოდა. მისი როლი, მაშასადამე, ამ მხრივაც სხვაგვარი იყო ლაზიკაში, ვიდრე ქართლში.

როგორც ზემოთ მოყვანილი მსჯელობიდან დაასკენიდა მკითხველი, ქრისტიანობის სახელმწიფო კულტად გადაქცევა ქართლში მაჩვენებელი იყო გარკვეული, მეტად მნიშვნელოვანი გარდატეხისა ქვეყნის სოციალურ განვითარებაში. იგი მნიშვნელოვანი იყო კულტურულადაც. წინაქრისტიანული, წარმართული, ქართული კულტურა, კერძოდ მწერლობა, რომლის არსებობაც თითქმის უეჭველად უნდა ჩაითვალოს, ალბათ იმიტომ განადგურდა ასე უკვალოდ, რომ მისი ბედი დაკავშირებული აღმოჩნდა იმ (ქურუმთა) კლასის ბედთან, რომლის მოსპობაც წარმოადგენდა აუცილებელ პირობას ახალ, გაბატონებისაკენ მიმსწრად (ფეოდალთა) კლასის, თავისი გამარჯვების მიზნებისათვის ახალი სარწმუნოებითა და ამ სარწმუნოების ნიადაგზე აღმოცენებული ახალი კულტურით შეიარაღებული კლასის განვითარებისათვის.

საბოლოო კონტლიქტი შედარებით სწრაფად გადაწყდა. მაგრამ თვით აღნიშნული წინააღმდეგობა ხანგრძლივ ვითარდებოდა, როგორც ჩანს. ამ მხრივ შესაძლებელია ინტერესს არ იყოს მოკლებული და არც დიდად დაშორებული ისტორიულ სინამდვილეს, უძველესი ქართული მატთანის, „ქართლის მოქცევის“, მიერ წარმოდგენილი სურათი, რომელსაც უეჭველად ატყვია მერმინდელი სტილიზაციის ნიშნებიც. ქართლის პირველი მეფე, აზო, აღექსანდრე მაკედონელის სარდალი, „ძველ მცხეთას“ დამჯდარა. არ ჩანს, სად გულისხმობს მათიანე ამ „ძველ მცხეთას“. მაგრამ ისტორიულად მაინც, თუ გეოგრაფიულადაც არა, იგი მემატთანისათვის არ უდრის მერმინდელ მცხეთას. აზოს მომდევნო ფარნავაზი უკვე იწყებს, როგორც ჩანს, არმაზის შენებას (მართავს არმაზის კერპს და აკებს არმაზის ზღუდეს“ წყლის მთარეს). შემდგომ მეფობათა განმავლობაში გრძელდება არმაზის შენება და იგი აშკარად ხდება მეფეთა რეზიდენცია. მხოლოდ მერვე მეფის, ბრატმანის, ზეობაში, „მცხეთას ქალაქი დაეწყო“, რომლის შენებაც მთავრდება მეთერთმეტე მეფობაში. და ამის შემდეგ, მემატთანის რწმუნებით, „მეფობაი ორად გაიყო. ორნი მეფენი დასხდეს იმიერ და ამიერ“ (ე. ი. ერთი — არმაზს და მეორე — მცხეთას).

შემდეგ მემატიაზე ექვს წყვალ მეფეს ასახელებს. თვით სამეფო, მისი წარმოდგენით, მაინც მთლიანია (ეს ჩანს მეფობათა სათვალავიდან). უკანასკნელი ორი მეფობის შესახებ ნათქვამია: „მეფობდა იმიერ როკ და ამიერ მირდატ და ამისაზე მოაკლდა არმაზი სამეუფო და მცხეთას ოდენ იყო მეფობა“ — მცხეთა საბოლოოდ იმარჯვებს. საკმარისია ჩაუვუკირდეთ მცხეთა-მუხრან-წილქნის რაიონის თვისებებს, რომ აღვიაროთ — იმ სამეფრნეო პროცესებისათვის, რომელნიც, როგორც თავის ადგილას ვამბობდით, საფუძვლად დაედგინენ ფეოდალური ურთიერთობის განვითარებას, ეს რაიონი სწორედ შესაფერის ბუნებრივ პირობას წარმოადგენდა.

შემდგომი განვითარება აღწერილი ამბებისა გადაჯაჭვულია საგარეო ურთიერთობის ფაქტებთან. სპარსელების გაძლიერებულ იერიშებს, — რომელთაც კიდევ უფრო მძაფრი ხასიათი უნდა მიეღოთ ქრისტიანობის ოფიციალურ კულტად ქცევის შემდეგ ქართლში, რასაც ერთგვარი გამოწვევისა თუ მუქარის ხასიათი ჰქონდა. სპარსეთისათვის, — პირველ თელსაჩინო შედეგად მოჰყვა 358 წლის ფაქტი. ამ წელს სპარსეთის შაჰანშაჰი შაბური ქართლს შესევია, ქართლის მეფე საურმაგი, რომელთა მფარველობის ქვეშ მყოფი, გაუდევნია და მის მაგიერ ქართლისავე სამეფო სახლის წევრი, ვინმე ასპაგური, დაუდგენია. ამან რომაელების პასუხი გამოიწვია. ატყდა ბრძოლა. რადგანაც არც ერთ მხარეს საკითხის საბოლოოდ გადასაწყვეტად საკმაო ძალა არ გააჩნდა. ადგილობრივ შეთანხმებით, ქართლის სამეფო ორ ნაწილად გაყოფილა — ერთში მეფობდა საურმაგი, მეორეში — ასპაგური, რაც არსებითად რომისა და სპარსეთის გავლენის სფეროთა გამოიჯენას მოასწავებდა. მაგრამ ასეთ მდგომარეობას სპარსეთის მთავრობა სრულებით არ სთვლიდა იდეალურად — მისი საბოლოო მიზანი ქართლის მთლიანად ხელში ჩაგდება იყო. მართლაც, მომდევნო წლებში ის ამას მიაღწევს. ორმეფობა ფორმალურად, როგორც ჩანს, მალე მოისპო. შემდეგში ქართლის სამეფო ისევ მთლიანი ჩანს და მისი მეფე — სპარსეთის შაჰანშაჰის ვასალი. ასეთი ვასალი ყოფილა ქართლის მეფე — ბაკური, რომლის მეფობაც, როგორც ჩანს, სამოცდაათიან წლებზე მოდის. მაგრამ არც ანით დაკმაყოფილებულან სპარსელები. ფორმალურად მოსპობილი ორმეფობა მათ ფაქტიურად განაახლეს სპეციალური დაწესებულებების — პიტიახშობის — შექმნით ქართლში. ეს იყო კონტროლის ორგანო ადგილობრივი მმართველი წრეების მიმართ. საგანგებო მო...

ხელე, რომელიც „ქართველთა პიტიახზის“ („პიტიახზი“ სპარსულად „ქვეყნის მმართველს“ ნიშნავს) წოდებულებას ატარებს, თვალყურს ადევნებს ქართლის მეფის, სპარსეთის ვასალის, მოქმედებას. ამით თვით პოლიტიკური დამოკიდებულებაც, რათქმაუნდა, უფრო მკიდრო ხდება. უძველესი ქართული მატთანე ამ ამბავს ასე ასწერს: „მაშინ მოვიდა ქრამ-ხვარ-ბორზარდ, სპარსთა მეფისა პიტიახზი, ტფილისად, ქალაქად ციხედ, და ქართლი მისსა ხარკსა შედგა“-ო. აქ ორი საინტერესო გარემოებაა აღნიშნული. ერთი: პიტიახზი ტფილისს ჯდება — ეს პირველი მითითებაა ქართულ წყაროებში თბილისის წამოწევის შესახებ (IV საუკუნეში!), ძნელი სათქმელია, რამდენად მართალი უნდა იყოს ის. ლოგიკურად და არსებითად დასაჯერებელია პიტიახზისათვის ასეთი რეზიდენციის შერჩევა ქართლის სამეფო რეზიდენციისათვის დასაპირისპირებლად. მეორე — ხარკის დაწესება სპარსელების მიერ ქართლში უკვე ამ დროს (IV ს. მეორე ნახევარში). ამ ამბის სინამდვილეც საძიებელია. მაგრამ უეჭველია, რომ ამ ადგილობრივ ცნობაშიც აღნიშნულია ის დიდი გავლენა, რომლისათვისაც ქართლში მიულწევიათ სპარსელებს მეოთხე საუკუნის სამოცდაათიან წლებში. მეოთხე საუკუნის დამლევსა და მეხუთის დამდეგს შინაურმა აშლილობამ სპარსეთში შეასუსტა, ჩანს, ქართლის დამოკიდებულება სპარსელებისაგან და საშუალება მისცა ქართლის მეფეს მისთვის უფრო სასურველი რომაული ორიენტაცია ეძია კვლავინდებურად. მაგრამ, მეხუთე საუკუნის ოციანი წლებიდან მოყოლებული, სპარსელებმა უკვე საბოლოოდ განამტკიცეს თავიანთი მდგომარეობა ამიერ-კავკასიის სამხრეთ-აღმოსავლეთ ნაწილში. 428 წელს მათ მეფობა მოსპეს სომხეთში. ამით ქართლისა და ალბანიის შემდგომი ბედის საკითხიც უკვე გადაწყვეტილი იყო. კერძოდ, ქართლში მეფე ისევ სპარსეთის შაჰანშაჰისადმი ვასალურ დამოკიდებულებაში ვარდება და პიტიახზის როლიც ისევ ძლიერდება. იგი აქტიურად ერევა ქართლის სამეფოს შინაურ საქმეებში. მეხუთე საუკუნის დამდეგის ერთ-ერთი მეფის, მირდატის შესახებ მატთანე, მაგ., გვაცნობებს: „ესე წარიყვანა პატიახზმან ბალდადს და მუნ მოკვდა“ (ანაქრონისტული ცნობა ბალდადის შესახებ აქ, რათქმაუნდა, მერმინდელი ჩანართია). მეზობელი სომხეთის მდგომარეობისა და საერთო ვითარების მიხედვით საფიქრებელია, რომ ქვეყანა ამ დროს მაინც უკვე ხარკს იხდის სპარსელების სასარგებლოდ.

მაგრამ განსაკუთრებით საყურადღებო ანბები ნებუთე სა-  
უკუნის მეორე ნახევარში დატრიალდა. ჯერ ერთი, თვით ცნობე-  
ბიც ამ ეპოქის შესახებ ბევრად უფრო მრავალფეროვანი და ნლი-  
დარი ხდება. ეს, უწინარეს ყოვლისა, ქართულ წყაროებს შეეხება.  
იგივე „ქართლის მოქცევის“ მატთან (მისი საბოლოო რედაქცია  
მე-7 — მე-8 საუკუნეს განეკუთვნება) ეპოქის შესახებ ძველ  
საყურადღებო ჩვენებას შეიცავს. უფრო ნაგვიანეია ისტორიკოს  
ჯუანშერის (ან ამ სახელს უკან ამოფარებული მწერლის) თხზულება.  
— ეპოქის მთავარი გმირის, ვახტანგ გორგასლის, მეფობის აღწერი-  
ლობა. მაგრამ მასშიაც, მგრმინდელი, არასწორი და ზოგჯერ ლე-  
გენდარული შენაწარდების სქელი შრეს ქვეშ აგრეთვე უაღრესად  
მნიშვნელოვან, ძალიან ძველ, ელემენტებს აღმოვაჩინთ. შენდევ-  
ამ პერიოდს გვისურათებს საყოველთაოდ ცნობილი, ქართული  
ორიგინალური ლიტერატურის უძველესი, ჩვენამდე მოღწეული,  
ძველი — ნაკობის „შეშანიკის მარტილობა“. არის სხვა, ფრაგმენ-  
ტული, ცნობებიც. უკვე ეპოქის ამ ლიტერატურული მემკვიდრე-  
ობის შედარებითი სიმდიდრე და მრავალსახეობა მოწმობს თვით  
ცხოვრებისა და საზოგადოებრივი ურთიერთობის გაართულებას. ძვე-  
ლი ქართული მწერლობა, ფეოდალური თავისი ხასიათით, რათქმა-  
უნდა, თავისი მატარებელი სოციალური ძალის განვითარებასთან  
ერთად იზრდებოდა. გარდა ამისა, მესობელ ერთა, განსაკუთ-  
რებით-კი, სომეხთა, ისტორიოგრაფიაში დაცული ჩვენებანი გეშე-  
ლიან სურათის მთლიანობის აღლვენასა და ისტორიულ-შედა-  
რებითი მეთოდის მომარჯვებას.

ყველაფერი მოწმობს, რომ ახალი წოდებრივი საზოგადოება  
უკვე გარკვეულ სახეს ატარებს. სხვადასხვა ტერმინებით, ნავრძ  
არსებითად ერთსადაინავე სოციალურ ჯგუფებს აგვიწერენ  
წყაროები. უმაღლეს სოციალურ ლენას, ჯუანშერის მიხედვით,  
ისევ ის წარჩინებულნი შეადგენენ. მაგრამ რამდენად ტექნიკური  
მნიშვნელობა აქვს უკვე ამ სიტყვას, როგორც სოციალურ ტერ-  
მანს, ჩანს ცნობიდან ქართლის საკათალიკოსო ტახტის მპყრობელთა  
შესახებ: „აქათვან არლარა მოიყვანებდეს კათალიკოსსა საბერძ-  
ნეთით, არამედ ქართველნი დასხდებოდეს წარჩინებულთა ნათე-  
სავთან“; გარკვეული დროიდან კათალიკოზებად თვით ქართველე-  
ბი არიან, წარჩინებულთა შთამომავლობისაო, მამასადამე, წარჩი-  
ნებულების ცნება ამ დროს უკვე შთამომავლობის სემანტიკურ  
მომენტსაც შეიცავდა. წარჩინებულთა წრიდან არიან უმაღლესი სა-  
მეფო მოხელეები — სპასპეტი, ერისთავები და სხვები. წარჩინებულე-

ბა ისეთი საზოგადოებრივი საფეხურია, რომლის მიღწევაც სხვა გრადაციის ხალხისათვის გარკვეულ დაწინაურებას ნიშნავს. ამ მხრივ დიდად საყურადღებოა ჯუანშერისავე ცნობა, რომ ვახტანგმა „გასცა ნიკი ერსა თვისსა და წარჩინებულ ქმნა მხედარნი მსახურნი (სხვა ვარიანტი: მხნეთ მსახურნი), გამოცდილნი წყობასა მას შინა ოვსათასა“-ო. მაშასადამე, მეფეს შეეძლო თავისი მხედრებისა და მსახურებისათვის (რომელთა შესახებაც ჩვენ ცალკე ვისაუბრებთ) წარჩინებულება ებოძებინა და ამ საფეხურზე (მსახურობა), რომელიც უკვე ერთგვარი უპირატესობის მაჩვენებელი იყო და ნარჩენ მასასთან შედარებით, უფრო მაღლაც დაეყენებინა. ამ წრეს უდრის, ან შეიძლება რამდენადმე მასზე ფართო იყოს აზნაურობა. ტერმინ „აზნაურს“ ჯუანშერიც ხმარობს, მაგრამ უფრო ხშირად იგი სხვა ძეგლებში გვხვდება. იაკობის თხზულების მიხედვით ქართლში უმაღლეს საზოგადოებრივ ჯგუფს აზნაურები შეადგენენ. აზნაურობას ამ დროისათვის უკვე შინაგანი დიფერენციაციაც განუტლია. იხსენიებიან აზნაურნი „დიდ-დიდნი“, რაც, რათქმუნდა, „მცირე“ აზნაურებსაც გულისხმობს. ეს გარემოება უკვე აზნაურობის ხანგრძლივი განვითარების პროცესს მიუთითებს. ამავე გარემოებისა და, მასთან ერთად, აზნაურთა გარკვეული სოციალური განკერძოებულობის მაჩვენებელია ისეთი ტერმინები, როგორცაა „ზეპური“, „სეფე-ქალი“ და სხვ., რომელნიც აზნაურის შთამომავლობისა და მფლობელობისადმი კუთვნილებას აღნიშნავენ. ვინ უპირისპირდებოდა აზნაურებს იმდროინდელ საზოგადოებრივ ქვედა საფეხურზე? იაკობის მიხედვით, ეს იყვნენ „უაზნონი“, ისეთი მასა მოსახლეობისა, რომელიც, თვით თავისი სახელწოდების აღნაგობის მიხედვით, აზნაურის თვისებებს მოკლებულ პირთაგან შედგებოდა. თუ იაკობის თხზულების მიხედვით ჯერჯერობით მაინც არ შეიძლება იმის თქმა (საკითხის უფრო დეტალურად შესწავლამდე), რომ მეხუთე საუკუნეში „უაზნო“ ეწოდება ყველა იმას, ვინც აზნაური არ არის (უაზნოთა წრეც შესაძლებელია მეტნაკლებად შეზღუდული ყოფილიყო), სამაგიეროდ ჯუანშერი გვაძლევს ასეთი ზოგადი მნიშვნელობის ტერმინს. ვახტანგის მეფობის სარწმუნოებრივი მოვლენების აღწერისას ჯუანშერი გვიაშობს, მცხეთელთა ეპისკოპოსმა ბინქარანმა, რომელიც ფარულად ცეცხლის მსახური ყოფილა, თავის მხარეზე მხოლოდ დაბალი ხალხის გადაბირება მოახერხაო. ბინქარანი, ამბობს მემატთანე, „ასწავებდა ქართველთა სჯულსა თვისსა. არამედ არა ერჩდა [არ დაემორჩილა, არ დაჰყვა] წარჩი-



ნებულთაგანი, გარნა [მაგრამ, გარდა, თუ არ] წვრილისა ერისაგანი მოაქცია ცეცხლისა მსახურებასა. და შვერია ქართლსა შინა ერსა ზედა წვრილსა ცეცხლის მსახურება... მაგრამ ბინქარანს აღმოუჩნდება მოწინააღმდეგე; რომელიც მას ბრძოლას უმართავს და ნაწილობრივ გამოასწორებს ბინქარანის მიერ ქრისტიანობისათვის მოყენებულ ზიანს: „ესე მიქაელ ეპისკოპოსი წინააღმდეგ ბინქარანსა მაცთურსა, რამეთუ ასწავებდა ყოველთა სჯულსა ჭეშმარიტსა. ამან [მიქაელმა] იპყრნა სარწმუნოებასა ზედა ყოველნი წარჩინებულნი ქართლისანი და ერიცა უმრავლესი. არამედ მცირედნი ვინმე წვრილისა ერისაგანნი მოიქცეს ცეცხლის მსახურებასა“-ო. შესანიშნავი ცნობაა, რომელიც მიუთითებს ქართველი „ერის“ (სტრატონისეული მესამე გენეს) ლიფერენციაციის მეტად მნიშვნელოვან ეტაპს. ეხლა უკვე აშკარა გამხდარა, რომ მთელი საზოგადოება ორ სხვადასხვა ნაწილად არის გაპოზირებული: ერთი მხრით, მაღლა მოქცეული უმცირესობა — „წარჩინებულნი“, „ერისთავნი“, „მოთაულნი“, „თავადნი“ (არა მერმინდელი წოდებრივი მნიშვნელობით), „მოთავარნი“ და სხვა ასეთი ჯურის ხალხი; მეორე მხრით, დამდაბლებული უმრავლესობა, „წვრილი ერი“, ძველი „ერის“, გვაროვნული დემოკრატიის ისეთი ნაშთები, რომელთაც პირადი თავისუფლება ჯერ კიდევ თითქმის მთლიანად შერჩენილი აქვთ, მაგრამ რომელთაც სხვა თავისი მნიშვნელოვანი (მაგ. პოლიტიკური) უფლებები დაუკარგავთ. „წვრილი ერის“ ხსენება შემდეგ საუკუნეებში კიდევ დიდხანს გვხვდება. ეს იმიტომ, რომ „წვრილი ერი“ კიდევ დიდხანს იბრძვის გააღმასებით თავისი უკანასკნელი, გვაროვნული საზოგადოების წიაღიდან გამოყოლილი, უფლებების შენარჩუნებისათვის. მაგრამ სულ უფრო და უფრო დიდი მასები „წვრილი ერისა“ სულ უფრო და უფრო სწრაფი ტემპით ეშვებიან კიდევ უფრო დაბლა. ისინი საკუთრივ „გლეხობის“, „ყმა გლეხების“ კატეგორიაში გადადიან. ამ პროცესის დამთავრება საქართველოს ტერიტორიის ძირითად არეზე ნიშნავდა ფეოდალური საზოგადოების საბოლოო ჩამოყალიბებას.

წყაროები არ შეიცავენ კონკრეტულ მითითებებს „წვრილი ერის“ სპეციფიკური ნიშნების შესახებ, მაგრამ მერმინდელი ცნობებისა და ისტორიულ-მედარებითი თვალსაზრისის წყალობით ამ ნიშნების მიახლოებით წარმოდგენა შესაძლებელი ხდება. წვრილი ერის წევრისათვის, ჯერ ერთი, დამახასიათებელი უნდა იყოს მეტნაკლები პირადი თავისუფლება; შემდეგ — ის, რომ მისი მდგო-

მარეობის სპეციფიკურობისათვის სამანულო დამოკიდებულება ამ დროს ჯერ კიდევ სავალდებულო არ არის. მისი ვალდებულებანი უმეტესწილ შემთხვევაში პოლიტიკურ ნიადაგზე არიან აღმოცენებული; იმ გარემოების წყალობით, რომ ძველი გვაროვნული საზოგადოების ნებაყოფლობითი ვალდებულებანი თავისი საკუთარი არჩეული ნიხელებს მიმართ ეხლა უზურბაციის გზით მითვისებული აქვთ სახელმწიფოს და ცალ-ცალკე პირთ. ასეთი ვალდებულებებია ეხლა სახელმწიფო გადასახადები — ხარკი, სამხედრო ბეგარა, საცისო და საცისისთაეო ვალდებულებანი. სხვადასხვა „ძღვენები“, „საჩუქრები“ და სხვა, ე. ი. ისეთი მისართმევეები, რომელნიც ფორმალურად ნებაყოფლობით ხასიანს ატარებენ მაგრამ არსებითად სავალდებულონი არიან. ქონებრივად „წვრილი ერი“ საშუალოდ ან მცირედ შემძლე პირებისგან შედგება. ღარიბ-ღატაკთა გაჩენასაც მათ წრეში საკმაო შესაძლებლობა მოეპოვება. ამ ნიადაგზე შეიძლება სამაშულო დამოკიდებულებაც გაჩნდეს. საზოგადოებრივად „წვრილი ერი“, ყველა შემოთ ჩამოთვლილი მიზეზის გამო, რათქმუნდა, მოკლებულია „წარჩინებულთა“ თანასწორ პატივსა და უფლებებს. თვით სახელწოდება „წვრილი“, რომელიც აწკარად კნინობითობის ნიშნენლობას ატარებს, უკვე მოწმობს ამას. ცხადია, რომ ეს სახელი ზევიდან არის დარქმეული; იგი ამ წარჩინებულთა ტერმინია „დაბალი“, „პატარა“, ხალხის აღსანიშნავად. ასეთ „წვრილი ერი“-კი, რომელიც განაგრძობდა თავისი უფლებებისათვის ბრძოლას და რომელსაც საკუთარი ჩამომაღლობა კარგად ახსოვდა, თავის თავს „ერს“ ეძახოდა. ჯერ კიდევ XIV საუკუნეში მათის თავისუფალი მოსახლეობა თავის თავს „ჰეროვანს“ უწოდებს. ე. ი. „ერის“ მოღვმას, „ერის“ შთამომავლობას. ამავე ჰერის საყარია მეგრული „ერებაში“, „ჰერებაში“, რაც „მშვენიერს“, „სასიამოვნოს“ ნიშნავს („ერები“ მეგრულად აღნიშნავს დიდ ოჯახს მცელი თავისა ქონებითა და საქონლით; მისი კავშირი „ერთან“ შეეცვლია). სხვადასხვანაირი სემანტიკური აქცენტი, რომელიც ამ ფორმებს (ერთი მხრითა — „წვრილი ერი“; მეორე მხრით — „ჰეროვანი“, „ერებაში“) თვალსაჩინოდ თან ახლავს, მათს სხვადასხვაგვარ სოციალურ წარმოშობას ცხადად მოწმობს.

„წვრილი ერის“ გვერდით საკუთრივ ყმა გლეხობაც ამ დროს, უმეტესწილად, მოიპოვება, მხოლოდ ზევიდან უფრო მცირე რაოდენობით. სამწუხაროდ, წყაროები ამ სოციალურ კატეგორიას სრულებით არ იხსენიებენ. სამაგიეროდ, წყაროები ეხლა უკვე ხშირად

აღნიშნავენ საზოგადოების ფსიქრზე მოთავსებულ „მონა-მხეველებს“ (მხევალი = მონა-ქალი).

აზნაურები, წერილი ერი, გლეხები, მონები წარმოადგენენ ძირითად კატეგორიებს ქართლის მოსახლეობისას V საუკუნის მეორე ნახევარში. მაგრამ ამ დაჯგუფებით არ ამოიწურება მაშინდელი სოციალური დანაწევრების მთელი მრავალფეროვნება. აზნაურთა (წარჩინებულთა) შორის, უკვე ვამბობდით, ამ დროს „დიდ-დიდნიც“ განირჩევიან. ჩვენ ეხლა სწორედ მათ უნდა ჩაუფიქროდეთ. უამისოდ გაუგებარი დარჩებოდა როგორც ვახტანგის მეფობის შინაპოლიტიკური ამბები, ისე სპარსელების მოქმედებაც ქართლში. „დიდ-დიდი“ აზნაურები. ისეთი პირნი უნდა იყვნენ, რომელნიც თავისი წრის სხვა წევრთაგან, პირველ რიგში, ალბათ ქონებრივი შეძლებით განირჩევიან. საფიქრებელია, რომ ეს ქონებრივი შეძლება, უწინარეს ყოვლისა, მსხვილ მამულშია გამოხატული, რომელიც მათ სხვადასხვა გზით აქვთ შეძენილი. ამ ნიადაგზე თვით აზნაურთა წრეშიც მათი საზოგადოებრივი და პოლიტიკური მნიშვნელობა განსაკუთრებული ხდება. ეს მნიშვნელობა ჩვენ წყაროების პირდაპირ თუ არაპირდაპირ ჩვენებათა წყალობით შეიძლება გავარკვიოთ. მივაქციოთ, კერძოდ, ყურადღება სპარსელების პოლიტიკას ქართლში. უკვე 368 წლის აქტი, ქართლის სამეფოს ორ ნაწილად გაყოფა, მოწმობს იმას, რომ არსებობდა რაღაც ფენები. ქვეყანაში, რომელსაც, სხვადასხვაგვარი ინტერესების მიხედვით, შეიძლებოდა დაყრდნობოდნენ ერთ მხარეში — რომაელები, მეორე მხარეში — სპარსელები, V საუკუნეში უცხო ძალის ეს შინაური საყრდენი უფრო მკაფიოდ ჩანს. გორგასლის მამის მეფობისთვის მემატრანე აღნიშნავს: „მეფობდა მირდატ და მთავარ ეპისკოპოსი იყო გლონოქორ. და ესე მთავარეპისკოპოსი ერისთვადცა იყო ბარაზბოდ პიტიახშისაგან ქართლს და ჰერეთს“. უალრესად საყურადღებო ცნობაა სპარსეთის მთავრობის ემისარი ქართლში — პიტიახში ქართლის ეკლესიის მეთაურს (ჯერ კათალიკოსობა არ არსებობს) თავის ერისთვად, საერო მოწვევად, ნიშნავს. კავშირი იბმება სპარსეთის ცეცხლისმსახურ მთავრობასა და ქართლის ქრისტიანულ ეკლესიას შორის. მაგრამ ჩვენ ვიცით ჯუანშერისაგან, რომ V საუკუნის გარკვეული (ჯუანშერის შემცდარი ისტორიული პერსპექტივის მიხედვით — უფრო გვიანდელი) ხანიდან მოყოლებული, ქართლის ეკლესიის საკეთმპყრობელთა ტახტზე „დასხდებოდეს წარჩინებულთა ნათესავთანი“, წარჩინებულთა. აზნაურთა წრის შთამომავალი

პირები. მაშასადამე. სპარსელების მიერ ქართლის ეკლესიასთან კავშირის გაბმა არსებითად ნიშნავდა ადგილობრივი აზნაურობის გარკვეულ ფენებთან კავშირის დამყარებას. ასეთსავე მოვლენას, მხოლოდ სპეციალურ პირობებში განვითარებულს, ვხედავთ ჩვენ მეზობელ სომხეთშიაც. ძველი ქართველი მწერალი, არსენი კათალიკოზი, გვიამბობს: რომ გარკვეულ ხანაში სპარსელები სომხეთში სწორედ ადგილობრივ ეკლესიას ეყრდნობიან: „რომელთა-მე კათალიკოსთა და ეპისკოპოსთა მეფენი სპარსთანი დაიშვილნეს და ძეობილად უწოდდეს... რომლისათვისცა, მსჯელობა მთავრობისა თვით მიიტაცეს და არა სიმართლისაებრ კანონთასა, არამედ თვისისაებრ ნებისა იქცეოდეს და სახმარი ეკლესიათა არა ვითარ დაწესებულიყო ეკლესიათათვის, არამედ სახმრად თვისად და კაცთა საჩვენებლად განაბნევდეს, რომლისათვის ეპისკოპოსნი ყოველნი და მამასახლისნი ყოველნი მიიქცეს დღეთისა განსარისხელსა ამასა შესაძინელსა სათნოებითა მეფეთა უღთოთათა... და იქმნეს საეპისკოპოსონი, ვითარცა საკერპონი, და მივიდიან აზნაურნი კარად საეპისკოპოსოდ და არა ჰპოვიან ჟამი შესლვად და შეიქციან სირცხვილელნი, ვითარცა კარისაგან სპარსთა მარზპანთაისა და უფროის-და“... სპარსელების შემდგომი დაახლოება ქართლის დიდ აზნაურებთან გამოიხატა თვით პიტიახშის თანამდებობის გადაცემაში ამ აზნაურობის წარმომადგენელთათვის. რაც მოწმობდა როგორც თვით ამ დიდ აზნაურთა ზრდას, ისე წინააღმდეგობის განვითარებას დიდ აზნაურთა ჯგუფსა და ქართლის მეფეს შორის. ქართლის ადგილობრივ მკვიდრ პიტიახშთა ისტორია საყურადღებო ფურცელია ქართული ფეოდალიზმის განვითარებისა.

მეხუთე საუკუნის შუაწლებისათვის იხსენიება პიტიახში არშუშა. იგი „მთავრობს“ (წყაროების გამოთქმა) ე. წ. ქვემო ქართლის (თრიალეთის ქედის სამხრეთით მდებარე ნაწილი ქართლისა, სომხეთამდე; აღმოსავლეთით ისაზღვრებოდა მტკვრით) გარკვეულ ტერიტორიაზე. განსაზღვრულ ხანაში მაინც ქართველთა პიტიახშს თითქმის მთელი ქვემო ქართლი ექვემდებარება, რადგანაც; ერთი ნაგვიანევი ცნობით. პიტიახში „ჰმთავრობდა თრიალეთს, ტაშირსა და აბოცს“. არშუშას განსაკუთრებულ საზოგადოებრივსა და პოლიტიკურ როლზე მიუთითებს ის ცნობა, რომ, როცა სპარსეთის მეფემ იებდიგერდ მეორემ მოიწადინა ქართლში, სომხეთში და ალბანიაში მახდვიანობის გავრცელება ადგილობრივი ფეოდალური ძალების საშუალებით, ქართლიდან მან

სხვა თავკაცებთან ერთად პირველ რიგში სწორედ არშუშა პიტიახში დაიბარა. არშუშამ, სხვებთან ერთად, იენდიგერდის მოთხოვნით, უარყო ქრისტიანობა და იქვე იქნა დატოვებული, ალბათ როგორც თავმდები იმისა, რომ შინ დაბრუნებულნი ქართლის სხვა წარჩინებულნი მეფის ნების აღმსრულებელნი იქნებოდნენ. არშუშას სოციალურ მდგომარეობაზე მიუთითებს ის გარემოებაც, რომ იგი მოყვრობითაა დაკავშირებული მენზობელი ქვეყნის, სომხეთის, უდიდეს ფეოდალურ საგვარეულოსთან—მამიკონიანებთან. არშუშას შემდეგ ქართველთა პიტიახშის უფლებას მისი შვილი ვარსკენი იღებს. ვარსკენიც ქართლში მეფის შემდეგ პირველი კაცია, როგორც ეს (და სხვა, ქვემოთ ჩამოთვლილი ფაქტებიც) ჩანს იაკობ ხუცესის შესანიშნავი თხზულებიდან. სპარსეთის მეფის კარზე ის შინაური კაცივითაა. მისი პირველი ცოლი სომხეთის ყველაზე წარჩინებული დიდბულის, ვარდან მამიკონიანის ქალია. მეორე ცოლად-კი თვით სპარსთა მეფის ასულს ირთავს. მის მეუღლეს ყველანი დედოფალს უწოდებენ. საპიტიახშოს მთელი მოსახლეობა, როგორც საერო, ისე სასულიერო, მის სრულ განკარგულებაში იმყოფება. თავის სამკლობელოში დაბრუნებისას იგი განკარგულებას იძლევა, რათა „წინა მიეგებნენ მას აზნაურნი და მისი ძენი და მსახურნი“. ვარსკენის განკარგულებით, მის ცოლს, ამ „დედოფალს“, ჯაქვსა და ბორკილებში სვამენ, სცემენ (ასჯერ დაჰკრეს ჯოხი!), საპყრობილეში უსასტიკეს რეჟიმში ჰყავთ. ის თავისი საკუთარი ხელითაც სცემს და მიწაზე ითრევს თავის ცოლს და „დედოფლის“ გამოსარჩლებას ვერავინ ჰბედავს. მხოლოდ პიტიახშის ღვიძლი ძმა კადნიერდება თავისი რძლის შველისათვის, მაგრამ... „შველად აღდგა ჯოჯიკ, ძმაი მისი და იბრძოდეს, ვიდრემდის გემა [სცემა] იგიცა და... თავსა მისსა მოხეტქა“! არც სასულიერო პირებს აყრიათ სიკეთე პიტიახშისაგან. ეპისკოპოსს აგინებს და მის ღმერთსაც ჰგმობს. ეპისკოპოსის ერთს მოსარჩლე მღვდელს ვარსკენი ჯოხით სცემს: „უხეტქნა კვერთხითა ხუცესსა მას ზურგსა და მან ვერლარა იკადრა სიტყვად“. ვარსკენი გარკვეულ ტერიტორიაზე ყველას „უფალია“ (=ბატონი) და ასედაც მიჰმართავენ მას. ზემოთ მოხსენებული ხუცესი სწორედ ასე ეუბნება ვარსკენს: „უფალო, რაისა ეგრე იქმნა?... ბატონო, ეგრე რათა შერებიო? თუ როგორია ფსიქოლოგიური განწყობილება პიტიახშის მიმართ, ამას ერთი დამახასიათებელი ეპიზოდი გვისურათებს. ნაკეში შუშანიკი ტაძრიდან (=სასახლიდან) საპყრობილეში მიჰყავთ. იქვე მდგომ ერთ

სასულიერო პირს უნდა „დედოფალს“ გამხნეებისა და ნუგეშის-სიტყვა უთხრას. იშვიათი მხატვრული ექსპრესიით ავტორი ასე-ასწერს ამ სცენას: „ღიაკონი ვინმე ერთი მის ეპისკოპოსისაი დგა-წმიდისა შუშანიკის თანა მას ჟამსა, რომელსა გამოჰჰყავდა იგი-ტაძრით და უნდა რაითამცა ჰრქვა თუ: „მტკიცედ დეგ!“ და თვა-ლი ჰკიდა პატიახშმან, სხვაი ვერღარაი სცალდა სიტყვად — ესთენ-ოდენ ჰრქვა: „მტკი“... და დადუმნა ხოლო და სივლტოლად იწყო- [ =გაიქცა ] სწრაფით“. ასეთი შიშით სავსე დამოკიდებულება პი-ტიახშისადმი ცხადად მოწმობს იმ განუსაზღვრელ უფლებას, რომელიც ჰქონდა მას თავისი სამფლობელოს მოსახლეობის მიმართ. ამ უფლების განმტკიცებისათვის განსაკუთრებული მნიშვნელობა-ჰქონდა პიტიახშის უფლების შთამომავლობით დამკვიდრებას ერთ-სახლში. მეექვსე საუკუნის შუაწლებში ქართლის პიტიახშად ისევ არშუშა იხსენიება. სახელის განმეორების მიხედვით ცხადია, რომ იგი ამავე სახლს ეკუთვნის (შესაძლოა, ზემოთ მოხსენებული არშუ-შას შვილიშვილი და ვარსკენის შვილიც იყოს). VII საუკუნის დამ-დეგსაც ქართლის მთავართა შორის აგრეთვე არშუშა იხსენიება. ესეც ალბათ იმავე ოჯახის შთამომავალია. საუკუნეების სიგრძე-ზე, ვხედავთ ჩვენ, პიტიახშის „სამთავრო“ უფლება ერთსადა-იმამე სახლს მტკიცედ უქირავს ხელში. გასაგებია, თუ როგორ კარგად შეეძლო ამ სახლს ასეთი პოლიტიკური მდგომარეობის გამო-ყენება თავისი სოციალური და ეკონომიური ძლიერების შემდგომი ზრდისა და გადიდებისათვის.

მაგრამ ქართლის პიტიახში მხოლოდ ერთი „მთავართაგანი“ იყო. შესაძლოა (და მეფობის უკანასკნელ პერიოდში ასეც იყო), ის სხვებზე შემძლე და წარჩინებულიც ყოფილიყო. მაგრამ აზნა-ურობის წრეში, ეკვს გარეშეა, ამ დროს უკვე არის სხვა ისეთი ოჯა-ხებიც, რომელნიც მეტნაკლებად ანალოგიურ მდგომარეობაში იმ-ყოფებიან. ესენი არიან არა მარტო „დიდ-დიდი“ აზნაურები, რო-გორც მათ იაკობ ხუცესი იხსენიებს. მათ ნაწილობრივ უკვე გან-ვლილი აქვთ პიტიახშთა მსგავსი გზა განვითარებისა.

ფეოდალური ძალების ამ პირველი გამსხვილების მაჩვენებ-ლებს სხვადასხვა სფეროებში ვპოულობთ. ავიღოთ ეკლესია. ქრისტიანული ეკლესიის ორგანიზაცია ყოველთვის ეგუებოდა იმ ქვეყნის საზოგადოებრივ-პოლიტიკურ აღნაგობას, რომელ-შიაც იგი ეწყობოდა. ქართლშიც ასე იყო. ვახტანგ გორგას-ლის მეფობაში ქართლის ეკლესია უკვე საკმაოდ რთული სტრუქტურის მატარებელია. ამ მხრივ განსაკუთრებით საყუ-

რადღებოა საეპისკოპოსოების მრავალრიცხოვანება, რომელსაც იმ დროისათვის აღნიშნავენ წყაროები. ეს ფაქტი იმ მხრივას საყურადღებო, რომ იგი მიუთითებს იმ ცენტრალურ პუნქტთა რიცხვის ზრდაზე, რომელთა გარშემოც ჯგუფდებოდნენ ქართლის ახალგაზრდა ფეოდალური ძალები. ისე როგორც პიტიახშის სამფლობელო საეკლესიო-იერარქიული თვალსაზრისით ცალკე საეპისკოპოსოს შეადგენდა, რომელსაც „პიტიახშის სახლის“ საეპისკოპოსო ეწოდება, ისევე ცალკე მეტნაკლებად განვითარებულ სენიორალურ ცენტრებს ვგულისხმობთ ჩვენ იქ, სადაც საეპისკოპოსო კათედრებია აღნიშნული. ასეთი საეპისკოპოსო პროვინციალური კათედრები V საუკუნის მეორე ნასევარში ქართლში შემდეგი ყოფილა: კლარჯეთში — ახიზისა, არტანში — ერუშეთისა, ჯავახეთში — წუნდისა, ქვემო ქართლში — ბოლნისისა და მანგლისისა, კახეთ-კუხეთში — რუსთავისა, ნინოწმინდისა, ქერემისა, ჩელთისა, ხორნაბუჯისა, აგარაკისა, შიდა ქართლში — ნიქოზისა. ეს სია სრული არ არის. მაგრამ ცხადია მის მიხედვითაც, რომ ხსენებული ცენტრები აღებულ დროს საკმაოდ მრავალრიცხოვანი არიან.

ასეთსავე საზოგადოებრივ მოვლენას შეესატყვისებოდა ის სახელმწიფოებრივ-ადმინისტრაციული ორგანიზაცია, რომლის შესახებაც ლაპარაკობენ წყაროები. მაგრამ ეს ცნობები უფრო მეტს კრიტიკულ დამოკიდებულებას მოითხოვენ და მათს განხილვას აქ აღარ შევუდგებით.

ეპოქის საზოგადოებრივი ურთიერთობის სიართულის გასაშუქებლად საჭიროა კიდევ ერთ გარკვეულ კატეგორიაზე მითითება. ეს არიან „მსახურნი“ ანუ „ტაძრეულნი“ (სიტყვისაგან „ტაძარი“, რაც ძველად სასახლეს აღნიშნავდა). ეს არიან პირნი, წარმოშობით ალბათ უმეტესწილ შემთხვევაში „წვრილი ერისაგან“ (ზოგჯერ ისინი, შესაძლებელია, გააზატებული მონებიც ყოფილიყვნენ), რომელნიც მეფის ან დიდი აზნაურის კარზე რაიმე სამსახურს ასრულებდნენ. მათი რაობა კარგად ჩანს იაკობ ხუცესის თხზულებაში. თავის სამშობლოში დაბრუნებულ ვარსკენ პიტიახშს შინ ეგებებიან „აზნაურნი, მისნი ძენი და მსახურნი“. რა ფუნქცია ეკისრებათ მათ? ჯოჯოკი, ვარსკენის ძმა, ეუბნება შუშანიკს: დაჰყევ ქმრის ნებას, თორემ „უწყვი მე, აწ მოავლინნეს მსახურნი და თრევით წარგიყვანოს შენ“. ურჩ ცოლს პიტიახში საპყრობილეთში (ჯერ შინაურ, შემდეგ-კი ნამდვილ პატიმრობაში) სვამს — ამ ბრძანების შემსრულებელი და მცველი მსახურია: ... „ბრძანა კრძალულად

დაცვაი მისი ერთითა მსახურითა“. შემდეგშიაც ეს პირი სულ მსახურად იხსენიება. ამავე დროს იაკობი მას „მცველს“ ეძახის. მაშასადამე, მსგავსი აღმინისტრაციულ-პოლიციური მოვალეობანი „მსახურებს“ უნდა შეესრულებინათ. გარდა ამისა, მსახურნი შინაურ წესრიგს იცავენ პიტიახშის „ტაძარში“, წმიდა საყოფაცხოვრებო დავალებებსაც ასრულებენ იქ და სხვა. ერთ დღეს „მოვიდა მგელი იგი [პიტიახში] ტაძრად და ჰრქვა მსახურთა თვისთა: „დღეს მე და ჯოჯიკ და ცოლმან მისმან ერთად პური ვჭამოთ, ხოლო სხვასა ნუ ვის უფლიედ ჩვენ თანა შემოსვლად“-ო, ე. ი. პიტიახშის ტაძარში პურისჭამის გარიგება და გარკვეული წინასწარი წესების დაცვა მსახურებს ჰქონდათ დაკისრებული. თავისთადაც გასაგებია და ჯუანშერის თხზულებიდანაც ჩანს, რომ მსახურნი თავიანთ „უფალს“ ომშიც მისდევდნენ.

„მსახურობა“ გარდამავალი საფეხური იყო „წვრილ ერსა“ და „წარჩინებულთა“ ანუ „აზნაურთა“ შორის. „წვრილი ერიდან“ გამოსულ კაცს, რომელიც „მსახური“ იყო მეფის ან დიდი აზნაურის კარზე, თვითონ ჰქონდა გააზნაურების შესაძლებლობა. თავის ადგილას უკვე მოტანილი იყო ჯუანშერის ცნობა, რომ ვახტანგ გორგასალმა, ოსეთის ომის შემდეგ, „გასცა ნიპი [საჩუქარი] ერსა თვისსა და წარჩინებულ ქმნა ზხედარნი, მსახურნი გამოცდილნი წყობასა მასწმინა ოვსთასა“-ო. კიდევ უფრო საინტერესო და საყურადღებოა ცნობა, რომელიც უკვე გვიანდელ ხანას გულისხმობს (VII საუკ. დამდეგს). სახელდობრ, მემატთანე ამბობს, რომ მეფე არჩილი „მოვიდა კახეთად და ყოველთა ტაძრეულთა მისთა მიუბოძა კახეთი და აზნაურყენა ივინი“-ო, მამულებსა და აზნაურობას უბოძებს ზეფე თავის ტაძრეულებს, მსახურებს.

ასეთი და ბევრად უფრო ნიშანდობლივიც (ადგილის ეკონომიისათვის იძულებულნი ვართ შეგვეცოთ ჩვენი თხრობა) იყო ქართლის საზოგადოების აღრინდელ-ფეოდალური სახე, როცა სამეფო ტახტზე იჯდა ვახტანგ გორგასალი, პირველი მკათიო და თან საეცებით ისტორიული ფიგურა საქართველოს ძველ ისტორიაში. უკვე ტახტზე ასვლისას „ვახტანგი სპარსეთის ვასალად ითვლებოდა, როგორც ჩანს: „წარიყვანეს ვახტანგ სპარსთა და შემდგომად რაოდენისამე ჟამისა მოიქცა“-ო, ამბობს მემატთანე. მაგრამ თავისი მეფობის უკანასკნელ პერიოდში ვახტანგი ცდილობს ამ დამოკიდებულებისაგან განთავისუფლებას. იწყება ომი, რომელიც თვით ქართლის ტერიტორიაზე მიმდინარეობს. პოლიტიკური დამოკიდებულების გარდა, ომის მიზეზი უნდა ყოფილიყო ის ხარ-



კიც, რომელსაც ქართლი იხდიდა სპარსეთის სასარგებლოდ. მაგრამ, გარდა ამისა, ეს საგარეო ომი განისაზღვრებოდა და ნაწილობრივ გამოწვეულიც იყო იმ შინაგანი წინააღმდეგობით, რომელიც ქართლის მეფესა და დიდ აზნაურთა შორისაა განვითარებული. ქართლის მონარქია, რომლის მოკავშირედაც ვხედავთ ჩვენ აზნაურებს IV საუკ. დამდეგს, თავისი წარმოშობითა და მთელი თავისი ხასიათით, არ შეეფერებოდა ქართლის ახალგაზრდა ფეოდალურ ძალთა ინტერესებს. თუ ამ დროს ეს ძალები შეურიგლებიან ცენტრალურ ხელისუფლებას, ეს ხელისუფლება სულ სხვა ხასიათისა უნდა იყოს. იგი ცენტრალური უნდა იყოს მხოლოდ იმდენად, რამდენადაც ეს საჭიროა ამ ადრეული ფეოდალური ერთეულების ურთიერთობისათვის, რომელთა შორისაც სუსტი კავშირი მაინც არსებობს. სხვაფრივ-კი მათ კარბად გამოხატული ადგილობრივი ინტერესები აქვთ, რომელნიც სათანადო პოლიტიკურ ფორმასაც მოითხოვენ. ამიტომ ცენტრალური ხელისუფლების წარმომადგენელი იმათთვის მხოლოდ იმდენად იქნება მოსათმენი, რამდენადაც იგი მხოლოდ „პირველი იქნება თანასწორთა შორის“. ქართლის ძველი მონარქი-კი, — და განსაკუთრებით ვახტანგ გორგასალი, ეს, ყველა ცნობის თანახმად, ძლიერი, ნიჭიერი და ხელისუფლების მოყვარე პიროვნება, — „თვითმპყრობელობას“ ცდილობს. იგი „მეფეა თვითმპყრობელი“, მას „არა ცუდად ბიეს ხრმალი, რამეთუ ღვთისა მიერ მთავრობს“. ვახტანგ გორგასლის ეს მისწრაფება ცენტრალიზმისაკენ გამოიხატა, როგორც ჩანს, რთული სამმართველო-ადმინისტრაციული აპარატის შექმნაში. მაგრამ ქვეყანაში არ არსებობდა ძალა, რომელსაც ეს ცენტრალიზმი შეიძლებოდა დაჰყრდნობოდა, და ვახტანგის ცდა წინასწარ განწირული იყო, რათქმაუნდა. ვახტანგის საგარეო და საშინაო პოლიტიკა მარცხით თავდება. წაგებულია ბრძოლა სპარსელებთან. და ამის მიზეზია არა მარტო სამხედრო უპირატესობა სპარსელებისა, არამედ, უფრო მეტად, ის შინაგანი სისუსტე ვახტანგისა, რომლის წყაროც დიდ აზნაურთა ოპოზიცია იყო. თვით სპარსელებთან ომის პროცესში ადგილი ჰქონდა აშკარა დაღატკ. სომხური წყაროების ცნობით, როგორც-კი სპარსელთა სარდალი ჰაზარაფხტი ქართლში შესულა, მაშინვე მას სპარსეთის მთავრობის ერთგული ქართველები მიშველებიან. სპარსელების მხარეზე გადასულა ბევრი სხვა ქართველიც, რომელნიც თავდაპირველად ვახტანგს ემხრობოდნენ, მაგრამ შემდეგში შაჰის წყალობის დაპირებით მოხიბლულან.

ცხადია, რომ ეს „მოლაღატენი“ იყვნენ სწორედ ის პიტიახში და სხვა ძმანი მისნი, „აზნაურნი დიდ-დიდნი“, რომელთაც ზემოთ გავეცანით და აკი ვახტანგის ბრძანებით ვარსკენ პიტიახში მოკლულ იქნა კიდეცა. მაგრამ ვახტანგის და ამ წრის ბრძოლა ჯერ კიდევ სპარსელ-ქართველთა ომამდე დაიწყო. თავდაპირველად იგი ეკლესიაში მიმდინარეობს. ჩვენ ვნახეთ, რომ ქართლის ეკლესიის მმართველი წრეები ამ დროს აზნაურობასთან არიან დაკავშირებულნი და რომ მათ გარკვეული ურთიერთობა აქვთ სპარსეთის მთავრობასთან სწორედ იმიტომ, რომ ისინი მატარებლები არიან იმავე ინტერესებისა, რომლებითაც ეს დიდი აზნაურნი იყვნენ გამსჭვალულნი. ეკლესიის კავშირი სპარსელებთან არა მარტო პოლიტიკურ სახისაა (მთავარეპისკოპოსი — ერისთავად!). სპარსელები ქართლის ქრისტიანულ ეკლესიაში ზურგს უმაგრებენ ისეთს კონფესიონალურ-სარწმუნოებრივ მიმართულებას, რომელიც მტრულადაა განწყობილი ბიზანტიის, „ბერძენთა“, ოფიციალურ ეკლესიაში გაბატონებული დოგმის წინააღმდეგ. ამიტომაც, რომ V საუკუნის ქართლის ეკლესიაში ასე ხშირად იხსენიებიან „ეპისკოპოსნი შემშლენი წესთანი“. ერთი მათგანის შესახებ მემატიაზე ამბობს, რომ „აჩვენებდა იგი მართლმადიდებლობასა, ხოლო იყო ვინმე მოგვი უსჯულო და შემშლელი წესთა“; ე. ი., როგორც ჩანს, მანიქეველი უნდა ყოფილიყო (პროფ. ივ. ჯავახიშვილი, ქართ. ერის ისტ., I<sup>3</sup>, 282—283). მანიქეველობა-კი, ასე ვთქვათ, „სპარსულ“ სახე იყო ქრისტიანისმისა.

მაგრამ გაცილებით უფრო საყურადღებო და საინტერესოა ის კონფლიქტი, რომელიც გორგასალს მოსვლია მიქაელ მთავარეპისკოპოსთან. როგორც ჩანს, იმ პერიოდში, როცა მეფე სპარსელების წინააღმდეგ მზადებას აშკარად შეუდგა, ეკლესიის მეთაურსა და ვახტანგს შორის მდგომარეობა იმდენად გამწვავებულია, რომ, უძველესი ცნობით, ერთხელ, ყოველგვარი სამეფო ეტიკეტის წინააღმდეგ, მიქაელ მთავარეპისკოპოსმა „მიამთხვია ფერხი პირსა მეფისასა ვახტანგს გორგასალსა და განაძო ეკლესიისაგან“—ო. სხვა ცნობით, მიქაელს ისე მაგრად ჩაუტია მეფისათვის ფეხი პირში, რომ კბილებიც შეუღეწია მისთვის. საპასუხოდ, „მეფე აღივსო გულისწყრომითა მრავლითა და ექცა ფერი პირისა მისისა“... მან „წარავლინა მოციქულნი საბერძნეთსა და ითხოვა მეფისაგან და პატრიარქისაგან კათალიკოზი“. ვახტანგი აწესებს კათალიკოსობას. ცენტრალიზაციის ცდა სახელმწიფო აპარატში იწვევდა ასეთსავე ცდას ეკლესიაშიც. კათალიკოსი მეფისთვის საჭირო

იყო საეკლესიო მმართველი წრეების დასამორჩილებლად, რომელიც მონარქიის წინააღმდეგ იყვნენ განწყობილნი და სპარსელებთან კავშირი ჰქონდათ გაბმული, როგორც დიდ აზნაურთა ჯგუფის სხვა წარმომადგენლებსაც. თვით ეს მიქაელიც, როგორც ჩანს, მონოფიზიტია, ე. ი. სპარსეთის მთავრობის მფარველობის ქვეშ მყოფი ერთ-ერთი ქრისტიანული სექტის მიმდევარი.

მაგრამ ვერც ამ ლონისძიებამ უშველა ვახტანგს. მოწინააღმდეგეებმა გაიმარჯვეს არა მარტო პოლიტიკურად. მათ თვით ვახტანგის ფიზიკურად თავიდან მოშორებაც მოახერხეს: ერთი ძველი ცნობა გვარწმუნებს, რომ ვახტანგი „მოიკლა სპარსთა ბრძოლასა შინა მონა-ყოვილისაგან მისისა, რამეთუ იცოდა განახევი ჯაჭვისა ღლიასა ქვეშე, და აღიპყრა რა ხმალი თვისი [გორგასალმა], რათა სცეს კაცსა სპარსთაგანს, მონამან ბოროტმან ჰკრა ისარი ღლიასა ქვეშე“-ო. ვახტანგის მკვლეელი მხოლოდ იარაღი იყო, რათქმუნდა, გარკვეული ჯგუფის სელში.

ვახტანგის სიკვდილის შემდეგ (პროფ. ივ. ჯავახიშვილის ანგარიშით, იგი მოკლულ იქნა 502 წელს) მეფობამ ქართლში მხოლოდ ოციოდე წელიწადს ძლივს გაძლო, ისიც ალბათ დიდად სახეცვლილმა. ქართლის მეფემ გურგენმა სპარსელების წინააღმდეგ მოაწყო ახალი აჯანყება, რომელიც, იმავე მიზეზების წყალობით, კიდევ უფრო ადრე დამარცხდა და 528 წ. გურგენი იძულებული შეიქნა მთელი თავისი სახლობითა და ამალით ბიზანტიაში გაქცეულიყო. მალე სპარსელებმა ქართლში მეფობა სავსებით მოსპეს, რამაც, ასე ვთქვათ, საერთაშორისო სანქცია მიიღო 532 წელს, ბიზანტია-სპარსეთის საზავო ხელშეკრულებაში.

წყაროებს საუცხოოდ აქვთ აღნიშნული, რომ მეფობის მოსპობა დიდ აზნაურთა გამარჯვებას, შემდგომ გაძლიერებას და გაბატონებასაც მოასწავებდა. ისტორიკოსი სუმბატ დავითის ძე ამბობს: „ვინათგან [=იმ დროიდან, როცა] მოაკლდა მეფობა შვილთა გორგასლისათა, მითჟამითგან ეპყრა უფლება ქართლისა აზნაურთა“-ო. ეს „ქართლის აზნაურნი“ მონარქიაზე უფრო ძლიერნი აღმოჩნდნენ. უკანასკნელს, კერძოდ — ვახტანგს, არ გააჩნდა, როგორც ვამბობდით, ის სოციალური ძალა, რომელსაც ის შეიძლებოდა დაყრდნობოდა დიდ აზნაურთა წინააღმდეგ ბრძოლაში. ერთადერთი საზოგადოებრივი წრე, რომელშიც ვახტანგს შეიძლებოდა ერთგვარი სიმპათიები მოეპოვებინა, იყო „წვრილი ერი“, და სწორედ იმიტომ, რომ ბრძოლა ამ დიდ აზნაურთა წინააღმდეგ იყო მიმართული. იქნებ ამიტომაც, რომ ქარ-

თული ხალხური (ე. ი. არსებითად ამ „წვრილი ერის“ ფსიქოლოგიური სამყაროდან მომდინარე) პოეზიის ერთი ფრაგმენტული ძეგლი ამტკიცებს, „ეხტანგ მეფე ღმერთს უყვარდაო“. იქნებ ამითვე აიხსნებოდეს ის გმირობის შარავანდი, რომლითაც გორგასალი შემდსილია ხალხურ გარდმოცემებში. მაგრამ „წვრილი ერი“ იმ დროს პოლიტიკურად უმნიშვნელო ძალას წარმოადგენდა უკვე, და მისი დახმარება და თანაგრძნობა მონარქიისათვის საკმარისი აღარ იყო.

აღნიშნული ამბები, მეოთხე საუკუნის დამდეგის ამბების შემდეგ, უმნიშვნელოვანესი მომენტი იყო ქართული ფეოდალიზმის განვითარებაში, იგი მოასწავებდა ფეოდალური საზოგადოების საბოლოო დაბადებას ქართლში. ახალ მდგომარეობას ჩვენ შემდგომ განაკვეთში გავეცნობით.

დასავლეთ საქართველოს შესახებ ჩვენ ნაკლები ცნობები გვაქვს, მაგრამ იქაც ფეოდალური ურთიერთობა, ოღონდ თავისებური გზით, შეუჩერებლად იზრდებოდა. ფეოდალური ურთიერთობის ზრდა იქ გამოიხატა თვით ფეოდალური ერთეულების გამსხვილებაში. იმ ოთხი სამთავროდან, რომელნიც ჩვენ იქ ვნახეთ მეორე საუკუნის დამდეგს, ერთი — სახელდობრ, ლაშთა სამთავრო — გაძლიერებულა და დანარჩენი სამი თავის ვასალად უქცევია. ასე წარმოიშვა ლაზიკის სამეფო, რომელსაც ადგილობრივ „ეგრისს“ ეძახდნენ (აქედანაა ტერმინი „მ-ეგრ-ელი“). არ ვიცით, როდის მოხდა ეს ამბავი, მაგრამ მიახლოებით იგი IV—V სს. უნდა ეკუთვნოდეს. გასაგებია, რომ უპირატესობა სწორედ ლაშთა სამთავროს ხვდა წილად — მას ეჭირა ყველაზე ნაყოფიერი დაბლობი რიონის ხეობისა, სადაც ყველაზე უფრო შესაფერისი პირობები იყო მსხვილი მიწისმფლობელობის განვითარებისათვის. თვით ასეთი გამსხვილება ფეოდალური ერთეულებისა აქ შესაძლებელი გახდა იმიტომ, რომ პოლიტიკური ხელისუფლება აქ თავისი წარმოშობით იმთავითვე ფეოდალური ხასიათისა იყო და ახლად წარმოშობილი პოლიტიკური წარმონაქმი — ლაშთა სამეფოც — სტრუქტურულად ასევე ფეოდალურ ხასიათს ატარებდა. პოლიტიკურ სფეროში ფეოდალურმა ურთიერთობამ, ამრიგად, დასავლეთ საქართველოში უფრო ადრე მოიპოვა ის პოზიციები, რომელსაც ქართლში იმ დროს იგი ჯერ კიდევ ეძებდა.

---

ასე გადავიდა საქართველო VI საუკუნეში, საიდანაც მისი განვითარების ახალი ხანა იწყება.

თებერვალი-მარტი 1933 წ.

დამხმარე ლიტერატურა

პროფ. ივ. ჯავახიშვილი, ქართველი ერის ისტორია, ტ. I, მესამე გამოც., გვ. გვ. 152—162, 215—227, 252—261.

მისივე, ქართული სამართლის ისტორია, წ. I, გვ. 188—198

---

## ქართველთა წარმოგავლობის საკითხისათვის<sup>1</sup>

1. ქართველების უშუალო წინაპრებად მიჩნეულ უნდა იქნან ბეთისა და მიტანის ხალხები, რასაც ადასტურებენ როგორც ისტორიული, ისე ენობრივი საბუთები.

2. განსაკუთრებულ ყურადღებას იპყრობს ამ თვალსაზრისით, კერძოდ, მიტანი—სახელმწიფო, რომლის გეოგრაფიულ სახელწოდებად ამჟამად აღიარებულა ჰარი (ჰური), ხოლო მოსახლეობის ენა სუბარ-ულად იწოდება.

3. ჰარი-მიტანი პირველობს წინა აზიაში მეორე ათასეულის პირველ ნახევარში, ძვ. წ., და ტერიტორიულად მოიცავს როგორც მთელს ჩრდილოეთ მესოპოტამიას, აგრეთვე მერმინდელ ურარტუს.

4. მიტანის პოლიტიკური დაქვეითების შედეგად მეორე ათასეულის დამლევისათვის მასში შემავალი ხალხები წარმოგვიდგებიან დაქსაქსული სახით, თაბალებისა, მუსკებისა და კასკების წარმოჩენით.

5. თაბალები, ჩანს, შეადგენდნენ ჰარი-ხალხების ძირითად ბირთვს, რაკი მათ დაიმკვიდრეს მთავარი სატომო სახელი — „სუბარი“. ასურული ცნობები 24 თაბალური სამეფოს შესახებ, ისევე, როგორც ბიბლიური ჩვენება დაბალ-აშუბალისა და თუბალ-კაინის შესახებ, მოწმობს აგრეთვე თაბალების მრავალრიცხოვანებასა და ფართო ტერიტორიულ გავრცელებას.

6. ჰარი-ხალხების უკანასკნელი სახელმწიფოებრივი წარმონაქმი, წინააზიური ძველი ისტორიის ფარგლებში, არის ურარტუ.

7. ურარტუს პოლიტიკური დაცემისა და მცირეაზიური ძველი ბერძნული ისტორიული ტრადიციის გაჩენის დროისათვის (VII ს. დამლევით — VI ს., ძვ. წ.) ჰარი-ხალხები წარმოგვიდგებიან 4 მთავარ ჯგუფად: მატინი (მიტანი), ალაროდი (ურარტუ), სასპეარ-საბერები და კოლხები.

8. შეექვე-მეხუთე საუკუნეების მიჯნაზე წინა აზიის ოთხი უდიდესი ხალხიდან — კოლხები, სასპეარები, მიდიელები და სპარსელები (პეროდოტე) — პირველი ორი, ამრიგად, ქართველი ხალხის ორ შტოს წარმოადგენს.

<sup>1</sup> თეზისები მოხსენებისა, სტალინის სახ. თბილისის სახელმწიფო უნივერსიტეტის სესიაზე (1940 წ. 7—11 მაისს).

9. სასპეჯრ-საბერები არიან თაბალ-სუბარების უშუალო შთამომავალი და იგივე, მერმინდელი, იბერები (ქართვები).

10. ხსოვნა აქ დადგენილი წინანდელი ადგილ-საცხოვრისის შესახებ დაცულია „ქართლის მოქცევის“ მატეიანის თხრობაში აზოს შესახებ.

11. აღნიშნულ თხრობაში „არან-ქართლის“ მაგიერ ნამდვილად იკითხება „არიან-ქართლი“, რაც კავკასიის ქართლისაგან განსხვავებულს, ჰარი-ქვეყნის ქართლს გულისხმობს.

---

## ქავკასიელი ეთნარქ-მკონიგების ანტიკური სქემა<sup>1</sup>

ქართულ-სომხურ-ალბანური ქრისტიანულ-ფეოდალური საისტორიო მწერლობა ხალხთა გენეალოგიურ სქემებს ბიბლიურ მონაცემებზე აშენებდა... ამ მხრივ ყველაზე შორს წავიდა ლეონტი მროველი, რომელმაც თარგამოსიანი ძმების შთამომავლობად დასახა კავკასიის ყველა ხალხი. ლეონტის ჰუმანისტური თეორიის ცხოველყოფელი გავლენა და გამძლეობა დადასტურდა ჩვენთვის 1929 წელს, როცა კავკასიის უმაღლეს მთის რაიონში, ლუმუქში, უბირმა ლაკმა გაგვიმეორა (შეუგნებლად, ცხადია) ეს სქემა თავის მტკიცებაში, რომ ლაკები, ქართველები და სომხები სამი ძმის, ლაკუსის, ქართუსისა და მარკუსის შთამომავალნი არიან...

ეხლა ირკვევა, რომ წინაქრისტიანულ, წინაფეოდალურ ხანაში არსებობდა სქემა, რომელიც მიახლოებით იმავე შემეცნებითსა და საზოგადოებრივ მიზნებს ისახავდა, მაგრამ სულ სხვა მასალისაგან იყო აშენებული.

მეტნაკლებად მთლიანი სახით თქმულება დაცულია პომპეიტროგთან (I ს. დასაწყ., ახ. წ.) მის „ფილიპიკურ ისტორიებში“, რომელიც შემოკლებით შემოუნახავს მ. იუნ. იუსტინს (მიახლოებით — III ს., ახ. წ.).

კოლხეთს პირველი მგზავრობიდან დაბრუნების შემდგომ იასონი იძულებული ხდება, თავისი მტრების ვერაგობისა და ძალმომრეობის მიზეზით, დასტოვოს თესალია. იასონი კვლავ კოლხეთს მიდის მედეასა და მის ვაჟიშვილ მედთან ერთად. იასონი და მედეა ერთ დროს განშორებული იყვნენ და მედეა ცოლად ჰყავდა ათენის მეფეს ეგეის, რომელთანაც მედეას ყოლა ვაჟი მედი. შემდეგში იასონმა შემოირიგა მედეა. იასონს თან მიჰყვება აგრეთვე მრავალრიცხოვანი გუნდი ყველა ტომის ვაჟკაცებისა, რომელთაც იასონის სახელი იზიდავს. კოლხეთში იასონმა ტახტი დაუბრუნა თავის სიმამრს, მეფე აიეტს, რომელიც მტრებს დაეჩაგრათ და სამეფოდან გაეძევებინათ. შემდეგ იასონმა დიდი ომები გადაიხადა მეზობლებთან და ქვეყნები დაიპყრო. დაპყრობილი მიწაწყლის ნაწილი იასონ-

---

<sup>1</sup> ვრცელი სახით მოხსენდა სტალინის სახელობის თბ. სახ. უნივერსიტეტის სამეცნიერო სესიას 1943.IV.24.



მა სიმაზრის სამეფოს შუერთთა, აიეტის წინააღმდეგ ჩადენილი თავისი ძველი და-  
ნაშაულის გათოსასწორებლად, ნაწილი-კი თავის თანამგზავრებს გაუყო. „ამბო-  
ბენ, — ამტკაცებს ეს წყარო, — იასონი პირველი კაცი იყო, რომელმაც დედამიწის  
ეს ნაწილი დაიპყრო ჰერაკლესა და ლიბერის შემდეგ. ჰერაკლე და ლიბერი, გარდ-  
ნოცემით, აღმოსავლეთის მეფეები იყვნენ“. ზოგ ხალხს იასონმა წინამძღოლად  
მისცა ფრიგი და ამფისტრატი, კასტორისა და პოლუქსის მეიტლები. შემდეგ  
იასონმა კავშირი შეჭრა აღბანელებთან, რომელნიც, ამბობენ, თავის დროზე ჰე-  
რაკლეს მოჰყვნენ იტალიიდან, აღბანის მთიდან. აღბანელებს ახსოვდათ თავისი  
იტალიური წარმოშობა ჯერ კიდევ პომპეი-მითრიდატის ომების დროს და ამის  
გამო იყო, რომ მისინი „ძმურად მიესალმნენ“ პომპეის. იასონის სიკვდილის შემდეგ  
მედმა, რომელიც ამინაცივას ეჯიბრებოდა სიქველესი, თავის დედის პატივსაცე-  
მად ააშენა ქ.ლაქი მედია და დააარსა მედიის სახეფო. ასეთი სახელი ეწოდა ამ  
სამეფოს მედის მიხედვით. იასონის რაზმის ერთმა წინამძღოლთაგანმა, აგრეთვე  
თესალიელმა წარმოშობით, არმენმა კვლავ თავი ნოუყარა რაზმელებს, რომელ-  
ნიც ყველგან დახეტიალობდნენ მეფე იასონის დაკარგვის შემდგომ, და დააარსა  
არმენია. ამრიგად, თითქმის მთელმა აღმოსავლეთმა დაიწყო იასონის გაღმერთე-  
ბა და მისთვის, როგორც თავისი „დამაარსებელ-სათვის“, ტაძრების შენება. მრავალ-  
წლის შემდეგ ამლექსანდრე დიდის სარდალმა პარმენიონმა ბრძანება გას-  
ცა ამ ტაძრების დაგრაევის შესახებ, რათა არავის სახელს არ ჰქონოდა აღმოსავ-  
ლეთში მეტი პატივი, ვიდრე ალექსანდრეს სახელს (წ. XLI, თ. 2—3).

იკრევეა, რომ თქმულება ფართოდ ყოფილა გავრცელებული  
ძველთაგანვე, როგორც ადგილობრივ, ისე ბერძნულ-რომაულ  
მწერლობაში. ბერძნებს ეს თქმულება გაუცნიათ არა უგვიანეს  
მესხეთე საუკუნისა, ძვ. წ. უკვე ჰეროდოტე ამოგვითხრობს: მედი-  
ელებს „ძველად ყველანი არიელებს უწოდებდნენ; მაგრამ როცა  
კოლხიდელი მედეა მივიდა წათთან ათენიდან, მათაც გამოიცვალეს  
სახელი; ასე ამბობენ თავისთავზე თვითონ მედიელები“ (VII, 62)...  
შესაძლოა ამის მსვავსი რაღაც სცოდნოდა უკვე ჰეკატესაც  
(ფრ. 171).

შემდეგ, თქმულებას იცნობენ: ეფორი (? IV ს.); კირსილი და  
მედი — ალექსანდრე მაკედონელის თანამედროვენი, ერატოსთენე  
(III ს., ძვ. წ.); დიოდორ სიცილიელი და ვარონი (I ს., ძვ. წ.);  
სტრაბონი (I ს., ძვ. წ.—I ს., ახ. წ.); მელა, პლინი და ვალერი  
პრობი (I ს., ახ. წ.); ტაციტი (I—II სს., ახ. წ.); აპიანე (II ს., ახ.  
წ.)... ეს წყაროები მეტწილ შემთხვევაში თქმულების ვარიაციებს  
წარმოადგენენ და ამით მრავალგანმტოვებული გარდმოცემის არსე-  
ზობას ემოწმებიან. ამავე საგანზე ჩვენ გვაქვს დიოდორე სიცილი-  
ელის პირდაპირი ჩვენება: „ტრაგიკული პოეტების გამოგონებათა  
წყალობით, მედეას შესახებ არსებობს მთელი რიგი სხვადასხვა-  
გვარი და ერთმანეთის საწინააღმდეგო თქმულება“ (IV, თ. 56, § 1)...

მთავარი წყარო ამ შემთხვევაშია ც დიდი სტრაბონია, რომელსაც შეუთვისებია ანტიკური მწერლობის არა ერთი ძეგლის ცნობა ჩვენთვის საინტერესო საგანზე: იასონისა და მისი თანამგზავრების ეს მეტად შორეული ლაშქრობა მიმართულია კავკასიონთან მდებარე ქვეყნებისაკენ (XI, თ. V, § 5); თავდაპირველ მიზანს კოლხეთი შეადგენს; აქედან „იასონმა და თესალიელმა არმენმა მიაღწიეს კასპიის ზღვას და გაიარეს იბერია, ალბანია და არმენიისა და მედიის მრავალი ნაწილი“ (XI, თ. IV, § 8); კოლხეთიდან არმენიისა და მიდიაში იასონი მივიდა, ერატოსთენეს ცნობით, ხმელეთის გზით (I, თ. III, § 2); ალექსანდრე მაკედონელის ომების, მონაწილეთა კირსილ ფარსალიელისა და მედი ლარისაელის სიტყვით, არმენიამ თავისი სახელი მიიღო არმენისაგან, რომელმაც არმენია დალაშქრა იასონთან ერთად და რომელიც წარმოშობით იყო თესალიის ქალაქ არმენიიდან... არმენის თანამგზავრთა თუ ანხანავთაგან ზოგმა დაასახლა აკილისენა, ზოგმა — სისპირიტიდა (XI, თ. IV, § 8 და იმავე წიგნის თ. XIV, §§ 12—13); მედეა იასონთან ერთად მბრძანებლობდა მედიაში, რომლის სახელწოდების შესახებ სტრაბონისათვის ცნობილი ყოფილა ორი ვერსია: ა) იგი მომდინარეობს მედეას სახელისაგან; ბ) იგი შერქმეულია, თავისი სახელის მიხედვით, მედის მიერ, რომელმაც ამ ქვეყანაში დაიმკვიდრა ხელისუფლება (XI, თ. XIII, § 10); შავი ზღვის ნაპირზე, კოლხეთის ჩრდილოეთით, ახეა დასახლებულია იასონის ფთიოტ-ახეველი რაზმელების მიერ<sup>1</sup>, ხოლო ჰენიოხია — ლაკონელი რაზმელების მიერ, რომელთაც წინამძღოლობდნენ დიოსკურების მეეტლეები — „ჰენიოხები“ — კრეკა (|| ჰრეკა) და ამფისტრატი; „ამათგან მიიღეს, ალბათ, თავისი სახელი ჰენიოხებმა“ (XI, თ. II, § 12); დასასრულ, „იასონისა და ფრიქსეს ლაშქრობანი“ შეეხნენ პონტოსაც (I, თ. II, § 39): ვგონებო იასონის თანამგზავრთაგანი იყო აუტოლიკი, რომელსაც სინოპელები სთელიდნენ ქალაქის დამაარსებლად და თაყვანს სცემდნენ, როგორც ღმერთს; აქვე იყო მისი ორაკული (XII, თ. III, § 11); ამასტრეას ერთი შემადგენელ ნაწილთაგანი სახელდებულია ფრიქსეს ძის კიტორის მიხედვით; ამ ცნობისთვისაა დამოწმებული ეფორი (იქვე, § 10).

როგი წყაროები შვიცავენ თბრობის ვარიანტებს ან ავსებენ მას. დიოდორე სიცილიელით, ზოგნი, ათენელების გულის მოსაგე-

<sup>1</sup> ახეველების შესახებ სტრაბონთან, იხ. სხვა ვარიანტიც, IX, თ. II, § 42, რასთანაც თანხმობაში იმყოფება აპიანე, „ომები მითრიდატთან“, 67 და 102.

ბად, მოგვეთხრობენ, რომ მედღე ჩავიდა კოლხეთში თავის შვილთან, მედ ეგეის ძესთან ერთად; მედმა მოჰკლა აიეტის ძმა პერსი და დაუბრუნა აიეტს ტახტი. შემდეგ მედმა გაიარა პონტოს ზემოთ მდებარე აზიის მნიშვნელოვანი ნაწილი და დაიკავა მედია, რომელმაც მერმე სახელი მიიღო მისგან (IV, თ. 56, §§ 1—2). აქ, ყოველ შემთხვევაში, კოლხეთისა და მედიის ამბებიდან საესებით გამო რიცხულია იასონი!

ბ. მელას სიტყვით, ჰენიოხების ქვეყანაში დიოსკურიადა დაარსებულია კასტორისა და პოლუქსის (ე. ი. დიოსკურების) მიერ (I, 111) გ. პლინი სეკუნდის ზოგიერთი წყაროს ცნობით კი ეს ქალაქი დაარსებულია არა დიოსკურების, არამედ მათი მეეტლეების მიერ, რომელთაგანაც წარმოშობილია ჰენიოხების ტომი (VI, §§ 15—16).

ამრიგად: 1. ციკლი გეოგრაფიულად მოიცავს კავკასიისა და მის სამხრეთით მომიჯნავე ქვეყნების თითქმის ყველა სახელმწიფოებრივ წარმონაქმს თუ თემს და ზოგს მთავარ ქალაქს; 2. იასონისა და „იასონიანთა“ ღვაწლი სამხედრო-პოლიტიკური და დიპლომატიური ხასიათისაა: ომებით იპყრობენ ქვეყნებს, აარსებენ სახელმწიფოებსა და ქალაქებს, ქმნიან საერთაშორისო კავშირებსა და, საგონებელია, მთელ სისტემასაც; ზოგ შემთხვევაში საუბარია ქვეყნების დასახლებისა და ცალკე ტომთა წარმოშობის შესახებ; 3. ციკლის ამბების ბაზა კოლხეთშია, სადაც იასონისა თუ მედის ღვაწლის შედეგად ხდება გარკვეული პოლიტიკური მდგომარეობის რესტავრაცია და სამეფოს ტერიტორიის ზრდა; 4. გარდა ამისა: ა) იასონი ჰკრავს პოლიტიკურ კავშირს ალბანელებთან, რომელნიც წარმოშობით იტალიელი (დიო კასით — მასაგეტები...) არიან; ბ) არმენი აარსებს არმენიას, იასონის სიკვდილის შემდეგ, და აძლევს მას თავის სახელს; გ) მედღე და მედი, თუ მართო მედი, აარსებენ მედიის სახელმწიფოს და ქალაქ მედიას და აძლევენ მათ თავიანთ სახელებს; დ) ქალაქ დიოსკურიას აარსებენ ან დიოსკურები, რომელნიც აძლევენ მას თავიანთ სახელს, ან „მეეტლეები“; ე) ჰენიოხები ღებულობენ წინამძღოლად „მეეტლეებს“ ან წარმოშობილიც-კი არიან მათგან; სხვა ევწისით — ჰენიოხია დასახლებულია ლაკონელი რაზმელების მიერ; ვ) ახეა დასახლებულია ფთიოტ-ახეველების მიერ; ზ) პონტოს მთავარი ქალაქი სინოპი დაარსებულია აუტოლიკის მიერ; თ) ამასტრეას კიტორი სახელს ღებულობს ფრიქსეს ძის კიტორისაგან; ი) აკილისენა და სისპირიტიდა დასახლებულია არმენის ამხანაგებით, რომელთა სახელები მოხსენებული არ არის. კითხვაზე, თუ ვინ იყვნენ აკილისენასა და

სისპირიტიდას „პირველმოსახლენი“, ჩვენ ვერ ვპოულობთ თქმულებაში პირდაპირ პასუხს, ისევე, როგორც კითხვაზე, თუ რა გააკეთეს იასონმა და მისმა თანამგზავრებმა იბერიისში. უფრო სწორედ, იბერიის შესახებ, ამ მხრივ, გარდმოცემა სრულიად დუმს. ეს მით უფრო საკვირველია, რომ იასონის ლაშქრობათა ბაზასთან, კოლხეთთან, ყველაზე უფრო ახლოს გეოგრაფიულად, ეთნიკურად, ისტორიულად და კულტურულად სწორედ იბერია იდგა.

ამ თვალსაზრისით ნაკლს ავსებებს სახელგანთქმული ტაციტი. „ანალებში“ (VI, 33—34) ტაციტი დაწვრილებით მოგვითხრობს იბერიისა (ქართლის) და მისი სამეფო სახლის ამბებს I ს. პირველი ნახევრიდან, ახ. წ., კერძოდ — თუ როგორ დაიპყრო იბერიის მეფემ ფარსმანმა არმენია (სომხეთი) და როგორი ბრძოლები გადაიხადა მან ამის გამო პართელების წინააღმდეგ. ქართველ-პართელების ერთი ბრძოლის აღწერაში ტაციტი ამბობს, რომ პართელების ძალას ცხენოსანი ჯარი შეადგენდა, მაშინ, როცა ქართველთა მეფე ფარსმანი ძლიერი იყო ქვეითობითაც; ვინაიდან იბერები და ალბანელები (ალბანელთა ერთი რაზმი თან ჰყავდა მოკავშირედ ფარსმანს, ს. ჯ.), რომელნიც მთიან ადგილებში ცხოვრობდნენ, უფრო მიჩვეული იყვნენ (ცხოვრების) სიმკაცრესა და ამტანობას. ისინი ამბობენ, რომ წარმოიშვნენ თესალიელებისაგან იმ დროს, როცა იასონი, რომელმაც მოიტაცა მედეა და შვილები იყოლია მისგან, შემდეგ დაბრუნდა აიგტის დაცარიელებულ სასახლეში უმეფოდ დარჩენილ კოლხებთან. და, მართლაც, [იქ] ბევრი რამ მოწმობს მის სახელსა და ფრიქსეს ორაკულს; არავის არ მიაქვს (იქ) მსხვერპლად ვერძი, რადგანაც სწამთ, რომ მან მოიყვანა ფრიქსე“... ზერელე წაკითხვით ტაციტი თუ მისი წყარო შეიძლება ისედაც გავიგოთ, რომ აქ საუბარია არა მარტო იბერების, არამედ აგრეთვე ალბანელების წარმოშობის შესახებ. იქნებ ასე მოუვიდა პლინისს, რომელიც გვამცნობს: „ალბანელები, გარდმოცემით, წარმოშობილი არიან იასონისაგან“ (VI, 38)<sup>1</sup>.

მაგრამ თუ ჩაუვკვირდებით ტაციტს, დავრწმუნდებით, რომ ცნობა თესალიელებისაგან და, სახელდობრ, იასონისაგან (გაითვალისწინეთ პლინის გამოთქმა!) წარმოშობის შესახებ განეკუთვნება მხოლოდ იბერებს (რომელნიც აქ კოლხებთან მკვიდრო კავშირში

<sup>1</sup> არ არის გამორიცხული კალმის შეცდომის შესაძლებლობაც პლინისთან: იბერების ნაცვლად ალბანელების ამას გვაფიქრებინებს უშუალოდ მოზღვენო ფრაზა. სადაც დასახელებული ხალხის სამხრეთ მიჯნად ნაჩვენებია ხაზი, „რომელიც შეადგენს არმენიისა და იბერიის საზღვარს“.

არიან წარმოდგენილნი) და, უფრო ვიწროდ, იბერიის სამეფო სახლს: ა) თხრობის მთავარი გმირები სწორედ ესენი არიან; ბ) თქმულების სარწმუნოობის საბუთები საქართველოს რეალიებია. ამისთვის მოვიგონოთ სტრაბონის ცნობები: „არსებობს ორივე ლაშქრობის ძეგლებიც: ფრიქსესი — კოლხიდისა და იბერიის მიჯნაზე, და იასონისა — რომელთაც უჩვენებენ არმენიისა, მედიისა და მათი მეზობელი ქვეყნების მრავალ ადგილას“ (I, თ. II, § 39); კოლხიდის „დასახელებული მდინარეების ზემოთ, მოსხების ქვეყანაში არის ლევკოთეას ტაძარი, რომელიც ააგო ფრიქსემ, და მისი ორაკული, სადაც არ მიაქვთ მსხვერპლად ვერძი... თუ როგორ სახელგანთქმული იყო ძველად ეს ქვეყანა, გვიჩვენებს მითები, რომელნიც მოგვითხრობენ იასონის ლაშქრობაზე. მედიასაც კი რომ მიიღწია, და ფრიქსეს წინამორბედ ლაშქრობაზე... იბერიაში არის აგრეთვე პატარა ქალაქი, „ფრიქსეს ქალაქი“, ელანდელი იდეესა, კარგად გამაგრებული დაბა კოლხეთის საზღვარზე“ (XI, თ. II, §§ 17—18). განსაკუთრებით ნიშანდობლივია ცნობა რიტუალური აკრძალვის შესახებ — იგი მხოლოდ საქართველოსთანაა დაკავშირებული... ტაციტთან ყურადღებას იქცევს შემდეგი: იასონს ჰყავს მედესაგან შვილები და, საგონებელია, მათთან ერთად ბრუნდება კოლხეთში; აიეტიც სასახლე დაცარიელებულია, ხოლო კოლხები უმეტოდ არიან, — საგონებელია, რომ აიეტი მკვდარია და იასონი იქერს მის ადგილს (ასეთივე შესხედულება თითქოს ჩანს სტრაბონთანაც; XI, თ. II, § 18); არაფერია ნათქვამი იასონის ლაშქრობაზე მეზობელ ქვეყნებში და ამავე დროს იასონიანები მიჩნეული არიან იბერების წინაპრებად. ამგვარ შესხედულებას საფუძვლად უნდა ედოს კონცეფცია იბერია-ქართლის გარკვეული ერთობის შესახებ, რაც მოგვაგონებს „ქართლის მოქცევისა“ და სხვა, მასზე დამოკიდებული, ქართული წყაროების ანალოგიურ კონცეფციას... ტაციტის ცნობებს ეთანხმება და ავსებს სტრაბონის ერთი საყურადღებო ჩვენება: ... „ფიქრობენ, რომ მედიელები და არმენიელები ენათესავენ იან თესალიელებსა და იმათ, ვინც იასონისა და მედესაგან ჩამომავლობს“ (XI, თ. XV, § 14). იასონისა და მედესა ნაგულისხმევი ჩამომავლობისაგან მედიელებსა და სომხებს გამორიცხავს ეს ციტატა, ხოლო ალბანელებს, პონტოელებს, ჰენიოხებსა და ახეველებს ზემოთმოტანილი ცნობები. დაგვრჩნენ კოლხეთი, იბერია, აკილისენა და სისპირიტიდა.

საკუთრივ იასონის შთამომავლობიდან არსებითად გამოსარიცხი არიან: აკილისენა (თავისი გეოგრაფიული და ისტორიული

მცირე მნიშვნელობის გამო აკილისენას არავითარ შემთხვევაში არ შეეძლო ეთნარქად იასონი დაეჩემებინა) და კოლხებიც, რომელთაც საკუთარი ეთნარქი ჰყავთ: ა) კოლხები წარმოშობით ეგვიპტელები არიან (ჰეროდოტე); ბ) კოლხებმა მიიღეს თავისი სახელი ფასიდის ძის კოლხისაგან (მნასეა, თეოკრიტეს სქოლიასტთან), გ) პონტოს ხალხებისა და ქვეყნების უუძველესი მეფე იყო აიეტი (ფლორი), დ) ხუთ მზეთაგან ერთი იყო კოლხის შვილი, რომლისგანაც დაიბადნენ კირკა, მედეა და ფაეთონი (ამპელი) და სხვა... ეხლა ისლა უნდა განვსაზღვროთ, თუ რა მიმართებაშია სისპირიტილას ეთნარქი იბერიის ეთნარქთან?

სტრაბონი იასონის რაჭმის შემადგენლობას ასე განსაზღვრავს: „იასონი თავისი თანამგზავრებით“, „იასონი თესალიელ არმენთან ერთად“, „არმენი და მისი ამხანაგები“, „არმენი იასონთან ერთად“, „არმენის თანამგზავრები“. ცნებები „იასონის თანამგზავრები“ და „არმენის თანამგზავრები“ ერთმანეთს ფარავენ და გამოთქმა „იასონის თანამგზავრები“ პირველ რიგში გულისხმობს არმენს, ხოლო „არმენის თანამგზავრები“ — პირველ რიგში იასონს. ამრიგად, როცა აკილისენასა და სისპირიტილას ეთნარქებზეა საუბარი, ერთ-ერთი მათგანისათვის მაინც მამათმთავრად იასონი უნდა ვიგულისხმოთ, რომელიც ზემოთ იბერების ეთნარქად მივიჩნიეთ. რით აიხსნება ეს წინააღმდეგობანი, დაღუმებული ან ბოლომდე ართქმული ამბები და გაურკვეველობა იბერიასა და სისპირიტილას გარშემო?

სახელწოდებათა ფორმები „იბერი“ და „იბერია“ IV ს-დან არის დადასტურებული. უფრო ადრე მათ ნაცვლად ვხვდებით „სასპერა“- || „საპერა“- || „ჰესპერიტ“-ს ხალხისათვის; ხოლო „სისპირიტილა“ ამავე ხალხის ტერიტორიას აღნიშნავს ([1], გვ. 655—666). ამიტომ, თქმულების უძველეს რედაქციაში იბერი, იბერია არც შეიძლებაოდა ყოფილიყო, მათი ადგილი იქ სასპერ-სისპირიტილას უნდა სქეროდა. ამ ნიადაგზე ხდება შემდეგში აღრევა. ხალხმა ადგილობრივ შეინარჩუნა თქმულება, მაგრამ მასში ეთნიკური სახელწოდების ახალი ფორმა ჩასვა — გაჩნდა იასონი, იბერების მამათმთავარი. ბერძნული მწერლობა კი, რომელმაც დაკარგა ხსოვნა სასპერ-იბერების იგივეობის შესახებ, დადგა გარდმოცემის ძველი რედაქციის ცნობის (იასონი, სასპერ-სისპირიტილას მამათმთავარი) წინააღმდეგობის წინაშე ახალ ცნობასთან... იმავე მწერლობისათვის იყო ერთი სიძნელეც: ცნობილი რეალიები იასონის, როგორც ეთნარქის მოღვაწეობის ერთს მთავარ სარბიელთა-

განს მერმინდელი არმენიის ტერიტორიაზე უჩვენებდა თითქოს. ყველაზე ადრინდელი, შენახულთა შორის, ცნობები ამ საგანზე (IV ს., ძვ. წ.) დაცულია სტრაბონთან. თუ ზოგი ადგილიდან ისე გამოდის, რომ იასონის სალოცავები საგულისხმებელია არა ერთს ქვეყანაში, ერთგან სტრაბონი თითქოს ხაზმოსმით აღნიშნავს იასონის სალოცავების არსებობას არმენიაში, როგორც ლაშქრობის მოწმობას (XI, თ. XIII, § 10). განსაკუთრებით საყურადღებოა თხრობა, რომ ძველად არმენიის არაქსს არ ჰქონდა გასაყალი და ტბად იდგა ბაქში, ხოლო შემდეგ იასონმა გაუჭრა მას კალაპოტი ტემპეს ხეობის (თესალიაში) მსგავსად (XI, თ. XIV, § 13), რაც საყურადღებო მითოლოგიურ ელემენტს შეიცავს... აქაც წინაღმდეგობა მოჩვენებითია: გარკვეულია, რომ არაქსის ხეობა ძველად სასპერ-იბერებს უჭირავთ... კიდევ ერთი მომენტი, შესაძლოა, აბრკოლებდა ძველებს. სქემის ეთნარქების უმრავლესობა ხალხური ეტიმოლოგიით შექმნილი ეპონიმებია: მედეა-მედი — მედიისაგან, არმენი — არმენიისაგან... იასონი ასეთ მიმართებაში არ ღვას არც ხალხისა და არც ქვეყნის სახელთან. მაგრამ ჩვენთვის ეს იმის ნიშანია, რომ სქემაში იასონი ყველაზე ძველია და ყველაზე, თუ შეიძლება ითქვას, „ისტორიული“...

გარდმოცემა ადგილობრივი იყო (ჰეროდოტე, ტაციტი, აპიანე), ჩვენ კი ნაჩვენები გვაქვს, რომ „ადგილობრივი იგი მხოლოდ ქართულმა საისტორიო მწერლობამ შეინახა თქმულებაში არიან-ქართველთა მეფის ძის აზოხ შესახებ [1], რომელიც მიჩნეულია მამათმთავრად ქართლის (მცხეთის) სამეფო სახლისა. ეს გარემოება ამტკიცებს ჩვენს შეხედულებას აზო-იასონის ნამდვილ როლზე თქმულებაში: იგი თავდაპირველად მხოლოდ სასპერ-იბერების ეთნარქია...

აქ ჩვენ სპეციალურად გვინტერესებს ტერიტორიული შინაარსი ცნებებისა „არმენია“ და „სისპირიტიდა“. ამ მხრივ თქმულება ეკუთვნის წინაელისისტურ ხანას, როცა სომხები სამხრეთში ბინადრობენ და არც არტაქსია-ზარიადრის, არც ტიგრანის ექსპანსია ჯერ განხორციელებული არ არის: აკილისენა და სისპირიტიდა არმენიისაგან ცალკე ღვანან, მათ საკუთარი ეთნარქები ჰყავთ, მაშინ როცა I საუკუნისათვის ისინი სომხეთის პროვინციებია. თითქოს იმისთვის, რომ ექვი არ დარჩეს ამ ძველი პოლიტიკური გეოგრაფიის ნამდვილი ვითარების გამო, სტრაბონი ამბობს: „არმენის თანამგზავრთაგან ზოგთ დაასახლეს აკილისენა, ... ხოლო სხვებმა — სისპირიტიდა კალახენასა და აღიაბენამდე, არმენიის

საზღვრებს გარეთ“ (XI, თ. XIV, §§ 12—13). აქ პირდაპირ არის აღნიშნული, რომ ეს ორი ქვეყანა, თქმულების დროისათვის, არმენიის საზღვრებს გარეთ მდებარეობს. თანაც ამავე ციტატაში ნაჩვენებია, და ეს განმეორებულია XI, თ. IV, § 8-ში, რომ სისპირიტიდას ემიჯნებოდნენ, იმავე ხანაში, კალახენა და აღიაბენა, რომელთა მდებარეობა გარკვეულია სტრაბონისავე მიერ (XVI, თ. I, § 1, §§ 18—19): ისინი „ასირიელთა“ ანუ ბაბილონის ნაწილებია, საკუთრივ აღიაბენა კი ტავრის ანუ, უფრო ნიშანდობლივ, მასის ქედს ემიჯნება სამხრეთიდან, ხოლო მდინარე ტიგრს — აღმოსავლეთიდან. სპეციალურ ლიტერატურაშიაც მას არბელსა და ქურთისტანის მთებს შორის უჩვენებენ ([2], გვ. 89).

ამრიგად, გარკვეულ ხანაში სისპირიტიდა სამხრეთისაკენ ვრცელდებოდა ძალიან შორს, ტავრის ქედამდე — მასის მთამდე. მისი გავრცელების არეზე ჩრდილოეთისაკენ ნაწილობრივ მიუთითებს ქოროხის ხეობის სისპირიტიდა-სპერი, მთელის გარდმონათული ნაწილი! ეხლა უფრო გასაგებია ჰეროდოტეს ცნობები სასპერებზე, წინა აზიის ოთხი უდიდესი ხალხიდან ერთზე, რაც უკვე განმარტებული გვქონდა ([1], გვ. 655—660). უფრო დამაჯერებელი ხდება აგრეთვე ჩვენი ლოკალიზაცია იბერების მიერ II ს-ში დაკარგული პროვინციებისა, [3]. სინათლე ეფინება სტრაბონის სხვათრივ გაუგებარ ცნობასაც, რომ სომხეთის მეფემ ტიგრანმა დააარსა ქალაქი ტიგრანოკერტა იბერიის მახლობლად, იბერიისა და ეფრატზე მდებარე ზევგმატას შორის (XI, თ. XIV, § 15), რაც იბერიის სამხრეთ საზღვარს აგრეთვე ტავრის მთიანეთში გულისხმობს...

... ეთნარქების თესალიური წარმოშობა ინტერესს იწვევს იმდენად, რამდენადაც თესალია პელაზგების ბუდედ არის მიჩნეული... მაგრამ თქმულება, თავისი საერთო ხასიათის მიხედვით, უპასუხებს სახელმწიფოებრივი და კულტურული ისტორიის დასაწყისის საკითხებს უფრო მეტად, ვიდრე ეთნოგენეზისას... სარწმუნოა, რომ ამ იდეოლოგიურ კონსტრუქციას, „კავშირები ერთა და სახელმწიფოთა შორის“, რეალურ საფუძველს უქმნიდა ისეთი ისტორიული სიტუაციები, რომელთაგანაც ერთმა შესაძლო გახდა კავკასიურ სახელმწიფოთა კოალიცია რომის წინააღმდეგ I ს., ძვ. წ... და უკანასკნელ: რომ ქართველობას ჰქონდა ისტორიული ტრადიცია ანტიკურ ხანაში, ამის ფაქტიური საბუთია



არმაზის მითრიდატიანული წარწერა, რომელიც, გ. შერგთლის გამოკვლევით, ისტორიულ თხრობას შეიცავს.

## АНТИЧНАЯ СХЕМА КАВКАЗСКИХ ЭТНАРХОВ И ЭПОНИМОВ

### Резюме

Сравнительно-критическое изучение сообщений античных авторов (Геродот, Диодор, Страбон, Мел, Плиний, Трог, Тацит, Аппиан...) устанавливает существование дофеодальной, дохристианской схемы этнархов и эпонимов народов Кавказа и прилежащих с юга стран, которая построена не на библейских генеалогиях, и по которой предводитель аргонавтов Иксон является этнархом иберов, тех же сасперов, Армен — эпонимом армян, Мед (или Медея с Медом) — эпонимом мидян и т. д. Сказание в основных чертах сложилось в доэллинистическую эпоху и было местного происхождения (Геродот, Тацит, Аппиан), на месте же сохранилось лишь в древне-грузинской исторической литературе: по этому национальному преданию, родоначальником древней восточно-грузинской (иберийской) царской династии является царевич Азо, сын царя ариан-картвелов. В данной статье специально обсуждаются указания предания, относящиеся к географическому содержанию понятия Сиспиритида (страна-государство сасперов, позднейших иберов). По сообщению источников, современных Александру Македонскому и цитированных у Страбона, Сиспиритида, заселенная одним из спутников Армена (Иксоном!), есть страна, простирающаяся «до Калахены и Адиабены, вне пределов Армении». Здесь отражено политическое положение доэллинистической эпохи: Сиспиритида ограничивается с юга Тавром; в эпоху же самого Страбона Сиспиритида составляла уже провинцию Армении. Данный вывод проливает новый и значительный свет на сообщение Геродота, по которому сасперы являются одним из четырех величайших народов Передней Азии [1], а также на результаты разысканий автора по вопросу о локализации утерянных иберами, в первой половине II в. до н. э., провинций [3].

## დამოწმებული ლიტერატურა

1. ს. ჯანაშია. უძველესი ეროვნული ცნობა ქართველთა პირველ-საცხოვრისის შესახებ მახლობელი აღმოსავლეთის ისტორიის სინათლეზე. „ენიშკი“-ს მოამბე, ტ. V—VI, 1940.
  2. H. Kiepert. Manuel de géographie ancienne. P., 1887.
  3. ს. ჯანაშია. პარიადრი, სკიდისი, მოსხური მთები. საქ. სსრ მეცნ. აკადემიის მოამბე, ტ. III, № 6, 1942.
-

## იბერიის (ქართლის) სამეფოს პოლიტიკური გეოგრაფიისათვის უძველეს პერიოდში<sup>1</sup>

მცხეთის სამეფოს სახელმწიფოებრივი საზღვრები დღემდის არ ყოფილა სპეციალური მეცნიერული შესწავლის საგანი. ამით აიხსნება, რომ ზოგიერთ სერიოზულ საბჭოთა გამოცემაშიაც აღებული ხანის იბერიის ტერიტორია ფანტასტიკური სახითაა წარმოდგენილი: სამხრეთის საზღვარი, მაგ., მცხეთიდან მოყოლებული მტკვრის მარცხენა (!) ნაპირს მიჰყვება [1], ხოლო აღმოსავლეთისა — არაგვისას (ერთი ავტორი ირწმუნება: „ანტიკური და სომეხი ავტორების მონაცემთა შესწავლა ამტკიცებს, რომ საკუთრივ ალბანიად იწოდებოდა ტერიტორია, რომელიც ისაზღვრებოდა... დასავლეთიდან მდ. არაგვითა და მცირე კავკასიონის ქედით («ამიერ-კავკასიის ნალი») [2]<sup>2</sup>. თუ იბერიის პოლიტიკური საზღვრების ამგვარ განმარტებას დავეთანხმებოდით, მივიღებდით ორიგინალურს, — უთუოდ უნიკალურს მსოფლიო ისტორიაში, — ვითარებას, როცა ერთი სახელმწიფოს (ამ შემთხვევაში — იბერიის) დედაქალაქის (მცხეთის!) უდიდესი ნაწილი ორი უცხო სახელმწიფოს ფარგლებში მდებარეობს: ერთი მესამედი, სამეფო რეზიდენციის (არმაზი!) შემცველი, — არმენიაში, მეორე მესამედი კი (არაგვის მარცხენა ნაპირზე) — ალბანიაში!

ქართულ მწერლობაში მოიპოვება ძველი ქართლის პოლიტიკური გეოგრაფიის განხილვის ერთი ცდა ჩვენთვის საინტერესო პერიოდისათვის. ამ ცდის შედეგი ასეთია: „მე-3 საუკ. ქრ. წ. ...იბერიის სამფლობელო შეიცავდა დიდს ნაწილს ამიერ-კავკასიონისას კავკასიონის ქედის შუა წელიდან მდ. არეზამდის და მდ. ქოროხის აუზამდის ამ უკანასკნელის თანმითვლით“. „არტაქსიასისა

<sup>1</sup> ნაწილია მოხსენებისა, რაუელიც წაკითხული იყო საქ. სსრ მეცნ. აკადემიის საზოგადოებრივ მეცნიერებათა განყოფილების VII სესიაზე, 1942 წლის 22 ივნისს.

<sup>2</sup> „ხელნაწერის უფლებით“ გამოსული ამ გამოცემის დასახელება შესაძლებლად და საჭიროდ მიგვაჩნია, იმიტომ რომ მისი შემდგენელ-რედაქტორები იმოწმებენ მას თავის სხვა საპასუხისმგებლო პუბლიკაციებში.

და ზარიდრისის დრომდის... იბერია, სტრაბონის ცნობის მიხედვით, საკმაოდ ვრცელი ყოფილა. უფრო ადრე კიდევ მას სპერია ტერიტორია თითქმის მდ. არეზამდის. სტრაბონის დროს იბერია უკვე შემცირებულ ტერიტორიაზე იგულისხმებოდა... თითქმის დაბეჯითებით! შეიძლება ითქვას, რომ სტრაბონის დროს იბერია ალბათ ლიხის მთამდის უწყევდა: „იბერიის აღმოსავლეთ საზღვარს I საუკუნეში იორი შეადგენდა. მთიან ადგილებსაკენ ჩრდილო-აღმოსავლეთით საზღვარი არა ჩანს, მაგრამ... თუ მე-4 საუკუნეში [ახ. წ., ს. ჯ.] იბერიის საზღვარი შემდეგ დროინდელ დუშეთის ხაზზე გადიოდა, I საუკუნეში საზღვარი შესაძლებელია უფრო სამხრეთითაც იყო, რადგან მთიულ ტოპების დამორჩილება, როგორც ჩანს, საერთოდ ნელს ტემპით მიდიოდა“ [ნემოთ-კი ავტორი ამტკიცებდა, რომ მე-3 საუკუნეში, ძვ. წ., იბერიის ჩრდილოეთის საზღვარი კავკასიონის შუა წელს უწყევდა! ს. ჯ.]. „იბერიის სამხრეთი საზღვარი, როგორც ჩანს, გადიოდა აღმოსავლეთიდან მტკვარზე, შემდეგ — ხაზის გადაჭრით ლელვარის მთის მიმართულებით და ლელვარის მთით ვიდრე ჯავახეთამდის... ქვემო-ჯავახეთი და სამცხე სტრაბონის დროს იბერიის ფარგლებს გარეშე იყო“ [3]. არც ერთი ამ დებულებათაგანი არ არის სწორი, ყველა ეს შედეგია ავტორის ნებისმიერი კონსტრუქციისა, რომელსაც არ ზღუდავს შედეგებით-კრიტიკული დამოკიდებულება წყაროებისადმი.

მცხეთის სამეფოს პოლიტიკური საზღვრების ისტორიას უძველეს ხანაში ახასიათებს საერთო ძლიერი ტენდენცია სამეფოს ტერიტორიის შეკვეცისა სამხრეთიდან. მხოლოდ ამ ხანის დამლევით სათვის ჩნდება ხანმოკლე და ნაკლებ ძლიერი მიდრეკილება საწინააღმდეგო მიმართულებით. ამიტომაც სამხრეთის საზღვრების ისტორია ჩვენთვის განსაკუთრებული ინტერესის შემცველი.

განხილვას დაეიწყებთ აღებული ხანის ბოლო პერიოდიდან, რომელსაც ჩვენ დავდებთ 65 წლიდან, ძვ. წ., ვიდრე I საუკუნის შუაწლებამდე, ახ. წ., როცა იწყება, სწორედ, ქართლის ტერიტორიული ზრდა სამხრეთისაკენ. წყაროები არავითარ ჩვენებას არ შეიცავენ იმის შესახებ, თუ რომელი თემები შეიძინეს (60 და მომდევნო წლებში, ახ. წ.) ქართლის მეფემ ფარსმანმა და მისმა მემკვიდრეებმა. სამაგიეროდ, მოიპოვება საკმაოდ მდიდარი და მრავალფეროვანი ცნობები ქართლის ტერიტორიის მოცულობის შესახებ წინამორბედ ვითარებაში. ეს ცნობები, თუმცა ისინი ამჟამად დაკულია სხვადასხვა დროის ანტიკურ ავტორებთან, დადის, თავისი წარმოშობით, პომპეუსის თანამგზავრი მწერლების მოთხრო-

ბასა და რომაულს, უმთავრესად ოფიციალურ, წყაროებამდე, რასაც ცხადპყოფს შედარებით-კრიტიკული შესწავლა. ეს გარემოებაა, რომ შესაძლებელს ხდის დასახელებული ცნობების გაერთიანებას.

ჩრდილოეთით ქართლის სამეფოს საზღვარი კავკასიონის მთავარი ქედის გადაღმა იყო გადაჭიმული. დარიალის კარები მთელი პერიოდის სიგრძეზე ქართველებს უქირავთ ხელში და ძლიერ გამაგრებულიც აქვთ. უკვე სტრაბონიც ამბობს: იბერიაში „ჩრდილოეთის მომთაბარე ტომებიდან მოდის ძნელი, სამი დღის გზა შეღმართებზე, მას მოსდევს ვიწრო ხეობა მდინარე არაგვის გასწვრივ, რომლის გავლას ოთხი დღე სჭირია ერთისათვის; გზის ბოლოს მიუდგომელი კედელი იცავს“ (წ. XI, თ. III, § 5). არაგვის დასახელება უეჭველპყოფს, რომ ეს „ჩრდილოეთის გზა“ დარიალის გზაა. შემდეგ, ბუნებრივია ვიფიქროთ, რომ „გამაგრებული გზის ბოლოს“ ცნობის წყარო იბერიის სახელმწიფო საზღვარს (ამ შემთხვევაში — ჩრდილოეთისას) უფარდებს, და არა სამეფოს დედაქალაქს. სტრაბონის ჩვენებაში საყურადღებოა მითითება, რომ სამხრეთით მდებარე ამოსავალი პუნქტიდან (აქ, უეჭველია, ქართლის დედაქალაქი იგულისხმება) უღელტეხილამდე 4 დღის გზაა, ხოლო უღელტეხილს იქით — 3 დღისა. ეს მანძილი დარიალ-ბალთის რაიონში გვაგულისხმებინებს სტრაბონის „მიუდგომელ კედელს“. სხვა ცნობები ჰფანტავენ ყოველგვარ გაუგებრობას. გ. პლინიუს სეკუნდი თავის „ბუნების ისტორიაში“ წერს: ...„კავკასიის კარები, რომელთაც მრავალნი მეტად შემცდარად კასპიის კარებს უწოდებენ, უზარმაზარი ქმნილებაა ბუნებისა, მთების უეცარი გაპობის შედეგი. თ ვით გასასვლელი მოზღუდული არკინით შემოჭედილი დირეებით. მათ ქვეშ მოედინება მყრალი მდინარე, ხოლო გამომდგას კუმანიად წოდებული სიმაგრე, აგებული იმ მიზნით, რათა დააბრკოლონ მრავალრიცხოვანი ტომების გამოსვლა“ (წ. VI, § 30). ამავე დროს პლინიუსმა იცის, რომ ნაჩვენები კარები ქართლშია: იგი კვლავ ეკამათება იმათ, ვინც „კასპიის კარებს უწოდებს იბერიის კარებს (portas Hiberiae), რომელნიც, როგორც ჩვენ ვთქვით, კავკასიის კარებად იწოდებიან; ეს სახელწოდებაა აღნიშნული იქიდან გამოგზავნილ სასიტუაციო რუკებზედაც. იმპერატორ ნერონის მუქარაც ეხებოდა ვითონც კასპიის კარებს, მაშინ როცა იგი გულისხმობდა მათ, რომელთაც იბერიაზე გავლით (per Hiberiam) სარმატებში მიყვართ“ (წ. VI,

§ 40). ამ ცნობას შეიძლება გარდამწყვეტი მნიშვნელობა მიენიქოს მისი მკაფიო და დოკუმენტური ხასიათის გამო. მაგრამ მოპოვება კიდევ ერთი ჩვენებაც იმის შესახებ, რომ არაგვის გზისა და დარიალის კონტროლი მთლიანად ქართველების ხელში იმყოფებოდა აღებულ ხანაში. ტაციტი გვიამბობს თავის „ანალებში“, რომ I საუკუნის (ახ. წ.) ოცდაათიან წლებში ამტყდარ, ქართველ-პართელთა ომში ორივე მხარე ცდილობდა ქირის ჯარი ეშოვნა სარმატებთან. ამ საქმეში ქართველებმა დაასწრეს პართელებს, იმიტომ რომ „იბერებმა, რომელნიც ამ ადგილების მფლობელნი იყვნენ, სწრაფად შემოუშვეს სარმატები კასპიის გზით არმენიელების წინააღმდეგ. ის სარმატები კი, რომელნიც პართელების დასახმარებლად მოდიოდნენ, ადვილად შეჩერებულ იქნენ, რადგანაც მოწინააღმდეგემ (ე. ი. ქართველებმა და მათმა მოკავშირეებმა. ს. ჯ.) დაჰკეტა ყველა სხვა გასასვლელი, ერთად ერთი დარჩენილი კი, ზღვასა და ალბანიის მთების ბოლოს შორის, ზაფხულში გაუსვლელი იყო“-ო (წ. VI, 33). აქ სრულიად აშკარაა, რომ უმოკლესი („სასწრაფო“), სარმატებიდან სომხეთამდე, კასპიის გზა, რომელიც ქართველების მფლობელობაში იმყოფება, პლინიუსის „კავკასიის“, ე. ი. დარიალის გზას ემთხვევა და არა დარუბანდის „ზღვისკარს“, რომელიც შეიძლება მკითხველს აქ ეგულვებინა სახელწოდება „კასპიის“ გამო. ამ უკანასკნელს გულისხმობს ტაციტის მიერ დასახელებული გზა (კასპიის) ზღვასა და ალბანიის მთების (კავკასიონის აღმოსავლეთი ნაწილის) ბოლოს შორის“.

ტაციტის ცნობა მოწმობს აგრეთვე, რომ ქართველები კონტროლს უწევდნენ კავკასიონის ზოგ სხვა საულელტეხილო გზასაც... აღმოსავლეთის საზღვრის შესახებ ცნობები მცირეა და ნაკლებ ნიშანდობლივი. აქ საკმაოდ მიგვაჩნია მივიღოთ აკად. ივ. ჯავახიშვილის მოსახრება, პლინიუსის ჩვენებაზე დამყარებული, რომ ეს საზღვარი მდ. ალაზანზე გადიოდა (4): ჩვენი მხრით დავუმატებთ მხოლოდ: არაგვი, როგორც აღმოსავლეთის საზღვარი, საესებით გამორიცხულია უკვე სტრაბონის ცნობითაც, რომ კავკასიის „ზოგი ტოტი სამხრეთისაკენ ვრცელდება, გარემოიკავს შუა იბერიას და უერთდება არმენიისა და მოსხურ მთებს“ (წ. XI, თ. II, § 15). კავკასიონის ამ სამხრეთის ტოტებიდან ერთი, უეჭველია, ცივ-გომბორის ქედია. სტრაბონის ცნობა გვავალებს მივიღოთ, რომ იბერიას ეკუთვნოდა არა მარტო ტერიტორია ცივ-გომბორის ქედის დასავლეთით, არამედ მის აღმოსავლეთითაც.

დასავლეთის საზღვარი გასდევდა კოლხეთის ციხე-ქალაქებს — სკანდასა და შორაპანს. ამ ხაზის აღმოსავლეთით მდებარე ტერიტორია იბერიის ეკუთვნოდა. სტრაბონით, მდ. ფასილი (ე. ი. ამ შემთხვევაში — ყვირილა) ჩქარა დის და არ არის სანაოსნო, ვიდრე შევიდოდეს კოლხიდაში (წ. XI, თ. III, § 4); სანაოსნო კი იგი არის შორაპნიდან (წ. XI, თ. II, § 17), რომელიც კოლხიდის სიმაგრეა და საიდანაც გზა შედის იბერიაში (წ. XI, თ. III, § 4). სტრაბონისავე ზემოთმოტანილი ცნობა, რომ კავკასიონის ზოგი სამხრეთის შტო „გარემოიცავს შუა იბერიას“, აგრეთვე მოწმობს, რომ ქართლის სამეფოს ჰქონდა მიწაწყალი სურამის ქედის დასავლეთითაც, რადგანაც უტკველია, რომ ამ სამხრეთის შტოებიდან ერთი სწორედ სურამის ქედია. ჯუანშერიც იცნობს „ეგრისის ვიდრე შორაპნამდე“ [5].

კრიტიკული ანალიზი, ვგონებთ, კარგად არკვევს იბერიის სამხრეთის საზღვარსაც. ვერ დავეთანხმებით აკად. ივ. ჯავახიშვილს, თითქოს ეს საზღვარი „არც სტრაბონს, არც პლინიუსს გარკვეულად აღნიშნული არა აქვთ“ [4].

ჯერ ირკვევა, რომ მდ. მტკვრის აუზი კამბისენემდე მთლიანად ქართლის სამეფოს საზღვრებშია. სტრაბონი ამბობს, რომ კირი, რომელსაც წინათ კორს ეძახდნენ (წ. XI, თ. III, § 2), ე. ი. მტკვარი, იბერიასა და ალბანიაზე დის, მაშინ როცა არაქსი — არმენიაზე (წ. XI, თ. I, § 5). ამავე შეხედულებისაა დიონ კასი, ეპოქის ერთი საუკეთესო წყაროთაგანი. დიონ კასი მოგვითხრობს: პომპეუსი „ეომებოდა როგორც ალბანელებს, ისე იბერებს. იგი იძულებული გახდა იბერებს უფრო ადრეც კი შეებოდა, ყოველგვარი მოლოდინის გარეშე. ცხოვრობენ ისინი კირნის ორსავე ნაპირას, ესაზღვრებიან რა ერთი მხრით ალბანელებს, ხოლო მეორე მხრით — არმენიელებს“... მოულოდნელი თავდასხმით პომპეუსმა ხელთ იგდო იბერიის მეფის რეზიდენცია და აიძულა მეფე არტოკი გადასულიყო მტკვარს გადაღმა (ჩრდილოეთით). „რაკი პომპეუსმა ამრიგად ხელთ იგდო ეს გასასვლელი, მან აქ გუშაგები დააყენა, თვითონ-კი გაემართა და დაიპყრო მთელი (ქვეყანა) მტკვარს გამოღმა. შემდეგ, როცა იგი ემზადებოდა კირნზე გადასასვლელად, არტოკმა მას გაუგზავნა (ელჩები)“ (XXXVII, §§ 1—2). ამ კონკრეტული და მთლიანი ცნობიდან აშკარაა: იბერიას ეკუთვნოდა მტკვრის ორივე ნაპირი და მტკვრის მარჯვენა ნაპირზე ქართლის მიწაწყალი იმდენად ვრცელი იყო, რომ, სამეფო რეზიდენციის დატემისდა მიუხედავად, მის დაპყრობას მთელი ლაშ-

ქრობა სჭიროდა. ამითვე აიხსნება, რომ სამეფო საჯდომი მტკვრის მარჯვენა ნაპირას მდებარეობდა. როცა იბერიის ეს ნაწილი პომპეუსმა ხელთ იგდო და აქ ზურგი გაიმავრა, მხოლოდ ამის შემდეგ გაბელა მან მტკვრის მარცხენა ნაპირას გადასულიყო და ქართლის ჩრდილოეთის რაიონების დამორჩილება ეცადნა.

შეიძლება ისიც გარკვეულ იქნეს, თუ, სახელდობრ, სად გადიოდა პოლიტიკური სადემარკაციო ხაზი სომხეთისა და ქართლის სამეფოებს შორის. იგივე სტრაბონი, იხსენიებს რა აპოლოდორის ჩვენებას, რომ იბერების მიწაწყალს არმენიისაგან არაქსი განყოფს, თავის მხრით გვარწმუნებს, ამ საზღვარს „უფრო კირი და მოსხური მთები“ შეადგენენო (წ. I, თ. III, § 21). სტრაბონი ივიწყებს, რომ აპოლოდორი ერთი საუკუნითაა დაშორებული მის დროს და რომ ამ ხნის განმავლობაში განვითარება არ შეწყვეტილა. აპოლოდორისა და სტრაბონის ჩვენებანი ამ განვითარების სხვადასხვა ეტაპს წარმოგვიდგენენ.

რა დასკვნის გამოტანა შეიძლება სტრაბონის ცნობიდან? უწინარეს ყოვლისა ცხადია, რომ თავის (თუ თავის სხვა, უფრო ახლობელი, წყაროების) დროისათვის სტრაბონს შეუძლებლად მიაჩნია იბერია-არმენიის საზღვარი არაქსზე დასდოს. კირის (მტკვრის) ხსენება ამ შემთხვევაში მოწმობს, რომ სტრაბონი საზღვარს არაქსზე ჩრდილოეთით ეძებს. მეორე მხრით უნდა მივიგონოთ, რომ, როგორც ზემოთ გაიჩვენა, თვით სტრაბონისა და სხვა, სტრაბონისგან დამოუკიდებელი, წყაროების ჩვენებით, მტკვრის აუზი ალბანიის საზღვრამდე მთლიანად იბერიის ფარგლებში იყო მოქცეული. მაშ როგორღა შეიძლებოდა მტკვრის წარმოდგენა საზღვრო მიჯნად?

ყურადღებას იქცევს, ჯერ ერთი, ის, რომ სტრაბონი ამ საზღვარს მ ი ა ხ ლ ო ე ბ ი თ წარმოიდგენს; ამაზე ნიუთითებს მისი გამოთქმა *μαλλίον* — ‘უფრო’, ‘უფრო მეტად’, ‘უკეთ’. შემდეგ, ერთადერთი განმარტება, რომელიც ყველა ამ ცნობას შეარიგებდა, ისაა, რომ იბერია-არმენიის საზღვარს სტრაბონი მიახლოებით მტკვრის სათავეებთან გამავალ ხაზზე იგულისხმებს. ეს დადასტურებულია სტრაბონის შემდეგი აღვლითაც, სადაც დიდი გეოგრაფი იბერიის აღწერილობას იძლევა საგანგებოდ: „ამ ქვეყნის ერთი ნაწილი ყოველმხრივ გარემოცულია კავკასის მთებით, რადგანაც სამხრეთისაკენ, როგორც უკვე ვთქვით, ჩამოდის (კავკასის) შტოები, რომელნიც მდიდარი არიან მცენარეულობით, გარემოიცივენ მთელ იბერიას და აღწევენ არმენიასა და კოლხიდას; შუაში კი არის ბა-



რი, რომელსაც მდინარეები რწყავს და მათ შორის ყველაზე დიდი — კირი; მას სათავე აქვს არმენიაში, მაშინვე შედის დასახელებულ ბარში, იერთებს კავკასიდან გამომდინარე არაგონსა და სხვა ნაკადებს და ვიწრო ხეობით შედის ალბანიაში“ (წ. XI, თ. III, § 2).

აქაც დადასტურებულია, რომ მტკვარი იბერიის უდიდესი მდინარეა, რომ ალბანიის საზღვრამდე მთელი მისი აუზი (ცნობა შენაკადების შესახებ!) იბერიის ფარგლებშია. სტრაბონის წარმოდგენით მტკვრის სათავეა მხოლოდ არმენიაში („არმენია“ აქ, ცხადია, პოლიტიკური მნიშვნელობითაა ნახპარი) და თვით მდინარე მაშინვე, ე. ი. სათავეებიდანვე, ქართლის ტერიტორიაზე დის. რეალურად კი, უნდა ვიფიქროთ, სახელმწიფო საზღვარი, ამ ცნობის თვალსაზრისით, მტკვრისა და არაქსის წყალთგასაყარ მთებზე გადიოდა... ამიტომ უფრო მართალია, რათქმაუნდა, პლუტარქი (რომელიც სტრაბონისავე ხანის წყაროებით სარგებლობდა ამ საგანზე) როცა ამბობს, რომ „მდინარე კირს... სათავე აქვს იბერიის მთებში და მას ერთვის არმენიიდან მომდინარე არაქსი“-ო („პომპეუსი“, XXXIV). ესეც პოლიტიკური განსაზღვრებაა: მტკვრის ხეობა-აუზი მთლიანად იბერიის ფარგლებშია, არაქსისა კი — არმენიისაში!

საკითხის წმინდა გეოგრაფიული განმარტება სხვა ანტიკურ მწერლებს მოეპოვებათ. სტრაბონის უმცროსი თანამედროვე, უკვე რომაული (კლავდიუსის ხანის) მწერლობის წარმომადგენელი, პომპონიუს მელა წერს: „მდინარეები კირი და კამბისი სათავეს იღებენ ურთიერთ ახლოს მდებარე წყაროსთვლებიდან კორაქსიულ მთებთან, შემდეგ შორდებიან ერთმანეთს სსკადასხვა მიმართულებით და დიდ ხანს მიედინებიან ერთი მეორისაგან შორს დაცილებული კალაპოტებით ჰიბერებისა და ჰირკანების ქვეყნებზე, უკვე ზღვისაგან არა მოშორებით ჩადიან ერთსადაიმავე ტბაში და ერთი კალაპოტით აღწევენ ჰირკანიის ყურეს“ (ხოროგრაფია, წ. III, § 41). ‘კამბისი’ აქ არაქსს აღნიშნავს და ირკვევა, რომ, მელას წარმოდგენით, არაქსსა და მტკვარს სათავეები ერთი წყალთგასაყარი ქედის კალთებზე აქვთ და რომ ეს ქედი კორაქსის მთების სახელწოდებას ატარებს. მტკვარს სათავეები აქვს, ქართული ნომენკლატურით, კოლას პროვინციაში, რომელმაც დღემდე შეინარჩუნა ეს სახელი, თუმცა ოდნავ სახეცვლილი ფორმით. ‘კორაქსიული მთები’ როგორც რეალურად, ისე ენობრივად კოლას მთებს უდრის.

პლინიუსი მტკვრის სათავეს აგრეთვე კორაქსიულ მთებში დასდებს (წ. VI, § 39), მაგრამ ამასთან ერთად მას ახალი ცნობა შემოაქვს: „კირს სათავე აქვს ჰენიოხურ მთებში, რომლებსაც სხვები კორაქსიულს ეძახიან“ (წ. VI, § 26). ეს განმარტება უპირატესად ეთნიკური მნიშვნელობისა გამოდის.

შემდეგ. სტრაბონით იბერია არმენიისაგან იმიჯნება კიროსითა და მოსხური მთებით (წ. I, თ. III, § 21). თუ რა მნიშვნელობა აქვს მტკვრის დასახელებას ამ შემთხვევაში, ეს ჩვენ ზემოთ განვმარტეთ. მოსხური მთები კი მიუხანს შეადგენენ არა მტკვრის სათავეებთან, რადგანაც, როგორც ვნახეთ, არც ერთი იმდროინდელი წყარო ამ სათავეებს მოსხურ მთებში არ უჩვენებს. აქ მოსხური მთები, მტკვრის სათავეებთან ერთად, ზოგადად მოხაზავს იმ ოლქს, სადაც არმენია და იბერია პოლიტიკურად ხვდებოდნენ ერთმანეთს სტრაბონის ხანაში. ჩვენ გარკვეული გვაქვს, რომ „მოსხური მთები“ ჭანეთის მთებია, აღმოს. პონტოს მთაგრეხილის აღმოსავლეთის ნაწილი. მაშასადამე, სტრაბონის (ოუ მისი სათანადო წყაროს) დროს იბერიის ტერიტორია ჯორჯიის ხეობაშიაც გადადიოდა.

სავსებით ემოწმება ამ ჩვენებას პლინიუსიც: „140.000 ნაბიჯზე ტრაპეზუნტიდან (აღმოსავლეთისაკენ, ს. ჯ.) არის წდ. აბსარი, რომლის შესართავთან იმავე სახელის მქონე ციხე-სიმაგრეა. ამ ადგილებში მთებს გადაღმა არის იბერია“ (წ. VI, § 12). მდ. აბსარი და აბსარის ციხე ჯორჯიის შესართავის რაიონზე მიგვიითებენ. აშკარაა, რომ ეს მთები, რომლის გადაღმა იბერია იწყება, იგივე სტრაბონისეული მოსხური მთებია.

ზემოთ მიღებული დასკვნა ფეოდალური ხანის გეოგრაფიულ-ადმინისტრაციული ნომენკლატურის ენაზე რომ გადავიტანოთ, უნდა ვთქვათ, რომ არმენიის საზღვრებში რჩება ბასიანი, იბერიისაში — კოლ-არტანი. ამ ხაზის გაგრძელება შეიძლება დასავლეთისაკენ. სტრაბონი არმენიის აღწერილობაში იხსენიებს პროვინციას სისპირიტიდას (წ. XI, თ. XIV, § 9, § 12; შეადრ. წ. XI, თ. IV, § 8), რომელიც, უეჭველია, მეტნაკლებად ემთხვევა ფეოდალური ხანის ქართულ სპერსა და თანამედროვე სპირს. სტრაბონის ცნობა უნდა გაეიგოთ, ჩანს, ისე, რომ სისპირიტიდა-სპერი ეკუთვნოდა სომხეთს, ტაო კი უკვე იბერიის ფარგლებში მოდიოდა. სამხრეთის საზღვრის ხაზის შესახებ აღმოსავლეთის სექტორში სხვა არაფერი მოგვემოკვება, გარდა სტრაბონის ორი ცნობისა. ერთი ისაა, რომლის თანახმადაც იბერიაში მდი-

ნარეებს ოქროს ქვიშა მოაქვთ (წ. XV, თ. I, §§ 57, 59). ყველა მერმინდელი ცნობა აქ სრულიად გარკვეულ ტერიტორიას გვაგულისხმებინებს... მეორე ცნობით, კამბისენეს ნახევრად ბარისა და ნახევრად მთიანი პროვინციის, — სადაც ერთმანეთს ხვდებოდნენ იბერია, ალბანია და არმენია (წ. XI, თ. IV, § 1), — სომხური ნაწილი არმენიის ყველაზე ჩრდილოეთით მდებარე და ყველაზე მაღალმთიანი თემთაგანი იყო (წ. XI, თ. XIV, § 4). რადგანაც ლიტერატურაში მიღებული გაიგივება კამბისენესი კამბეჩანთან [4] სამართლიანად უნდა მივიჩნიოთ, გამოდის, რომ კამბისენეს სომხური ნაწილი იორ-ალაზნის შუაწყლის სამხრეთით მდებარე მაღალი ქედების — ბამბაკის აღმოს. ნაწილისა და შაჰ-დაღის — მთიანეთში უნდა ვეძიოთ. მის ჩრდილოეთით უკვე იბერია იქნება.

ჩვენ მიერ დადგენილი სამხრეთის საზღვარი არ შეადგენდა იბერიის იმთავითვე უცვლელ მიჯნას. როგორც ვნახეთ ზემოთ, სტრაბონთან დაკულია (წ. I, თ. III, § 21) აპოლოდორის მოწმობა, რომ იბერიას არმენიისაგან მდ. არაქსი განყოფს. აპოლოდორი II საუკუნის მიწურულების მწერალია, ძვ. წ. [6]. ამრიგად, აპოლოდორის ცნობა მოწმობს, რომ მეორე საუკუნის დამლევისათვის, ძვ. წ., ქართლის სამეფოს ტერიტორია სამხრეთისაკენ უფრო ვრცელი იყო, ვიდრე მომდევნო პერიოდში. არ შეეცდებით, თუ ვიტყვით, რომ არაქსის ჩრდილოეთით მდებარე რაიონები იბერიამ დაჰკარგა ტიგრან II-ის დროს, როცა არმენია სწრაფ ზრდას განიცდიდა (I საუკუნის პირველი ნახევარი, ძვ. წ.).

ერთი საუკუნით ადრე ამ ეპოქამდე იბერიამ კიდევ უფრო მძიმე ტერიტორიული დანაკლისი განიცადა, როცა მას ჩამოაცალეს პარიადრის მთიანეთის, ხორძენესა და გოგარენეს თემები, რაზედაც სტრაბონი მოგვითხრობს (წ. XI, თ. XIV, § 5). რომ პარიადრის მთებთან ოდესღაც დაკავშირებული იყო იბერიის სამხრეთის სასაზღვრო ხაზი, ეს დადასტურებული აქვს პლინიუსს: „ეხლა ჩამოთვლილი იქნებიან არმენიის მომიჯნავე ქვეყნების მცხოვრებნი. მთელი დაბლობი, მდინარე კირიდან მოყოლებული, დასახლებულია ალბანელების ტომით, შემდეგ — იბერებით... მთავარი ქალაქებია... იბერიაში ჰერმასტი მდინარესთან და ნეორისი, თასისა და თრიარის ოლქები პარიჰედრის მთებამდე. მათ გადაღმა ძევს კოლხიდის უდაბნოები“... (წ. VI, §§ 28—29).

აქ, ჯერ ერთი, ცხადია, რომ პარიჰედრის მთები საზღვარია არმენიის გარეშე მდებარე რომელიღაც ქვეყნისა. შემდეგ, ლოგი-

კურია თასისა და თრიარის ოლქები იბერიას მიეათვალათ. უეჭველია, თრიარი ქართულ თრიალეთთან მჭიდრო კავშირში იმყოფება. ოლონდ, ცხადია, რომ პლინიუსის ცნობაში, — რომელიც განსაკუთრებით ძვირფასია იმიტომ, რომ იგი აშკარად სტრაბონისაგან განსხვავებულ წყაროს ემყარება, — ტექსტი ნაკლები სახითაა ჩვენ დრომდე მოღწეული...

## К ПОЛИТИЧЕСКОЙ ГЕОГРАФИИ ИБЕРСКОГО (КАРТЛИЙСКОГО) ЦАРСТВА В ДРЕВНЕЙШИЙ ПЕРИОД

### Р е з ю м е

Сравнительно-критическим изучением сообщений греко-римских, преимущественно, источников устанавливается, что политические границы Иберии к началу нашей эры проходили: а) на севере — за Главным Кавказским хребтом (Дариальский проход находится в руках грузин в продолжение всего периода, будучи сильно укреплен ими); б) на востоке — по долине р. Алазани; в) на западе — по линии пограничной с укрепленными городами Колхиды — Скаянда и Шорапани; г) на юге — по водораздельным хребтам между бассейнами Куры и Аракса, причем в политических пределах Армении остаются Сиспиргида-Сцер и Басиан на западе, а на востоке — горная зона области Камбисены (Горный район Камбисены локализуется по восточной части Бамбакского хребта и по Шах-дагу).

Данная линия южной границы Иберии мыслится, как результат роста территории Армении при Тигране II; в конце II в. до н. э. она проходила по Араксу (Аполлодор), а к началу того же века — еще южнее, включая в себя горную область Париадра, Хордзену и Гогарену (Страбон, Плиний).

### დამოწმებული ლიტერატურა

1. ქლაკატი: Народы Закавказья в VI в. до н. э.—VII в. н. э. История СССР. Альбом наглядных пособий. Выпуск II, № 10. Государственное издательство политической литературы. 1939.
2. История СССР, ч. I—II. На правах рукописи. Академия Наук СССР. Институт истории материальной культуры им. Н. Я. Марра. Москва—Ленинград, 1939 г., стр. 325.
3. ს. ჯ ა კ ა ბ ა ძ ე. ქართული სახელმწიფოებრიობის გენეზისის საკითხები. „საისტორიო მოაზრებ“, წ. I, ტფ. 1924, გვ. 21, 29, 31, 33.

4. ივ. ჯავახიშვილი. ქართველ ერის ისტორია, წიგნი პირველი. თბილისი, 1913, გვ. 59.
  5. ქართლის ცხოვრება. მარიაშ დედოფლის ვარიანტი. გამოცემული ე. თაყაიშვილის რედაქტორობით. თბილისი, 1906, გვ. 209.
  6. М. И. Ростовцев. Скифия и Боспор, критическое обозрение памятников литературных и археологических. 1925, стр. 36.
-

## ისტორიული საგარეველოს კოლიტიკური გეოგრაფიიდან

1. მოხსენება მიზნად ისახავს გაარკვეოს ისტორიულ საქართველოს სამხრეთი მიჯნები უძველეს დროში, რომელნიც სათანადო წერილობითს ცნობებში განსაზღვრულია პარიადრის, სკიდისისა და მოსხური მთებით.

2. სამეცნიერო ლიტერატურაში გაბატონებული ლოკალიზაცია: პარიადრი—პარხალი, სკიდისი—რიზეს მთები, მცდარია ისევე, როგორც მოსხური მთების ძიება ჭოროხის ჩრდილოეთითა და აღმოსავლეთით.

3. ანტიკურ მწერალთა, განსაკუთრებით კი სტრაბონის ცნობების ანალიზი არკვევს: მოსხური მთები აღმოსავლეთ პონტოს მთაგრებილის ის ნაწილია, რომელიც ტრაპიზონის აღმოსავლეთითაა გადაჭიმული ვიდრე ჭოროხის ქვემო წელამდე, სკიდისი — პირველის გაგრძელებაა დასავლეთისაკენ ვიდრე გირესუნ-კერასუნტის რაიონამდე, ხოლო პარიადრი — კელკიტ-ჩაისა და ყიზილ-ირმაკის აუზთა წყალგამყოფი მთები: აყ-დალი, ჩამლუ-ბელ-დალი, იულდუს-დალი, ტეკელი-დალი.

4. მოცემული ლოკალიზაცია საფუძველი ხდება იმ თემების განსაზღვრისათვის, რომელნიც ქართველმა ტომებმა დაჰკარგეს II საუკუნის დამდეგს ძვ. წ. (პარიადრის მთიანი ოლქი, ხორძენე, დერქსენე || ქსერქსენე და კარინითი).

---

## პარიადრი, სკილინი, მოსხური მთები<sup>1</sup>

ანტიკური ქვეყნის სწავლულთათვის ცნობილი სამი მთა თუ მთაგრეხილი — პარიადრი, სკილინი და მოსხური მთები — შეადგენენ მნიშვნელოვან საორიენტაციო პუნქტებს ძველი საქართველოს ეთნიკური და პოლიტიკური გეოგრაფიისათვის, რაკი ამ ოროგრაფიული ობიექტების მიხედვითაა განსაზღვრული არა ერთი ადრინდელი და სარწმუნო მითითება ქართველობის განსახლებისა და სამოქალაქო ცხოვრების ისტორიიდან. ამავე დროს, დასახელებული ისტორიულ-გეოგრაფიული ობიექტების დამაკმაყოფილებელი ლოკალიზაცია დღემდე არ მოგვეპოვება: ამ შემთხვევაში მკვლევარნი ჩვეულებრივად მიმართავენ ლოკალიზაციის უმარტივეს ხერხს — მსგავსების დადგენას ახალი დროის გეოგრაფიულ სახელებთან და საკითხი არსებითად არავის განუხილავს. აღნიშნული ხერხი ყოველთვის არ არის გამოსადეგი, რადგანაც ერთი და იგივე სახელი არამტოუ სხვადასხვა ეპოქაში, არამედ ზოგჯერ ერთსადაიმთავე ხანაშიაც შეიძლება სხვადასხვა გეოგრაფიულ ობიექტს განეკუთვნებოდეს. გასათვალისწინებელია ტოპონიმიკის მოძრაობაც სივრცეში ისტორიის სიგრძეზე...

სახელოვან ვახუშტის ეკუთვნის მოსხური მთების ლოკალიზაციის ერთი ყველაზე ადრინდელი ცდა. სამცხე-საათაბაგოს შესახებ იგი ამბობს: „ბაგრატიონთ მეფობასა შინა ყოველთა ამათ ადგილებთა და ქვეყანათა კრებით ეწოდა მესხნი“-ო და შენიშნავს: „ამათ ყოველთა კრებით ქვეყანასა სწერენ ძველს ლეოლრაფიასა შინა, უწინარეს მაკედონელისაცა, სახელსა მოსხნი, ესე იგი არს მესხნი, და მათა დევაბოინისას, ირიჯლუსისას, ყალნუსა და თორთომისას [ბროსეს გამოცემა აქ სამართლიანად უმატებს: „მოსხნის მთად, ეს არს“ ([1], გვ. 76)] — მესხნის მთა“ ([2], გვ. 121 და შენ.). მეორე ადგილას ავტორს რამდენადმე განსხვავებული განმარტება მოეპოვება: „ეს მთანი არიან, რომელსა სწერენ ძველს ლეოლრაფიასა შინა მოსხნის მთად, რომელნი არიან მესხნის მთანი ირაჯლუსი (sic! ს. ჯ.), თორთომისა, შიფაქლუსი და დევაბოინისა და ისპირისა“

<sup>1</sup> ნაწილია მოხსენებისა, რომელიც წაკითხული იყო საქ. მეცნ. აკადემიის საზოგადოებრივ მეცნიერებათა განყოფილების VII სესიაზე, 1942 წლის 22 ივნისს.

([2], გვ. 140 შენ.). მესამე ადგილას ნაკლები გარკვეულობით „მოსხის მთებად“ ვახუშტის მიჩნეული აქვს ან აქარა-ახალციხის ქელი („მთა ღაღო ანუ ფერსათი, და მთა აქარა-გურისის შორისი“) მხოლოდ, ან იგივე, ირიჯლუსა და დევაბოინის მთების დამატებით ([2], გვ. 122). ამ მთების შესახებ-კი ვახუშტი შემდეგ ცნობას იძლევა: „ხოლო მზღერის თორთომის ჯეობას: აღმოსავლით მთა თორთომისა, თორთომისა და ტაოს შორისი, რომელი მდებარებს სიგრძით სამჯრეთ-დასავლეთს შუადამ აღმოსავლეთ-ჩდილოს შორის, გამოვალს ირიჯლუს მთიდან და მიაღვების ისპირის მთას... ხოლო სამჯრით მზღერის მთა ირიჯლუ-დევაბოინისა... დასავლით მთა შიფაქლუსა, თორთომისა და ქართლის-ყელს შორისი, რომელი მდებარებს სამხრიდან ჩდილოდ, გამოვალს დევაბოინის მთიდან და მიაღვების ისპირის მთას... ჩდილოთ მზღერის მთა ისპირისა, ამასა და ისპირს შორის“... ([2], გვ. 140—141). ყალნუს მთა კიდეც ის მთაა კოლაში, სადაც სათავე აქვს მტკვარს ([2], გვ. 33), და რომელიც წინათ თურმე არსიანის მთად იწოდებოდა; იგი ვახუშტის ყარსის მთისათვის დაუკავშირებია ([2], გვ. 123). დაზუსტებულია ვახუშტის შეხედულება ყალნუს მთის შესახებ შემდეგ შენიშვნაში: „არსიანის მთა მდებარებს სიგრძით აქარის მთიდან არტანამდე, აღმოსავლეთ-სამჯრეთს შუადამ ჩდილოთ-დასავლეთს შუა... არტანიდან მოდრკების არსიანის მთა და წარვალს სამჯრით, მიაღვების ყარსის მთას. ამ არსიანის მთას უწოდებენ არტანს — ქვაყრილს და კოლას — ყალნუ მთას. ამ მთას აქუს აღმოსავლით კოლა, არტანი, და დასავლით არტანუჯი და ფანასკეტი“ ([2], გვ. 128). ყალნუს მთაში ჰქონია სათავე კოროხის შენაკადს ბანა-ფანასკეტის მდინარეს ([2], გვ. 138) და იგივე ყოფილა ჩრდილოეთის საზღვარი ბასიანის თემისა ([2], გვ. 139).

ვახუშტის განმარტებას უახლოვდება უსლარისეული, რომლის თანახმადაც სტრაბონის ცნობები მოსხური მთების შესახებ გულისხმობს როგორც „აქარის ქედს, ახალციხის მაზრას. რომ საზღვრავს ჩრდილოეთიდან“, ისევე მცირე კავკასიონსაც ([3], გვ. 307).

უსლარის გაგებისათვის შეიძლებოდა თითქოს ნაწილობრივ მხარი დაეჭირა სტრაბონის იმ ცნობას, რომელიც, სხვა წყაროთა ჩვენებებთან შეკამათებით, ამტკიცებს, რომ იბერთა ტერიტორია



„პონტოსა და კოლხიდას ზემოთ მდებარე“, არმენიისაგან იმიჯნება ვითომც არა წინამორბედ მწერალთაგან ნაჩვენები ხაზით, „არამედ უფრო — კიროსითა და მოსხური მთებით“ (წ. I, თ. III, § 21). რომ აქ დასახელებული მოსხური მთები, სტრაბონის გეოგრაფიული კონცეპციის თვალსაზრისით, შეუძლებელია მტკვრის სათავეებს ჩრდილოეთით წარმოვიდგინოთ, ეს კარგად ჩანს სტრაბონისავე შენიშვნიდან, რომ კიროსს, ე. ი. მტკვარს სათავე აქვს არმენიაში, მაგრამ მაშინვე იგი იბერიის დაბლობში შედისო (წ. XI, თ. III, § 2). საქმის გარკვევას ვერ შევლის პლუტარქის ზოგადი ცნობა, რომ კავკასიონის გარშემო მცხოვრებ ხალხთაგან „უმთავრესნი არიან ალბანები და იბერები; იბერები მოსახლეობენ დაფენებაზე მოსხური მთებისა და პონტოსაკენ“... (პომპეოსი, XXXIV).

უფრო ხშირად შეხებიან მკვლევარნი პარიადრს, რომელსაც თითქმის ყველა კომენტატორი ახალი დროის პარხალს უკავშირებს. კიპერტისათვის პარიადრი პონტოს მძლავრი მთაგრეხილია, რომლის დასაწყისი, ჩანს, მდ. თერმოლონტის აღმოსავლეთითაა ნაგულისხმევი; იგი ვრცელდება ვიდრე კოლხიდას საზღვრებამდე და ზღვის ნაპირს გასდევს; მისი უღელტეხილით გადიოდა სავაჭრო გზა ტრაპიზონიდან ზემო-არმენიისაკენ; თვით სახელი (პარიადრი) უთუოდ მიდურ-სპარსულია, პარახოათრა-ს ვარიანტი; პარიადრის ყველაზე მაღალი ქედები იწოდება სომხურად „პარხარ“, ამჟამად — „ბარხალ“, „ბალხარ“-ო ([4], გვ. 58—60). კიპერტის აზრი მიიღო ჰიუბშმანმა, რომელიც „პარხარ“-ის ეტიმოლოგიური ანალიზითაა დაინტერესებული ([5], გვ. 66—67). კიპერტ-ჰიუბშმანის კვალში დგას ადონცი, რომლის თანახმადაც პარხარის ანუ პარიადრის მთები ძველად ეწოდებოდა გრძელ მთაგრეხილს, სატალასა და ბაიბურდს ზემოდან გადაჰიმულს, ზღვის ნაპირის პარალელურად, შებინ-ყარაჰისარის მხრიდან ვიდრე ქოროხის შესართავამდე; მისი ერთი ნაწილი, რომელიც ქოროხს გასდევს, ამჟამადაც ძველ სახელწოდებას — პარხალს ანუ ბოლხარს — ატარებს — ([6], გვ. 62). „პარიადრის მთიანეთი“, ამჟვე ავტორით, ტაიქსა (ტაო) და სპერს ეიგივება ([6], გვ. 395).

რაც შეეხება სკიდისს, ივ. ჯავახიშვილი მას „რიზეს მახლობლად ამ ქვეყნის შუაგულ მთებში“ დასდებს: ეს ლოკალიზაცია ავტორს აშენებული აქვს მახეილგონიერსა და თავისთავად,

საინტერესო ეტიმოლოგიაზე, რომლის თანახმადაც სკიდიის (სკვდისი) მეგრული „შვიდიში“-ს ბერძნული გადაცემაა და ბერძნულისავე „ჰეტაკომე“-სა და არაბული „კურა სებაა“-ს ადგილობრივი დედნის ფრაგმენტი ([7], გვ. 44—45).

ყველაზე სრული ცნობები ჩვენთვის საინტერესო მთების შესახებ შემოგვინახა სტრაბონმა [8], რომელიც, ყველაფრიდან ჩანს, კარგად ინფორმირებულია ამ შემთხვევაში.

სტრაბონისათვის ეს მთები იმ ერთიანი ოროგრაფიული სისტემის ნაწილებია, რომელიც სამხრეთისაკენ ანტიტავრის მეშვეობით ტავრს უკავშირდება, ჩრდილოეთისაკენ-კი იგი არმენიას აკრავს გარს: „ტავრს ჩრდილოეთისაკენ ბევრი ტოტი სცილდება, — ამბობს სახელგანთქმული გეოგრაფი, — ერთი მათგანი ეგრეთწოდებული ანტიტავრია. ასე იწოდება აქაც (ის ტოტი), რომელიც გამოჰყოფს სოფენის ოლქს ხეობაში მასსა და ტავრს შორის. ევფრატის გადაღმა მცირე არმენიაში ანტიტავრის შემდგომ ჩრდილოეთისაკენ გადაჭიმულია დიდი და მრავალტოტიანი მთა; ერთს მის ნაწილს უწოდებენ პარიადრს, მეორეს — მოსხურ მთებს, სხვას — სხვა სახელებს. ეს მთები გარს მოიცავენ მთელ არმენიას იბერებსა და ალბანებამდე“ (წ. XI, თ. XII, § 4). ამრიგად, ეს „დიდი და მრავალტოტიანი მთა“ მცირე არმენიაში იწყება, მდ. ევფრატიდან სამხრეთ-დასავლეთისაკენ, და შემდეგ გასდევს არმენიის (ცხადია, დიდი არმენიის) საზღვრებს ვიდრე იბერიამდე და ალბანიამდე. რომ აქ სწორედ არმენიის სასაზღვრო ხაზზეა საუბარი, ეს აშკარაა სტრაბონის იმ ადგილიდან, სადაც არმენიის საზღვრებია აღწერილი: არმენიის მიჯნას „ჩრდილოეთით შეადგენენ კასპიის ზღვას ზემოთ მდებარე პარახოათრის მთები, ალბანები, იბერები და კავკასი, რომელიც მოიცავს ამ ხალხებს და ეკვრის არმენიის (მთებს); იგი ეკვრის აგრეთვე მოსხურ მთებს და კოლხურსაც ვიდრე ეგრეთწოდებულ ტიბარანებამდე. დასავლეთით (არმენიის საზღვარს შეადგენენ) ეს ხალხები და პარიადრი (δ Παριαδρις) და სკიდიისი (δ Σκιδιῶτης) ვიდრე მცირე არმენიამდე და ევფრატის ხეობამდე, რომელიც განყოფს არმენიას კაპადოკიისა და კომაგენენსაგან“ (წ. XI, თ. XIV, § 1).

ამრიგად, პარიადრი და სკიდიისი შეადგენენ არმენიის დასავლეთის სასაზღვრო ხაზს, რომელიც მცირე არმენიამდე და კაპადოკია-არმენიის საკონტაქტო რაიონამდე

უწევს; მოსხური მთების მდებარეობა ამ ციტატით ისე ნათელი არ არის.

ახალი დეტალები შემოაქვს სტრაბონს აღწერილობაში სხვა ადგილას: „კავკასია... განყოფს — სამხრეთისაკენ ალბანიასა და იბერიას, ჩრდილოეთისაკენ-კი — სარმატთა ველებს... კავკასის ზოგი ტოტი სამხრეთისაკენ ვრცელდება, გარემოცავს შუა იბერიას და უერთდება არმენიისა და ეგრეთწოდებულ მოსხურ მთებს, აგრეთვე სკიდისსა და პარიადრეს. ესენი ყველა ტოტებია ტავრისა, რომელიც არმენიის სამხრეთის კიდეს ჰქმნის; ისინი როგორღაც მოწყვეტილან ჩრდილოეთისაკენ და აღწევენ კავკასსა და ევქსინის სანაპიროს, რომელიც გადაქიმულია კოლხიდიდან თემისკირამდე“ (წ. XI, თ. II, § 15). აქ აშკარაა, რომ სტრაბონის გეოგრაფიულ კონცეპციაში მოსხური მთები იბერიის გარეშეა და მის სამხრეთით: ისინი სამხრეთიდან უკავშირდებიან კავკასიონის იმ ტოტებს, რომელნიც შუა სკრიან (ვფიქრობთ, გვაქვს უფლება ასე გავიგოთ სტრაბონის ცოტა არ იყოს რთული ფრაზა: *οὐ τῆς τῆ Ἰβηρίας περὶ αὐτῶν*) იბერიას.

დამატებითა და მნიშვნელოვანს, ლოკალიზაციისათვის, მითითებას ვპოულობთ სტრაბონის შემდეგ ცნობაში: „ტრაპეზუნტსა და ფარნაკიას ზემოთ ცხოვრობენ ტიბარანები, ხალდაები და სანები, რომელთაც წინათ მაკრონებს ეძახდნენ, და (ძვეს) მცირე არმენია. ამ ადგილების მახლობლად ცხოვრობენ აგრეთვე აპაიტები, წინანდელი კერკიტები. ამ ადგილებზე გადის სკიდისი, მეტად ციცაბო მთა, რომელიც უერთდება კოლხიდის ზემოთ მდებარე მოსხურ მთებს და რომლის თხემები ჰეპტაკომეტებს უჭირავთ, და პარიადრი, რომელიც გადაქიმულია სიდენესა და თემისკირასთან მდებარე ადგილებიდან ვიდრე მცირე არმენიამდე და რომელიც ქმნის პონტოს აღმოსავლეთის კიდე“ (წ. XII, თ. III, § 18).

საყურადღებოა აქ ის არის, რომ აღწერილობაში ჩვენთვის საძიებელი ობიექტების მსაზღვრელებად შემოსულია ისეთი ახალი პუნქტები, რომელნიც თვითონ კარგად არიან განსაზღვრულნი. თავის XII წიგნის ამავე მესამე თავში თვით სტრაბონი დაწვრილებით აღწერს ამ ადგილებს, რომელნიც მდ. ჰალისის აღმოსავლეთით მდებარეობენ. თემისკირა ველია, რომელსაც რწყავს ორი მდინარე — თერმოდონტი და ირისი. უკანას-

ენელი გვერდს უვლის სტრაბონის სამშობლო ქალაქს ამასიასაც და შემდეგ ირთავს არმენიიდან მომდინარე ლიკს. თემისკირას ველი ორ ნაწილად იყოფა: ერთი ზღვისპირაა და დაშორებულია ქალაქს (ამისს) 60 სტადიონით, მეორე-კი ძვეს იმ მთაგრეხილის ძირობაზე. რომელიც საუცხოო ტყით შემოსილი და მდინარეებითაც მორწყულია (§ 15). თემისკირას შემდეგ (აღმოსავლეთისაკენ) სიდენეს ველია, რომელსაც ეკუთვნის ზღვისპირა გამაგრებული პუნქტი სიდა, საიდანაც თვით თემმაც მიიღო თავისი სახელი. ამ ადგილებში დაიბადნენ შესანიშნავი სწავლულნი, მათ შორის ერთი სტრაბონის მასწავლებელიც (§ 16). სიდენეს შემდეგ (აღმოსავლეთისაკენ) არის გამაგრებული ქალაქი ფარნაკია, ამ უკანასკნელის შემდეგ-კი — ქალ. ტრაპეზუნტი (§ 17. — სტრაბონის ცნობებს შემოკლებით გადმოვცემთ). სპეციალურ ლიტერატურაში მიღებულია და მეტწილად სრულიად უდაოცაა: ფარნაკია არის ეხლანდელი თურქული გირესუნი, ქალ. სიდა, რომელიც ავგუსტის დროს წოდებულ იქნა პოლემონიად — ეხლანდელი ბულემანი, ამისი უდრის სამსუნს, მდ. ჰალისი — ყიზილ-ირმაკს, მდ. ლიკი — თანამედროვე კელკიტ-ჩაის ანუ გერმილი-ჩაის, მდ. ირისი — იეშილ-ირმაკს, მდ. თერმოდონტი — ტერმე-ჩაის. თერმოდონტის სახელი შენახულა აგრეთვე თანამედროვე ტერმე-ში (იხ. თუნდაც [4], გვ. 54—60).

ეხლა ექვი აღარ გვრჩება საძიებელი მთების ადგილმდებარეობის შესახებ. ეს აღმოსავლეთ პონტოს მთაგრეხილის სხვადასხვა ნაწილია: სკიდისი ის მთებია, რომლებიც გირესუნ-კერასუნტისა და ტრაპეზონ-ტრაპეზუნტის ხაზზე გასდევს შავი ზღვის სანაპიროს, მოსხური მთები სკიდისის გაგრძელებაა აღმოსავლეთისაკენ, გადაჭიმული ტრაპეზუნტ-ბაიბურდის ხაზიდან ვიდრე ქოროხის ქვემო წელამდე, პარიადრი კიდევ — ყველაზე დასავლეთით მდებარე ნაწილი, რომელიც, სტრაბონის წარმოდგენით, იწყება ფატისა — ტერმეს რაიონიდან და გასდევს დასავლეთისაკენ.

იმავე XII წიგნის III თავში სტრაბონი საჭიროდ სცნობს კიდევ შეეხოს პარიადრის თვისებებსა და ადგილმდებარეობას. ეს მთიანეთი მრავალი მოხერხებული თვისების მქონეა: მდიდარია

წყლით და ტყით და მრავალგან დასერილი დაქანებული ხეებითა და ციცაბო ადგილებით; ამიტომ იყო, რომ მითრიდატ ევპატორმა აქ ააშენა თავისი სატურკულებების უმეტესობა და აქვე, პონტოს სამეფოს ამ განაპირაში, გაიხიზნა, პომპეუსის შემოსევისას, და ერთ ხანს გამაგრდა წყალმრავალ მთაზე აკილისენეში. დასტერიასთან, სადაც ახლო იყო აგრეთვე ევფრატის. ამ ადგილის მახლობლად მცირე არმენიაში პომპეუსმა დააარსა ქალაქი ნიკოპოლი (§ 28). სიდენესა და თემისკირას ზემოთ მდებარეობს ფანაროია, რომლის აღმოსავლეთ მხარეს მის გასწვრივ ჩამოდის პარიადრის მთაგრეხილი. ეს არის ხეობა, თვალსაჩინო სიგრძისა და სიგანისა. მასზე მიედინებიან ლიკი და ირისი, რომელნიც ერთდებიან თითქმის ხეობის შუაგულში. ამ ხერთვისთან მდებარეობს ქალაქი ევპატორია, რომელიც პომპეუსმა გაადიდა და დაარქვა მას მანოპოლი. პარიადრის ქალთაზე მდებარეობს კაბეირა, რომელიც ასორმოცდაათამდე სტადიონით შორავს მაგნოპოლს სამხრეთისაკენ, იმავე მანძილით, რა მანძილითაც მაგნოპოლისაგან დასავლეთით დაშორებულია ამასია. კაბეირაში იყო მითრიდატის სამეფო სასახლე. ეს პუნქტი პომპეუსმა ქალაქად აქცია და დაარქვა მას დიოპოლი. კაბეირიდან 200 სტადიონზე ნაკლები მანძილის სიშორეზე არის ე. წ. „ახალი ადგილი“; ციცაბო, თვით ბუნებით გამაგრებული კლდე, რომლის მწვერვალზე ძლიერი წყარო სცემს, ძირობაზე-კი მდინარე და ღრმა ხევია. ამ მიუღვამელს, ზღუდეებითაც შესანიშნავად შეკრულ სიმაგრეში ინახავდა მითრიდატი თავისს ყველაზე უფრო ძვირფას განძებს (§§ 29—30). ფანაროიას ზემოთ ძვეს აგრეთვე ქალაქი პონტოსკომანა, მნიშვნელოვანი სავაჭრო და რელიგიური ცენტრი, სადაც სტრაბონის ახლო ნათესავები მთავარი ქურუმის თანამდებობას ასრულებდნენ (§§ 32—38). ფანაროიას მეზობლად არის აგრეთვე ქალ. ზელა და მისი თემი (§ 37).

ეს ადგილებიც კარგად ისაზღვრება. ნიკოპოლი მოდის ფიურქთან, ეხლანდელი ენდერესის სამხრეთ-აღმოსავლეთით ([9], გვ. 60 და [6], 75). ფანაროიას თემი თვალსაჩინოდაა მოხაზული თვით სტრაბონის მიერ: ეს კელკიტ-გერმილისა და იეშილ-ირმაკის ხეობაა, რომლის შუაგული მოდის ამ მდინარეების ხერთვისთან, სადაც მდებარეობს ქალ. მაგნოპოლიც. ქალ. ამასია დღესაც ამ სახელს ატარებს, ხოლო ქალ. ზელა

თანამედროვე ზილე-ა ([4], გვ. 58). პონტოს კომანა ესლანდელი გიუმენეჟია, ტოკატის მახლობლად ([6], გვ. 70 და [10], გვ. 241). ყოველივე ეს საბოლოოდ არკვევს პარიადრსაც. მართლაც-და, სტრაბონით პარიადრი ფანაროიას აღმოსავლეთით (უფრო ზუსტად: სამხრეთ-აღმოსავლეთით!) მდებარე მთაგრეხილია. მის კალთაზეა კაბეირა, რომლის მანძილებს (როგორც დამოუკიდებლად ნაჩვენებს, ისე ამასიის მანძილთან შეფარდებულს), მაგნოპოლიდან სამხრეთისაკენ, მივყავართ ტოკატის სამხრეთით, ჩამლი-ბელ-დალის ჩრდილო კალთებისაკენ. ამრიგად, პარიადრის ქედებია, რომელნიც განჰყოფენ კელკიტისა და ყიზილ-ირმაკის აუზებს ერთმანეთისაგან და ამჟამად სხვადასხვა სახელს ატარებენ სხვადასხვა ნაწილში: აყ-დალი, ჩამლი-ბელ-დალი, იულდუს-დალი, ტეკელუ-დალი, კაპახ-დალი. აქ მართლაც ბევრი დიდი და მცირე მდინარე იღებს თავის სათავეს.

აქეთვე მივყავართ სტრაბონის იმ ცნობასაც, რომ პარიადრი ჩადიოდა მცირე არმენიამდე. მცირე არმენიის ტერიტორია რომაული ხანისათვის განსაზღვრულია სევასტიისა, ნიკოპოლისა, სატალასა და მელიტენეს სანაპირო პუნქტებით ([6], გვ. 75). პარიადრის მხარეზე აქ სევასტია და ნიკოპოლი მოდის, დღევანდელი სევასისა და ენდერესის რაიონები, რაც მთლიანად მხარს უჭერს ჩვენს ლოკალიზაციას.

მასვე ეთანხმება ძველთა ანტიტავრის შეფარდება იმ მთებთან, რომელნიც განჰყოფენ ყიზილ-ირმაკის აუზის ზემო ნაწილს ეფერატის ხეობისაგან და რომელნიც თავის დასაწყისში (ჩრდილოეთით) ყარაბელ-დალის სახელს ატარებენ ([11], გვ. 403). ეს მთები მართლაც ახლოს ადგებიან ჩვენ მიერ პარიადრად მიჩნეულ მთებს.

ჩრდილოეთისაკენ კიდევ მოსხური, ე. ი. ჰანეთის მთები კარჩხალის, არსიანის, ლადო-ფერსათისა და ლიხის მთებით უკავშირდება კავკასიონის მთავარ ქედს. იმ დროისათვის გასაგები უზუსტობით, მაგრამ არც თუ სრულიად უსაფუძვლოდ შეეძლო სტრაბონს ეთქვა, რომ ეს საკავშირო მთები (არსიანი — ლიხი...) შუაჰკვეთენ იბერიასო.

სტრაბონის ასეთი ყურადღება კერძოდ პარიადრისადმი, ასეთი უხვი და ღრმად შინაარსიანი ცნობები მის შესახებ ადვილად ასახსნელია: ეს ხომ სტრაბონის, მისი ნათესაობისა და მასწავლებლების მშობლიური

მხარეების მთებია, სკიდისთან ერთად. ამავე გარემოებაში მოცემულია სტრაბონის ამ ცნობების ღირებულება: მათ პირველხარისხოვანი, გარდამწყვეტი მნიშვნელობა აქვთ. ჩვენს წერილში აღძრული საკითხისათვის.

სტრაბონის მოწმობასთან შედარებით სხვა წყაროების ჩვენებანი ბევრად უფრო მცირემნიშვნელოვანი ჩანს, მაგრამ მაინც მოვიხსენიებთ, რომ სხვა ცნობებიც არ ეწინააღმდეგება სტრაბონისეულს. პტოლემე, კერძოდ, გვამცნობს, რომ არმენიას საზღვრავს „დასავლეთიდან კაპადოკია ეფფრატის ზემოთნაჩვენები ნაწილის გასწვრივ და კაპადოკიური პონტოს ხაზზე კოლხიდან და მოსხური მთებით“ (წ. V, თ. XII, § 2). „არმენიის მთებიდან შესანიშნავია ეგრეთწოდებული მოსხური, რომელიც გადაქიმულია კაპადოკიური პონტოს ზემოთმდებარე ნაწილის გასწვრივ, და მთა პარიადრი“ (წ. V, თ. XII, § 5).

ზემოთქმულის შემდეგ ცხადი ხდება, თუ რამდენად დაშორებულია სინამდვილეს პარიადრის გაიგივება ბალხარის მთებთან, რომლებსაც ძველი რუსული შტაბის რუკები უჩვენებენ მდინარე პარხალის სათავეებთან, ქალ. ათინას სამხრეთით. თვით სახელების „პარიადრი“ და „პარხალი“ იგივეობა არც დამტკიცებულია და არც დასაჯერებელი.

უცილობელი ხდება ისიც, თუ სად უნდა ვეძიოთ პარიადრის მთიანი თემი, რომელიც იბერებმა დაკარგეს II საუკუნის დამდეგს, ძვ. წ.

## ПАРИАДР, СКИДИС, МОСХИЙСКИЕ ГОРЫ

### Резюме

Отвергая принятые в научной литературе вопроса отождествления: Париадр = Пархал || Балхар, Скидис = Ризейские горы, Мосхийские горы = отдельные западные краевые хребты Малого Кавказа (различно у разных авторов), статья устанавливает, путем анализа собщений античных авторов и, преимущественно, Страбона (кн. XII, гл. III; кн. XI, гл. II, § 15; кн. XI, гл. XIV, § 1; кн. XI, гл. XII, § 4 и др.):

1. Париадр, Скидис, Московийские горы являются частями одного и того же хребта — Восточно-Понтийского.
2. Московийские горы — часть, тянущаяся с нижнего течения Чорохи до района Трабзон (Грапезунд) — Байбурд, Скидис — часть, тянущаяся над Трабзоном и Гиресуном (Керасунт, древняя Фарнакия), Париадр — продолжение Скидиса с направлением на юго-запад, водораздельный хребет Келькит-чая и Кизил-ирмака (Ак-даг, Чамли-бель-даг, Юлдус-даг, Текелу-даг).
3. Сообщения Страбона по вопросу имеют решающее значение ввиду его полной осведомленности, основанной частично на собственных наблюдениях (Париадр и Скидис — горы родных краев Страбона, его семьи и учителей).

### დამოწმებული ლიტერატურა

1. Description géographique de la Géorgie, par le tsarévitch Walkhoucht, publiée d'après l'original autographe, par M. Brosset. S.-P., 1842.
2. ჯანაშვილი ს. აღწერა სამეფოსა საქართველოსა. თ. ლომოურის და ნ. ბერძენიშვილის რედაქციით. თბ., 1941.
3. П. К. Услар. Древнейшие сказания о Кавказе. Тифлис, 1881.
4. H. Kiepert, Manuel de géographie ancienne, traduit par Ernault. P., 1887.
5. H. Hübschmann. Armenische Grammatik. I. Theil. Armenische Etymologie. Leipzig, 1837 (Bibliothek indogermanischer Grammatiken B. VI).
6. Н. Адонц. Армения в эпоху Юстиниана (Тексты и разыскания по армяно-грузинской филологии. Кн. XI). СПб., 1908.
7. ივ. ჯანაშვილი. ქართველ ერის ისტორია, წ. I და II, ტ. 2, 1913.
8. Strabonis Geographica, recognovit A. Meineke, Lipsiae, 1915. — Известия древних писателей, греческих и латинских, о Скифии и Кавказе. Собрал и издал с русским переводом В. В. Латышев, т. I. СПб., 1890. — География Страбона..., перевод... Ф. Г. Мищенко. Москва, 1879.
9. J. Markwart. Die Genealogie der Bagratiden und das Zeitalter des Mar Athas und Ps. Moses Xorenac'i: Caucasia, Fasc. 6, 2. Teil. Leipzig, 1930.
10. Th. Reinach. Mithridate Eupator, roi de Pont. P., 1890.
11. Э. Реклю. Земля и люди. Всеобщая география. IX. СПб., 1887.



## ფ ა ს ი დ ი<sup>1</sup>

გეოგრაფიული სახელწოდება ფასიდი ძველი საქართველოს ტოპონიმიკის ერთი განსაკუთრებით საყურადღებო ფაქტთაგანია. საყურადღებოა იგი როგორც თავისი აღნაგობისა და წარმოშობის მხრივ, ისე გავრცელების მხრივაც. ამ წერილში ჩვენ მხოლოდ უკანასკნელ მხარეს შევხებით.

ცნობილია რომ სახელწოდება ფასიდი ძველ დროში ჩვეულებრივად და უპირატესად მიეკუთვნებოდა ქალაქ ფოთსა და იმ მდინარეს, რომლის შესართავთანაც იყო გაშენებული ეს ქალაქი. მაგრამ, გარდა ამისა, უცხოელი ძველი მწერლები ფასიდის სახელით მოიხსენებენ ზოგჯერ მდ. ქოროხსა და მდ. არაქსსაც, თუმცა ამ მდინარეების სხვა სახელებსაც იცნობენ.

განსაკუთრებული ინტერესის შემცველია ქოროხის მრავალსახელიანობა.

უწინარეს ყოვლისა, ქოროხი ანტიკურ მწერლობაში ცნობილია აფსარის სახელით. ქოროხს გულისხმობს, უთუოდ, სკილაკ კარიანდელის „აფსარის-წყალი“ (Ἰ. Ἀψαρῶν πηγάδι) (1). პტოლემეს რუკებზე „აფსორე“, — რაც იგივეა, რათქმუნდა, — მიკუთვნებულია ქოროხისათვის (2). მაგრამ პლინიუსი უკვე ასხეავებს ერთმანეთში მდინარეებს აბსარსა და აკამფსეონს (3).

აფსარის განვითარებაა უფრო გვიანდელი „ფსარ-ე“, რომელიც ლიტერატურული გზით ქართულშიაც არის შემოსული. ბასილ კეისრის თთვენში, რომლის რედაქცია X ს. დასასრულს ან XI-ის დასაწყისს ეკუთვნის და რომელიც ფსევდო-დოროთესა და ეპიფანე კვიპრელის კატალოგებზე უნდა იყოს დამოკიდებული, ანდრია მოციქულის შესახებ ნათქვამია: „შემდეგ წავიდა დიდ სებასტოპოლში, სადაც ერთვიან [ზღვას] მდინარეები ფსარე ἢ Ἀψαρῶν და ფასიდი. ამ ფასიდის გამოღმა ცხოვრობენ ეთიოპები“ (4). გ. ათონელის რედაქციის ქართულ სვინაქსარში, რომელიც ანალოგიურ წყაროზევეა დამყარებული, თუ აქ მოტანილის თარგმანი არ არის, ვკითხულობთ: „მერმე წარვიდა. სეეასტოპოლის

<sup>1</sup> ამოღებულია ავტორის ნაწარმიდან: „ქოლხეთის ისტორიული გეოგრაფიიდან“.

ქლქსა მას დიდსა. სადა იგი შესდინ. ორნი მდინარნი. რლთა ეწოდების. ფასოს და ფსაროს. შაგნ ეთიოპისა მკვდრთა“ (5).

აფსარის გარდა ქოროხი აკამფსისის (Ἄχαμψις) სახელსაც ატარებს. ასე, მაგ., არიანე თავის ცნობილ პერიპლში და მისი ანონიმი გამგრძელებელი უთუოდ ქოროხს მიაკუთვნებენ ამ სახელს, აღნიშნავენ რა რომ აკამფსისი სანაოსნო მდინარეა (6). ქოროხზე ნავიგაციას ჩვენს დროშიც შესამჩნევი სამეურნეო მნიშვნელობა აქვს.

ქართულ მწერლობაში აკამფსისი ძველი დროიდანვე ქოროხის სახელითაა ცნობილი, და ქართულიდან ეს ტერმინი შემდეგში სხვა ენებშიც ვრცელდება. ჯორუხ-ჯურუხის უწოდებს მას, მაგ. მე-17 ს-ის თურქი მოგზაური ევლია-ფეენდი (7), და ეს სახელი შემდეგში ბატონდება კიდევაც. მაგრამ გარდა ამისა იგი არა ერთს სხვა სახელწოდებასაც ატარებდა. კერძოდ, ‘ფასილ’-ის სახელიც, როგორც უკვე ვამბობდით, ზოგჯერ ქოროხსაც გულისხმობს.

საფიქრებელია, ქოროხის ზემო ნაწილზეა საუბარი, როცა ქსენოფონტე ფასილს იხსენიებს (8). ორი ფასილის არსებობით აიხსნება ცნობილი შეცდომა სტრაბონის წყაროს ჩვენებაში ფასილის (ეგრისის ფასილის) სათავის სომხეთში მდებარეობის შესახებ (9) (თუ მივიღებთ რომ ქოროხისათვის სათავის ასეთ ლოკალიზაციას ერთგვარი საფუძველი შეიძლება მაინც ჰქონდეს),— ეს ცხადია, გეოგრაფიული კონტამინაციაა, რომელიც ყველაზე მკაფიოდ გამოხატა აპოლონი როდოსელმა, დაგვიტოვა რა ამასთან ერთად კიდევ ერთი, ყველაზე საცილობელი, სახელი ქოროხისა (—ლკე): გველეშაპის ხმა ესმოდათ „კოლხეთის ქვეყანაში ლკეს შესართავთან, რომელიც, რაკი დაშორდება მუვირალა არაქსის წყალს, უერთებს თავის წმინდა ზვირთებს ფასილს, და შემდეგ ისინი, უკვე გაერთებულნი, შესდიან კავკასიის ზღვას“ (10). პროკოპი კესარიელი-კი პირდაპირ ამტკიცებს, რომ ეს მდინარე სხვადასხვა სახელს ატარებს თავის მიმდინარეობის ზემო და ქვემო ნაწილში, ქვემოთ იგი ფასილის სახელს ითვისებსო (11). სხვაგან იგივე ისტორიკოსი ამბობს, რომ ზღვასთან ამ მდინარეს აკამფსისს (ე. ი. უდრეკს, მედგარს) ეწახიან ადგილობრივი მცხოვრებნი, მისი დენის სიფიცხისა და სიძლიერისათვისო (12).

ძველს ქართველ მთარგმნელებს ბერძნულ დედნის ‘ფასილი’ ქოროხად აქვთ გადმოცემული, თუ ფასილი დედნის ავტორს სამხრეთ საქართველოსთან აქვს დაკავშირებული. ასე მოქცეულა ექვთიმე ათონელი, რომელსაც უთარგმნია ერთერთი რედაქციითა-

განი ანდრიას მიმოსვლათა (13). ასევეა ამ ძეგლის თუ სათანადო გარდმოცემის ყველა სხვა ქართულ ვერსიაში (14).

კიდეც ერთს საინტერესო სახელწოდებას ატარებდა ეს მრავალსახელიანი მდინარე. იუსტინიანეს ისტორიკოსი, ზემოთდასახელებულ ადგილებში, თუ ქოროხის ქვემო ნაწილს ხან ფასიდს ეძახის, ხან კიდეც აკამფსისს, ზემო ნაწილსა და სათავეს გარკვევით და უცვლელად ბოასს უწოდებს: ამ მდინარეს სათავე აქვს სომხეთში, ქანეთის საზღვრების მახლობლად, აქ მას ბოასი-ი ჰქვია, იბერიის საზღვრებთან იგი დიდდება, ბოასის სახელს ფასიდზე იცვლის და სანაოსნო ხდებაო. მეორე ცნობაში, რომელიც აღწერილობის არსების მხრით იგივეა, მდ. ბოასი ზღვასთან უკვე აკამფსისად იწოდება (15).

ეს ბოასი ადგილობრივი წარმოშობის სახელი ჩანს: სომხურ მწერლობაში, სადაც 'აკამფსის' უცნობი არ არის (მაგ., ლევონდი იხსენიებს *გხანუ შკამაქსა*,— ვარ. *შკამაქსა*, — ... *ქ ლიქმანუ შაკიე რქსაღ...* *ანუანსიოქ ენუ ხეხერ* (16), ბოასი ისეთი ფორმით არის მოცემული, რომ მისი ბერძნულიდან ლიტერატურულ გზით წარმომავლობა გამორიცხულია: სომხ. ანონიმურ გეოგრაფიაში იგი ვოჰ ან ეოჰ ად არის წოდებული (*შკამაქს ირ ჭ შირ*, *შკამაქს ირ ჭ შირ*) (17). განსაკუთრებით საინტერესოა ამ გეოგრაფიის ერთი ადგილი, სადაც კვლავ დადასტურებულია ეს ტოპონიმიკური შესატყვისობანი და, გარდა ამისა, მოცემულია ქოროხის უკვე მეხუთე თუ მეექვსე სახელი კაკამარ-ი. იქ, სახელდობრ, ნათქვამია, რომ მდინარე ეოჰი მიედინება პარხალის მთასთან, გამოსული სპერიდან, ჩაუვლის თუხარისის ციხეს და დის კლარჯეთში, მიემართება რა ეგრისისა და პონტოს ზღვისაკენ, ნიგალისა, მრულისა და მრიტის სანახებთა გზით; მას ეგრისელნი აკამსისს უწოდებენ, ხალღები კი—კაკამარსო (... *ჩაქსა* *ხ შვირყაფქარ*, *ქ.ქსანუ გხააქიქ*, *ირქ ქირარ ანუქსაღ ქქანსნი* 'ქ შირ, *ირიე დათ მათიე შრსთაე-ქირ აო შაოქარ ქქამენ, ენუ ირ ქქანსქ შირ*, *ყაროქ* 'ქ *შაქრაქ*, *ანუანს* *აო შაქარა რქიოქ* 'ქ *ხარდა*, *ხ ანაქ ქეიქ*, *ენუ შქეაქ ენუ შრეი* *ხ ენუ შრქა დააოთ* 'ქ *შინათი ბოქ*, *ყორ ხეხრაქი ქიქნი* *შკამაქს* *ხ შაიოქი* *ხაქამარ* (18). ამ რედაქციის ავტორს სხვაგან განმარტებული აქვს, რომ ხალღები ქანები არიან (... 'ქ *ბანქსა ირ სხ შაიოქი* (19). მოსე ხორენელის განმარტებითაც პონტოელი ქანები ხალღები არიან (20). ამრიგად, ამ საყურადღებო ჩვენების ავტორის აზრით, ქოროხს

ეგრისულად (ეგრისის მცხოვრებთა პირში) აკამსის (აკამფის) ერქვა, ქანები მას კაკამარს ეძახდნენ, ჯოჰი-კი (ანუ ვოჰი) თითქოს სომხური სახელწოდება გამოდის. ამ უკანასკნელს შესაძლოა ემოწმებოდეს ის გარემოებაც, რომ პტოლემეს, მოცემულ ტრაქტატის პირველ წყაროს, მსგავსი სახელწოდება თითქოს მოეპოვება, მაგრამ განსხვავებული ფორმით: „ვოხები“ („სომხეთის ოლქები... : მოსხურ მთებთან — კოტარძენე, ეგრეთ წოდებული ვოხების — Βόχαις — ზემოთ“. V, თ. XII, § 9). ვოჰ-იოჰ ადგილობრივი ფორმის იერს ატარებს.

დასასრულ, იმიტომ რომ ჰოროხის ზემოთა მიმდინარეობის დიდი ნაწილი სპერის თემზე მოდის (სომხ. ანონიმს, როგორც ვნახეთ, იოჰი სპერიდან მომდინარედ ეჩვენება), იგი სპერის მდინარედაც იწოდება: „თუხარისი მდინარესა ზედა სპერისასა რომელსა ჰქვან ჰოროხი“, ამბობს ლ. მროველი (21). ვახუშტიც მას ხან ჰოროხს, ხან სპერის, resp. ისპირის, მდინარეს უწოდებს (22).

როგორც უკვე იყო ნათქვამი, ძველ მწერლობაში ფასილისავე სახელით გვევლინება ზოგჯერ რახსი ანუ არაქსიც! კონსტ. პორფიროგენეტი მას ერაქსს ანუ ფასიდს ეძახის (23). ამავე ეტიმოლოგიისაა ბასიანი, ქართ.-სომხ. გამოთქმით, ანუ ფასიანა (24). კ. პორფიროგენეტის ცნობით, ქართულ-ბიზანტიურ სატერიტორიო დავის გადაწყვეტისას ფასიანას საზღვრად ერაქსი ანუ ფასიდი იქნა მიჩნეული (25).

ფასიდ-რიონის შესატყვისობაზე ზედმეტია სიტყვის გაგრძელება; მაგრამ განსაკუთრებით აღსანიშნავია, რომ ფასიდი, ძველთა გაგებით, დღევანდელ რიონს მთლიანად არ ჰფარავს. გეგუთს ზემოთ ფასილად ძველი მწერლები უკვე ყვირილას სთვლიან. სარაპანის — შორაპანი ფასიდზე ძვეს. მაგრამ არც თვით ყვირილა უპასუხებს ყოველთვის და საეხებით ზოგი კლასიკური მწერლის წარმოდგენას ფასიდის სადინარის შესახებ. ზოგი ანტიკური ავტორი, ჩანს, შორაპანს ზემოთ ფასილად უკვე ჩხერიმელას გულისხმობდა თავის სამხრეთული სათავით (ბჟოლის ხევი თუ შავი-წყალი). თუ შეცდომად მივიჩნიეთ სტრაბონის, — უკეთ ვთქვათ, ერატოსთენეს, რომელზედაც ამ შემთხვევაში დამოკიდებული უნდა იყოს სტრაბონი (26), — ცნობა, რომ ფასიდს სათავე აქვს, სტრაბონის ტექსტით — სომხეთში, ხოლო სქოლიასტის ტექსტითა და ლიონისი პერიეგეტის ცნობით — სომხეთის მთებში, და ამ შეცდომის მრწებზედაც მივუთითეთ (27), და თუ ბუნდოვანია სტრაბონის ცნობა ამ მდინარის სათავის შესახებ სხვა ადგილასაც, სადაც სა-

ერთოდ ფასილის შესახებ გეოგრაფს უფრო ნიშანდობლივი სა-  
უბარი აქვს [ფასილი სარაპანის მახლობლად მდებარე ხეობით კოლ-  
ხეთისკენ მიექანება, იღებს რა სათავეს ზემომდებარე (სახელ-  
დობრ?) მთებიდან (28)], სამაგიეროდ, სავსებით კატეგორიულია  
პლინიუსის ჩვენება (მას იმეორებს, ჩანს, იულიუს სოლინი), რომ  
ფასიდს სათავე მოსხების ქვეყანაში (სოლინი: მოსხების  
მთებში) აქვს (29). მოსხების ქვეყნად სამცხე და მიმდგომი მხარე  
უნდა იყოს მიჩნეული. საინტერესოა, რომ მოსკოვის ელჩები, რო-  
მელნიც იმერეთში იყვნენ 1650 — 1652 წწ. და რომელთაც დასავ-  
ლეთი საქართველოს დაწვრილებითი აღწერილობა აქვთ შედგენილი:  
ყვირილას სათავეს იმერეთის სამხრეთით გულისხმობენ: „Под гу-  
рельскими горами течет река Курла (=ყვირილა). А течет из гу-  
рельские земли промеж гор, и вышла из гор в Олександрову  
(=იმერეთის მეფე ალექსანდრეს) землю, и впала в Реонь реку,  
от Кутатиса в[е]ст с шесть или с сем“ (30). ‘გურ(ი)ელის’ მთე-  
ბი ღაღა-ახალციხის ქედია, აქარა-გურიის მთების გაგრძელება’  
ხოლო ‘გურ(ი)ელის ქვეყანა’ — სამცხე, როგორც ეს სხვა შემთხვე-  
ვებშიც დასტურდება.

თვით სახელწოდება ‘რიონი’, დღევანდელი რიონის ზემოთა  
დენისათვის მიკუთვნებით, ძველთათვის აგრეთვე არ ყოფილა უც-  
ნობი. ეს უნდა იყოს, კერძოდ, სკილაკე კარიანდელის (IV ს. ჩვენ  
ერამდე) მდინარე ‘რის’ (Ρῆξ), რომელიც მას ფასიდთან ერთად  
აქვს მოხსენებული, რიონის ხეობის ზემო რაიონში გულვებით (31).  
იგივეა საგულისხმებელი პლინიუსის რიონის (Rhoan) ქვეშ (32).  
პროკოპი კესარიელი კიდევ მას საბოლოოდ ჰფენს სინათლეს: იუს-  
ტინიანეს ისტორიკოსი მოგვითხრობს, რომ იბერიის მხრიდან სა-  
მეგრელოსაკენ მიმავალი მერმეროე ჯერ ფასიდში გავიდა, შემდეგ  
რეონში და ამრიგად ფასიდის მარჯვენა მხარეს მოექცა (33), ეს  
მდინარე-კი, სახელით რეონი (Ρῆσι), დის მუხირესის (Μουχρησις)  
ქვეყანაში, არქეოპოლისიდან ერთი დღის სავალზე რომ არის და-  
შორებული. აქ ძველთაგანვე კოლხებს ციხე დაუარსებიათ, რო-  
მელსაც ამჟამად ლაზები ქუთათიმ (|| ქუთათის)-ს ეძახიან (34).  
ძველ ქართულ მწერლობაში ამ ფასიდისათვის „რიონი“-ა ხოლმე  
ჩვეულებრივად შეფარდებული: „მდინარესა მას ფასონსა რომელ  
არს ენითა ქართულითა რიონი“-ო, განპარტავს დავით და კონსტან-  
ტინე არგველთა მარტიროლოგი (35). საინტერესოა უძველეს რუ-  
სულ ცნობებში დაცული ფორმები ამ სახელისა: ელჩინი მას  
река Реянь‘ს ეძახის (36), ი ე ვ ლ ე ვ ი-კი დაჟინებით — Реонь‘ს (37).

ბერძნული სახელი ძველ ქართულ ძეგლებში გვხვდება დამოუკიდებლადაც, მაგრამ ის მწიგნობრული გზით შეთვისებული ჩანს (იხ. მაგ., ზემოთ, გვ. 272, 'ფასოს', გ. ათონელის სვინაქსარში). ასეთივე მწიგნობრული წარმოშობისა ჩანს იგი სომხურშიც — *Փասխ Կսա* (38).

ფასიდ-რიონი ძველთაგანვე სანაოსნო მდინარედ ითვლებოდა. მაგრამ წყაროები სხვადასხვანაირად უჩვენებენ ფასიდის ნაოსნობის მანძილს. არჩიანეს განმგრობისა და შემავსებელის ანონიმის ცნობით, მდინარე სანაოსნოა მხოლოდ 100 სტადიონის (—18,5 ვ.) მანძილზე (§ 45). ჩვენთვის საყურადღებოა, რომ ეს ცნობა არ ეთანხმება სხვა, უფრო ძველ, ჩვენებებს. სტრაბონი, ან უკეთ რომ ვთქვათ, მისი წყარო, ამტკიცებს, რომ ფასიდი სანაოსნო იყო სარაპანის — შორაპნამდე (39). უფრო დაწვრილებით ამ საგანზე პლინიუსი გვიამბობს: ყველაზე განთქმული პონტოს მდინარეთა შორის — ფასიდი უდიდეს ხომალდებისათვის სანაოსნოა 38.500 ნაბიჯის (= 53,5 ვერსს) მანძილზე და შემდეგ დიდ სივრცეზე — მომცროთათვის (40). პირდაპირი ხაზით ამ მანძილს დაახლოებით ორპირამდე მივყავართ, ნამდვილად-კი საძიებელი პუნქტი შესაძლოა სუჯუნის რაიონში დაიდვას. XVII ს. პირველ ნახევარში, იმავე რუს ელჩთა მოწმობით, ნიჩბიან ნავებით რიონზე ზღვიდან ყვირილას შესართავამდე დადიოდნენ (41) და ამ წყლის გზას ორი დღე სჭიროდა (42). ვახუშტით, რიონზე „გლენან ნავებითა ზღვიდამ ბაჟამდე“ (43). როგორც საერთო აღწერილობიდან და რუკიდანაც ჩანს, 'ბაჟი' უღრის დღევანდელ ბაშს. ასე რომ აქაც თითქმის იგივე სანავიგაციო მანძილია ნაჩვენები (44).

ტერმინმა 'ფასიდ'-მა იტალიელების მეშვეობით ახალ დრომდე მოაღწია. ევლია-ფენენდი ამ მდინარეს 'ფაშ-ჩაი'ს უწოდებს (45).

მდინარესთან ერთად ეს უძველესი სახელწოდება შეინარჩუნა ქალაქმაც, იმთავითვე მდინარის შესართავთან მდებარემ. არჩიანეს დროს აქაურ სიმაგრეში 400 რჩეული მეომარი მდგარა. მისი დანიშნულება, — ამას ავტორი მკაფიოდ აღნიშნავს, — წყლით მავალთა, ე. ი. ნავიგაციის, დაცვა ყოფილა. ეს სიმაგრე უკვე თავის ადგილმდებარეობისა და ბუნებრივ პირობების მხრით უნდა ჩათვლილიყო მეტად ძლიერად. მაგრამ, გარდა ამისა, ის ხელოვნურადაც კარგად ყოფილა გამაგრებული. წინათ მას კედელი მიწისა და კოშკები (ბურჯები) ხისა ჰქონია, შემდეგ ერთიცა და მეორეც გამომწვარ აგურისგან აუგიათ მკვიდრ საძირკველზე და

ზედ საომარი მანქანები დაუდგამთ. გარშემო ორმაგი ფართო თხრილი ყოფილა შემოვლებული. ერთი სიტყვით, ციხე ეხლა ისეა გამართული, ამბობს არჩიანე, რომ მის მეციხოვნეთ არამც თუ გარემოცვის შიში არ ელისთ, არამედ ვერც ერთი ბარბაროსი ახლოც ვერ გაივლისო. მაგრამ, რადგანაც თვით ნავთსადგურიც სამივედო თავშესაფარი უნდა ყოფილიყო ხომალდებისათვის და ამას გარდა დაცვა სჭიროდა სიმაგრის გარეთ მდებარე ადგილებსაც, რომლებიც დასახლებული ყოფილა სამსახურიდან გამოსულ სამხედრო პირებითა და მოვაჭრე ხალხით, არჩიანეს გადაუწყვეტია ციხის კედლის ორმაგ თხრილიდან ახალი თხრილიც გაეყვანა თვით მდინარემდე. იგი ნავთსადგურსა და კედლის გარეთ მდგომ სახლებს შემოუვლისო (46). როგორც ამ აღწერილობიდან ჩანს, სიმაგრე ზღვისპირსა და მდინარეს რამდენიმედ დაშორებული ყოფილა. პტოლემეს ცნობითაც, რომელსაც ზუსტი მნიშვნელობა, რათქმაუნდა, არა აქვს, მის საერთო ტლანქ შეცდომების გამო მანძილთა გამოანგარიშებაში, — ქალაქი მდინარის შესართავს დაშორებული ყოფილა ორმოცდახუთი მინუტით (47). შემდეგ, ყურადღებას იქცევს არჩიანეს ცნობა, რომ მდინარეში შემსვლელთათვის ხელმარცხნივ აღმართული იყო ფასიანურ ღვთაების ქანდაკება, რომელიც მას 'რეა' სჩვენებია (48). ანონიმიკი პირდაპირ ამბობს, რომ ქალაქი ფასიდის მარცხენა ნაპირას იყო გაშენებული (49), რაც ეთანხმება სტრაბონის ჩვენებას, რომ კოლხების ემპორიუმი ფასილი იმავე სახელის მდინარეზე იღო და შემოფარგლული იყო ერთი მხრით მდინარით, მეორეთი — ტბით (= პალიასტომი) და მესამეთი — ზღვით (50). ქალაქი მიღეთელების კოლხიად ითვლებოდა; ზოგნი მის დამაარსებელს თემისტაგორასაც ასახელებდნენ (51). პლინიუს სეკუნდი დამატებით მდინარის შესართავში უსახელო კუნძულების არსებობას აღნიშნავს (52). ეს ცნობა ალბათ რიონის დელტასა და უფრო ზემოთ მდებარე მის ქალაქებს გულისხმობს, რასაც როგორც თანამედროვე, ისე ძველს (მაგ. ლამბერტის, შარდენის, პეისონელის) რუკებზედაც თავისი ადგილი აქვთ მიჩენილი.

ქალაქმა, როგორც უკვე ვამბობდით, ახალ საუკუნეებშიც მოიქანა თავისი კლასიკური სახელი, რომელიც იტალიელებს უნდა გადმოეცათ თურქებისათვის (ეს უკანასკნელნი ფაშს უწოდებდნენ მას, ისევე როგორც მდინარეს (53), ადგილობრივი კი, — როგორც ჩანს, ძველი დროიდანვე, — მას 'ფოთ ოფუთ'ს ეძახდნენ. ნათარგმნ ტექსტის „ფასოფ, სოფელსა შინა მეგრელთასა“-ს განმარტები-

სათვის, „ფოთსა იტყვს“-ო, შენიშნავს უცნობი ქართველი სქოლი-  
ასტი (54). საქართველოსაკენ წამოსულს გ. ათონელს სამისონი-  
დან ფოთამდე ნავით უმგზავრია და აქიდან უკვე სახედრით  
ქუთაისისაკენ (55). შემდეგშიც ეს სახელი ქართულ მწერლობაში  
უმთავრესად ამ ფორმით გვხვდება (56).

უფრო ძველი და საინტერესო ფორმა დაცულია სომხურ ის-  
ტორიულ ლიტერატურაში (57). ეს ძველსომხური ფორმა ამ სახე-  
ლისა — ფოთ, მერმინდელ გამოთქმით — ფუთ, *ფიუჭ*, რომელიც  
უეჭველია არა ბერძნულ, არამედ ადგილობრივ, ქართულ ფორმას-  
თან დაკავშირებულ წყაროდან მომდინარეობს, გვიმოწმებს, რომ  
ძირეულ ხმოვანს მისდევდა კიდევ ერთი რადიკალი, რომელიც ქარ-  
თულში ამჟამად გამქალაია. ეს რადიკალი, სომხურში ნახევარხმო-  
ვან იოტით გამოხატული, საშუალებას გვაძლევს, — ქართველურ  
ენების, კერძოდ ქართულის, ფონეტიკურ წესების გათვალისწინე-  
ბით, სახელდობრ, რომ *ჟ* ზოგჯერ *ს*-ს დასუსტების შედეგია —  
სომხ. ფორმის შესაძლებელ პროტოტიპად ‘ფოხთ’ ვიგულისხმობთ,  
რაც, თავის მხრით, ბერძნ. სახელის ფუძესთან, ფასიდ-, დიდს გა-  
რეგნულ მსგავსებას აჩენს. ჩვენ გვგონია, რომ ეს მსგავსება არ  
გვატყუებს და აქ ერთისადიამავე სახელის სახეცვლილებებია მხო-  
ლოდ. ამ შემთხვევაში ბერძნულ ფორმას სიძველის პრიორიტეტი  
უნდა მიენიჭოს, ვინაიდან ა‘ს შეცვლა ო‘თი მეგრ. ნიადაგზე შეიძ-  
ლება აიხსნას, პირუჯუ დასკვნისათვის-კი საბუთი არ მოგვეპო-  
ვება.

დასასრულ, დიდად საყურადღებოა, რომ სახელწოდება „ფო-  
თი“ „ფუთი“ გვხვდება საქართველოს სხვა პუნქტებშიაც. კერძოდ,  
უდაოდ ამ სახელს ატარებს სოფელი შორაპანს აღმოსავლეთით —  
„ფუთი“. უკანასკნელი ფაქტი მრავალმხრივ არის მნიშვნელოვანი-  
იგი ადასტურებს თვით სახელის ენდემურობას და მის კავშირს  
ძველს მდინარე ფასიდთან და ემოწმება ანტიკურ მწერალთა წარ-  
მოდგენას ფასიდის მიმდინარეობის შესახებ — რიონი-ყვირილა ვი-  
დრე შორაპანამდე (58).

რაც შეეხება მოცემული გეოგრაფიული სახელწოდების სტრუ-  
ქტურასა და წარმოშობას, ამ საკითხების შესახებ ჩვენ საუბარი  
ნაწილობრივ უკვე გვქონდა სხვა წერილში, ნაწილობრივ-კი ვამა-  
ნება მომავალში.



შ ე ნ ი შ ვ ე ბ ი

1. „აზია“, 81.
2. К у л а к о в с к и й, Карта Сярматия, რუკა.
3. ბუნებთი ისტორია, წ. VI, § 12.
4. PG 117, 185, A. S c h e r m a l n, Propheten-u Apostelleg., 163 შემდ., 324 შემდ., В а с и л ь е в с к и й, Хожление, 227.
5. საქ. მუხ. ხელთნაწ. № 2211, ფ. 89 v, ნოემბრის 30-ის ქვეშ.
6. არარიანე, § 9, GGM I, 374; ანონიმი, § 43.
7. 30 ОИД IX, 167, 173.
8. ანაბაზისი, 6, § 4.
9. გეოგრაფია, წ. XI, თ XIV, § 7, *Mit.* 453. აქ ავტორი ფასიდს, ლიკოს-თან ერთად, სომხეთის უმნიშვნელოვანეს მდინარედ აცხადებს პონტოს მხრივ.
10. არგონავტიკა, VI, 131—135.—თუ აქ კაბადუკიის ლიკე იგულისხმება, მაშინ აღრევა კიდევ უფრო დიდი იქნება. ფ:სიდი-კი მაინც ჭოროზი გამოვა.
11. „სპარსული ომისათვის“, II, 29, CV გვ. 334, CB, გ. 288—9, „გეორგია“, II, 71—72.
12. „გუთური ომისათვის“, VIII, 4, CV, გვ. 180, „გეორგია“, II, 93; შდრ. ბროსე, Additions, 81, 87, 94—95.
13. საქ. სამოთხე, 36; ყოფ. საეკლ. მუხუდუმის ხელთნაწერი № 188, ფ. 97 r.
14. შეეს. ქ. ცხ. 46; ნინოს მეტაფრ., კარბ., 5=498 r., ყოფ. საეკლ. მუხ. ხელნაწ. № 518, იმე ფონდის № 395, გვ. 82 (=მდ. ბოროტი—ჭოროზი! შეცდომა, რომელიც ადვილად აიხსნება პალეოგრაფიულ ნიადაგზე); შდრ. ძველი სლავ. თარგმანის Фас: В а с и л ь е в с к и й, Хождение, 275; გარესჯული საკითხავი: ვასილიევსკი, იქვე, 280 და სხვა.
15. იხ. აქვე შენიშვნები 11 და 12.—შეცდომაა, რათქმუნდა, დ ი უ ბ უ ა ს მოსაზრება, Voyage, II, 90—91, რომ პროკოპის ბოასი არის ხანისწყალი.—პროკოპის წინააღმდეგობრივი ცნობების განხილვა ბოასის შესახებ იხ. პროფ. ს. ცაუხჩიშვილთან, „გეორგია“, II, გვ. 78—80, შენ. ჩვენ აქ ამ წინააღმდეგობის საკითხს არ ვეხებით.
16. პეტერბურგის გამ., გვ. 168.
17. სუკრის გამ., 27, 30; იხ. აგრეთვე 28, 35.
18. იქვე, 35.
19. იქვე, 27.—ასეთი გლოსა მოგპოვება სხვა რედაქციებდაც: S.—M a r t i n A r m e n i e, II, 356; П а т к а н о в, Geogr.; სომხ., ტექსტი, 16 (*შანსქ ირე სუ შაყაჩე*); *წილისაგჟიქი შაახნაყრიქჩანე, վ. ს. 605*: როგორც წინამორბედში.
20. ტფ. გამოც. 1910 წ., 219; *შაახნაყრიქჩანე, վ. ს.*, 157.
21. მარიამ. ქცხ., 14.
22. გეოგრაფ. ჯან., 201, 224, 231, 238, 240, 243 — 4.—პეისონელის წარმოდგენით, Observ., 66—67 და რუკა, ძველი აკამფსისი ანუ (I) აკნასი ეხლანდელი ნიგალისხევია, Nigalkhevi, თავისი შენაკადებით, Mogaridze და Gourgour-ით, ჭოროზი-კი, Tchorok, სხვა მდინარეა და უდრის ძველ იზისს. ვახუშტით, გეოგრა., 201, 231, ლიგანისხევი ჭოროზისხევია, „ართვინის სანახებითურთ, ვიდრე ე-გეს სამხლვრამდე, ჭოროზის ხეობის იმიერ და ამიერი“.
23. „ერთათვის“, თ. 45; ლასკინის თარგმ. 166, 167, 168. ამ თავში ავტორს ასეთი გამოთქმა სამჯერ აქვს ნახმარი.

24. აქედანვეა ნაწარმოები ქსენოფონტეს ეთნიკური ტერმინი, *φασίανος*, ანაბ., წ. IV, თ. 6, § 5; კ. პორფ-როვენეტი, დასახ. ადგ.; შდრ. პტოლემე, ბილლერის გამ., გვ. 938.

25. დასახელებული ადგილი.

26. აპოლონი როდოსელს სქოლიასტი ცნობას ფასილის მომდინარეობაზე სომხეთის მთებიდან პირდაპირ ვრატოსთენეს მიაწერს, SC I, 427. საყურადღებოა აპოლონის, და შემდეგ, ჩანს, მასზე დამოკიდებით სხვების მტკიცება, რომ ფასილი გამოდის შორეული ამარანტის მთებიდან: „არგონავტიკა“, II, 399—431, III, 1220.

27. განმარტებულია ამ ნარკვევის წინამორბედ პარაგრაფებში. დიონისი, 692—5. დიონისი ამ „არმენიის“ მთებში სდებს მდ. თერმოლონტის სათავესაც, 772—4.

28. „გეოგრაფია“, წ. XI, თ. III, § 4.

29. „ბუნებითი ისტორია“, VI, § 13; სოლინი, 15, 18, SC II, 278.

30. ტოლოჩანოვი, პოლიექტოვის გამ., 16. ასეთივე ცნობა განხვორებულია, გვ. 187.—პროკოპი კესარიელის ერთი ცნობათაც („გუთური ომისათვის“ წ., VIII, თ. II, „გეორგია“, II, 97), ფასილი მესხეთის მთებით ჩამოდის, მისი სათავე კი კავკასიის მთებშია.—შდრ. ბროსე, *Addit.*, 95—96.

31. § 81, *GGM* I, 62.

32. „ბუნებ. ისტ.“, წ. VI, § 14.

33. „გუთ. ომისათვის“, წ. VIII, 13, „გეორგია“, II, 151.

34. იქვე, VIII, 14, „გეორგია“, II, 163—164.

35. „საქ. სამოთხე“, 328.—რიონის ხსენება იხ. აგრეთვე ლეონტი მროველთან, მარ. 20.—შდრ. ვახუშტი, გეოგრ., ჯან. 261: „ბერძენი უწოდებენ ფასონს“.

36. *Белокуров*, *Материалы*, 324.

37. ტოლოჩანოვი, პოლიექტოვის გამ., 81, 121—125, 164 და მრავალ სხვა ადგილას.

38. სუკრი, 27.—ჟსევდო-პლუტარქის ცნობით, *Γαυ*, 153, ფასიდს წინათ არქტურე ერქვა.

39. „გეოგრაფია“, წ. XI, თ. II, § 17. ხომ არ ზღუდავს ამ ჩვენებას სტრატონისავე მეორე ცნობა, წ. XI, თ. III, § 4, რომ მთებიდან ჩამოსული ფასილი იერთებს სხვადასხვა ნაკადს, ბარში—მდინარეებსაც,— როზელთა შორის დასახელებულია გლაკვი და ჰიპი,—და ხდება წყალსავე და სანაოსნოო. ხომ არ უნდა გავიგოთ ეს ჩვენება ისე, რომ დასახელებულ მდინარეებიდან იწყებოდა ფასიდზე ნაოსნობა? პასუხი განსაზღვრულია იმით, თუ როგორ ლოკალიზაციას მივსცემთ დასახელებულ მდინარეებს. ჰიპი ცხენისწყალი და გლაკვი ყვირილა ჰგონიათ ჩვეულებრივ. თუ პირველი ნაკლებ სადაო ჩანს, მეორე სავსებით საცილობელია: თუ ჰიპი ცხენისწყალია, მაშინ ბუნებრივი იქნება დავასკვნათ, რომ გლაკვი რიონია.

40. „ბუნებითი ისტორია“, VI, § 13.

41. ტოლოჩანოვი, 164, 187. შდრ. *Броневский*, I, 146.

42. ტოლოჩანოვი, 157, 188.

43. გეოგრაფია, ჯან., 261.

44. რიონზე ნაოსნობა,—სულ სხვა ნასიათისა და სხვა მასშტაბის, ვიდრე ანტიკურ ხანაში,—წარმოებდა მთელი საშუალო საუკუნეების მანძილზე. შამა-

დავლა დადიანის სიგელში (XV ს. მეორე ნახევარი) დადასტურებულია, რომ „წყლის პირსა კალადიდს რიონსხედან ნახევარი ბაჯი [აფულისხმება ნაკის ბაჯი] სოურსა ღთაშმშობელისა არის და ნახევარი კათოლიკოზის“, დას. საქ. საბ. I, 1. ეს საბუთი განახლებულია და, შესაბამისად, მოცემული ცნობა განმეორებული ლევან დადიანის მიერ (XVII ს.), ს ა ქ. ს ი ძ ვ, I, ნაწ. I, გვ. 27.—ქუთათელი შიტროპოლიტი მაქსიმე თავის ცნობაჲლ მოხსენებაში წერს (1769 წ.): „ქუთათისის ქალაქადამ ვაქრები დადიან ნავითა იმ სამს ციხეში—ბათოშს, ფოთს და სოაზმს (თავისი საქონლით)... იქიდაშაც წყლით მოაქეთ ოსმალოს საეპრო...  
*Цагарели, Грамоты, т. II, вып. I, стр. 3.*—ბრონევესკიე რიონზე ნაონსობის შესახებ გვამცნობს: „Судоходство на малых плоскодоных судах начинается от стечная реки Квирилы при селении Вар-Чихе“ (ვარციხე). *Новейшие географические и исторические известия о Кавказе, М. 1823, ч. I, 146.*

45. ЗООИД IX, 168.—პ ე ს ო ნ ე ლ ი თ, Observations, 58, თურქები მას Nelire Fache, მდინარე ფაშს უწოდებენ. ასეთივე ცნობა იხ. შარდენის რუკაზე Voyage, ხოლო ლამბერტის რუკაზე სახელი მოცემულია ფორმით Fasso.

46. პერიპლი, § 12, GGM I 376.

47. „გეოგრ.“, V, თ. IX, § 2.—მე-15 საუკუნის შუაწლებშიაც ქალაქი ზღვისპირიდან მოშორებით იღო რიონის ნაპირას, კუნძულის ზემოთ და მის აღმოსავლეთით, როგორც ეს კ ო ნ ტ ა რ ი ნ ი ს ცნობიდან ჩანს.

48. § 11, GGM I, 376.

49. § 44.

50. „გეოგრაფია“, წ. XI, თ. II, § 17; შდრ. იქვე თ. III § 4.

51. პ ო მ პ ო ნ ი უ ს მ ე ლ ა, De chorographia, I, § 108, SC II, 117.—ს ტ ე-ფ ა ნ ე ბ ი ხ ა ნ ტ ი ე ლ ი, s. v., SC I, 268—9, „გეოგრაფია“, III, 286.

52. „ბუნებითი ისტორია“, VI, § 13.

53. პ ე ს ო ნ ე ლ ი, Traité, II, 15, და Observ, რუკა; გ უ ლ დ ე ნ შ ტ ე-ტ ი, I, 410.

54. V მსოფლიო კრების კანონების ქართ. თარგმანის მინაწერი, ქრწყ., II, 88, შენ.

55. გიორგი მთაწმიდელის ცხორება, „ათონის კრებული“, 319.

56. „ფოთელი ნავი“, დას. საქ. საზ., I, 14, შდრ. იქვე 43, 44, 45; ვ ა ხ უ შ-ტ ი, გეოგრ., ჯან., 299, და სხვა.

57. ასე, მაგ., ლ ე ვ ო ნ დ ი ს თ ა ნ: ...*ესა იაოთაქი იოყა ქრაოჯან ირ აზიოლანსაკ ლიქი ქიქს ქ კაიქანს ხიქერ აქსორჩიხუ, შიოთიქჩიხუ*, პეტერბ. გამ., გვ. 35; იხ. ს ტ ე ფ ა ნ ე ტ ა რ ო ნ ე ლ ი. 125 და ვ ა რ დ ა ნ ი, 92, რუს. თარგმ.

58. სოფ. ფუთს, ძირულას ხეობაში, ამ მდინარის შესართავთან მდებარეს, იცნობს ვახუშტიც, გეოგრ., ბროსეს გამ., 364.—სოფ. ფუთი იხსენიება აგრეთვე XI ს. ცნობილ საბუთში, ნიკორწმინდის სიგელში: „ეკარაზ-ვანე შემოსწირა ... ფუთს გლეხი ორი“, ქრწყ. II, 45. საბუთის წარმოშობა და კონტრაქტი აქ ძირულას ხეობის პუნქტის გულვების შესაძლებლობას არ გვაძლევს, სავარაუდო რაიონში-კი ამჟამად ასეთი სოფელი არ ჩანს, თუ აქ არ ვიგულისხმებთ დღევანდელ „ფუტიყეს“, რაკაში, საბუთში აღნიშნული სხვა სოფლების მახლობლად მდებარეს

## აღმოსავლურ-ქართული სახელმწიფოს უკველესი კულტურულ-პოლიტიკური ცენტრების საკითხი- სათვის\*

ძველი ქართლი, პოლიტიკურად და გეოგრაფიულად ფართოდ გაგებული, იყოფოდა რამდენიმე ნაწილად. ასე, ქართლი, როდესაც ის ეგრისსაც (ლაზიკას) შეიცავდა, იყოფოდა აღმოსავლეთისა და დასავლეთის ნაწილებად; ამავე დროს, უკანასკნელს მიეკუთვნებოდა მთელი სამხრეთი საქართველო (რაც თავისთავად მეტად საყურადღებოა).

მეთვრამეტე მეფე ამაზასპის შესახებ, — რომელიც „ქართლის ცხოვრების“, კერძოდ — ლეონტი მროველის, ძირითადი კონცეფციის თანახმად (ქართლი და ეგრისი ერთი სამეფოა უკვე ფარნავაზის დროიდან!) ფლობს არა მარტო ქართლს, არამედ ეგრისსაც, — მოთხრობილია, რომ ოვსთა თავდასხმის გამო:

...„მოუწოდა ამაზასპ ყოველთა ერისთავთა<sup>1</sup> ქართლისათა. და მოვიდეს ერისთავნი აღმოსავლისანი: ერისთავი კახეთისა, და — ხუნანისა, და — სამშვილდისა, და შემოკრბეს მკედარნი სპასპეტისანი. ვიდრე მოსულადმდე დასავლეთისა ერისთავთა<sup>2</sup>, მოვიდეს ოვსნი ჩრდილოს კართა ქალაქისათა, რომელ არს მუხრანი“<sup>3</sup>.

ამავე ავტორის მტკიცებით, უკვე მცხეთის პირველმა მეფემ ფარნავაზმა მისცა ქართლს სათანადო ადმინისტრაციული წყობა — მან განაწესა რვა ერისთავი და ერთი სპასპეტი; საერისთავოებად

---

\* წერილის ძირითადი დებულება გამოქვეყნებული იყო ავტორის მოხსენებაში „მცხეთა — საქართველოს ძველი დედაქალაქი“, საქ. მეცნ. აკადემიის საიუბილეო სესიაზე, 1941 წ. 2 მარტს, ხოლო მთლიანი სახით მოხსენება მოსმენილიქნა საქ. მეცნ. აკადემიის ისტორიის ინსტიტუტის ისტორიის განყოფილების სხდომაზე, 1942 წ. 22 დეკემბერს.

<sup>1</sup> ხელნაწერში ეს სიტყვა მუდამ ქარაგმითაა დაწერილი.

<sup>2</sup> ხელნაწერში ქარაგმით „ევისა“ = ერისთავისა, რაც უბრალო lapsus calami უნდა იყოს.

<sup>3</sup> ქცხ. მარ., 40. — ანასეულ ნუსხაში (პრ.ფ. ს. ყაუხჩიშვილის გამოცემით) საკითხავი დაზიანებულია, იხ. გვ. 34.

გამოიყო: 1) კახეთი, 2) გარდაბანი (ერისთავის რეზიდენციით ხუნანში), 3) ტაშირი და აბოცი (ცენტრი სამშვილდეს იყო), 4) ჯავახეთი, კოლა და არტანი (ცენტრი წუნდას იყო), 5) სამცხე და აქარა (ცენტრი ოძრქეს), 6) კლარჯეთი, 7) არგვეთი და 8) ეგრი-სი<sup>1</sup>. ამიტომ შეიძლებოდა გვეფიქრა, რომ ამაზასპ მეფის მოწოდებაზე თავის დროზე ვერ გამოცხადდნენ ხუთი ერისთავი სამხრეთ და დასავლეთ საქართველოდან, და მართლაც: ამაზასპის მეფობის სხვა პერიოდების შესახებ თხრობაში მროველი გვამცნობს, რომ... „აღდგეს ერისთავნი დასავლეთისანი ხუთნი, ორნი ერისთავნი ეგრი[სი]სანი, ერთი ოძრქისა, ერთი კლარჯეთისა და ერთი წუნდისა“, გააბეს კავშირი სომხეთის მეფესთან და ამ უკანასკნელის ძის მეფედ მოწვევის შემდეგ, ეს „განდგომილნი ერისთავნი ქართლისანი“ თავს დაესხნენ ამაზასპს სომეხთა, ბერძენთა და ოვსთა მოკავშირე რაზმებთან ერთად<sup>2</sup>.

თუ ამ ცნობებში ბევრი რამაა ხელოვნური და მწიგნობრული წარმოსობისა, უფრო რეალურია ის დაყოფა, რომელიც საკუთრივ ქართლს ჰქონდა, მაგრამ ეს დაყოფა სხვა პრინციპზე იყო აგებული. თუმცა ამ დაყოფის შესახებაც ჩვენ სრული ცნობები არ მოგვეპოვება, მაგრამ ქართლის ერთი შემადგენელი ნაწილთაგანი საესებით მკათიოდ არის წარმოდგენილი. ეს არის „შიდა (შინა,

<sup>1</sup> „განაწესნა ერისთავნი რვანი და სპასჲეჲი. ერთი გაგზავნა არგვეთს (მარგუს) ერისთავად და მისცა მცირით მთითგან (მთაგან), რომელ არს ლიხი, ვიდრე ზღუამდე რიონს ზემოთ; და ამანეჲ ფარნავაზ აღაშენნა ორნი ციხენი, შორაპანი და დიმნა; და გაგზავნა ერთი კახეთისა ერისთავად, მისცა არაგვითგან ვიდრე ჰერეთამდე, რომელ არს კახეთი; ერთი გაგზავნა ხუნანისა ერისთავად და მისცა ბერდუჯის მდინარითგან ვიდრე ტფილისამდე და გაჩინათამდის, რომელ არს გარდაბანი (გარბნი); ერთი გაგზავნა სამშვილდეს ერისთავად და მისცა სკორეთისა მდინარითგან ვიდრე მთამდე, რომელ არს ტაშირი (ხაშირი) და აბოცი (ბოცი); ერთი გაგზავნა ერისთავად და მისცა ფანავართგან ვიდრე ოვამდე. მტკურისა, რომელ არს ჯავახეთი და კოლა-არტანი; ერთი გაგზავნა ოძრქის ერისთავად და მისცა ტასისკართგან ვიდრე არსიანთამდის, ნოსტის თავითგან ზღუამდის, რომელ არს სამცხე და აქარა; ერთი გაგზავნა კლარჯეთს, მისცა არსიანითგან ზღუამდე; და შირვე, ქუჯი, ერისთაობდა ეგრისს (ხელნაწერში დამახინჯებულია: ...ქუჯოს ერისთავები და ეგრისი) ხოლო ერთი დაადგინა სპასჲეტად და მისცა ტფილისითგან და არაგვითგან ვიდრე ტასისკარამდე (თასისკარამდე) და ფანავარამდე, რომელ არს შიგა ქარაღლი...“ კ.ცხ. მარ., 20—21. შდრ. ანას., გვ. 17.

<sup>2</sup> ოვსნი „მოვიდეს ერისთავთა თანა ეგრი[სი]სათა“. ეგრისის ორი ერისთავი არიან საკუთრივ ეგრისისა და არგვეთის ერისთავები. კ.ცხ. მარ., 42, ანას 35—36.

შიგა) ქართლი“. მოგვეთხრობს რა ქართლის ადმინისტრაციული წყობის შესახებ, რომელიც ფარნავაზმა დააწესა, მროველი აღნიშნავს, რომ სპასპეტის ნაწილად ფარნავაზმა გამოჰყო „შიდა ქართლი“. ამ წილს პირველი ადგილი უნდა დაეჭირა ქართლის ადმინისტრაციულ წყობაში. მროველი წერს:

„ერთი დაადგინა სპასპეტად და მისცა ტფილისითგან და არაგვითგან ვიდრე ტასის-კარადმდე და ფანვარადმდე, რომელ არს შიგა ქართლი“<sup>1</sup>.

აქ ჩრდილოეთის საზღვარი იმიტომ არა აქვს აღნიშნული ავტორს, რომ ის გულისხმობს ერთიანი ქართლის ჩრდილოეთის საზღვარს — კავკასიონს. დასავლეთის საზღვრის ხაზად აქ სურამის ქედია ნაგულისხმევი, რომელსაც მაშინ, სხვადასხვა ნაწილში, ლალო და ლიხი ეწოდებოდა; ამ დასავლეთის ხაზზე მიუთითებს ტასისკარი, ბორჯომის ხეობაში მდებარე პუნქტი. სამხრეთის საზღვრად ნაჩვენებია ფარავნის ტბა (ეხლა რომ სრულიად დამახინჯებული სახელითაა ზოგჯერ წარმოდგენილი — თოფარავანი); აღმოსავლეთით სასაზღვრო ხაზი მდინარე არაგვზე და თბილისზე გადიოდა.

მეორე შემთხვევაში პროვინციის აღმოსავლეთის საზღვარს მროველი არმაზზე დასდებს და არა თბილისზე. მაგრამ ეს ადგილი სპეციალურ განხილვას მოითხოვს. ცნობა შეეხება ეთნარქი ქართლოსის უფროსი შვილის, მცხეთოსის, წილს. მცხეთოსი თავის სამფლობელოს, რომელიც „თბილისითგან და არაგვითგან სპერის ზღვამდე“<sup>2</sup> (ე. ი. ლაზისტანის სანაპირომდე შავ ზღვაზე და მდ. ქოროხის შესართავის არაიონამდე) იყო გადაჭიმული, უყოფს სამ შვილს: უფლოსს, ოძრჯოსს და ჯავახოსს:

... (მცხეთოსმა) „ოძრჯოსს მისცა ტასისკარითგან ვიდრე ზღვამდე სპერისა, ქუეყანა კლდეგანი. ამან ოძრჯოს ალაშენა ორნი ციხე-ქალაქნი, ოძრჯე და თუხარისი. ჯავახოსს (ხელნაწერში დამახასიათებელი: ჯაოხოს) მისცა ფანვარითგან ვიდრე თავადმდე მტკურისა. ამან ჯავახოს ალაშენა ორნი ციხე-ქალაქნი, წუნდა და ქალაქი არტანისა, რომელსა

<sup>1</sup> ქცბ., მარ. 21; ანას. 17—18; მეორე ადგილას „შიგას“ მაგივრად სწერია „წინა“, იქვე; გვ. 7; ეს ფორმები (შინა, შიდა, შიგა) ხშირად სცვლიან ერთმანეთს ძველ ქართულში; უძველესი მათ შორის არის „შინა“.

<sup>2</sup> „დაიპყრა ქუეყანა რფილისითგან და არაგვითგან დასავლეთ ვიდრე ზღვამდე სპერისა“, ქცბ. მარ., 6.

მაშინ ერქუა ქაჯთა-ქალაქი, ხოლო აწ ჰქვიან ჰური<sup>1</sup>, ხოლო უფლოს დარჩა საყოფელთა მამისა მათისა მცხეთოს[ი]სა მცხეთას, და ეპყრა ქუეყანა არაგვითგან და ტფილისითგან ვიდრე ტასის-კარამდე და ფანვარადმდენ და ამან აღაშენა. უფლისციხე [და] კასპი“<sup>2</sup>.

უფლოსის სამფლობელოსათვის აქ იგივე ნაპირებია აღნიშნული, რომელნიც წინა ნაწყვეტში იყვნენ დასახელებული, როგორც შიდა ქართლის საზღვრები. მაგრამ ჩვენს უკანასკნელ ციტატაში ფრაზას, რომელიც უშუალოდ მოსდევს სიტყვას „კასპი“, თითქოს შეაქვს ცოტაოდენი ცვლილება „შიდა ქართლის“ საზღვრების განმარტებაში და, ამას გარდა, შემოაქვს ერთი ახალი ცნობაც. იქ ნათქვამია:

„... არაგვითგან და არმაზითგან (არმაზისგან) ვიდრე ტასის-კართამდე, უწოდა ამას ქუეყანასა ზენა სოფელი (ხელნაწერში დამახინჯებულია: ზენას სოფლისა), რომელსა აწ ჰქვან შინა ქართლი“<sup>3</sup>.

შიდა ქართლის ყველაზე უფრო შორეულ აღმოსავლეთ პუნქტად აქ აღნიშნულია, თბილისის ნაცვლად, არმაზი; სამხრეთის სანაპირო ხაზზე სრულიად არ არის აღნიშნული „ფანვარი“ (ფარავნის ტბა). უკანასკნელი ფაქტი შეიძლება შემთხვევითი გარემოებითაც აიხსნას: ან ტექსტის სათანადო ადგილის მექანიკური გამოვარდნით, ანდა მოკლედ თქმის სურვილით. მაგრამ თბილისის არმაზით შეცვლა, ალბათ, შემთხვევითი არ არის და, შესაძლებელია, მოწმობს იმას, რომ ძველი დაყოფა, პირველად აქ აღნიშნული, თავის აღმოსავლეთის საზღვრებში არ ემთხვეოდა საეკლესიო ავტორის თანადროულ საზღვრებს.

<sup>1</sup> ძველად ქართველები არტაანს ოლქს ეძახდნენ და არა ქალაქს. ქალაქმა ეს სახელწოდება გაცილებით უფრო გვიან მიიღო. მოყვანილ ადგილას, ამოსასადამე, საუბარია არტაანის ქალაქზე და არა ქალაქზე არტაანის სახელწოდებით.

<sup>2</sup> ქ. ცხ. შარ., 7; ანას. 6. — ნაწყვეტის ბოლოს ტექსტი დამახინჯებულია გადამწერთაგან: სიტყვა „კასპი“ შეერთებულია მომდევნო სიტყვასთან „არაგვითგან“. ჩვენ გავთიშეთ ეს ხელოვნური კომპოზიტი, ისევე, როგორც გამოძეველიც მოქცეულა, და გადავიტანეთ, კავშირ „და“-ს ჩასმით, სიტყვა კასპი წინა ფრაზაში. და მართლაც, ავტორი მცხეთოსის სხვა შეილებზე მავითხრობას, რომ თითოეულმა მათგანმა ააშენა ორ-ორი ქალაქი, მნიშვნელოვანი მათ საფლობელო პროვინციაში. ამასვე ევლოდით ჩვენ უფლოსის ზესახებ თხოვრებაში. ოც ამართლებს ჩვენს კონიექტურას, საერთოდ შესასაღებელსა და დასაშვებს. ასეთი შესწორების გარეშე ტექსტს ეკარგება აზრი.

<sup>3</sup> ქ. ცხ. შარ., 7; ანას. 6. — ნაკლებ ბუნებრივია ასეთი აღდგენა: „... უწოდა ამას ქუეყანასა ქუეყანა ზენა სოფლისა“... აკადემიკოსმა ივ. ჯავახიშვილმა მიაქცია ყურადღება ამ ადგილს („ამოსასადამე, შიდა ქართლი XI ს. იწყებოდა არა-

„ზენა სოფლის“ დასახელებას ჩვენ ჯუჯანშერთანაც ვხვდებით, მეფე არჩილის მიერ ერისთავთა შორის ქართლის დანაწილების შესახებ ამბავში. ქართლის ერისთავები ლებულობენ თავის წილს, როგორც ცოლის მზითვეს, რომელიც არჩილის ძმისშვილებს თან გამოჰყვამს. ამ უკანასკნელთა მამა, არჩილის უფროსი ძმა, მეფე მირი სიკვდილის ჟამს თავისი სამეფოს მემკვიდრედ ნიშნავს არჩილს, რადგანაც მირს ვაჟი არ ჰყავდა. მაგრამ მირს შვიდი ქალიშვილი ჰყავს და არც ისინი უნდა დასტოვოს გულნაკლულად. და იმ მომავლადეი, ჩვეულების წინააღმდეგ, ავალებს თავის ძმას, არჩილს, მიათხოვოს ქალიშვილები საკუთარ ერისთავებს და შემდეგ ნაირად გაჰყოს „ქვეყანანი ქართლისანი“: ნახევარი გაუყოს თანაბრად მირის ქალიშვილებს და მეორე ნახევარი-კი თვითონ დაიტოვოს. „საუხუცესოდ“ მირი უტოვებს არჩილს მთელ „დასავლეთ“ (მროველის ტერიტორიული) ნაწილს ქართლისას—„ეგრისს, სუანეთს, არგვეს და გურიას“.

მთელ ამ თხრობაში, რომელიც შეთხზულია ავტორის მიერ, რათა ახსნას მის დროს არსებული ვითარება, ბევრი რამ არის ჰაინტერესო, თუმცა სურათის ცალკეული ნაწილები ცუდად არის ურთიერთმწიფობილი<sup>1</sup>. საგულისხმოა, მაგალითად, ფეოდალური გაყოფის აღწერა („საუხუცესო“) და დახასიათება საადგილმამულო დამოკიდებულებისა მეფესა და ფეოდალებს შორის: გაყოფა ორ

გვითგან და არმაზითგან და ტასის კარამდის მიდიოდა. ამას წინათ თურმე „ზენა სოფელი“ რქმევია. „მატიანე ქ—ი“—თგან კი ისე გამოდის, თითქოს „ზემო ქუყანა“ ქართლს გარეშე ყოფილიყოს“... ქართვე. ერის ისტორია, II, 284). მაგრამ, როგორც ეტყობა, აკად. ივ. ჯავახიშვილმა დიდი მნიშვნელობა არ მიანიჭა მროველის ამ ცნებას, და შეუდგომის მკვლევარად მიიჩნია, იმიტომ რომ მისივე რედაქციით 1923 წ. გამოცემულ „საქართველოს ისტორიულ რუკაზე“ სახელწოდება „ზემა სოფელი“ მიკუთვნებულია სამხრეთ საქართველოსათვის (ამ დასახელებით მოხაზულია ახალციხისა და ახალქალაქის რაიონები, ძველი სამცხე და ჯავახეთი), „შიდა ქართლი“ აქ აღნიშნულია, როგორც „შიდა სოფელი“ („შიდა ქუყანა“), ხოლო უფრო გვიანდელი „ქვემო ქართლი“ (ალგეთისა და ქცია ხრამის ხეობა) აღნიშნულია, როგორც „ქვემა სოფელი“ (ამ დასახელებით მოხაზულია აგრეთვე თრიალეთისა და წალკის რაიონები). „შიდა სოფელი“ და „ქვემა სოფელი“ შექანილია, უნდა ვიფიქროთ, ხელოვნურად „ზენა სოფლის“ ანალოგიით. ასეთ გაგებას ეწინააღმდეგება რიგი წყაროების ცნობები, რამეთუ შესახებ ქვემო გვექნება საუბარი.

<sup>1</sup> ასე, მაგალითად, ავტორის აზრით, ეს ნაწილები მხოლოდ ამ შემთხვევაში დაურიგდეთ ერისთავებს. ნამდვილად-კი: ამ ამბების (ქორწინება და დაყოფა) თხრობისას ავტორს არ ძალუძს დაფაროს, რომ ზოგიერთი მაგნატი, მეფის ახალი სიძეები, უკვე ფლობდნენ აღნიშნულ ტერიტორიებს.



(საუხუცესოს გარეშე) თანაბარ ნაწილად წარმოებს იმგვარად, რომ მეფე თითოეულ სენიორიაში, რომელიც მისს სიძე-ფეოდალებს ეკუთვნის, თავის წილად ამ ფეოდალური სამფლობელოს ნახევარს იტოვებს, — „ხოლო ნაწილი არჩილისი იყო განზოგებით გამონაყოფი ყოველთა ამათ ჳევთაგან“<sup>1</sup>. მაგრამ ამჟამად ჩვენ გვინტერესებს ამ კონტექსტში „ზენა სოფლის“ მოხსენიება. ამ გეოგრაფიული ცნების რეალური შინაარსის გაგებისათვის საჭიროა მხედველობაში ვიქონიოთ მთელი თხრობა, რომელიც საზღვრავს თითოეული ნაწილის ტერიტორიას: პირველი ქალიშვილის ქმარი, გუარამ კურაპალატი, ფლობს კლარჯეთსა და ჯავახეთს, მეორის ქმარი — პიტიახში, ფეროზის ჩამომავალი, თრიალეთის, ტაშირისა და აბოცის მფლობელია, მესამე და მეოთხე ქალიშვილების ქმრები „ზენა სოფელს“ მიიღებენ, ე. ი. „ქართლს“ („ორთა ამათ განუყო ზენა სოფელი, რომელ არს ქართლი“), მეხუთის ქმარი ვაჩხმანი ღებულობს ტერიტორიას კოტმანიდან ქურდისხევამდე, მეექვსის ქმარი ჯუანშერი ჯუარს, ხერკს, მთიულეთს (მთა-ნაწილს), მანგლისისხევს მთლიანად და თბილისს. მეშვიდე ქალიშვილი, სრულიად აუცილებელი არა მარტო ავტორის წინასწარი განცხადების გამო, არამედ მთელი კონცეფციის<sup>2</sup> მთლიანობის თვალსაზრისით, თავისი ქმრითა და მზითვეით სრულიად ამოვარდნილია ავტორის თხრობიდან, არ ვიცით ვადამწერთა წყალობით თუ ავტორის დაუდევრობის გამო. მირის მეშვიდე ქალიშვილის წილი რჩება გაურკვეველი, მაგრამ ყოველ შემთხვევაში ეს კახეთი არ არის: ცოტა ქვევით ავტორი მოგვითხრობს, თუ როგორ უბოძა არჩილმა კახეთი თავის „ტაძრეულებს“ და თან აზნაურობაც მიანიჭა მათ: „... ამისა შემდგომად მოვიდა არჩილ კახეთად, და ყოველთა ტაძრეულთა მისთა მიუბოძა კახეთი; აზნაურ ყუნა იგინი“<sup>3</sup>.

<sup>1</sup> ძველი ქართული „განზოგება“ ნიშნავს შუაში გაყოფას, რაც, ჩანს, გაუგებარი აღმოჩნდა გადაწყვეთა ზოგიერთი შემდგომი თაობისათვის და ამის გამო შეცვლილ იქნა სიტყვით „განზადებით“, რაც სრულიად ამაინჯებს აზრს (იხ. ქ. ც., მარ. 208), მაგრამ ანასეულმა ნუსხამ შეინარჩუნა თავდაპირველი საკითხავი, გვ. 154.

<sup>2</sup> ჯუანშერის ეს კონცეფცია სრულიად ეთანხმება მროველის ზემოთ განხილულ კონცეფციას, რომლის მიხედვით ქართლი ცხრა ადმინისტრაციულ ერთეულად იყოფოდა: რვეს მეთაურობდნენ ერისთავები, ხოლო მეცხრეს სპასპეტი მართავდა. ჯუანშერის მიხედვით, ეგრიისა და არგვეთის საერითავენი წარმოადგენენ „საუხუცესოს“ რომელიც არჩილს დარჩა, ხოლო დანარჩენი შვიდი ნაწილი მირის შვიდ ქალიშვილს უნდა მისკემოდა.

<sup>3</sup> ქ. ც., მარ. 207—208; ანას. 153—154.

ამრიგად, „ზენა სოფლის, ე. ი. ქართლის“, საზღვრები, ჯუანშერის მიხედვით, ჩვენთვის დაახლოებით გამორკვეულია. ეს მროველის იგივე „შინა ქართლია“, მაგრამ ცოტაოდენ შემცირებული სახით: მასში არ შედის, ყოველ შემთხვევაში, თრიალეთი, მანგლისისხევი და თბილისი თავისი რაიონით. განსაკუთრებულ ინტერესს იწვევს „კოტმანის“ დასახელება. თუ ეს იგივე „კოდმანია“, ისტორიულად ცნობილი სოფელი მცხეთასთან, რაც შეუძლებელი არ არის, მაშინ გამოდის, რომ ზენა სოფლის ფარგლებიდან ჯუანშერი გამორიცხავს მცხეთასა და მის მიდამოებს. კოდმანი ნაჩვენებია ვახუშტის მიერ, როგორც მცხეთის რაიონის სოფელი<sup>1</sup> (ზედმეტია შეჩერება იმაზე, რომ „ზენა სოფლის“ ფარგლებიდან აქ გამორიცხულია კლარჯეთი, ჯავახეთი, ტაშირი, აბოცი, ხერკი და ზოგი სხვა რაიონიც). საფიქრებელია, რომ გამოთქმაში „ზენა სოფელი რომელ არს ქართლი“ მექანიკურად არის ამოვარდნილი განსაზღვრება „შინა“, რადგანაც ნაკლებ მოსალოდნელია აქ ქართლის მერმინდელი, დავიწროებული, მნიშვნელობით ხმარება.

„ზენა სოფელი“ იხსენიება ძველი ქართული მწერლობის სხვა ძეგლებშიაც. ხშირად ვხვდებით ამ სახელწოდებას ასურელ მამათა ცხოვრებებში, რომელნიც ჩვენამდის გვიანდელი რედაქციების სახით არიან მოღწეულნი, მაგრამ, უეჭველია, ეყრდნობიან უფრო ძველ ცნობებს. კერძოდ, ეს შეიძლება ითქვას ამ ძეგლებში დაცული ისტორიული რეალიების მიმართ, რომლებიც ჩვენ გვიანტერესებს ამჟამად<sup>2</sup>. ასე, ასურელ მამათა (რომელნიც საქართვე-

<sup>1</sup> „მცხეთას“ მიაკუთვნებს ვახუშტი აგრეთვე ორ შინდისს, მუხად-გერდს, კარსანს, საკუთრივ მცხეთას, არნაზს, ციხე-დიდს, ძეგვს, ხეკორდს, ასხორს, ნარჩისს, ოხერას, თელადგორს. გომიჯვარსა და ლავრას. გეოგრაფია, ბროსეს გამოც., გვ. 471; თ. ლომოურიისა და ნ. ბერძენიშვილის გამოც., გვ. 197.

<sup>2</sup> ამ ძეგლთა ხსენებული ხასიათი სათანადო სამეცნიერო მწერლობაში უკვე აღნიშნულია. იხ. ივ. ჯავახიშვილი, ქართ. საისტ. მწერლობა, გამოც. I, 5—10; გამოც. II, 5—12; მისივე, ქართვ. ერის ისტორ., I, 332. შემდ. — აკად. კ. კეკელიძე, ქართ. ლიტერატურის ისტ., I, 153—8, 134—140, 283—5, 343—5, 580—3; მისივე, საკითხი სირიელ ნოღაწეთა ქართლში ნოღელის შესახებ, „ტფ. უნ. მოამბე“, VI; ს. ჯანაშია, ფეოდალური რევოლუცია საქართველოში. გვ. 82—86; ს. კაკაბაძე, ასურელ მამათა ცხოვრებათა არქიტაპები, ტფ. 1928. კაკაბაძის მიერ გამოცემული ტექსტები, რა აკვირვებია, არაუძლია კი არ არის, არამედ მერმინდელი შემოკლებები (სვინაქსარული მრდრგვდუქისა). სიმოლე არ არის ერთადერთი და აუცილებელი ნიშანი ამგვარი ძეგლების სიძველისა.

ლოში მოღვაწეობდნენ VI საუკუნეში) მეთაურის, იოანეს, ცხოვრებაში, თხრობაში იმის შესახებ, თუ როგორ წარავლინა ზედაზენს დამკვიდრებულმა იოანემ თავისი მოწაფეები ქართლის სხვადასხვა რაიონში სათანადო საგანმანათლებლო მოღვაწეობისათვის, ნათქვამია:

... „წარავლინა მათგანნი რომელნიმე კახეთით და რომელნიმე კუხეთით და სხუანი ზენა სოფლით, ხოლო ნეტარი დავით—გარეჯისა უდაბნოსა და სხუანი გარემო ქალაქისა ჩუენისა, ხოლო იგინი წარვიდეს და დაემკვიდრნეს რომელნიმე ქალაკთა და რომელნიმე ქუაბთა..., ხოლო ეზდერიოს — ქალაკსა სამთავისისასა!“...<sup>1</sup>

აქედან ცხადია, რომ ავტორისათვის ზენა სოფლის ცნება ყოველ შემთხვევაში და უეჭველად გამორიცხავს კუხეთს (სამხრეთ-დასავლეთი ნაწილია თანამედროვე კახეთისა, — ტერიტორია, რომელიც გომბორის უღელტეხილის სამხრეთ-დასავლეთით მდებარეობს) და კახეთს, ხოლო სავარაუდოდ — გარესჯის უდაბნოსაც და, იქნებ, სამთავისსა და მცხეთის მიდამოებსაც (თუ გამოთქმაში „ქალაქისა ჩუენისა“ ავტორი მცხეთას ჰგულისხმობს). მოცემული ადგილის მიხედვით გარესჯის, სამთავისისა და მცხეთის რაიონის შესახებ კატეგორიული მსჯელობა ძნელია იმიტომ, რომ შეიძლებოდა ნაწყვეტის მეორე ნაწილი („ხოლო“...) გაგებული ყოფილიყო როგორც კონკრეტიზაცია პირველი ნაწილისა. იმ პუნქტებიდან, რომლებიც შემდეგ ამ ცნობის განსაზღვრებადაა დასახელებული და სადაც იოანეს მოწაფეები დამკვიდრდნენ, ამ ნაწყვეტში სახელდებით აღნიშნულია მხოლოდ სოფელი სამთავისი, რომელიც მდინარე რეხულას ხეობაში მდებარეობს.

დანარჩენი პუნქტები მოხსენებულია ამავე ძეგლის ბოლოს:

„... ამის ნეტარისა იოანეს მოწაფეთაგანმან აღაშენა ალავერდი..., სხუამან — ქუაბი იულთისაჲ და სხუათა აღაშენნეს კახეთს მონასტერნი, ხოლო დავით აღაშენა უდაბნოდ იგი გარესჯისაჲ... ხოლო ერთმან ზენა სოფელს აღაშენა მონასტერი, რომელსა შინა დედალი ვერა რაჲ შევალს და ვერცა რაჲ მფრინველი იბუღებს“...<sup>2</sup>

<sup>1</sup> ასურელ მამათა ცხოვრ. არქტიპები, გვ. 21; საბინინის გამოცემაში, საქართველოს სამოთხე, გვ. 200, ეს ადგილი სხვა რედაქციითაა მოცემული, იქ ამოღებულია ჩვენთვის საინტერესო ტერმინი.

<sup>2</sup> ასურ. მამ. ცხ. არქტიპები, 35, საქ. სამოთხე, 207.

ამ უკანასკნელ გამოცემაში ეს ცნობა მეორდება, — ისეთი რედაქციით, რო-

სამწუხაროდ, ჰაგიოგრაფი არ აღნიშნავს, რომელია ეს პუნქტი ზენა სოფელში, სადაც აშენდა მონასტერი. არაპირდაპირ მაინც ის იძლევა საკმაო მითითებებს როგორც ჩვენთვის საინტერესო პროვინციის საზღვრების, ისევე ამ პროვინციის იმ პუნქტების შესახებ, სადაც მიმდინარეობდა იოანეს მოწაფეების მოღვაწეობა. უკვე ასურელ მამათა მეტსახელები, მათი მოღვაწეობის ადგილის მიხედვით შერქმეული, იძლევა ამ მხრივ გარკვეულ მასალას. ტრადიციული რწმენით, რომელიც უკვე „მოქცევაჲ ქართლისაჲ“-ს ქრონიკაშია მოცემული, იოანეს სულ 12 მოწაფე ჰყავდა<sup>1</sup>. შიო მღვიმელის ცხოვრებაში აღნიშნულია ამ პირთა სახელები: 1) შიო, 2) დავით, 3) იოსებ, 4) ანტონი, 5) თეოდოსიოს, 6) თათაჲ, 7) პიროს, 8) ელია, 9) პიმენ, 10) ნათან, 11) აბიბოს, 12) იოანე<sup>2</sup>. იოანე ზედაზნელის ცხოვრება იძლევა რამდენადმე განსხვავებულ ნუსხას და ამას თან მამათა ზედწოდებებსაც დასძენს. იქ ნათქვამია: „სახელები წმიდათა მოწაფეთა იოანე ზედაძნელისათა: 1) დავით გარეჯელი, 2) სტეფანე ქისიყელი, 3) იოსებ ალავერდელი, 4) ზენონ იყალთოელი, 5) ანტონ მარტომყოფელი, 6) ისე წილკნელი, 7) თათა სტეფანწმინდელი, 8) ელია დიაკონი, 9) შიო მღვმელი, 10) ისიდორე სამთავნელი, 11) მიქაელ ულუმბოელი, 12) პიროს ბრეთელი, 13) აბიბოს ნეკრესელი“<sup>3</sup>.

მეორე ნუსხას გარკვეული უპირატესობა აქვს პირველთან შედარებით, მაგრამ საერთოდ, ცხადია, ცნობები ასურელ მამათა შესახებ მეტად ნაკლულსა და ფრაგმენტარულ ხასიათს ატარებს. ჯერ კიდევ საშუალო საუკუნეებში ამ საქმით დაინტერესებული ჰაგიოგრაფები ჩიოდნენ: „ხოლო ყოველთა ვერ ძალ-გვც მოქსენებაჲ“<sup>4</sup>. ყოველ შემთხვევაში, შემონახულია სხვადასხვა დროს შედგენილი ცხოვრებანი შემდეგ მამათა (თუ მამათა სიაზე მეორე ნუსხის მიხედვით ვიმსჯელებთ): 1) იოანე ზედაზნელის, 2) შიო მღვიმელის, 3) აბიბოს ნეკრესელის, 4) დავით გარეჯელის, 5) ანტონი

მელიც საერთოდ უფრო ახლოა კაკაბაძის გამოცემასთან, — აგრეთვე აბიბოს ნეკრესელის ცხოვრებაში, გვ. 216; უკანასკნელი ფრაზა აქ ცოტა სხვანაირად არის გადმოცეპული: „... ერთმან ზენა სოფელსა აღაშენა მონასტერი და დადვა ს'ასწაული ესე, რათა არა რა დედათაგანი შევიდეს მას შინა, რომელმან ფრინველი ცისანი და ქუეწარმავალი თჳსად დაამორჩილნა, ვერ იკადრებდეს დაბუღებად მას შინა, რომელსა ესე თუალნი ჩუენიი ზედვიდეს დღეს“.

<sup>1</sup> Описание II, 723.

<sup>2</sup> საქ. სამოთხე, 224

<sup>3</sup> ქ. ქიქელიძე, ტფ. უნ. მთაბმე, VI, 87—88.

<sup>4</sup> იქვე, 87.

შარტომყოფელის, 6) ისე წილკნელისა და 7) იოსებ ალავერდელისა. ამათ გარდა ამ ცხოვრებებში მოხსენებული არიან: 8) ილია დიაკონი და 9) თათა<sup>1</sup> და აგრეთვე 10) ეზდერიოს სამთავნელი, ზღენტური იმ ისიდორესი, ნუსხებში რომ არის მოხსენებული. ამრიგად, თითქოს უცნობია ჰაგიოგრაფებისათვის სახელები: 11) იულთელი მოღვაწისა (იულთა, აკად. კ. კეკელიძის მოსაზრებით, შერყენილი იყალთოა; მაშინ იულთელი მამა ზენონი იქნება) და 12) ზენა-სოფლის ერთი მონასტრის მშენებელისა.

როგორც ზემომოტანილი ციტატიდან ჩანს, იოანეს ეს მოწაფეები, ჰაგიოგრაფის წარმოდგენით, მოღვაწეობენ (ქვეყნის სხვადასხვა ოლქებად დაყოფის თვალსაზრისით) კახეთში, კუხეთში და ზენა სოფელში; საეკვოდ რჩება, როგორც განკერძოებული რაიონები, გარესჯის რაიონი<sup>2</sup> და მცხეთის სანახები. იოსებ ალავერდელის ნაგვიანევი ცხოვრების მიხედვით, ექვსნი იოანეს მოწაფეთაგან დამკვიდრდნენ კახეთს, ექვსნი-კი — ქართლს<sup>3</sup>; აქვე კახეთისადმი მიკუთვნებულა კონკრეტულად ალავერდი. ამ დაყოფით, კახეთსავე, რასაკვირველია, უნდა მიეკუთვნოს: 2) იყალთო (=იულთა?), 3) ქისიყი (სახელდობრ — ხირსა, თუ გარდმოცემას დაეუჯერებთ)<sup>4</sup>, 4) გარესჯა, 5) ნეკრესი და 6) მარტყოფი, — უფრო გვიანდელი ნომენკლატურით, — ანტონის სამოღვაწეო ასპარეზი. „კახელებსავე“ უნდა მიეკუთვნოს 7) ელია დეკანოზი, რომელმაც ცხოვრების გზა დაასრულა როგორც იმ მონასტრის მამათმთავარმა, იოანემ რომ ზედაზნის მთის ძირას ააგო<sup>5</sup>. გამოდის, რომ „კახელი“ შვიდია და არა ექვსი. ეს იმით უნდა აიხსნებოდეს, რომ ამ საეკლესიო მოღვაწეთა სიები არ იყო ზუსტად დადგენილი.

ჩვენთვის უფრო მნიშვნელოვანია გამოვარკვიოთ გეოგრაფიული შინაარსი „ქართლის“, რომელსაც, ამ შემთხვევაში, მიეკუთვნება დანარჩენი ექვსი პუნქტი, სახელდობრ: 1) წილკანი, 2) სტეფანწმინდა<sup>6</sup>, 3) მღვიმე-სარკინე, შიოს მოღვაწეობის ადგილი, 4) სამთავისი, 5) ულუმბა და 6) ბრეთი.

<sup>1</sup> საქ. სამ., 276, 210.

<sup>2</sup> გარესჯის რაიონი უპირისპირდება, ყოველ შემთხვევაში, კახეთს დავით გარესჯელის ცხოვრებაში, სადაც მოთარობილია იმის შესახებ, თუ როგორ „მიიწივნეს მუნ კაცნი მონადირენი კერძოთაგან კახეთისათა“, საქ. სამ. 275; არქეტიპები, 39.

<sup>3</sup> ს. სამ., 217. <sup>4</sup> იქვე, 301.

<sup>5</sup> საქ. სამოთხე, 301—302.

<sup>6</sup> გარდმოცემით (იხ. საქ. სამ., 302) წმინდა სტეფანეს სახელობის მონასტერი აუღია თათას მდ. რეზულას ხეობაში, წლევის მთაზე.

თუ ასურელი მამების უფრო აღრინდელ ცხოვრებათა ავტორების (და, რათქმაუნდა, ნაწილობრივ აგრეთვე რედაქტორების) გეოგრაფიულ წარმოდგენებს დაეუბრუნდებით, ჩვენ დავადგენთ, რომ იქ „ზენა სოფელი“ იოსებ ალავერდელის უფრო გვიანდელ ცხოვრებაში მოხსენებულ „ქართლს“ შეესატყვისება აგრეთვე. თუ ზენა სოფლიდან უნდა გამოირიცხოს, როგორც ზემოთ უკვე აღნიშნული გვქონდა, „ქალაქისა ჩუენისა“, ე. ი. მცხეთის, მიდამოები, — ქართლის იმ პუნქტებიდან, სადაც იოანეს მოწაფეები მოღვაწეობდნენ, „მცხეთის მიდამოებს“ შეიძლება განეკუთვნოს მხოლოდ წილკანი და მღვიმე-სარკინე. მაშასადამე, დანარჩენი ოთხი პუნქტი, უკვე უპირობოდ და უთუშცაოდ, მიეკუთვნება „ზენა სოფელს“. ესენი არიან: ორი პუნქტი რეხულას ხეობაში — 1) სამთავისი<sup>1</sup> და 2) სტეფანწმინდა — წლევი<sup>2</sup>, 3) ულუმბა, მდ. ალის-წყლის ხეობაში<sup>3</sup> და 4) ბრეთი, მდ. დვანის-წყალზე. მაშასადამე, ჩვენ მიერ გარჩეულ ძეგლთა მიხედვით უკვე რეხულას ხეობიდან (სადგურ კასპიდან დაახლოებით), ყოველ შემთხვევაში, თვით სურამის ქედამდე მთელი ქართლი „ზენა სოფელს“ მიეკუთვნება.

მაგრამ ამავე ძეგლებში არის სხვა ცნობებიც, რომლებიც აზუსტებენ და უუქსა ჰყენენ ჰაგიოგრაფის წარმოდგენას ზენა სოფელზე. ასე, შიო მღვიმელის ცხოვრებაში იოანესა და მისი მოწაფეების ქართლში მოსვლის შესახებ მოთხრობილია შემდეგი: „ზეგარდამო ბრძანებით“ მამები... „წარემართნეს გზასა, ქართლად მიმყუანებელსა“... და... „მიიწივნეს... ქალაქად ქართლისა“. თუ აქ რამე შერყენილი არ არის, — რის შესაძლებლობა არ არის გამოირიცხული, საბინინის გამოცემის საერთო ხასიათს თუ მივიღებთ მხედველობაში, — მაშინ ჰაგიოგრაფი ალბათ გულისხმობს „დედა-ქალაქს ქართლისას“, ე. ი. მცხეთას<sup>4</sup>. ყოველ შემთხვევაში, შემდგომი თხრობა მცხეთასთან ახლო მდებარე პუნქტზე მიგვიბრუნებს, იმიტომ რომ ქართლის კათალიკოსი, აგრეთვე წინასწარ სათანადოდ გაფრთხილებული სირიელ მამათა ჩამოსვლისა და მათი მისიის შესახებ, ხვდება მათ მთელი თავისი კრებულით ზენა სოფლის საზღვრებთან: „აღდგა უკუშ ღირსი ევლავიოზ ყოველთა

<sup>1</sup> ვ ა ხ უ შ ტ ი, გეოგრაფია, ბროსეს გამოცემა, გვ. 242.

<sup>2</sup> იქვე, 240—242. ვახუშტის ცნობით, თვით პუნქტს მამება ჰქვია.

<sup>3</sup> იქვე, 266.

<sup>4</sup> ამ შემთხვევაში ფრაზა შემდგენიარად უნდა იქნეს აღდგენილი: „ხოლო მოიწივნეს დედა-ქალაქად ქართლისა“.

თანა ეკლესიისა შვილთა და განვიდა ზენა სოფლამდე“. არა გვგონია, რომ ჰავიოგრაფს განზრახული ჰქონოდა ცხენზე შეესვა კათალიკოსი და მთელი მისი ამაღლა და შორეულ ქვეყნებში გაემგზავრებინა ისინი: უნდა ვიფიქროთ, რომ შეხვედრა მოხდა სადღაც მცხეთის ახლოს<sup>1</sup>.

კიდევ უფრო საგულისხმოა, რომ ტერმინი, რომელიც ჩვენ გვაინტერესებს, შემონახულია აბიბოს ნეკრესელის ცხოვრებაშიც, უმკველად უძველეს ძეგლში ასურელ მამათა ცხოვრების აღწერილობათა შორის. ცნობილია, რომ აბიბოსის ცხოვრებამ საერთოდ ბევრი საინტერესო ისტორიული რეალია დაიცვა<sup>2</sup>. მოქმედება წარმოებს იმ დროს, როდესაც... „დაეპყრა ქართლი მეფესა სპარსთასა და ივინი ჯელმწიფე იყვნეს ჩუენსა ამას სოფელსა“<sup>3</sup>, ე. ი. VI საუკუნეში.

აბიბოსი არის ქალაქ ნეკრესის ეპისკოპოსი, კახეთში („ხოლო აბიბოს, ნეკრეს-ქალაქისა ეპისკოპოსი, ჴევისა კახეთისა“)<sup>4</sup>. აბიბოსი შეურაცხყოფს ცეცხლისთაყუანისმცემელთა სალოცავს და მას ამისათვის აპატიმრებენ, მაგრამ ვინაიდან მაშინ ქართლის, და, მაშასადამე, აგრეთვე კახეთის მოსახლეობის უზენაესი მსაჯულის ფუნქცია ეკუთვნოდა ქართლის მარზპანს<sup>5</sup>, რომლის მუდმივი რეზიდენცია თბილისს იყო, ამიტომ „მისწერეს მსწრაფლ ჴენა სოფლად მარზპანისა საქმე ესე“...<sup>6</sup> მარზპანის ბრძანებით, აბიბოსი მასთან წაიყვანეს. ბუნებრივია ვიფიქროთ, რომ აქ ჴენა სოფლად ქართლის გარკვეული (ცენტრალური) ნაწილი იწოდება და ჴენა სოფელს განეკუთვნება ალბათ თბილისიც! მგზავრები ქართლ-კახეთის უძველესი მაგისტრალით წამოვიდნენ, გომბორზე (დაახლოებით, თანამედროვე გზატკეცილის მიმართულებით), რადგან პირველად მგზავრებმა იალდოს (უძველესი ფორმა უნდა იყოს თანამედროვე „იყალთო“-სი) შეისვენეს<sup>7</sup>. შემდგომ მოთხრობილია,

<sup>1</sup> საქ. სამ., 224—225. შეხვედრის შემდეგ, როგორც ცხოვრების ავტორი მოგვითხრობს, ყველანი წარემართნენ და მიაღწიეს მცხეთის კათედრალს; იქვე, 226.

<sup>2</sup> ივ. ჯ ა ვ ა ხ ი შ ვ ი ლ ი, ქართვ. ერის ისტ. I<sup>3</sup>, 332—335.

<sup>3</sup> საქ. სამ. 213; შდრ. არქეტიპები, 42.

<sup>4</sup> იქვე, 214, საბინისი გაპოცემაში — „ნეკრესელ-ქალაქის“; აღსანიშნავია, რომ არქეტიპები, გვ. 48, „კვეს“ სტვლიან „სამკრო“-თი.

<sup>5</sup> ევსტათი მცხეთელის ცხოვრება, VI საუკ. შუაწლებში დაწერილი, საქ. დამოთხე, 314.

<sup>6</sup> იქვე, 214.

<sup>7</sup> იქვე, 214, არქეტიპები, 43

თუ როგორ მოაღწიეს მათ „სამეფოსა ქალაქსა მცხეთას“<sup>1</sup>. აქ აბიბოსს ვითომ უფლებას აძლევენ ინახულოს თავისი ამხანაგი შიო, მღვიმე-სარკინეში, და მხოლოდ ამის შემდეგ „მიიყვანეს იგი მარ-ზაპნისა მის ზენა სოფლად, სოფელსა, რომელსა ჰრქუიან რევი“<sup>2</sup>. ამ ნაწყვეტიდან კარგად არა ჩანს, მიაკუთვნებს თუ არა ავტორი მცხეთასა და მღვიმე-სარკინესაც ზენა სოფელს, თუ მას ჰსურს. მხოლოდ რევის ადგილმდებარეობა განსაზღვროს ამ ცნობილი, ზოგადი გეოგრაფიული ცნების საშუალებით. სად მდებარეობდა ეს რევი? აქ ყველაზე მეტი დამაჯერებლობით არჩევანი შეიძლება. შეჩერდეს ამ სახელწოდების მქონე და ისტორიულად ცნობილ ორ პუნქტზე: 1) ერთი იქ მდებარეობდა, სადაც ლიახვი მტკვარს ერთ-ვის და სადაც (ცოტა უფრო სამხრეთით) შემდეგში წარმოიშვა ქ. გორი; 2) მეორე — ქცია-ხრამის სათავეებთან, სადაც დღევანდლამდე არსებობს დიდი სოფელი ამავე სახელწოდებით. უფრო ბუნებრივი იქნებოდა, თუ ვივარაუდებდით, რომ აქ ნაგულისხმე-ვია პირველი პუნქტი, რადგან ის ქართლის ცენტრში მდებარეობდა და რადგანაც იქ სამსახურებრივ მოვალეობათა გამო აღვილად შესაძლებელია ყოფილიყო იმ მომენტში მარზპანი. მეორე პუნქტი-კი, რომელიც მალა მთაში მდებარეობს, უფრო მეტს ექვს იწვევს. მაგრამ თრიალეთის რეხას სასარგებლოდ მეტყველებს ის მეტად მნიშვნელოვანი გარემოება, რომ ამ დიდი სოფლის მახლობლად დღევანდლამდე შემონახულია მონასტერი, აწ უკვე დანგრეული, რომელიც წმინდა აბიბოსის სახელს ატარებდა (ბატონიშვილი ვახუშტის რუკით — „აბიბოს მონასტერი“)<sup>3</sup>. ჩვენ-კი ვიცით, რომ აბიბოსი, წამებული რეხას, იქვე იყო დამარხული ქალაქ გარეთ (რეხა ამ ადგილას ქალაქად არის წოდებული). აბიბოსი დამარხეს განდევნილებმა, რომელნიც რეხას მიდამოებში ცხოვრობდნენ, იმ მონასტერში, რომელიც, ავტორის რწმუნებით, აუშენებია ერთ პირს, როგორცაც დაკავშირებულს აგრეთვე სი-რიელ მამებთან<sup>4</sup>.

<sup>1</sup> ეესტათი მცხეთელის ცხოვრება, საქ. სამოთხე, 214; არქეტიპები, 43.

<sup>2</sup> საქ. სამ., 215; არქეტიპები, 44.

<sup>3</sup> იხ. აგრეთვე თანამედროვე რუკები, მაგ. თბილისში 1927 წ. გამოც. ყოფ. თბილისის მაზრის რუკა პ. ინგოროყვას რედაქციით.

<sup>4</sup> საქ. სამოთხე, 215; არქეტიპები, 45.— ეს ცნობა აქ რამდენადმე ბუნდოვანად არის გამოთქმული. მეორე გარდმოცემით შემდეგში აბიბოსის ნეშტი მცხეთას იყო გადმოტანილი, საქ. სამ., შენიშვნა 215 გვერდზე.



უნებლიედ იბადება აზრი, უკვე არსებული ეს გარდმოცემა ხომ არ გახდა იმის მიზეზი, რომ შემდეგში ამ ადგილებში აშენებული მონასტერი აბიბოსის სახელით მონათლეს? მაგრამ ყურადღებას იპყრობს ის გარემოებაც, რომ რეხასა და აბიბოსის მონასტრის შორიახლოს ბატონიშვილი ვახუშტი უჩვენებს სოფ. საპიტიახშოს (ეხლა რომ შერყენილად ზაბიტახანად არის რუკებზე აღნიშნული). ეს გარემოება ბადებს კითხვას: ხომ არ იყო აქ ქართლის პიტიახშების საზაფხულო რეზიდენცია? ქციას სათავეები ხომ პიტიახშების სამფლობელოში შედიოდა გარკვეულ პერიოდში. ასეთი განმარტებისას მარზპანის რეხას უოფნაც, ჰაგიოგრაფის მიერ აღნიშნულ მომენტში, სათანადოდ იქნებოდა ახსნილი (საზაფხულოდ გამგზავრება)<sup>1</sup>.

მაშასადამე, თუ მეორე ლოკალიზაციას მივიჩნევთ სწორად; მაშინ მროველის ცნობა იმის შესახებ, რომ ზენა სოფლის ფარგლებში წალკაცა და თრიალეთიც შედიოდა, ახალ დასაბუთებას ჰპოვებს. როგორც არ უნდა იყოს, აბიბოსის ცხოვრების ზენა სოფელი აგრეთვე მეტნაკლებად ემთხვევა ლეონტი მროველის ზენა სოფელს.

ამრიგად, ძველი ქართული ლიტერატურული ძეგლების ცნობების განხილვის საფუძველზე ჩვენ ექვს გარეშე ვადგენთ ზენა სოფლისა და შიდა ქართლის ცნებების თითქმის სრულს გეოგრაფიულ-ტერიტორიულ იგივეობას. ოღონდ ეგაა, რომ ზენა სოფლის აღმოსავლეთის საზღვარი ძეგლებში ერთგვარი სხვაობით არის გაგებული: ზოგჯერ იგი თბილისთან არის გატარებული (თუ თვით თბილისზე არა), ხან — მდ. არაგვზე და არმაზზე, ზოგჯერ კიდევ თითქოს მცხეთიდან რამდენადმე დასავლეთითაც. ეს მერყეობა

<sup>1</sup> აზრი იმის შესახებ, რომ აბიბოსის ცხოვრება გულისხმობს წალკის რეხას, გამოთქმული აქვს აგრეთვე პროფ. ლეონ მედიკოს-ბეგის; მანვე ყურადღება მიაქცია იმ მნიშვნელობასაც, რომელიც ამ ლოკალიზაციისათვის აქვს აბიბოსის მონასტრის და საპიტიახშოს არსებობას წალკის რეხის მახლობლად. იბ. ლ. მედიკოს-ბეგის, თრიალეთ-წალკის მატერიალური კულტურის ნაშთებისა და ტოპონიმიკის შესწავლისათვის, საიუბილეო კრებულები: „მარკსისტული ენათმეცნიერებისათვის“, გვ. 35—37. მაგრამ პროფ. მელიქსეთ-ბეგის გაკვირვებით კითხულობს: „რაფერ არის მოხსენებული მარზპანი, მაშინ, როდესაც თრიალეთ-წალკა იმ ხანებში (V—VI სს.) გუგარკ-გოგარენეს (გუგარეთის) საპიტიახშოს ტერიტორიის შემცველ (კალმის შეცდომაა.— ს. ჯ.) ნაწილს შეადგენდა“, და დასძენს, რომ „ჰაგიოგრაფის რასაკვირველია მხედველობაში ჰყავს გუგარეთის პიტიახში, რომელიც მას მარზპანად მიაჩნია, ვინაიდან ტერმინი „პიტიახში“ (პიტიახის) ეუცხოვა“, იქვე, გვ. 37. ეს მსჯელობა მცდარია: ჰაგიოგრაფის მხედველო-

აღმოსავლეთის საზღვრის განმარტებაში არ უნდა იყოს შემთხვევითი (ამის შესახებ ჩვენ ქვემოთ გვექნება საუბარი).

ზენა სოფლის ხსენება ჩვენ გვხვდება სხვა ძველ ქართულ ძეგლებშიაც. ასე, კონსტანტი (თუ: კონსტანტინე) — კახას მარტვილობაში ნათქვამია, რომ „მას ჟამსა ოდენ იყო ვინმე ქუეყანასა ქართლისასა. სანახებსა ზენა სოფლისასა კაცი, რომელსა სახელი ერქუა კონსტანტინე, რომელსა ეწოდა კახი (გამოცემაში შეცდომით — „კაცი“) მამულისა მის ქუეყანისა. კაცი ესე იყო წარჩინებულ ფრიად დიდად ყოველსა ქუეყანასა ქართლისასა“...<sup>1</sup>

აქ საყურადღებოა განმარტება, რომ „ზენა სოფელი“ „ქართლის ქვეყნის“ ერთი სანახებია, ე. ი. ერთი კანტონი, თემი. მაგრამ, სამწუხაროდ, ძეგლში არაერთი მითითება არ მოიპოვება იმის შესახებ, თუ სად უნდა ვეძიოთ ეს სანახები. აკად. კ. კეკელიძეს გამოთქმული აქვს მოსაზრება, რომ კონსტანტინე კახეთის ერისთავი იყო და ზენა სოფელში იგი მხოლოდ შეპყრობილ იქნაო. ეს მოსაზრება დამყარებულია კონსტანტის მეტსახელზე, რომლის მიხედვითაც იგი „კახი“ უნდა ყოფილიყო წარმოშობით<sup>2</sup>. კონსტანტი კახა შეეწირა, როგორც ჩანს, თბილისის გამდგარ ამირა საჰაკთან მოკავშირეობის საქმეს. და ჩვენ რომ დარწმუნებული ვიყოთ, — კახა მონაწილეობას იღებდა საჰაკის ბრძოლებში უკვე მოჰმედ ხალიდის ძის წინააღმდეგო, მაშინ ზოგი ისტორიული ცნობა

ბაში ჰყავს სწორედ მარზპანი, ორივე ტერმინი მისთვის სავსებით ცნობილი იყო, მარზპანიც აღწერილია შესაფერ რაოლში, იმდენად, რამდენადაც ქართლის პიტიახშიც, ქართლის იმდროინდელ (VI საუკუნის შუაწლები და მომდევნო ორი ათეული წელი) სხვა მსგავს მაგნატებთან ერთად სავსებით ემორჩილებოდა მარზპანს, როგორც ქართლის უზენაეს მმართველს. საკმარისია გავიხსენოთ ცნობები, რომლებიც მოიპოვება ძეგლში: „წამება წმ. მოწამისა ვესტათი მცხეთელისა“. გარდა ამისა, პროფ. მედიკსეთ-ბეგის თვალსაზრისით სრულიად გაუგებარი რჩება: რატომ მოხდა, რომ შიგნით კახეთის ნოღვაწე აბიბოსი გასასამართლებლად „გუგარეთის“ პიტიახშს მიჰგვარეს, როდის და რანაირად შეიძინა ამ უკანასკნელმა უზენაესი უფლებები მთელ აღმოსავლეთ საქართველოზე (ცხოვრებას მტკიცებით ხომ ნერკესში მომხდარი ამბების შესახებ ადგილობრივმა ხელისუფლებამ მარზპანს აცნობეს, ხოლო მარზპანმა უბრძანა მათ აბიბოსი მასთან მხარგაკრული მიეყვანათ).

<sup>1</sup> საქ. სამოთხე, 364. მეტსახელი კახისათვის ხელნაწერები იძლევიან საკითხავს: „რომელსა ეწოდა კახი სახელად მამულისა მის ქუეყანისა“, იხ. აკად. კ. კეკელიძე, კონსტანტი კახის მარტვილობა და ვინაობა, ტფ. უნ. მოაზრება, VII, 163.

<sup>2</sup> დასახელ. თხზ., 163—4.

შიეძლებოდა კონსტანტის „კახელობის“ სასარგებლოდ გაგვე-  
გო. სახელდობრ, „მატიანე ქართლისაი“ მოგვითხრობს, რომ  
მოჰმედ ხალიდის ძის წინააღმდეგ „მოვიდეს კახნი გარდაბანელნი  
შუელად საჰაქისა“-ო. საინტერესოა, რომ ძლიერი ბრძოლა, რო-  
მელიც, ქართული ცნობით, უშედეგო ყოფილა, მომხდარა „რეჯს“.  
არაბული მოწმობით, ხალიფას ემისარმა თითქოს გაიმარჯვა, სა-  
ნარიელების (ე. ი. სწორედ კახელების) წინააღმდეგ ხან-  
გრძლივი ბრძოლის შემდეგ, საჰაკი გააძევა ქვეყნიდან და  
სანარიელებიც გააქცია<sup>1</sup>. შიეძლებოდა ამიტომ გვეფიქრა-მეთქი,  
რომ კონსტანტი სწორედ ამ „კახნი გარდაბანელების“ მეთაური  
იყო. ამას მხარს დაუჭერდა კახას მარტვილობის ცნობა, რომ კახა  
დასჯილ იქნა 849 წელს<sup>2</sup>, რაც უახლოვდება უფრო მოჰმედის ლაშ-  
ქრობის თარიღს, ვიდრე ბულა თურქისას<sup>3</sup>. ამ შემთხვევაში,  
„ზენა სოფლის“ ცნება კახეთსაც დაჰფარავდა. მაგრამ ყველა ცნო-  
ბა, მათ შორის ისეთი დოკუმენტური ხასიათისა, როგორიცაა  
ატენის სიონის კედლის წარწერა<sup>4</sup>, ამტკიცებს, რომ კახა შეპყრო-  
ბილ იქნა ბულა თურქის მიერ, რომლის წარმატებით დავერგვი-  
ნებული ლაშქრობა საჰაკის წინააღმდეგ 853 წელს ეკუთვნის. გარ-  
და ამისა, ზოგიერთი არაპირდაპირი მითითება გვაფიქრებინებს,  
რომ კახა არის ერთი, ყველაზე ადრე ცნობილი, წარმომადგენელ-  
თაგანი თორელების (შემდეგ — ჯავახიშვილების) მომდევნო საუკუ-  
ნეებში განთქმული საგვარეულოსი. ამას გვაგულვებინებს, კერ-  
ძოდ, სახელი „კახა“, რომელიც საყვარელი საგვარეულო სახელი  
ჩანს ამ გეარში. ხოლო კახასა და მისი შვილის მოხსენიება ატე-  
ნის წარწერაში შიეძლება განხილულ იქნას, როგორც ერთგვა-  
რი მოწმობა იმისა, რომ კახა ამ მხარეების მფლობელი საგვარე-  
ულოს წარმომადგენელია. — წარწერა ხომ არ იხსენიებს არც ერთს  
სხვა ადგილობრივს (ქართველს) პოლიტიკურ მოღვაწეს! როგორც  
არ უნდა გადაწყდეს კახას ვინაობის საკითხი, ერთი რამ მაინც  
მეტნაკლებად უეჭველია: ზენა სოფელი აქ ყოველ შემთხვევაში არ

<sup>1</sup> ს. ჯანაშია, არაბობა საქართველოში, გვ. 63.

<sup>2</sup> საქ. სამოთხე, 368.

<sup>3</sup> თუ კონსტანტი 849 წელს დაისაჯა, შეპყრობილი იქნებოდა იგი უფრო  
ადრე. ამავე დროს, ხალიდის უკანასკნელი ლაშქრობა ქართლში საჰაკის წინააღ-  
მდეგ, რაც წინ უსწრებდა მისი შვილის მოჰმედის მომდევნო, ზემოთ ნაგული-  
სხბევს, ლაშქრობას, მომხდარა 841—2 წელს, იხ. ს. ჯანაშია, არაბობა, 63,  
შ.მ. 4.

<sup>4</sup> ეს წარწერა იხ. ივ. ჯავახიშვილი, ქართვ. ერის ისტ., II, 376.

შეიძლება ნიშნავდეს მერმინდელს „ზემო ქართლს“, ე. ი. სამცხე-ჯავახეთსა და მათს სამხრეთით მდებარე თემებს. ეს ცხადია საერთო სიტუაციიდან. ხალიფასგან დამოუკიდებლობისათვის გამართულ ბრძოლაში თბილისის ამირას ბულა თურქის წინააღმდეგ ეხმარება აფხაზთა მეფე. სამაგიეროდ ბულასა და, საერთოდ, ხალიფას აგენტების მოკავშირე არის სამხრეთ საქართველოს სამთავროს მეთაური, ბაგრატი, აშოტ კურაპალატის ძე, რომელმაც თავისი ასეთი პოზიციისათვის უკვე ბულას წინამორბედი სარდლისაგან, მოჰმედ ხალიდის ძისაგან, საზღაურად მიიღო ქართლი<sup>1</sup>, რათქმუნდა — ვიწროდ გაგებული, ე. ი. სხვანაირად რომ ვთქვათ — შიდა ქართლი. იქნებ სწორედ ამ უკანასკნელმა გარემოებამ განსაზღვრა კახას საწინააღმდეგო პოზიციაც: შიდა ქართლი, იგივე ზენა სოფელი, რომელიც ლეონტი მროველისეული განმარტების თანახმად დასავლეთით ტასისკარს უწევდა, ხოლო სამხრეთით — ფარაენის ტბას, შეიცავდა ატენის ხეობასაც და მის გარშემო, კერძოდ — სამხრეთისაკენ, მდებარე ვრცელ რაიონსაც. ამრიგად, ბაგრატი კურაპალატის მიერ შიდა ქართლის მიღება პირდაპირ სჩაგრავედა კახას ინტერესებს.

კახას წარმომავლობის საკითხთან დაკავშირებით საბაბი გვეძლევა ვუჩვენოთ, რომ „ზენა სოფლის“ ზემოთ აღნიშნული გაგება შენახულია უცხოურს, კერძოდ — სომხურ მწერლობაში. თომა არწრუნი, მაგ., ამავე კახას სწორედ „კახაჲ ზენა სოფელეს“, *Կախայ Էկրին աշխարհեքին*, უწოდებს<sup>2</sup>. შეიძლებოდა კაცს ეფიქრა, თომას ეს ცნობა ქართული წყაროდან მომდინარეობსო, მაგრამ რომ ამგვარი ნომენკლატურა საერთოდ კარგად ყოფილა ცნობილი სომხურ მწერლობაში, დასტურდება ძველი სომხური ანონიმური გეოგრაფიითაც. ამ გეოგრაფიის ვენეციურ რედაქციაში ნათქვამია: „ქართლის კანტონებია: ... კლარჯეთი..., შავშეთი, არტაპანის კანტონი..., რომელსაც ჩაუდის დიდი (ძლიერი) მდინარე მტკვარი, რომელიც გამოდის ტაოდან, კოლას კანტონიდან, დის ჯავახეთის ძირიდან, ჩადის სამცხეში, უხვევს აღმოსავლეთისაკენ და დის ქართლის (ქართველთა) ზემო ქვეყანაზე, შუაში ჰყოფს რა კანტონებს გოროთისხევს, ტუნისხევს, რომლის თავშია სიმაგრე დეკიციხე, და მანგლისისხევს და ბოლნისისხევს ვიდრე პარუარის კანტონამდე, რომელიც გარს აკრავს ქალაქ თბი-

<sup>1</sup> ს. ჯ ა ნ ა შ ი ა, აზაბობა, 63.

<sup>2</sup> *Գատიւն Երևանի Տասն Արժուանսաց*, პატ. გამოც. 1887 წ., გვ. 187; თბ. გამოც. 1917 წ., გვ. 304.

ლისს“... *სქსარჩ* *ქრავ*... *და დალაიღ ხნ აკა, აქსხალ 'ტი* *ქინი*; *გხთიკ* *და 'ტი* *ჩქლსჩითიკ* *შაკიე*. *ყლარნღ, ჟორ 'ტი* *ჯაკიე* *ჩანხალ* *ჯ, და* *წალჯქ*. *არაოანან* *დალაიღ, ვორ* *აიხალ* *ქ'რ* *ჩაკიე*, *ღნო* *ორ* *ან-* *ვანჯ* *ღსან* *ჩვიორ* *ყორ, ორ 'ტი* *შაკიე* *დალიქ,* *'ტი* *ჩიო* *დალაიღ* *ღნო*. *ათორითა* *ღალაქსავ, ქვანჯ* *'ტი* *სამექს* *და* *ღაიღნაკ* *კარხსქა-* *ანვანხლიქ* *ღნო* *ქლრჩინ* *აკქსარჩინ* *ქრავ, რაქანხლიქ* *ღდალაიღან-* *ღჭიიიქქსჩხს* *ღთიღნსჩახს, ორიკ* *'ტი* *ღიქლან* *ჩინქქქს* *გხრე, და* *ღშან* *გქხავჩიორ, და* *ღჭიიღნიჩიორ* *მჩინჯ* *ეშარეიღარ* *დალაიღ, ორ-* *აკათჯღჭიქჩხ* *დაქადდა.*

შემდეგ კიდევ მდინარე არაგვზე ნათქვამია, რომ იგი ვამოდის კავკასიონიდან, ჩაივლის, სხვათა შორის, მცხეთასა და წმინდა ჯვრის ბორცვს შორის, „ჩადის მტკვარში და (ამრიგად) თავდება ქართლის (ქართველთა) ზემო ქვეყანაში“... *ქსრავღ* *გხთი* *ორ ჩიიქ* *'ტი* *ყალქასაკ, და* *ღნალიქ* *ღნო* *ჩარად* *ღნო* *სქსავქჩხს* *გხრე, და* *ანვანჯ* *ღნო* *მქქ* *შექჩქსაკ* *დაქადქ* *და* *ღლიკ* *სორღ* *ქსაქჩინ, ქვანჯ* *'ტი* *ლიორ, და* *ღიქლან* *ღასჩი* *'ტი* *ქლრჩინ* *აკქსარჩ* *ქრავ-* *კორმ* *კაიღაქ* *ქსავგხსალ* *ყორ* *დაქ* *'ტი* *ჭიქჩხ* *მაკქრადდაქ*<sup>1</sup>.

ამ აღწერილობიდან საკმაო გარკვეულობით ცხადი ხდება, რომ სომეხი გეოგრაფის წარმოდგენით ქართლის „ზემო ქვეყანა“ ე. ი. იგივე „ზენა სოფელი“ იწყებოდა მაშინვე სამცხის შემდგომ, შეიცავდა კანტონებს მტკვრის ორსავე ნაპირას (მათ შორის მანგლისისა და ბოლნისის ხევსაც კი!), ხოლო თავდებოდა თბილისის კანტონთან (შესაძლოა, ამ უკანასკნელის ჩართვითაც), — ამას გვაფიქრებინებს გამოთქმა „ვიღრე“: ხომ არ შეიძლება ტექსტი ისე გავიგოთ, რომ მტკვარი დიოდა ვიღრე თბილისამდე! ან რომ მტკვარი ბოლნისის ხევს განჰყოფდა ვიღრე თბილისამდე! ერთიცა და მეორეც უაზრობაა. — არაგვის შესართავი ხომ ამ „ზემო ქვეყანაში“ შექვევლობით ნაჩვენები.

ამრიგად, „ზენა სოფლის“ ძველი ცნების გეოგრაფიული მნიშვნელობა დადგენილად უნდა ჩაითვალოს — იგი მეტნაკლებად საშუალო საუკუნეების „შიდა (შინა)“ ქართლს ემთხვევა. ამას მოწმობენ ლეონტი მროველი, ჯუანშერი, ასურელ მამათა ჰაგიოგრაფები, კახას ცხოვრების აღმწერი და სომხური წყაროები. ასევე გაიგო ძველი ცნობები ვახუშტიმაც: „ხოლო ტაშისკარსა და ლი-

<sup>1</sup> *სქსარჩავიე* *შიქსჩქ* *ქსჩჩინავიეიკ, ქსნ. 1881,* სურის გამოცემა, გვ. 38—9. პატარაის მერე გამოცემული რედაქცია მეტად მოკლეა და ამ ნაწილში შეიცავს მარტოოდნე კანტონების ჩამოთვლას. იხ. Армянския географы VII в. II с. X. 1887 г., გვ. 39—40

ხის მთას ქვეითი არაგვ-ტფილისამდე სამნი ესე სასპასპეტონი: მე-მარცხნე მუხრანისა, მემარჯვენე ქართლისა, მეფის თანა მყოფი, ტფილის ზეით, მტკვრის სამჯრეთისა და თრიალეთი თანავრამდე, — არიან წილი უფლოსისა, მცხეთოსის ძისა; და უფლოსისაგან ეწოდა ზენა სოფლები შიდა ქართლს<sup>1</sup>. გეოგრაფიული წარმოდგენების ცვლილება, რომელიც ნომენკლატურის აღნიშნულ ცვლილებას უძევს საფუძვლად, კიდევ უფრო ნათელი გახდება, თუ გავითვალისწინებთ, რომ იგივე სახელწოდება „ზენა სოფელი“, მხოლოდ უფრო ახალ ტერმინებში გამოთქმული, სახელდობრ — „ზემო ქვეყანა“, იხმარებოდა ქართული ფეოდალიზმის კლასიკურ ხანაშიაც, ოღონდ ეხლა იგი უკვე სულ სხვა მხარეს განეკუთვნებოდა: „ზემო ქვეყანა“ შიდა ქართლის სამხრეთით იგულისხმება, იგი სამხრეთ საქართველოს სახელწოდებაა. ასე, „მატიანე ქართლისაი“ (XI ს.) მოგვითხრობს, რომ კლდეკარის ერისთავთ-ერისთავმა ლიპარიტმა, თრიალეთის და მანგლისის ხევის მფლობელმა, ბაგრატ IV-ის დაუძინებელმა მტერმა, გამოიყვანა ბატონიშვილი დემეტრე ბიზანტიელთა ლაშქრით, მიიმხრო სხვა დიდებულებიცა და აზნაურებიც, „მოვლეს ზემო ქუეყანა და ჩამოვიდეს ქართლს, მოადგეს ატენსა და მოწვეს არე-არე ქართლი“<sup>2</sup>. მუამბოხეებმა ატენის ციხე ვერ აიღეს, ზამთარიც მოახლოვდა და, ჩანს, ამიტომ ენება ბერძენთა შეღმართ (ე. ი. სწორედ ზევით! მაშასადამე, უკან, ხ. ჯ.) წასვლა“-ო. აქ ქართლის ცნებიდან თრიალეთი და მანგლისის ხევიცაა გამორიცხული, მაშასადამე, საქმე ეხება საკუთრივ ქართლს. „ზემო ქვეყანა“ მის სამხრეთითაა.

„ზემო ქუეყანა“ გულისხმობდა „შიდა“ და „ქვემო ქვეყანასაც“ და შეესაბამებოდა „ზემო“, „შიდა“ და „ქვემო ქართლს“. ეს უკანასკნელი ნომენკლატურა უფრო ხშირად იხმარებოდა, ჩანს, და ამიტომ უფრო სრულადაც არის შენახული. „ზემო ქართლისა“ და „ქვემო ქართლის“ მნიშვნელობა და ხმარების შემთხვევები უფრო ახალ დროებში კარგად არის ცნობილი და ამიტომ ჩვენ აქ მათზე აღარ შეეჩერდებით. გაკვრით ვიტყვი, რომ „შიდა (შინა) ქართლი“ ბუნებრივად გულისხმობდა „გარე ქართლს“, ისე როგორც „შიგნით კახეთს“ შეეფარდება „გარე კახეთი“. მაგრამ, თუ არ ვცდებით, „გარე ქართლი“ არსად გვხვდება. ადრევე, ჩანს, „შიდა ქართლი“ გაგებულ. იქნა როგორც „შუა ქართ-

<sup>1</sup> გეოგრ., ლომოურისა და ბერძენიშვილის გამ., 84.

<sup>2</sup> ქცხ., მარ. 260; ანას. 165--6.

ლი“<sup>1</sup>, რომლის კომპონენტებად ბუნებრივად გამოვიდნენ „ზემო ქართლი“ და „ქვემო ქართლი“.

საგანგებო დასაბუთებას არ მოითხოვს მოსაზრება, რომ ამ დაყოფას, ისევე როგორც ჩვეულებრივად სხვა ანალოგიურ შემთხვევებში, საფუძვლად დაედო მთავარი მდინარის (აქ — მტკვრის!) დენა. თვით დანაყოფთა მიჯნები ძირითადად განსაზღვრულია სახელისმდებელი საზოგადოებრივი კოლექტივის კულტურულ-პოლიტიკური ცენტრების მიხედვით, რომელნიც ამ შემთხვევაში ორიენტაციის ამოსავალ პუნქტს შეადგენენ. „შიდა ქართლი“, ე. ი. ცენტრალური ქართლი, ქართლის სამეფოს ის ნაწილია, რომლის ტერიტორიაზედაც ძვეს მისი ძველი და ახალი დედაქალაქები — მცხეთა და თბილისი (მცხეთა ამ შემთხვევაში აშკარად უპირატეს მდგომარეობაში იმყოფება).

სულ სხვა ორიენტაციისა და სხვა დაყოფის შედეგია „ზენა სოფელი“, რომელიც საშუალო საუკუნეების ქართლის ცენტრალურ პროვინციას ჰფარავს. ცხადია, რომ ამ შემთხვევაში საზოგადოებრივ-კულტურული კოლექტივის ამოსავალი საორიენტაციო პუნქტი, ე. ი., სხვა სიტყვით, მისი სახელმწიფოებრივი და კულტურული ცენტრები, მცხეთასა და თბილისზე სამხრეთით იმყოფება. თუ — სად ან რა შეადგენს ამ შემთხვევაში დაყოფის საფუძველს (იგივე მტკვარი თუ სხვა ობიექტი), ეს ცალკე საკითხია და მას ჩვენ აქ არ ვეხებით. ჩვენთვის ამჯერად საკმარისია იმისი დადგენა, რომ არც თბილისი და არც მცხეთა ამ ძველი დაყოფის ამოსავალ საორიენტაციო პუნქტებად არ გამოდგება.

მართლაც, რა მივიღეთ? საშუალო საუკუნეებში გაბატონებულ სახელწოდებას „შიდა ქართლი“ უფრო ადრინდელი ხანისათვის სცვლის „ზენა სოფელი“. რომ „ზენა სოფელი“ უფრო ძველი სახელწოდებაა, ამას მოწმობს: 1) ლეონტი მროველის პირდაპირი განცხადება („აწ“!); 2) ის ფაქტი, რომ ზენა სოფლის ხსენება ჩვენ გვხვდება მხოლოდ ძველ ძეგლებში, ხოლო ქართული ფეოდალიზმის კლასიკურ ხანაში იგი სრულიად ქრება; 3) თვით ტერმინოლოგია: „ქვეყნის“ ცნება აქ აღნიშნულია სიტყვა „სოფლით“, მაშინ როცა შემდეგში, უკვე XI საუკუნეში, მას სცვლის, როგორც ვნახეთ, უფრო ახალი ტერმინი „ქვეყანა“ („ზემო ქვე-

<sup>1</sup> ლეონტი მროველთან გვხვდება „შუა ქართლ“, ქცხ. მარ., 12, მაგრამ არ შეიძლება დარწმუნებული ვიყოთ, რომ ეს ტერმინული ტერმინია და არა აღწერილობითი გამონათქვამი.

ყანა“). რომ ამგვარ სიტყვახმარებაში ტერმინი „სოფელი“ ძველის სიძველეს მოწმობს, ეს დამაჯერებლად ნაჩვენებია აკად. ივ. ჯავახიშვილის მიერ და აშკარაა ყველასათვის, ვინც ძველქართულ მწერლობას იცნობს.—შესაძლოა ასეთივე ურთიერთობა არსებობდეს „ზენა“-სა და „ზემო“ შორისაც.—დასასრულ, სიძველის მაჩვენებელია თვით რეალური ურთიერთობა: ქვეყნის ოდინდელი უკიდურესი ნაწილის მოქცევა, მომდევნო ხანისათვის, ქვეყნის ცენტრში.

ჩვეუკვირდეთ ეხლა „ზენა სოფლის“ ფარგლებს. ჩვენ ზემოთ აღნიშნული გვექონდა, რომ ამ მხრივ ცვალებადი ჩანს პროვინციის აღმოსავლეთის საზღვარი; იგი გადის ან თბილისზე, ან არაგვის შესართავზე, ან (მიახლოებით) მდ. რეხულაზე (კასპზე). აქ გარკვეული ტენდენცია ჩანს: პროვინცია იკვეცება აღმოსავლეთიდან დასავლეთისაკენ. უეჭველია, ამ ტენდენციის განვითარება (მტკვრის დენის მიმართულებით, ეხლა უკვე სამხრეთისაკენ) იყო ისიც, რომ ბოლოს „ზენა სოფლის“ ხმარება შიდა ქართლის აღსანიშნავად ბუტანელი გახდა და ეს სახელწოდება, ახალი ტერმინებით გამოთქმული („ზემო ქუეყანა“), უკვე ძველი „ზენა სოფლის“ გარეშე, მის ზემოთ მდებარე ქვეყანას (სამხრეთ საქართველოს) მიეკუთვნა.

ცხადია, ეს ტენდენცია გამოიწვია კულტურულ-პოლიტიკური ცენტრების დამკვიდრებამ გარკვეულ რაიონში და სამეფოს ტერიტორიულმა ზრდამ გარკვეული მიმართულებით. სახელდობრ, როცა ასეთი ცენტრის როლი მცხეთას დაეკისრა, ზენა სოფლის ძველებური გაგება, რომელიც შიგ იყოლებდა მცხეთასაც, შეუფერებელი და მიუღებელი აღმოჩნდა. ამით აიხსნება, რომ „სამეფო ქალაქის“ რაიონს ასეთი დაბეჯითებით გამორიცხავენ რიგი ძველი ძეგლები „ზენა სოფლის“ ფარგლებიდან.

ხომ არ შეიძლება ვიფიქროთ, რომ ეს უკანასკნელი გაგება (ზენა სოფელი — რეხულას დასავლეთით!) არის უძველესი და რომ სათანადო წარმოდგენა შემდეგში ფართოვდება აღმოსავლეთისაკენ, ჯერ არაგვამდე, ხოლო შემდეგ თბილისამდე, ე. ი. ხომ არ შეიძლება დაუშვათ ზემოთნაგულისხმების საწინააღმდეგო ტენდენცია? მაშინ შეიძლებოდა ორიენტაციისა და სახელდების ამოსავალ პუნქტად იგივე მცხეთა მიგვეჩნია (თუმცა დაყოფის პროპორციები მაინც გამოიწვევდა ეჭვს). მაგრამ ასეთი ტენდენციის ვარაუდისათვის საქართველოს ძველი ისტორია არავითარს დასა-



ჯრდენ მასალას, შეიძლება პირდაპირ ითქვას — არც ერთ ფაქტს, არ იძლევა.

განვიხილოთ ისეთი შესაძლებელი უკუთქმაც, რომ ლეონტი მროველმა ხელოვნურად შეუფარდა „ზენა სოფლის“ ცნება თავისი ღროის ცოცხალ ცნებას „შიდა ქართლს“ და ამისათვის პირველის ფარგლები გაზიდა აღმოსავლეთისაკენ თბილისამდე, როგორც ამას მოითხოვდა ლეონტის გეოგრაფიული წარმოდგენა შიდა ქართლზე. მაგრამ ჩვენ ვნახეთ, რომ სომხური გეოგრაფიაც „ქართლის ზემო ქვეყანას“ წარმოიდგენს არა მარტო ასეთს ვრცელ ფარგლებში, არამედ კიდევ უფრო ფართოდაც — ბოლნისისხევის ჩართვით. გადავიკითხოთ კიდევ ერთხელ ეს ადგილი: მტკვარი „ჩადის სამცხეში, მოუხვევს აღმოსავლეთისაკენ და დის ქართლის ზემო ქვეყანაზე, შუაში ჰყოფს რა კანტონებს გოროთისხევს, ტუნისხევს..., და მანგლისხევს და ბოლნისისხევს ვიდრე პარუარის კანტონამდე, რომელიც გარს აკრავს ქალაქ თბილისს.“ რომ აქ სიტყვა „ვიდრე“ განსაზღვრავს „ზემო ქვეყანას“, ეს მტკიცდება არა მარტო ლოგიკურად, არამედ ტექსტუალურადაც: ამ ადგილას წყდება აღწერილობა არა ქართლისა საერთოდ, არამედ მისი ერთი ნაწილისა მხოლოდ; შემდეგ ავტორი კვლავ განაგრძობს აღწერას ქართლის კანტონებისას. ფრაზას თბილისის კანტონის შესახებ მოსდევს შემდეგი ტექსტი: „ხოლო ეს სამი პატარა ხეობა (*ქიორსკა*) სომხებისაგან არის წართმეული (ქართველების მიერ, ს. ჯ.). დიდი მდინარის მტკვრის ჩრდილოეთით-კი, თარის კანტონის პირისპირ, არგვეთის მთებია, და იმავე ხეობის (*ღაჯაოსი*) ადგილიდან დვანი, და აჩევეტისხევი, და ქორდითორიკოსხევი, ვიდრე საცხუმეთამდე, რომელიც კავკასიის ძირობაზეა, საიდანაც გამოდის მდინარე ლეხი (ცხადია, ლიახვი, ს. ჯ.), რომელიც დის რა სამხრეთისაკენ, ჩადის მტკვარში; და იქვეა (*აი ნიოქა*) ხარნისხევი ცხრასძმაიადან ვიდრე მდინარე არაგვამდე“<sup>1</sup>. ამას მოსდევს ზემოთ, თავის ადგილას მოტანილი, აღწერილობა არაგვის მიმდინარეობისა, რომელსაც კვლავ მოსდევს ქართლის აღწერა: „საიდანაც („ზენა სოფლიდან“? არაგვის შესართავიდან? მთლად ნათელი არ არის, ს. ჯ.) მტკვარი წინ დის, მიდის დედაქალაქ თბილისამდე, სტოვეებს მას პარუართან ერთად (*ღანა მთილილ შაროსაროს*) და (გასდის) წოროფორს და კოლბოფორს და ძოროფორს თანამოსახელე მდინარეებითურთ, ვიდრე

<sup>1</sup> ს უ კ რ ი, გვ. 38—39.

ქალაქ ჰნარაკერტამდე, რომელიც წართმეულია სომხებისაგან<sup>1</sup>. შემდეგ აღწერილია ამ ადგილების სამხრეთით მდებარე ჯავახეთი, თრელნი, ტაშირი, განკარქი, „ყველა წართმეული სომხებისაგან“; ხოლო ამათ ჩრდილოეთით — კანტონები ხვეთი, ხერკი, ერწო, თიანეთი, წობენორი<sup>2</sup>. აშკარაა, რომ პირველ ნაწილში (სამცხესა და თბილისს შორის) „გეოგრაფია“ აღწერს მტკვრის მიერ შუაში გაყოფილს (მტკვრის ჩრდილოეთითა და სამხრეთით მდებარე) კანტონებს ზენა სოფლისას. ამრიგად „სომხური გეოგრაფია“ ამტკიცებს რწმენას, რომ „ზენა სოფელი“ შორს ჩადიოდა სამხრეთისაკენ, შესაძლოა უფრო შორსაც, როგორც ამას საერთო ისტორიული მოსაზრებები გვაგულისხმებინებს ჩვენ პირადად და რაც, ბუნებრივია, არ არის ისტორიული მწერლობის მიერ დაქერილი.

მაგრამ, ესეც არ იყოს, ჩვენ ისიც ვნახეთ, რომ ერთმანეთისგან დამოუკიდებელი წყაროები არაგვის შესართავს და, მაშასადამე, თვით მცხეთას ზენა სოფელში გულისხმობენ. მაშასადამე, მცხეთა გამოირიცხულია, როგორც ორიენტაციის ამოსავალი პუნქტი. თბილისზე საუბარი ზედმეტია, რადგანაც იგი, როგორც ცენტრი, ბევრად ახალგაზრდაა მცხეთაზე.

ამრიგად, ჩვენი დასკვნა, ყოველივე ზემოთქმულის ნიადაგზე, შემდეგი იქნება: აღმოსავლურ-ქართული სახელმწიფოს ის დაყოფა, რომლის მიხედვითაც ფეოდალური ხანის „შიდა ქართლი“ „ზენა სოფელს“ წარმოადგენს და ეს ზენა სოფელი, ზემო ქვეყანა, სამხრეთ-აღმოსავლეთისაკენ ვრცელდება ვიდრე (ყოველ შემთხვევაში) თბილისამდე, წინ უსწრებს მცხეთის სატახტო ქალაქად გადაქცევის მომენტს. I საუკუნის დამდეგისათვის, ძვ. წელთაღრ., მცხეთა უკვე არის იბერიის (ქართლის) დედაქალაქი. ეს დადასტურებულია დოკუმენტალურად. ეროვნული ტრადიცია მცხეთაში სამეფო ტახტის გადმოტანას აღრინდელ-ელინისტური ხანით ათარილებს. ეს დაახლოებით მართალი უნდა იყოს, როგორც ჩვენ ამის შესახებ სხვაგან ვმსჯელობდით<sup>2</sup>. ამით განისაზღვრება ჩვენთვის საინტერესო ძველი ნომენკლატურის წარმოშობის terminus post quem non.

<sup>1</sup> ს უ კ რ ი, გვ. 38—39.

<sup>2</sup> ს. ჯ ა ნ ა შ ი ა, საქართველო აღრინდელი ფეოდალიზაციის გზაზე, თბ. 1937;— უძველესი ეროვნული ცნობა ქართველთა პირველსაცხოვრების შესახებ მახლობელი აღმოსავლეთის ისტორიის სინაძლეზე, ენიშკი-ს მოამბე, ტ. V—VI, 1940.

ამავე ხანაში იბერიის (ქართლის) სამეფო უთუოდ სწვდება სამხრეთისაკენ ქოროხის ხეობის ქვემო წელსა და ქანეთის (მოსხურ) მთებს, ე. ი. უკვე შეიცავს საშუალო საუკუნეების „ზემო ქართლსაც“<sup>1</sup>. ესეც მნიშვნელოვანია და ანგარიშგასაწევი: მცხეთის დედაქალაქობის ხანაში ქვეყნის დაყოფიდან გამორიცხვა ასეთი დიდი ტერიტორიისა (ბორჯომის ხეობიდან ქოროხამდე) აჯრეთვე დაუჯერებელი და შეუძლებელი გარემოებაა.

ჩვენ არ ვტოვებთ ყურადღების გარეშე იმ ფაქტსაც, რომ საშუალო საუკუნეების ნომენკლატურის „ქართლს“ („შიდა ქართლი“) ძველ ნომენკლატურაში შეესატყვისება არა ასევე კონკრეტული ქვეყნის (თუ: სახელმწიფოს) სახელი, არამედ ზოგადი ტერმინი „სოფელი“ — ქვეყანა. ეს ფაქტიც შესაძლოა შემთხვევითი არ იყოს, არამედ სათანადო პოლიტიკური ცვლილებების ერთგვარ ანარეკლს წარმოადგენდეს...

რაც შეეხება თვით ამ უძველესი ნომენკლატურის [დაცვისა და ისტორიულ მწერლობაში შესვლის გზებს, აქ ორი წყაროა საგულისხმებელი: 1. გარდმონაშთული სიტყვახმარება ცოცხალ მეტყველებაში და 2. ტრადიცია, ზეპირი თუ წერილობითი. უკანასკნელი შესაძლოა უფრო ისტორიკოსებთან და გეოგრაფებთან იყოს შენახული, პირველი კი — უფრო ჰაგიოგრაფებთან.

---

<sup>1</sup> ს. ჯ ა ნ ა შ ი ა, იბერიის (ქართლის) სამეფოს პოლიტიკური გეოგრაფიისათვის უძველეს პერიოდში. საქ. მეცნ. აკადემიის მოამბე, ტ. III, № 7, 1942.

## აფხაზთა სამეფოს ისტორიიდან

1. საკუთრივ აფხაზეთის სამოქალაქო ისტორია იწყება არიანეს მიერ აღწერილი აფშილების, აბაზგებისა და სანიგების სამთაგროებიდან, რომელნიც ადრინდელ ფეოდალურ წარმონაქმებს შეადგენენ.

2. ფეოდალური ურთიერთობის განვითარება შეადგენს საფუძველს აღნიშნული სამთაგროების შემდგომი ზრდისას, რაც ჯერ იძლევა დასავლეთ. საქართველოს გაერთიანებას ეგრისის მეთაურობით (IV ს-ის დამლევი), ხოლო VIII საუკუნის დამლევისათვის ჰეგემონიის სასწორს აფხაზთა სამთაგროსაკენ ჰხრის.

3. აფხაზთა სამთაგროს განთავისუფლება ბიზანტიის იმპერიის გავლენისაგან და აფხაზთა სამეფოდ გადაქცევა ხდება VIII საუკუნის მიწურულში.

4. მეცხრე საუკუნის დასაწყისიდან აფხაზთა სამეფო ებმება იმ პროცესში, რომელიც ობიექტურად საქართველოს გაერთიანებისაკენ იყო მიმართული, და მნიშვნელოვან როლსაც ასრულებს ამ მხრივ.

5. უკვე მეცხრე საუკუნის დამდეგიდან (თუ უფრო ადრე არა) აფხაზთა სამეფოში მწიგნობრობის, სამეფო კანცელარიისა და ეკლესიის ენა არის ქართული, რომელიც აქედან ჩრდილოეთ-კავკასიაშიაც ვრცელდება (ჩერქეზები, ალან-ოსები).

6. ქართული ენის გავრცელება დასავლეთ ჩრდილოეთ-კავკასიაში დაკავშირებული იყო ქრისტიანობის გავრცელებასთან ჩრდ. კავკასიაში აფხაზეთიდან (მაგ., ალანებში X ს-ის დამდეგს).

## ეგრისის სამეფოს წარმოშობა 1

ეგრისის ანუ, როგორც მას ბერძნები და რომაელები ეძახდნენ, ლაზიკის სამეფოს წარმოშობის საკითხი ერთს მეტად საყურადღებო გვერდს შლის ფეოდალური ურთიერთობის ისტორიიდან დასავლეთ საქართველოში. კოლხეთი, წვრილი ტომობრივი სამთავროები გარდამავალი პერიოდისა, ეგრისის სამეფო, აფხაზეთა სამეფო, საქართველოს ფეოდალური მონარქია, იმერეთის სამეფო და მისი შემადგენელი სამთავროები (გურია, სამეგრელო, აფხაზეთი და სვანეთი) — ასეთია დასავლეთ საქართველოს განვითარების ეტაპები (XIX ს. დამდეგამდის) წმინდა პოლიტიკური, — და, მაშასადამე, გარეგანი, — ისტორიის თვალსაზრისით. მაგრამ ცხადია, რომ ამ პოლიტიკური კალეიდოსკოპის მიღმა იმალება საზოგადოების შინაგანი განვითარების რთული პროცესი, რომლის მეცნიერული შეგნება სწორედ ჩვენი მთავარი ამოცანაა.

აღნიშნულ განვითარების ჯაჭვში ეგრისი (ლაზიკა) მნიშვნელოვანი რგოლია, თუნდაც იმიტომ, რომ ფეოდალური ურთიერთობის გენეზისის საკითხს დასავლეთ საქართველოში, როგორც უკვე აღნიშნული გვაქვს, სწორედ ეგრისისა და მისი წინაპრებისაკენ მივყავართ. სხვანაირად რომ ვთქვათ, ეგრისი და მისი წინამორბედი ტომობრივი წარმონაქმები წარმოადგენენ ხიდს, რომლითაც ეს ქვეყანა ძველი სამყაროდან ფეოდალურში გადავიდა უკვე საბოლოოდ.

მაგრამ, რამდენადაც საინტერესოა და მნიშვნელოვანი ამ თავისებური სოციალურ-პოლიტიკური ორგანიზმის აღნაგობა და მისი გაჩენის პირობები, იმდენადვე შეუსწავლელი და გაურკვეველია იგი. ნაწილობრივ ეს აიხსნება წყაროების სიმცირითა და სილატაკით, რაც ეხლაც ბევრ რამეს სიბნელეში სტოვებს. ზოგ რამეს კიდევ, — საკითხის სწორი დაყენებისა, ჩაკვირებული მონოგრაფიული შესწავლისა და სხვადასხვა კატეგორიის ჩვენებათა კომ-

1 მოხსენდა ტფ. სახ. უნ-ტის მახლობელი აღმოსავლეთისა და ამიერ-კავკასიის ისტორიის კათედრის საჯარო სხდომას, 1934 წ. დეკემბრის 2-ს. იბეჭდება გაფართოებული სახით.

ბინირებული გამოყენების გზით, — უთუოდ შეესძლებთ ისტორიულ-სინათლე მოვდინოთ.

ამ წერილში ჩვენ წამოყენებული საკითხის მხოლოდ ზოგიერთ მხარეს ვეხებით.

კერძოდ, — როგორ, რა პირობებში და როდის წარმოიშვა ეს საზოგადოებრივ-სახელმწიფოებრივი ერთეული?

ამ მხრივ ცნობილია<sup>1</sup>, რომ ეგრისის სამეფო წარმოადგენს შემდგომ განვითარებას ლაზების სამთავროსი, რომელმაც თანდათანობით დაიმორჩილა და დაიქვემდებარა მეზობელი, მსგავსივე წვრილი ტომური სამთავროები აფშილებისა, აბაზგებისა, სანიგებისა და კიდევ სხვათა, რომელთა შესახებაც კვემოთ იქნება საუბარი.

აღნიშნული ტომური სამთავროების თავდაპირველი და დამოუკიდებელი არსებობის შესახებ ჩვენ ერთი საყურადღებო დოკუმენტალური ცნობა მოგვეპოვება. იგი ეკუთვნის რომაელ მოხელეს არიანეს, რომელიც რომის პროვინციის, კაბადუჯიის, მმართველი (Legatus Augusti pro praetore) იყო და რომელმაც 134 წ., ახ. წ., — ალბათ თავის მთავრობის დავალებით და საინსპექციო მიზნით, — მოიარა შავი ზღვის აღმოსავლეთი სანაპირო და იმპერატორს სათანადო წერილობითი ანგარიში მიართვა. არიანეს მიერ წარმოდგენილი სურათიდან ჩანს, რომ ქალ. ტრაპეზუნტიდან მოყოლებული მდ. ბზიფის ხეობამდის (აფხაზეთში), ერთმანეთის მეზობლად, შემდეგი ტომები სახლობდნენ: სანები Σάνυαι. მაკრონები და ჰენიოხები, Μάκρωνες αλ. Ἡνιόχοι, ზულრეიტებო Ζυλρείται, ლაზები, Λαζοί, აფსილები Ἀψίλαι, აბასკები Ἀβασκοί და სანიგები, Σανίγαι<sup>2</sup>. ამ ტომთაგან საკუთრივ დასავლ. საქართველოს, ან, უფრო ზუსტად რომ ვთქვათ, გურია-სამეგრელო-აფხაზეთის ტერიტორიაზე უცხოვრიათ ლაზებს, აფსილებს, აბასკებსა და სანიგებს.

სამწუხაროდ, არიანე არაფერს გვეუბნება ამ ტომების შინაგანი მდგომარეობისა და მათი ურთიერთობის შესახებ. მაგრამ იმ ტუნწი მითითების მიხედვით, რომელიც ავტორს მოგვითხრობს სამთავროთა პოლიტიკურ ვითარებაზე, შეიძლება მაინც რამდენიმე, ზოგადი ხასიათის, დასკვნა გამოვიტანოთ.

<sup>1</sup> შეადრ. პროფ. ივ. ჯავახიშვილი, ქართველი ერის ისტორია, 1<sup>2</sup>, 159—161, 253.

<sup>2</sup> Περπλους, § 15, GGM, I, 3; SC I, 222.

არიანე, სახელდობრ, წერს: „ლაზების მეფე, βασιλεὺς, არის მალასა [თუ—მალაშა], რომელმაც თავისი ხელისუფლება, მეფობა, მიიღო შენგან [ე. ი. აღრიანე კეისრისაგან]. ლაზებს მეზობლობენ აფსილები; მათი მეფეა იულიანე, რომელმაც თავისი ხელისუფლება, მეფობა, მიიღო მამაშენისაგან [ე. ი. ტრაიანე კეისრისაგან]. აფსილების მეზობლები არიან აბასკები, რომელთა მეფეა ჰრესმაგა; ამანაც თავისი ხელისუფლება, მეფობა, შენგან მიიღო. აბასკების გვერდით სანიგებია, რომელთა ქვეყანაში მდებარეობს სევისტოპოლისი; სანიგების მეფემ სპადაგამ თავისი ხელისუფლება, მეფობა, შენგან მიიღო“<sup>1</sup>.

ჩვენ ვფიქრობთ, რომ ამ ცნობის ნიადაგზე შესაძლებელია გარკვეული დებულების წამოყენება აღწერილი პოლიტიკური წარმონაქმების შესახებ. რაკი ლაზების, აფსილების, აბასკებისა და სანიგების „მეთაურებს“ თავიანთი უფლებები რომის კეისრებისაგან ჰქონიათ მიღებული, და არა საკუთარი საზოგადოებისაგან, ცხადია, რომ ისინი ტომურ-გვაროვნული საზოგადოების ბელადებად ვერ ჩაითვლებიან და ვერც მათი საგამგეო მიიჩნევა ტომურ-გვაროვნულ ორგანიზაციად.

შემდეგ: თუ ეს „მეფეები“ გვაროვნული საზოგადოების მსახურნი კი არ არიან, არამედ უკვე პატარა „ბატონების“ როლში გვევლინებიან, აშკარაა რომ მათი ხელისუფლების დასაყრდენად საკმარისი არ იყო ის რომაული გარნიზონები, რომლებიც მხოლოდ ფაზისსა (ფოთი) და სევისტოპოლში (სოხუმი) მდგარან. ეს წვრილი მფლობელნი,— რომელნიც, უეჭველია, ადგილობრივი მკვიდრნი უნდა ყოფილიყვნენ (ამას, სხვათა შორის, მოწმობს მათი სახელებიც: მალაშა, ჰრესმაგა, სპადაგა),—ხომ რომელიღაც ადგილობრივ საზოგადოებრივ ძალებსაც უნდა დაყრდნობოდნენ. ყოველივე ეს უკვე გარკვეულს სოციალურ დიფერენციაციას გულისხმობს.

ზემოთქმულთან დაკავშირებით, უკვე შემთხვევითი არ გვეგონია ის გარემოება, რომ არიანე უწყებულ ტომთა მეთაურებს „ბასილევს“-ს, მეფეს, ეძახის, მათს ხელისუფლებას კიდეც — „ბასილეია“-ს, βασιλεία. „ბასილეია“ აქ აღნიშნავს როგორც ხელისუფლებას ზოგადად, ისე, საფიქრებელია, ამ ხელისუფლების ხასიათსაც, ამ ბერძნული სიტყვის იმ დროს გაბატონებული აზრით. რომ ეს ასეა, ამას არიანეს დოკუმენტის იმავე პარაგრაფის ერთი საყურადღე-

<sup>1</sup> იქვე.

ბო ცნობა გვიდასტურებს. შავი ზღვის სანაპიროს აღებულ მონა-  
კვეთზე მცხოვრებ ტომთაგან არიანე სპეციალურად გამოჰყოფს  
ერთს, სახელდობრ, ტრაპეზუნტიელთა უშუალო მეზობლებს სა-  
ნებს (სარწმუნოა, რომ ეს ქართველი ქანები არიან). მაშინ,  
როცა ყველა დანარჩენ ტომს მეფე, ბაზილევსი<sup>1</sup> ჰყოლია, — რომის  
კეისრებისაგან დანიშნული, — სანები სულ სხვა მდგომარეობაში  
ყოფილან: ... „ისინი, — ამბობს არიანე, — ამჟამადაც ლაშქრობის მო-  
ყვარულნი არიან, შეუთრებელი მტრები არიან ტრაპეზუნტი-  
ელებისა და გამაგრებულ ადგილებში ცხოვრობენ. ეს ხალხი უმე-  
ცოა (არ ჰყავს მეფე), ἔπιος ἀπιστοισ, ძველთაგანვე, ვალდებუ-  
ლია ხარკი უხადოს რომაელებს, მაგრამ თავისი ყაჩაღობის წყალო-  
ბით არაწესიერად იხდის გადასახადებს. მაგრამ ეხლა, ლეთით, წეს-  
რიგის გზას დაადგება, თუ არა და — გადავრეკავთ აქაურობიდან“<sup>11</sup>.

შეუძლებელია და დაუჯერებელი, რომ სანებს ამ დროს ტო-  
მის მეთაურები, ბელადები, არ ჰყოლოდათ. ხუთი საუკუნით ად-  
რე, ტრაპეზუნტისავე ოლქში და იქნებ სწორედ ამ სანების წინა-  
პრებში (მოსინიკებში) ქსენოფონტემ ნახა და აღწერა მსგავსი ბე-  
ლადები. ქსენოფონტემ მათი აღნიშვნისათვის იგივე ტერმინი „ბაზი-  
ლევსი“ იხმარა (lib. V, c. 4, § 26), მაგრამ ცხადია, რომ ამ სიტყვას.  
არ შეიძლებოდა მთლად ერთიდაიგივე აზრი და ფუნქცია ჰქონო-  
და ესოდენ დიდი დროით ერთმანეთისაგან დაშორებული მწერლე-  
ბისათვის. თუ მოვიგონებთ იმასაც, რომ კარგა ხნის შემდეგაც.  
მაგ., მეექვსე ს-ში, ახ. წ., სანებს-ქანებს ჯერ კიდევ არ ჰქონდათ  
შეძენილი ეს „სიკეთე“ — მეფის ხელისუფლება, მაშინ მით უფრო  
ბუნებრივი და გასაგები გვეჩვენება ის ფაქტი, რომ არიანეს დროს  
(II ს.) სანები, ერთი მხრით, ხოლო, მეორე მხრით, ლაზები, აფ-  
სილები, აბასკები და სხვები განვითარების სხვადასხვა საფეხურ-  
ზე იდგნენ.

არიანეს მიერ დასახელებული პოლიტიკური წარმონაქმების  
შემდგომი დახასიათებისათვის მნიშვნელოვანი იქნებოდა მათი წარ-  
მოშობის დროისა და პირობების გარკვევა. უნდა ჩამოყალიბებუ-  
ლიყვნენ ისინი, ყოველ შემთხვევაში, არა უგვიანეს პირველი სა-  
უკუნის მეორე ნახევრისა, ახ. წ. ამ მხრივ მაჩვენებელია არიანეს  
ადრიანესადმი მიმართული განცხადება, — აფსილების მეფეს ხელის-  
უფლება მამაშენისგან აქვს მიღებულიო. აქ, რათქმაუნდა,  
იგულისხმება წინა მეფობა ტრაიანე კეისრისა (98—117). — ტრაი-  
ანე ნათესავი და მამობილი იყო ადრიანესი. სხვა სამთავროებიც

<sup>1</sup> იქვე.



რომელნიც გარშემო ერტყნენ აფსილებისას, ამ უკანასკნელზე უფრო ახალგაზრდა არ უნდა ყოფილიყვნენ.

კერძოდ, ლაზთა სამთავროს შესახებ იბადება ეჭვი, ხომ არა აქვს მას ფესვები გადგმული ძველი კოლხეთის იმ ვითარებაში, რომელიც სტრაბონს (თუ მის ერთერთ წყაროს) აქვს აღწერილი. სახელდობრ, სტრაბონი გვიამბობს: მედეას მამის, აეტის, შემდგომად „მომდევნო მეფეებს, რომელნიც „სკეპტუხიებად“ დაყოფილ ქვეყანას ფლობდნენ, უკვე ისეთი ძალა აღარა ჰქონდათ“-ო (lib. XI, c. II, § 18). თითქოს უეჭველი უნდა იყოს, რომ აეტორი რაღაც შინაგან მიზეზს ხედავს კოლხეთის მეფეების დასუსტებასა და მათი ქვეყნის დაყოფას შორის. თუ ეს ასეა, მაშინ „სკეპტუხიებად დაყოფა“ ნიშნავს არა ჩვეულებრივს ადმინისტრაციულ დანაწილებას (ასეთი დანაწილება არ შეიძლებოდა გამხდარიყო მეფეთა დასუსტების მიზეზი), არამედ მოასწავებს ცენტრალური ხელისუფლების დაქუცმაცებასა და დაქსაქსევას, გარკვეული სახის დეცენტრალიზაციას. მართლაც, როგორც ეს სხვაგან იქნება უფრო დაწვრილებით ნაჩვენები, „სკეპტუხია“, აღებული ხანის ბერძნულ ცნობებში კავკასიის შესახებ, აღნიშნავს სატომო ორგანიზაციის დაქსაქსევას. სტრაბონის ცნობა, მაშასადამე, მიგვითითებს კოლხეთის დანაწილებაზე ცალკეულ ტომურ ორგანიზაციებად (დასავლეთი საქართველო ყოველთვის მრავალტომიანი ქვეყანა იყო). ურთიერთობაც ამ ტომებს შორის ცვალებადი იყო. ძველი კოლხეთის, როგორც მრავალტომიანობის, ისე ტომური ორგანიზაციისა და ტომთა ურთიერთდამოკიდებულებისათვის დამახასიათებელია სტრაბონის „გეოგრაფიის“ ცნობა სვანების შესახებ (lib. XI, c. II, § 19): სვანები თითქმის პირველნი არიან აქაურ ტომთა შორის „ძალითა და სიძლიერით. ყოველ შემთხვევაში ისინი გაბატონებული არიან მეზობლებზე“. სვანების იმდროინდელი სოციალური წყობილება ჩვენ სხვაგან გვაქვს დახასიათებული<sup>1</sup>. ამდენადვე, უფლება გვაქვს ვიფიქროთ, რომ არიანესდროინდელი ზოგიერთი სამთავრო წარმოადგენს უწყებული სკეპტუხიების შემდგომ განვითარებას.

ნათქვამის შემდეგ შეგვიძლია კიდევ ერთი, ჩვენთვის მნიშვნელოვანი, დასკვნა გავაკეთოთ: დას. საქართველოს ტერიტორიაზე ოთხი სამთავროს არსებობა II ს. დამდეგს არის არა გა-

<sup>1</sup> ს. ჯანაშია, გეოგრაფიული წყობილება ქართველ ტომებში, ტფ., 1732 წ., გვ. 27, შემდ.

რეჟე ძალის მიერ თავზე მოხვეული, რომაული პრინციპის — „დაპყავი და იბატონე“! — პრაქტიკული განხორციელების შედეგად მიღებული მდგომარეობა, როგორც ფიქრობს პროფ. ივ. ჯავახიშვილი<sup>1</sup>, არამედ ნაყოფია ამ ქვეყნის საკუთარი, შინაგანი განვითარებისა. ასეთი პოლიტიკა დას. საქართველოში ფაქტიურად ზედმეტიც უნდა ყოფილიყო რომაელებისათვის. რომაელებმა დას. საქართველო ხელთ ჩაიგდეს, როგორც სხვისი (მითრიდატ პონტოელის) საბრძანებლის ერთი ნაწილი, დასუსტებული, პოლიტიკურ მთლიანობასა და დამოუკიდებელ სახეს მოკლებული. ამ დაპყრობის შემდეგაც კოლხეთი რომის სხვა პროვინციებთან, მაგ., ბოსფორთან, ერთს აღმინისტრაციულ ფარგლებში გაერთიანებული ჩანს. ამრიგად, არიანეს მიერ აღწერილი მდგომარეობის ხელოვნურად შექმნას რომის მთავრობისათვის აზრი არ ჰქონდა.

მაშასადამე, ვიმეორებთ, ეს მდგომარეობა უნდა მიჩნეულ იქნას რომელიღაც ადგილობრივი საზოგადოებრივი ძალების თვითორგანიზაციის, შეკრებისა და გაერთიანების, შედეგად. ცხადია, ეს ინტეგრაცია, ძველ წესწყობილებასთან შედარებით, ახალ საფუძველზე ხდება. რაკი ზემოთ გავარკვეით, რომ არიანეს მიერ დახასიათებული, დას. საქართველოს სამთავროები უკვე ტომურ-გვაროვნულ ორგანიზაციებს კი არ წარმოადგენენ, არამედ გარკვეული, თუმცა პრიმიტიული, სოციალური დიფერენციაციის ნიადაგზე არიან აღმოცენებულნი. ამიტომ ეხლა საკითხი თვით ამ დიფერენციაციის ხასიათის შესახებ დგება. სხვანაირად რომ ვთქვათ, ამ ახალი საზოგადოების შინაგანი სტრუქტურაა გასარკვევი.

ამ საკითხზე სავესებით დამაკმაყოფილებელი პასუხის გაცემა შეუძლებელია, წყაროების არაჩვეულებრივი სიმციროს გამო. ზოგიერთი ნიშანი და რეტროსპექტული თვალსაზრისი ჩვენ მხოლოდ შემდეგი საერთო დასკვნის გაკეთების საშუალებას გვაძლევს. უეჭველია, რომ გვაროვნული წყობილების ნაშთები ამ დროს ჯერ კიდევ უაღრესი სიძლიერითაა გამოხატული. მათს მოქმედებას ჩვენ ბევრად უფრო მერმინდელ ხანაშიაც დიდი ანგარიში უნდა გავუწიოთ. ასევე ცხადია, რომ პირველყოფილ მონობასაც თავისი გარკვეული წონა აქვს საზოგადოებრივ-ეკონომიურ ურთიერთობაში, იგი შემდეგშიაც იჩენს თავს, უფრო გაძლიერებული სახითაც ზოგჯერ, ჩვეულებრივად კი საკმაოდ რთულს, წინააღმდეგობრივსა და კომბინაციურ დამოკიდებულებაში წარმოების სხვა წესებთან.

<sup>1</sup> პროფ. ივ. ჯავახიშვილი, ქართველ ერის ისტორია, I<sup>2</sup>, 160—1.

აღნიშნული ელემენტების გვერდით ჩვენ ფეოდალური ურთიერთობის ჩანასახსაც ვგულისხმობთ და, სხვებთან შეპირისპირებით, მის შედარებითს უპირატესობასაც ვვარაუდობთ. აღნიშნული მთავრების ხელისუფლებაც აღრინდელ-ფეოდალური დიფერენციაციის ნიადაგზე წარმოშობილად მიგვაჩნია. თვით მთავრები სათანადო ტრანსფორმაციაქმნილ, ძველ ტომის ბელადებად გვყავს წარმოდგენილი, რომელთაც, თავიანთი საზოგადოების განვითარების გარკვეულ საფეხურზე, უზურპაცია უყვეს მათთვის ჩაბარებულ უფლებებს და თემის დელეგირებული „მსახურებიდან თემისავე ბატონებად იქცნენ“. თავისთავად ცხადია, რომ ეს ფეოდალური წყობა ამ დროს ჯერ სავსებით პრიმიტიული ფორმისაა და მის საბოლოო გამარჯვებამდე, აღებულ ქვეყანაში, კიდევ გრძელი და ძნელი გზა ძევს. იგი მხოლოდ, სხვა ელემენტებთან შედარებით, ბევრად უფრო მეტს სასიცოცხლო უნარს იჩენს და უფრო სწრაფადაც იზრდება.

სწორედ ამ აღრინდელ-ფეოდალური ურთიერთობის ზრდისა და გაძლიერების ნაყოფად მიგვაჩნია ჩვენ ეგრისის (ლაზიკის) სამეფოს ჩამოყალიბება. იმ (ამ შემთხვევაში — ლაზების) სამთავრომ, რომელშიაც ფეოდალურ წესს განვითარების უფრო ფართო გასაქანი ჰქონდა და ამის გამო, სხვებთან შედარებით, უფრო ადრე დაჰბაჟდა, თანდათან მოახერხა დანარჩენ ტომთა სამთავროების დამორჩილება. როდის უნდა მომხდარიყო ეს ამბავი?

ამის შესახებ ჩვენ მხოლოდ ერთი, თუმცა არაპირდაპირი, მაგრამ, მიუხედავად ამისა, უალრესად საყურადღებო ცნობა მოგვეპოვება ბერძნულ საისტორიო მწერლობაში. ეს ცნობა შემატიანე მენანდრეს<sup>1</sup> ეკუთვნის.

როცა დიდი ომების დამთავრების შემდეგ ეგრისში (VI ს.) ირანელები და რომაელები საზავო პირობების გაფორმებისათვის ზრუნავდნენ (562 წ.), დიდი დავა გამოიწვია სვანეთის საკითხმა: ირანელები ამ მხარეს თავისად სთვლიდნენ, რომაელებიც მას არ სთმობდნენ. რომაელების ელჩმა პეტრემ მაშინ მთავარ არგუმენტად ასეთი მოსაზრება წამოაყენა: პეტრემ სთქვაო, — მოგვითხრობს მენანდრე, — მე შენ ეხლავე დაგიმტკიცებ მთელ ქვეშა-

<sup>1</sup> მენანდრე VI ს. მეორე ნახევრის პირია. ისტორიულ მწერლობას ხელი მაჰყო მხოლოდ მაგრიკეს გამეფების შემდეგ (582). მისი წყაროები გაურკვეველია. ირანული ამბებისათვის იქნებ სარგებლობდა თეოფანე ბიზანტიელი (ფოტის ცნობით, თეოფანე ბიზანტიელი წერდა 556—581 წ. წ. შესახებ). K. Krumbacher, Geschichte der byzantinischen Litteratur, München, 1897, S. 243—244.

რიტებას, თუ როგორ იყო ეს ყველაფერი მოწყობილი ლაზებშიოსვანეთის მთავარი (ჩეყდას) ლაზს ემორჩილებოდა და შეტანილი იყო მის სახარკო დავთარში. მეფე იღებდა მისგან ფუტკარის ნაყოფს, ტყავებსა და სხვა მსგავს საგნებს. როცა სვანების მთავარი გარდაიცვლებოდა, ლაზების მფლობელი აირჩევედა გარდაცვლილის მემკვიდრეს და რომაელთა კეისარს შეატყობინებდა მომხდარის შესახებ. კეისარი უპასუხებდა წერილობით და უბრძანებდა გადაეცა, ვისთვისაც სურდა, სვანეთის უმაღლესი ხელისუფლების ნიშნები, ოლონდ სვანი კი ყოფილიყო იგი. ასეთი ჩვეულება დამყარდა ჩვენი მეფის თეოდოსის დროიდან და გრძელდებოდა პაპა თქვენის [პეტრე ესაუბრება თვით ირანის შაჰს] პეროზისა და ჩვენი მეფის ლეონის დრომდის. შემდეგ პეტრემ ქლამიდის ქვეშ გამოიღო წიგნი, რომელშიაც ეწერა, გვერდისგვერდ და ცალ-ცალკე, იმ ლაზთა მეფეების სახელები, რომელნიც აწესებენ სვანთა მთავრებს. წიგნის შინაარსი, თუმც სხვა სიტყვებით გადმოცემული, ასეთი იყო: „ესენი არიან ლაზთა მეფენი, რომელნიც აწესებდნენ (აღგენდნენ) სვანთა მთავრებს იმ დროიდან, როცა რომის მართავდა თეოდოსი, ხოლო სპარსეთს ბაჰრამი და იმ დრომდის, როცა კეისრად იყო ლეონი, ხოლო შაჰად — პეროზი“. როცა ეს წაიკითხა, პეტრემ სთქვა: ამ თხრობიდან ჩვენ ვიცნობთ ლაზთა მეფეებს ჩვენს დრომდის და მათს ხელქვეით მყოფს სვანთა მთავრებსაო<sup>1</sup>.

აქ მოხსენებული ისტორიული პირების ვინაობა კარგად ირკვევა; ისინი არიან: პირველი რიგისა — კეისარი თეოდოსი I (379—395 წ. წ.) და შაჰი ბაჰრამ IV (388—399 წ. წ.), ხოლო მეორე რიგისა — კეისარი ლეონ I (457—474 წ. წ.) და შაჰი ფეროზი (459—483 წ. წ.). სათანადო სინქრონისტული ანგარიშის საფუძველზე უნდა მივიღოთ, რომ სვანეთის მთავრის დამოკიდებულება ლაზთა მეფისაგან დამყარებულა 388—395 წლებში და გაგრძელებულა 459—474 წლებამდის.

ეს ქრონოლოგიური დასკვნა თავის დასაყრდენსა და ისტორიულ ახსნას პოვებს ყოველივე იმაში, რაც ჩვენ ვიცით აღმოსავლეთ რომის იმპერიის მდგომარეობის შესახებ, აღნიშნულ პერიოდებში. ხომ ექვს გარეშეა რომ, თუ აღნიშნული წერილი ტომური სამთავრო-

<sup>1</sup> მენანდრე, ფრაგმ. XI, Dind., 26—31, განაკუთრ., 30—31.

ების აღმოცენება რომის მთავრობის სურვილის გარეშე მოხდა, შემდგომი გამსხვილება ადგილობრივი ძალებისა, რაც ეგრისის სამეფოს წარმოქმნაში გამოიხატა, მით უმეტეს არასასურველი უნდა ყოფილიყო კეისრისათვის. ასეთ რამეს ისინი შეიძლებოდა მხოლოდ უნებლიედ დასთანხმებოდნენ, გარკვეულ გარემოებათა იძულების გამო, როცა ფაქტურად მათ არც შეეძლოთ ხელი შეეშალათ ასეთი პროცესისათვის. კონსტანტინოპოლის მთავრობას მხოლოდ ის უნდა ეცადნა, რომ მისთვის მაქსიმალურად სასურველი ფორმა და მიმართულება მიეცა ამბების მსგეღლობისათვის, რომ, გარეგნული კეთილგანწყობილების შემწობითა და ერთგვარი დათმობის საშუალებით გაძლიერებული ლაზტა მეფისა და მისი პრეტენზიების მიმართ, ნაწილობრივ მაინც შეენარჩუნებინა ამ მნიშვნელოვანი ქვეყნის დამოკიდებულება იმპერიისაგან.

სწორედ ასეთი დრო უდგება რომის იმპერიას აღმოსავლეთის საზღვრებზე IV ს. სამოციანი წლებიდან. მრავალსაუკუნოვანი ბრძოლა რომსა და ირანს შორის, მიუხედავად სამხედრო და პოლიტიკური წარმატების ხშირი ცვალებადობისა, ჯერ კიდევ III ს. მიწურულებში რომის სასარგებლოდ ხრიდა გამარჯვების სასწორს. მაგრამ მომდევნო საუკუნეში უკვე აშკარა ხდება, რომ უპირატესობა თანდათან სასანიანთა ირანის მხარეზე გადადის. სასანიდები ნელინელ აკლიან ხელიდან რომაელებს მათს პოზიციებს. კერძოდ ამიერ-კავკასიაში. სასანიდები თავიანთ გავლენას ყველაზე ადრე, გასაგები ბუნებრივი პირობების მიხედვით, ჯერ არმენიასა და ალბანეთზე (თანამედროვე საბჭოთა აზერბაიჯანზე), ხოლო შემდეგ ქართლზე ავრცელებენ. რომაელები მძიმედ, მაგრამ მაინც შეუჩერებლად, უკან იხევენ. აქ, ამიერ-კავკასიაში, ყველაზე ადვილად რომაელებს ფეხის მოკიდება, რათქმაუნდა, დასავლეთ საქართველოში შეეძლოთ. მართლაც, VI ს. სამოციანი წლების დამდეგს ეს მხარე ჯერ კიდევ რომაელების მოხარკე ჩანს. ამიანე მარკელინე მოგვითხრობს: „[362 წელს, იულიანე კეისართან] ყოველი მსრიდან მოდიოდნენ ელჩები, ჩვეულებრივზე უფრო სწრაფად: ერთი მხრით — ტიგროსისგაღმელი ხალხებისა და სომხებისაგან, რომელნიც ზავს ემუდარებოდნენ... ჩრდილოეთიდან და იმ შორეული ქვეყნებიდან, სადაც ზღვას ერთვის მდ. ფაზისი, ბოსფორელებისა და სხვა, მანამდის უცნობი ხალხებისაგან, რომელთაც მოეგზავნათ ელჩები თხოვნით: მიეცათ მათთვის ნება მშვიდობიანად ეცხოვრათ მშობლიური ქვეყნების ფარგლებში, ყოველწლიური ჩვეულებრივი ხარკის გადახდით“ (lib. XXII,

cap. 7, § 10). მაგრამ მდგომარეობის შემდგომი გაუარესება აღმოსავლეთის ფრონტზე, ცხადია, თავის გავლენას ახდენდა დასავლეთ საქართველოს ვითარებაზედაც. ხოლო აზიაში საქმე სულ უფრო და უფრო ფუქტდებოდა: თუ, თავდაპირველად, აქ მდგომარეობა იმდენად საეჭვო იყო, რომ საჭირო ხდებოდა არაჩვეულებრივ ღონისძიებათა განხორციელება არსებული პირობების შესაწარმუნებლად, შემდეგ უკვე ირანის მოზღვავებულ ძალთა შეჩერება შეუძლებელი აღმოჩნდა. იგივე ამ. მარკელინე 361 წლის შესახებ, მაგ., გვიამბობს: „სპარსეთის მეფე გაქირვებით უკუგდებულ იქნა, ზამთრის შეუფერებელი პირობების წყალობით, მაგრამ რადგანაც ეშინოდათ, რომ იგი, წელიწადის უფრო ხელსაყრელი დროის დადგომისთანავე, მეტი სიძლიერით მოიტანდა იერიშს, ამიტომ ტიგროსის გაღმა მყოფ მეფეებსა და სატრაპებს გაუგზავნეს ელჩები მდიდარი საჩუქრებით იმისათვის, რათა შეგონებით გადმოებირებინათ ისინი ჩვენს [ე. ი. რომაელების] მხარეზე და რათა მათ არ განეზრახათ არავითარი მოტყუება ან ვერაგობა. ყოვლის უწინარეს მაინც ცდილობდნენ მოესყიდათ ბრწყინვალე სამოსლებითა და მრავალნაირი საჩუქრებით არსაკი და მერიბანი, არმენიისა და იბერიის მეფეები, რადგანაც მათ შეეძლოთ რომაელთა საქმისათვის ევნოთ, მაშინდელს საეჭვო გარემოებაში რომ სპარსელების მხარეს გადასულიყვნენ“ (lib. XXI, cap. 6, § 7). რომაელთა საქმეების შემდგომი, ფრიად თვალსაჩინო, გაუარესებისათვის აქ მხოლოდ რამდენიმე წელიწადი იყო საჭირო. კარგად ცნობილია, რომ 368 წ. რომაელები იძულებული შეიქნენ პირველად ელიარებიანათ ირანელებს ერთგვარი უფლებები ქართლზე და დაეთმოთ მათთვის ამ ქვეყნის ერთი, აღმოსავლეთი, ნახევარი. სომხეთში რომაული გავლენა განადგურებული იყო იობიანეს მიერ 365 წ. დაღებული სამარცხვინო ზავის შემდეგ. სომხეთის მეფე არშაკი, მომღევნო წლებში, ტყვედ წაიყვანეს ირანელებმა და მოჰკლეს. არშაკის შვილი, რომელმაც ორიოდე დღის განმავლობაში ფარულად იმეფა თავის სამშობლოში, ბოლოს მაინც იძულებული იყო გაქცეოდა ირანელებს და თავი შეეფარებინა იმ მთების ხეობებში, რომლებიც მიჯნავენ რომაელთა სამფლობელოსა და ლაზების ქვეყანას. აქ ლტოლვილნი ხუთ თვეს იმალებოდნენ უღრან ტყეებსა და გაუვალ ხევ-ხუვებში (ამ. მარკ., lib. XXVII, cap. 12, § 1). მტერმა მაინც დაიპყრო მნიშვნელოვანი ციხე-სიმაგრეები, აიღო დედა-ქალაქიც და ქვრივ დედოფალთან

ერთად ხელთ იგდო სამეფო საგანძურებიც. ირანელთა გაბოროტების მაჩვენებელია, რომ ისინი სჩებავდნენ თურმე ხეხილის ბალებს (იქვე, § 12). მალე მოკლულ იქნა სომხეთის ეს უიღბლო მეფეც. ხოლო სწორედ იმ თეოდოსის მეფობაში, რომელსაც ასახელებს მენანდრე, რომაელების მდგომარეობა სომხეთში უკვე კატასტროფულ სახეს იღებს. უზურპატორ ევგენისთან ბრძოლის გამო თეოდოსი სრულიად სამხედრო ძალების გარეშე, გაშიშვლებულსა და დაუფარავს, სტოვებს აღმოსავლეთის პროვინციებს, რომლებსაც ეხლა, კასპიის კარებით შემოჭრილი ჰუნები ესევიან. ცხადია, სასანიანი შაჰებისათვის ეს ხელსაყრელი დრო იყო. და, მართლაც, 387 წ. თეოდოსი ჰკრავს მათთან ზავს, რომლის პირობებითაც სომხეთი გაიყო ამ ორ სახელმწიფოს შორის. რომ აღეგებს ერგოთ მხოლოდ ერთი მეხუთედი. ყოველივე დანარჩენი საბოლოოდ გადავიდა ირანის ხელში (გელცერი).

ეხლა გასაგებია, რომ თეოდოსის მეფობა და განსაკუთრებით კი ოთხმოციან-ოთხმოცდაათიანი წლების მიჯნა სავსებით შესაფერისი დრო იყო იმისათვის, რომ გაძლიერებულ ლაზთა მეფეს თავისი პოლიტიკურ-ტერიტორიული ექსპანსიის დადასტურება მოეთხოვნა კეისრისაგან. ეს უკანასკნელი იმითაც კმაყოფილი იქნებოდა, თუ ლაზების მეფე იმპერატორის ფორმალურ ვასალობაზე მაინც არ იტყოდა უარს.

ალბათ დაახლოებით იმავე ხანებში უცნიათ ლაზთა მეფის სიუზერენიტეტი სხვა ტომებსაც — აფსილებს თუ აფშილებს, აბასკებს, სანიგებს და სხვებსაც. მეხუთე საუკუნის დამდეგისათვის უკვე ჩამოყალიბებულია, როგორც ჩანს, ეგრისის სამეფოს ის სტრუქტურა, რომელიც აგრეთვე ნიშანდობლივი და დამახასიათებელია: ლაზები რომაელთა ქვეშევრდომებად ითვლებიან, მაგრამ არც ხარკს იხდიან, არც სხვა რამეში ემორჩილებიან მათ; ერთად-ერთი მათი მოვალეობაა დაიცვან თავიანთი ქვეყნის ჩრდილოეთი საზღვარი, რათა ჰუნები და სხვა ნომადები ამგზით არ შეიჭრან რომაელთა ტერიტორიაზე; როცა ლაზების მეფე კვდება, კეისარი მის მემკვიდრეს, რომელმაც სამეფო ტახტი უნდა მიიღოს (წესისა და ადათის მიხედვით), უგზავნის ხელისუფლების ნიშნებს (შეად. აგათია, III, 14 და III, 15); ლაზების მიწაწყალზე რომაელთა ჯარები არ დგას — ისინი აქ მხოლოდ VI ს. ოციანი წლებიდან ჩნდებიან (პროკოპი კესარიელი, B. P., II, 15). მაშასადამე, ლაზების მეფე კეისრის ვასალია, რომელსაც თავის

სიუზერენის წინაშე მხოლოდ სამხედრო სა-  
სახური აწევს მოვალეობად. ლაზების მეფის  
თავისი ვასალებიც ჰყავს (შეადრ. აგათია, III,  
9). მაგ., აბაზგები, რომელნიც „ძველთაგანვე ლაზების ქვეშევრ-  
დომები იყვნენ, თუ მცა ყოველთვის ჰყავდათ თავ-  
ვისი მკვიდრი ორი მთავარი“ (პროკოპი, B. G.,  
VIII, 3).

ლაზების ქვეშევრდომნი არიან აგრეთვე აფსილები (იქვე,  
VIII, 2); სამწუხაროდ, მათი პოლიტიკური ორგანიზაციის შესახებ  
არაფერი ვიცით. აფსილების მსგავსად მისიმიანებიც (მოსახლეობ-  
დნენ მდ. კოდორის ზემოთა ხეობაში) კოლხთა, ე. ი. ლაზთა, მე-  
ფის ქვეშევრდომნი არიან, მაგრამ ისინი თავისებურ ენას ლაპა-  
რაკობენ და საკუთარ კანონებსაც მისდევენ [ე. ი. გარკვეული ავტო-  
ნომიით სარგებლობენ] (აგათია, III, 15 და 16). ლაზების ქვეშევ-  
რდომი იყო სკუმიაც (თანამედროვე ლეჩხუმი<sup>1</sup>), სვანეთთან ერთად.  
ამ ტომებს თავისი მკვიდრი მთავრები ჰყავთ,  
რომელთა გარდაცვალების შემდეგ ახალს ლა-  
ზთა მეფე ნიშნავს (B. G. VIII, 2 და 46). უფრო სრული  
ცნობა სვანების ეგრისისაგან დამოკიდებულების შესახებ ზემოთ  
იყო მოთავსებული.

ყოველივე ზემოთაღნიშნული საფუძველს აძლევდა აგათია  
მემატიანეს ეთქვა ლაზების შესახებ, რომ ისინი ძლიერი და  
მამაცი ტომია, რომელიც სხვა ძლიერ ტომებ-  
ზე დაც ბატონობს. ისინი ამაყობენ კოლხების ძველი სა-  
ხელით და ზომამზე მეტად მოაქვთ თავი, შესაძლოა, არც თუ უსა-  
ფუძელოდო (III, 5).

თუ როგორი იყო იმ ვალდებულების ხასიათი, რომელიც აღ-  
ნიშნულ მთავრებს დაკისრებული ჰქონდათ ეგრისის მეფის წინაშე,  
ამის შესახებ პირდაპირი ცნობები შენახული არ არის საკმაოდ რაო-  
დენობით. სვანთა მთავრის ვალდებულებების შესახებ ზემოთ იყო  
გადმოცემული სათანადო ცნობა. მაგრამ, ჩვენი აზრით, არც ისაა  
სრული: იქ სვანების ნატურალური ხარკია მხოლოდ აღნიშნული,  
მაშინ როდესაც ჩვენ უეჭველად მიგვაჩნია, რომ ამ ტომთა მფლო-  
ბელების მთავარი მოვალეობა ეგრისის მეფის  
წინაშე სამხედრო სამსახურში მდგომარე-  
ობდა. ყველა დასახლებული ტომი ხომ ეგრისის სწორედ იმ ჩრდი-

<sup>1</sup> ჩვენ დამაჯერებლად მიგვაჩნია პროფ. ს. ყაუხჩიშვილის მოსაზრება,  
რომ „სკუმია“ ფორმა „ლე-ჩხუმის“ ბერძნული გადმოცემაა (გეორგიკა, II, 96, შენ.).



ლოეთ საზღვარზე მოსახლეობდა, რომლის დაცვაც შეადგენდა თვით ეგრისის მეფის ძირითადსა და ერთადერთს მოვალეობას კონსტანტინოპოლის იმპერატორის წინაშე. ამ მოვალეობას ეგრისის მეფე ვერ შეასრულებდა, თუ თავისი ყმებისაგან არ მოითხოვდა იმასვე. რასაც მისგან მისი სიუზერენი მოითხოვდა, ე. ი. სამხედრო სამსახურს. მთელი აღნიშნული ურთიერთობა კი, — თუმცა იგი ზედნაშენის კატეგორიისაა და, მის მიხედვით დასკვნების გამოყვანილს, სათანადო სიფრთხილეს საჭიროებს, — სხვა ნიშნებთან ერთად<sup>1</sup>, უფლებას გვაძლევს მეტი კატეგორიულობით ვილაპარაკოთ აღებული ქვეყნის ერთგვარი ფეოდალური ხასიათის შესახებ.

გარკვეული სინათლე ეფინება იმ საკითხსაც, თუ რატომ ერგო წილად დასავლეთ საქართველოს აღრინდელ-ფეოდალურ ძალთა გაერთიანების ჰეგემონია სწორედ ლაზთა სამთავროს. ეს აშკარად აიხსნება იმ გარემოებით, რომ აღებულ ხანაში, ყველა უწყებულ ტომური სამთავროდან სწორედ ლაზების სამთავროს ჰქონდა საუკეთესო პირობები აღნიშნული საზოგადოებრივ-ეკონომიური ურთიერთობის განვითარებისათვის. აი, რას გვიამბობს ამის შესახებ იგივე აგათია, VI ს. დამლევის ბიზანტიელი მწერალი: „იმ ტომებს შორის, რომლებიც სხვა სახელმწიფოს ექვემდებარებიან, მე არ მეგულება არც ერთი სხვა, ეს ოდენ სახელგანთქმული და მორკმული, როგორც თავისი სიმდიდრის სიუხვით, ისე ქვეშევრდომთა სიმრავლით. როგორც მიწა წყლის სიჭარბითა და მოსავლიანობით, ისე ხასიათის სილამაზითა და სიციქვით [წინა ფრაზაში პირდაპირ დასახელებულია, რომ ავტორი ლაპარაკობს ლაზების ანუ კოლხების შესახებ. ს. ჯ.]. იმ დროს, როდესაც წინანდელ მცხოვრებლებს ამ მხარისას სრულიად არ სცოდნიათ ზღვის დადებითი თვისებები, წარმოიდგინეთ — მათ არც კი გაეგონათ ხომალდის სახელი მანამდე, სანამ მათთან არგოს ნავი მივიდოდა, ეხლანდელი მცხოვრებლები და ცურავენ კიდევც [ნაევით], რამდენადაც შესაძლებელია, და ვაქრობაში იაცნახულობენ დიდ სარგებლობას. ისინი უკვე არც ბარბაროსები არიან, არც ბარბაროსულ ცხოვრებას ეწევიან, არამედ, რომაელებთან კავშირის წყალობით, თავიანთი ცხოვრე-

<sup>1</sup> ამ ნიშნების შესახებ იხ. ჩვენი „საქართველო აღრინდელ ფეოდალურ ხანაში“ და „ფეოდალური რევოლუცია საქართველოში“.

ბისათვის სახელმწიფოებრივი და კანონითი სახე მიუციათ<sup>1</sup>. ცოტა უფრო მკაცრად მსჯელობს აგათიას წინამორბედი, მეორე ბიზანტიელი მემატიანე, პროკოპი კესარიელი, მაგრამ მასაც, ბოლოსდაბოლოს, იგივე დებულება აქვს განვითარებულთ. სახელდობრ, თუ ლაზიკას, მთლიანად აღებულს თავისი ვასალების ტერიტორიით, პროკოპი აშკარად ღარიბ ქვეყნად სთვლის და ამბობს, „ლაზიკეში არსად არ არის მარილი, არც ხორბლეული მოდის, არც ღვინო, არც რამ სიკეთეა“<sup>2</sup>, — რაც, უეჭველია, ერთგვარი გაზვიადება უნდა იყოს<sup>3</sup>, ეგრისის ერთი, ცენტრალური, რაიონის შესახებ იგივე პროკოპი სულ სხვა ცნობას გვაწვდის: „მოხირისი ერთი დღის სავალ გზაზეა [დაახლ. 30—35 კილომ.] დაშორებული არქეოპოლისს ვე [ე. ი. თანამედროვე ნოქალაქევს, მარტვილის რაიონში] და შეიცავს მრავალს, მჭიდროდ დასახლებულ, სოფელს. კოლხიდის მიწაწყალზე ის საუკეთესო მხარეს წარმოადგენს: ღვინოც კარგი მოდის და სხვა ნაყოფნიც იქ კარგად ხარობენ. თუმცა ლაზიკის სხვა ადგილებზე არ შეიძლება იგივე ითქვას“. შემდეგ ავტორი ამბობს რომ ამ მხარეს ჩამოუღის მდინარე რიონი, რომლის ნაპირზე აშენებულს უძველეს ციხე-ქალაქს ლაზები ქუთათისს უწოდებენ. იქვე, კიდევ ერთხელ, ამ მხარეს პროკოპი „კოლხიდის საუკეთესო ნაწილს“ ეძახის<sup>4</sup>. სათანადო ცნობების ანალიზით ირკვევა, რომ ბიზანტიელ მწერალთა „მოხირეზისი“ გულისხმობს საკმაოდ დიდ რაიონს, რომელიც, მთლიანად ან ნაწილობრივ, შეიცავდა თანამედროვე ქუთათისის, ბაღდათის, ვანის, სამტრედიის, აბაშისა და მარტვილის რაიონებს, უფრო ზუსტად, მათს ვაკე ნაწილს, რომელიც, სამეურნეო თვალსაზრისით, გარკვეულ მთლიანობას შეადგენს. რომ ეს ყველაზე დაწინაურებული სექტორია, ამას მოწმობს აქ აღმოცენება ლაზიკის უმდიდრესი ქალაქებისა, კერძოდ, როდოპოლისის (ვარდციხის) და ქუთათისისა. ეს უკანასკნელი გარემოება დაედო საფუძვლად ამ მხარის ძველ-ქართულ სახელწოდებას — „სამოქა-

<sup>1</sup> III 5, გეორგიკა, III, 50—51, თარგმანი პროფ. ს. ყაუხჩიშვილისა, რომელსაც ამონაბეჭდების თხოვნისათვის მადლობას მოვასხენებთ.

<sup>2</sup> B. P. II 28; გეორგ. II, 67; იქვე შეადრ. გვ. 25 და 46.

<sup>3</sup> ამ ცნობის განმარტებისათვის იხ. ჩენი „ფეოდალური რევოლუცია საქართველოში“.

<sup>4</sup> B. G. VIII, 46; გეორგ. II, 163—5.

ლაქო“-ს. სოციალ-ეკონომიური თვალსაზრისით, ამავე რაიონს მი-  
ეკუთვნება ეგრისის პოლიტიკური ცენტრი და მისი მეფეების საჯ-  
დომი — არქეოპოლისი-ნოქალაქევი, თუმცა ფორმალურად იგი მუ-  
ხირეზისის ფარგლებს გარეთ ითვლებოდა. პოლიტიკური ცენტრის  
მცირეოდნად განზე გაწევა ძირითადი რაიონიდან ღრმა ისტო-  
რიული მიზეზებით აიხსნება, რის შესახებაც ავტორს სხვაგან ექ-  
ნება საუბარი<sup>1</sup>.

---

<sup>1</sup> ცალკე მონოგრაფიაში აქვს ავტორს განხილული აგრეთვე ისტორიულ-  
ეთნოლოგიური და ისტორიულ-გეოგრაფიული საკითხები.

რედაქციის შენიშვნა: ამ მონოგრაფიიდან გამოკვეყნებულია მხოლოდ  
ერთი თავი, „ფასილი“ (იხ. ამავე ტომში).

## О ВРЕМЕНИ И УСЛОВИЯХ ВОЗНИКНОВЕНИЯ АБХАЗСКОГО ЦАРСТВА

Время и условия возникновения Абхазского царства, т. е. вопрос, когда и каким образом бывшее Абхазское эриставство освободилось полностью от византийской зависимости, а владетель Абхазии принял титул „царя абхазов“ („მეფე აფხაზთა“ или „აფხაზთა მეფე“),—не были еще предметом специального изучения. Может быть, чрезвычайная скудость источников по вопросу отпугивааа исследователей от названной проблемы.

По рассказу царевича Вахушти,—первого исследователя, пытавшегося, по мере сил, научно обобщить сообщения доступных ему источников по истории Грузии,—Леон II, абхазский эристави, сидевший в Анакопии, воспользовался тем обстоятельством, что греки (византийцы) были ослаблены от агарян (арабов), захвативших у них „заморские“ земли (имеются в виду, вероятно, малоазиатские районы Византии) и, с помощью хазар, обратил свое „эриставство“ в „наследственное“ владение („გაიმკვიდრა საერისთო თვისი“). „И подчинялся ему весь Эгриси (Лазика) и почитал его, ибо он (Леон) был в родственных связях с их (эгрисцев) царем“. После же смерти царей Иоанна и Джуаншера, „отложился сей второй Леван и силами хазар, а также (пользуясь) покорностью эгрисцев, завоевал весь „залихский“ Эгриси (т. е. лежащий к западу от Лихских гор, по современной номенклатуре—Сурамского хребта) до моря и до Хазарии; и назвался он царем абхазов, а название своего эриставства перенес он на Эгриси, лета от рождества Христова 786, хроникона 6“<sup>1</sup>.

<sup>1</sup> ქართლის ცხოვრება, დასაბამითგან მეათცხრამეტე საუკუნემდის. ნაწილი II. ახალი მოთხრობა, 1469 წლადგან, ვიდრე 1800 წლამდე, გამოცემული უ. ჩუბა-ნოვისაგან. ს.-პ., 1854, გვ. 178; საქართველოს ცხოვრება 1469—1800-დე ბატონი-შვილი ვახუშტის მიერ, მეორე გამოცემა ზ. ჭიჭინაძისაგან, თბ. 1913, გვ. 270—271; ვახუშტი, საქართველოს ისტორია, განმარტებული და შეესაბუ-ბული ახლად შექმნილის არქეოლოგიურისა და ისტორიული ცნობებით<sup>1</sup> დ. ზ. ბაქრაძის მიერ. ნაწილი I. ტფ., 1885, გვ. 118.

Дату воцарения Леона II Вахушти явно ставит в связь с датами смерти царей Иоанна и Джуаншера: первый, по Вахушти, умер в 786 г., а второй—в 787 г.; но на чем основана вся эта хронология, Вахушти не сообщает. Об источниках же самого рассказа Вахушти речь будет ниже.

Новый, неизвестный Вахушти, источник по истории Абхазии был введен в научный оборот академиком Броссе. В 1839 г. Броссе издал в французском переводе известия по истории Грузии, собранные иерусалимским патриархом XVII в. Досифеем. Среди материалов Досифея привлекала внимание генеалогическая таблица абхазских царей, которая, по сообщению Досифея, была извлечена им из составленной царем Багратам „Истории Абхазии“<sup>1</sup>. Броссе тоже считал (однако—ошибочно, как увидим ниже), что хронологические указания таблицы приводят, в связи с сообщениями грузинских источников, к 786 году, как к времени (воцарения) Леона II. Вместе с тем Броссе думал, что царский титул был принят уже Леоном I-ым<sup>2</sup>. В других случаях, Броссе противоречиво датировал начало самостоятельной абхазской царской династии то 788, то 786 годом, находясь, повидимому, под влиянием построения Вахуштия<sup>3</sup>.

Важное научное открытие было сделано Е. С. Такайшвили, который в одном рукописном сборнике нашел, а затем и опубликовал грузинский подлинник „Истории Абхазии“ Досифея<sup>4</sup>. Такайшвили считает, что открытый им документ является „манифестом“, который был опубликован первым царем объединенной Грузии, Багратам III, в знак того,

<sup>1</sup> De l'état religieux et politique de la Géorgie jusqu'au XVII siècle, par M. Brosset: Bull. Sciént., t. V, 1839; цитируем по ე. თაყაიშვილი, საისტორიო მასალები, „ძველი საქართველო“, ტ. II, 33—34; Броссе о Досифее и его генеалогической таблице см. также Additions et éclaircissements à l'Histoire de la Géorgie, 1851, p. 173—175. Ср. დ. ნ. ბაქრაძე, ისტორიის საქართველოში, ტფ., 1889, 273—275.

<sup>2</sup> Additions, 174—175. Общая продолжительность царствования абхазских царей по Броссе—199 лет, а дата воцарения Баграта III-его—985 г. Вычитание первого числа из второго и дает 786 г. Ср. Histoire moderne de la Géorgie, II, 1, p. 241.

<sup>3</sup> Hist. moderne, II, 1, p. 241; Ср. დ. ბაქრაძე, 274.

<sup>4</sup> ე. თაყაიშვილი, უკ. სოქ., 28—24,

что он законно принял царскую власть в Абхазии, наследником каковой Баграт был по женской линии. Такайшвили думает, что Баграт подражал в данном случае древним повелителям Египта, Вавилона, Ассирии, которые, при воцарении новой династии, имели обыкновение публиковать, в специальном акте, списки своих предшественников<sup>1</sup>. Однако, что данный документ не является актом-манифестом, опубликованным Багратом во время своего восшествия на престол, явствует из того обстоятельства, что отец Баграта, царь Гурген, упоминается в документе усопшим („სულკურთხეული“), а Гурген скончался через четверть века после воцарения его сына, Баграта. Указанное обстоятельство датирует и время составления документа—1007-1014 гг. (годы смерти Гургена и Баграта). Подлинным названием документа, как это указано в его позднейшем заглавии, является „Диван царей“—„დივანბეფეთა“. Так, справедливо, называет памятник и акад. И. А. Джавахишвили<sup>2</sup>. Это название (от персидского *ديوان* здесь, повидимому, в значении—„собрание“, „сборник“) определяет и сущность документа—это, действительно,—„список“, „генеалогическая таблица“, составленная Багратом III-м, хранившаяся в Кутаисской царской сокровищнице („საქურკლე“—„казна, сокровищница, архив“) и обновленная (вновь переписанная) впоследствии одним из имеретинских царей, Константином Багратовичем (по мнению Такайшвили—Константин II, ум. в. 1414 г., что требует дополнительной аргументации).

Представляет собой памятник простой перечень абхазских царей, начинающийся с Аноса, который, по утверждению памятника, был „первым царем Абхазии“, и кончающийся 20-ым царем Феодосием слепым („с выжженными глазами“, „თვალდაშვარი“). За упоминанием Феодосия следует такая заключительная фраза: „А после сих (царей) изволил бог и я, Баграт Багратоани (Багратиони), сын приснопамятного Гургена и дочери Георгия, абхазского царя, завладел Абхазской страной, материнским моим наследством; а сколько лет я проведу в царствовании своем, сие ведает (лишь) Бог“. Оче-

<sup>1</sup> ე. თაყაიშვილი, დანბ. თბ., 48.

<sup>2</sup> ქართველ ერის ისტორია, წ. II, გვ. 368, 375.

свидно, документ представляет собой нечто вроде исторического меморандума, в котором Баграт III подчеркнул свою связь с абхазской династией и свои наследственные права.

Хотя по нашему памятнику список абхазских царей и открывается неким Аносом, однако знаменательно, что хронологические указания „Дивана“, заключающиеся единственно в числах, определяющих продолжительность царствования, начинаются лишь с одиннадцатого царя Леона. Это обстоятельство свидетельствует о какой-то перемене, или даже переломе, в развитии династии, каковая перемена связана с правлением Леона. Такайшвили попытался, на основании хронологических указаний „Дивана“, путем обратного от Баграта III вычисления, установить годы царствования поименованных в списке абхазских династов и для упомянутого Леона получил годы 746—791<sup>1</sup>. Эту датировку принял и акад. И. А. Джавахишвили<sup>2</sup>. Однако, как отмечено уже академиком Джавахишвили, „Диван“ вообще страдает неполнотой сведений и неточностью своей хронологии<sup>3</sup>. Нет поэтому основания принять безусловно и полученные Такайшвили даты царствования Леона. Можно считать достоверным лишь идентичность Леона из „Дивана“ с вышеуказанным Леоном II, положившим действительно начало независимости абхазской династии, как сообщают другие грузинские источники, в частности—Вахушти. Определить дату „воцарения“ Леона,— т. е. указать время, когда Леон объявил себя независимым от константинопольских императоров и заменил свой старый титул абхазского „эристава“ или „мтавара“ новым титулом „царя абхазов“,—приходится другими путями.

Основное сообщение о Леоне сохранено в древнегрузинском историческом сочинении, которое принадлежит перу анонимного автора и в научной литературе известно под наименованием „Матианэ картлисай“—„Летопись Картли“. Вот краткий рассказ „Матианэ картлисай“ о Леоне:

<sup>1</sup> ըսեմ. տԲԵ., 53; необходимо отметить, что текст грузинского оригинала включает в себе некоторые отличия по сравнению с греческим переводом.

<sup>2</sup> ըսեմ. տԲԵ., 368.

<sup>3</sup> ղԳԳ, 375.

„რაცამს მოუძღურდეს ბერძენ-  
[ნი, გადგა მათგან ერისთავი აფ-  
ხაზთა [ტექსტში შეცდომით: ხა-  
ზართა], სახელით ლეონ, ძმისწუ-  
ლი ლეონ ერისთავისა, რომელსა  
[შევს. ქ. ცხ.: რომლისად; ვარ.:  
რომლისათჳს] მიეცა სამკვდროდ  
აფხაზეთი [ხაზარეთი]; ესე მეორე  
ლეონ [მებრენიონ] ასულის წული  
იყო ხაზართა მეფისა და ძალითა  
მათითა [შევს. ქ. ცხ.: გააღდა ბერ-  
ძენთა, დაიპყრა] აფხაზეთი და ეგ-  
რისი ვიდრე ლიხამდე, სახელ იღვა  
მეფე აფხაზთა, რამეთუ მიცვალე-  
ბულ იყო [იოანე, შევს. ქ. ცხ.]  
ერისთავი [და] დაბერებულ [იყო] ჯუანშერ“<sup>1</sup>.

„Когда ослабели греки, отло-  
жился от них эристави абха-  
зов, по имени Леон, племянник.  
(сын брата) эристава Леона,  
которому была дана Абхазия.  
в наследство; этот второй  
Леон был сын дочери царя  
хазар и, воспользовавшись их  
силою, отложился (Леон) от  
греков, завладел он Абхазией  
и Эгриси до Лихи, назвался  
царем абхазов. Ибо был  
мертв эристави Иоани и  
стар—Джуаншер“<sup>2</sup>.

К тексту нужно заметить, что наш перевод фразы: „кото-  
рому была дана Абхазия в наследство“, может быть оспарива-  
ем, вследствие некоторой неясности синтаксической конструк-  
ции оригинала: автора можно (хотя, на наш взгляд, и с боль-  
шим трудом) понять и так, что Абхазию в наследство полу-  
чает Леон II, и получает ее от своего дяди<sup>3</sup>. Однако, нужно  
думать, что тут историк понимает рассказанную ранее того  
историю получения Леоном I-м Абхазского эриставства от  
византийского императора в наследственное владение. Ваху-  
шти же, несмотря на то, что ему известна история Леона  
1-го, понимает данный текст иначе: в изложении Вахушти,  
Леон II помощь хазар вначале использует лишь для того,  
чтобы обратить свое эриставство в наследственное владение;  
и лишь после смерти Иоанна и Джуаншера, повторно исполь-  
зуя содействие хазар, Леон добивается полной независимости  
и царской короны<sup>3</sup>.

<sup>1</sup> ქ. ცხ. მა<sup>4</sup>., 218; შევს. ქ. ცხ.; მარის გამოც., 186.

<sup>2</sup> Ср. перевод Броссе:... «Léon, éristhaw d'Aphkhalie, fis du frère de-  
Léon à qui l'éristhawat héritaitale de cette contrée avait été conféré précédem-  
ment, se détacha d'eux». Hist. de la Géorgie, I p., p. 259.

<sup>3</sup> ქართლის ცხოვრება, ნაწ. II, გამოც. ჩუბინოვისა, გვ. 178.



Нет сомнения, что данный рассказ Вахушти основан целиком и исключительно на известиях „Матианэ картлисай“; отклонения от источника объясняются лишь домыслами и индивидуальным пониманием (как в случае, на котором мы здесь задержали внимание) ученого царевича.

Что же дает нам сообщение первоисточника? Сообщение указывает на два важных обстоятельства, при которых произошло окончательное отпадение Абхазии от Византии и провозглашение Леона „царем абхазов“. Эти обстоятельства — слабость империи и выступление хазар против имперского правительства на стороне Абхазии. Ближайшее рассмотрение этих обстоятельств убедит нас в том, что дата, установленная царевичем Вахушти для воцарения Леона, гораздо больше приближается к истине, чем вычисления позднейших исследователей.

В самом деле, до исхода VIII в. Византия представляется нам на высоком уровне своего могущества. Наступает усиление империи с воцарением основателя сирийской или исаврийской династии, Льва III Исавра (717—741 гг.). Восшествие на престол Льва III-его, по словам Гельцера, „является одним из важнейших поворотных моментов в истории империи, моментом действительно всемирно исторического значения. Этот великий военный гений окончательно устранил арабскую опасность, угрожавшую в последний раз, но зато и самым ужасным образом. В реорганизации военного дела, в упорядочении финансов и в судебном управлении он проявил себя истинным возродителем империи“<sup>1</sup>. В 718 г. Лев III разгромил арабскую армию Масламы, уже целый год осаждавшую Константинополь, и тем спас империю от участи, которая постигла Византию под ударами турок-османов лишь через семь веков. В 740 г. у Акроин была одержана еще одна большая победа над арабами<sup>2</sup>. Торжество Льва III над арабами тем более значительно, что „никогда магометанский мир не представлялся столь грозным и могучим, даже в XV и

<sup>1</sup> Очерк политической истории Византии: „Очерки по истории Византии“, вып. 1, С.-Пб., 1912, 63.

<sup>2</sup> Там же, 63—64; Ф. Успенский, История Византийской империи, т. II, Л. 1927, 8—14, 18—19.

XVI вв.“, как в начале VIII в.<sup>1</sup> Далее для нас очень важно, что в борьбе с арабами Лев III искал и „нашел себе иноземных союзников: сначала болгар, позднее хазар“<sup>2</sup>. Союз и дружба ромеев и хазар уже имели к этому времени свои традиции и питались они, главным образом, политическими интересами, вытекавшими из наличия общего грозного и могущественного врага в лице арабов. Эти общие интересы приводили еще до Льва III к брачным союзам между обоими царскими домами. Так, один из ближайших предшественников Льва III на императорском престоле, Юстиниан II (685—695; 705—711) был женат на дочери хазарского хакана. Далее, интересно, что Лев, еще будучи лишь офицером императорских войск, получил от Юстиниана II-го „важное поручение отправиться на Кавказ и попытаться воздействовать на Грузию и Колхиду в том смысле, чтобы подготовить здесь союз против арабов, замышлявших движение на Кавказ. Эта миссия, полная всяких приключений и неожиданностей, исполнена была Львом с успехом и дала ему возможность запастись опытом и знанием для предстоявшей ему впереди деятельности“<sup>3</sup>. Здесь, конечно, Лев имел возможность оценить все значение, в борьбе против арабов, не только Грузии, но и расположенного к северу от Кавказского хребта Хазарского царства. Руководясь желанием получить в лице хазарских верных союзников против арабов, Лев III и задумал женить своего сына, наследника престола, Константина, на хазарской принцессе, дочери хакана. Она была привезена в Константинополь, повидимому, еще совсем малолетней девочкой, в 731 году и обращена в христианство, получив имя Ирины<sup>4</sup>. В следующем году Ирина была обручена с 14-летним Константином<sup>5</sup>. Брак состоялся позже, и от него в 750 г. родился сын Лев, который в том же году был коронован в соправли-

<sup>1</sup> Ф. Успенский, 6.

<sup>2</sup> А. Васильев, Лекции по истории Византии, т. I, 1917, 222.

<sup>3</sup> Ф. Успенский, 5.

<sup>4</sup> Там же, 137.

<sup>5</sup> Там же, 65.

тели отца<sup>1</sup>. Эти детали имеют для нас некоторое значение, как увидим ниже.

Царствование Константина V-го Копронима, заступившего место отца на императорском престоле в 741 г., было не менее успешно. Войны против арабов принесли византийскому оружию новые победы. В 745 и 751 гг. империя сделала значительные территориальные приобретения в Сирии, Месопотамии и Армении. Важнейшие на Востоке города, Феодосиополь или Эрзерум, Малатия, Самосат и другие отошли к Византии. Продвижению Константина на востоке благоприятствовала тяжелая внутренняя смута в халифате, сопутствовавшая захвату верховной власти Аббасидской династией<sup>2</sup>.

Положение на восточных границах, которые „приближались к Даре и Нисибии, пограничным крепостям лучшего времени политического и военного могущества Византии“, оставалось стабильным и в семидесятых годах в общем в пользу империи<sup>3</sup>.

Несколько более напряженная борьба на болгарском фронте, в конце концов, была также завершена успешно для Константина: уже с 60-ых годов император свободно распоряжался в Болгарии. Это положение в общем продолжалось до самого года смерти Константина (775)<sup>4</sup>.

Очевидно, что царствование Константина Копронима (741—775), эпоха политического и военного могущества Византии и ее тесных связей с хазарами, совсем не представляло собой удобного времени для отпадения от империи абхазского эристава и превращения последнего в независимого царя. Поэтому дату, которая была предложена для этого события Такайшвили и принята другими исследователями, а именно—746 г., приходится решительно отбросить.

В 775 г. на Византийский престол вступил сын Константина, Лев IV, считавшийся уже в течение четверти века со-

<sup>1</sup> Ф. Успенский, 138.

<sup>2</sup> Ф. Успенский, 68—73; А. Васильев, 222.

<sup>3</sup> Ф. Успенский, 74, 79.

<sup>4</sup> Там же, 79—88.

правителем и известный в истории под прозвищем „Хазар“, благодаря свесему происхождению. Кратковременное правление Льва Хазара (775—780) носило, в общем, те же черты, что и царствование его отца; во внутренней жизни страны оно отмечено большим спокойствием, а во внешней политике обращают на себя внимание новая победа императорских войск над арабами при Германикии в 778 г. и мирные отношения с болгарами, с преобладающим влиянием Византии<sup>1</sup>.

Очевидно, что царствование Льва Хазара тоже не является тем периодом, который имеет в виду „Матианэ картлисай“, описывающий условия акта Леона абхазского.

Здесь необходимо рассмотреть еще одно обстоятельство, которое находится в связи с тем безусловным фактом, что основатель абхазской царской династии является историческим лицом второй половины VIII в., т. е., или ровесником, или, в крайнем случае, младшим современником Льва Хазара, родившегося, как было отмечено выше, в 750 году. Дату рождения Леона абхазского мы можем относить примерно тоже к середине VIII в., что в известной мере определяет и отношение по возрасту матери Леона к матери Льва Хазара. Поэтому, очевидное само по себе, родство матери Льва хазара, дочери хазарского хакана, Ирины и, неизвестной по имени, матери Леона абхазского, тоже дочери хазарского царя, есть полное основание понимать в самом тесном смысле. По всему вероятно, это были просто сестры, и, в таком случае, получается, что император Лев IV и Леон абхазский были двоюродные братья. Может быть не случайно и то обстоятельство, что двоюродные братья носят одно и то же имя. Правда, имя Леона древне-грузинский историк присваивает и дяде основателя абхазской царской династии. Однако, историчность этого Леона I-го для нас находится под некоторым сомнением, которое поддерживается и тем фактом, что „Диван царей“ знает лишь одного Леона, соответствующего Леону II-ому „Матианэ картлисай“. Близость, в данном случае, между обоими источниками обнаруживается в том, что оба они считают основателя династии не прямым потомком предыдущего абхазского эристава: по „Матиа-

<sup>1</sup> Гельцер, 67; Ф. Успенский, 140—145.

нэ“, Леон II племянник (сын брата) Леона I, а по „Дивану“, Леон—брат Константина и сын Феодора.

Столь близкие родственные отношения с византийским владетелем абхазский эристави, конечно, мог использовать в своих интересах, но естественно думать, что дело тут не могло выйти за пределы расширения объема эриставской власти и подчиненной ей территории. Отпадение Абхазии произошло позже, когда внутреннее и внешнее положение Византийской империи значительно изменилось. Случилось это при ближайших политических преемниках Льва Хазара.

Прямым и законным наследником Льва IV Хазара был сын его, Константин. Еще при жизни своей Лев короновал, по требованию представителей „гражданского населения тем вместе с большим количеством войска“, в соимператоры пятилетнего Константина. Случилось это в 776<sup>1</sup>.

В 780 году умер Лев Хазар, оставив нового царя, Константина VI-го, в 10-летнем возрасте. Поползшие тотчас же слухи о том, что Лев IV был отравлен его же супругой, малолетство царя, раскрытый еще в царствование Льва заговор против царя, организованный братьями императора, все это предвещало мало хорошего для нового царствования. По причине несовершеннолетия Константина VI, царскую власть с ним разделила мать его, царица Ирина, которая фактически и стала править государством. Уже на 40-ой день после смерти Льва был раскрыт новый заговор, во главе которого стоял брат Льва, кесарь Никифор, и который поддерживали крупнейшие представители служилой знати. Далее следовали новые заговоры и смуты (781, 792, 797). Не только жестокий характер безмерно честолюбивой интриганки, царицы Ирины, и обилие претендентов на императорский престол питали эти внутренние волнения. Подлинные причины данной борьбы лежали, повидимому, в более глубоких интересах разных слоев византийского общества, в интересах, которые нашли свое внешнее выражение, в частности, в так называемом вопросе об иконопочитании. Члены исаврийской династии были убежденными иконобор-

<sup>1</sup> Ф. Успенский, 140—143.

цами. После репрессивных мер в данном направлении уже основателя династии, Льва III, наиболее ревностным борцом против икон и их почитателей явился Константин V, прозванный за это своими врагами „Копронимом“. Афинянка Ирина, невестка Копронима и жена Льва Хазара, явилась столь же решительной носительницей противоположных взглядов. Считают, что под влиянием Ирины уже в царствовании Льва Хазара церковная политика правительства была смягчена в пользу иконопочитателей. Ставши же сначала регентшей, а потом самодержавной правительницей империи, Ирина постепенно восстановила иконопочитание вместе с соответствующими правами черного духовенства и монастырей. Восточные темы, которые служили главной опорой иконоборческих императоров из исаврийского дома, восстали против Ирины. Борьба приняла открытую форму, когда Ирина стала домогаться единодержавия и полного отстранения сына от власти. Восточные темы отказались принести Ирине присягу в этом духе, и, напротив того, провозгласили автократом одного Константина VI. Ирина была удалена в монастырь, а ее ближайшие сотрудники наказаны. Однако слабость и ошибки Константина наряду с новыми смутами были вскоре искусно использованы Ириной. Путем хорошо организованного дворцового переворота Константин VI был низложен с престола и ослеплен по приказанию своей бесчеловечной матери (797 г.). Ирина стала единодержавной государыней, пока сама не сделалась жертвой нового заговора. Это внутреннее состояние империи естественно сопровождалось ослаблением ее внешнего могущества и авторитета. Борьба с арабами принимает теперь неблагоприятный для Византии оборот<sup>1</sup>. В 783 г. Ирина покупает мир у арабов ценой большой ежегодной дани. Такой же данницей ста-

<sup>1</sup> Акад. И. А. Джавахишвили, цит. соч., 367—8, тоже указывает на названные обстоятельства, описывая в следующих словах отпадение Абхазии от империи: „... в VIII в. Византия была ослаблена от борьбы с арабами и внутренних церковных несогласий и острой борьбы между иконопочитателями и иконоборцами. Этим воспользовался абхазский эристави того времени“. Автор принимает, согласно вычислениям Такайшвили, годом воцарения Леона 746 и годом его смерти—791.

новится империя и в отношении болгар. Врагами Ирины заявили себя, в конце VIII в. и балканские славяне. В общем неудачные войны вел и Константин после 790 г., как против арабов, так и против болгар. Еще более ухудшилось положение после событий 797 г. Теперь против Ирины выступает и Карл Великий, который отрицает за женщиной право занимать императорский престол. Вероятно, к ущемлению собственно византийских интересов были направлены сношения Карла с халифом Гарун-ар-Рашидом<sup>1</sup>.

Нужно думать, что именно в это смутное время, и может быть, после 797 г. в единоличное управление Ирины, и совершил Леон абхазский свой акт „Ослабление греков“, о котором говорит древнегрузинский историк и которое служило благоприятным условием события, длительно подготавливавшегося всем предыдущим развитием Абхазии, должно было быть почувствовано, особенно на востоке, именно теперь. Отвратительное преступление Ирины давало повод и личному настроению против Ирины эристава Леона, близкого родственника несчастной жертвы—Константина VI-го. Естественно предполагать такое же, и даже более активное, настроение при дворе хакана, еще ближе связанного с Константином. Становится понятным, что уже из чувства мести (не говоря о других мотивах), хазарский хакан помогал своему не то внуку, не то племяннику, добивавшемуся независимости абхазскому эриставу, в борьбе с Ириной, совершившей столь ужасное злодеяние против другого, точно также, не то племянника, не то внука хазарского царя, чем, конечно, был нанесен определенный удар по политическим интересам Хазарии. Таким образом, отпадение Абхазии от империи происходит на исходе VIII в.

Другие, независимые от рассмотренных выше, источники поддерживают данный вывод. Замечательные сообщения о состоянии Абхазии в начале восьмидесятых годов VIII века дает нам известный грузинский писатель того времени Иоанн Сабанисдзе. Картлийский „эрисмтавари“ Нерсе, окон-

---

<sup>1</sup> Васильев, 222—254; Гельцер, 67—69; Ф. Успенский, 145—202.

чательно поссорившись с арабами, которые владели тогда Восточной Грузией, решил эмигрировать с родины. Наиболее подходящим убежищем оказалась ему Абхазия, „как защищенная от страха перед арабами страна“. В Абхазию отправил Нерсе „с самого же начала мать и жену и детей и имущество всех (членов) своего дома“, однако он сам не последовал в тот момент за домочадцами. Со свитой из трехсот всадников, Нерсе через „врата Овсети, которые называются Дариалан“ вступил „в страну северную, стоянку и лагерь детей магога, которые суть хазары“. „Дети Магога“, однако, приняли картлийского князя радушно: „Когда прибыл Нерсе эристави к царю хазар, принял (царь) его (Нерсе) благосклонно, по причине пребывания (Нерсе) на чужбине и в бегстве от врагов его; и дал он ему и всему его войску питание и одеяние“. Нужно думать, что как действия Нерсе, так и благоприятное к нему отношение хакана объясняется на политической почве — общностью антиарабского настроения и общими симпатиями и связями с эриставом Абхазии. Очевидно, что Нерсе с самого начала рассчитывал, в частности, на родство хакана с абхазским эриставом. По этой же причине, нужно думать, и было оказано хаканом покровительство Нерсе в дальнейшем его движении из Хазарии в Абхазию. Вот как описывает Сабанисдзе дальнейшие события и состояние Абхазии:

„მაშინ, შემდგომად რავედენისამე ჟამისა, ევედრა ნერსე მეფესა მას ჩრდილომხსასა, რათა განუტეოს იგი მიერ ქუეყანად აფხაზეთისა; რამეთუ პირველადე წარეგზავნეს მას დედაჲ და ცოლი და შვილნი და მონაგები და ყოველნი სახლისა, მისისანი რამეთუ კრძალულ იყო ქუეყანად იგი შიშისაგან სარკინოზთაჲსა. ხოლო ღმერთმან მოამშჯდა პირი მეფისა მის ჩრდილომხსად და განუტევა ნერსე მრავლითა ნიჭითა. და წარემართნეს იგინი სიხარულითა და მადლობითა ღმრთისაჲთა და განვლეს ქუეყანად

„Тогда, через некоторое время, просил Нерсе царя севера, чтобы отпустил он его оттуда в страну Абхазию; ибо с самого же начала послал он (туда) мать и жену и детей и имущество и всех (членов) своего дома, так как защищена была страна та от страха перед сарацинами. И господь укротил сердце царя севера и отпустил он Нерсе со многими дарами. И отравились они с радостью и благодарностью богу и



იგი წარმართთაჲ, რომელთა ყოვლადვე არა იციან ღმერთი, და უშიშად ვიდოდეს ღმრს და ღამს სამისა თაჳსა გზასა... და ვითარცა მიიწინეს იგინი ქუეყანად აფხაზეთისა, მთავარმან მის ქუეყანისამან შეიწყნარა ნერსს ყოვლით ერთ მისითურთ. ვითარცა იხილა ნერსე დედოფალი, დედაჲ თჳსი, და ცოლი და ძენი თჳსნი, სიხარულითა ყოველნივე აკურთხევდეს ღმერთსა ცოცხლებით და მშუდობით შეკრებისა მათისათჳს.

მაშინ, ვითარცა ეუწყა მთავარსა მას აფხაზეთისასა ნეტარისა ჰაბოღსთჳს, რამეთუ ახალ ნათელბუღლ არს, განიხარა ფრიად ყოვლით ერთ მისითურთ; და მოუწოდეს მას მთავარმან მან და ეპისკოპოსმან <sup>1</sup> და მღდელთა და აკურთხევდეს... და ნეტარი ჰაბო უფროდსდა ჰმადლობდა ღმერთსა, რამეთუ იხილა მან ქუეყანად იგი სავსს ქრისტის სარწმუნოებითა და არავინ ურწმუნოთაგანი მკვდრად <sup>2</sup> იპოვების საზღვართა<sup>3</sup> მათთა, რამეთუ საზღვარ მათდა არს ზღუად იგი პონტოდაჲ, სამკვდრებელი ყოვლადვე ქრისტეანეთაჲ, მისაზღვრადმდე <sup>4</sup> ქალდიადსა, ტრაპე-

прошли они страну ту язычников, которые вовсе не ведают бога, и без страха ехали днем и ночью трехмесячным путем... И когда они достигли страны Абхазии, князь той страны принял благосклонно Нерсе со всей его дружиной (войском). И как увидел Нерсе царицу, мать свою, и жену и детей своих, с радостью все благодарили бога за то, что собрались они живыми и благополучно.

Тогда, как только стало известно князю Абхазии о блаженном Або, что он новообращенный, возрадовался весьма со всем народом своим; и призвали его князь тот и епископ и священники и славили (его)... А блаженный Або еще больше благодарил бога, потому что нашел он страну ту исполненную христовой веры и нет никого неверного среди коренных (жителей) в их пределах. Ибо сопредельно им море Понтийское, достояние полностью христиан, до рубежей Халдии, где Трапе-

<sup>1</sup> ვარ.: ეპისკოპოსთა.

<sup>2</sup> ვარ.: მკვდრ.

<sup>3</sup> ვარ.: საზღვარად.

<sup>4</sup> ვარ.: ზღვარადმდე.

ზუნტიაჲ მუნ არს, საყოფელი<sup>1</sup> იგი აფსარეაჲსაჲ და ნაფსაჲს ნავოსადგური. და არს ქალაქები იგი და აღგილები საბრძანებელად ქრისტსმსახურისა იონთა მეფისა, რომელი მოსაყდრე არს დიდსა მას ქალაქსა კოსტანტინეპოლისასა<sup>2</sup>.

зунт, и местность Апсарееа и Напсайская гавань.. и являются города те и места владением слуги христова, ионского царя, который восседает на престоле в великом граде Константинополе<sup>3</sup>.

Рассказ Сабанисдзе заключает в себе много интересного. Во-первых, заметим, что сообщение о дарах, полученных Нерсе от хакана, и о свободном, безбоязненном проезде грузин через страну язычников, „которые даже не ведают бога“, по столь длинному („трехмесячному“) пути, указывает на особое благорасположение и покровительство хазарского владыки по отношению к своим гостям, точнее — к гостям своего близкого родственника. Продолжительность пути объясняется временем года: Нерсе и его спутники прибыли в Абхазию, повидимому, не то в конце декабря, не то в первых числах января месяца и, следовательно, вынуждены были воспользоваться не перевальными путями Абхазии, а круглым путем — объехав Кавказский хребет полностью или до более доступных черкесских<sup>4</sup> перевалов и спустившись потом по морскому побережью до места назначения. Описание внутреннего состояния Абхазии так и дышит благополучием и рисует силы, накопленные в результате предыдущего развития страны и „позволившие абхазскому эриваву в скором времени освободиться от всякой иноземной зависимости. Еще более важны<sup>5</sup> для нас указания Сабанисдзе на политическое состояние Абхазии. Во главе<sup>6</sup> страны стоит „мтавари“<sup>7</sup>, то есть, „владелец“, „князь“ (в древнерусском значении этого слова). Таким образом, в противовес „Матиан<sup>8</sup> картлисай“, Сабанисдзе, который безусловно стоит ближе к изучаемой нами эпохе,<sup>9</sup> титулует абхазского владетеля „мта-

<sup>1</sup> ვარ.: საფელი (კარბელაშვილის გამოცემით).

<sup>2</sup> აბოს წამება, პროფ. კ. ქეკელიძის გამოცემა: აღრიხდელი ქართული ფეოდალური ლიტერატურა, ტფ., 1935 წ., გვ. 65—66.

<sup>3</sup> Помимо цитированного нами места, [владелец Абхазии упоминают еще 2 раза: первый раз, как მთავარი აფხაზეთისაჲ, „მთავარი Абхазии“; другой раз — просто, как „მთავარი“.

вари“, а не „эристави“. Этот момент не лишен для нас значения: термины „мтавари“ и „эристави“ выражают в древнегрузинском различные понятия: первый обозначает династа, владетельную особу, небольшого суверена, местного „князя“, второй указывает преимущественно на царского чиновника, правителя провинции, воеводу. По сведениям Сабанисдзе получается, что во главе Абхазии стоит владетель, „князь“; являющийся „сувереном“ в каких-то, хотя-бы заметно ограниченных, пределах, но еще не „царь“, не „мепе“. Таким образом, абхазский владетель уже стоит прочно на пути своего освобождения от какой-бы то ни было иностранной зависимости, но конечной цели он еще не достиг. Путь этой „эмансипации“, пройденный абхазским эриставом, был обычен в феодальной Грузии, и этот процесс мы наблюдаем как в средний период грузинского феодализма, так и в особенности — в поздний: назначаемый центральной (царской) властью, сменяемый „эристави“ вначале добивается и достигает наследственности своей административной функции, а потом уже ищет суверенности. Нужно думать поэтому, что несколько смутное воспоминание грузинских источников о Леоне I-ом который получает Абхазию „наследственно“, т. е., в наследственное владение, между тем как ранее того он упоминается в качестве „эристава кесаря (императорского эристава)“, в общем правильно передает ход событий и должно быть понято так, как это сделал Вахушти: речь идет о превращении эриставского права в наследственное право. Возможно, что императорский эристави в Абхазии превратился в наследственного эристава именно в VIII-ом веке. Во всяком случае, использование абхазским эриставом родственных связей с Львом Хазаром, о чем мы говорили выше, если оно имело место, могло произойти именно в этом направлении. К концу VIII-го века усиление власти абхазского эристава достигло, повидимому, высшей точки: перед нами уже „князь“, „мтавари“. Но какая-то, может быть слабая и даже лишь формальная, зависимость от Византии еще осталась.

Взаимоотношение Абхазии и Византии выражено в сообщении Сабанисдзе лишь косвенно. Объясняя читателю

прочность позиций христианства в Абхазии, автор и указывает, что эта страна входит в черноморский мир, сплошь христианский. Это чрезвычайно любопытное место очевидно искажено переписчиками, но смысл его понятен. Сабанисдзе говорит: Абхазия простирается по побережью Черного моря, вокруг которого расположились сплошь христианские народы; непосредственно граничит с нею Халдия, область, в которой расположены Трапезунт и другие известные города и местности, принадлежащие византийскому императору. А если примем варианты чтения, которые нам кажутся более правильными, тогда текст станет еще более ясным и в переводе на русский язык будет звучать следующим образом: ...„Нашел он страну ту исполненную христовой веры и нет никого из неверных в смежности с ними (არავიბ ურწმუნობაგანი მკვდრ იპოვების საზღვრად მათთა [მათდა?]). Ибо сопредельно им море Понтийское“ и т. д. Следовательно, Абхазия непосредственно подвержена влиянию ведущих центров христианства и находится в сплошной христианской среде,—такова идея автора. Проф. К. С. Кекелидзе, второй издатель памятника, толкует данное место иначе: он считает, что, по сообщению Сабанисдзе, Трапезунт и другие, названные рядом, пункты входили в пределы Абхазии<sup>1</sup>. Однако, такое толкование совершенно неприемлемо как текстуально, так и исторически: мы знаем хорошо, что Абхазия, в политическом смысле, не простиралась южнее реки Чорохи и едва ли она ее когда нибудь даже достигала; в отношении понимания текста спор, на наш взгляд, исключается выражением памятника „მისაზღვრადმდე ქალღოვანსა“—„ДО (т. е. Абхазия простирается до) границ Халдии“, а перечисление некоторых прибрежных пунктов (Трапезунт и др.) дано в качестве географического определения Халдии. Под последней подразумевается византийская провинция, входившая, в изучаемый нами период, в тему Армениак: огромная тема Армениак обнимала в это время, по утверждению Ф. Успенского, „все южное побе-

<sup>1</sup> Названное издание, стр. 28 и 35. Требуется особого обсуждения предложенное Пеетерсом и принятое проф. Кекелидзе отождествление Наусаийской гавани с Никопсией, там же, 28. Попытка локализации названных пунктов дана нами в другом месте.

прежье Черного моря от Синопа до нынешнего Поти<sup>1</sup>. В следующем, повидимому, столетии Халдия была выделена уже в самостоятельную тему, как об этом можно заключить по списку тем у Константина Порфирогенета, где Халдия значится 8-ой азиатской темой<sup>2</sup>. Такое разграничение Халдии и Абхазии в рассказе современника вполне естественно: Халдия представляла собою непосредственную административную часть империи, а Абхазия—лишь вассально-зависимое княжество.

Глубоко интересно, что у Сабанисдзе нет даже намека на Эгриси (Лазик) и его владетеля; этот факт, в свете некоторых сообщений других грузинских источников, наводит на мысль, что к данному времени императорское правительство успело ликвидировать местные органы управления и последние остатки автономии Лазики, что и облегчило ее захват (или мирное присоединение, с санкции императора) абхазским владетелем.

Свидетельство Сабанисдзе тем более ценно, что оно хорошо датировано: пребывание Нерсе и его дружины в Абхазии относится к первой половине 782 года, а написано само сочинение в конце тех же восьмидесятых годов. Достоинно внимания также, что в сложной, синхронистической датировке, которую Сабанисдзе дает для времени мученической кончины (786 год) главного персонажа своего сочинения—Або Тбилисского—на первом месте указано „царствование, в великом граде Константинополе, над христианами Константина Леоновича“<sup>3</sup>. Тут Ирина не упомянута даже намеком—в этом безусловно дано отражение „восточных“ взглядов на отношения внутри императорского дома; в этом же мы видим свидетельство и тому, что к концу восьмидесятых годов положение в Абхазии было то же, что и в их начале.

<sup>1</sup> Цит. сочин., 152. Успенский указывает, что в царствование Льва IV Хавара упоминаются следующие темы: Анатолика, Армениак, Опсикий, Фракисийская и Вукелларий. Ср. Гельцер, цит. соч., стр. 64, прим. 1.

<sup>2</sup> Гельцер, там же.—Тема Армениак упоминается в первый раз у Фесфана под 6159 годом. В. Г. Васильевский, Труды, II. 401.

<sup>3</sup> აბოთ წამება, კ. კველციძის გამოცემა, 68.

Таким образом, рассмотрение показания хорошо информированного современника должно было нас убедить, что провозглашение Леона „царем абхазов“ не могло произойти ранее девяностых годов VIII в.

Помощь, оказанная хазарским хаканом Абхазскому князю против империи и ее мотивы, как они объяснены нами выше, находят дополнительное освещение и подтверждение в сведениях, сообщаемых в „Житии Иоанна Готского“<sup>1</sup>. Из этого любопытного памятника мы узнаем, что в конце VIII века хазары проявили активность, направленную против традиционной византийско-хазарской дружбы, не только в Абхазии, но и на остальном Кавказском побережье Черного моря, а также в Крыму. По сообщению „Жития“, на Крымском полуострове тоже имела место, в VIII в., борьба различных общественных интересов, выливавшаяся и в форму борьбы вокруг вопроса о почитании икон. Предшественник Иоанна епископской кафедре был, оказывается, иконокластом, а сам Иоанн—иконодулом и представителем явных или тайных почитателей икон. По этой причине, Иоанн получил рукоположение в епископы Готии в Картли, которая, повидимому, тоже придерживалась старых обрядов. Однако, активно себя проявляет Иоанн лишь после того, когда уже не стало императоров Константина и Льва и „после воцарения Ирины и ее сына“, как выражается „Житие“ (указ. изд., 397). Это выражение памятника очень характерно: в определении царствования выдвижение на первый план Ирины и неупоминание вовсе имени ее сына явно показывает тенденцию памятника. Активность Иоанна вначале проявилась, повидимому, лишь в церковно-организационной и догматической сфере—в частности, в участии на Никейском соборе. Уже после этого, т. е. после 787 г., Иоанн вступает и в местную политическую борьбу.

Дело в том, что много раньше до того хазары успели утвердиться на обоих берегах Боспорского пролива: на рубеже VII—VIII вв. хазары владели всем Таманским полуостровом с его главным городом Фанагорией, и землями в

<sup>1</sup> В. Г. Васильевский, Житие Иоанна Готского, „Труды“, т. II.

Крыму, в непосредственном соседстве с Готией, которая тогда считалась независимой. Соседний же Готии вольный греческий город Херсонес, пользовавшийся обычно автономией под протекторатом византийского императора, тоже проявлял тяготение к казарам. „Все.. показывает, что казары могли бы окончательно завладеть Херсоном, если бы к тому настойчиво стремились. Но, повидимому, хакан предпочитал всяким такого рода приобретениям дружественные отношения к империи, с которою он имел одного и того же главного врага—в лице халифа мусульманского“ (там же, 390). К концу VIII в. казары успели завладеть уже Готией; по сообщению „Жития“, хакан послал своих вооруженных людей и занял готскую крепость Дорос. Когда это случилось, об этом памятник прямо не говорит, но рассказывается об этих событиях после сообщения о соборе в Никее в 787 г. Мы поэтому думаем, что активность казар в Крыму имела место тоже в девяностых годах VIII в.

Иоанн затеял борьбу с казарами, но был предан своей собственной паствой—доказательство существования таких групп населения в Крыму, которые были проникнуты настроениями, совершенно противоположными настроению Иоанна, явного агента правительства Ирины.

Наконец, укажем, что в начале IX в. традиционная дружба между казарами и империей опять была восстановлена. В 833 г., по просьбе казарского хакана, император Феофил построил для них на Дону важную крепость Саркел. С согласия казар былая автономия Херсона была теперь ограничена в пользу империи<sup>1</sup>.

Все рассмотренные нами материалы убеждают нас в том, что провозглашение Абхазии независимым царством произошло в девяностых годах VIII в., и, может быть, после 797 г., в единовластие Ирины (797—802).

<sup>1</sup> Гельцер, Цит. соч., 72; его же, Очерки культурной истории Византии, в той же серии, вып. II, стр. 51—53.

# არაბობა საქართველოში

## § 1. ზოგადი შენიშვნა

მეშვიდე საუკუნის შუაწლებისათვის, როგორც ცნობილია, საქართველოს ცხოვრებაში ვიხილავთ ისეთი ახალი მოვლენა, რომელმაც შემდეგში, თანდათანობით, მნიშვნელოვანი იმპოქტედება მოახდინა ჩვენი ქვეყნის ისტორიულ განვითარებაზე. ეს იყო არაბობა, არაბთა მფლობელობა ამათუიმ ფორმითა და მოცულობით, რომელმაც საუკუნეთა სიგრძეზე გასძლო საქართველოში და რომელიც, სწორედ ამიტომ, მოითხოვს განსაკუთრებულ ყურადღებას საქართველოს ისტორიის სათანადო პერიოდის შესწავლისას.

წინამდებარე ნარკვევში ჩვენ ვცდილობთ გავითვალისწინოთ არაბობა საქართველოში მისი პირველი პერიოდის ფარგლებში, სანამ ჯერ კიდევ ტფილისის საამირო (სამხედრო-ადმინისტრაციული ორგანიზაცია, რომელიც, ცვალებადი მოცულობით, აღმოსავლეთ საქართველოს გულისხმობს არაბთა მფლობელობის ქვეშ) მეტნაკლებად დაკავშირებულია არაბთა საერთო სახელმწიფოსთან, ხალიფატთან, და ამ უკანასკნელის ევოლუციის საერთო ასპექტში უნდა იყოს გაშუქებული, ისევე, როგორც განხილული უნდა იყოს მკვიდრო ურთიერთობაში თვით საქართველოს შინაგანი განვითარების ტენდენციებთან. უკანასკნელი მომენტისათვის უნდა ისიც დავსძინოთ, რომ წარმოდგენილ მონოგრაფიაში აღძრული არ არის საკითხი „არაბობის“ ზეგავლენის საერთო შედეგების შესახებ ქართული ფეოდალიზმის განვითარებაზე, რადგანაც ეს ზეგავლენა განხილული უნდა იყოს და იქნება კიდევაც იქ, სადაც ფეოდალური საქართველოს ისტორიის აღებული ხანა იქნება სისრულით წარმოდგენილი<sup>1</sup>.

## § 2. არაბთა გამოსვლა მსოფლიო-ისტორიულ ასპარეზზე

არაბები სრულგზით არ ყოფილან უცნობნი ძველი სამყაროსათვის ისლამის გამოჩენამდის. უძველეს კულტურულ ხალხებს თავის ისტორიულს თუ ნახევრად ისტორიულ-ეპიკურ ნიჭრობაში.

<sup>1</sup> იხ. ს. ჯანაშია, პატრონაჟობის ბუნება და წარმოშობა საქართველოში (მზადდება დასაბუქდად).

რედაქციის შენიშვნა: ამ ნაშრომის დაბეჭდვა ავტორს არ დასცალდა. გამოქვეყნებულია მხოლოდ მისი თეზისები (იხ. ამავე ტომში).



დაცული აქვთ საყურადღებო ცნობები როგორც არაბების, ისე საზოგადოდ არაბეთის ნახევარკუნძულის შესახებ. ეს ნახევარკუნძული პირვანდელი სამშობლოა არა მარტო არაბებისა, არამედ ყველა მათი მონათესავე ხალხისა, რომელთაც ეხლა სემიტების საერთო სახელწოდებით აღნიშნავენ. მეცნიერებაში ამჟამად უცილობლად მიაჩნიათ, რომ სხვადასხვა სემიტური ტომი, რომელთაც შემდეგში სხვადასხვა ქვეყანაში ვხედავთ, არაბეთის ნახევარკუნძულიდან არის გამოსული თავის დროზე, ისევე, როგორც VII ს. დამდეგს არაბებმა შექმნეს ამ საემიგრაციო მოძრაობის უკანასკნელი ტალღა.

მსოფლიო ისტორია იცნობს ხალხთა მოძრაობას ორს დიდ კერას. ერთი არის შუა-აზია, თურქულ-მონღოლური ტომების სამშობლო, საიდანაც დროგამომგებით გადმოდენილი ეთნიკური ზვირთები წამლევადი სიძლიერით ეფინებოდნენ მეზობელ ქვეყნებს და, უპირატესად, დასავლეთისა თუ სამხრეთ-დასავლეთის მიმართულებით მოძრაობდნენ. კავკასიურ სამყაროს ისინი აღმოსავლეთიდან და ჩრდილოეთიდან ევლინებოდნენ.

მეორე, კიდევ უფრო მნიშვნელოვანი კერა არაბეთის ნახევარკუნძულია. მეხუთე თუ მეოთხე ათასეულში, ძველი წელთაღრიცხვით, აქედან გამოდის პირველი დიდი საემიგრაციო ტალღა, რომელიც თანდათან ჰფარავს შუამდინარეთისა და მეზობელი მხარეების ველებს და სუმერული კულტურის (სუმერები ყველაზე ძველი წარმომადგენლები იყვნენ წინააზიის უძველესი მოსახლეობისა) ნანგრევებზე საძირკველს უყრის ბაბილონისა და ასურეთის საყრდენთაოდ ცნობილ სახელმწიფოებს. მაგრამ უკვე ბაბილონურ სახელმწიფოს დამაარსებლებს, სარგონსა და მის შვილს ნარამსინს, უხდებათ ბრძოლა სემიტების ახალ დენასთან. ნაკადის შეჩერება საბოლოოდ ნაინც შეუძლებელი ხდება და იგი ისახება, როგორც მეორე სემიტური, გრანდიოზული, ემიგრაცია ამორეველ-ქანაანელებისა (XXIV—XIV სს. ძვ. წ.). ამ ნაკადის პირველი ტალღა ფინიკიელები იყვნენ, ებრაელები — უკანასკნელი. მეორე ათასეულის დამლევეს, ძვ. წ., მოდიან უკვე არამეელები, რომელთაც ხელი შეუწყვეს სირიული (ძველი ქართული ტერმინოლოგიით — ასურული) ენისა და ეროვნების ჩამოყალიბებას. ეს იყო მესამე ემიგრაცია. მეოთხეს, არაბეთის ნახევარკუნძულიდან განოსულს, სემიტურ ტალღას, ეკუთვნიან უკვე ქალდეველები, რომელთაც, მიდიელებთან ერთად, შემუსრეს ასურელების ძლიერება (606 წ. ძვ. წ.) და მისცეს ბაბილონს ახალი დინასტია (604—560 წ. წ. ძვ. წ.). დასასრულ, ათიოდე საუკუნის შემ-

დგე, თავიანთი თანამშრომლების მიერ გათელილ გზებს არაბთა რაზმები მოედგნენ.

ამ პერიოდულ ემიგრაციებს როგორც შუა აზიიდან, ისე არაბეთის ნახევარკუნძულიდან ზოგი მეცნიერი ხსნის დედამიწის ზედაპირის ნელი, შეუმჩნეველი და თანდათან გაშრობა-გახმობის პროცესით აღნიშნულ რაიონებში. ეს კოსმიურ-გეოლოგიური პროცესი იყო სწორედ ძირითადი მიზეზი ხალხთა ყველა გადასახლებისა ცენტრალური აზიისა, საპარისა და არაბეთის წიაღებიდან ისტორიამდისეულსა და ისტორიულ ხანებშიო. არაბეთის შესახებ ასეთი, ამ ქვეყნის კლიმატოლოგიაზე დამყარებული, კონსტრუქცია მოგვცა ცნობილმა იტალიელმა ორიენტალისტმა ლ. კაეტანიმ. აღნიშნული ცვლილებები არაბეთის ნახევარკუნძულზე ხდებოდა ისე ნელა, რომ გარკვეული პერიოდის მოსახლეობისათვის ეს პროცესი ძლივს შესამჩნევი იყო. გაფანტული და შედარებით მეჩხერი მოსახლეობა ჯიუტად იჯდა მამაპაპეულ მიწაზე და ძველებურად ეწეოდა თავის ჩვეულ საქმიანობას. მაგრამ ბოლოსდაბოლოს დგებოდა დრო, როცა შიმშილი აიძულებდა ხალხს აყრილიყო სამშობლოდან და სხვა, უფრო ნაყოფიერ ქვეყნებში ეძია ლუკმა-პურიო.

მოსაზრებას, რომ უდაბნოების ზონის გაფართოების ტენდენცია არსებობს დედამიწის სხვადასხვა მხარეში და რომ წვიმების შემცირების მიზეზით დროთა ვითარებაში განსაკუთრებით დაზარალებენ ზღვისაგან დაშორებული ბარის ადგილები (საპარა, ცენტრ. აზია, არაბეთი), მაშინ როდესაც ზღვით დასერილი და ზღვასთან ახლოს მდებარე ქვეყნები (სამხრ. ევროპა, ინდოეთი, ინდო-ჩინეთი) უფრო ბედნიერ მდგომარეობაში აღმოჩნდნენ, — ამ მოსაზრებას ავტორიტეტული ნატურალისტები უჭერენ მხარს. მაგრამ აღნიშნულ პროცესს მნიშვნელობა და გავლენა ჰქონდა გეოლოგიური, და არა ისტორიული, პერიოდებისათვის. ამათუიმ ისტორიულს საზოგადოებრივ ფორმაციას ბუნებრივი პირობები ხვდებოდა უკვე თითქმის გარკვეული სახით და, ყოველ შემთხვევაში, ძირითადი მიზეზები ხალხთა მოძრაობისა უნდა ეძიოთ არა აქ, არამედ თვით საზოგადოებრივი სტრუქტურისა და მეურნეობის თავისებურებაში. თითქმის სულ ყველა ეს ხალხი, თავის სამშობლოდან დაძრული და სხვაგან წასული ახალი საკვები არეების საძებრად, მეჯოგე ტომია. რაც უფრო გვიანდელია საემიგრაციო მოძრაობა, მით უფრო მეტად ვამჩნევთ ახალ ელემენტებსაც მეურნეობაში. ეს განსაკუთრებით უნდა ითქვას არაბული „ემიგრაციის“ (მეტნაკლებად პირობითი მნიშვნელობით) შესახებ.

არაბეთის ნახევარკუნძულს დასავლეთიდან ეკვრის მეწამული ზღვა, რომელიც მას ეგვიპტისაგან ჰყოფს, სამხრეთიდან—ინდოეთის ოკეანე, აღმოსავლეთიდან—ირანის ყურე. ამ ვრცელ არეზე რამდენიმე მკაფიოდ განსხვავებული რაიონი განირჩევა: 1) შუა რაიონი, რომელიც ზეგანს წარმოადგენს და ნეჯდის სახელწოდებას ატარებს; 2) ჰიჯაზი, სანაპირო ოლქე, მეწამული ზღვის გასწვრივ მდებარე, მთაგორიანი ქვეყანა, რომელიც უმთავრესად ორი პარალელური მთაგორებისა და შუა ტაფობისგან არის შედგენილი და 3) იამანის (ძველ ქართულ მწერლობაში—იამანეთი) ანუ ბედნიერი არაბეთი, რომელიც სამხრეთიდან მოსდგამს ჰიჯაზს და რომელსაც ნახევარკუნძულის სანხრეთ-დასავლეთი სანაპირო ნაწილი უჭირავს (სიტყვა „იამან“ არაბულად ნიშნავს „მარჯვნივ“ და აქედან გაკეთდა „ბედნიერი არაბეთის“ სახელწოდებაც; რადგანაც ცრუმორწმუნე მასები „მარჯვენას“ „ბედნიერის“ მნიშვნელობას უკავშირებდნენ (შეადრ. ქართ. „მარცხი“ და „გამარჯვება“).

ამ დიდ სივრცეზე, რომელიც ყველგამ არ არის გამოსადეგი ადამიანის ცხოვრებისათვის, აღებული ეპოქის დამდგენისათვის უპირატესად არაბული მოდგმის მოსახლეობაა დამკვიდრებული. იგი ორ მთაყარ ჯგუფად განიყოფება—ჩრდილოეთისა და სამხრეთის ტომებად. პირველთ „ისმაიტელებს“ ეძახის ბიბლია (ეს ტერმინი ჩვეულებრივად იხმარება ძველ ქართულ მწერლობაში არაბების აღსანიშნავად საზოგადოდ, ისევე, როგორც, ამავე მნიშვნელობით,— „ძენი ისმაელისნი“, სარკინოზები, —უდრის ევროპ. სარაციის, —და „ჰენი აგარისნი“ ანუ აგარიანები)<sup>1</sup>, ხოლო მეორენი იმავე ლიტერატურულ ძეგლში წოდებული არიან იეკტანელებად. ჩრდილოეთის ტომები, ისმაიტელები, —რომელნიც ყოველთვის ზეპხედვარედ უყურებდნენ სამხრეთელებს, რადგანაც მხოლოდ თავიანთ თავს სთვლიდნენ „წმინდა სისხლის“, შუმ არაბებად, —მსხემურ (ნომადურ, მომთაბარე) ცხოვრებას ეწეოდნენ, მეჯოგენი იყვნენ და იშვიათი სიმხნის, სამხელრო, სიქველის, სიმამაცისა და გამძლეობის თვისებებით იყვნენ შემკულნი. ესენი არიან ყველასათვის ცნობილი ბედუინები. უფრო მშვიდობიანი სამხრეთელები იმთავითვე ბინადარ ცხოვრებაში იყვნენ ჩაბმულნი. აქ, უეჭველია, დიდი მნიშვნელობა ჰქონდა ბუნებრივ გარემოს: ბედუინების უდაბნოებისაგან განსხვავებით, სამხრეთელ ტომებს

<sup>1</sup> იმთავითვე იხმარება ძველ ქართულ მწერლობაში აგრეთვე „არაბიელნი“ და შემდგ „არაბნი“.

ეპირათ შედარებით მდიდარი ადგილები. აღმოსავლეთის რაიონში აქ აწარმოებდნენ გუნდრუკს, რომელსაც დიდი გასავალი ჰქონდა ძველ ქვეყნებში, ხოლო სამხრეთ-დასავლეთის რაიონში დიდი რაოდენობით პოულობდნენ ოქროსაც. იმავე დროს მოსახლეობას უძველესი დროიდანვე კულტურული კავშირები აქვს მეზობელ დაწინაურებულ ქვეყნებთან.

III ათასეულის ბოლოს, ძვ. წ., იამანში უკვე ჩანს მიწისმოქმედი და კულტურული მოსახლეობა. II ათასეულის ბოლოს აქ მაინელები ის სახელმწიფოს ვხედავთ. მაინელები ვაჭრობას აწარმოებენ ერთი მხრით ინდოეთთან, მეორე მხრით—ეგვიპტესა, პალესტინასა და ბაბილონეთთან. მაინელების კულტურული განვითარების დონეზე მიგვიჩვენებს მათი თავისებური ანბანური დანწერლობა. მეტი ცნობები მოგვეპოვება მაინელთა მემკვიდრეების, საბაელების შესახებ, რომელნიც აქ საბოლოოდ დამკვიდრდნენ VII—VIII ს. ს. ძვ. წ. და რომელთა სახელმწიფო—საბა—ბიბლიამაც არის მოასწავებული. საბაელთა ნაკვალევი, დიად ნაგებობათა ნანგრევებისა, რთული სარწყავი სისტემის ნაშთებისა და კლდეებზე ამოკრილი, ყოველნაირი საინტერესო წარწერების სახით, XIX ს. შუაწლებიდან მკვლევართა ყურადღებას იპყრობს და ნაყოფიერი მასალაა ამ ხალხის წარსული ვითარების აღსადგენად. საბაელებს, როგორც ჩანს, კიდევ უფრო ცხოველი სააღებმიცემო ურთიერთობა აქვთ გარესამყაროსთან. საკუთარი პროდუქციის გარდა, ისინი სატრანზიტო საქონლითაც ვაჭრობენ: ინდოეთიდან მოაქვთ—სანახევროდ ზღვის, სანახევროდ ხმელეთის გზით—საქონელი, რომელიც შენდევში მეწამული ზღვით გააქვთ ეგვიპტეში ფარაონებისა და მათი დიდებულების კარზე. მეწამულ ზღვაში ნაოსნობის სიძნელე ხელს უწყობს პარალელურად ხმელეთის გზის განვითარებას ჰიჯაზზე. ეს გზა ჰიჯაზის ზემოთმონხსენებულ ტაფობზე გადის და იამანს სირიასთან აკავშირებს. ამ საქარაენო გზაზე, ჰიჯაზის ფარგლებში, უკვე ამ დროს ძვეს მნიშვნელოვანი სავაჭრო სადგურები და ქალაქები—მაქორაბა, მერმინდელი მაქა, და იატრიპა (ფიქრობენ, რომ ეს არის მერმინდელი იასრიბი, მაჰმადის შემდეგ მაღინად წოდებული)—მაშასადამე. ის ორი ქალაქი, რომელთაც ისლამის ისტორიაში უდიდესი როლი ითამაშეს. ჰიჯაზიდან სინაზე გავლით ეს საქარაენო გზა ბოლოვდება ხმელთაშუაზღვის ნაპირზე მდებარე ქალაქებში—პეტრასა და ლაზაში, რომელთაგანაც განსაკუთრებით მდიდარი და ძლიერი პირველი იყო.

არაბული საშუამავლო სავაჭრო გზის მნიშვნელობა ძლიერდებოდა იმ ხანებში, როდესაც პოლიტიკური პირობები ასუსტებდნენ დასავლეთსა და აღმოსავლეთს შორის გაბმული მეორე სატრანზიტო გზის — სირია-მესოპოტამია-ბაბილონის (ავრეთვე ირანის ყურეს აკავშირებდა ხმელთაშუაზღვასთან) როლს. ვაშასადმე, არა მარტო ეკონომიურად და კულტურულად, არამედ პოლიტიკურადაც უკვე უძველეს დროს არაბეთის ნახევარკუნძული ახლო ეგება წინააზიურ სამყაროს.

ელინისტური ხანიდან (IV—III ს. ს.) საბაელები სუსტდებიან და თანდათანობით ადგილს უთმობენ ჰიმეარელებს; რომელთა სამეფომ გაძლო უფრო დიდხანს და რომელთაც ურთიერთობა აქვთ ჯერ კიდევ იუსტინიანე კეისართან. თუმცა ამ დროს (VI ს. ახ. წ.) ჰიმეარელების პოლიტიკური და ეკონომიური ძლიერება ბევრად ჩამოუვარდება საბაელებისას, მაგრამ სავაჭრო დამოკიდებულება იამანსა და სირიას შორის, იმავე მაქას გზით, და იამანსა და აბაშეთს შორის, მეწამული ზღვით, კიდევ არსებობს.

სამხრეთ არაბეთში უარსებნია სხვა წვრილ არაბულ სახელმწიფოებსაც, მაგრამ მათ ისეთი მნიშვნელობა არ ჰქონიათ. ჩვენთვის უფრო საინტერესოა ჩრდილოეთის პროვინციების პოლიტიკური ისტორია. აქაც, თუმცა უფრო გვიან აღმოცენებული და უფრო სუსტი, არაბული სახელმწიფოებრივი ორგანიზმები არსებობენ და მოქმედებენ: არიბი, ჯერ ასურეთისა და შემდეგ აქემინელების ირანის ყმა; ნაბატელების სამეფო მთავარ ქალაქ პეტრათი და შორეული არაბულ-ელინისტური კულტურით; განსაკუთრებით ცნობილი პალმირის სამეფო, რომლის არსებობა რომაულ ხანას განეკუთვნება და რომლის განთქმულმა დედოფალმა ზენობიამ (ელინიზებული ფორმა არაბული სახელის ბათ-სეზინისა) III ს. მეორე ნახევარში თითქმის მოახერხა მოკლე ხნით ელინისტურ-აღმოსავლური დიდი სახელმწიფოს შექმნა: მისი ვაჟი ვახბალატი აღიარებულ იქნა ეგვიპტისა და მცირე აზიის მფლობელად, მაგრამ ავრელიანე კეისარმა უკვე 273 წ. მოახერხა ბოლო მოელო პალმირას სამეფოს არსებობისათვის, და თვით დედაქალაქი დაანგრია. პალმირას, ისევე როგორც პეტრას, გრანდიოზული ნაშთები ახლაც იზიდავენ მკვლევართა ცნობისმოყვარეობას.

გვიანდელ რომაულსა და ბიზანტიურ ხანაში ჩრდილოეთ არაბეთის კიდევ, ერთი მხრით, სირიასა და, მეორე მხრით, ირანის ერაყში, ისევ ჩნდებიან არაბული პოლიტიკური ერთეულები. როგორც რომაელები, ისე ირანელები თავიანთ საუკუნოვან ბრძო-

ლაში ცდილობენ გამოიყენონ ბედუინები ქირის ჯარის სახით, ისევე როგორც ამ ფრონტის ჩრდილოეთ ფრთაზე ისინი იყენებენ, იმავე წესით, ალანების, ჰუნებისა და სხვა ჩრდილოკავკასიელი ნომადების დახმარებას. ორივე მხარე იძულებულია არაბთა მმართველობის სათავეში ადგილობრივი წარმოშობის მფლობელები დააყენოს. ამით აიხსნება ნაწილობრივ ამ მფლობელთა ხელისუფლების ხასიათი: მაშინ როცა ნეჯდის ბედუინების შეიხები (შეიხი მოხუცს, უხუცესს, ნიშნავს), მამასახლისები, თვით თანამეტომეთა მიერ არჩეული პირები იყვნენ, როგორც ყველა გვაროვნული საზოგადოების მეთაური, სირიელი და ერაყელი არაბი მფლობელები მემკვიდრეობით გადასცემდნენ თავიანთ ხელისუფლებას. ცხადია, ეს მფლობელები ამ შემთხვევაში თავიანთი სიუზერენების რეალურ დახმარებას ეყრდნობიან. მაგრამ თუ ამ ნიადაგზე შეიძლება ნაწილობრივ აიხსნას სათანადო დინასტიების (ჰასანიდები—სირიაში და ლახმიდები—ერაყში) არსებობა, თვით პოლიტიკური ორგანიზმების წარმოშობა, რა თქმა უნდა, საკუთარი განვითარების შედეგი იყო. ამისათვის, როგორც ვნახეთ, საჭირო ნიადაგი აქ უკვე დიდხანია არსებობდა.

რომაელთა და ბიზანტიელთა ვასალები, სირიელი ჰასანიდები და ირანელთა ყმები, ლახმიდები (სატახტო ქალაქით ხირათი, მდ. ეფფრატის მახლობლად) დაახლოებით ერთნაირ მდგომარეობაში იმყოფებიან და ანალოგიურ განვითარებასაც განიცდიან, ებრძვიან რა მუდმივ ერთმანეთს სიუზერენის დავალების შესასრულებლად სანაპირო ხაზის დაცვის შესახებ. ამ ფილარქებს (ე. ი. ტომთა მთავრებს, როგორც მათ ეძახიან ბერძენი მწერლები) იმავე დროს თავი ძალიან დამოუკიდებლად და თვითნებობით უქირავეთ. ამიტომ სიუზერენტა დამოკიდებულება ამ მოუსვენარი ხალხისადმი ყოველთვის ზრუნვით, სიფრთხილითა და შიშნეულობით იყო აღსავსე, რაც სათანადო პოლიტიკას არათანაბარ ხასიათს აძლევდა. გადამეტებულ ჯილდოსა და საჩუქრებს (იუსტინიანე კეისარი, მაგ., სირიის მთელ არაბობას აერთიანებს ერთი მფლობელის ხელისუფლების ქვეშ და ამ მფლობელს მეფისა და პატრიკიოსის ტიტულებით აჯილდოვებს) შეტად მკაცრი დამსჯელი ღონისძიებები მოსდევდა. ამ საურთიერთო ბრძოლასა და ჯაჯგურში ორივე ვასალური სახელმწიფო VII ს. დამდეგს ჩამოდის ისტორიული სცენიდან, როგორც მნიშვნელოვანი ძალა.

მაგრამ რომ შიდა არაბეთშიაც ამ დროისათვის უკვე მწიფდება სახელმწიფოებრივი ძალები, ამას მოწმობს ტომთა კოალი-

ცია, რომელიც აქ ჩამოყალიბდა კინდის ტომის მეთაურობით V ს. მეორე ნახევარში. საუკუნის დამლევს ამ კავშირის მრავალრიცხოვანმა ურდოებმა წააღიეს პალესტინა და მომდგამი ქვეყნები. VI ს. დამდეგს იმპერატორი ანასტასი იძულებული ხდება უზარმაზარი თანხა გადაუხადოს კინდელებს, რათა დაიცვას თავისი საზღვრები მათი თარეშებისაგან და რათა ეს უკანასკნელი მიმართოს თავისი მოწინააღმდეგის, ირანის მეფის ვასალის, ხირას მფლობელის წინააღმდეგ. მართლაც, კინდელებმა მოახერხეს თითქმის მთელი ხირას სამფლობელოს დაპყრობა, მაგრამ მოკლე ხნით.

ყოველივე ზემომოთხრობილი მიგვიჩვენებს იმ ნიადაგსა და საერთო სიტუაციაზე, რომლებმაც უნდა აგვიხსნან ჩვენ არაბულ დაპყრობით ლაშქრობათა მოჩვენებითი მოულოდნელობა მეშვიდე საუკუნეში. ბიზანტიისა და სპარსეთის სანაპირო ხაზზე მდებარე არაბული სამთავროების არსებობას ის მნიშვნელობა ჰქონდა, რომ მათ, ერთი მხრით, საშუალება მისცეს ხარბსა და საშოვარის მიძიებელ ბედუინებს გასცნობოდნენ ამ დიდი სახელმწიფოების დოვლათსა და სიმდიდრეს, ხოლო, მეორე მხრით, თანდათანობით შთაუწერდნენ მათ რწმენა, რომ ეს კოლოსები არც თუ უძლეველი არიან. საჭირო იყო მტკიცე საორგანიზაციო ძალა, რომელიც, არაბთა მთელი წინანდელი პოლიტიკური ისტორიის მიერ დადასტურებულს, ნახევარკუნძულის შინაგან პოტენციას დარაზმავდა და წარმართავდა უკვე წარმოჩენილი მიდრეკილებების მიერ დასაბუთი გზებით. ასეთ პროცესს ჩვენ ვხედავთ VII ს. დამდეგს. იმდროინდელ ამბებში მნიშვნელოვანი როლი ითამაშა ისლამმა, ახალმა მსოფლიო რელიგიამ, რომლის პირველი მქადაგებელი იყო მუჰამადი.

თავიანთი რელიგიური რწმენების მხრივ ისლამის წინაპროინდელი არაბები აგრეთვე ჭრელ სურათს წარმოადგენდნენ. ბედუინები, თავიანთი პრიმიტიული სოციალური ყოფის შესაბამისად, პრიმიტიული ტოტემიზმისა და ფეტიშიზმის წარმოდგენათა წრეში იმყოფებოდნენ. ერთღვთაების, ალლაჰის, წარმოდგენა, ალბათ შემოტანილი უფრო განვითარებული რაიონებიდან და ეპოქებიდან, ბუნდოვანი და არარელიგიური იყო. თითოეულ ტომს მიჩნეული ჰქონდა საკუთარი კერპი ან კულტის რომელიმე სხვა საგანი. საერთოდ, როგორც დამკვირვებლები ამტკიცებენ, ბედუინები რეალისტები და პრაქტიკოსები არიან და საკმაოდ გულგრილად არიან განწყობილი სარწმუნოებისადმი. მკვიდრ განაპირა მოსახლეობაში კი ჩვენ რელიგიის უფრო რთულ ფორმებსაც ვხედავთ. ჯერ ერთი, აქ გარედან შემოტანილი სარწმუნოებანიც გვხვდება. მეშვიდე საუ-

კუნის დამდეგისათვის არაბთა მნიშვნელოვანი ნაწილი, განსაკუთრებით, სირიელები და ერაყელები, ქრისტიანობას (ჩვეულებრივად, მონოფიზიტურს) აღიარებდა; ნაწილი მისდევდა იუდაიზმს (არაბეთის ქალაქებში ებრაელები ბლომად ცხოვრობდნენ). იუდაიზმი და ქრისტიანიზმი აქაც სოციალურ-პოლიტიკური იარაღის როლში გამოდიან და ებრძვიან (ხშირად, დიდი სისასტაკით) ერთმანეთს. აბაშეთის (ეთიოპიის) მეფე, რომელსაც გარკვეული პრაქტიკული ინტერესები ამოძრავებს, მაგ., მხარს უჭერს და აბატონებს კიდევაც ქრისტიანობას ჰიმარაელების სამეფოში. შესამჩნევია არაბეთში სხვა მეზობელი ქვეყნების რელიგიური გავლენაც.

ასეთივე სოციალურ-პოლიტიკური იარაღის ფუნქცია დაკისრებული აქვს აქ ადგილობრივ კულტებსაც. კერძოდ, რელიგია გამოყენებულია, როგორც იდეოლოგიური ზემოქმედების საშუალება, სავაჭრო ინტერესების სფეროში. საკუთარი და სატრანზიტო აღებ-მიცემა მოითხოვდა საქარავნო გზების მუდმივ დაცვას ყაჩაღობისადმი დიდად მიდრეკილი ბედუინებისაგან. თავისთავად ცხადია, ამ დაცვის ფუნქციას, უწინარეს ყოვლისა, სახელმწიფო კისრულობს, მაგრამ სახელმწიფოებრივ ორგანოებთან ერთად მფარველობის მოვალეობას აკისრებენ ტაძრებსაც. ამ მხრივ ყველაზე განთქმული მთელ არაბეთში იყო ქააბას ტაძარი ქალაქ მაქაში. ამ ტაძარში, რომელიც, ზოგის აზრით, არა არაბული წარმოშობისაა, ინახებოდა თაყვანისცემის მთავარი საგანი, შავი ქვა, გადმოცემით, „ციდან ჩამოტანილი“. ამ ტაძრის გარშემო მაქას, ერთი უმთავრესი სავაჭრო ქალაქის, მმართველმა წრემ მოახერხა ტომთა სარწმუნოებრივი კავშირის შექმნა. მაქელები ახერხებენ თანდათანობით ამ კავშირში ბედუინების ჩაბმასაც, სულ უფრო-დაუფრო მეტი რაოდენობით, და, ამრიგად, უდაბნოს მოუსვენარი შვილების ენერჯიის ნეიტრალიზაციასაც, მით უმეტეს რომ თვით ბედუინებსაც სავაჭრო ინტერესები ჰქონდათ მაქაში: მათ (ვაჭრების როლში, ალბათ, უმთავრესად ტომებისა და თემების მეთაურები გამოდიან) აქ მოაქვთ ტყავები და, საერთოდ, ჩეჯოგეთა მეურნეობის სხვა პროდუქტები. ყოველწლიურად მაქაში დიდი ზემოთ იხდიდნენ გაზაფხულის დღესასწაულს; რომელსაც დიდძალი ხალხი ესწრებოდა. ამ დღესასწაულთან დაკავშირებული იყო დიდი ბაზრობაც. არა მარტო მაქაში, არამედ მეზობელ პუნქტებშიაც, ბოლოსდაბოლოს საყოველთაოდ დამკვიდრდა შეგნება მშვიდობიანობის აუცილებლობისა ამ ბაზრობის დროს. ეს ხელ-



საყრელი იყო ყველა მხარისათვის. დაახლოვებით VI ს. დამლევს, მაქას მოქალაქეების მოხერხებით, წესად იქნა დადგენილი, რომ არა მარტო მაქას სავაქრო კავშირის ტერიტორიაზე, არამედ თითქმის მთელ არაბეთში დაცული ყოფილიყო მშვიდობიანობა ოთხი თვის განმავლობაში წელიწადში. მთავარი სავაქრო გარიგებები ამ საყოველთაო მშვიდობიანობის დროს ხორციელდებოდა. უფრო დიდი ეფექტისათვის მაქელი ვაქრები ნებას აძლევენ უცხოელ არაბ ტომებს დადგან ქააბაში და მის მახლობლად თავიანთი საკუთარი ღმერთების გამოსახულებანი. ეს თავისებური რელიგიური სინკრეტიზმი, ერთი მხრით, აძლიერებს ქააბას ავტორიტეტს და საძირკველს უმზადებს მონოთეიზმს, მეორე მხრით, ამტკიცებს არაბ ტომთა მოქალაქეობრივ კავშირებს.

მაქაში, აღებული პერიოდისათვის, გაბატონებული იყო კურეიზის თემი, რომელსაც, სხვათა შორის, ხელთ ჰქონდა ჩაგდებული ქააბას ტაძრის გამგეობისა და მომსახურეობის უაღრესად შემოსავლიანი ფუნქცია. ამ კურეიზის თემის ერთ-ერთი ყველაზე ღარიბი საგვარეულოს, ჰაშიმიის, წარმომადგენელი იყო მუჰამადი, რომელმაც VII ს. დამლევს მაქაში ჯერ საკუთარ ოჯახში, შემდეგ უფრო ფართო წრეში, დაიწყო თავისი ქადაგება. მისი მოძღვრება არც მდიდარი იყო და არც ორიგინალური; ადგილობრივი კულტების განსხვავებით, იგი მკაცრ მონოთეისტურ შეხედულებას იცავდა და იუდაიზმის და ქრისტიანიზმის დიდ გავლენას ატარებდა. სოციალურად მას ორიენტაცია ჰქონდა აღებული ქალაქის ღარიბებისა და მონების წრეზე. სწორედ აქ, საკუთარი ოჯახის გარდა, პოულობს მუჰამადი თავის პირველს, მეტად მცირერიცხოვან მიმდევრებს. ეს ხალხი სიამოვნებით ისმენს მუჰამადის დაპირებებს იმის შესახებ, რომ „მათს მაქელ ბატონებს ელის ღვთის რისხვა და მისაგებელი საიქიოში“. სამაგიეროდ მაქის არისტოკრატია, მდიდარი კურეიშელები, უაღრესად მტრულად შეხვდა ამ ქადაგებას: ახალი მოძღვრება მას კარგს არაფერს უქადადა—ერთი მხრით, ძირს უთხრიდა ქალაქის ეკონომიური კეთილდღეობის ერთს ბურჯთაგანს, მის სამლოცველოს, მეორე მხრით, ბატონების წინააღმდეგ აჯანყებდა მონებს. უგულვებელყოფიდან და დაცინვიდან კურეიშელები აშკარა დევნაზე გადადიან. ერთი ხანობა, ჰაშიმის მთელი საგვარეულო და მუჰამადის მიმდევრები სასტიკი ბოიკოტის ქვეშაჲ იყვნენ დაყენებულნი. ბოლოს მუჰამადი და მისი მცირე მრევლი იძულებული გახდა გაქცეულიყო მეზობელ ქალაქ იასრიბში, რომელიც შემდეგში იღებს მადინას (ე. ი. „ქალაქის“)

სახელწოდებას. ამ ფაქტს არაბები „ჰიჯრას“ (არაბულად „გაქცევა“ ნიშნავს) ეძახიან და თვით მუჰამადის გაქცევის დღიდან (622 წ. ზაფხული; თვით მუსლიმანების ანგარიშით, ამ წლის ივლისის 16, პარასკევი დღე) იწყება მაჰმადიანური წელთაღრიცხვა (ძველი ქართული ტერმინოლოგიით, „ისმაიტელთა წელნი“) ანუ წელთაღრიცხვა „ჰიჯრით“, რომელიც ეხლაც მიღებულია ყველა მუსლიმანურ ქვეყანაში.

იასრიბში „მუჰაჯირებმა“ (გაქცეულებმა) მეტი თანაგრძნობა ჰპოვეს. მუჰამადს აქ უფრო ადრეც ჰყავდა მიმდევრები და მალე თითქმის მთელი ქალაქი მისი გავლენის ქვეშ მოჰყვა. შესაძლოა აქ მნიშვნელობა ჰქონდა უკვე არსებულ კონკურენციას მაქასთან. და თვით იასრიბის მოსახლეობის კრულ შემადგენლობას. კერძოდ, იასრიბში ბლომად იყვნენ ებრაელები, რომლებთანაც მუჰამადსა და მის მიმდევრებს ადრევე ჰქონდათ კეთილი განწყობილება და შემდეგშიაც იგი ერთხანს შეინარჩუნეს. იასრიბში მუჰამადი ახერხებს პატარა თეოკრატიული სახელმწიფოებრივი ერთეულის შექმნას; მუჰამადი არის ამ თემის როგორც პოლიტიკური, ისე სარწმუნოებრივი მეთაური. იცვლება მისი სოციალური საყრდენიც. შესაძლოა, მონებსა და ლატაკებს ერთხანს კიდევ შერჩათ თავიანთი წინანდელი ილუზიები; არსებითად კი მუჰამადი თავისი ცხოვრების უკანასკნელ წლებში სრულიად შორდება ძველ მიმდევრებს. თანასწორობის მქადაგებელი, ღარიბებისა და დაჩაგრულების მოსარჩლე, ამ ქვეყნიერი მმართველებისა და ხელისუფალთა მამხილებელი, მუჰამადი ეხლა თვით იქცევა სახელმწიფოს მეთაურად, რომელიც აბსოლუტურ მორჩილებას მოითხოვს.

მალე მუჰამადი თავისი მიმდევრებისაგან ადგენს რაზმს, რომელიც ხელობად იხდის გამვლელი, განსაკუთრებით, მაქური ქარავნების ძარცვას. ეს მეკობრეთა რაზმი ბოლოს იქამდისაც მიდის, რომ თავის ოპერაციებს აწარმოებს თვით „საღვთო მშვიდობიანობის“ თვეებშიაც. მუჰამადი აწესებს ნადავლის გაყოფის ნორმას: ერთი მეხუთედი — საღმრთოდ (საერთო საქურქლეში), დარჩენილიდან ერთი საგნის არჩევანის უფლება — მუჰამადს, სხვა — თანასწორად. ბრძოლის მონაწილეებს. მაქელები, რომელნიც იასრიბში დაბუღებული მუჰაჯირებისაგან დიდ ზარალს ხედავენ, ებრძვიან მათ დიდი ენერგიით, მაგრამ ცვალებადი წარმატებით.

630 წ. მუჰამადი ახერხებს მაქას აღებას, სამხედრო ძალით, და ნელნელა უახლოვდება თავის წინანდელ მოსიხსლე მტრებს, კორეიშელებს. კორეიშელების ჯარის ყოფილი ბელადიც კი, ჰალიდ

იბნ-ვალიდი, რომელმაც მწარე დამარცხება აწენვეინა მუჰამადს ოხოდის მთასთან, გადაღის „მოციქულის“ მხარეს და მალე ხდება „ისლამის მახვილი“, ყველაზე დიდი უდიდეს არაბ სარდალთა შორის.

კორეიშელი არისტოკრატები იღებენ მუჰამადის სარწმუნობასაც: ა. მიულერის თქმით, „ისინი, ბოლოსდაბოლოს, ხალხით უერთდებოდნენ ახალ სავაჭრო ფირმას, ბოლო რელიგიურ წესებს იღებდნენ, როგორც რეკლამასა და განცხადებას“.

მუჰამადის მიერ დაარსებულმა რელიგიამ მიიღო სახელწოდება „ისლამ“-ისა. „ისლამი“ ნიშნავს „მინდობას (ღვთისადმი)“. მისი მიზღვევები კი იწოდნენ „მუსლიმი“-ებად (ირანული ფორმით „მუსლიმანებად“), რაც „მინდობილს“ ნიშნავს. მუსლიმები იწოდებიან „მაჰმადიანებადაც“, მოციქულის სახელის მიხედვით. მუჰამადის ქადაგებანი, შემდეგში ჩაწერილი, თავმოყრილია მუსლიმების საღვთო წიგნში, „ყურან“-ში („ყურანი“ ნიშნავს „საკითხავს“), რომელიც „სურ“-ებად, ცალკე თავებად არის დაყოფილი.

მაქას დაპყრობის შემდეგ მუჰამადის ძალა და გავლენა არაჩვეულებრივად გაიზარდა, ისე როგორც მისი განკარგულების ქვეშ მყოფი ტერიტორია, მაგრამ მთელი არაბეთი მას არასოდეს არ დამორჩილებია, გარეშე ქვეყნების დაპყრობაც ხდება უკვე მისი სიკვდილის შემდეგ.

### § 3. ხალიფატის დაპყრობითი ომები

მუჰამადის გარდაცვალების შემდეგ (632 წ.) ერთბაშად და თვალნათლივ აღმოჩნდა, რომ ისლამის გავრცელებაში დიდი დამსახურება იძულებას ეკუთვნოდა: მოჩვენებითი მუსლიმების ხუთმა მეექვსეცდმა ურჩობა გამოაცხადა და გადაარეკა მუჰამადის მიერ დადგენილი მოხელეები და გადასახადების ამკრეფლები. ეს მით უფრო საინტერესოა, რომ ისლამის დამაარსებელმა, მიუხედავად თავისი საერთო ანტიწარმართული (უმთავრესად, კერპთმსახურების წინააღმდეგ მიმართული) პოლიტიკისა, ერთი დიდი „მსხვერპლი“ გაიღო არაბული ძველი ეროვნული რელიგიის წინაშე: ქააბას სამლოცველოს სიწმინდე და მისი კულტის მიუცილებლობა აღიარა. მეტიც: მან ყოველ მუსლიმს ერთერთ ძირითად სათნოებად და მოვალეობად დაუსახა ამ სალოცავის პირადი მონახვა და თავყვანისცემა (ქააბაში პილიგრიმობას მუსლიმები „ჰაჯს“ ეძახიან). მხო-

ლოდ შეზღვევნი სრულიად არა სარწმუნოებრივმა ლოზუნგებმა შესძლეს ისლამის დროშის ქვეშ არაბების ნამდვილი გაერთიანება.

უკვე ნუჭამადმა მისცა თავის მოძღვრებას მკაფიოდ აგრესიული ხასიათი: იგი ომს უცხადებდა მთელ სამყაროს, რომელიც ისლამს არ აღიარებდა. შენახულია გადმოცემა, თითქოს მუჭამადი 628 წ. წერილობით მიმართავს ბიზანტიის იმპერატორ ჰერაკლეს, მის მოადგილეს ეგვიპტეში, სირიელ არაბთა მფლობელსა და ირანის შაჰს და მოითხოვს ძაცვან მორჩილებას.

მაგრამ ეს საგარეო ექსპანსია ხორცს ისხამს მხოლოდ მისი მემკვიდრეების დროს. მუჭამადის მოადგილეები იყვნენ მისი უახლოესი თანამშრომლები: აბუ-ბაქრი (632—634 წწ.), ომარი (634—644 წწ.), ოსმანი (644—655 წწ.) და ალი (656—661 წწ., ნომინალურად). ისინი იმთავითვე იღებენ ტიტულს „ხალიფა“-სი („მოადგილე“, იგულისხმება მუჭამადის მოადგილე) და „ამირ-ალ-მუმიინინა“-სი (ძველი ქართული გამოთქმით—„ამირმუმლი“), რაც „მართლმორწმუნეთა მბრძანებელს“ ნიშნავს. ხალიფების ხელთ გაერთიანებულია როგორც საერო, ისე საეკლესიო (სარწმუნოებრივი) უზენაესი ხელისუფლება. ხალიფების სამფლობელო „ხალიფატად“ იწოდება.

პირველი დიდი დაპყრობითი ლაშქრობანი ომარის ხალიფობაზე მოდის. ამ დაპყრობითი ომების მიზანი და მიზეზი, როგორც ამტკიცებენ ისლამის საუკეთესო მცოდნენი (კაეტანი, ა. მიულერი, ჰოლციერი და სხვ.), სრულებით არ ყოფილა ახალი სარწმუნოების გავრცელების ცდა. ბედუინები, რომელთაც შეადგინეს ისლამის სამხედრო ძალის ძირითადი ბირთვი, მოქცეული იყვნენ მხოლოდ გარეგნულად. ისლამი მათთვის იყო გზა არა საიქიო ცხოვრებისაკენ (საიქიოსი მათ არაფერი სწამდათ), არამედ სააქაო, ამქვეყნიური სიკეთეებისაკენ. ისლამი აერთიანებდა მათ, როგორც არაბთა მსოფლიო ბატონობის დროშა. როგორც ყველა ძველი დამპყრობელი, არაბთა სარდლებიც მიზნად ისახავდნენ არა ურწმუნოთა მოქცევას, არამედ არაბული სამფლობელოს გაფართოებას, ხარკსა და ნადავლს. ისლამის მეომრებმა შეითვისეს შეხედულება, რომ არამუსლიმებს იმდენად აქვთ არსებობის უფლება, რამდენადაც ისინი მუსლიმების კეთილდღეობისათვის მუშაობენ, რომ ეს ქვიყანა მუსლიმების სარგებლობისა და სიამოვნებისათვის არის გაჩენილი, რადგანაც ისინი ღვთისაგან რჩეული და შეყვარებული ერია. ამიტომ იყო, რომ, პირველხანად, დაპყრობილ ქვეყნებში არაბები დიდ სარწმუნოებრივ ღმობიერებას იჩენდნენ. სარწმუნოებრივი დევნულობა

მხოლოდ გვიან ჩნდება. ალაფობისა და ხარკის ძიების მიმზიდველობის ძალა და ტრადიცია არაბებში, როგორც ვნახეთ, ძველთაგანვე არსებობდა და შემდეგში მუჰამადის მიერაც იყო ნაქურთხი და დაკანონებული. ამისათვის ბედუინებს ბუნებრივად აიძულებდა მწირი გარემო. ისლამმა ამ მიდრეკილებებს მხოლოდ მანამდის უნახავი ფორმა და ორგანიზაცია მისცა. ეს შესაძლებელი გახდა იმიტომ, რომ, როგორც ყოველთვის ხდება, ეს ახალი რელიგიაც წარმოადგენდა ზუსტ იდეურ გარდმონასახს იმ სოციალური ძალების, რომელმაც იგი შექმნა: წინააღმდეგ ბიბლიური თქმულებისა, რომ ღმერთმა შექმნა კაცი თავის მსგავსად, სინამდვილეში კაცი ქმნიდა თავისთავის მსგავსად საკუთარ ღმერთებს.

ომარის ხალიფობაში, 635—6 წწ., არაბებმა ხელთ იგდეს მთელი სირია ქალაქ დამასკით; მომდევნო წლებში დაპყრობილ იქნა პალესტინა და იერუსალიმი; ორმოციანი წლების დამდეგს—ირანი; იმავე წლების დამდეგს—ეგვიპტე. შემდეგ ჯერი მიღვა სხვა ქვეყნებზედაც.

არაბთა ასეთი არაჩვეულებრივად სწრაფი და დიდი წარმატება სხვადასხვა პირობებით აიხსნება. როგორც ყოველთვის, მნიშვნელოვანი იყო არა მარტო გამარჯვებულის, არამედ აგრეთვე დამარცხებულის თვისებები. ამ შემთხვევაში ყურადღებას იქცევს არაბთა მოწინააღმდეგეების სისუსტე. ირანი, ჰერაკლეს ლაშქრობათა წყალობით, თითქმის განადგურებული იყო. არაბებმა მას მხოლოდ უკანასკნელი მახვილი ჩასცეს. ირანის განადგურებაში, ჩანს (ცნობები გვაკლია), როლი ითამაშა ირანის ჩამორჩენილმა სოციალურ-პოლიტიკურმა წყობამ: სასანიდების ქვეყანამ ვერ მოახერხა დრომოქმული ელემენტების დაძლევა და შეუბოროკავი ფეოდალური განვითარების გზაზე დადგომა; დიდი ნაკლოვანებით იყო დაავადებული ბიზანტიაც, რომელიც, ირანთან შედარებით, მაინც დაწინაურებული ქვეყანა იყო. აქ მნიშვნელოვანი იყო, ჩვენ მიერ სხვა ადგილას აღნიშნული (იხ. ს. ჯანაშია, ფეოდალური რევოლუცია საქართველოში), იმპერიის სოციალურ-ეთნიკური შედგენილობის სიჭრელე და მწვავე რელიგიური უთანხმოებანი, რომელნიც ტომურსა და სოციალურ ანტაგონიზმს გამოხატავდნენ. ამიტომაცაა, რომ არაბებმა ბიზანტიისაგან მხოლოდ ისეთი პროვინციების მოწყვეტა მოახერხეს, რომელნიც წინათაც ყოველთვის განზე იხედებოდნენ: სირია, პალესტინა და ეგვიპტე. აქ მოსახლეობა არაბერძნული, უმეტეს წილად სემიტური, ე. ი. ეთნიკურად და ენობრივად არაბების მონათესავე იყო. ეს მოსახლეობა სარწმუნოებრივად

აგრეთვე განსხვავდებოდა ცენტრალური რაიონებისაგან—ჩვეულებრივად მონოფიზიტობას მისდევდა და ყოველთვის ებრძოდა მთავრობას, რომლისაგანაც სარწმუნოებრივ შევიწროებასა და დევნულობას განიცდიდა. ამ დევნულობამ განსაკუთრებით მწკავე ხასიათი მიიღო სწორედ არაბთა მოვლინების ხანისათვის. კიდევ უფრო შეწუხებული იყო მოსახლეობა ბიზანტიის მოხელეების ძალადობისა და თვითნებობისაგან. ამიტომ ეს პროვინციები აშკარა თანაგრძნობით ხვდებოდნენ არაბებს, რომლებშიაც ისინი მხსნელებს ხედავდნენ და რომელთაც თან უფრო მსუბუქი ხარკი და ტოლერანტული (შემწუნარებელი, ლმობიერი) რელიგიური რეჟიმი მოჰქონდათ. ამავე მიზეზებით აიხსნება, რომ სხვა ბიზანტიურ პროვინციებში, სადაც ბერძნული პრივილეგიური ელემენტი მეტობდა, მაგ., მეზობლად მდებარე მცირე აზიის რაიონებში, არაბთა წარმატება არასოდეს არ ყოფილა მნიშვნელოვანი. სამუდამოდ განუხორციელებელი დარჩა აგრეთვე არაბთა ყველაზე ძვირფასი გულისნადები—იმდროინდელი მსოფლიო დედაქალაქის, კონსტანტინოპოლის დაპყრობა. ასე რომ, არსებითად, ყოველმხრივ შევიწროვებულმა ბიზანტიამ (ჩრდილოეთიდან და აღმოსავლეთიდან მას, აგრეთვე განუწყვეტილად, არა ნაკლებ საშიში მტრები უტევდნენ) მოახერხა ხალიფების გაშმაგებული იერიშების მოგერიება. ნიშანდობლივია, ამ თვალსაზრისით, ის ფაქტიც, რომ არაბებმა, ბოლოსდაბოლოს, ვერაფერი დააკლეს, მიუხედავად დიდი ცდისა, ხაზარების მცირედ კულტურულსა და არც-თუ პირველხარისხოვან სახელმწიფოს.

თავის მხრივ არაბებს, რომელნიც, მაგ., ბიზანტიასთან შედარებით, ბევრად უფრო დაბალ კულტურულსა და სოციალურ საფეხურზე იდგნენ (მათ ჯერ განვითარებული ფეოდალური ურთიერთობისათვის არ მიეღწიათ), დადებითად ახასიათებდა ზოგიერთი თვისება, საჭირო ასეთი დიდი ოპერაციებისათვის. მაშინ, როდესაც მოწინააღმდეგეთა ჯარები დაღლილი იყვნენ გაუთავებელი მრავალსაუკუნოვანი ომებით, არაბები, ამ მხრივ, კაბუჯური საომარი ენერჯით აღსავსე ძალას შეიცავდნენ. საუცხოო სამხედრო თვისებების, სიმარჯვის, სიმამაცის, სიმბნის მქონეებმა, არაბეთის უდაბნოს შეილებმა იმავე დროს დიდი ბუნებრივი ნიჭი და შეთვისების უნარი გამოიჩინეს. ისინი კარგად ამჩნევდნენ მოწინააღმდეგის ყველა კულტურულ მონაპოვარს და ხალისითა და ადვილად ითვისებდნენ მათ. ისლამმა კიდევ, თუმცა ვერ მოსპო ძველი არაბული ტომური წყობილება, სამაგიეროდ არაჩვეულებრივი დისციპლინა.

დანერგა მათ შორის. ამ მხრივაც მოწინააღმდეგენი, მეტნაკლებად, ზამორჩებოდნენ არაბებს.

საკუთრივ სამხედრო ტექნიკის სფეროში, თუმცა თავდაპირველად, ბიზანტიელებთან შედარებით, არაბები სუსტი იყვნენ, მაგრამ მალე აქაც გაუტოლდნენ მტერს. მათი უპირატესობა კი ის იყო, რომ არაბთა ჯარები ყოველთვის მხედრობისაგან შედგებოდა, ხოლო ხანა ისეთი იყო, საზოგადოებრივად და კულტურულად, რომ საომარ მოქმედებაში ჯარის ამ ტიპს აძლევდა გადამწყვეტ მნიშვნელობას. სხვა ქვეყნებში სამხედრო განვითარების ეს პროცესი დიდხანია დაწყებული ჩანდა, მაგრამ ჯერ დამთავრებული არ იყო. არაბებს კი თვით მათი მოქმედების გარემო აიძულებდა, გარდუეალი აუცილებლობით, მხოლოდ მხედრობას დაყრდნობოდნენ. აღნიშნული გარემოება იშვიათ სისწრაფესა და მოულოდნელობას ანიჭებდა არაბული ჯარების საომარ მოძრაობას. საფიქრებელია, რომ არაბებთან ურთიერთობამ შეუწყო ხელი მთელი ლაშქრის ძირითადად ცხენოსნობის სახით მოწყობას სხვა ქვეყნებშიაც<sup>1</sup>.

#### § 4. არაბთა პირველი ცდები ამიერკავკასიისა და ქართლის დასაპყრობად

მას შემდეგ, რაც არაბებმა დაიპყრეს სირია, მესოპოტამია და საკუთრივ ირანის ტერიტორიის უდიდესი ნაწილი, მათ გზა გახსნილი ჰქონდათ ამიერ-კავკასიისაკენაც. სომხეთში, მაგ., არაბული პირველი რაზმები გაჩნდნენ, როგორც ჩანს, უკვე 640 წ. ზოგიერთი მკვლევარი უეჭველად სცნობს, რომ ამ წელს არაბებმა მოახერხეს სომხეთის დედაქალაქ დვინის აღებაც. ბუნებრივია ამიტომ ვიფიქროთ, რომ იმავე ხანებში არაბთა მარბიელს თავისი ყურადღება უნდა საქართველოსთვისაც მიეპყრო.

მართლაც, ირკვევა, რომ არაბთა თარეზი ქართლში გაჩენილა უკვე 642 თუ 643 წელს. არაბი ისტორიკოსი ტაბარი მოგვითხრობს, რომ აღდარბადაგანის (ჩრდილოეთ ირანის) საბოლოო დაპყრობის წინ, რაც 643 წ. მოხდა, არაბთა მარბიელი რაზმები სხვადა-

<sup>1</sup> მეორე და მესამე პარაგრაფებში აღძრული საკითხებისათვის, ისლამისა და ხალიფატის წარმოშობისა და პირველი ჰეიოლის შესახებ, იხ., A. M u n t z, *История Ислама*, СПб., 1895; Cl. H u a r t, *Histoire des arabes*, t. 1, P. 1912, t. II, P. 1913; H. L a m m é n s, *Le berceau de l'islam...* 1914; G. W e i l, *Geschichte der Chalifen*, 1846, უმეღ.; A. К р y м с к и й, *История мусульманства*, 1903-4 და სხვ. ქართულად: ისლამი და არაბთა სახელმწიფო, მიუღერიდან, დ. უხნაძის რედაქტორობით, ქუთაისი, 1914 წ.

სხვა მიმართულებით მთელ ამიერ-კავკასიას მოედგნენ: ჰულდჰაიფა-გაემართა ალანთა (თუ ალვანთა?), ქვეყნისაკენ, ბუკაირი მულანს დაეცა, სალმან იბნ-რაბია ალვანეთის მოსაზღვრე სომხურ მთიან პროვინციასში შეიჭრა, ხოლო ჰაბიბ იბნ-მასლამა ტფილისისაკენ გაეშურა. არაბები უკუქცეულ იქნენ ყოველი მხრიდან, გარდა ბუკაირის რაზმისა, რომელმაც დაიპყრო და დახარკა მულანიო<sup>1</sup>. ამავე ამბავს გულისხმობს, ალბათ, სომხურ ცნობა, რომ არარატის ოლქში მდგომმა (არაბთა) ჯარმა მახვილით გაიარა ტაოს, ქართლისა და ალვანეთის მხარეებამდის და დიდ დავლა და ალაფი იზოვნაო<sup>2</sup>. ცხადია, რომ პოლიტიკურად არაბთა ეს პირველი ლაშქრობა საქართველოში უშედეგოდ დამთავრებულა. შართლაც, არამც თუ ქართლისათვის, არამედ უფრო მისაწვდომი სომხეთისათვისაც,—მიუხედავად იმისა, რომ ამ ქვეყნის დედა-ქალაქი დვინი არაბებმა, როგორც ნათქვამი იყო, უკვე 640 წ. აიღეს,—მუსლიმების პირველი შემოსევები ჯერ კიდევ დაპყრობას არ მოასწავებდა. ხალიფას რაზმები, ქვეყნის მოთარეშების შემდეგ, იძულებული ხდებოდნენ უკან გაბრუნებულიყვნენ. სომხეთში, ორმოციანი წლებისათვის, სამი ასეთი შემოსევაა აღნიშნული (640, 642-3, 650 წ. წ.). ამ ხნის განმავლობაში მთელი ქვეყანა ბიზანტიის კეისრის უზენაეს ხელისუფლებას აღიარებდა, არაბთა შემოსევებს კი მხოლოდ ყაჩაღური ხასიათი ჰქონდა. ადგილობრივ მთავართა პოლიტიკაც ცვალებადი იყო, ისინი ხან არაბების მხარეს გადადიოდნენ, ხან ბიზანტიურ ორიენტაციას უბრუნდებოდნენ. სომხეთის დაპყრობას (ისიც არა საბოლოოდ) არაბთა მიერ სომეხ-მკვლევარნი VII ს. ორმოცდაათიან წლებს მიაკუთვნებენ<sup>3</sup>.

<sup>1</sup> Ghazarian, Armenien unter der arabischen Herrschaft bis zur Entstehung des Bagratidenreiches, Marburg, 1903 (ქვემოთ ყველგან—ლაზარიანი), გვ. 17—18, ცნობა ეკუთვნის ტაბარის.

<sup>2</sup> *Ukraini, Rusi, Kaspijskij i Zkaspickij, პეტერბურგის გამოც. 1879 წლ.* (ქვემოთ ყველგან—სებოსი), გვ. 118.

<sup>3</sup> ლაზარიანი, 36—37,—რომელიც სებოსს, როგორც წყაროს, სამართლიანად უპირატესობას ანიჭებს ბალაძორის წინაშე—არაბთა პირველი შემოსევა სომხეთში მოხდა ომარის ზეობაში, მაგრამ მალე არაბებმა ხელი აიღეს ამ ქვეყანაზე და იგი ისევ ბიზანტიელებს დაუბრუნდა. 653 წ. სომხები ნებაყოფლობით დაემორჩილნენ არაბებს. ორი წლის შემდეგ, როცა ბერძენთა ჯარებმა ქვეყანა კვლავ დაიპყრეს, არაბებმა ისევ დალაშქრეს ქვეყანა და დაიპყრეს იგი, სისაკანსა, ალვანეთსა და საქართველოსთან ერთად. ამჟამად არაბებმა აქ გასძლეს მხოლოდ 657 წლამდის, როცა სირიაში არეულობა დაიწყო, და სომხეთი კვლავ ბერძენთა ზღვში გადავიდა. მაგრამ მალე კვლავ ხალიფა დაეპატრონა ქვეყანას:



დაახლოებით ასევე ვითარდებოდა არაბ-ქართველთა ურთიერთობა ამ ხანაში. შედარებით მყარ შედეგებს ქართლში არაბები მხოლოდ მეშვიდე საუკუნის ორმოცდაათიან წლებში აღწევენ. არაბული, სომხური და ბიზანტიური ცნობების შედარებითი შესწავლით საკმაოდ კარგად ირკვევა არაბთა მიერ ქართლის პირველი დაპყრობის ამბავი.

652 წ., როცა სომხეთის მმართველი, თეოდოროს რშტუნი, გადაუდგა ბიზანტიელებს და არაბებს დაუმორჩილა თავისი ქვეყანა, სომეხი თანამედროვე მემატიანის, სებეოსის, ცნობით, მასთან (რშტუნისთან) თანხმობაში ყოფილან (*ქიჩნ ენჟ ნამ აჩაქან*) ქართველი, ალვანელი და სივნიელი (იგულისხმება—მთავრები). რა რეალური შინაარსისა იყო ეს კავშირი, ან რას ემყარებოდა იგი,—არ ჩანს. როცა კონსტანტინე კეისარმა (III), ამ განდგომის საპასუხოდ, თეოდოროსის წინააღმდეგ სათანადო ღონისძიებანი მიიღო და მემამოხეების წინააღმდეგ ლაშქარი გაუძახა, თეოდოროსთან ერთად, და, ვითომც, მისივე ბრძანებით, თავთავიანთი ქვეყნებისაკენ გაეშურნენ ქართველი, ალვანელი და სივნიელი მთავრები და იქ გამაგრდნენ<sup>1</sup>. შემდეგ, იმავე მწერლის ცნობით, როცა კეისარმა სომხეთის უდიდესი ნაწილი კვლავ თავისი გავლენის სფეროში მოაქცია და, აირარატის ოლქის დალაშქერის შემდეგ, ქ. ღვინში დაბანაკდა, აქედან მან რაზმები დაგზავნა „საზებურო გუნდსა“ (*სახჩრასკან ენჟქიჩნ*), ქართლსა, ალვანეთსა და სივნიეთში, რათა გათიშვა შეეტანა მათს კავშირში (გამოეთიშა ისინი კავშირისაგან, შეთანხმებისაგან, *ჟასქსაჲ ენთსა ქ მქარან-ოქსხანჲ*; აქ ალბათ იგულისხმება კავშირი და შეთანხმება ურთიერთშორის და თეოდოროს რშტუნისთან). ალვანეთი, სივნიეთი და

თავის გამეფებისას, 661 წ., მოავიპოვეს წერილობით მოსთხოვა სომხებს მორჩილება და ხაკის გადახდა. კათალიკოსმა და მთავრებმა შეასრულეს ეს მოთხოვნა.—სომხეთის პირველ დაპყრობას ორმოცდაათიან წლებში დასდებს საკითხის უკანასკნელი მკვლევარი, პროფ. მანანდიანიც: ჯ. *შაჩანი ეკან, შანჲ ჩსთაგითი-ქიკანსხჲ, სიქსან, 1932*. ლეგონდრიც (*ჟათაოქიჩნ ესრჲსაჲ მსბქ ქარქასაჲოქ ჯაიე, V.-წ., 1887*), გვ. 11, ადასტურებს, რომ პირველი შემოსევების შემდეგ, ორმოციან წლებში, არაბები ათი წლის განმავლობაში აღარ შესულან სომხეთში.

<sup>1</sup> სებეოსი, 138—139; სებეოსით, ეს ამბავი მომხდარა კონსტანტინე III-ის მეთორმეტე წელს, ე. ი. 653 ში (ჩვეულებრივად, კონსტანტინეს გამეფებას 641-ში დასდებენ). მაგრამ იმ ადგილებიდან, სადაც სებეოსი სხვა სინქრონისტულ თარიღებსაც იძლევა, ჩანს, რომ იგი კონსტანტინე III-ის მეფობას 640-იდან იწყებს და ჩვენც ამ გარემოებას ვითვალისწინებთ ჩვენს ანგარიშში. ამ კერძო შემთხვევაში 652 წ. კარგად ეთანხმება მომდევნო ამბების ქრონოლოგიას.

„საზეპურო გუნდი“ არ დამორჩილდნენ კეისარს, რის გამოც ეს ქვეყნები დაარბიეს და აიალაფესო<sup>1</sup>. გამოდის, რომ ქართლი, ამ ქვეყნებისაგან განსხვავებით, დამორჩილდა კეისარს და ამიტომ აობრებასაც გადაარჩა. ასეთი დასკვნა, სტეფოსის ცნობების მიხედვით, დადასტურებას პოულობს მეორე სომეხი მემკვიდრის, იოანე დრასხანაკერტელის (IX ს. დამდეგი), პირდაპირი ჩვენებით. იოანე მოგვითხრობს კონსტანტინე კეისარის გალაშქრების შესახებ განმდგარი სომხეთის წინააღმდეგ და დასძენს: „არავინ აღმოჩნდა მისი მორჩილების [მსურველი], ქართველთა ქვეყნის გარდა“.

რომ, მართლაც, ქართლზე ამ დროს არაბებს ჯერ კიდევ არავითარი გავლენა არ ჰქონდათ, ეს ჩანს შემდგომი მოთხრობიდან. როცა კეისარი უკან გაბრუნდა, თეოდოროს რშტუნის ისევ შეუდგა ძველი მდგომარეობის აღდგენის ცდას. ეს ცდა იმით იყო გაადვილებული, რომ, ზამთრის დღეების გასვლის გამო, დიდი ღლესასწაულის (იგულისხმება აღდგომა) მოახლოებისას, რომაელებმა ასწრაფებით დასტოვეს სომხეთი და ტაოში გაიქცნენო. ეს უკანდახევა იმით აიხსნება, რომ არაბებს, ცხელი ქვეყნის შვილებს, ზამთარში საომარი ოპერაციების წარმოება უძნელდებოდათ, გაზაფხულის დადგომასთან კი ამ მხრივ ხელ-ფეხი ეხსნებოდათ. ცხადია, მაშასადამე, რომ მათს მოწინააღმდეგეს თავისი საკუთარი ძალების იმედი ცოტა დარჩენოდა. მართლაც, თეოდოროსი, რომელსაც ადრევე მიეღო არაბებისაგან დამხმარე სამხედრო რაზმი, ეხლა თვითონ წავიდა დამასკოში. აქ ისპაიტელთა მთავარმა მოავიამ იგი დაასაჩუქრა და მისცა სომხეთის, ქართლის, ალვანეთისა და სივნიეთის მთავრობა, ვიდრე კაკოჰამდის (კავკასიონამდის) და კორამდას (დარუბანდაშდის). ამასთან ერთად პირობა დაუდო თეოდოროსს მორჩილებაში მოეყვანა ეს ქვეყანაო<sup>2</sup>. მაშასადამე, მოავიას „სულგრძელი“ საჩუქარი ცარიელი აღთქმა იყო და იგი რეალური შინაარსით თვით თეოდოროსს უნდა აეცხო ჩამოთვლილი ქვეყნების დაპყრობით. უეჭველია, რომ დასაპყრობი ქვეყნების რიცხვს, პირველ რიგში, ქართლიც ეკუთვნოდა.

<sup>1</sup> სებეოსი, 139—140. ეს ამბავი ხდება, ავტორის განსაზღვრით, კონსტანტინე კეისარის მე-12 წელსა და ისპაიტელთა ბატონობის (იგულისხმება ხალიფების ხეობა, 632 წ. და შემდ.) მე-20 წელს, ე. ი. იმავე 652 წ.

<sup>2</sup> *მოქანაზის კატილიკოსის ურასქანაშქროსელო შათილქსან ჯაიოვ*, მოსკ. გამ. 1853 წ. (= დრასხანაკერტელი), გვ. 49.

<sup>3</sup> სებეოსი, 143.

მართლაც, რომ არაბები და მათი ადგილობრივი აგენტები მხოლოდ აპირებდნენ ქართლის დაპყრობას, ესეც მკაფიოდ ჩანს შემდგომი ცნობებიდან. კონსტანტინე კეისრის მე-13 წელს, ე. ი., 653 წ., არაბებმა საშინელი დამარცხება განიცადეს ქალკედონთან, საზღვაო ბრძოლაში ბიზანტიელების წინააღმდეგ. არაბები იძულებული შეიქნენ უკან დაეხიათ. შემოდგომის გასვლისა და ზამთრის მოახლოებისას არაბთა ჯარი მოვიდა და დაბანაკდა დვინში. იგი ფიქრობდა ქართლზე გალაშქრებას და ამ ქვეყნისათვის მახვილის დაცემას. არაბები მუქარით უთვლიდნენ ქართველებს: ან მოლით და გვემსახურეთ, ან დასტოვებთ თქვენი ქვეყანა და წადითო. იმათ (ე. ი. ქართველებმა) არ ისურვეს ამ მოთხოვნის შესრულება და მოემზადნენ არაბთა წინააღმდეგ ომისათვის. ისმაიტელებმა ბრძოლით გაილაშქრეს მათ წინააღმდეგ, რათა სრულიად მოესპოთ ისინი. მაგრამ ისევ ზამთარმა გააქარწყლა არაბთა ზრახვები. როცა ისინი გზას გაუდგნენ, მოიცვა ისინი ყინვამ და თოვლმა, რის გამოც სასწრაფოდ დაბრუნდნენ უკან და ასურეთში (სირიაში) წავიდნენ<sup>1</sup>. ეს, მაშასადამე, 653 წლის ზამთრის პირში უნდა მომხდარიყო.

რაკი არაბებმა სომხეთი დასტოვეს, ამ ქვეყნის მთავრებმა ერთმანეთში პირობა შეჰქრეს თანხმობისა და მშვიდობიანობისათვის და, სხვათა შორის, იქამად ავადმყოფი, თეოდოროს რშტუნის ქვეყანაც გაიყვეს. ამის მნახველმა რშტუნთან უფალმა კვლავ ჯარი სთხოვა ისმაიტელებს, რათა დაემხო და დაეთრგუნა სომხეთი და მახვილით გაენადგურებინა ქართლი<sup>2</sup>. ცხადია, რომ ქართლი ისევ თავისთვის იყო და არაბთა და მათი ერთგული ადგილობრივი მთავრების მუქარას ანგარიშს არ უწევდა.

ახალი ცვლილებები მალე მოხდა. სომეხთა მთავარმა, მუშელ მამიკონიანმა, რომელიც გადაუდგა ბიზანტიელებს, არაბთა სამსახური იკისრა. იმავე წელს სომხეთში მდგარმა არაბთა ჯარმა კიდით კიდემდის დაიპყრო მთელი ქვეყანა. ქვეყნის მთავართა უმრავლესობა შეითქვა, არაბების სამსახურში ჩადგა და მოსწრაფებით ასრულებდა მათ ნებას. მაგრამ, ჩანს, სომხეთშიაც დარჩნენ უკმაყოფილო ელემენტები. ასე, მაგ., არაბთა ერთმა სარდალმა, რომელიც არუქ-აშნაკში იჯდა და რომელსაც მემატიანე „უწყალო ჯალათს“ ეძახის, ჰაბიბმა (უეკველია, ჰაბიბ-იბნ-მასლამა, რომელ-

<sup>1</sup> სებეოსი, 145—146.

<sup>2</sup> სებეოსი, 146—147.

მაც 642—3 წწ. ქართლის წინააღმდეგ ილაშქრა) სიკვდილით დასაჯად ერთი სომეხი მთავართგანი, არტავაზ დიმაქსიანი. აქ ერთხელ კიდევ დაეხმარა ბიზანტიელებს მათი ბუნებრივი მოკავშირე— ზამთარი: იღვა მკაცრი ყინვიანი ზამთრის დღეები, როცა არაბებს ბრძოლის ველზე გასვლა არ შეეძლოთ. ბიზანტიელებმა ამით ისარგებლეს და სომხეთის ზოგიერთი ოლქი მოარბიეს — ჯანდარცვეს დვინი და ნახჭევანს ებრძოდნენ. ბიზანტიელების ამ რაზმს სარდლობდა მავრიანოსი<sup>1</sup>, რომელიც სომხეთის მმართველად იყო დანიშნული კონსტანტინე კეისრის მიერ ჯერ კიდევ 652 წ.<sup>2</sup>

გაზაფხულზე, ე. ი., როგორც ჩანს, 654 წლის გაზაფხულზე, არაბებმა რომ მათთვის ხელსაყრელი დრო იხელთეს, თავისი მხრით შეუტყეს ბიზანტიელებს, ნაწილი გაჟლიტეს, ხოლო დანარჩენი გააქციეს. გაიქცა თვით მავრიანოსიც, რომელმაც ქართლს შეაფარა თავი. არაბებმა ამის შემდეგ აიღეს კარნუ-ქალაქიც (ერზერუმი) და მასთან ერთად გასძარცვეს მთელი სომხეთისა, ალვანეთისა და სივნიეთის ქვეყნები. მაგრამ ახლა უკვე, ჩანს, არაბები ამ ქვეყნების მმართველ წრეებს აღარ ენდობოდნენ და მათ მძევლები გამოართვეს<sup>3</sup>.

ქართლის პირველი დამორჩილება არაბთა მიერ სწორედ ამ ეპიზოდის, ე. ი., მავრიანოსის დამარცხების, შემდეგ მომხდარა<sup>4</sup>. იგივე ჰაბიბი, როცა სომხეთ-ალვანეთ-სივნიეთი უკვე დამორჩილებულად მიიჩნიეს არაბებმა, ეხლა ქართლისაკენ გაემართა. ადვილად შესაძლებელია, რომ ჩვეულებრივი

<sup>1</sup> სებეოსი, 149.

<sup>2</sup> იქვე, 143.

<sup>3</sup> სებეოსი, 149—150. ბიზანტიელი მემატიანე თეოფანე, Chronographia, Bon., I, 527—8, აგრეთვე იცნობს არაბთა სტრატეგოს ჰაბიბის მიერ რომაელთა სტრატეგოსის მავრიანოსის დამარცხებისა და უკანასკნელის კავკასიის მთებისაკენ გაქცევის ამბავს, რასაც იგი 6145 წლით თარიღებს, რადგანაც თეოფანე პანოდორეს სისტემას მისდევს, ამიტომ მისი თარიღი უდრის 653 წ. ახ. წ. მცირე სხვაობა მოცემულ თარიღებს შორის ადვილად აიხსნება წლისთავის ანგარიშის განსხვავებით.

ამავე ამბავს მოვითხრობს აგრეთვე არაბი მემატიანე ბალადორი, რომლის ცნობით ჰაბიბი ამარცხებს მავრიანოს ბიზანტიელს ქ. დებილთან (ე. ი. იმავე დვინთან) და ჰკლავს კიდევაც მას. ეს უკანასკნელი მტკიცება მართალი არ არის. რაც ბიზანტიურ-სომხურ ჩვენებებთან შედარებით ირკვევა. იხ. Изв. соч. Баха-дзория, Книга завоевания стран, текст и перевод. Перевод с арабского проф. П. К. Жуае. Баку, 1927 (ქვემოთ ყველგან—ბალადორი, უზუხე), გვ. 9.

<sup>4</sup> ეს უქვევლობით გამომდინარეობს ბერძნულ-სომხურ-არაბული ცნობების თანხმობიდან ამ ამბების თხრობაში, რაც ქვემოთ უფრო დაწვრილებით იქნება ნაჩვენები.

ამოცანების გარდა (დაპყრობა, ან ხარკი და ალაფი) ჰაბიბი, ამხელად, მიზნად ისახავდა აგრეთვე მავრიანოსის საბოლოო განადგურებას (ეს ბიზანტიელი სარდალი, როგორც ზემოთ იყო აღნიშნული, ხომ სწორედ ქართლში იყო შეზიზნული თავისი დამარცხების შემდეგ ჰაბიბთან ბრძოლაში). ეს უნდა მომხდარიყო, ამბების განვითარების მიხედვით, 654 წლის დამლევეს ან 655 წელს<sup>1</sup>, ყოველ შემთხვევაში, ხალიფა ოსმანის დროს (ოსმანი მოჰკლეს 656 წ. 17 ივნისს). ქართლზე გალაშქრებულს არაბ სარდალს წინ შეჰგებებია ქართლის პატრიკიოზის, ე. ი. ერისმთავრის ელჩი, და, პატრიკიოზის სახელით, ზავისა და მშვიდობის სურვილი განუცხადებია მისთვის და საჩუქრებიც მიურობებია. ქართველთა ელჩს მოქარგული დიპლომატიური ენით ქება-დიდება შეუსხამს არაბებისათვის. ქართველთა ასეთი ლმობიერება ალბათ იმ გამოცდილების ნაყოფი იყო, რომელსაც მეზობლებს უხვად აძლევდა სომხეთის ვითარება. ამ ქვეყანამ წინამორბედს და მდგომარე წლებში დიდი რბევა და აწიოკება გამოსცა არაბებისაგან იმის გამო, რომ მას დიდხანს არ სურდა ახალი ბატონობა ეცნო. გარდა ამისა, ქართლის მმართველ წრეებს უთუოდ აფიქრებდათ თავიანთი კავშირი ბიზანტიელებთან, ნაწილობრივ, უკანასკნელ სამხედრო ოპერაციებშიაც: ჰაბიბის მოწინააღმდეგე ბიზანტიელი სარდალი, არაბებისაგან დამარცხებული და ლტოლვილი, ხომ სწორედ ქართლში იმაღავდა თავს. გარდა ამი-

<sup>1</sup> მთავარ წყაროს ამ აზრების შესწავლისათვის ბალაძორი წარმოგიდგინს. ბალაძორით, მავრიანოსის დამარცხების შემდეგ, ჰაბიბი იღუბს კალიკლას (ასე ეძახდნენ არაბები ერზერუმს), იმორჩილებს ხლათს, მოქს, არქემისა და ბიჯნისის ოლქებს, აშტიშატს, დვინს, სირაჯ-ტაირსა და ბაგრაჰანდს, ნაშავანს (ნახქევანს), ბოსფორაჯანს (ვასპურაკანს) და სისაჯანს (სივნიეთს), და მხოლოდ ამის შემდეგ მოემართება ტფილისისაკენ (ბ ა ლ ა ძ ო რ ი, ეუზე, 9—11). ცხადია, რომ ამოდენა ოპერაციას დიდი დრო დასჭირდებოდა.—საკვირველია, რომ სებეოსმა არაფერი იცის ქართლის დაპყრობის შესახებ ჰაბიბის მიერ. არაბული წყაროები კი, ამ პუნქტში, მეტ-ნაკლებად ეთანხმებიან ერთმანეთს. ტ ა ბ ა რ ი, მაგ., იცნობს ყველა იმ დოკუმენტს, რომლებიც დაცემირებულია ჰაბიბის მიერ ქართლის დალაშქვრასთან, და აგრეთვე ჰაბიბის ბრძოლას მავრიანოსთან (ლ ა ხ ა რ ი ა ნ ი, 20 შემდ). ი ა კ უ ბ ი ც ამბობს: „გადმოგვიყვანე, რომ ჰაბიბ-იბნ-მასლამამ დაიპყრო ჯურჯანი (ქართლი)“. იხ. Изв. соч. Якуби, „История“, текст и перевод с арабского прощ. И. К. Жүзе, Баку, 1927 (ქვემოთ ყველგან—იაკუბი, ეუზე), გვ. 5—ა ს ო ლ ი კ ი ს (Устунья-Зюси Джурджанской Намоси-Клису итисилкы-Клису, V-9., 1885, გვ. 98) ქრონოლოგიით, არაბებმა დვინი აიღეს და თავისი ბატონობა დაამყარეს სომხეთ-ქართლ-ალვანეთში 95 წელს (646-7), მაგრამ იქვე იგი პირველ შესევას არაბებისა სომხეთში უჩვენებს 86 წ., 637—8, რაც ცხადად მოწმობს მისი თარიღების თვალსაჩინო ჩამორჩენას რეალურისაგან.

სა, რათქმუნდა, ქართლის ესევე წრეები ბოლოს და ბოლოს, არც ისეთი სიძნელით უნდა შერიგებოდნენ ერთი სიუზერენის შეცვლას მეორეთი.

ყოველ შემთხვევაში, აღნიშნულ ნაბიჯს კეთილი შთაბეჭდილება მოუხდენია არაბთა სარდალზე. მირთმეული ძღვენი მომავალი ხარკის ანგარიშში იქნა ჩათვლილი და ქვეყანას დაცვის სიგელი მიეცა, რომელშიაც ორივე მხარის უფლება-მოვალეობანი იყო აღნუსხული. ეს სიგელი დაცული აქვთ არაბ მწერლებს და საყურადღებო დოკუმენტია. იგი გაცემულია ტფილისში დაბანაკებული ჰაბიბის მიერ ტფილისის მცხოვრებლებისა და „წითელი ქართლი“-დან, მანგლისიდან, თავმოყრილებისადმი. პირველი წრე ალბათ გულისხმობს შიდა ქართლს, რომლის სათავეში დგას პატრიკიოზი, საჯდომით—ტფილისში, ხოლო მეორე, ალბათ,—„ქართველთა საპიტიახშოს“, ე. ი., გუგარეთს, რომლის სათავეში პიტიახში დგას, რეზიდენციით—მანგლისში. სიგლის მთავარი მუხლები შემდეგია: 1) არაბები მოსახლეობის სარწმუნოებრივ აღსარებას ხელუხლებელს სტოვებენ; 2) მოსახლეობა აღიარებს მორჩილებას და იხდის ჯიზიათს, პირად გადასახადს, თითო დინარს კომლის თავზე; 3) ორივე მხარე ვალდებულებას კისრულობს არ შესცვალოს ხელოვნურად კომლთა არსებული რიცხვი, თვით გადასახადის შეცვლის მიზნით თავის სასარგებლოდ: ქართველები არ გააერთიანებენ კომლებს, ხოლო არაბები არ დაშლიან; 4) მოსახლეობა ვალდებულია დაეხმაროს რჩევითა და საქმით მუსლიმებს მათი მტრების წინააღმდეგ, ე. ი. სამხედრო სამსახურს კისრულობს; ამასთან დაკავშირებულია მოვალეობა გაჭირვებული და ჩამორჩენილი მუსლიმის, მეომრის თუ საერო პირის, შეფარებისა და დახმარებისა; 5) ისლამში გადასული დამპყრობელთა ძმად ითვლება, ე. ი. უნდა ვიგულისხმოდ, ჯიზიათისაგან (პირადი გადასახადისაგან) თავისუფლდება; სხვებისათვის ყველასათვის ჯიზიათის გადახდა სავალდებულოა; 6) ყოველივე ამის სანაცვლოდ, არაბები იძლევიან პირადი უშიშროების გარანტიას. სიგელი ითვალისწინებდა ზოგიერთ სხვა პირობასაც<sup>1</sup>.

იგივე არაბი ისტორიკოსი ბალაძორი იუწყება ჰაბიბის მიერ ზოგიერთი სხვა პროვინციის დაპყრობის შესახებ. რადგანაც ეს

<sup>1</sup> ბალაძორი, ქუხე, 11--12. 3; შეადრ. ლახარიანი, 2--27. ხსენებული დოკუმენტების სრული ქართული თარგმანი იხ. პროფ. ივ. ჯავახიშვილი, ქართველ ერის ისტორია, ტ. II, 343--347.—ბროსე, Hist. d. I. G., I, 245-7.

ცნობა უშუალოდ მოსდევს თბრობას ქართლის დამორჩილების შესახებ და რადგანაც პროვინციების სიაში ზოგიერთი სახელი ძალიან მოგვაგონებს ქართულ თემებსა და ქალაქებს (შავშეთი, სამცხე, ბაზალეთი, ხუნანი, კლარჯეთი და სხვ.), ამიტომ ფიქრობენ, რომ აქაც აღმოსავლეთ და სამხრეთ საქართველოს შესახებაა საუბარი. თუ ეს მართალია, მაშინ განსაკუთრებით უნდა მიგვექცია ყურადღება იმ ცნობისათვის, რომ აღნიშნული რაიონების მოსახლეობას დაეკისრა არა მარტო ჯიზიათი (პირადი გადასახადი), არამედ ხარაჯაც (გადასახადი მიწაზე)<sup>1</sup>.

ახლად დამყარებულ ურთიერთობას დიდი შედეგი არ უნდა მოჰყოლოდა, რადგანაც არაბებმა პირველხანად სულ ორგოდე წელიწადი თუ გასძლეს ქართლში. შინაურმა დაბრკოლებებმა და შემდეგ შფოთმა (ბრძოლა ხალიფას ტახტის გარშემო 657—661 წწ.) არაბების მდგომარეობა აზიერკავკასიაში ძირიანად შეაჩუქა<sup>2</sup>.

სამწუხაროდ, VII ს. მეორე ნახევრისათვის ცნობები მეტად ნაკლები სახითაა მოღწეული, როგორც ადგილობრივს, ისე უცხოურ მწერლობაში. ერთი რამაა ცხადი მხოლოდ: მდგომარეობა უაღრესად ცვალებადი იყო და არც ერთი დამპყრობელის მეტნაკლებად ხანმოკლე მოვლენა არ შეიძლებოდა მტკიცე დამკვიდრებად გა-

<sup>1</sup> ბალაძორი, 13. როგორც სამართლიანად აღნიშნავს ლხარაინი, გვ. 27, არც ის ჩანს მკაფიოდ, აღნიშნული თემების დაპყრობა უშუალოდ მოჰყვა ტფილისისას, თუ არა.—გეოგრაფიული ნომენკლატურის განმარტებისათვის იხ. ჯავახიშვილი, დასახელ. ნაშრომი. 347.—ცნობა აღმოსავლეთ-სამხრეთ საქართველოს დაპყრობის შესახებ ჰაბიბის მიერ აქვს აგრეთვე იბნ-ალფაკის, СМОНИК, XXXI, 26—27. უკანასკნელის ცნობაში საყურადღებო ისაა, რომ ქართლიც (მთარგმნელს „ჯურხანი“ რატომღაც „ჯურაახით“ გადმოუქცია) ჯიზიათთან ერთად ხარაჯაც (ე. ი. ხამშელო გადასახადს) კისრულობს.—ხარაჯის დაღებას საქართველოზე თავიდანვე ამოწმებს აგრეთვე მასუდის ქვემოჯანმარტებულ ცნობა.

<sup>2</sup> ამ მხრივ საყურადღებო ცნობები აქვს სებოსს. ჰაბიბის აღწერილ ლაშქრობათა შემდეგ სომხები განთავისუფლდნენ არაბთა სამსახურისაგან და ბერძენთა მეფეს დაუმორჩილეს თავი. ამის საპასუხოდ ისმაიტელთა მეფემ თავები დააყრევინა მასთან ბყოფ სომეხთა მძევლებს, რიცხვით თითქმის ორი ათასამდე კაცს. სომხები ბიზანტიელთა მხარეს გადავიდნენ ალვანეთისა და სივნიეთის მთავრებსა და ერთან ერთად. ყველა ისინი, ვინც სპარსთა ბატონობის დროს, ადარბადაგანზე იყო მიწერილი (იგულისხმება—ფოსკალური მხრით), ეხლა სომხებს შეურთდნენო. ამის შემდეგ აქვს ავტორს მოთხრობილი ოსმანის მოკვლა, აღის მოკვლა და ნოაიას გამეფება (სებოსი, 151—153). გამოდის, თითქოს სომხეთისა და „ადარბადაგნის“ (ხოვადი მნიშვნელობით) განთავისუფლება არაბთაგან 656 წლის ივნისამდე მოხდა.—ამ, არაბებისაგან განთავისუფლებულსა და ბიზანტიელების მხარეს გადასულ, ქვეყანათა შორის ქართლიც უნდა ვიგულისხმობთ. ან რა გააძლებინებდა ქართლში არაბებს, როცა ყველა მეზობელი ქვეყნიდან ისინი იძულებული შეიქნენ წაუსულიყვნენ.





მაგრამ თვით ბიზანტიელები მიღწეული წარმატებით არ დაკმაყოფილებულან: იმავე წელს იუსტინიანე კეისარს (II) კავკასიისაკენ გაუგზავნია, სარდალი ლეონტი რომელსაც იქაური სარკინოზები ვაუქლეტია და კეისრისათვის დაუმორჩილებია სომხეთი, ქართლი, ალვანეთი, მოვაკანი და ადარბადაგანი<sup>1</sup>. იმდროინდელი ქართლის ვითარებას გულისხმობს მეორე სომხური ცნობა, რომელიც ი. დრასხანაკრტელს ეკუთვნის. იოანე მოგვითხრობს: „ამის (იგულისხმება სომეხთა კათალიკოსი ისრაელ ოდმსელი) ზეობაში (= 677—687 წ. წ.) ქართველთა (ქართლის) მთავარმა ნერსემ განდევნა ვინმე ბარაბა, სომხეთში მდგარი არაბთა ჯარის სარდალი, სასტიკი განადგურებით გაფანტა (მისი ჯარი) და გააქცია იგი“-ო<sup>2</sup>.

რაც შეეხება ალვანეთს, თვით ალვანურივე ცნობებით, ეს ქვეყანა, აბდ-ალ-მალიქის დროს, როცა სომხეთი კვლავ ხალიფას განკარგულებაში იმყოფება, არ ემორჩილება არაბებსა და ბიზანტიისაკენ არის მიდრეკილი პოლიტიკურად და კულტურულად. სომეხი სამღვდელოება აბეზლებს ამიტომ თავის ალვანელ თანამოძმეებს ხალიფასთან. მხოლოდ რამდენიმე წლის შემდეგ გადასცემს ალვანეთის მთავარი არაბებს თავის ქვეყანას<sup>3</sup>.

მაგრამ, როგორც უკვე ვამბობდით, მეშვიდე საუკუნის მეორე ნახევარი ისეთი ხანა იყო, როცა მიღწეულ წარმატებებს ხანგრძლივად ვერაფერ ინარჩუნებდა და მტკიცე მდგომარეობასაც ვერაფერ იქმნიდა. ამ მხრივ, საერთო შფოთსა, არევე-დარევესა და ძარცვა-გლეჯაში თავისი გულმოდგინე წვლილი ხაზარებსაც შემოჰქონდათ. 689 წ. მათ ხელში ჩაუგდიათ და მოურბევეათ სომხეთი და ქართლსა და ალვანეთშიაც მთავრები და მფლობელები გაუქლეტიათ<sup>4</sup>.

<sup>1</sup> იქვე, I, 656, „მოვაკანად“ განვმარტეთ ჩვენ ტექსტის *ბიսაჯაჯაქა*, რასაც ვარიანტული საკითხავები—*ბისაჯაჯაქა*, განსაკუთრებით, *ბიხაჯაჯაქა*—და თანამედროვე არაბული ცნობები უჭერს მხარს. ადარბადაგანის მნიშვნელობით ტექსტში მიღია ხახმარი—შეადრ. K. Mülller, *История ислама*, II, 49.

<sup>2</sup> დრასხანაკრტელი, გვ. 53. Marqurt-მა, *Osteuropäische und ostasatische Streifzüge*, გვ. 402, შენ, მიუთითა, რომ ესევე ნერსე მოხსენებულია მეშვიდე საუკუნის სამოქალაქიანო წლებს და მღვდლისათვის, სოკრატეს საეკლესიო ისტორიის სომხური თარგმანის წინასიტყვაობაში.

<sup>3</sup> *Մովսէս Կապանկատուայի Պատմութիւն... Մ.* 1860 (ქვემოთ—კალანკატუელი), გვ. 237, ბემდ.

<sup>4</sup> ლევონდი, 15—16, რომელიც ამ ამბავს აბდ-ალ-მალიქის ზეობის მეოთხე წლით ათარილებს. სხვა წყაროები მცირედ განსხვავებულ თარიღს უჩვენებენ. შეადრ. Marqurt, *Osteuropäische und ostasatische Streifzüge*, 443. ასოლიკი, მაგ., ამბობს, გვ. 100, რომ 134 წელს (885—6) ხაზარები გაბატონდნენ სომხეთ-ქართლ-ალვანეთზე და მოჰკლეს ბრძოლაში სომხეთისა და ქართლის მთავრები.

პოლიტიკური და სამხედრო მდგომარეობის ცვალებადობას, ჩანს, ერთხელ კიდევ უჩინია თავი მეშვიდე საუკუნის მიწურულში, როცა არაბებმა, საფიქრებელია, კვლავ ხელთ იგდეს ამიერ-კავკასია, და კერძოდ, ქართლის ბატონობა. წინააღმდეგ შემთხვევაში გაუგებარი იქნებოდა ის წარმატება, რომლისთვისაც არაბებს მიუღწევიათ დასავლეთ საქართველოში. ბიზანტიური ცნობებით, ლაზიკის პატრიკოზი, ე. ი. ეგრისის მფლობელი, ვინმე ხერგი (თუ გიორგი) ბარნუკისძე, ბიზანტიელებს ასჯანყებია და თავისი ქვეყანა არაბებისათვის გადაუცია. ეს მომხდარა 697 წ., როცა აღიღოს გაულაშქრნია რომანიის (ბიზანტიის) წინააღმდეგ და დიდი ნატყენავი უშოვნია<sup>1</sup>. მერვე საუკუნის დამდეგისათვის კი, როგორც ეს ლეონ ისავრიელის თავგადასავლის მოთხრობიდან ჩანს, არაბებს უკვე მთელი დასავლეთი საქართველო, — ყოველ შემთხვევაში, ზოგიერთ ზღვისპირა ქალაქს გარდა, — დაუბეცრიათ. 705—711 წ. წ. მათ ხელში ყოფილა ეგრისის დედაქალაქი; არქეოპოლისი ანუ, ქართული სახელწოდებით, ციხე-ჯოჯი (დღევანდელი ნაქალაქევი) და კოდორის ხეობაში მდებარე ზოგიერთი ციხეც. ბიზანტიის კეისარი სპეციალური ღონისძიებებით ცდილობდა მოეწყო ჩრდილოეთ კავკასიაში მობინადრე ალანების (ოვსების) თავდასხმა აბაზგიასა, ლაზიკასა და ივერიაზე, რა თქმა უნდა, იმის გამო, რომ ეს ქვეყნები მას არ ემორჩილებოდა და არაბთა ხელში იმყოფებოდა. როგორც ბიზანტიელები, ისე არაბები ახალ-ახალ ჯარებს გზავნიდნენ, კერძოდ, ეგრისში, ამ ქვეყნის შემოსამტკიცებლად.

ამრიგად, უეჭველია, რომ VII ს. მეორე ნახევარში, თუ ამ საუკუნის მიწურულს არ ვიანგარიშებთ, არაბთა პოლიტიკური მდგომარეობა ამიერ კავკასიაში და, კერძოდ, ქართლში მეტად მერყევი იყო. მმართველობის სადავე ხალიფას ადგილობრივ წარმომადგენლებს ხშირად ეცლებოდათ ხელიდან. ამიერ-კავკასიის ნამ-

<sup>1</sup> თეოფანე, I, 566, ამბავი დათარიღებულია 6189 წლით=697 წ. ზოგი ვარიანტი „ბარნუკია“ (ვარნუკია) ხერგის სამფლობელოს ნაწილია, რაც ნაკლებ სარწმუნოა, ვიდრე ვარიანტულივე „გიორგი“ ხერგის ნაცვლად.

<sup>2</sup> იქვე, I, 600—606. ამბავი დათარიღებულია იუსტინიანეს მეორე მეფობით. როგორც ჩანს, მომდევნო წლებშიაც აღწერილი მდგომარეობა გაგრძელებულა, რადგანაც ლეონი ბიზანტიაში დაბრუნდა მხოლოდ არტემის მეფობაში, 713—715 წ. წ. — ამ უაღრესად საინტერესო ცნობის უფრო ვრცელ განმარტებას ჩვენ სხვაგან ვეცდებით.

დვილი დაპყრობა არაბების მიერ მხოლოდ VIII ს. პირველ ნახევარში ხდება<sup>1</sup>.

VIII ს. დამდეგს არაბთა საომარი ოპერაციები ამიერ-კავკასიაში მიზნად ისახევენ არა მარტო ადგილობრივი სახელწიფოების დამორჩილებას, არამედ აგრეთვე, და კიდევ უფრო მეტადაც, ხაზარების საწინააღმდეგო მოქმედებას—კავკასიონზე გამავალი სანაპირო ხაზის გამაგრებას და თვით ამ, ჩრდილოეთ კავკასიის ახალი ბატონების პოლიტიკური ძლიერების შემუსვრას. მდგომარეობა ძალიან მოგვაგონებს წინა საუკუნეების ვითარებას, როცა ირანსა და აღმ. რომის იმპერიას ასეთივე მუდმივი და მძიმე საზრუნავი ჰქონდათ აქ. მთავარი ბრძოლები ისევ იმ ადგილებში და იმავე პუნქტებისათვის წარმოებს—დარუბანდის ყელში, დარიალის გასასვლელსა და სხვა ზეკარებთან. ზოგჯერ მოწინააღმდეგენი იქრებიან მტრის ტერიტორიაზე, აობრებენ და აწიოკებენ მას. ამ ხანგრძლივ ბრძოლაში თავდაპირველად უპირატესობა ამჟამად ხაზართა მხარეზეა. VII ს. დამდეგს, როგორც ზემოთ გვქონდა აღნიშნული, ხაზარებს ერთგვარი გავლენა კავკასიონის სამხრეთითაც მოუპოვებით.

## § 5 ხ ა ზ ა რ ე ბ ი

ხაზართა ვინაობის საკითხი ზოგიერთ მეცნიერს დღესაც, სადაოდ მიაჩნია, მაგრამ საფიქრებელია, რომ ეს ხალხი მოდგმით თურქული იყო. არც ის მოსაზრება უნდა იყოს სინამდვილეს დაშორებული, რომლის მიხედვითაც იგი ჰუნების ერთერთი ტომი იყო,—იქნებ ის ჰუნები, რომელნიც VI ს. ჰუნებად — საბირებად იწოდებოდნენ. ზოგიერთი ისტორიული წყარო, მაგ., სომეხი მწერლები—მოსე კალანკატუელი, ლევონდი და სხვ., ხაზარებს თანაბრად ჰუნების სახელწოდებითაც იხსენიებს<sup>2</sup>. მართლაც, ხაზარები ერთბაშად ჩნდებიან იმ მიწაწყალზე, ჩრდილოეთ-კავკასიაში, სადაც VI ს. მხოლოდ ჰუნთა სხვადასხვა ტომი იხსენიება. VII ს. დამდეგს ხაზარები უკვე გაბატონებული არიან ჩრდ. კავკასიაში. ზემოთ ვნახეთ, თუ როგორი როლი ითამაშეს ხაზარებმა პერაკლე კეისრის ომებში.

<sup>1</sup> არაბების მიერ საქართველოს აღმოსავლეთ მეზობლის, ალენეთის, საბოლოოდ დაპყრობას აკად. ბარტოლდი აგრეთვე VII ს. დამდეგისათვის დასდებს იხ. მისი Место прикаспийских областей в истории Мусульманского Мира, 27, 141—142.

<sup>2</sup> კალანკატუელი, ნაწ. II, თავი XI და XXVI და სხვ.  
24. ს. ჯანაშია, ტ. II

თურქებად სთვლიან ხაზარებს: ძველი ქართველი მემატიანე(რო-  
დესაც არაბი სარდლის, ბულა თურქის თანამეტომეებად ასახელებს  
მათ), ძველი სომეხი მწერლები (მაგ., ლევონდი), ავტორიტეტული  
არაბი ისტორიკოსები (მაგ., ბალაძორი, იაკუბი). თურქულია ავ-  
რეთვე ხაზარების სოციალურ-პოლიტიკური ტერმინოლოგია, რამ-  
დენადაც ჩვენ მას ვიცნობთ (ხაკანი, ბაგი ანუ ბეგი და სხვ.).

ხაზარებმა აღრევე შექმნეს საკმაოდ ძლიერი სახელმწიფო  
ჩრდილოეთ კავკასიაში. VIII და IX ს. და X ს. დამდეგს ხაზართა  
სამფლობელო გადაკიმულია ვოლგიდან ყირიმამდის, სამეფოს მე-  
თაურის, ხაკანის, ჩეულებრივი რეზიდენციაა ქალაქი სარილ-შარი  
ანუ იტილი, დაახლოვებით დღევანდელი ასტრახანის მახლობლად.  
ხაზარეთის პოლიტიკურ მნიშვნელობაზე მიუთითებს ბიზანტიის  
მთავრობის დიპლომატიური ეთიკეტი, რომელიც საერთაშორისო  
მიმართებებში ხაზართა ხაკანს მეტს პატივს მიაკუთვნებდა, ვიდრე  
რომის პაპს, ფრანგთა მეფეს ან რუსთა მთავარს.

განსაკუთრებით მნიშვნელოვანი იყო ხაზარების სავაჭრო-სა-  
შუამავლო როლი, მაგრამ ამის შესახებ დაწვრილებით ქვემოთ იქ-  
ნება საუბარი. აქ შეიძლება მხოლოდ ის საინტერესო ფაქტი იყოს  
აღნიშნული, რომ, საფიქრებელია, სწორედ ამ საერთაშორისო—  
სავაჭრო ინტერესების ნიადაგზე ხდება ხაზართა მმართველი წრეე-  
ბის მიერ იუდაიზმის მიღება. ავტორიტეტულ მკვლევართა აზრით,  
რაც აგრეთვე იქცევა ჩვენს ყურადღებას, ხაზართა მოქცევა კავკა-  
სიასა და ყირიმში მცხოვრებმა ებრაელებმა მოახდინეს<sup>1</sup>.

## § 6 არაბთა მფლობელობის საბოლოო დამკვიდრება ქართლში

ამიერ-კავკასიის საბოლოო დაპყრობა, როგორც უკვე იყო ნათ-  
ქვამი, ხდება VIII ს. პირველ ნახევარში.

საერთოდ, ამიერ-კავკასია ხალიფების ინტენსიური ყურადღე-  
ბის საგნად იქცევა ვალიდ I-ის მეფობაში (705—715 წ. წ.), რო-  
მელიც ხალიფატის გარეგანი ექსპანსიისა და დაპყრობითი ომების  
ზენიტად ითვლება. რომ VIII ს. დამდეგს არაბები მსხდარან ტფი-  
ლისში, ამას, ზემოთ აღწერილის გარდა, მათი აქ 704—5 წ. მოქ-  
რილი ფული ამტკიცებს, მაგრამ მომდევნო წლებში პოლიტიკურ  
მდგომარეობას ისევ რაღაც ცვლილება უნდა განეცადა, რადგანაც

<sup>1</sup> Гаркави, Сказания еврейск. писателей о Хазарах, Труды ВЦИ-  
РАО, т. XVII, 269. ხაზართა შესახებ უფრო დაწვრილებით იხ. მარკვარტის  
დასახელებული ნაშრომი.

ქართლს არაბები ხელახლა მოეველინენ ხალიფა ჰიშამის მეფობაში (724—743 წ. წ.), როგორც ჩანს, ისევ სამხედრო ექპედიციის წესით. ოციან წლებში (დაახლოვებით 723—725 წ. წ.) ქართლში შემოსულა არაბთა სარდალი ჯარაჰ იბნ-აბდულაჰი, რომელიც სპეციალურად იყო გაგზავნილი ხალიფას მიერ ხაზარების წინააღმდეგ<sup>1</sup>.

ქართლის მმართველებს ჯარაჰისათვის წარუდგენიათ შაბიზ იბნ-მასლამას მიერ გაცემული დაცვის სიგელი, რომელიც ჯარაჰს განუახლებია, ე. ი., კვლავ აღუდგენია ურთიერთობის ძველი პირობები. ჯარაჰის გაცემული დოკუმენტი შეიცავს ზოგიერთ ახალ მუხლს, რომელნიც სპეციალურ განმარტებას საჭიროებენ. სამწუხაროდ, საბუთის ტექსტში მრავალი ბუნდოვანი ადგილია. ერთი რამ მაინც უნდა აღინიშნოს: საბუთი ისეთს საერთო შთაბეჭდილებას სტოვებს, თითქოს იგი გაცემული იყოს მხოლოდ ქ. ტფილისისა და ქვემო ქართლის (ქართველთა საპიტიახზოს) მმართველი წრეებისადმი.

მაგრამ ჯარაჰის მოქმედება ვერ გამოდგა იღბლიანი. მისი ექსპედიციები, საბოლოოდ, საშინელი მარცხით დამთავრდა—სარდალი მთელი თავისი ჯარით დაიღუპა ხაზარებთან ბრძოლაში. რატომ უნდა საქართველოშიაც, ადგილობრივი მმართველი წრეები ჯარაჰის კატასტროფას ხელსაყრელ მომენტებად მიიჩნევდნენ იმისათვის, რათა არაბთა ბატონობის უღელი ქედიდან გადაეგდოთ. ამ ურჩობას კიდევ უნდა გამოეწვია ახალი ეგზეკუცია, რომლის სათავეში მასლამა მდგარა. მასლამას ჯერ კიდევ 728—9 წ. გაულაშქრნია ხაზართა სამფლობელოში და მიუღწევია ქართლამდის, რომელიც დაუპყრია და მცხოვრებთა ერთი ნაწილი გაუჟლეტია. მეორედ კიდევ ეს ქვეყანა მასლამას ჯარაჰის დაღუპვის უშუალოდ

<sup>1</sup> ჯარაჰი კარგად ცნობილი ისტორიული პირია. მას ადმინისტრაციული თანამდებობანი ეჭირა, ჩვეულებრივად, ხალიფატის განაპირა რაიონებში. 717—719 წწ. იყო ზორასანის მმართველად, სადაც თავი გამოიჩინა, როგორც მკაცრი პოლიტიკის მომხრემ, რომელსაც საჭიროდ მიაჩნდა ამ ქვეყნის მართვა მათრახის და ხმლის საშუალებით. მოკლულ იქნა 730 წ. იხ. Согдийский сборник, Ленинград, 1934, გვ. 59—61. ხაზარეთში ჯარაჰი პირველად შეიჭრა, იაკუბის ცნობით,—უზუხს გამ., 6—104 = 722-3 წ.; მეორედ იგი ამ ქვეყანაში ლაშქრობს უკვე დარიალით და ეს ხდება 106 = 724-5 წ., იქვე, 6—7. ალბათ ამ ექსპედიციის დროს გაიარა ჯარაჰმა ქართლზე. ამავე ლაშქრობას უნდა გულისხმობდეს მ. კალანკატუელი, 258—9, როცა ამბობს, რომ „ჯარაჰი მეორეჯერ აფხაზეთით შევიდა ხაზარეთში“ (თუცა საკითხავია: მეორედ აფხაზეთით, თუ მეორედ ხაზარეთში?). კალანკატუელი ამ ამავს ათარილებს 729-730 წლით. იხ. აგრეთვე Marquart, Osteuropäische und Ostasiatische Streifzüge, 11, 17, 18, 20.

ნომდევნო წლებში დაულაშქრავს<sup>1</sup>. ვერც ამხელად მოუხერხებიათ არაბებს მტკიცედ ფეხის მოკიდება ქართლში: ცოტა ხნის შემდეგ ისევ მოდის დიდი დამსჯელი რაზმი, რომელიც მოითარეშებს არამარტო აღმოსავლეთს, არამედ დასავლეთ საქართველოსაც. საქართველოში არაბთა ამ ლაშქრობამ ისეთი ძლიერი შთაბეჭდილება დასტოვა, რომ შემდგომში იგი მიჩნეულ იქნა, საზოგადოდ, არაბების პირველ შემოსევად. მათიანე ასე ასწერს ამ ამბავს: „მოიწია ამირა აგარიანი ქართლად, რომელსა ერქუა მურვან, ყრუ, ძე მომადისი, რომელი წარმოველინა ეშიმს, ამირ-მუმლს, ბაღდადეღსა, ძესა აბდალ-მელიქისასა... ამისათვის ეწოდა ყრუ რომელ მეორედ არა მითუალვიდა სიტყუასა განმზრახთასა. და ყოველი მთავარნი, პატიახზნი, ნათესავნი ერისთავთანი და წარჩინებულთანი შემოიხუეწნეს კავკასიად და დაიმაღნეს კლდეთა და ღრეთა. და მოვლო ყრუმან ყოველი კავკასია და დაიპყრა კარი დარიალისა და დარუბანდისა. და შემუსრნა ყოველი ქალაქნი და უმრავლესნი ციხენი ყოველთა საზღუართა ქართლისათა. და ვითარ ცნა რამეთუ მეფენი ქართლისანი და ყოველნი ნათესავნი მათნი წარვიდეს ეგრი-სად და მუნით კუალად მიიცივალნეს აფხაზეთად, შეუდგა კუალსა მათსა და შემუსრნა ყოველი ქალაქნი და სიმაგრენი ეგრისისანიცა. და ციხე-ცა იგი შემუსრა რომელ არს ციხე-გოჯი. შემუსრა და შევლო ზღუდრე იგი საზღუარი კლისურისა... და ვითარცა შევლო ყრუმან კლისურა, რომელი მას ჟამსა იყო საზღუარი საბერძნეთისა და საქართველოსა, შემუსრა ქალაქი აფშილეთისა ცხუმი და მოადგა ციხესა ანაკოფისასა... ერისთავი კეისრისა (აფხაზეთში) ლეონ, შესრულ იყო ციხესა შინა სობლისსა, რომელ არს გარდასავალსა ოვსეთისასა და ვერვინ შემძლებელ იყო წყობად ყრუსა, რამეთუ იყუნეს სპანი მისნი უფროს და უმრავლეს ქალაქთა ეგრისისათა“... შემდეგ არაბთა ჯარს ეგრისში თითქოს დიდი ზიანი მოსდის სტიქიონური მოვლენებისაგან, რაც ავტორის მიერ ღვთის რისხვად არის განმარტებული. მაინც ლაშქრობის შედეგები მეტად აღმოსავლეთ ამიერ-კავკასიას დასჩენია: „იქმნა მას ჟამსა განრყენილ

<sup>1</sup> იაკობი, 7. — კალანკატუელით, მასლამა, ანუ, მისი ტრანსკრიპციით, მსლი-მანი, რამდენიმე წლით ადრე ჯარაჰზე, უკვე იყო ამ ქვეყნებში, კერძოდ ქართლშიაც, გვ. 258. კალანკატუელი ადასტურებს მასლამას მეორე ლაშქრობას ხაზარეთისკენ, ჯარაჰის ღალუპვის შემდეგ, იქვე, 259. იხ. აგრეთვე მარკვარტი, დასახელებული ნაშრომი: მასლამას მეორე ლაშქრობა მოდის ჰიჯრით 113 წ., ე. ი. 731—732 წ., (გვ. 18), (ხოლო პირველი — ჰიჯრით 110 წ. ანუ 728 წ. 16 აპრილიდან 729 წ. 4 აპრილამდის, იქვე, (გვ. 186).

ქუეყანა ქართლისა, სომხითისა და რანისა, რამეთუ არღარა იპო-  
ვებოდა ნაშენები, არცა საქამადი კაცთა და პირუტყუთა ყოვლად-  
ვე“. შემდეგ მემატინანე უაღრესად საყურადღებო ცნობას გვაწვდის:  
„დაეცადნეს სარკინოზნი შემოსვლად ქართლად ყრუსა წარსვლით-  
გან წელიწადსა ორმეოცდაათსა. აქა ჟამადმდე არღარა შემოვიდო-  
დეს, არამედ მიიღებდეს ხარკსა ერისთავთაგან“-ო<sup>1</sup>.

მურვანის მოქმედების შესახებ კავკასიაში ჩვენ მრავალი სხვა  
წყაროც მოგვითხრობს. უმრავლესობა მათგანი ადასტურებს ქარ-  
თულ ცნობებს, ზოგი კი მურვანს წარმოგვიდგენს, როგორც შედა-  
რებით მშვიდობიან მმართველსა და სამოქალაქო ცხოვრების მომ-  
წესრიგებელს. ყველაზე აღრინდელი სომხურ წყაროთა შორის, მურ-  
ვანის შესახებ, ლევონდი გვიამბობს, რომ პირველი შემოსვლისთანავე  
სომხეთის დედაქალაქ ღვინში მურვანმა მშვიდობიანი მოლაპარა-  
კება გამართა სომეხ მთავრებთან. მაგრამ მისივე ცნობებიდან  
ჩანს, რომ მურვანს უცდია უძლიერეს სომხურ ნახარართა საგვა-  
რეულოების გათიშვა—პატრიკობის ხელისუფლება ბაგრატიუნიანთა  
წარმომადგენლისათვის მიუცია, ხოლო ამით განაწყენებული მამი-  
კონიანები დაუპატიმრებია და ხალიფასთვის გაუგზავნია, სათანადო  
დაბეჭდებით. რომ, საერთოდაც, ქვეყნის მდგომარეობა არ იყო  
სახარბიელო, ამას ლევონდი ვერ მალავს: როგორც კი ახალმა  
პატრიკიოზმა, აშოტმა, განიმტკიცა თავისი ხელისუფლება, იგი  
წავიდა ხალიფა ჰიშამთან იმ ძალმომრეობის გამო, რომელსაც ქვე-  
ყანა განიცდიდა; სამი წლის განმავლობაში სომეხ მთავრებს და მათს  
მხედრებს არ მიეღოთ თავიანთი გასამრჯელო; ხალიფამ დააკმაყო-  
ფილა თხოვნა, გასცა ბრძანება, რომ მიეწონათ აშოტისათვის სა-  
თანადო ფული, ყოველწლიური 100.000 (დრამის) ანგარიშით; ამის  
შემდეგ, აშოტის მთელი მმართველობის განმავლობაში, სომეხთა  
მხედრობა შეუწყვეტლივ იღებდა ამ თეთრსაო<sup>1</sup>. „მხედრობამ“ კი  
მიადწია თავის მიზანს, მაგრამ რა მდგომარეობაში იყო დანარჩენი  
მოსახლეობა? ჰიშამის ხალიფობის პირველი პერიოდის შესახებ იგი-  
ვე ისტორიკოსი მოგვითხრობს: ჰიშამმა თავისი მეფობის პირველ  
წელს (ჰიშამი გამეფდა 724 წ.) გამოგზავნა სომხეთში სარდალი  
ჰერთი ქვეყნის აღწერის მოსახდენად, რათა კიდევ უფრო დაემ-  
ძიმებინა სომხეთის მონობისა და დახარკულობის უღელი. მან ბევ-

<sup>1</sup> ლევონდი, 112—113; სამაგიეროდ, მურვანის ხალიფობის აღწერისას  
ლევონდი სრულიად არ მალავს ამ უკანასკნელი ომაიადის არაჩვეულებრივ სი-  
ჩასტიკეს.

რი მწუხარება მიაყენა ქვეყანას, ისე რომ ყველა გმინავდა აუტანელი და ყოვლად უსაშველო შევიწროებისაგან. „ამის შემდეგ მისი ხელი კიდევ უფრო დამძიმდა სომეხთა ქვეყანაზე“<sup>1</sup>. როგორც ვნახეთ, ლევონდი არას ამბობს იმის შესახებ, რომ ეს ვითარება შეიცვალა მურვანის მმართველობის დროს, მთელი მოსახლეობის მიმართ—იქ ხომ საუბარი იყო მხედრობის, ე. ი., არსებითად ფეოდალური კლასის ერთი ფენის, მიერ მოპოვებულ ერთგვარ წარმატებაზე. ამ დასკვნას ვერ დაარღვევს ლევონდის სხვა ადგილას მოცემული ზოგადი მტკიცება, რომ მურვანმა, დაამყარა რა თავისი ბატონობა სომეხეთში, „მოამშვიდა“ აქ ყოველგვარი ძალმომრეობაო. მურვანის რეჟიმის საერთო ხასიათის შესახებ კი იქვე აღნიშნულია: „უსამართლობის მოქმედთ, ავაზაკებს, მპარავეებს და კეთილწყისიერების მტრებს“ [ამ ცნებაში, რა თქმა უნდა, ბევრი რამე შეიძლება დატეულიყო. ს. ჯ.] იგი ჯერ ხელსა და ფეხს ჰკვეთდა და შემდეგ ძელზე აღბმით ჰკლავდა“<sup>2</sup>. ლევონდის მიერ დახატულ სურათში უქვეყლად ქვივის ავტორის გარკვეული ტენდენცია. მურვანის მიერ სომეხეთის გარეთ ჩატარებული სამხედრო ოპერაციებიდან ლევონდი იცნობს მხოლოდ ერთს—არაბ-სომეხთა შეერთებულ ექსპედიციას ჰონების, ე. ი., ხაზარების წინააღმდეგ<sup>3</sup>.

გაცილებით უფრო ეთანხმება ქართული მატრიანის მოთხრობას მეორე ადრინდელი სომეხი ისტორიკოსის, იოანე კათალიკოსის, ცნობები, რომელთა მიხედვითაც მურვანს სომეხეთის ციხეები აუღია და დაუქცევია, მოსახლეობა აუწიოკებია და გაუძარცვავს, ნაწილიც ტყვედ წაუსხამს<sup>4</sup>.

ხოლო კიდევ უფრო ახლო ქართულ ცნობებთან არაბული დგას. ბალაძორი, მაგ., მოგვითხრობს, რომ მურვანი, რომელიც ჯერ კიდევ მასლამასთან ერთად იბრძოდა ხაზარების წინააღმდეგ, და უკვე მაშინ გამოიჩინა დიდი სიმამაცე და რბევის უნარი, ჰიშამის მიერ დანიშნულ იქნა სომეხეთის მმართველად საიდის შემდეგ, რომელმაც ამ თანამდებობაზე ორი წელიწადი დაჰყო. მურვანი შეიქრა ხაზართა სამფლობელოში, თავს დაესხა იქ მყოფ სლავებს, ტყვედ წამოიყვანა მათგან 20000 ოჯახი და დაასახლა ისინი ხახიტში

<sup>1</sup> ლევონდი, 100—101,

<sup>2</sup> იქვე, 114. ასოლიკი, გვ. 130, როგორც ჩანს, იმეორებს ლევონდს, თუმცა დიდი შემოკლებით.

<sup>3</sup> ლევონდი, 113—114.

<sup>4</sup> დრახხანაკერტელი, 53—54.



(კახეთში?). შემდეგში გადმოსახლებულებმა მოჰკლეს თავიანთი წინამძღოლი და გაიქცნენ, მაგრამ მურვანი დაეწია მათ და გაჟლიტა.

შემდეგ მოცემულია მტკიცება მურვანის მიერ მთელი ჩრდილო და აღმოსავლეთ კავკასიის დამორჩილების შესახებ. ჯერ მას თითქოს ნებაყოფლობით დაემორჩილა, მურვანის ჯართა სიდიდით დაშინებული, ხაზართა ხაკანი, რომელმაც ვითომც ისლამიც კი მიიღო. მურვანმა დაასახლა ხაზარები ლაქების ქვეყანაში, სამურსა და შაბურანს შორის. შემდეგ მურვანი იმორჩილებს სარირის, თუშანის, შამშინის, სიდანის, ტაბარსარან-შაჰის, ფილან-შაჰის, შირვანისა და დუღანიელების ქვეყნებს. თითქმის ყველა მათ ხარკავს ნატურალური გადასახადებითა და სამხედრო ბეგრით: პირველი გამოიხატება სხვადასხვა ზომით დაკისრებულ ტყვე ქალ-ვაჟთა და მარცვლეულის ყოველწლიურ გამოსაღებებში (მარცვლეული უნდა მიეტანათ ბაბის, ვ. ი., როგორც ჩანს, ბაბ-ულ-აბეაბის ანუ დარუბანდის ბელლებში), ხოლო სამხედრო ბეგარა დაეკისრა შარვანის მფლობელს, ფილან-შაჰსა და ტაბარსარან-შაჰს. ფილან-შაჰს საერთოდ უნდა ელაშქრნა მუსლიმებთან ერთად; შარვანის მფლობელი, ხაზართა ქვეყანაში გალაშქრებისას, ავანგარდში უნდა ყოფილიყო, ხოლო იქიდან დაბრუნებისას—არიერგარდში; ხოლო ტაბარსარან-შაჰი შექრისას არიერგარდში იყო, უკან ლაშქრობისას კი მეწინავეს როლს ასრულებდა. წავიდა მურვანი კავკასიიდან, როცა მას ვალიდ ხალიფას მოკვლის აშბავი მოუვიდა<sup>1</sup>.

ამრიგად, გამოდის, რომ მურვანმა არაბთა ხელისუფლებას დაუქვემდებარა მთელი ჩრდილოეთი და აღმოსავლეთი კავკასია (აღმოს. ამიერ-კავკასია). რომ ის აქ უფრო მკვიდრად და ხანგრძლივად ჯდომას აპირებდა, ეს ჩანს ბალაძორისვე ცნობიდან (იხ. ქვემოთ, § 7), რომ მან აქ პირადი მამულებიც გაიჩინა.

არაფერს ამბობენ უცხო წყაროები მურვანის ლაშქრობის შესახებ დას. საქართველოში, მაგრამ ქართული მატეიანის ცნობა სანდო შთაბეჭდილებას ახდენს და სარწმუნოდ უნდა იყოს მიჩნეული.

მურვანის ამიერ-კავკასიაში საქმიანობის ქრონოლოგია ასეთია: მოვიდა პირველად დვინში (სონხეთში) 114—732 წ.; ლაშქრობს ხაზარეთში 117—735 წ.; 119—737-8 წ.—ალანეთში და ალანთა გზით კვლავ ხაზარეთში, 743-4 წ. საბოლოოდ წავიდა აქედან<sup>2</sup>.

<sup>1</sup> ბალაძორი, 17—19, თარგმანისა და ტექსტის 12—13

<sup>2</sup> მარკვარტი, 449—450, 199, 12, 18; М. д. а. с. р., II, 96; ჯავახიშვილი, II, 350—352; ზროსე, მითითებული ადგილი.

საქართველო მურვანმა, როგორც ჩანს, 736-8 წ. დალაშქრა. ამრიგად, ცხადი ხდება, რომ ქართველი მემკვიდრის თხრობა რომელიღაც ძველი კარგი წყაროდან არის ამოღებული, რადგანაც ზუსტად იცავს ისტორიულ ფაქტებს<sup>1</sup>. თუ ასევე შეიძლება ვენლოთ მემკვიდრის უკანასკნელ ცნობასაც (ეკვებს ბადებს მემკვიდრის მიერ ხშირად დარღვეული ისტორიული პრესპექტივი), მაშინ მივიღებთ, რომ VIII ს. ოცდაათიანი წლებიდან ოთხმოციანი წლებამდის ქართლში სტაბილური პოლიტიკური მდგომარეობა დამყარებულია არაბთა მფლობელობის ქვეშ.

ყოველ შემთხვევაში, უეჭველია, რომ მურვანის მოქმედებამ საბოლოოდ დაამკვიდრა არაბთა ბატონობა ქართლში. ის სისასტიკე, რომელიც მურვანის მეომრებმა აქ გამოიჩინეს, ერთი მხრით, პასუხი იყო განუწყვეტელი მღვლეარებისა და ურჩობისათვის წარსულში, ხოლო, მეორე მხრით, მრისხანე გაფრთხილება მომავლისათვის. ასეთ შთამავლებელ ღონისძიებათა შედეგი იყო მოსახლეობის წინააღმდეგობის უნარის გატება ერთი ხნით მაინც. საინტერესოა, რომ მურვანს ხალხის მეხსიერებისათვისაც დაუჩენია კვალი: გურიის ეხლაც გაუგონარ კაცს „მურვანს“ ეძახიან (თუ ეს ლიტერატურული წარმოშობისა არ არის).

დასავლეთ საქართველოს არც მანამდის, არც შემდეგ ისეთი სუსხი არაბებისგან არ უნახავს, როგორც მურვანის დროს, თუმცა კონტაქტი მათთან, მტრული თუ მეგობრული, ჰქონია ხოლმე. უკვე ჰაბიბის წინააღმდეგ (VII ს. შუა წლები) მოსაზღვრე ბიზანტიური პროვინციის, არმენიკების თემის, პატრიკი იბრძვის ალანების, აფხაზებისა და ხაზარების მეშველ ჯარებთან ერთად<sup>2</sup>. მეშვიდე საუკუნის დამლევისა და მერვე საუკუნის დამდეგის ვითარება, ამ მხრივ, ზემოთ იყო აღნიშნული; შემდეგ, როგორც ვნახეთ, ერთი ცნობით, არაბთა სარდალი ჯარაჰი აფხაზეთის გზით შედის ხაზარეთში. ათიოდე წლის შემდეგ უკვე მურვანმა გადაიარა გრიგალივით ეგრისისა და აფხაზეთის ტერიტორიაზე. მაგრამ, საერთოდ შეიძლება ითქვას, დასავლეთი საქართველო არაბთა უმეშვეო და პირდაპირი გავლენის გარეშე დარჩა. აღნიშნული ამბები მხოლოდ ცალკე ეპიზოდები იყო ეგრის-აფხაზეთის ისტორიაში. ახალი მსოფლიო-ისტორიული მოვლენა მთელი თავისი სიმძიმით აღმოცავლეთ საქართველოს, კერძოდ ქართლს, დააწვა.

<sup>1</sup> ივ. ჯავახიშვილი, ქართველ. ერ. ისტ., II, 350—352.

<sup>2</sup> ბალაძორი, 8; შეადრ. მარკვარტი, გვ. 174, შენ. 4.

განსაკუთრებით დამძიმდა ქართლის ვითარება VIII ს. შუა-წლებიდან, როცა ხალიფების ხელისუფლება აბასიდების ხელში გადავიდა. თუმცა მურვანის ლაშქრობათა დასასრულიდან მოყოლებული სამოცდაათიან წლებამდის ცნობები საქართველოს შესახებ მეტად მცირდება, მაგრამ ზოგი რამ მაინც შეიძლება გამოიკვეს.

როგორც ვთქვით, მურვანის ექსპედიციებმა შედარებით მყარი მდგომარეობა შეუქმნა არაბებს ქართლში. მაგრამ, საერთო პირობების გამო, ზოგჯერ მაინც ისმის ისეთი ხმები, რომლებიც გარკვეულს პოლიტიკურს (იქნებ ხანმოკლე) ცვლილებებზე მიუთითებს.

VIII ს. სიგრიძეზე, მაგ., არ შესუსტებულა ხაზარების აქტიობა და აგრესია ამიერ-კავკასიის მიმართ. სამოციან წლებში მათ ქართლიც თავისი გავლენის ქვეშ მოუქცევიათ. ამ ამბავს გულისხმობს, ალბათ, ქართული მატინის მიერ მოთხრობილი, თუმცა ქრონოლოგიურად ცუდად განსაზღვრული, რომანტიკული და ტრაგიკული თავგადასავალი ქართლის ერისმთავრის ჯუანშერის დის შუშანისა. თითქოს ამ სილამაზით განთქმული ქალის ხელში ჩასაგდებად ხაზართა მფლობელის რაზმი რბევით გადმოდის ქართლში და ტფილისს იღებს<sup>1</sup>.

ამავე ფაქტს უნდა აღწერდეს ლევონდი, როცა მოგვითხრობს, რომ მეორე აბასიდი ხალიფას დროს (754—775) ხაზარებმა დალაშქრეს ალვანეთი და ქართლი. ქართლის სამთავროში მათ აიღეს შვიდი პროვინცია—შუჩქი, ქვეშკაფორი, ჩელთი, წუქეთი, ველისციხე, თიანეთი და (ხ)ერკი, და მრავალი ტყვითა და ალაფით უკან გაბრუნდნენ<sup>2</sup>. არაბული ცნობებით ტფილისი ხაზარებს 764 წ. აუღიათ<sup>3</sup>.

გავლენას ახდენდა ქართლზე ნეზობელი სომხეთის ვითარებაც. აქ პირველმა აბასიდებმა ისე შეაწუხეს მოსახლეობა, რომ აჯანყება აჯანყებას მოსდევდა მოძალადეების წინააღმდეგ. მარცხის შემთხვევაში სომეხი ნახარარები საქართველოში ეძებდნენ თავშესაფარს და ამით ამ ქვეყანასაც ითრევდნენ არაბთა საწინააღმდეგო მოძრაობაში და, ამდენადვე, სპასუხო რეპრესიების რკალშიაც. მეორე აბასიდ ხალიფას დროს (754—775), მაგ., არაბთა წინააღმდეგ აჯანყებული სომეხი ნახარარების მეთაური, არტავაზდ მანიკონიანი, ქართლში

<sup>1</sup> ქცხ. მარ., 216—217.

<sup>2</sup> ლევონდი, 132—133

<sup>3</sup> ჯავახიშვილი, II, 353—354.

გარბის, რაკი, როგორც ჩანს, არა აქვს იმედი, რომ არაბებს გაუმკლავდება. არაბთა მდევარი მას დაეწია ქართლის პროვინცია სამცხეში და ნადავლის ნაწილი დააგდებინა. გაქცეულნი გერისში გადავიდნენ. არტავაზდმა, გვარწმუნებს ამ ამბების მომთხრობი, ლევონდი, ხელთ იგდო ეგრისის და ქართლის ბატონობა<sup>1</sup>, მაგრამ ეს დაუჯერებელი ამბავია. ყოველ შემთხვევაში, ამ ამბებს არ შეეძლო მთლად უმტკივნეულად ჩაეგლო ჩვენი ქვეყნისათვის.

შესაძლებელია ვიფიქროთ, რომ მსგავს მოვლენებთან (ხაზარების გამოსვლასთან?) იყო დაკავშირებული, ხალიფა მანსურის დროს, არმენიის მმართველის იაზიდის მოქმედება, რომელმაც ისე დაამარცხა წანარები, რომ აიძულა ისინი ხარაჯა ეხადნათ<sup>2</sup>. წანარების ბედი კი, ამ დროს, მკიდროდ არის დაკავშირებული კახეთთან.

უკანასკნელად, ლევონდი გვიამბობს, რომ ხალიფა ჰარუნმა (786—809) თავის ძმას ობედლას, რომელიც ებრძოდა ხალიფას, საგაჰეოდ დაუთმო; ადარბადაგანი, სომხეთი, ქართლი და ალღანეთი. ობედლამ თავისი მმართველები დანიშნა ამ ქვეყნებში, და აქაური საქმეების მოსაწესრიგებლად თვითონ ჩამოვიდა ქალაქ ბარდავში<sup>3</sup>. ამ ამბებში უკვე მოცემულია თესლი აღნიშნული ქვეყნების ჩამოშორებისა ხალიფატისაგან.

## § 7 საერთო განვითარება VII და VIII სს.

პერიოდი, რომლის ფარგლებშიაც ეხლა გვსურს საქართველოს საერთო განვითარება განვიხილოთ, იწყება VII ს. მეორე ნახევრიდან, მიახლოებით და, ასევე მიახლოებით, თავდება IX ს. შუაწლებით. ამ ხნის განმავლობაში აღმოსავლეთ საქართველოსათვის განსაკუთრებული მნიშვნელობა ჰქონდა არაბთა ბატონობას.

როგორც ზემოთ იყო გამოკვეთული, ამ ბატონობის საბოლოო დამყარება ქართლში VIII ს. ოცდაათიანი წლებისათვის უნდა წარმოეიდგინათ. VII ს. მეორე ნახევარში იგი ისტორიული დროის მხოლოდ ცალკე ზონაკვეთებში არის საგულისხმებელი.

არა ნაკლებ მნიშვნელოვანია განვითარება თვით ხალიფატის საერთო ხასიათისა და მისი რეჟიმისა დაპყრობილ ქვეყნებში. თავდაპირველად არაბები დაპყრობილი ქვეყნების შინაურ სამოქალაქო

<sup>1</sup> ლევონდი, 138—139.

<sup>2</sup> ბალაძორი, 20.

<sup>3</sup> ლევონდი, 166—167.

მმართველობაში არ ერეოდნენ. მათ ამისთვის არც რამე სახელმწიფოებრივი გამოცდილება ჰქონდათ, არც სათანადო რესურსები გააჩნდათ. იმ ადმინისტრაციულ საჭიროებათა დაკმაყოფილებისათვის, რომელნიც სრული აუცილებლობით მაინც უნდა წამოქრილიყვნენ დამპყრობელთა წინაშე, არაბები იძულებული ხდებოდნენ ადგილობრივი ძალებისათვის მიემართათ—ბიზანტიელი ან სპარსელი ძველი მოხელეებისათვის, თუ ისინი კიდევ არსებობდნენ, და თვით ეროვნული ავტონომიური დაწესებულებებისა ან მათი ნაშთებისათვის. ერთადერთი საგანი, რომელიც თავდაპირველად არაბებს დაპყრობილ ქვეყნებში აინტერესებდათ, იყო ხარკის დროული და წესიერი მიღება და, საერთოდ, იმ ბეგარის განაღდება, რომელიც დამარცხებულთა ქედზე იყო დადებული. ამ მოვალეობის შესასრულებლად იყენებდნენ სწორედ არაბები ადგილობრივ ადმინისტრაციულ აპარატს. ამიტომ თითქმის ყველა დაპყრობილ ქვეყანაში არაბული მმართველობის სტერეოტიპულ ფორმას ვხედავთ: უზენაეს მმართველთა ადგილობრივ არაბულ სამხედრო ძალთა სარდალი; რომელიც ხალიფას მოადგილედ ითვლება; მის განკარგულებას ექვემდებარებიან ადგილობრივი მოხელეები და ადგილობრივი ავტონომიური ინსტიტუტების მეთაურები—ადგილობრივი მთავრები; ხალიფას ხელში ამ მთავრებს ის მნიშვნელობაც აქვთ, რომ მათი საშუალებით ხალიფა კონტროლს უწევს თავისი პროვინციული მოადგილეების სეპარატისტულ ტენდენციებს. მაგრამ ეს ურთიერთობა განიცდიდა განვითარებას და თანდათანობით იცვლიდა სახეს.

უფრო ნელა და ნაკლები სიძლიერით იცვლებოდა არაბული სახარკო და საბეგრო სისტემა. ამ მხრივ არსებითად ძალიან დიდხანს იცავს თავს მეორე ხალიფას, ომარის, მიერ შემუშავებული და დადგენილი წესები და პრინციპები, დამკარებელი თვით მუჰამადის ჩვენებებსა და პრაქტიკაზე. ყველა დაპყრობილი ქვეყნის მთელი მიწაწყალი გამოცხადებული იყო ხალიფას სახელმწიფო მამულად. ძველი მესაკუთრენი ინაოჩუნებდნენ მფლობელობის უფლებებს, მაგრამ იხდიდნენ გარკვეულ გადასახადებს: 1) *ჯიზიათს*, პირად გადასახადს, რომელიც სავალდებულო იყო ყველა „ურწმუნოსათვის“, ე. ი. არამუსლიმანისათვის; 2) *ხარაჯს*, სამამულო გადასახადს, რომელიც შეფარდებული იყო ადგილმამულის სივრცესთან და 3) *საბინაო გადასახადს* (არაბული რაზმების ადგილობრივ ბანაკობასთან დაკავშირებული ხარჯები). ძალიან იშვიათად, მოსახლეობის რაიმე განსაკუთრებული დამსახურებისა ან ღვაწლის გამო დამპყრობელთა წინაშე, მოსახლეობა შეიძლებოდა განთა-

ვისუფლებული ყოფილიყო სამამულო გადასახადის, ხარაჯისგან (ასე მოიქცნენ არაბები, მაგ., სირიაში, რადგანაც სირიის მოსახლეობამ არაბებს დიდი დახმარება ვაუწვია ამ ქვეყნის დაპყრობის დროს), მაგრამ პირადი გადასახადისაგან, ჯიზიათისაგან, არავინ იყო თავისუფალი, ვინც კი ისლამს არ აღიარებდა. აბსოლუტური უმრავლესობა იმ ხალხებისა, რომელნიც დაექვემდებარნენ არაბთა ბატონობას, მაინც ჯიზიათთან ერთად იხდიდა ხარაჯსაც. ეს იყო ძალიან მაღალი, ერთხელ და სამუდამოდ დადგენილი, — ოდენობის მხრივ, — გადასახადი, რომელიც არ ითვალისწინებდა მიწის ნამდვილი შემოსავლის ზომასა და ხასიათს. ხარაჯის გადახდისათვის პასუხისმგებელი იყო ესათუის თემი მთლიანად. ერთი რომელიმე ინდივიდუალური გადამხდელის გალატაკების შემთხვევაში მისი გადასახადი ეწერებოდა მის მეზობლებს. ამიტომ თვით მიწისმპირავის პიროვნება არაბებს არ აინტერესებდათ და ამიტომვე ცალკე მიწის ნაქრების ყიდვა-გაყიდვა აკრძალული არ იყო. მთელი მიწა გაზომილი და კადასტრ-დადებული იყო და იგულისხმებოდა, რომ მტკიცედ განსაზღვრული რაოდენობა გადასახადისა არ შეიძლებოდა შეცვლილიყო მიწის მიმოქცევისა და მიწისმპირავთა გამოცვლის გამო.

გარდა ამ წესებისა, იმთავითვე დიდი სისასტიკით დადგენილი იყო, რომ არც ერთ მუსლიმს არაბეთის გარეშე არ აქვს უფლება შეიძინოს უძრავი საკუთრება და ხელი მიჰყოს სოფლის მეურნეობას. ერთი მუქა გამარჯვებული მეომრებისა იჯდა ამა თუ იმ დაპყრობილ ქვეყანაში და იკვებებოდა დამარცხებული მიწის მუშების შრომის პროდუქტით. ერთადერთ თავისთვის შესაფერის საქმედ დამპყრობელებს ომიანობა და სამხედრო ვარჯიშობა მიაჩნდათ, დაპყრობილთა სვედ კი შრომა და მორჩილება იყო გამოცხადებული. რუსთაველის კლასიკური ფორმულით რომ ვთქვათ, არაბი „მეომრის“ ფუნქციად „გულოენობა“ იყო დასახული, ურწმუნო, დამორჩილებული „მუშებისა“ კი „მიწყივ მუშაკობა“. ამ ორ ფენას შორის არსებული საზღვრის წაუშლელობის მიზნით იყო სწორედ არაბთა მიწისმფლობელობა აკრძალული დაპყრობილ ქვეყნებში. ამავე მიზანს ემსახურებოდა სხვა დადგენილებებიც: არავინ არ ჰქონდა ნება „მართლმადიდებელ“, ე. ი. ისლამის, გზისგან გადაექცია არაბი; დაპყრობილებს წართმეული ჰქონდათ იარაღის ტარების უფლება; მათ აგრეთვე არაბებისაგან განსხვავებული ტანისამოსი უნდა სცმოდათ; სატარებლად შეეძლოთ მხოლოდ ღირი და ჯორი გამოეყენებინათ (ცხენი მხოლოდ არაბებისათვის გან-

კუთენილი, დაპყრობილთათვის აკრძალული იყო) და სხვადასხვა...  
თავისთავად ცხადია, ყოველივე აღნიშნულის განხორციელება, ხში-  
რად ძალიან ძნელი, და ზოგჯერ შეუძლებელიც იყო.

თუ ხარკს მივეუმატებო ომის ნადავლს ანუ ალაფს და თვით  
მუსლიმების სახელმწიფო გადასახადს ანუ ე. წ. „გადასახადს ლა-  
რიბთა სასარგებლოდ“, მივიღებთ ხალიფატის სახელმწიფო შემო-  
სავლის ძირითად მუხლებს. თეორიულად მთელი ეს სახელმწიფო  
შემოსავალი ითვლებოდა ყველა მუსლიმის საერთო საკუთრებად.  
იგულისხმება, რათქმაუნდა, რომ სახელმწიფო შემოსავლის ერთი  
ნაწილი განკუთვნილი უნდა ყოფილიყო საერთო სარწმუნოებრივი  
და სახელმწიფოებრივი საჭიროებების დასაკმაყოფილებლად. ომის  
ნადავლიდან, მაგ., ასეთ ნაწილად ერთი მეხუთედი ითვლებოდა.  
დანარჩენი, აგრეთვე თეორიის მიხედვით, თანასწორად უნდა გა-  
ნაწილებულიყო მუსლიმებს შორის. ომარისვე მიერ 647 წ. დაარ-  
სებულ იქნა უმაღლესი საფინანსო სამმართველო, რომელიც აწარ-  
მოებდა შემოსავალ-გასავლის სწორ აღრიცხვას და თვითეულის  
ნაწილის ანგარიშს საერთო შემოსავალში, ტომებისა და ოჯახების  
სიების მიხედვით. ამრიგად გამოთვლილი იყო ხოლმე თვითეული  
ოჯახის წლიური შემოსავალი, რომელიც მაინც თანაბარი არ იყო,  
რადგანაც გათვალისწინებული იყო ნათესაური სიახლოე მუჰამად-  
თან, ისლამის მიღების დრო და მონაწილეობა ომებში ურწმუნოთა  
წინააღმდეგ. უმცირესი წილიც განაყოფიდან იმდენად მნიშვნელო-  
ვანი იყო, რომ სავსებით აკმაყოფილებდა შორეულ ქვეყნებში მე-  
ბრძოლი არაბების მოთხოვნილებებს და შეუმჩნეველს ხდიდა მათ-  
თვის სამშობლოს გარეთ მემამულეობის აკრძალვას. მეორე მხრით,  
სახელმწიფო შემოსავალი სწვდებოდა ყველა მუსლიმს, იმიტომ, რომ  
თავდაპირველად სახელმწიფო გასავალი შედარებით უმნიშვნელო  
იყო—ეს გასავალი უმთავრესად და თითქმის მხოლოდ სამხედრო  
ხარჯებთან იყო დაკავშირებული<sup>1</sup>.

ყოველივე ზემოაღწერილი განიციდიდა თანდათანობითს ევო-  
ლუციას, როჰლის ახალ ფაქტებსაც ჩვენ ქვემოთ გავეცნობით. აქ  
საჭიროა წარმოვიდგინოთ ქართლის თავდაპირველი ვითარება არაბ-  
თა მფლობელობის პირობებში.

უფრო გვიანდელი ქართველი მემატიანე ასე ასწერს არაბ-  
ქარველთა ურთიერთობას: „ამიერითგან იწყო შემცირებად მეფო-

<sup>1</sup> А. Мюллер, кн. II, гл. III.—ხარაჯის საკითხის თეორიული ვითარებისა-  
თვის იხ. ბალაძის, 30—32: „დებულება სახარაჯო მიწების შესახებ.“

ბამან დიდთა მათ მეფეთა ხოსროვანთამან: პირველად — უფლება სარკინოზთა განდიდა და მათგან მიეცა ყოველი ესე ქუეყანა ეამითი-ეამად რბევასა და ოხრებასა, მეორედ—იქმნა სიმრავლე მთავართა ქუეყანასა ქართლისასა და შეერიო ბრძოლა—იქმნეს მტერ ურთიერთას: და უკუეთუ ვინმე გამოჩნდის, რომელი-მცა ღირს იყო მეფედ შვილთა შორის ვახტანგისათა, იქმნის შემცირებულ სარკინოზთაგან, რამეთუ დაიპყრეს ქალაქი ტფილისი აგარიანთა, შეიქმნეს სახლად საყოფელად თუისად, მიიღებდეს ხარკსა ქუეყანისა ამისგან, რომელსა ჰრქუიან ხარაჯა, რამეთუ, განგებითა ღმრთისათა, სიმრავლისათვის ცოდვათა ჩუენთასა, განდიდნა ნათესავი აგარიანთა“<sup>1</sup>. აქ ბევრი რამეა შეცდომით მოთხრობილი: ხოსროვან მეფეთა—ე. ი., ძველი ქართლის სამეფო—საგვარეულო არაბთა შემოსევის დროისათვის უკვე დიდი ხნის განადგურებული იყო. თუ არაბები ვისიმე „გამეფებას“ აბრკოლებდნენ, ყოველ შემთხვევაში ეს გორგასლის შეილნი არ უნდა ყოფილიყვნენ და სხვ. სხვაფრივ მემატიანის ჩვენება გამოყენების ღირსია. ისტორიულ სინამდვილეს შეეფერება მითითება, რომ არაბები ჯერ „ეამითი-ეამად“, ე. ი. დროგამოშვებით, „რბევასა და ოხრებას“ აწარმოებენ ქართლში, შემდეგ კი ისინი ახერხებენ საბოლოო დამკვიდრებას ქართლში— „სახლად საყოფელად“, რეზიდენციად, იხდიან ტფილისს, და ეს მაშინ ხდება, როცა საერთოდ „განდიდნა ნათესავი აგარიანთა“, გაძლიერდა არაბთა ტომი. შემდეგ განსაკუთრებით საყურადღებოა აგრეთვე ცნობა ხარაჯის შესახებ—მემატიანის მტკიცებით, ხარკი, რომელსაც არაბები იღებენ ქართლიდან, სწორედ ხარაჯის ფორმას ატარებს. თუ მოვიგონებთ, რომ უკვე ჰაბიბის ექსპედიციის შესახებ არსებობს ცნობა, რომ ამ სარდალმა საქართველოს, ან, ყოველ შემთხვევაში, მოსაზღვრე ზოგიერთ პროვინციას ჯიზიათთან ერთად ხარაჯიც დაადო გადასახადად, ადვილად დავიჯერებთ, რომ თვით ქართლის ცენტრალური რაიონების ხარკსაც, თავდაპირველი „პირადი გადასახადის“ (ჯიზიათის) გარდა, შემდეგში „სამამულო გადასახადი“—„ხარაჯიც“—შეადგენს. ეს მით უფროა მოსალოდნელი, რომ ქართლმა თავდაპირველი ნებაყოფლობითი დამორჩილების შემდეგ არა ერთგზის გამოაცხადა ურჩობა, არა ერთგზის იყო ამის გამო არაბების მიერ დარბეული და როგორც ფაქტიურად, ისე ფორმალურად, მახვილით დაპყრობილ ქვეყნად უნდა ჩათვლილიყო.

<sup>1</sup> ქცხ. მარ., 217.



ამრიგად, ყოველ შემთხვევაში, VIII ს. დამდეგიდან, ქართლი იხდის როგორც ჯიზიათს, ისე ხარაჯს. (იბნ-ალ-ფაკიპი ხომ პირდაპირ ამტკიცებს, როგორც ზემოთ გვქონდა აღნიშნული, რომ ჯურზანი და სხვა პროვინციები, ჰაბიბთან შეკრული პირობით, იხდიან როგორც პირად, ისე სამამულო გადასახადს). როგორია ამ ხარკის გაღვენა ქვეყნის განვითარებაზე?

რამდენადაც ვიცით, ორივე გადასახადი ქართლში ფულადი იყო. ჩვენ სხვა ადგილას უკვე ვსაუბრობდით ფულადი გადასახადების მნიშვნელობის შესახებ<sup>1</sup>. ეხლაც შეიძლება გავიმეოროთ, რომ არაბების ფულადი ხარკიც, გარკვეულ დრომდის, ხელს უწყობს სასაქონლო წარმოების განვითარებას. არაბული ხარკის მოქმედება ამ მხრივ კიდევ უფრო ძლიერი უნდა ყოფილიყო—მარტო პირადი გადასახადის, ერთი დრაჰჰანის (დაახლოვებით, 5 მანეთი ოქროთი) შოვნა გადამხდელს არ შეეძლო სხვაგვარად, თუ არ საქონლის ბაზარში გამოტანით. ეხლა ამას ემატებოდა სამამულო (ხარაჯი ჩვეულებრივად უდრიდა მოსაგლის ერთ მეხუთედს) და სხვა გადასახადებიც. გამოსაღებთა საერთო რაოდენობა მეტად დიდია; მაშასადამე, გარკვეულ მიჯნამდის; მეურნეობამ მაქსიმალურად (დროის პირობების შესაფერისად) უნდა დასჭიმოს თავისი სასაქონლო შესაძლებლობა. მეორეჯერით, საყურადღებოა საგადასახადო ცენზი და პრინციპი: ჯიზიათს ახდევინებდნენ კომლობრივ, ხოლო ხარაჯის გამოანგარიშებისას არ ითვალისწინებდნენ მიწის შემოსავლიანობასა და მის ცვალებადობას, არამედ ერთხელ და სამუდამოდ გარკვეული ნორმები ჰქონდათ დადგენილი. მაგრამ რადგანაც ცალკე გადამხდელი ერთეულები, კომლები, ამ დროს განსხვავდებიან ერთმანეთისაგან თავიანთი ეკონომიური შეძლებით (დიდი მნიშვნელობა აქვს, კერძოდ, მუშახელის რაოდენობას კომლში), ამიტომ როგორც ჯიზიათი, ისე ხარაჯი ერთნაირი სიმძიმით არ აწვება ყველა კომლს: ზოგი ამ ტვირთს შედარებით ადვილად უძლებს, ზოგი ერთბაშად იჭულიტება. მაშასადამე, არაბულ ხარკს უნდა შეეტანა გაცილებით უფრო ღრმა რღვევა ცალკე ეკონომიკურ ჯგუფებში, ვიდრე ეს ხდებოდა წინათ. ქონებრივი უთანასწორობა იზრდება ბევრად უფრო სწრაფად. ფულადი ურთიერთობის ზრდაც იმავე მიმართულებით მოქმედებს.

„დაცვითი სიგელის“ მუხლი, რომელიც მოითხოვდა, თუ უნებლიეთ აკანონებდა, კომლთა არსებული რაოდენობის უცვლელობას,

<sup>1</sup> ს. ჯანაშია, ფეოდალური რევოლუცია საქართველოში, ტფ., 1935 წ.

შეიძლება გახდარიყო ერთგვარი შემაფერხებელი გარემოება მოსახლეობის ბუნებრივი ზრდისათვის იმ რაიონებში და იმ პერიოდებისათვის, სადაც და როდესაც ეს წესი მოქმედებდა<sup>1</sup>.

ამრიგად, არაბთა მფლობელობის პირველ ხანებში ქართლი. საერთოდ, იმავე გზით განგრძობს განვითარებას, რომელიც ჩვენ VI საუკუნისათვის დავადგინეთ. ასეთივეა მდგომარეობა, მიახლოებით, სოციალურსა და პოლიტიკურ სფეროში—ახალგაზრდა ფეოდალური ქართლის უმაღლესი წრეები, გარკვეულ დრომდის, ახერხებენ ახალი მდგომარეობის გამოყენებას თავის სასარგებლოდ. როგორც ყველგან სხვაგან, ქართლშიაც არაბები იძულებული არიან, თავდაპირველად, ამ ფენის ზოგიერთ წრეებს დაეყრდნონ. მაგრამ აქ ანალოგიურთან ერთად განვითარების განსხვავებულ ნიშნებსაც ვხედავთ: არაბთა შემოსევისათვის ქართლის წარჩინებულთა წოდებას უკვე თავისი პოლიტიკური მეთაურები ჰყავს—ქართლის ერისმთავარი, ქართველთა პიტიახში და სხვები. ორგანიზაციულად ეს წოდება უფრო დარაზმულია. სოციალურადაც ის ეხლა უფრო ძლიერია. ამიტომ თუ მას, დამპყრობელებთან თანხმობის პირობებში, შეუძლია წინაპრებზე მეტი სარგებელი მოიპოვოს თავისი მდგომარეობიდან, სამაგიეროდ კონფლიქტისათვისაც მეტი მიზეზი და შესაძლებლობა აქვს.

თავდაპირველად ქართლის მთავრებსა და წარჩინებულებს არავითარ უბედურებად არ უნდა მიეჩინათ ბიზანტიელთა შეცვლა არაბებით. მაგრამ რაც უფრო მეტი დრო გადიოდა, მით უფრო უნდა გაუარესებულიყო მოსულ-დამხდურთა ურთიერთობა. არაბებს თვითონ ჰქონდათ მოქრილი გზა ადგილობრივი გაბატონებული კლასების უმტკივნეულო დაახლოებისა და შეთვისებისათვის დამპყრობელებთან. ვინც თავის თავს ისლამის გარეშე აყენებდა და მამაპაპური სარწმუნოების ერთგული რჩებოდა, ის იმთავითვე უნდა შერიგებოდა თავის უუფლებო მოქალაქეობრივ მდგომარეობასა და უალრესად შეურაცხყოფელ დამოკიდებულებას გაბატონებულთა მხრივ. მართალია, არაბები, ფაქტიური ვითარების ზეგავლენით, იძულებული იყვნენ პრაქტიკაში გვერდი აეველოთ იმ ზემოთაღწერილი წესებისათვის, რომელთაც როგორც არსებითად, ისე გარეგნულადაც უნდა წარმოეჩინათ დამპყრობელთა და დაპყრობილთა შორის არსებული უფსკრული: არაბები იძულებული იყვნენ, მაგ., ადგილობრივი სამხედრო ძალები გამოეყენებინათ (იმდენად დიდი

<sup>1</sup> შეადრ. პროფ. ივ. ჯავახიშვილი, ქართველთა ისტ., II 358; აქ მოცემულ დებულებას გვაროვნული წყობილების დაცვის შესახებ ჩვენ არ ვიზიარებთ.

იყო მათი სამხედრო საჭიროება) და, მაშასადამე, მეტნაკლებად მოეხსნათ ზოგიერთი, \*ამასთან დაკავშირებული, დამამცირებელი კანონი. ამიერ-კავკასიის ხალხებისათვის სამხედრო სამსახური ერთ უმთავრეს ბეგარადაც კი ითვლებოდა არაბების წინაშე. მაგრამ მაინც მთელი სიმძიმე და სათაკილო ხასიათი სხვაობისა მუსლიმისა და არამუსლიმის მდგომარეობათა შორის მეტად რელიეფური იყო და ამიტომ ძნელი ასატანი ფეოდალური წრეების განვითარებული ღირსების შეგნებისათვის. მეორე მხრით, ვინც მშობლიურ სარწმუნოებას გაიმეტებდა, რენეგატის სახელს არ შეუშინდებოდა და ისლამში გადავიდოდა, მას დიდი ნივთიერი მსხვერპლი უნდა გაეღო: უარი უნდა ეთქვა მემამულობაზე იმ კანონის თანახმად, რომლის მიხედვითაც არც ერთ მუსლიმს მიწისმფლობელობის უფლება არ ჰქონდა დაპყრობილ ქვეყნებში. ამიტომ მიწისმფლობელთათვის მატერიალურად უფრო სახეირო იყო, მაღალი საადგილმამულო გადასახადის მიუხედავად, თავიანთი მამულების ექსპლოატაცია გაეწიათ და სასოფლო-სამეურნეო შემოსავლით ესარგებლათ. აღწერილ პირობებში მხოლოდ დატაკებს თუ მისცემდა ხელს დამპყრობელთა სარწმუნოების მიღება<sup>1</sup>. მაგრამ საჭირო იყო უფრო განვითარებული ბატონყმური ურთიერთობა, ვიდრე ამას იმდროინდელ ქართლში ვხედავთ. რომ ისლამის პროპაგანდას ღარიბ-ღატაკთა წრეებში სათანადო ნაყოფი გამოეღო. ამით აიხსნება ალბათ ის გარემოება, რომ მიუხედავად არაბების მრავალსაუკუნოვანი მფლობელობისა ქართლში, ისლამმა აქ ვერავითარი შესამჩნევი კვალი ვერ გაავლო. მაჰმადიანობა ქართულ პროვინციებში მასიურ გავრცელებას პოულობს მხოლოდ XVII საუკუნიდან, სულ სხვა ისტორიულსა და სოციალურ გარემოში. იმავე მიმართულებით მოქმედებდა თვით არაბების პოლიტიკაც: ჯერ ისინი რელიგიურად ინდიფერენტული იყვნენ და მხოლოდ პირდებოდნენ „ძმობას“ იმათ, ვინც ისლამს აღიარებდა; შემდეგშიაც კი, როდესაც ახალი, აბასიდების, დინასტია (მეფდება 749 წ.), პოლიტიკური მოსაზრებით, მკაცრ რელიგიურ რეჟიმს აწესებს, მაინც ისლამის გავრცელებას ხელს უშლის წინათვე შესამჩნევი გარემოება: მუსლიმთა მეტად გაზრდილი რიცხვი, რაც უაღრესად ამცირებს ცალკე მუსლიმების წილს სახელმწიფო შემოსავალში, აიძულებს ხალიფატის გაბატონებულ წრეებს ერთგვარი დაბრკოლება შეუქმნან ახალმოქცეულთა დენას მუჰამადის ეკლესიისკენ. ახალმოქცეულნი მთლად გათანა-

<sup>1</sup> А. Мюллер. იქვე, 310.

ბრებული არ არიან არაბ მუსლიმებთან—იხდიან ჯიზიათს (ასეთია 700 წ. გამოცემული დადგენილება)<sup>1</sup>, ხარაჯს<sup>2</sup> (ბალაძორის ტექსტში შენახულია ისტორიკოს ვაკიდის,—გარდაიცვ. 823 წ.—ცნობა, რომ განთქმული არაბი იურისტების, VIII ს. პირთა, მალიქ იბნ-ანასისა და იბნ-აბუდიბის აზრით—ახალმოქცეულნი, მახვილით დაპყრობილთა რიცხვიდან, ინარჩუნებენ თავის მიწას ხარაჯის გადახდის პირობით; სხვების აზრით კი, ასეთი პირები არც სხვა გადასახადებისგან თავისუფლდებიან)<sup>3</sup>. ყველაზე მეტად სარგებლობდნენ ის პირები, რომელნიც არაბულ ადმინისტრაციაში მსახურობდნენ.

ამრიგად ქართლის წარჩინებულთა წოდება თავისი ეგოისტური მიზნებისათვის ახერხებს, გარკვეულ მიჯნამდის, არაბთა მფლობელობით შექმნილი პირობების რამდენადმე გამოყენებას უფრო შეზღუდულად, ვიდრე ეს იყო, ვთქვათ, ბიზანტიის პოლიტიკური უპირატესობის დროს. წინააღმდეგობაც არაბებსა და ქართველებს შორის უფრო ადრე და უფრო ღრმად უნდა განვითარებულიყო. ამ მხრივ მნიშვნელოვანი იყო, როგორც ვამბობდით, თვით ხალიფატის სოციალური და პოლიტიკური ევოლუცია.

ხალიფატის წარმოშობის დროისათვის არაბეთის სოციალური სტრუქტურა შემდეგნაირად უნდა წარმოვიდგინოთ. უდაბნოს ბედუინები ჯერ კიდევ პატრიარქალურ მდგომარეობაში იმყოფებიან. ყოველ შემთხვევაში, სოციალური დიფერენციაცია მათ მეტად სუსტად ემჩნევათ, რაც სავსებით შეეფერება მათი ცხოვრების პირობებს. ტომობრივი ორგანიზაცია დიდი სიძლიერითაა გამოხატული. სულ სხვა მდგომარეობაა განაპირა დაწინაურებულ ზოლში—იამანსა და ჰიჯაზში. აქ მეტნაკლებად განვითარებულს კლასობრივ სტრუქტურას ვამჩნევთ. არსებულ საზოგადოებრივ დიფერენციაციაში მონათმფლობელური წყობა, ჩანს, წამყვანი ხასიათისად უნდა მივიჩნიოთ. მკაფიოდ გამოხატულია ქონებრივი უთანასწორობა. მსხვილი მონათმფლობელნი მკიდროდ არიან დაკავშირებული ვაჭრობასა და სავაჭრო ინტერესებთან. აქვე მოცემული უნდა იყოს ფეოდალური ურთიერთობის ჩანასახი.

მონათმფლობელი არისტოკრატია, ჩანს, გვევლინება ხალიფატის ორგანიზატორისა და მისი ნამდვილად გაბატონებული, მმართველი, წრის როლში. ამ თავისებურ სამხედრო-თეოკრატიულ მონათმფლობელურ სახელმწიფოში, რომელიც „დემოკრატის“

<sup>1</sup> A. Мюллер, იქვე, 310.

<sup>2</sup> ბალაძორი, 30.

ელემენტს შეიცავს, პოლიტიკური და ეკონომიური წილის დაღე-  
 მას ბედუინებისათვის, რომელნიც თავდაპირველად ხალიფატის  
 უმთავრეს სამხედრო ძალას შეადგენენ, შესაძლებელს ხდის საგა-  
 რეო დაპყრობის მომენტი. სანამ ეს მომენტი მკაფიოდ არის წარ-  
 მოჩენილი, სანამ ნადავლი და ხარკი საკმაო რაოდენობით იშო-  
 ვება, მანამ შინაგანი თანხმობა შედარებით დაურღვეველი ჩანს,  
 მაგრამ ეამთა ვითარებასთან ერთად ხალიფატის სოციალური და  
 პოლიტიკური სტრუქტურა აუცილებელ ცვლილებებს განიცდის. სი-  
 რიაზე დაყრდნობილი, ომაიადების დინასტიის გაბატონებით (661 წ.)  
 ფაქტიურად მყარდება მემკვიდრეობითი მონარქია, დინასტიური ინ-  
 ტერესებით. მკაფიო ეგოისტურს დინასტიურ პოლიტიკას აწარ-  
 მოებს, მაგ., ერთი უკანასკნელი წარმომადგენელთაგანი ომაიადე-  
 ბისა, ჰიშამი (724—743 წ. წ.): სახელმწიფო ხარჯით ახლად მორ-  
 წყული მიწები გამოცხადებულია ხალიფასა და ომაიადების კერძო  
 საკუთრებად; საერთოდ, მსგავსი სამუშაოები წარმოებს არა სა-  
 ხელმწიფოს, არამედ ტახტისა და დინასტიის ინტერესებისათვის.  
 თანდათანობით ბოლო ეღება დიდ-დიდს დაპყრობით ომებს, რომ-  
 ლებიც ეხლა სულ უფროდაუფრო სასაზღვრო კინკლაობისა და სა-  
 ნაპირო წვრილი თარეშების ხასიათს იღებს. სახელმწიფო დაწესე-  
 ბულებები თანდათან ემსგავსებიან ჩვეულებრივი ბიუროკრატიის  
 ორგანოებს, რომელნიც, თვით სამეფო კართან ერთად, სულ უფრო-  
 დაუფრო მეტ თანხებს შთანთქავენ ხოლმე საერთო სახელმწიფო  
 შემოსავლიდან. ეს ამცირებს ცალკე მუსლიმების, განსაკუთრებით  
 იმათი, ვინც ცენტრისაგან მოშორებით იმყოფება, კუთვნილ სარ-  
 გოს სახელმწიფოებრივი გადასახადების გზით შემოსულ დოვლათ-  
 ში. მონაპირე მოლაშქრეები—განსაკუთრებით, საგარნიზონო სამსა-  
 ხურის ჯარები, კიდევ უფრო მწვავედ გრძნობენ ნადავლის შემცი-  
 რებას, რაც ბუნებრივად ხდება საერთო პოლიტიკური მდგომარეო-  
 ბის სტაბილიზაციასთან დაკავშირებით. ყოველივე ეს იწვევს სათა-  
 ნადო ცვლილებებს რეალურ ურთიერთობასა და შეგნებაში. სულ  
 უფროდაუფრო ხშირად ისმის ხმები შორეულ მეომართა უკმაყო-  
 ფილების შესახებ კუთვნილ სარგოს მიუღებლობის გამო, რაც მით  
 უფრო იყო შესაძლებელი, რომ შორეულ მნიშვნელოვან სტრატე-  
 გიულ პუნქტებში მდგომ ჯარებს გაძლიერებული ჯამაგირები ჰქონ-  
 დათ დანიშნული. ასე იყო, მაგ., დარუბანდში. ბალაძორი მოგვით-  
 ხრობს, რომ ამ ქალაქის „მცხოვრებნი (იგულისხმება აქ დღესახლე-  
 ბული არაბული გარნიზონი) დღემდისაც არც ერთ მმართველს  
 ქალაქში არ შეუშვებენ, თუ მას თან არა აქვს ფული, მათთვის

დასარიგებელი<sup>1</sup>. IX ს. ოცდაათიან წლებში აჯანყდა ბარდავის (ყველაზე დიდი ქალაქი ამიერ-კავკასიაში) გარნიზონი, რომელიც ხალიფას მოხელისაგან მოითხოვდა თავის სარგოს. ხალიფას წარმომადგენელი უპასუხებდა, მე არაფერი მაქვსო და იმ ქვეყნის (კავკასიურბაიჯანი) მოსახლეობაზე მიუთითებდა, ყველა სახსარი ამათ ხელშიაო, და თანაც მცხოვრებლებისაგან ხარკის გადახდას მოითხოვდა. მცხოვრებნიც, თავის მხრივ, უარს ამბობენ, ჯერ თავიანთ ციხეებში მაგრდებიან, შემდეგ კი შეტევაზედაც გადადიან და ბარდავში შეფარებულ მოხელეს ალყას არტყამენ<sup>2</sup>. ეს ტიპიური სურათია—ყველგან, განსაკუთრებით, ხალიფატის პერიფერიაზე, ასე ხდებოდა: ხმამალა მოლაღადე მოთხოვნილებათა დასაკმაყოფილებლად გამოცარიელებულ ხაზინას ისევ მოსახლეობის გადამხდელიობითი უნარი და მოთმინება უნდა გამოეცაღნა. აქედან—მუდმივი შეტაკებები დაპყრობილი ქვეყნების მოსახლეობასთან, აჯანყებები, დამსჯელი ექსპედიციები. შედეგები მაინც მცირეა.

ჯარების მოთხოვნილებათა დასაკმაყოფილებლად ხალიფატის მმართველი წრეები იძულებული ხდებიან სხვა ღონისძიებებსაც მიმართონ, რომელთაც ისლამის ორთოდოქსალური თეორია გამორიცხავდა. ეს არის დაპყრობილ ქვეყანათა რესურსების ადგილობრივი გამოყენების გზა. ასეთია, უწინარეს ყოვლისა, არაბი სარდლებისათვის მიჯათმფლობელობის ნებისდართვა დაპყრობილ ქვეყნებში. ადგილობრივი საციხოვნო ჯარების უფროსნი, მიუხედავად თავდაპირველი აკრძალვისა, მემამულეებად იქცევიან იმ დამორჩილებულ ქვეყნებში, რომელნიც მათ მიბარებული აქეთ. ურთაერთობა დამპყრობელებსა და დაპყრობილებს შორის, როგორც უკვე იყო განმარტებული, იმთავითვე ფეოდალურ დამოკიდებულებას ჰგავდა. ახლა კი, აღნიშნული მემამულეობის განვითარების შემდეგ, ეს პროვინციელი არაბი ამირები წმინდა წყლის ფეოდალებად გვევლინებიან.

ამ მოვლენას შედარებით ადრე ვხვდებით. უკვე ჰაბიბის შესახებ (VII ს. ორმოცდაათიანი წლები) ნათქვამია, რომ მან დამორჩილებულ კალიკალაში (თანამედროვე არზრუმში) მოათავსა ორი ათასი მეომარი და დაურიგა ნათ მიწა<sup>3</sup>. ეს, იმ დროისათვის უჩვეულო, აქტი ალბათ იმით აიხსნება, რომ სურდათ ამ მეომრების განსა-

<sup>1</sup> ბალაძორი, 17.

<sup>2</sup> იაკუბი, 18.

<sup>3</sup> ბალაძორი, 8.

კუთრებული დაინტერესება, რადგანაც აღნიშნულ პუნქტს დიდი მნიშვნელობა ჰქონდა და მის გარნიზონსაც ჩვეულებრივზე მძიმე მოვალეობა ეკისრებოდა. შემდეგში ეს პროცესი უფრო სწრაფად ვითარდება და უფრო გარკვეულ სახეს იღებს. მასლამას შესახებ, რომელმაც VIII ს. ოციან წლებში ილაშქრა ამიერ-კავკასიასა და საქართველოში, მაგ., ნათქვამია, რომ მან ხაიზანის მცხოვრებლებთან შეპყრა ზავი, დაანგრევინა ციხის სიმაგრე და თავისთვის აიღო მამული<sup>1</sup>. მემამულეობისადმი მიდრეკილება იმდენად ძლიერი ყოფილა, რომ შიშველი მიტაცების გარდა მრავალ სხვა მეთოდსაც მიმართავდნენ, ოღონდ როგორმე მიწები ჩაეგდოთ ხელში. ცნობილ არაბ ისტორიკოსს, ბალაძორის, დაცული აქვს გარდმოცემა, რომ, როცა არაბებმა დაიპირეს აზარბაიჯანი, მრავალი ტომი გაეშურა იქითკენ და თვითუღმა მათგანმა ხელში ჩაიგდო, რაც ზოიხელთა, ზოგიერთმა კი ფულით იყიდა მიწა ადგილობრივი მცხოვრებლებისაგან; გარდა ამისა, ზოგს დასაცავად დაუთმეს ხოფლები, რომელთა მცხოვრებლებიც, ამრიგად, იქცნენ არაბებისათვის მომუშავე გლეხებად<sup>2</sup>. ვეოდალური ურთიერთობის წარმოშობისა და დამყარების უკეთესი სურათი ძნელი მოსაძებნია ძველ ისტორიულ მწერლობაში! ხმლით, ფულით, წყალობით ნაშონ მიწებზე სათანადო მეურნეობას ეწევიან, ცხადია, ყმური შრომის ექსპლოატაციის გზით. ცნობილი მურვანის, ყრუდ წოდებულის, შესახებ იტყობინებიან, რომ მან აზარბაიჯანში გარკვეული პუნქტის მიწები „გააცოცხლა“ (ე. ი. გაპარტახებული ადგილები ხელახლა დაამუშავებინა) და თავის პირად მამულად აქცია<sup>3</sup>.

ამ საშუალებით ადგილობრივი არაბი მმართველები ცენტრისგან სულუფროდაუფრო მეტად დამოუკიდებელი ხდებიან. მეორე მხრით, მათი ხელქვეითი სამხედრო რაზმებიც, რომელთაც, ზემოთაღწერილი პირობების წყალობით, აგრეთვე თანდათან უსუსტდებათ კავშირი ცენტრალურ მთავრობასთან, სამაგიეროდ, უფროდაუფრო დამოკიდებული ხდებიან თავიანთ უშუალო უფროსებზე. ეს დამოკიდებულება, უწინარეს ყოვლისა, მატერიალური თვისებისაა (ამ უფროსებს, როგორც ვნახეთ, ეხლა საკუთარი რესურსები მოეპოვებათ). ცენტრალური მთავრობა იძულებულია ხოლმე საკუთარი ინიციატივით გადასცეს პროვინციელ სარდლებს ისეთი

<sup>1</sup> ბალაძორი, 17.

<sup>2</sup> ბალაძორი, 27.

<sup>3</sup> ბალაძორი, 27.

ფუნქციები, რომლებიც, აღებული თვალსაზრისით, მეტად მნიშვნელოვანია: IX ს. დამდეგს ხალიფა ალ-მამუნი არმენიისა და აზარბაიჯანის მმართველად ჰნიშნავს ისას, რომელსაც უბრძანებს თავისი ხარჯით შეკაშმოს, შეაიარაღოს და მოამარაგოს ჯარის კაცები<sup>1</sup>. ბუნებრივია, რომ მსგავს პირობებში პროვინციულ მმართველებს თანდათან უჩნდებათ განკერძოების ტენდენციები, რომელნიც უკვე IX ს. მძლავრ სეპარატისტულ მოძრაობად ყალიბდებიან— განსაკუთრებით ხალიფატის პერიფერიაზე. ამ სეპარატიზმს დამატებით ჰკვებავს ტომური ანტაგონიზმი, რომელიც არაბებმა ვერასოდეს ვერ დასძლიეს (მისი წყარო—პრიმიტიული სოციალურ-ეკონომიური წყობილება—ამ ხნის განმავლობაში ბედუინთა ძირითად რაიონებში მეტად ნელი ტემპით იცვლება, როგორც ჩანს). მეზობელ არმენიაში, უკვე 750-4 წ. ქვეყანა ხელში ჩაგდებული აქვს გამდგარ მმართველს, მუსაფირ იბნ-კასირს, რომელსაც მთავრობის ერთგული ჯარები ებრძვიან<sup>2</sup>. IX ს. დამდეგისათვის გამდგარ მმართველებად იხსენიებიან: არმენიაში—აბდულ მალიქი და მუჰამად იბნ-ატაბი, აზერბაიჯანში—მუჰამად იბნ-არ-რავადი, იაზიდ-იბნ-ბილალი, მუჰამად იბნ-ჰამიდი, ოსმან იბნ-აფჰალი და ალი-იბნ-მურ<sup>3</sup>. ასეთი სიმრავლე ურჩი მოხელეებისა ნიშანდობლივია ხალიფატის მდგომარეობისათვის. კერძოდ, კავკასიის განაპირა ქვეყნებში IX ს. ჩვეულებრივი სურათია: გადაუდგება აქაური ამირა თავის მბრძანებელს, ითვისებს პოლიტიკურ სუვერენიტეტსა და უწინარეს ყოვლისა, ადგილობრივ გადასახადებს; თავისი მდგომარეობის განსამტკიცებლად იგი კავშირს აბამს ქვეყნის მკვიდრ მმართველ წრეებთან და უცხოეთის სახელმწიფოებთან—რუმთან („რუმ“-ს არაბები ბიზანტიას ეძახიან: მოდის „რომ“-იდან), ხაზარებთან და სხვებთან. ხალიფა დამსჯელ რაზმებს გზავნის. იმართება ბრძოლა, ჯერ ცვალებადი შედეგებით; შემდეგში კი ცენტრიდან მსრბოლი ძალები იმარჯვებენ და ხალიფატი იშლება. საინტერესოა, რომ ხალიფატის პოლიტიკური დაცემა ხდება სწორედ მაშინ, როდესაც ამ უშველებელ სახელმწიფოში შემავალი ცალკე ქვეყნები აშკარა სამეურნეო აღმავლობას განიცდიან; სრულიად სხვა პირობებში და სხვა ნიადაგზე აღმოცენებული პოლიტიკური ფორმა შეუფერებელი აღმოჩნდა განვითარების ახალი ტენდენცი-

<sup>1</sup> იაკობი, 13—14.

<sup>2</sup> იქვე, 8.

<sup>3</sup> იქვე, 12.



ბისათვის და არაბების მსოფლიო სახელმწიფოს გამოეყო მთელი რიგი, შინაგან საზოგადოებრივ-ეკონომიური მთლიანობის მქონე, ერთეული.

აი, ასეთ საერთო ჩარჩოში ვითარდებოდა არაბთა მფლობელობა ქართლშია. უზენაესი არაბთა მოხელე ქართლში არის ამირა, რომლის მუდმივი რეზიდენცია ტფილისშია და რომელიც აზარბაიჯანის მმართველის მეშვეობით ხალიფას ემორჩილება. იგი სპარსელთა დროინდელ მარზპანს მოგვაგონებს თავისი მდგომარეობით. ტფილისის ამირა ერთსადაიმავე დროს ქართლში და, განსაკუთრებით, ტფილისში მდგომ ციხოვან ჯართა უფროსიცაა და ქვეყნის ადმინისტრაციული მმართველიც. ამირას ადგილობრივი თანაშემწეა ქართლის ერისმთავარი, რომლის ხელისუფლებაც გარკვეული სახლის მემკვიდრეობითი პერეოგატივია. თუმცა ცნობები გვაქვია, მაგრამ, მეზობელი ქვეყნების ანალოგიური ვითარების მიხედვით, უნდა ვიფიქროთ, რომ ერისმთავრის მოვალეობას შეადგენდა საარაბო ხარკის მოკრეფა და ადგილობრივი ჯარის გამოყვანა.

თავდაპირველად ტფილისის ამირას განკარგულებას ალბათ მთელი აღმოსავლეთი საქართველო (ე. ი. შიდა ანუ საკუთრივ ქართლი, ქვემო ქართლი ანუ ქართველთა საპატიახშო, კახეთ-კუხეთი; ზემო ქართლი ანუ მტკვრის აუზის ზემოთა ნაწილი<sup>1</sup>) ექვემდებარებოდა, მაგრამ თანდათანობით ეს ტერიტორია იზღუდებოდა. ვისაც კი შეუძლია არაბთა ძალადობას თავი დააღწიოს, განზრუნველ იწევს. აქ მნიშვნელობა ჰქონდა ქართლის რელიეფს, რომელიც ზოგიერთ რაიონებს საკმაოდ კარგად იცავდა არაბების მოუძღვრებული ხელისაგან. უკვე VIII ს., ჩანს, კახეთი ეთიშება ქართლს (პოლიტიკურად გაგებულს). ალბათ იმავე ხანებში, ან, ყოველ შემთხვევაში, VIII—IX ს. მიჯნისათვის, მეტნაკლებად განზრუნვადი სამცხე-ჯავახეთი. ქართლის ჩრდილო მთიანეთიც, საფიქრებელია, ნაკლებად ათხოვებს ყურს ტფილისის ამირას მბრძანებლობას. ყველაზე მტკიცედ არაბები ქვემო ქართლში იყვნენ ჩამდგარი. შიდა ქართლიც მათ სხვა რაიონებთან შედარებით უფრო დიდხანს შეინარჩუნეს. ამირას ტერიტორიის შევიწროება იმავე დროს

<sup>1</sup> აშოტ კურაპალატის მოკვლის შემდეგ არაბებს დაუპყრიათ კლარჯეთიც: „რომელ გარეთ ქუეყანა ჰქონდა, წარუღეს სარკინობთა.. და იყუნეს ხარკის მიმცემელ სარკინობთა ყოველნივე ქვენი შავშეთ - კლარჯეთ - ნიგალისანი“. ხუმბატი, მარ, 345—6. ასეთი მდგომარეობა გაგრძელდა, ჩანს, ოცდაათიანი წლების ბოლომდის.

ქართლის ერისმთავრის პოლიტიკური იურისდიქციის ფარგლებს დაკნინებასაც ემთხვევა ქრონოლოგიურად. ამრიგად, თავისი პოლიტიკური განვითარების მხრივ, ქართლი უკან იხევს—ბუნებრივად შეკრებილ თემები ხელახლა იქსაქსება. ალბათ VIII—IX სს. საზღვარზე შექმნილ გარდამავალ მდგომარეობას ახასიათებს შემატანე: „იქმნა სიმრავლე მთავართა ქუეყანასა ქართლისასა და შეერა ბრძოლა—იქმნეს მტერ ურთიერთას“-ო. ერთი ლიტერატურული ძეგლი, რომელიც, ჩვენი აზრით, ქრონოლოგიურად სწორედ ამ დროის ამბებს გულისხმობს, გვარწმუნებს, რომ ერთ ქართულ პროვინციაში, სამცხეში, მთავრები მართლაც სოკოსავით გამრავლებულან: ქვაბლიანის ხეობაში ყველაზე დიდ და შემძლებელ მთავრად ითვლება ვინმე გიორგი ჩორჩანელი, რომლის ძირითადი საჯდომი სოფელ ჩორჩანსა და ზანავშია. იგი არის „უფალი მათ ადგილთა და მპყრობელი ყოველთა მათ სანახებთაჲ“. თვითონაც გიორგი ამ თემს თავის „საბრძანებელს“ ეძახის. მაგრამ ის ერთადერთი არ არის ამ რაიონში: ზოგნი, უფრო წვრილნი, გიორგიზე დამოკიდებული არიან—ესენი გიორგის „წინაშემდგომენი“, „საკუთარნი“ არიან (ამ ტერმინების შესახებ დაწვრილებით.—სხვაგან); მაგრამ არიან „სხუანიცა მთავარნი გარემოთა ადგილთანი“, რომელთაგან ზოგი აგრეთვე „დიდ მთავრად“ იწოდება, როგორც, მაგ., მირიანი<sup>1</sup>.

ამირას მდგომარეობა თვით ტფილისშიაც კი ყოველთვის ერთნაირად მტკიცე არ არის. ზემოთ უკვე ვნახეთ, რომ VIII ს. დამდეგს არაბებს რამდენიმეჯერ მოუხდათ ქართლის მოთარეშება, რათა როგორმე ამ ქვეყანაში ჩამდგარიყვნენ. 764 წ. ტფილისი, არაბულივე ცნობებით, ხაზარებს დაუჭერიათ მოკლე ხნით, როგორც უკვე აღნიშნული იყო თავის ადგილას. არაბთა პოლიტიკურ მდგომარეობას ქართლში, მათი ფეოდალიზაციის ტენდენციების შენდევ, უწინარეს ყოვლისა, ქართლის მკვიდრი წარჩინებული წრეები არყევენ, რომელთაც, ზემოთაღწერილი მიზეზების გამო, არ შეიძლებოდა ხანგრძლივი ზავი ჰქონოდათ გამარჯვებულებთან. განსაკუთრებით მწვავედება ურთიერთობა, როგორც უკვე ვამბობდით, VIII ს. მეორე ნახევარში, როდესაც ქართლსაც მოსწვდა ხალიფების ახალი დინასტიის, აბასიდების, მკაცრი რეჟიმის სიმწვავე (აბასიდებმა ხალიფას ხელისუფლება მოიპოვეს 749 წ.). წინანდელი დინასტიის, ომაიადების, წმინდა პოლიტიკური ინტერესებით გამსჭვალული, სარ-

<sup>1</sup> ს. ზარშელის ცხოვრება.

წმუნობებივად შედარებით ლმობიერი, მმართველობა უღმერთობის ხანად იყო გამოცხადებული. აბასიდები, რომელნიც ახალ ძალებს ეყრდნობიან, ცდილობენ საესებით ცენტრალისტური, ბიუროკრატიული სახელმწიფო შექმნან, ირანულ ყაიდაზე, და ირანულისავე პოლიტიკური გამოცდილების გამოყენებით. როგორც ჩვეულებრივად ხდება, ეს პოლიციურ-თვითმპყრობელური მანქანა, არაჩვეულებრივად გაბერილი და გაზვიადებული სამეფო კარით, მეტად დიდ ხარჯებს მოითხოვს და ამ ხარჯების დასაფარავად სულ უფროდაუფრო მეტს სთხოვენ თვით მოსახლეობასაც: აბასიდებმა უპარესად დაუმძიმეს თავიანთ ქვეშევრდომებს საგადასახადო ტვირთი. ამას ზედ დაერთო სასტიკი სარწმუნოებრივი პოლიტიკა და „ურწმუნოთა“, ე. ი. არამუსლიმთა დევნა. რათქმაუნდა, განსაკუთრებულ შევიწროებას ამ ხანაში ქრისტიანული ქვეყნები განიცდიან.

პირველი აბასიდების დროს ქართლში შექმნილი მდგომარეობა მშვენივრად აქვს აღწერილი იმდროინდელ ქართველ მწერალს, იოანე საბანისძეს. იოანეს ცნობებით<sup>1</sup> შემდეგი სურათი წარმოგვიდგება: სარკინოზები, არაბები, „მფლობელნი ამის ჟამისანი“ არიან; ეს ჟამი კიდევ არის „ჟამი...მეფობისა ისმაიტელთა დიდებისა“ (37), საერთოდ. ხოლო, კერძოდ, ესევე არაბები „ზედამდგომელნი ჩვენნი“ არიან (7), ე. ი. „ყოველი ესე სოფელი ჩუენი ქართლი“ (4) „მძლავრებასა ქუეშე დამონებულ“ არის (მ) „სოფლის მპყრობელთა მამათ, ზედამდგომელთა ჩუენთა სარკინოზთაგან“ (17); „ქვეყანა იგი ქართლისა სარკინოზთა უპყრიეს“ (20). მაშასადამე, არაბთა მფლობელობა საერთოდ „მძლავრებაა“. თვით ისინიც, ჩვეულებრივად, „მძლავრებად“ (34) იწოდებიან, მოსახლეობაც ამ „მძლავრთა შიშით“ არის შეპყრობილი (32). ამის შესაფერისად, არაბული სარწმუნოებაც ავტორს წარმოდგენილი აქვს, როგორც „მახუილთა პყრობილი შჯული“ (37).

უშუალოდ განაგებს ქართლს „ამირა“, რომელიც იმავე დროს „მსაჯულიცაა“ და რომელსაც ავტორი ამიტომ ჩვეულებრივად „მსაჯულ ამირას“ ან მარტივად „მსაჯულსაც“ ეძახის (23, 24, 29 და სხვ.). ეს ამირა ზის ტფილისში, სადაც არის „კარი მსაჯულისა მის ამირისა“ (29). ეს „კარი“ მერმინდელი „საამირო დარბაზის“, ჩვენთვის უფრო კარგად ცნობილი და საყურად-

<sup>1</sup> იხ. აბო ტფილელის წამება, გამოცემული პ. კარბელაშვილის მიერ, ტფ., 1899.

ლებო დაწესებულების, წინამორბედი<sup>1</sup>. ტფილისის ამირები არიან „ქელმწიფენი ამირანი ამის ქუეყანისანი“ (20), მათ „მსახურნი“ ჰყავთ (24 და სხვა).

ავტორის განზრახვაა მუქი ფერადებით დახატოს არაბული რეჟიმი ქართლში. ყველაზე უფრო დამარწმუნებელია იოანეს ცნობა არაბული ხარკის სიმძიმის შესახებ — „ვართ მორწმუნენი მძლავრებასა ქუეშე დამონებულ და ნაკლულევანებითა და სიგლახაკითა შეკრულნი, ვითარცა რკინითა, ხარკსა ქუეშე მათსა გუეზულნი და ქენჯინლნი, ძუირ-ძუირად ზღუეულნი“ (8). მაგრამ ავტორი სინამდვილის ამ მხარეზე მხოლოდ იმისთვის ჩერდება, რომ არაბთა სარწმუნოებრივი რეჟიმი დაახასიათოს, და დაახასიათოს, როგორც სრულიად შეურიგებელი, ძალადობაზე დამყარებული, სხვა რელიგიურ აღსარებათა სავსებით გამომრიცხველი, უხეში და ფანატიკური პოლიტიკა, რომელიც მიზნად ისახავდა ქართველთა სარწმუნოებრივ გადაგვარებას. ავტორი გვარწმუნებს კიდევაც, რომ ამ პოლიტიკას საკმაოდ თვალსაჩინო შედეგებიც მოსდევდა: „რომელესე ვართ ყურესა ამას ქუეყანისასა, სასტიკებისაგან და სივერგისა მანქანებითა მით საცთურებისადათა ზედამდგომელთა ამათ ჩუენთა, მფლობელთა ამის ჟამისათა, ზაკულებითა მოძღურებისათუით თავით თუისით შჯულის დებისადთა განდგომილთა ქრისტესგან, მრავალნი შეაცთუნეს და გარდადრიკნეს გზისაგან სიმართლისა და ქეშმარიტებასა ქრისტეს სახარებისასა შეეცოდნეს“ (7); „ნაშობნი ქრისტეანეთანი გარდაგულარძნეს — რომელნიმე მძლავრებით, რომელნიმე შეტყუვლით, რომელნიმე სიყრმესა შინა უმეტეობით, რომელნიმე მზაკუარებით და სხუანი“ კიდევ ნაკლულევანებითა და სიგლახაკით, რომელთა წყაროდ, ავტორს, ჩანს, უმთავრესად ხარკი მიაჩნია (7—8, იხ. აგრეთვე ციტატა ზემოთ); ყველა ამ მიზეზის გამო ქრისტიანი ქართველები „შიშითა განილევნიან და ირყევიან ვითარცა ლერწამნი ქართაგან ძლიერთა, არამედ ქრისტეს სიყუარულითა და შიშითა, ჩვეულებისაებრ მამულისა სღვისა ქირთა მოთმინებითა არა განეშორებიან მხოლოდ შობილსა ძესა ღუთისასა“ (8), ე. ი. ბევრი შეაცთინეს არაბებმა და ისლამში გადაიყვანეს, ზოგი კიდევ გაქირვებით, მაგრამ ჯერჯერობით მაგრობსოიანე მაინც თითქოს ისეთი შთაბეჭდილების შექმნას ცდილობს, რომ უმრავლესობა შერყეულა: „აღვერიენით ერსა უცხოსა, შჯულისითა განდგომილსა ქრისტესგან, ნათესავსა საწუთროდსა ამის

<sup>1</sup> მატ. ქართლ. მარ., 261.

მოყუარესა, თესლსა ურწმუნოსა ძისა ღუთისასა, სარწმუნოებისა ჩუენისა მაგინებელთა, რომელთაგან ვისწავენით საქმენი მათნი და ვჰმონებდით გულისტკუემასა გულთა ჩუენთასა მიბაძვებითა მათითა, ვითარცა უსასონი ქრისტესგან და დამეიწყებელნი საუკუნოჲსა ცხორებისანი“ (38. შეად. 40).

მაგრამ თვით ნაწარმოების დაკვირვებითი შესწავლა ამეღავენებს, რომ ავტორი მეტად აზვიადებს. აშკარა ხდება, რომ არაბები უმთავრესად (თუ არა მხოლოდ) იმ პირებს სდევნიდნენ, რომელნიც დაბადებით მუსლიმები იყვნენ, ან რომელთაც ისლამი მიღებული ჰქონდათ ერთხელ უკვე, და შემდეგში მას თავს ანებებდნენ. აფხაზეთის მთავარი გაქრისტიანებულ აბოს, რომელიც წარმოშობით და სარწმუნოებით არაბი და მაჰმადიანი იყო, აფრთხილებს ქართლში წასვლისაგან: „ქუეყანაჲ იგი ქართლისაჲ სარკინოზთა უპყრიეს და შენ ხარ ბუნებით სარკინოზ, და არა გიტეონ შენ ქრისტეანებით მათ შორის; და მეშინის მე შენთჳს, ნუუკუე კუალად განგდრიკონ შენ სარწმუნოებისაგან ქრისტესისა ნებისით, გინა უნებლებით“-ო (20). და მართლაც, არაბები აბოს იმიტომ აპატიმრებენ რომ, მისი შემსმენელების სიტყვით, იგი „იყო ბუნებით სარკინოზ და განზრდილ და ცხორებულ შჯუღითა მით, რომელი მომცა ჩუენ მაჰმედ, მოციქულმან ჩუენმან; და აწ დაუტევებიეს შჯუღი ესე ჩუენი და იტყჳს თავსა თჳსსა ქრისტეანედ ყოფად“ (23).

რეალურად არსებული რეჟიმის დასახასიათებლად სწორედ აბოს თავგადასავალია საყურადღებო. ეს არაბი ბაღდადიდან ქართლში ჩამოიყვანა ნერსე ერისმთავარმა, თავის მსახურად. აქ იგი დაინტერესდა ქრისტიანობით. აბოს ჰქონდა სრული შესაძლებლობა სისტემატურად ევლო ეკლესიაში და ახალი სარწმუნოება გაეცნო სასურველი სიღრმით. აბომ ფარულად მიიღო ქრისტიანობა; იგი მხოლოდ უფროთხის ამის საჯაროდ განცხადებას და მონათვლასაც, რადგანაც ეშინია „სოფლის მპყრობელთა ამათ, ზედა მდგომელთა ჩუენთა, სარკინოზთაგან“ (16-17) და მხოლოდ მაშინ, როცა იგი, ქართლიდან გაქცეულ ერისმთავართან ერთად, ხაზარეთში გადავიდა და „იხილა... რამეთუ განშორებულ არს შიშისაგან მძლავრებისა სარკინოზთაჲსა“, მიიღო ნათლობა (17). ხაზარეთიდან აბო ერისმთავარს აფხაზეთში მიჰყვება და შემდეგში, რაკი პოლიტიკური მდგომარეობა შეიცვალა იმ მხრივ, რომ ნერსე ერისმთავარმა არაბებისაგან ქართლში დაბრუნების ნებართვა მოიპოვა, ქართლში წასასვლელად ემზადება. აი, აქ აფრთხილებენ მას: „ნუ განხვალ შენ ამიერ ქუეყანით, რამეთუ ქუეყანაჲ იგი ქართლისაჲ

სარკინოზთა უპყრიეს და შენ ხარ ბუნებით სარკინოზ, და არა გიტეონ შენ ქრისტიანებით მათ შორის“ (20), შენ დაბადებით მუსლიმი ხარ და ქრისტიანობის ნებას არ მოგცემენო. მიუხედავად ამ წინასწარი შიშისა, ქართლში დაბრუნებული აბო „შემოვიდა ქალაქსა ტფილისს და იქცეოდა იგი განცხადებულად ქრისტიანედ“ (21), ე. ი. არ მალავდა თავის ახალ სარწმუნოებას. ურთიერთობა აბოსა და მის ყოფილ თანამორწმუნეებს შორის არ სცილდებოდა თავდაპირველად სიტყვიერ კამათსა და დავას: „მუნწყოფთა სარკინოზთა, რომელთა იცოდეს იგი, პირველად რომელნიმე ჰყვედრიდეს, რომელნიმე აგინებდეს, რომელნიმე აშინებდეს, რომელნიმე სდევნიდეს, რომელნიმე მშუილობისა სიტყუითა შეაჯერებდეს“ (21-22). „სდევნიდესო“, ავტორი რომ ამბობს, აშკარად შთაბეჭდილების გასაძლიერებლად ჩადის ამას, რათა თავისი გმირი ღრმად დარწმუნებულ და შეურყეველ მორწმუნედ დასახოს, თორემ რაშიღა უნდა გამოხატულიყო ეს დევნა, როცა იქვე ავტორი გვაუწყებს: „სამისა წლისა ჟამთა იქცეოდა ქალაქსა მას შინა და გარემოვს ყოველსა სოფლებსა განცხადებულად ქრისტიანედ, არამედ ვერვინ მიყვნა კელნი მას ზედა ბოროტებით“ (22)—სამი წლის განმავლობაში სრულიად დაუსჯელად იმყოფებოდა აბო დედაქალაქსა და მახლობელ ადგილებში და ქრისტიანობასაც არ მალავდაო. ბოლოს აბო დააპატიმრეს, მართალია, და დააპატიმრეს „ქრისტეს აღსარებისათვის“, მაგრამ უკვე „შემდგომად რაედენთამე დღეთა გამოითხოვა იგი სტეფანოზ ერისთავმან ქართლისამან და გამოიყვანა საპყრობილით და განუტევა“ (23): მხოლოდ რამდენიმე დღე, ან, ყოველ შემთხვევაში, ძალიან მოკლე ხანი, დაჰყო აბომ ციხეში—ქართლის ერისმთავარმა მოახერხა მისი განთავისუფლება, ალბათ, თავისი გავლენის წყალობით ამირას კარზე.

აბოს დამბეზღებელნი არ ცხრებიან, „განრისხებულნი და აღბორგებულნი, სავსენი შურითა ქრისტიანეთათა“, კვლავ უჩივიან მას. მამბეზღართა ახალი წარმატების პირობაა ის, რომ ძველი ამირა გაწვეულია ქართლიდან და ტფილისში ეხლა უკვე სხვა „მსაჯული ამირაა“ შემოსული. საყურადღებოა „შემასმენელთა“ საბუთიანობა. ისინი ამირას ეუბნებიან: „არს ქალაქსა ამას შინა ქაბუკი ერთი, რომელი იყო ბუნებით სარკინოზ და განზრდილ და ცხორებულ შჯუღლითა მით, რომელი მომცა ჩუენ მაჰმედ, მოციქულმან ჩუენმან, და აწ დაუტევებიეს შჯუღლი ესე ჩუენი და იტყუის თავსა თუისსა ქრისტიანედ და უშიშად ვალს ქალაქსა შინა და მრავალთაასწავებს ჩუენგანთა ქრისტიანედ ყოფად, აწ

ბრძანე შეპყრობაჲ მისი და შეაგდე იგი სატანჯველსა და გუემასა, ვიდრემდის არა აღიაროს შჯული მამედ მოციქულისა ჩუენისაჲ; უკუეთუ არა—მოკუედინ იგი, რათა არა მზაჲჲ იქმნენ მისა მრავალნი სიტყუითა მისითა“ (23), ე. ი. აბოს ბრალად ის ედება, რომ მან თავი დაანება მშობლიურს, გაბატონებულ, სარწმუნოებას, რომ ის ამითაც არ დაკმაყოფილებულა და სხვა არაბების გადაბირებასაც ცდილობს და ყოველივე ამას სრულიად უშიშრად ჩადის, რომ აბოს ქადაგებას შესაძლებელია გარკვეული შედეგიც მოჰყვეს. აღწერილი მდგომარეობის მოთმენა, რათქმუნდა, არაბებს არ შეეძლოთ.

აბო მეორეჯერ არის დაპატიმრებული. ამირაც მას ეუბნება: ეს რა მეშმის შენ შესახებ, „ხარ შენ ნათესავით და ტომით სარკინოზ და დაგიტევებიეს მამული შჯული“-ო (24), და წინადადებას აძლევს აბოს,—დაუბრუნდეს მამა-პაპურ სარწმუნოებას. რაკი აბო უარს ამბობს ამ მოთხოვნის შესრულებაზე, მას, მძიმედ შებოროკილებულს, აპატიმრებენ.

ყურადღებას იპყრობს ციხის რეჟიმიც: მაგ., აბოს აქვს შესაძლებლობა საპატიმროდანვე გაყიდოს ყველაფერი, რაცა აქვს და ამით დაეხმაროს მასთან ერთად ციხეში მჯდომ ტუსალებს, „მშიერთა და ნაკლულევანთა“ (25); მეორედ აბო ყიდის თავის სამოსელს, ამით ყიდულობს სანთელსა და საკმევებს და გზავნის ქალაქის ეკლესიებში, რათა ილოცონ მისთვის (26). შეიძლებოდა კაცს ეფიქრა, რომ ეს ფაქტი შეთხზულია ავტორის მიერ, აბოს სათნოებისა და ღვთისძსახურების სათანადოდ წარმოჩენისათვის. მაგრამ რომ ციხის აღწერილი წესები სრულიად შეუფერებელი ყოფილიყო იმდროინდელი სინამდვილისათვის, როგორ უნდა გამოეყენებინა ავტორს ასეთი ელემენტი შეთხზულ სურათში, რომელსაც იგი თანამედროვე მკითხველებისათვის ხატავდა?

დაბოლოს, რაკი აბოს გატეხა შეუძლებელი ხდება, მას, ამირას განკარგულებით, თავს ჰკვეთენ. შემდეგ გვამს სწვავენ და ფერფლს მტკვარში ჰყრიან, გარკვეული წრეების მოთხოვნით, რომელთაც ეშინიათ, რომ ქრისტიანები, თავის ჩვეულების თანახმად, აბოს წმინდანად გამოაცხადებენ და მის ნეშტსაც სათანადოდ გამოიყენებენ, დამპრობელთა საწინააღმდეგო აგიტაციის მიზნით.

რომ არამცთუ დაწვა, არამედ სიკვდილით დასჯაც მაინც უკიდურესი ღონისძიება იყო, ეს ჩანს აბოსთან ერთად მჯდარი ერთერთი პატიმრის მაგალითზე. ეს პატიმარი დაბადებით ქრისტიან-

ნი ყოფილა, შემდეგ შაჰმადიანობაში გადასულა და ბოლოს, მესამედ სარწმუნოების გამოცვლით, კვლავ ქრისტიანობას დაბრუნებია. სწორედ ამისთვის დაუპატიმრებიათ იგი არაბებს. დაპატიმრებულმა, სიკვდილის შიშით, მეოთხეჯერ გამოიცვალა სარწმუნოება, ისევ ისლამი მიიღო და მით სასჯელიც თავიდან აიცილა (37)<sup>1</sup>.

რეემის საერთო ხასიათისათვის ნიშანდობლივია ისიც, რომ „სიმრავლე ქალაქისა ქრისტიანეთაგან“ „განადებს“ „მძლავრთა შიშს“ და საჯარო მოლოცვა-თაყვანისცემას აწყობს აბოს უკანასკნელი განსასვენებლის ადგილას (32-33). დამახასიათებელია, რატომუნდა, ისიც, რომ ქალაქის ცენტრში, მტკვრის ხიდზე, რომელიც უდრის თანამედროვე მეტენის ხიდს, „აღმართებულ იყო ჯუარი ხიდისაჲ“ (32; პროფ. ივ. ჯავახიშვილი, ქართველ ერის ისტორია, II, 364).

ამრიგად, საბანისძის თხზულების მიხედვით შეუძლებელია იმის თქმა, თითქოს არაბები აქტიური რელიგიური დევნის პოლიტიკას აწარმოებდნენ ქართლში, კერძოდ ქრისტიანობის მიმართ. მათი აქტიურობა ამ სფეროში სხვა ხასიათისა იყო. მართალია, ავტორს მოცემულ ისტორიული ფაქტის სათანადოდ გაშუქებისათვის უმთავრესად სწორედ საეკლესიო სარწმუნოებრივი მოტივები და აქსესუარი აქვს გამოყენებული. სხვანაირი აზროვნება VIII ს. მწერლისათვის შეუძლებელიც იყო—იდეოლოგიის აუცილებელი გარსი იმ დროს რელიგიაა და საბანისძისთვისაც „სარკინოზთა ერი“ და „ქართველთა ერი“, უწინარეს ყოვლისა, გარკვეული საეკლესიო-კონფესიონალური კოლექტივებია (დამახასიათებელია ამ მხრივ, რომ მერმინდელი საგალობლების ავტორი აბოს „ისმაიტელ ყოფილ ქართველს“ ეძახის, 42). მაგრამ ამ კოლექტივების ურთიერთობა, უფრო სწორედ, მათი სათანადო საზოგადოებრივი ჯგუფების ურთიერთობა ყველაზე მწვავე პოლიტიკურსა და ეკონომიურ სფერო-

<sup>1</sup> ლეეონდი მოგვითხრობს არწრუნინათ გვარის ორი წევრის წამების შესახებ სომხეთში, რაც მომხდარა ხალიფა მუსას მეფობაში, როცა სომხეთის მმართველად იყო ვინმე ხაზმი, „უფლის განცხადების“ (= ეპიფანია, ნათლისღება) დღეებში, სომეხთა წელთაღრიცხვით 223 წელს. „ხოლო მუსეს ეპყრა ხელისუფლება ერთ წელიწადს და აღესრულა, ამისავე დღეებში (*ჰი ათრა ასილრა*) მოიკლა (მოკლა) ქართველთა ერისთავიც მწარე სიკვდილით ვინაიდან ხელითა და ფეხით ასწიეს ზევით და შუაში გასკრეს მისი სხეულის სიყმაწვილე. და ამრიგად, როგორც სამსხვერპლოდ განკუთვნილი კრავი განეშორა ამ ცხოვრებას“, გვ. 165-166. სადიქრებელია რომ აქ აბო იგულისხმება: „ერისთავი“ შეცდომაა, იქნებ გა-



შია. ბრძოლა აქ მიმდინარეობდა და თავისი მსვლელობის პროცესში იმოსებოდა საეკლესიო კონფესიონალური იერით.

არაბ-ქართველთა; ისე როგორც არაბებისა და სხვა, მათ მიერ დაპყრობილი, ქვეყნების ურთიერთობა ხარკისა და ბეგრის ღერძზე ტრიალებდა. ამიტომ ძირითადი ფაქტი ის იყო რომ „მორწმუნენი“ (დაპყრობილი ქრისტიანები) მძლავრებასა ქუეშე დამონებულნი და ნაკლულევანებითა და სიგლახაკითა შეკრულნი, ვითარცა რკინითა, ხარკსა ქუეშე მათსა გუემულნი და ქენჯნილნი, ძუირ-ძუირად ზღუეულნი“ (8) გმინავდენ ამ აუტანელი უღლის ქვეშ და მის თავიდან მოშორებას ცდილობდნენ.

დამახასიათებელია ამ მხრივ ჩვენი მეზობელი სომხეთის მდგომარეობა, იმავე ხანაში, აღწერილი საბანისძის თანამედროვე სომეხი მემბტიანის, ლევონდის მიერ.

უკვე პირველი აბასიდი ხალიფას დროს (749-754), ხალიფას წარმომადგენელი აწამებს სომხებს აუტანელი შევიწროებით და გალატაკების პირამდის მიიყვანს მათ თავისი ხარკით. ხარკს მკვდრებზედაც-კი ახდევინებდა: სტანჯავდა ქვრივ-ობლებს, სცემდა და ჰკვემდა სამღვდლო პირებს, სთხოვდა რა მათ მიცვალებულთა და მათი ოჯახის წევრების (სახლეულების) სახელების გამოჩენას; მძიმე და მწარე მოხარკეობით აწამებდა ქვეყნის მკვიდრთო [აქ ალბათ მდაბიურნი იგულისხმებიან. ს. ჯ.], იღებდა რა კაცის თავზე მრავალ ზუზე [ფულის სახელია] ვერცხლს; მან ყველას ტყვის ბეჭედი შეაბა ქედზე; ნახარაგებს [მთავრებს], ნებით თუ უნებლიეთ, ძღვნად მოჰყავდათ და მოჰქონდათ მტარვალთან ცხენები, ჯორები, პატიოსანი სამოსელი, ოქრო და ვერცხლი, რომ როგორმე ამოეცხათ ამ უძღები ვეშაპის პირიო. ასეთსავე ამბებს ჩადიოდა იგივე პირი სხვა მრავალ პროვინციაშიაც—იგი მოსახლეობას ყველგან უკანას-

დამწერისაც, „ერისთავის მსახურის“ მაგიერ. ავტორის მიერ მოცემული თარიღი, სომეხთა წელთაღრიცხვით, გვაძლევს 785 წ. იანვრის I დეკადას (ნათლისღების დღეებს). მაგრამ რადგანაც ხალიფა მუსა მეფობა 785 წ. 8 აგვისტოდან 786 წ. 15 სექტემბრამდის (მარკვარტი, 420), ამიტომ ცხადია, რომ ავტორს ერთი წლის შეცდომა მოსვლია და აქ ნამდვილად იგულისხმება 786 წლის იანვარი. ეს ქრონოლოგია საეჭივით მართლდება საბანისძის ცნობებით, რომელთა მიხედვითაც აბო ეწამა მოსეს ხალიფობაში, „თთუესა იანვარსა ექუსსა, დღესა პარასკევსა, განცხადებასა“, გ. ი. ნათლისღებას (გვ. 22) ხაზში უნდა იყოს არმენიის მმართველი ხუზაიმა იბნ-ნაზიმი, რომელსაც იხსენიებს იაკუბი, თუმცა იაკუბის ცნობით ხუზაიმა დანიშნული იყო ჰარუნის მიერ, გვ. 9.

კნელ სარჩოსაც ართმევდაო<sup>1</sup>. ამავე მეფობაში სომეხ ნახარარებს შეუწყვიტეს სარგოს მიცემა ხალიფას საჭურჭლიდან, მხედრობისათვის, და მათ თვითონ უხდებოდათ ამ ხარჯების გასტუმრებაო<sup>2</sup>.

მეორე აბასიდის დროს, ე. ი. სწორედ იმ ხალიფა აბდილას (მანსურის) ზეობაში (754-775), რომელსაც დაპატიმრებული ჰყავდა ქართლის ერისმთავარი ნერსე, არაბთა უსამართლობა და ძალმომრეობა სომხეთში არ შეწყვეტილა. კარინის (არზრუმის) ოლქის დაპყრობის შემდეგ, მაგ., ამ ქვეყანას დაადეს სულადი გადასახადი, ჯიზიათი („მარდაპარკ“), მორეკეს აუარება ხალხი და ციხის კედლები ააშენებინეს, ხოლო სომხებს დააკისრეს ქალაქში ჩასახლებული არაბებისა და მათი სახლეულების კვება<sup>3</sup>. ეს იწვევდა სასოწარკვეთილი მოსახლეობის საპასუხო ღონისძიებებს. ჯერ აჯანყდა ვასპურაკანი, არწრუნიანთა მეთაურობით<sup>4</sup>. შემდეგ მათ სხვა ნახარართა საგვარეულოებიც მიჰყვნენ. ყოველთვის ამბოხების მიზეზი უტანელი ხარკი იყო. ავტორი ხაზგასმით აღნიშნავს, რომ სწორედ ამ აბდილა (მანსურ) ხალიფას მეფობაში, როცა სომხეთის მმართველი იყო იაზიდი, ხარკის უღელი მეტისმეტად დაუძძიმეს სომხეთს. ვერცხლი გაქრა ქვეყნიდან. ყველა უკანასკნელ სარჩოსაბადებელს იძლეოდა და თავისი სულის სახსნელადაც საფასეს ველარ შოულობდა. ამიტომ მრავალი გარბოდა და თავს აფარებდა ხევ-ხუეებსა და გამოქვაბულებში. სხვები კიდევ თავს იხრჩობდნენ თოვლსა და წყალში, რადგანაც ვერ შოულობდნენ, რასაც სთხოვდნენ; ხოლო მოითხოვდნენ კაცის თავზე ხარკს ვერცხლად. ყოველი მონაგებისაგან გაძარცული, შებოქილი იყო სომხეთი სილატაკითა და სიგლაზაკით, მათ შორის ნახარარებიცა და დიდებულებიც. ზოგჯერ ხალიფა იძულებული ხდებოდა გამოეცვალა მმართველები, მაგრამ ახლები ძველებს არ სჯობდნენ. ყველას სტანჯავდნენ—სამღვდელო პირებს, მთავრებს, უბრალო ხალხს. ცემა, სწავდასხვა სახის საშინელი სასჯელი, შეურაცხყოფა—ყველაფერი მიმართული იყო ხარკის ასაკრფად<sup>5</sup>. ამან გამოიწვია ახალი დიდი აჯანყება: სომეხმა ნახარარებმა მათს თავზე მოწეულს ამ საშინელ უბედურებას სახელოვანი სიკვდილი არჩიეს და არტავაზდ მამიკონიანის

<sup>1</sup> ლეონდი, 127-128.

<sup>2</sup> იქვე, 128-129.

<sup>3</sup> იქვე, 129-130.

იქვე, 130-131.

<sup>5</sup> იქვე, 135-137.

მეთაურობით ეცნენ გათავხედებულ მტერს<sup>1</sup>. ამ აჯანყების დამარცხებამ ვერ ჩააცხრო სომხების შლეღვარება. არაბები ეხლა მეტი გამძვინვარებით თხოულობდნენ ხარკს სომხეთის ყველა ოლქში. ქვეყნის მწუხარება კიდევ უფრო გაიზარდა. განსაკუთრებით ამძიმებდა მდგომარეობას ის გარემოება, რომ სომხეთში სრულებით აღარ იშოვებოდა ვერცხლი. მოსახლეობის აოშფოთების ახალი აფეთქების დროს მუშელ მამიკონიანმა და სხვა ნახარარებმა უარი განაცხადეს მორჩილებაზე და არაბთა ერთი გუნდიც გაჟლიტეს<sup>2</sup>. ლევონდი მსგავსს ბევრს სხვა რამესაც მოგვითხრობს. საყურადღებოა, რომ ჰარუნ-ალ-რაშიდის ზეობისათვის (786-809), ამ შემთხვევაში, VII ს. მიწურულებისათვის, ლევონდი მოგვითხრობს ახალ შევიწროებათა შესახებ სომხეთში, კერძოდ, აღნიშნავს, რომ ხარკი გააორკეცეს, კისერზე ყველას კვლავ ტყვიის ბეჭედი დაადეს და თვითვე ბეჭედში მრავალ თეთრსა სთხოვდნენ; ხალხი სრულიად გალატაკდა, თავისი ქონების პატრონი აღარავინ იყო; ბევრი ნებაყოფლობით სტოვებდა თავის ჯოგებს და გარბოდა, და ყველაფერი მტერს უფარდებოდა ხელშიო<sup>3</sup>.

ლევონდის მიერ დახატულ ვითარებას საესებით ადასტურებს არაბი ისტორიკოსი იაკუბი, რომელიც გვიამბობს, რომ ხალიფა ალ-მაჰდის სიკედილის შემდეგ (785), მთელი არმენია მოცული იყო აჯანყებით, რომელიც ხალიფა მუსას მთელს მეფობაში (785-786) გრძელდებოდა. ხალიფა ჰარუნის მიერ დანიშნულმა მმართველმა ხუზაიმა იბნ-ხაზიმმა (აღბათ უდრის ლევონდის მიერ დასახელებულ ხაზიმს), რომელიც აქ წელიწადი და ორი თვე მართავდა, აჯანყება ჩააქრო. ქვეყანა დამშვიდდა და მოსახლეობამ მორჩილება აღიარა. მომდევნო მმართველი, იაზიდი, ისე მტკიცედ მართავდა ქვეყანას, რომ განძრევაც კი არავის შეეძლო. შემდეგ, იმავე ჰარუნის მეფობისათვის, მოთხრობილია ქ. ბარდავის მცხოვრებთა აჯანყება (აღვანეთში), სომხეთის ხელახალი ამბოხება, ქ. ბაილაკანის მცხოვრებთა აჯანყება (აღვანეთში). მდგომარეობა სომხეთში სულ უფრო და უფრო ფუჭდებოდა, და ჰარუნმა კვლავ დამსჯელი ჯარები გაგზავნა სომხეთსა და ადარბადაგანში (უკანასკნელში ერთერთი არაბი სარდალი იყო გამდგარი). შემდეგ ისევ აღნიშნულია სომხეთის ახალი აჯანყება. აჯანყების შემდეგ ჰარუნის მიერ დანიშნული

<sup>1</sup> ლევონდი, 137-138.

<sup>2</sup> იქვე, 139.

<sup>3</sup> იქვე, 167-186.

მმართველი ისე სასტიკად გაუსწორდა მცხოვრებთ, რომ ქვეყანა დამშვიდდა. ამ ქვეყნების მმართველები, საერთოდ, ჩანს, წამისწამ იცვლებოდნენ, სწორედ პოლიტიკური მდგომარეობის მერყეობის წყალობით. ზოგიერთი უკანასკნელი მმართველის შესახებ, ჰარუნის მეფობაში, ავტორი კვლავ გვამბობს: საილი ცუდად ექცეოდა აქაურ პატრიკებს, ე. ი. ფეოდალებს, რითაც გამოიწვია უკმაყოფილება ბაბ.ულ-აბეების (ქ. დარუბანდის) მცხოვრებლებისა, რომელნიც თავს დაესხნენ მის წარმომადგენლებს, ხოლო მმართველი ალი ისე ცუდად იქცეოდა, რომ მის წინააღმდეგ აჯანყდნენ შარვანის მცხოვრებნი და ქვეყანა მღელვარებამ მოიცვა. ზოგი მმართველი, ტაქტიკური მოქმედებით (მეფეებისა და პატრიკების შვილებთან კეთილგანწყობილებით) სულ მოკლე ხნით ზაჯის ჩამოგდებას ახერხებდა, შემდეგ კი ისევ ირეოდა ქვეყანა. მაგრამ ყველას წააცილა ხუზაიმა იბნ-ხაზიმმა, მეორედ დანიშნულმა, ჩანს მმართველად—შეიპყრო პატრიკები და მეფისშვილები, თავები დასჭრა მათ და, საერთოდ, ისე ცუდად ექცეოდა, რომ უარესი აღარ შეიძლებოდა.

ვზადაგზა იაკუბი მოგვითხრობს დიდი შინაური შფოთვის შესახებ, ამიერ-კავკასიაში მყოფსა და მომქმედ არაბთა შორის, ადგილობრივი არაბი ამირების განდგომას, მათ კავშირს უცხო ძალებთან (მაგ. ხაზარებთან და სხვ.) და ბრძოლას ხალიფას წინააღმდეგ (9-12).

თუ ასეთი მდგომარეობა იყო სომხეთსა და ალვანეთში, ცხადია, დაახლოებით იგივე ვითარება უნდა ვიგულისხმოთ ქართლშიაც.

ამიტომ ცხადია, რომ იოანე საბანისძის მიერ აღწერილი ის სიძვევე ურთიერთობისა, რომელიც ქრისტიანულ-საეკლესიო ლიტერატურული და იდეოლოგიური სამოსელითა აქვს ავტორს წარმოდგენილი, სწორედ ამ ეკონომიურსა და პოლიტიკურ საშოში იბადებოდა. საბანისძეც თვალსაჩინოდ აგვიწერს, კერძოდ, ქართლის ერისმთავრებისა (სათანალოდ, ქართლას გაბატონებული წრისა) და არაბთა ურთიერთობას.

იოანეს ცნობებით, ქართლს აბასიდების გულისწყრომა ამ დინასტიის უკვე მეორე წარმომადგენლის მეფობაში სწვევია. ხალიფა მანსურს 772—3 წ. ბაღდადში, რომელიც იმ დროიდან ხალიფატის სატახტო ქალაქია, დაუბარებია ქართლის ერისმთავარი, ნერსე, და დაუპატიმრებია. ამ ცნობის ავტორი ამტკიცებს, რომ დაპატიმრების მიზეზი „ბოროტ კაცთა შესმენა“, ე. ი. დაბეზლება იყო, მაგ-

რამ თვით დაბეზლებასაც გარკვეული პირობები სჭიროდა და ეს ფაქტი აშკარად მიგვიჩვენებს ურთიერთობის გაფუჭებაზე ცენტრალურ მთავრობასა და ქართლის მმართველ წრეებს შორის. ამასვე ადასტურებენ შემდეგი ფაქტებიც. ნერსე სამი წელი მჯდარა ბაღდადის საპყრობილეში, სანამ იგი ახალ ხალიფას, მაჰდის არ გაუთავისუფლებია და ისევ ქართლის ერისმთავრად არ დაუნიშნავს. მაგრამ ნერსეს, ჩანს, აკლდა შეგუების უნარი. არაბები კვლავ უწყობიან მას: „კულად იყო განრისხებაჲ ველმწიფეთა მათ სარკინოზთაჲ ნერსე ერისთავსა ზედა“. ისე „სასტიკად ჰბრძოდეს მას სარკინოზთა ერი“, რომ იგი იძულებული შეიქნა მთელი თავისი ოჯახით და დიდი ამალით ქართლიდან გახიზნულიყო. დარიალის გზით ნერსე გადავიდა ხაზარეთში, სადაც ხაზართა მეფემ იგი, როგორც არაბებთან ნახუბარი და მათი მტერი, კარგად მიიღო, ხოლო ხაზარეთიდან ლტოლვილი ერისმთავარი აფხაზეთში ჩავიდა, სადაც აგრეთვე გულდია მასპინძლები ჰპოვა (გვ. 15—19).

საყურადღებოა, რომ მიუხედავად ურთიერთობის ასეთი გამწვავებისა, არაბებს მაინც საჭიროდ მიაჩნდათ ქართლის ერისმთავრის ხელისუფლების არსებობა. გაქცეული ნერსეს მაგიერ, ქართლის ერისმთავრად, VIII ს. ოთხმოციან წლებში, ვინმე სტეფანოზი დაუნიშნავთ. საყურადღებოა ისიც, რომ ეს სტეფანოზი იმავე ნერსეს დისწული ყოფილა, ე. ი., არაბების არჩევანი ქართლის წარჩინებულთა შედარებით ვიწრო წრეში ტრიალებდა. შემდეგში ნერსეც არაბებს ურიგდება და ქართლში ბრუნდება, როგორც კერძო პირი (20).

იაკუბი, როგორც ჩანს, აბასიდების ბრძოლას საქართველოს ადგილობრივ მმართველ წრეებთან ცოტა უფრო ადრე იწყებს. დაახლოებით სამოციან წლებს უნდა ეკუთვნოდეს მის მიერ მოთხრობილი ამბავი, რომ არმენიაში (აქ ეს ტერმინი ამიერ-კავკასიის მნიშვნელობითაა ნახმარი) მღელვარებამ მოიცვა სანარიელები, ე. ი., წანარები. პოლიტიკური აზრით, „წანარები“ კახეთის სამთავროს გულისხმობს და ამიტომ აქ აღმ. საქართველოს ამ ნაწილის შესახებაა საუბარი. წანარებს ებრძოდა აბუ-ჯაფარის (ხალიფა, აღ-მანსური, 754—775) მიერ დანიშნული მმართველი აღ-ჰასანი, რომელმაც ვერაფერი გააწყო. ამის შესახებ, ისე როგორც წანარების მრავალრიცხოვნობის შესახებაც, ჰასანმა შეატყობინა აბუ-ჯაფარს, რომელმაც ჰასანის საშველად გაგზავნა ამირ იბნ-ასმაილ აღ-ხარისი, 20000 მეომრით. ამირი შეხვდა წანარებს და სასტიკი ბრძოლა აუტეხა მათ. ომი რამდენიმე დღე გაგრძელდა და მუსლიმის გა-

მარჯვებით დამთავრდა, ბოლოსდაბოლოს, ამირმა ერთ დღეს 16000 კაცი გაელიტა, წანართა ლაშქრიდან. შემდეგ იგი ტფილისისაკენ გაემართა, გზაში ამოხოცა ყველა ტყვე, ვინც თან ჰყავდა და ყოველი მხრით მდევარი გამოუყენა წანარებსო<sup>1</sup>. ჰარუნ აღ-რაშიდის მეფობისათვის, ე. ი. VIII ს. დამლევისა და IX ს. დამლევისათვის იგივე იაკუბი გვიამბობს: არ-რაშიდმა მმართველად დანიშნა ხუზაიმა იბნ-ხაზიმი, რომელმაც შეიპყრა პატრიკები [თითქოს ნერსე ერისმთავრის ისტორიის გამოძახილია ეს ამბავი! ს. ჯ.], და მეფისშვილები [სეფეწულები ხომ არ იგულისხმებიან აქ? ს. ჯ.]. დასკრა მათ თავები და, საერთოდ, ისე ცუდად ეპყრობოდა მათ, რომ უარესი აღარ შეიძლება. ამან გამოიწვია აღშფოთება ჯურზანსა [ტექსტში შეცდომით ჯურჯანია. ს. ჯ.] და სანარიაში (წანარეთში) [ე. ი. ქართლსა და კახეთში. ს. ჯ.]. მმართველმა გაგზავნა მათ წინააღმდეგ ლაშქარი, მაგრამ მათ გასწყვიტეს იგი. მაშინ მმართველმა გაგზავნა მათ წინააღმდეგ საიდ ობნ-ალ-ხაისამი იბნ-შუაბი დიდი ჯარით. იგი მანამ ეომებოდა ჯურჯანისა და სანარიის [ქართლ-კახეთის] მცხოვრებთ, სანამ არ გადარეკა ისინი ქვეყნის ფარგლებიდან. ამის შემდეგ, ხუზაიმა წავიდა ტფილისში, სადაც ერთ წელზე ნაკლები დაჰყო, რადგანაც გადაყენებულ იქნა. მის მაგიერ დაინიშნა სულაიმან იბნ-იაზიდი, პატიოსანი, მაგრამ უზრუნველი მოხუცი, რომლის არც ერთი განკარგულება არ სრულდებოდა, ისე რომ ქვეყანა კინალამ გადაუდგა მასო<sup>2</sup>.

ცნობილია, რომ აბასიდების პოლიტიკური დაცემის ნიშნებში პირველად მართლაც ჰარუნ აღ-რაშიდის გარეგნულად ბრწყინვალე მეფობაში გამოიხატა. ამიერ-კავკასიასა და საქართველოშიაც როგორც ვნახეთ, სწორედ ამ დროს ხდება არაბების თვალსაჩინოდ დასუსტება.

ბუნებრივია ამიტომ, რომ ასეთ პირობებში ტფილისის ამირას მდგომარეობამაც სათანადო ცვლილებები განიცადა: ტფილისის ამირა თანდათანობით ადგილობრივ წვრილ ფეოდალურ მფლობელად იქცევა და სათანადოდ ვიწროვდება მისი გავლენის არეც. IX ს. დამდეგიდან ტფილისის ამირას, ჩვეულებრივად, მხოლოდ ქვემო ქართლი ემორჩილება. მხოლოდ ძალიან იშვიათად, ისიც, ჩვეულებრივად, ძალიან მოკლე ხნით, ახერხებენ არაბები თავიანთი გავლენის გავრცელებას მეზობელ თემებ-

<sup>1</sup> იაკუბი, 9.

<sup>2</sup> იაკუბი, 12.

ზე. ეს მაშინ ხდება ხოლმე, როდესაც ხალიფა ქართლში დამატებითს სამხედრო ძალას გზავნის. წყაროები ასეთ შემთხვევაში ზეღახალი დაპყრობის შესახებ ლაპარაკობენ, მაგრამ, არსებითად, ალბათ საქმე გვაქვს მოთარეშებასა და წამიერს, სწრაფად წარმავალ, მორჩილების გამოცხადებასთან. გარდა ამისა, ხალიფას ახალი ექსპედიციების წარმტება ხომ ხალიფასა და ტფილისის ამირების ურთიერთობითაც იყო მნიშვნელოვნად განსაზღვრული.

IX ს. დამდეგიდან წესად ვხედავთ, რომ ტფილისის ამირა დასახელებულ ვიწრო ფარგლებშია მოკუმშული და თავისი პოლიტიკური მნიშვნელობით ადგილობრივი მთავრების დონეზე დადის. სულ უფროდაუფრო ცხადი ხდება ტფილისის ამირების პარტიკულარიზმიც.

უკვე IX ს. ოციან წლებში გამდგარა მუჰამად იბნ-ატაბი, რომელსაც ხელში ჩაუგდია ჯურზანი (ქართლი) და რომელსაც მოკაეშირედ ჰყოლია წანარნი (კახელები). იბნ-ატაბი გააქცევს მის წინააღმდეგ გამოგზავნილს ერთს სარდალს და მხოლოდ შემდეგ ემორჩილება ახალი საეგზეკუციო რაზმის უფროსს, ხალიდ იბნ-იზიდს, რომელსაც კარგად იცნობენ ქართული წყაროებიც<sup>1</sup>. ხალიდმა მოარბია სამხრეთი საქართველოც და ურჩ წანარებსაც, ე. ი. კახეთს, თავს დაესხა. ხალიდი „მედგრად ებრძოდა მათ [წანარებს] ჯურზანში [საქართველოში], გააქცია ისინი, ხელთ ჩაიგდო მათი ჯოგები და, ბოლოს, შემოირიგა იმ პირობით, რომ ისინი [წანარები] მოსცემდნენ შამიათას ფაშატ ცხენსა და ოციათას ცხვიარს. მაგრამ არ გასულა დიდი დრო, რომ ისინი კვლავ აჯანყდნენ<sup>2</sup>. ალბათ ამ ამბავს გულსხმობს ქართული მატყანე, როცა გვიამბობს: „მას ეამსა შეითქუნეს გარდაბანელნი და განაჩინეს ქორეპისკოპოზად დაჩი, ძე იოვანე ქუაბულისძისა. და შემდგომად მისსა დასუეს ქორეპისკოპოზად სამოელ დონაური. კუალად, მეორედ, მოვიდა იგივე ხალილა არაბი. შეებნეს გარდაბანელნი გავაზს და გააქციეს ხალილ და მოსწყდა სიმრავლე ფრიალი<sup>3</sup>“.

პირველი შემოსვლის დროს, ხალიდს ტფილისის ამირად დაუ-

<sup>1</sup> ქცხ. მარ., 219—220; იაკუბი, 15—16. იაკუბის ცნობების ანალიზით, ეს უნდა მომხდარიყო ალ-მაჰუნის ხალიფობაში, 813—833 წწ. მაგრამ თითქოს არა ჯადრეს 829 წლისა. შეადრ. მარკვარტი, 408—410.

<sup>2</sup> იაკუბი, იქვე.

<sup>3</sup> ქცხ. მარ., 20 და ვარიანტული საკითხავები.

ნიშნავს ალი (თუ იაპია) შუაბისძე<sup>1</sup>. ხოლო მალე ტფილისის ამირად დამჯდარა ახალი კაცი—„ქუალად დაჯდა ამირად ტფილისსა საპაკისმავლისძე“<sup>2</sup>, რომელიც იმთავითვე, ჩანს, ურჩობის გუნებაზე მდგარა. ოცდაათიანი წლების დამდეგს იგი უკვე აღარ ემორჩილება ხალიფას და ითვისებს აქაურ ხარკს. მის წინააღმდეგ გამოგზავნილი, ქართლში მესამეჯერ მოსული, ხალიდი, მოკლულ იქნა თუ მოკვდა<sup>3</sup>. ხალიდის მაგიერ ხალიფამ გამოგზავნა მისი შვილი მოჰმედი. „მატიანე ქართლისაი“ ასე მოგვითხრობს ამ ამბებს: „ხალიდ მოვიდა მესამედ და მოკლეს ჯავახეთს და ძე მისი მოჰმედ მოვიდა ქართლს. მოერთო ბაგრატ, ძე აშოტ კურაპალატისა, და მისცა მას ქართლი. გამოვიდა საპაკი, ამირა ტფილელი, ლაშქრითა და დადგა რეკს [თანამედროვე გორთან, ს. ჯ.], ხოლო მოჰმედ და ბაგრატ წარიღეს უფლისციხე და მოვიდეს კახნი გარდაბანელნი შუელად საპაკისსა, შეიბნეს რეკს და იბრძოლეს. და იყო ბრძოლა ძლიერი მათ შორის, არცა იგინი გაიქცეს და არცა იგინი, ვიდრემდის გაიყარნეს. და აიყარა მოჰმად და წარვიდა ბარდავად“<sup>4</sup>. სხვანაირი შედეგი მოჰყოლია ამ ბრძოლას იაკუბის ცნობით: იგი [ამტიციებს— მოჰმადი იმდენხანს ებრძოდა სანარიელებსა [უდრის ქართ. მატიანის „კახ-გარდაბანელთ“, ს. ჯ.] და ისპაკს, სანამ არ გააგდო. იგი იმ ქვეყნიდან და ისინიც [სანარიელები] არ გააქციაო<sup>5</sup>. მაგრამ ქართული ცნობა უფრო სწორი უნდა იყოს—საპაკი ამის შემდეგაც ტფილისის ამირაა და ისევ ისე ეურჩება ხალიფას. უკანასკნელი, დასასრულ, დიდ სამხედრო ექსპედიციას აწყობს საპაკის წინააღმდეგ, ბულა თურქით სათავეში. მატიანით, ბულამ ჯერ „შემუსრაცოველი სომხითი და ტყუე ყუნა იგი ყოველნი მთავარნი მათნი და მოვიდა და მოადგა ქალაქსა ტფილისისასა, რამეთუ არა მორჩილობდა ამირა საპაკი. მოკლა საპაკი, შემუსრა ქალაქი ტფილისისა, დაწვა ცეცხლითა და მოაოხრნა არენი მისნი“. ტფილისის აღებას (853 წ. 5 აგვისტოს) თან ისეთი სისასტიკე სდევდა თურმე რომ, არაბული ცნობებით, ამ ამბების დროს, 50000 კაცი დაღუპულა.

<sup>1</sup> ქცხ. მარ. და ვარიანტული საკითხავები.

<sup>2</sup> იქვე.

<sup>3</sup> ქართულ მატიანესთან ერთად ახოლიკიც ამტიციებს, გვ. 106, რომ ხალიდი მოკლულ იქნა ჯავახეთში, სოფ. ხოხაბირში (ხიზაბავრა? ს. ჯ.), სომხ. წელთაღრიცხვით 290 წ., ე. ი. 841—2 წ. შეადრ. მარკვარტი, 410-411.

<sup>4</sup> ქცხ. მარ. 220—221 და ვარიანტ. საკითხავები. წანარებთან ბრძოლა არაბებისა კიდევ რამდენიმეჯერ აქვს მოხსენებული იაკუბის, იხ., მაგ., გვ. 18.

<sup>5</sup> იაკუბი, 19.



შემდეგ ბუღას ჯარები საპაკის მოკავშირეებს, ადგილობრივ მეფე-მთავრებსაც ამარცხებენ<sup>1</sup>.

ტფილისის ამირები ამის შემდეგაც რჩებიან ისევ წვრილ მფლობელებად, რომელნიც მხოლოდ ნომინალურად აღიარებენ ხალიფას უზენაეს ხელმწიფებას (ფულს, მაგ., ისინი ამ ხნის განმავლობაში ისევ ხალიფას სახელით სჭრიან). მეათე საუკუნის ორმოციანი წლებიდან კი ისინი უკვე ფორმალურადაც საჯაროდ აცხადებენ თავიანთ დამოუკიდებლობას.

საქართველო-არაბების ურთიერთობაში ფაქტიური გარდატეხა მაინც მეცხრე საუკუნის შუაწლებში ხდება. თვით არაბთა წარმოდგენითაც, მეცხრე საუკუნის შუაწლებიდან მოყოლებული, ქართველები განთავისუფლდნენ არაბთა პოლიტიკური მორჩილებისაგან. ასე, მაგ., მასუდი ამბობს: „აფხაზები და ქართველები ხარაჯას აძლეოდნენ სანაპირო ციხე ტფილისის უფროსებს, ტფილისის დაპყრობისა და მისი დასახლების დროიდან მოყოლებული, ხალიფა მუტავაქილამდე.“<sup>2</sup> მუტავაქილი მეფობდა 846—861 წლებში, მის დროს მოხდა ბუღას ლაშქრობა ტფილისზე და მის სიკვდილთან ერთად აიშალა სწორედ საბოლოოდ ხალიფატი. ახალი ვითარება, ბუნებრივად, საქართველოსაც უნდა შეხებოდა.

§ 8. არაბთა იდეოლოგიური პოლიტიკა ქართლში. არაბების თავდაპირველი შედარებითი ინდიფერენტობა და ტოლერანტობა სარწმუნოებრივ-კონფესიონალური საკითხების სფეროში, VIII ს. სმეორე ნახევრიდან უკვე ერთგვარი აქტიურობით იცვლება ქართლში. ამ დროიდან გვესმის ხმები ცალკე პირთა სიკვდილით დასჯის შესახებ, რელიგიური აღსარების ნიადაგზე (აბო ტფილელი, კონსტანტინე-კახა, გობრონი, არჩილი—უფრო ადრინდელი ხანისა: ვის). ჩვეულებრივად და უპირატესად სდევნიან არაბები ისლამის რენეგატებს (აბო), სხვა შემთხვევებში სარწმუნოებრივთან ერთად აშკარად თავს იჩენს პოლიტიკური მომენტი და, უეჭველია, უკანასკნელი მეტობს პირველსაც (კახა, გობრონი, არჩილი). მაგრამ მაინც რეჟიმის გამოცვლა, ამ მნიშვნელობით, უცილობელია.

თავის ადგილას (§ 7) განმარტებული იყო, რომ, გარკვეული სოციალურ-პოლიტიკური პირობების წყალობით, ისლამის ქადაგებას ქართლში არ შეეძლო არავითარი შესამჩნევი შედეგების მოტანა.

<sup>1</sup> ქცხ. მარ., 220—221; იაკობი, 20—21. იაკობი ამტკიცებს, თითქოს ბუღა დამარცხდა წინარებთან ბრძოლაში: ბალაძორა, 28; ჯავახიშვილი, II, 373—377.

<sup>2</sup> Marquart, 175. მასუდის ცნობა ჩვენთვის ზოგადი მნიშვნელობა აქვს, რადგანაც აფხაზთა დასახლება არაბთა მოხარკების რიცხვში აშკარად მოწოდებს, რომ ავტორის წყაროები არ იყო მთლად ზუსტი. „ხარაჯის“ (die Grundsteuer) მოხსენება მაინც ინტერესს მოკლებული არ არის. იხ. ზემოთ, გვ. 365.

უფრო საყურადღებოა საკითხი ქართლის ქრისტიანული ეკლესიის მმართველ წრეებთან არაბთა ურთიერთობის შესახებ. მიუხედავად იმისა, რომ ამ დროს პირობები უკვე სულ სხვაგვარია და რომ ქართლის ეკლესია ეხლა ბევრად უფრო მძლავრი ორგანიზაციაა, ვიდრე VI ს-ში და კონფესიონალურადაც იგი თითქოს უფრო გარკვეულ სახეს ატარებს, მაინც, გვგონია, არაბებსაც, განსაზღვრული დროიდან ალბათ, მერვე საუკუნის შუა წლებიდან, უნდა ეცადნათ ამ მხრივ ირანელების მიერ გათელილი გზით ევლოთ. რომ სომხეთში ანტიქალკედონიტურმა (და მაშასადამე, პოლიტიკურად, ანტიბიზანტიურმა) ელემენტებმა მოახერხეს არაბული მმართველობის გამოყენება რეფანშის მიზნისათვის, ექვს გარეშეა. განსაკუთრებით საყურადღებოა, რომ ეს ელემენტები ცდილობენ, იმავე არაბთა დახმარებით, სომხური ანტიქალკედონიტური ეკლესიის ინტერესების დაკმაყოფილებას და მისი პრიორიტეტის გავრცელებას საკუთრივ სომხეთის მიწა-წყლის გარეშეც. ძველი ალვანეთის ანალისტი, მოსე კალანკატუელი, მოგვითხრობს, რომ სომეხთა კათალიკოსმა ილიამ ხალიფა აბდ ალმალიქს (685—705 წწ.) მისწერა, ალბათ, VIII-ს. დამდეგს, ეპისტოლე შემდეგი შინაარსისა: „ჩვენს დამორჩილებულ ქვეყანას ყოვლისმპყრობელი ღვთისაგან წილად ხვდა თქვენი სამსახური და, ალვანელებთან ერთად, ქრისტეს ღვთაებრიობის ერთი სარწმუნოების აღსარება. ალვანელების ეხლანდელი კათალიკოსი კი, რომელიც ბარდავში ზის, შეუთანხმდა ბერძენთა კეისარს, იხსენიებს მას ლოცვებში და აიძულებს ქვეყანას შეუერთდნენ მას სარწმუნოებრივად. დაე, ყოველივე ეს ცნობილი იყოს თქვენთვის, და ნუ უგულებელსყოფ ამას, რადგანაც მას ჰყავს თანამოაზრე, ერთი წარჩინებული დედაკაცი (იგულისხმება გარდაბანის მთავარი). ბრძანეთ თქვენი დიდი უფლებით მათი დასჯა, მათი შეცოდებისათვის ღვთის წინააღმდეგ.“<sup>1</sup> მაშასადამე, სომეხთა კათალიკოსი ამტკიცებდა, რომ არაბთა ბატონობა ისევე ღვთისაგან არის ნაწყალობევი სომხებისათვის, როგორც მონოფიზიტური აღსარება, და ალვანელებს აბეზღებდა ბატონების წინაშე, ბიზანტიელებთან პოლიტიკური და სარწმუნოებრივი კავშირი აქეთო (აღნიშნული მთავარი და ალვანეთის კათალიკოსი, იმავე ავტორის ცნობით, დიოფიზიტები ყოფილან). ხალიფას ასე უპასუხნია თავისი ერთგული მონისაოვის: „წავიკითხე შენი გულწრფელი წერილი, ღვთისკაცო ილია, სომეხთა კათალიკოსო, და შენდამი წყალობის გამო, გავეზავნე ჩემი სანდო მსახური დიდძალი ჯარით. ვბრძანეთ განმართვა (გასწორება)

<sup>1</sup> კალანკატუელი, 237

შენი სჯულის მიხედვით აღვანელთა შორის, რომელნიც აჯანყებულან ჩვენი ბატონობის წინააღმდეგ. ჩვენი მსახური განახორციელებს ჩვენს განაჩენს შენი თანდასწრებით ბარდავში: იგი ჯაკვით დააბამს ნარსესსა (აღვანელთა კათალიკოსს) და იმ დედაკაცს, და გამოიყვანს მათ სამეფო კარზე, რათა ყველა მემამოხემ დაინახოს მათი მოქმედების შერცხვენა“-ო<sup>1</sup>. მართლაც, სომეხთა კათალიკოსი უმეშვეოდ მონაწილეობს დასახელებულ პირთა წამებაში, რომელთაც დიდი სიმტკიცე გამოუჩენიათ თავიანთი რწმენის დაცვისას. დოოფიზიტ ნარსესის მაგიერ აღვანეთის კათალიკოსად დადგენილს ვინმე სვიმეონს „დაუწყნარებია“ ნარსესის მიერ აღძრული შფოთი, დაუნერგავს ცთომილ სამწყსოში „ქეშმარიტი სარწმუნოების“ მრავალი წესი, ე. ი. განუახლებია მონოფიზიტობა და, რაც განსაკუთრებით საინტერესოა, ბრძანება გაუცია მდინარეში ჩაეყარათ ნარსესის „მწვალებლური“ წიგნთსაცავით სავსე სკიფრები. ასე ილუპებოდა და, ბოლოს, მთლიანად განადგურდა კიდევაც აღვანური ორიგინალური მწერლობა, რომელსაც ჩვენთვის დიდი ისტორიული ღირებულება უნდა ჰქონოდა! ყოველივე მომხდარის დასავებრგვინებლად, სომეხთა კათალიკოსმა ჩამოართვა აღვანეთის საეკლესიო და საერო მმართველ წრეებს წერილობითი პირობა, რომ ისინი ამიერიდან ერთგული იქნებიან წმ. გრიგოლის სარწმუნოებისა და იერარქიულადაც სომეხთა საკათალიკოსო ტახტს დაემორჩილებიან (ეს მომხდარა 700—704 წ.). (ხაღია, რომ სომეხი ბერის ზურგს უკან არაბები იდგენ: ცალკე ასეთსავე წერილობით პირობას უდებენ ხალიფას აღვანეთის მთავარი და ყველა წარჩინებული ერისკაცი, „რომელთა სახელებსაც სათითაოდ იწერენ ხალიფა აბდ ალ მალიქის დავთარხანაშა, იმისათვის, რომ ვინიცობაა რომელიმე მათგანმა აღიაროს ორი ბუნება [ე. ი. ბიზანტიის ოფიციალური, დოოფიზიტური ქრისტიანობა], ასეთი პირები განადგურებულ იქნან მახვილითა და წარტყვევნიით. ასე დამყარდა მშვიდობა აღვანეთის ყველა ტაძარში“-ო, გვარწმუნებს მემეტიანე!<sup>2</sup>.

მკითხველი ადვილად მოიგონებს, რომ აღწერილ ამბებში თითქმის სტერეოტიპულად არის განმეორებული ირანელთა დროინდელი ურთიერთობა. ანალოგია იმ მხრივაც მართალია, რომ გარედან მოსული ძალა ეხლაც სარგებლობს ფეოდალური კლასის საერო და საეკლესიო ფრთებს შორის არსებული ანტაგონიზმით და გარკვეულ

<sup>1</sup> კალანკაჟუელი, 237—8.

<sup>2</sup> იკვე, ნაწ. III, თ. 3—11.

მომენტში უპირატესობას ეკლესიას აძლევს. მაგრამ ამის შესახებ დაწერილებით სხვაგან გვექნება საუბარი. ქართლის შესახებ, სამწუხაროდ, აღნიშნული სფეროდან არავითარი ცნობები არ შენახულა. მაგრამ რომ შეუძლებელია, მსგავსი პოლიტიკა, ამ ქვეყანას ასცდენოდა, გვარწმუნებს ერთი ეპიზოდი, მოთხრობილი გ. მერჩულის მიერ (წერდა X ს. შუაწლებში). ეს ამბავი მით უფრო მაჩვენებელია, რომ იგი მომხდარა IX ს. ოციან წლებში, როდესაც არაბები ქართლში უკვე საკმაოდ დასუსტებული იყვნენ, წინანდელთან შედარებით. ვინმე ცქირი, დიაკონი, ტფილისის ამირა ჰასაკ ისმაელის ძის მიერ აღზრდილი (დიაკონი, მაჰმადიანი მოხელის გაზრდილი! დამახასიათებელია!), მოციქულად ყოფილა გაგზავნილი ამ ამირას მიერვე კლარჯეთის მფლობელ აშოტ კურაპალატთან. გზაში ცქირს კლარჯეთის საეპისკოპოსო კათედრა, ანჩას, ცარიელი უნახავს და გამღვდელმთარების სურვილი აღძვრია, თუმცა მას არავითარი საფუძველი ასეთი პოსტის დაქერისათვის არ მოეპოვებოდა. მაგრამ თავისი პატრონის, ტფილისელი ამირას ქომავლობით, „საჰაკ ამირას მიერ,“ ე. ი. საჰაკის თხოვნითა და შუამდგომლობით, როგორც ამბობს მწერალი, აშოტ კურაპალატისაგან მიუღია ანჩის საყდარი, ე. ი., ადგილობრივი საეკლესიო წრეების თვალსაზრისით, „მძლავრებით დაუპყრია ანჩა“. ამ წრეებსა და ცქირს შორის მწვავე უთანხმოება ატყდება. საქმე მოსყიდული მკვლელების გამოყენებამდისაც მიდის. ბოლოს, ადგილობრივი საეკლესიო კრება ცქირს „განკვეთს პატივისაგან“, ე. ი. ეპისკოპოსობისაგან გადაყენებს. ცქირი, რაკი მას „განეშორა შეწევნა ღმრთისა“ და „ღონე ყოველი დაეღია“, კვლავ წავიდა ტფილისის თავის პატრონთან, ამირასთან, და ისევ ძველი გზით, საჰაკის შუამდგომლობით აშოტის წინაშე, ხელახლა დაიბრუნა დაკარგული საეკლესიო სენიორია, „წყენებითა მისითა (ე. ი. ამირა საჰაკის დაჟინებული თხოვნით) რეცა მიეშვა კურაპალატი და კუალად მძლავრებით დაიპყრა ანჩისა საყდარი“<sup>1</sup>.

ამ ამბის მნიშვნელობის შესაგნებად უნდა მოვიგონოთ, რომ იგი ხდება ტერიტორიაზე, რომელიც ბიზანტიის კეისრის სუვერენიტეტს აღიარებს (აშოტი კეისრის ვასალი იყო). უეჭველია, იმ რაიონებში, რომელნიც არაბთა მფლობელობას ემორჩილებოდნენ, ან არაბულ სამფლობელოს უშუალოდ ემხრობოდნენ, მსგავსი ჩარევა საეკლესიო საქმეებში უფრო ხშირი და ჩვეულებრივი მოვლენა იქნებოდა. გასათვალისწინებელია ის გარემოებაც, რომ ქართლის კათალიკოსის რეზი-

დენცია—მცხეთა—და საკათალიკოსოს ისეთი მნიშვნელოვანი ცენტრი, როგორც იყო ტფილისის კათედრა, არაბული გავლენის ყველაზე ახლობელი ობიექტებია. ამიტომ ადვილად დასაჯერებელია, რომ არაბთა განსაკუთრებული მძლავრობის ხანებში, მაგ., VIII ს. მეორე ნახევარში, მონოფიზიტებს (ანტიქალკედონიტებს) ერთხელ კიდევ ეცადნათ შურისძიება თავიანთი შეურიგებელი მტრების მიმართ და ერთგვარი წარმატებისათვისაც მიეღწიათ. ერთი სიტყვით, ერთხელ კიდევ უნდა განმეორებულყო მეექვსე საუკუნის ამბები, ბრძოლის ძველებური მეთოდებითა და აქსესუარით, ჩვეულებრივი იდეურ-მატერიალური შედეგებითა და დიოფიზიტების (ქალკედონიტების) საბოლოო გამარჯვებით. სამწუხაროდ, არავითარი კონკრეტული სურათი ამ უკანასკნელი ბრძოლისა წყაროებში დაცული არ არის. მხოლოდ ჩვენ შემთხვევითად არ მიგვაჩნია ის ფაქტი, რომ IX ს. დამლევს ან IX—X სს. მიჯნაზე, ე. ი. არაბთა საბოლოო მოუძღვრების ხანაში, ჩნდება ისეთი ნაწარმოები, როგორცაა ე. წ. „წმ. ნინოს ცხოვრება“, რომელსაც იდეოლოგიური საძირკველი უნდა. ჩაეყარა საქართველოს დიოფიზიტური ეკლესიის თვითმყოფობისათვის და მოწინააღმდეგეთა უკანასკნელი პოზიციები გაენადგურებინა. ამ ნაწარმოებში წარმოდგენილია შეხედულებათა სისატემა, რომელიც, თვით ძველის ტენდენციიანი განცხადებით, იყო მერმინდელ თაობათა მიერ „მრავალთა ქამთა და წელთა“ შემდეგ მოპოვებული „ტალანტი, წინამძღვართაგან დაფარული“. ეს განცხადება, ძველში დაცულ ზოგიერთ კვალთან ერთად, არის არაპირდაპირი და ყრუ მოწმობა ბრძოლისა, რომელიც უკანასკნელად გათამაშდა VIII ს.—ში.

### ბოლოსიტყვაობა

წარმოდგენილი მონოგრაფია დამუშავებულია ტფ. სახ. უნივერსიტეტის საქართველოს ისტორიის კათედრაზე, რომლის საჯარო სხდომებზედაც მოხსენების სახით წაკითხულია ცალკე პარაგრაფები; მეოთხე და მეექვსე—1935 წ. 2 ნოემბრის სხდომაზე, ხოლო მეშვიდე—1936 წ. 14 იანვრის სხდომაზე.

# ს ა ქ ა რ თ ვ ე ლ ო ს ი ს ტ ო რ ი ა

## უძველესი დროიდან მე-13 ს-მდე

(კონსპექტის პროექტი)<sup>1</sup>

საზოგადოებრივი ადამიანის აქტიურობა თავის კვალს აჩენს საქართველოს ტერიტორიას განვითარების უკვე ყველაზე ადრინდელ საფეხურებზე. პალეოლითი ამჟამად კარგად არის დადასტურებული იმერეთის არა ერთს პუნქტში (მოწამეთა, რგანი, ხარაგოული), სადაც აღმოჩენილია და ნაწილობრივ უკვე შესწავლილიც ტროგლოდიტის (გამოქვაბულის კაცის) სადგურები; შავი ზღვის პირას ჩნდება ამავე კულტურის პირველი ნიშნები. სოცი-ალურად ეს არის წინაგვაროვნული კომუნის ხანა. მეურნეობა მითვისებითი ხასიათისაა. მეტყველება მეტად პრიმიტიულია, ეთნიკური სახეც სრულიად გაურკვეველი. გვაროვნული საზოგადოებისა და ტომების წარმოშობა უფრო გვიანდელს ხანას, ნეოლითის (ახალი ქვის) პერიოდს, ეკუთვნის. ნეოლითური ნაშთებიც ნაპოვნია საქართველოს ტერიტორიაზე. მაგრამ ნეოლითური ხანა საქართველოში დღესდღეობით ჩვენთვის უფრო ცუდადაა ცნობილი, ვიდრე პალეოლითისა. სამაგიეროდ, დიდ განვითარებას აღწევს ლითონის კულტურა, განსაკუთრებით, ბრინჯაო, რომელიც შედარებით ადრე იჭერს სპილენძის ადგილს. ბრინჯაოს იარაღები საქართველოს ტერიტორიაზე კეთდებოდა უკვე მეორე ათასწლეულის პირველ ნახევარში, ძვ. წ., და ამ ათასწლეულის ბოლოს ბრინჯაოს კულტურა ავიდა აქ განვითარების მეტად მაღალ საფეხურზე. აქ ვამჩნევთ ორ თავისებურ კულტურას: ერთს — აღმოსავლეთში, რომელიც საქართველოს აკავშირებს აღმოსავლეთ ამიერ-კავკასიასთან, მეორეს — დასავლეთში, რომელიც საქართველოს აკავშირებს ჩრდილოეთ კავკასიასთან. აკეთებდნენ ბრინჯაოსაგან სხვადასხვა სახის სასოფლო-სამეურნეო იარაღებს, რაც მიუთითებს მიწისმოქმედების განვითარებაზე, საომარ იარაღებს, ქურქელს, წვრილს (საყოფაცხოვრებო საჭიროების საგნებს და სხ. განსაკუთრებით განვითარებული და თავისებური ბრინჯაოს ის კულტურა ყოფი-

<sup>1</sup> ეს კონსპექტი თავის დროზე დაიბეჭდა სადისკუსიოდ რად.

ლა, რომლის ნაშთებს პოულობენ დასავლეთ საქართველოსა და აღმოსავლეთ საქართველოს დასავლეთ ნაწილში. რადგან პირველად ამ კულტურის ძეგლები დიდი რაოდენობით აღმოჩენილ იქნა, გასული საუკუნის დასასრულს, ჩრდ. ოსეთში, კობანის მიდამოებში, ამიტომ ეს კულტურაც კობანის კულტურის სახელით იქნა ცნობილი. მაგრამ შემდეგში წარმოებულმა ძიებამ და შემთხვევითმა აღმოჩენებმაც დაადასტურეს, რომ ეს კულტურა გავრცელებული ყოფილა მთელს დასავლეთ კავკასიაში. ამიტომ ახლა ბევრი არქეოლოგი უკვე იმ აზრისკენ იხრება, რომ კობანის კულტურის ნამდვილი კერა დასავლეთი საქართველოა, რომელიც უხსოვარი დროიდან ცნობილია კოლხიდის სახელით. ძველ ხალხებს კოლხიდა წარმოედგინათ აყვავებულ, მდიდარ ქვეყნად და მას უკავშირებდნენ მრავალთქმულებას, რომელნიც ანტიკისა და შემდეგდროინდელი მწერლებისათვის საყვარელ ლიტერატურულ სიუჟეტებად იქცნენ. ზოგიერთმა ამ თქმულებამ მთელი მსოფლიო შემოიარა. ასეთია, მაგ., ცნობილი გადმოცემა არგონავტების, — გულად თესალიელ მეზღვაურთა, შესახებ. ეს ვაჟკაცები, იაზონის მეთაურობით და გემით „არგო“-თი, მოვიდნენ კოლხიდაში და ამ უკანასკნელის სატახტო ქალაქ ეა-ში, რომელიც მდებარეობდა მდ. ფაზისის (რიონის) ნაპირზე. კოლხიდაში ამ დროს მეფობდა აეტი; „ოქროს ვერძის“ მფლობელი. ამ ვერძის დასაკუთრება უნდოდათ სწორედ არგონავტებს. მათ თავიანთ მიზანს მიაღწიეს აეტის ქალიშვილის მედეას დახმარებით. იაზონმა შეუსრულა აეტს მთელი რიგი მოთხოვნა-პირობა, მაგ. შეაბა გუთანში სპილენძისფეხებიანი და ცეცხლმქშინავი ხარები. ბოლოს და ბოლოს ვერძი მოტაცებულ იქნა არგონავტების მიერ.

უკვე ძველი საბერძნეთის მწერლებმა შეამჩნიეს, რომ ეს მითი მეტნაკლებად ნამდვილი, ისტორიული ცნობების გადამუშავებაა, რომ „ოქროს ვერძი“ მიუთითებს ოქროს მოპოვების ჩვეულებაზე ადგილობრივ მდინარეებში, ცხვრის ტყავების საშუალებით. ოქრონარევი ქვიშნარის კვალი დასავლეთ საქართველოში მართლაც შემჩნეულია (1935 წელს ენგურის კალაპოტში იპოვნეს ოქროს დიდი ბუნებრივი ზოდი). საფიქრებელია აგრეთვე, რომ „გუთანში შებმული სპილენძისფეხებიანი ხარები“ წარმოადგენენ პოეტური ფორმით შემოსილ მოგონებას განვითარებულ მიწისმოქმედებაზე, რომელიც უკვე ლითონის იარაღებით სარგებლობს.

მეორე მხრით, მთელი თქმულება არგონავტების შესახებ არის ანარეკლი ბერძნების საკოლონიზაციო მისწრაფებისა შავდ.

ზღვის აღმოსავლეთი სანაპიროებისკენ. ეს მისწრაფება გულისხმობდა ქვეყნის საკმაოდ მაღალ განვითარებას, რაც იზიდავდა უცხოელებს.

ამიტომ სავსებით შესაძლებელია, რომ ე. წ. კობანის კულტურა აღმოცენდა სწორედ კოლხიდაში, რომლის შესახებაც უფრო ნამდვილ ცნობებს ვპოულობთ მხოლოდ მე-6 საუკუნიდან, ძვ. წ., როცა ძველ-ბერძნულ (იონიურ) პოეზიასა და მეცნიერებაში ჩნდება რეალური ჩვენებანი კავკასიასა და, განსაკუთრებით, მის შავი ზღვის სანაპიროებზე. ამგვარ ცნობათა წყარო პრაქტიკული, — პირველ რიგში, — სავაჭრო ურთიერთობა იყო ბერძნებსა და ადგილობრივ მცხოვრებლებს შორის. მე-6 — 5 საუკუნეებში, ამ ურთიერთობის ნიადაგზე, ჩნდება ზღვისპირა ბერძნული ქალაქები — ფაქტორიები: პიტეუნტი (ახლა — ბიჭვინტა), დიოსკურიადი (ახლანდელი სოხუმის ალაგას ან მის რაიონში), ფაზისი (ახლა — ფოთი), ამავე სახელის მქონე მდინარის (ახლა — რიონი) შესართავთან და სხვ. ეს ქალაქები ასრულებდნენ სააღმშენებლო პუნქტების როლს, ბერძნებსა და ადგილობრივ ტომებს შორის. ისინი უნდა გაჩენილიყვნენ ამ ხალხთა კულტურული განვითარების შედარებით მაღალ დონეზე, როდესაც ადგილობრივს მეურნეობას შეიძლებოდა ბერძნებისათვის საინტერესო საქონელი მიეწოდებინა. განვითარების ეს დონე ქმნიდა შესაფერ პირობებს არა მხოლოდ ბერძნული ზღვისპირა ქალაქების, არამედ აგრეთვე ადგილობრივი ქალაქების გაჩენისათვის. ასეთი უძველესი ადგილობრივ ქალაქთაგანია ეა. იგივე პირობები განსაზღვრავდა ფულის ტრიალის განვითარებასაც. თუ ბრინჯაოს ხანაში ფულად იხმარებოდა სხვადასხვა ზომის ბრინჯაოს რგოლები, რომელნიც ერთმანეთისგან მზარდი პროპორციული წონით განსხვავდებოდნენ (ასეთი რგოლები ნაპოვნია არქეოლოგების მიერ), მე-6 — 5 ს. უკვე ჩნდება ფულმონეტა, როგორც შემოტანილი, ისევე ადგილობრივი. მე-5 საუკუნის დასასრულიდან ან მე-4 საუკ. დასაწყისიდან და მომდევნო საუკუნეებში კოლხიდაში იჭრება ადგილობრივი ვერცხლის მონეტა, მეცნიერებაში „კოლხიდური“-ს საბელწოდებით ცნობილი და განკუთვნილი შინაგანი სააღმშენებლო ურთიერთობისათვის.

ადგილობრივი ბერძნული კოლონიებიც (მაგ., დიოსკურიადი) სჭირან თავის ფულს.

საზოგადოებრივი წყობის მხრივ ჩვენ განვითარების ასეთი წყურათი გვაქვს. ბრინჯაოს ხანაში, მიწისმოქმედებისა, მეჯოგეობისა და საშინაო ხელოსნური წარმოების წყალობით, უკვე განვი-



თარებული საგეარტომო საზოგადოებაა, რომელიც მეტწილად ბინადარ ცხოვრებას ეწევა.

დაწყებითი ფორმით მოცემულია აგრეთვე ადამიანის ჩაგვრა ადამიანის მიერ, უმთავრესად, ალბათ, საოჯახო მონობის სახით. ამიერ-კავკასიას ამ დროს უკვე აქვს სავაჭრო და კულტურული დამოკიდებულება წინა აზიის, ხმელთაშუაზღვეთისა, ჩრდილოეთ კავკასიისა, თანამედროვე უკრაინისა და ღუნაის აუზის შორეულ ქვეყნებთან. ბრინჯაოს ხანის ამიერ-კავკასიელ ტომთა ეთნიკური სახე ჯერ კიდევ არ არის განსაზღვრული, მაგრამ არის საფუძველი ვიფიქროთ, რომ აქ მაშინ ცხოვრობდნენ თანამედროვე კავკასიელ ხალხთა წინაპრები.

ქართველი ტომები (საკუთრივ ქართველები, მეგრელები, ქანები, ლაზები და სვანები) კავკასიაში მოდიან შედარებით გვიან, როგორც ფიქრობენ, მე-8 — 7 ს.ს. მოყოლებული, ძვ. წ. მეცნიერთა უმრავლესობა ფიქრობს, რომ ქართველები სამხრეთიდან მოვიდნენ და რომ ისინი შთამომავალნი არიან წინა აზიის უძველესი ხალხებისა (სუმერიელთა, ხეთელებისა, მიტანიელებისა, ქალდეებისა და სხვ.), რომელთაც საკაცობრიო კულტურის ყველაზე ადრინდელი კერა შეჰქმნეს და მისი ცეცხლი სხედასხვა დროს წინააზიის სხედასხვა ადგილას დაანთეს. სამხრეთიდან მოიტანეს ქართველებმა აგრეთვე, როგორც ჩანს, თავიანთი ანბანი, რომელმაც განვითარების მეტად გრძელი და საინტერესო გზა გაიარა. ახალ მიწა-წყალზე დაბინავებისას, ქართველი ტომები ძლიერ გავლენას ახდენდნენ ადგილობრივ მოსახლეობაზე და მისგანაც გარკვეულ ზემოქმედებას განიცდიდნენ.

მეურნეობისა და კულტურის შემდგომ განვითარებასთან ერთად საზოგადოებრივი ცხოვრებაც უფრო რთულდებოდა. საშინაო და საგარეო ვაჭრობის გაფართოების წყალობით იზრდებოდა მონათა შრომის, როგორც მუქთი სამუშაო ძალის, გამოყენების საჭიროებაც. ახალი ვითარება აღწერილია სტრაბონის მიერ, რომელიც ცხოვრობდა და წერდა ძველ და ახალ წელთაღრიცხვათა მიჯნაზე, ძველ და ახალ წყართა ცნობების საფუძველზე. სტრაბონის ცნობები საქართველოს შესახებ მეტწილად მიეკუთვნება ძვ. წელთაღრიცხვის I საუკუნის დასაწყისს.

ამ დროს საქართველოს ტერიტორიაზე ორი სახელმწიფოებრივი წარმონაქმი არსებობს: ძველი კოლხიდა და იბერია. იბერიას უბყრია დასავლეთ საქართველოს აღმოსავლეთი, სურამის ქედის

მომიჯნავე; ნაწილიც (საზღვარი კოლხეთსა და იბერიას შორის გადის შორაპან-სკანდაზე).

III საუკუნის დასასრულსა და II საუკუნის დასაწყისს (ძვ. წ.), ანტიკური ცნობებით, იბერია ძლიერი და თავისუფალი სახელმწიფოა, რომელიც ვრასდროს არ დამორჩილებია უცხოელებს და იგი (იბერია) ესაზღვრება სომხეთს მდ. არაქსის გასწვრივ.

სტრაბონის „გეოგრაფიის“ ცნობებით, მაშინდელი საქართველო, სამეურნეო თვალსაზრისით, შეიძლება დაიყოს სამ რაიონად: მაღალმთიან, მთიან და ვაკე ზონებად. მაღალმთიან რაიონებში მთავარ მეურნეობად დასახულია მონადირეობა, შემდეგ — შემგროვებლობა და, მხოლოდ ნაწილობრივ, მესაქონლეობა. ასეთ მდგომარეობაში ყოფილან სვანები, რომლებიც სახლობდნენ დაახლოებით იმ ტერიტორიაზე, რომელზედაც ახლაც იმყოფებიან.

მთიან რაიონებში (სტრაბონი აქ კონკრეტულად აღმოსავლეთ საქართველოს მთიელთა მეურნეობას აღწერს) მოსახლეობის მთავარ საქმიანობას მეჯოგეობა წარმოადგენდა, ხოლო დამხმარეს — მიწისმოქმედება. ბარში (ვაკე ნაწილში) მეურნეობის მთავარი დარგი იყო მიწისმოქმედება, მაგრამ აქ მესაქონლეობასაც ეწეოდნენ. აქ განვითარებული იყო ხელოსნობაც და ვაჭრობაც ხოლო, ამის შესაბამისად — გზები და მიმოსვლის საშუალებანიც. სტრაბონი ამბობს, რომ იბერია მდიდარი და მშვენივრად დასახლებული ქვეყანაა, დაფარული ქალაქებითა და სოფლებით, რომ სახლები დახურულია კრამიტით და აშენებულია სახუროთმოძღვრო ხელოვნების წესების თანახმად, რომ აქ არის ბაზრები და საზოგადოებრივი შენობები.

ბაზრები ვაჭრობისათვის იყო საჭირო. ვაჭრობა იყო ადგილობრივი და სატრანზიტო — აღმოსავლეთისა და დასავლეთის ქვეყნებს შორის. ინდოეთიდან და აღმოსავლეთის სხვა ქვეყნიებიდან საქონელი ამოქონლდათ კასპიის ზღვაზე, აქედან მას მტკვრით ეზიდებოდნენ ზევით ნავეებით. შემდეგ იბერიიდან, იმ ადგილიდან, საიდანაც მდინარე აღარ ვარგოდა სანაოსნოდ, ხმელეთის გზით იგი გადაქონლდათ კოლხიდაში ქალ. შორაპანამდე, ხოლო აქედან მდ. ფაზისით ჩაქონლდათ შავ ზღვამდე, სადაც მთავარი საწყობი იყო ქალაქი ფაზისი (ფოთი).

იბერიის მეორე სატრანზიტო გზა მიიმართებოდა სამხრეთიდან ჩრდილოეთისკენ, დარიალის ხეობით.

ნაოსნობა, ფაზისსა და მტკვარს გარდა, წარმოებდა მდ. ალაზანზეც. განვითარებული იყო აგრეთვე სახმელეთო მიმოსვლა:

სტრაბონი ამბობს, რომ მდ. ფაზისის ზემო წელში, სადაც გემები ვერ დადიოდნენ, გამართული იყო 120 ხიდი.

შავი ზღვის სანაპირო ქალაქების ვაჭრობის შესახებ ადგილობრივ მოსახლეობასთან დამახასიათებელია სტრაბონის ცნობა, რომ დიოსკურიადში (აფხაზეთის სანაპირო) სავაჭრო ოპერაციების წესიერი მსვლელობისათვის აუცილებელი იყო 70 თარჯიმანი, იმდენად ბევრი და სხვადასხვა ტომი იყრიდა აქ თავს.

ერთ-ერთი უმნიშვნელოვანესი შემოსატანი საქონელი იყო მარილი. შემოჰქონდათ, რასაკვირველია, აგრეთვე სხვა საგნებიც (სამრეწველო ნაწარმოები, ქსოვილები, იარაღები და სხვ.).

მიწისმოქმედების დარგში ამ მხარეში განვითარებული იყო მარცვლოვანი კულტურები, მებოსტნეობა და მებალეობა-მევენახეობა. დასავლეთ საქართველოში უხვად მზადდებოდა სელი და მისი ქსოვილი, კანაფი და მისი ნაძენძი, ცვილი და ფისი. სელი უცხო ქვეყნებშიც გაჰქონდათ.

სოციალური წყობის მხრივ სხვადასხვა რაიონები, საერთო განვითარების დონის შესაფერისად, მნიშვნელოვნად განიზიარდნენ ერთიმეორისაგან. მაღალმთიან რაიონებში, მაგ., სვანეთში, ჯერ კიდევ დაცული იყო გვაროვნული წყობილება. სვანებს მართავდა 300 კაცისგან შემდგარი სატომო საბჭო.

იბერიის საზოგადოებას, რომელიც შედარებით მაღალ საფეხურზე იდგა, სტრაბონი ჰყოფს ოთხ „გვარად“: 1. მეფეთა „გვარი“; [2. ქურუმთა „გვარი“, რომელიც ტაძრებს ემსახურებოდა და] რომელიც განაგებდა მეზობლებთან ურთიერთობას; 3. მიწისმოქმედთა და მეომართა „გვარი“ და 4. მდაბიო ხალხის „გვარი“, რომელიც მეფეთა „გვარს“ ემსახურებოდა.

ცხადია, რომ სოციალურ-ეკონომიური დაფენიანება იბერიაში შორს წასულა წინ, მაგრამ გვაროვნული გარდმონაშთები ჯერ კიდევ დიდი რაოდენობით იყო შემონახული.

შემდგომი დიფერენციაცია ძირითადად მიმდინარეობდა მესამე „გვარში“, რომელიც მოსახლეობის უმეტეს ნაწილს შეიცავდა. კერძო საკუთრების არსებობის პირობებში ეს „გვარი“, რომელსაც ქართულად ეწოდებოდა „ერი“, ე. ი. „ხალხი“ („ხალხი — ჯარი“-ს მნიშვნელობით), თანდათან მკვეთრად იყოფა ორ ნაწილად: უმცირესობა — მაღლა მდგომნი, „წარჩინებულნი“, „ერისთავნი“, „მთავარნი“, „თავნი“ და ა. შ., რომელნიც შემდეგ ერთი საერთო სახელწოდების, „ახნაური“-ს, ქვეშ გაერთიანდნენ, და, მეორე მხრით — უმრავლესობა, „წვრილი ერი“, თავისუფალი მცხოვრებნი, რომელნიც ჯერ კიდევ მოსახლეობის უმეტესობას შეად-

გენდნენ. „წვრილ ერს“ დაკარგული აქვს გვაროვნული ხანის მრავალი უფლება (მაგ., თვითმმართველობის სფეროში), მაგრამ ნაწილი თავისი ძველი უფლებებისა ჯერ კიდევ შენარჩუნებული აქვს (მაგ., ნაწილობრივ, მიწათმფლობელობის სფეროში) და ამ უფლებებისათვის იგი გაათვრებით იბრძვის. მე-5 საუკუნის მეორე ნახევარში უკვე ვხედავთ მკაფიოდ მოხაზულ სახეს ამ საზოგადოებისას, რომელსაც გაუვლია განვითარების შემდეგი გზაც. „აზნაურები“ უკვე იყოფიან „დიდად“ და წვრილად; მოწინააღმდეგე ბანაკი იხსენიება, როგორც „უაზნო“ ანუ „არათავისუფალი“; ყველაზე დაბლა დგანან „მონა და მხევალი“. მსხვილ აზნაურთაგან დაწინაურებულან „მთავარნი“. არისტოკრატის უმაღლეს ფენას შეადგენენ „სეფე-წულნი“ — პირველი, მეფის, გვარის ნაწიერი, მსხვილ მიწათმფლობელებად ქცეულნი.

„აზნაურთა“ მოძრაობა სოციალური და პოლიტიკური ძალა-უფლებისაკენ წარმოებდა სხვა საზოგადოებრივ ჯგუფებთან, კერძოდ, მონათმფლობელებთან, ბრძოლაში, რომელთა (მონათმფლობელთა) წრიდანაც გამოვიდა სტრაბონისეული მეორე „გვარი“ ქურუმებისა. ამ ბრძოლაში „აზნაურები“ მნიშვნელოვან გამარჯვებას აღწევენ მე-4 საუკუნეში, როცა ამ პროცესში ფართოდ იქნა გამოყენებული რელიგია. ძველი წარმართული სარწმუნოების წარმომადგენელთა წინააღმდეგ ახალი ძალები იყენებენ ქრისტიანობას, რომელიც ოფიციალურ კულტად და „აზნაურთა“ რელიგიად იქცევა (ქართლში — მე-4 ს. შუაწლებისთვის). ჩნდება ახალი მწიგნობრული ქრისტიანული კულტურა, რომელიც იწყება თარგმანებით, მაგრამ რომელიც მე-5 საუკუნის დასასრულისათვის უკვე გვამლევს მნიშვნელოვან ორიგინალურ ლიტერატურულ ძეგლს — „წმ. შუშანიკის მარტვილობა“-ს, ვინმე იაკობის მიერ დაწერილს. რთული იყო აგრეთვე „აზნაურთა“ დამოკიდებულება მეფის ხელისუფლების მიმართ. ეს უკანასკნელი, აღმოცენებული, როგორც მონათმფლობელთა ორგანიზაცია, ახალი კლასის საზოგადოებრივი მნიშვნელობის ზრდასთან ერთად, თანდათან უახლოვდებოდა მას და თანაც ნაწილობრივ იცვლიდა თავის სოციალურ ბუნებას. სრული გარდაქმნა ამ გზით სამეფო ხელისუფლებას მაინც არ შეეძლო, რადგანაც მტრულად და შეურიგებლად იყო განწყობილი „აზნაურთა“ სანუკვარი იდეალისა და მისწრაფებისადმი, რომელიც ახალი, ფეოდალური, მიწისმფლობელობის დადგენისა და დამტკიცებისაკენ იყო მიმართული. განსაკუთრებით მწვავე იყო ბრძოლა ვახტანგ გორგასალის დროს, რომელიც მეფობდა ქართლში (იბე-

რიაში) მე-5 საუკუნის მეორე ნახევარში. ეს ბრძოლა დამთავრდა მე-6 საუკუნის ოციან წლებში მეფის ხელისუფლების მოსპობით აღმოსავლეთ საქართველოში.

დასავლეთ საქართველოში განვითარება თავისებური გზით მიდიოდა. ადრევე რამდენადმე შინაგან დაქსაქსული კოლხიდა იყოფა მთელ რიგ წვრილ ტომურ პოლიტიკურ წარმონაქმებად. მეორე საუკუნეში, ახ. წ., მდ. რიონის, ენგურის, კოდორისა და ბზიფის აუზებში ყალიბდება მინიატურული „სამეფოები“ ლაზებისა, აფსილებისა, სანიგებისა და სხვათა, რომელნიც ჭიანჭველნაირი მეგრელების, აფხაზების, სვანების წინაპრებად უნდა იქნან მიჩნეულნი. მე-4 საუკუნის დასასრულს, ადრეულ ფეოდალურ ძალთა შემდეგი განვითარების საფუძველზე, ლაზები იპყრობენ დანარჩენ ტომებს და ამით საფუძველს უდებენ ახალ სამეფოს, რომელსაც რომაელები და ბერძნები უწოდებდნენ ლაზიკას, ხოლო მკვიდრი მცხოვრებლები „ეგრისს“ (აქედან ტომური სახელწოდება „მეგრელი“). სტრაბონისა და მის მომდევნო ხანაში აღმოსავლეთ და დასავლეთ საქართველოს განვითარება ახალ ისტორიულ სპირობებში მიმდინარეობდა. 65 წელს, ძვ. წ., რომაელები, რომელნიც დიდხანს ებრძოდნენ პონტოს მეფეს მითრიდატს, ამ უკანასკნელის დამარცხების შემდეგ შემოვიდნენ ამიერ-კავკასიაში, იმ მიზნით, რომ დაესაჯათ მითრიდატის მოკავშირენი. წინააღმდეგობა, რომელიც დახვდათ რომაელებს სომხეთში, ალბანეთში (თანამედროვე საბჭოთა აზერბაიჯანი) და იბერიაში, გატეხილ იქნა და ამ ქვეყნებში დამყარდა რომის უზენაესი ხელისუფლება. ქართლი, მიუხედავად მისი ანტირომაული განწყობილებისა შემდეგ პერიოდშიაც, რაც გამოიხატებოდა პერიოდულ ამბოხებებში უცხოელ დაპყრობელთა წინააღმდეგ, ექცევა ვასალურ დამოკიდებულებაში რომისაგან, სამხედრო სამსახურის მოვალეობით (კერძოდ, ეს მოვალეობა მდგომარეობს ჩრდილო-კავკასიის ზეკარების — უღელტეხილების, პირველ რიგში დარიალის, დაცვაში, რომელთაც დიდი სტრატეგიული და ეკონომიური მნიშვნელობა ჰქონდათ რომაელთათვის). კოლხიდა კი, რომელიც უფრო ადვილად იქნა დაპყრობილი რომაელების მიერ, სამხედრო ბეგარის გარდა, როგორცა ჩანს, იხდიდა ხარკსაც.

გავლენას ახდენდა საქართველოზე აგრეთვე დაუსრულებელი ბრძოლა რომსა და ირანს (ჯერ პართულს, შემდეგ — სასანიდურს) შორის. მე-4 საუკ. მეორე ნახევარში უპირატესობის სასწორი

იხრება ირანისკენ და მე-5 საუკუნის დასაწყისიდან ქართლი ექცევა მისი გავლენის ქვეშ.

ირანელები, ანართოებენ რა თანდათან ქვეყნის შინაურ მმართველობაში თავისი ჩარევის სფეროს და სარგებლობენ რა ზემოსხენებული ანტაგონიზმით მეფესა და ღიდ „აზნაურებს“ შორის, თანდათანობით ზღუდავენ მეფის უფლებას და ბოლოს, „აზნაურებთან“ კავშირში, სრულიადაც სპობენჭმას (523 წ.). მე-6 საუკუნეში ირანელები ცდილობენ ხელში ჩაიგდონ დასავლეთი საქართველოც, რაც იწვევს ირანელთა ხანგრძლივ ომს რომაელებსა და ეგრისის მმართველ წრეებთან (542—562). ირანელები მარცხდებიან და ქვეყანა რჩება რომის იმპერიის და მისი მემკვიდრის, ბიზანტიის ვასალურ დამოკიდებულებაში. ირანელების, რომელთაც პირველად დასარკეს აღმოსავლეთი საქართველო, ძალადობა ჯერ კიდევ მე-5 საუკუნეში იწვევდა სხვადასხვა საზოგადოებრივი ძალების საპროტესტო მოძრაობას ირანელთა ბატონობის წინააღმდეგ. მოკლებნიანი კავშირი, რომელიც დამყარდა ქართლის წარჩინებულთა და ირანელებს შორის, მეფის ხელისუფლების დაცემის შემდეგ მალე დასრულდა განხეთქილებით (571—72 წ. წ.). წარჩინებულნი თავისუფლდებიან დამპყრობელთა ბატონობისაგან და ქმნიან საკუთარ პოლიტიკურ ორგანიზაციას, რომელსაც „მეფის“ ნაცვლად „ერისმთავარი“ მეთაურობს. „ერისმთავრები“ იყვნენ უმაღლესი ფეოდალური ფენის არჩეული წარმომადგენელნი, რომელთა ხელისუფლებაც შემდეგ, სათანადო ისტორიულ პირობებში, ფეოდალური მეფის ახალ ხელისუფლებად განვითარდა. მე-5 საუკუნე მთელ საქართველოში არის მკვეთრი გარდატეხის ხანა ფეოდალურ ძალთა განვითარებაში. აფხაზეთში, რომელიც, მე-6 საუკუნის დასაწყისს, გამოეყო ლაზიკას ცალკე სამთავროდ, მე-6 საუკუნის ორმოციან წლებში დამხობილ იქნა ძველ მეფეთა დესპოტური ხელისუფლება. ქვეყნის ღიდებულნი აქაც ირჩევენ ფეოდალური ხელისუფლების უმაღლეს წარმომადგენლებს — აფხაზ ერისთავებს. ეგრისშიაც ძველი მეფის ხელისუფლება თანდათანობით სუსტდებოდა შინაურ და გარეშე (ბიზანტიის ძალმომრეობა) წინააღმდეგობათა მეოხებით და ბოლოს შეცვლილ იქნა, — ვარაუდით, მე-7 ს. დამდეგისათვის, — ლაზიკის „პატრიკიოსის“ (ბიზანტიური სასახლის ტიტული) ხელისუფლებით.

პოლიტიკური ხელისუფლების ფეოდალური კლასის ხელში საბოლოოდ გადასვლა ამ საზოგადოებრივი ჯგუფის მიერ გამოყენებულია „წვრილ ერთან“, თავისუფალ სოფლის მოსახლეობას-

თან, საბრძოლველად, რომელსაც ჯერ კიდევ შემონახული ჰქონდა თავისი გვაროვნულ-თემური უფლებების გარკვეული ნაწილი. ბრძოლის მიზანია სათემო და წვრილ-მფლობელთა მიწების მიტაცება და მისაკუთრება და თავისუფალი სოფლის მოსახლეობის ამა თუ იმ სახით დამორჩილება ფეოდალთა მიერ. მე-9 საუკ. დამდეგისათვის ფეოდალები ახერხებენ „წვრილი ერის“ გაალმა-სებული წინააღმდეგობის გატეხას, და გლეხური, კერძო-მესაკუთრული თუ სათემო, ადგილ-მამულის ძირითადი ფონდების დატაცებას. „წვრილი ერის“ პიროვნული დათრგუნვისა და ყმობის უღელში შებმის პროცესი უფრო ნელა მიმდინარეობს, მაგრამ ისიც თანდათან, ხოლო განსაკუთრებით მე-10 საუკუნეში, მნიშვნელოვან შედეგებს აღწევს. ეს პროცესი განისაზღვრებოდა ფეოდალური საწარმოო ძალების ზრდით, რაც ახალ ისტორიულ გარემოცვაში ხდებოდა.

მე-9 საუკუნიდან დაწყებული, ისტორიული ცნობები ქვეყნის სამეურნეო განვითარების შესახებ უფრო სრული ხდება. მე-9 ს. უტხოური წყაროების მიერ ქართლი აღწერილია როგორც ნაყოფიერი და მდიდარი ქვეყანა, რომელსაც საკმაოდ ფართო სავაჭრო ურთიერთობა აქვს სომხეთთან, ირანთან, ბიზანტიასთან. ამ საუკუნეთა დასასრულს პირველად ჩნდება ქართულწარწერიანი ფული. საფიქრებელი ხდება პურის ექსპორტიც კი ქართლიდან. ეგრისიც ინტენსიურ სავაჭრო ოპერაციებს აწარმოებს ბიზანტიასთან და ადგილობრივი მმართველი წრის, ამ ურთიერთობასთან დაკავშირებული, ინტერესები იმდენად ღრმავ, რომ ამ წრის საგარეო-პოლიტიკურ განწყობილებებსა და მისწრაფებებსაც განსაზღვრავს. ლაზიკიდან გაჰყავდათ მონები, გაჰქონდათ ბეწვეული, ტყავი და სხ.

მე-7 ს. პირველ ნახევარშიაც განვითარება იმავე გზით მიდის. მატერიალური მდგომარეობის დონის დამახასიათებელია ისეთი შესანიშნავი ძეგლები ხუროთმოძღვრებისა და ხელოვნებისა, როგორცაა ჯვარის საყდარი (მდ. არაგვის შესართავთან), წრომის, საუტხოო მოზაიკით შემკული, ტაძარი და სხვ.

მე-7 საუკუნის შუა წლებში საქართველოში პირველად ჩნდებიან არაბები, რომელთაც ამ დროისთვის დაპყრობილი ჰქონდათ დიდი ნაწილი წინა აზიის ქვეყნებისა და რომელნიც საბოლოოდ განმტკიცდნენ აღმოსავლეთ საქართველოში მხოლოდ მე-8 საუკ. დასაწყისიდან. დასავლეთ საქართველოს დაპყრობა არაბებმა ვერ მოახერხეს, თუმცა მე-7 — 8 ს.ს. მიჯნაზე ამ ქვეყანაშიაც ფეხი ჩადგეს.

აღმოსავლეთი საქართველო არაბთა მფლობელობის ქვეშ ჩამოყალიბებულ იქნა ცალკე სამხედრო-ადმინისტრაციულ ერთეულად, რომლის მმართველიც („ამირა“) ტფილისში იჯდა. მოსახლეობა იბეგრება სხვადასხვა გამოსაღებით, კერძოდ, სულადი და სამამულო გადასახადით („ჯიზიათი“ და „ხარაჯა“). არაბთა მძიმე ფულადი სახარკო სისტემა ხელს უწყობს მოსახლეობის ქონებრივი დიფერენციაციის გაღრმავებას. ეს გადასახადები განსაკუთრებით აუტანელი გახდა მე-8 საუკ. შუა წლებიდან, მაგრამ საერთო ევოლუცია ხალიფატისა, რომელიც თანდათანობითი ფეოდალიზაციის გზაზე იყო შემდგარი, ამ დიდი სახელმწიფოს განაპირა პროვინციებში გამოიხატა ადგილობრივი ამირების მისწრაფებაში დამოუკიდებლობისაკენ. ტფილისის ამირაც მე-9 საუკუნის დასაწყისიდან თანდათან თავისუფლდება ხალიფას დამოკიდებულებისაგან და ადგილობრივ მფლობელ ფეოდალად იქცევა. ტფილისის სამიროს, როგორც ცალკეული, ფაქტიურად დამოუკიდებელი სამთავროს, ჩამოყალიბებას, თან სდევდა მისი ტერიტორიის შემცირება და მისი პოლიტიკური ძალის დასუსტებაც.

მკვიდრი მოსახლეობა, რომელიც ადრევე მიისწრაფოდა აღმოსავლეთ საქართველოს განაპირა კუთხეებისა და დასავლეთი და სამხრეთი საქართველოსაკენ, როგორც დამპყრობელთათვის მიუდგომელი რაიონებისაკენ, არაბთა ძალმომრეობისაგან თავის დასაღწევად, თანდათანობით მტკიცდება და ძალას იკრებს ახალ ადგილებზე. მოსახლეობისა და მისი მეურნეობის ზრდა საქართველოს ამ ნაწილებში, — არაბთა პოლიტიკური გავლენის დაცემის ახალ პირობებში, — ახალი, ფეოდალური, სამთავროების წარმოშობას უწყობს ხელს. მე-8 — 9 საუკუნეთა მიჯნაზე, ივრისა და ალაზნის ხეობებში იქმნება კახეთის სამთავრო, რომლის მფლობელი ატარებს „ქორეპისკოპოსის“ ტიტულს. მე-9 საუკ. დასაწყისს ბაგრატიონთა საგვარეულო, რომელიც შემდეგში გაერთიანებული საქართველოს სამეფო დინასტიად გადაიქცა, აშოტის სახით და ბიზანტიის მფარველობის ქვეშ, საფუძველს უყრის ტაოკლარჯეთის სამთავროს, რომლის მმართველიც ატარებს „კურაპალატის“ ტიტულს.

დასავლეთი საქართველო მთელი ამ ხნის განმავლობაში ვასალურ დამოკიდებულებაში იყო ბიზანტიისაგან. მაგრამ მე-8 საუკ. დასასრულს აფხაზეთის ერისთავები, ქვეყნის გაძლიერების საფუძველზე და ბიზანტიაში ატეხილი შინაური განხეთქილების გამოყენებით, აცხადებენ დამოუკიდებლობას, იღებენ მეფეთა ტიტულს და იპყრობენ მთელ დასავლეთ საქართველოს. ასე წარმოიშვა „აფხაზთა“



სამეფო“, რომლის სატახტო ქალაქი გახდა ქუთაისი. მე-9 საუკ. დასაწყისიდან აფხაზთა მეფეები თავის უფლებებს ავრცელებენ აღმოსავლეთ საქართველოს ცალკეულ ნაწილებზეც.

მე-9 საუკ. მეორე ნახევარი და მე-10 ს. დიდი სამეურნეო, საზოგადოებრივ-პოლიტიკური და კულტურული აღმავლობის ხანაა თითქმის მთელ საქართველოში. განვითარება მარცვლულ და ტექნიკურ კულტურათა, მებაღეობისა, მევენახეობისა და მეღვინეობისა, მესაქონლეობისა, ხელოსნური წარმოებისა და გლეხური საშინაო მრეწველობისა და წარმოების ცალკეულ დარგთა სპეციალიზაცია ცალკე რაიონების მიხედვით აძლიერებს და აფართოებს სამთავროთა სამეურნეო კავშირებსა და შინაგან გაცვლა-გამოცვლის უწყებულ პროცესს. იზრდება საგარეო ვაჭრობაც ბიზანტიასთან, ხალიფატის ცალკე ნაწილებთან, ჩრდილოეთის ქვეყნებთან, მათ შორის უფრო გვიან რუსეთთანაც, რასაც ხელს უწყობს წინა აზიის საერთო ძლიერი სამეურნეო და სააღმშენებლო გამოცოცხლება. შესაბამისად იზრდება ფულის ტრიალი და საქალაქო ცხოვრებაც: ჩნდება ახალი და ძლიერდება ძველი ქალაქები. დიდი სამრეწველო-საგაჭრო ცენტრები იყვნენ: ტფილისი, დმანისი, სამშვილდე, რუსთავი, არტანუჯი, ქუთათისი, ცხუმი (ახლა სოხუმი) და სხვ. აღნიშნული მოვლენები ჰქმნის ფეოდალური დაქსაქსულობის მოსპობისა და უფრო ფართო პოლიტიკური ფორმის დამყარების ობიექტურ აუცილებლობას, რასაც საწარმოო ძალებისათვის უფრო სწრაფი და თავისუფალი განვითარების შესაძლებლობა უნდა შეექმნა. ბრძოლა პირველობისათვის სხვადასხვა მფლობელთა შორის, რომელიც საუკუნე-ნახევარს გრძელდება, თავდაპირველად უპირატესობას აფხაზთა მეფეებს აკუთვნებს, მაგრამ მე-10 საუკ. მეორე ნახევარში წარმატების სასწორი ტაო-კლარჯეთის კურაპალატებისკენ იხრება. ამ დროისთვის ტაო-კლარჯეთი უძლიერესი ქართული სამთავროა როგორც ეკონომიურად, ისე პოლიტიკურადაც. იგი გადაჭიმულია სამცხიდან მდ. არაქსამდე და თავის გავლენას ავრცელებს უფრო სამხრეთითაც.

ბიზანტიელი ისტორიკოსის, კონსტანტინე პორფიროგენეტის მოწმობით (952 წ.), სამთავროს უმთავრესი ქალაქთაგანი არტანუჯი და მისი პროვინცია იყო გასაღები მთელი საქართველოსი. კერძოდ, აქედან ვრცელდებოდა საქართველოს მთელ ტერიტორიაზე ბიზანტიური, სირიული და სხვა საქონელი. მე-10 საუკუნისათვის ფეოდალური წყობილება ტაო-კლარჯეთში გამოკვეთილ სახეს იღებს.

ამ ეპოქაში სამთავრო წარმოდგენს აგრეთვე მთავარ კერას ქართული კულტურისას. საეკლესიო მწერლობა აქ ლიტერატურული ფორმის და ენის ღიდ განვითარებას აღწევს (საუკეთესო წარმომადგენელია გიორგი მერჩული — მე-10 საუკ. შუა წლები). მწერლობაში უკვე საერო მოტივებიც ჩნდება, რაც ფეოდალური ცხოვრების პირობების შესაფერისი ცვლილებებითაა განსაზღვრული; მატერიალური კულტურა შესანიშნავ ნიმუშებს ქმნის (განთქმული ძეგლები ბანაში, ოშკში, ხახულში და სხ.).

ასეთ პირობებში ტაო-კლარჯეთის ბაგრატიონების უძლიერესი წარმომადგენელი დავით კურაპალატი ახერხებს დაამკვიდროს თავისი შვილობილის ბაგრატ III ხელისუფლება ქართლსა და აფხაზეთში და მოუპოვოს მას აფხაზთა მეფის ტიტული. ბაგრატ III (975 — 1014) მე-11 საუკუნის დასაწყისს იპყრობს კახეთს, რომელიც მისი სიკვდილის შემდეგ კვლავ გამოეთიშა სამეფოს, და იერთებს ტაო-კლარჯეთის სამთავროს ტერიტორიასაც. ასე წარმოიშვა ქართული ფეოდალური მონარქია, რომელმაც „საქართველოს“ სახელწოდება მიიღო. მის საზღვრებს გარეთ ჯერ კიდევ რჩება რიგი რაიონები, რომელნიც მკიდროდ იყვნენ დაკავშირებული, ეკონომიურად და ისტორიულად, სახელმწიფოს ძირითად ტერიტორიასთან (ტფილისის საამირო, სომხითის კვირიკიანთა სამეფო და სხვა).

ფეოდალური მონარქიის შემდგომ ზრდას არახელსაყრელი საგარეო გავლენები — ჯერ ბიზანტიის, ხოლო შემდეგ თურქ-სელჩუკების აგრესია — აფერხებს.

ბაგრატ III შვილის, გიორგი I დროს (1014 — 1027) ბიზანტია, საქართველოს ტერიტორიაზე, საქართველოს მეფის წინააღმდეგ, აწარმოებს დიდ ომს (1020 — 1024 წ.წ.), რომელიც ბიზანტიელთათვის გარკვეული წარმატებით თავდება. ამ ომმა დაასუსტა საქართველოს მეფის უფლება და მოსწყვიტა სამეფოს სამხრეთის პროვინციები.

თურქ-სელჩუკების გავლენა საქართველოზე იწყება მე-11 საუკ. შუა წლებიდან, გიორგი I-ის ძის, ბაგრატ მე-4 მეფობაში (1027 — 1072). თურქები ამ დროს უკვე დამკვიდრებული არიან ხალიფატის ნანგრევებზე. სომხური სამეფოების თითქმის მთელი ტერიტორიის დაპყრობის შემდეგ ისინი შემოდინან საქართველოშიც.

სელჩუკების რიგი დიდი შემოსევანი საქართველოში („თურქობანი“), რომელთაც თან სდევდა სასტიკი რბევა, მოსახლეობის აწიოკება და მოთარეშებული რაიონების აოხრება (1065 წ.,

1068 წ. და სხვა), ასუსტებდნენ ქვეყანას და აფერხებდნენ მის განვითარებას. მაგრამ სელჩუკიანი სულტნების მიზანი, — მოექციათ საქართველო თავის მოხარკეთა შორის, მიღწეულ იქნა მხოლოდ ბაგრატ IV შვილის, გიორგი II-ის მეფობაში (1072—1089). თურქების განუწყვეტელმა შემოსევებმა აიძულა გიორგი II წასულიყო სულთანთან (1080—1081 წ.) და ეყიდნა ზავი და მშვიდობა ყოველწლიური ხარკით.

გარეშე მტრებთან ომებს შორის წარმოებს ბრძოლა საქართველოს საბოლოო ფეოდალური გაერთიანებისათვის. ბაგრატ IV და გიორგი II დროს ეს ბრძოლა, უწინარეს ყოვლისა, მიმართული იყო ტფილისისა და კახეთის შემოერთებისაკენ. ტფილისი, საქართველოს დანარჩენ ნაწილებთან, სამეურნეო კავშირების წყალობით თვით მიისწრაფის ფეოდალური მონარქიისკენ და იქცევა საქართველოს მეფის მოხარკედ (1068), იხდის რა ყოველწლიურად 44.000 დრაჰმას (დაახლოებით 200.000 მან. ოქროთი), რაც ამ ქალაქის დიდი სიმდიდრის მაჩვენებელია. იმიერ-ამიერ ქართველ ტომთა მიწა-წყლის სრული გაერთიანება ხდება გიორგი II შვილის, მემატინეთა მიერ „აღმაშენებლად“ წოდებულის, დავითის (II) დროს, რომელიც ქართველი ბაგრატიონების ერთ-ერთი ყველაზე ნიჭიერი და ძლიერი წარმომადგენელია (1089—1125).

დავითმა, გამოიყენა რა მოხერხებულად საგარეო-პოლიტიკური ვითარების გაუმჯობესება (თურქების ყურადღება ამ დროს სამხრეთისაკენაა მიპყრობილი ჯვაროსანთა ომების გამო და, საერთოდ, სასულტნო უკვე დაცემის გზაზეა შემდგარი), გაათავისუფლა ქვეყანა ხარკისაგან (1097) და გაწმინდა იგი თურქთა ცალკე მოხეტიალე გუნდებისაგან. 1101 — 1105 წლებში დავითმა შემოიერთა კახეთი და მეზობელი ჰერეთი, ხოლო 1110—1115 წლებში დაიპყრო ტფილისის საამიროს მნიშვნელოვანი სიმაგრეები (სამშვილდე, რუსთავი და სხვ.), რაც დაგვირგვინდა თვით ტფილისის აღებითა (1122) და მასში სამეფო რეზიდენციის გადმოტანით. სამეფოს გაერთიანება დამთავრდა ყოფილი სომხითის სამეფოს (ქვემო ქართლში) მთელი ტერიტორიის შემოერთებით.

დავითის მეფობა მეტად მკაფიო პერიოდია სამეფო ხელისუფლებისა და ფეოდალური არისტოკრატის ურთიერთ ბრძოლის ისტორიაშიაც. ეს ბრძოლა განუყრელად თან სდევდა ფეოდალური მონარქიის დაბადებასა და განვითარებას. მსხვილი ფეოდალები მიისწრაფიან თავისი განკერძოებულისა და განუყოფელი

სენიორიების შიგნით შეუზღუდველი ბატონობის შენარჩუნებისა-  
კენ და სათანადო შინაარსით უნდათ ააესონ სამეფო ხელისუფლე-  
ბაც. მეფე კი ცდილობს შეზღუდოს ფეოდალთა თვითნებობა და  
დაიმორჩილოს ისინი, ეყრდნობა რა საშუალო და წვრილ აზნა-  
ურობას და საქალაქო-საეაქრო წრეებს. ამასთან ერთად მეფე  
მსხვილ მემამულეთა ცალკე ჯგუფების ანტაგონიზმსაც იყენებს.  
ფეოდალურ საწარმოო ძალთა განვითარების ინტერესები მო-  
ითხოვდა მიწათმფლობელობის გამსხვილებას, მიწაზე ფეოდალური  
საკუთრების საბოლოო დამყარებას, მაგრამ, ამასთან ერთად,  
მმართველობის ცენტრალიზაციას, პოლიტიკური დაქსაქსულობის  
მოსპობასა და ერთიანი მტკიცე ხელისუფლების დამყარებას. ამ  
წინააღმდეგობათა ქსელში ბრძოლის შედეგი განისაზღვრებოდა.  
მრავალი და მრავალფეროვანი შინაგანი და გარეგანი პირობებით.  
მე-11 საუკუნის სივრცეზე ფეოდალური არისტოკრატია მეფეებმა  
ვერ მოსტეხეს. ამ მხრივ დამახასიათებელი ეპიზოდია ბაგრატ IV  
და ლიპარიტ, კლდეკარის ერისთავთა-ერისთავის ბრძოლა, რომე-  
ლიც, ცვალებადი წარმატებით, ოცი წელიწადი გაგრძელდა (ერთ-  
დროს მეფე იძულებული იყო თითქმის ტახტზედაც ხელი აეღო).  
მდგომარეობა მნიშვნელოვნად იცვლება დავითის მეფობაში.  
დავითი თანდათან ზღუდავს ფეოდალთა უფლებებს, სარგებლობს.  
რა ხელსაყრელი პირობებით და ეყრდნობა რა წვრილსა და მსა-  
ხურეულ აზნაურობას, საქალაქო-საეაქრო წრეებსა და, ნაწილობ-  
რივ, თავისუფალ წვრილ მწარმოებლებსაც. დავითის თვითმპყრო-  
ბელობა უფრო მკვეთრ გამოხატულებას იღებს მეფობის ბოლო  
პერიოდისთვის. დავითმა სცადა მოესპო არისტოკრატული გავ-  
ლენა ეკლესიაშიაც (1103 წ.), რომელიც ამ დროისთვის საესეებით  
ფეოდალური ორგანიზაცია [იყო]; გააძლიერა და გააუმჯობესა მმარ-  
თველობის აპარატი, მოახდინა ჯარის რეორგანიზაცია. უკანას-  
კნელ აქტს მეფისთვის განსაკუთრებით დიდი მნიშვნელობა  
ჰქონდა.

ძველი ფეოდალური რაზმების გაძლიერებასთან ერთად და-  
წესებულ იქნა ლაშქრის ახალი სახეები: ქირის ჯარი ყივჩაყებისა,  
რომელნიც ჩრდილო კავკასიიდან იქნენ გადმოსახლებულნი საქარ-  
თველოში და რომელნიც მეფეს 40.000 მეომარს აძლევდნენ, და  
სპეციალური სამეფო გვარდია („მონა-სპა“), ხუთი ათასი კაცი-  
საგან შემდგარი. ამ რეფორმამ მკვეთრად შეცვალა შინაურ ძალთა  
განწყობილება, ცენტრალური ხელისუფლების სასარგებლოდ-  
ამასთან ერთად იგი მეტად აძლიერებდა შესაძლებლობას საგა-

რეო დაპყრობითი პოლიტიკისას, რომელსაც მიზნად ჰქონდა უცხო-ტერიტორიების, მსხვილი საეპრო ქალაქებისა და გზების დაპყრობა და ხარკისა და ნადავლის მიღება. მსგავსი საგარეო პოლიტიკა მკვიდროდ იყო დაკავშირებული აღწერილ შინაგან პოლიტიკასთან და ამ უკანასკნელიდან გამომდინარეობდა კიდევ. დავითის მეფობის უკანასკნელ პერიოდში და მისი მემკვიდრეების — დემეტრეს (1125 — 1156), გიორგი III (1156 — 1184) და, განსაკუთრებით, თამარის (1184 — 1213) დროს საქართველოს ეს დაპყრობითი პოლიტიკა თანდათან ფართოვდება.

მე-13 ს. დამდეგისათვის მთელი თანამედროვე ამიერ-კავკასია შემოდის საქართველოს ფეოდალური მონარქიის ფარგლებში — ან უშუალო შეერთების, ან ვასალური დამოკიდებულების ფორმით. გარდა ამისა, საქართველოს პოლიტიკური გავლენა ვრცელდება ჩრდილოეთ-კავკასიაზე, ირანზე, სომხეთის სამხრეთ პროვინციებზე და შავი ზღვის სამხრეთ სანაპიროებზე (აქ 1204 წ. თამარის ჯარებმა საფუძველი ჩაუყარეს ტრაპიზონის სამეფოს).

მეზობელთა მიწა-წყალზე თავდასხმა, გაძარცვისა და აღმინათა ტყვედ წაყვანის მიზნით, ქართველ ფეოდალთა ჩვეულებრივ საქმიანობად იქცა. ამ მხრივ დამახასიათებელია „ლაშქრის“ (სამხედრო-ფეოდალური უმაღლესი წრის) მიმართვა გიორგი III-დმი: „არა არს ღონე დარჩომისა ჩვენისა თვინიერ ლაშქრობისა დარბევისა!“ მემატიანის გადმოცემით, მეფემ შეიწყნარა ეს განცხადება და გამართა გრანდიოზული ლაშქრობა მეზობელ ქვეყნებზე.

ეს ეპიზოდი საინტერესოა სხვა მხრითაც — იგი მიგვითითებს ფეოდალური არისტოკრატის ახალ გაძლიერებას და, ამასთან, ერთად, ამ საზოგადოებრივი წრის საერთო მდგომარეობასაც ახასიათებს. დავითის ღონისძიებანი მოკლებნიანი გამოდგნენ. რეალური ცხოვრების დამოკიდებულებანი სხვაგვარად ინაკეთებოდნენ. დავითის შინაგანმა პოლიტიკამ, ბოლოსდაბოლოს, თვითმპყრობელობის „მოყვრები“ უფრო დააზიანა, ვიდრე „მტრები“ — ფეოდალური არისტოკრატია ვერ იქმნა საბოლოოდ მოტეხილი, პირიქით, იგი დავითის მემკვიდრეების დროს იზრდება და მტკიცდება, განიცდის რა უკანასკნელ ძლიერ დარტყმას გიორგი III დროს, რომელმაც, პასუხად მსხვილ მემამულეთა დიდი აჯანყებისა ორბელთა მეთაურობით (1177 წ.), სცადა გაეცსო სახელმწიფო. აპარატი თავისი ერთგული „უაზნო“ (არა არისტოკრატული, „დაბალი“) წარმოშობის პირებით (1178 — 1184). ფეოდალური არისტოკრატია სრულ წარმატებას აღწევს გიორგის ქალის, თამარის, დროს.

ახლა „დიდებულები“ (მსხვილი ფეოდალი-მემამულენი) ხდებიან სახელმწიფოს შეუზღუდველი პატრონები. თამარის მეფობის პირველსავე წელს ისინი აძევებენ სახელმწიფო აპარატიდან მათთვის ღრმად საძულველს, გიორგი III მიერ დაყენებულს, „უაზნო“ და „უგვარო“ მოხელეებს. მოწინააღმდეგე საზოგადოებრივმა ძალებმა სცადეს (1185) დაებრუნებინათ დაკარგული მდგომარეობა და დაეპყროთ ახალი პოზიციებიც, აშკარა აჯანყების გზით. მემამბოხეთა მეთაური და მოძრაობის ბელადი ყუთლუ-არსლანი, თავის დროს თამარის მამის მიერ ფინანსთა მინისტრად („მეჭურჭლეთუხუცესად“) დანიშნული, დედოფლისაგან მოითხოვს უმაღლესი ხელისუფლების ახალი ორგანოს, „ქარაიის“, დაწესებას, რომელსაც უნდა მიესაკუთრებინა ძირითადი ფეოდალური უფლებანი „ბოძებისა და მიღების, წყალობისა და შერისხვის“ განგებისა და რომლის დადგენილებანიც მეფეს შესასრულებლად უნდა გადასცემოდა. ამ ფეოდალური პარლამენტის წევრებად ყუთლუ-არსლანი და მისი თანამოაზრენი თავის თავს გულისხმობენ. ეს მოძრაობა მარცხს განიცდის.

დიდგვარიან დიდებულთა ბატონობის მთავარი ორგანოებია „დარბაზი“ და „სავაზირო“. დარბაზის, მეფის საბჭოს, რეალური მნიშვნელობა განისაზღვრება ცენტრალური ხელისუფლებისა და ფეოდალური არისტოკრატიის ძალთა ურთიერთ განწყობილებით. უდიდეს გავლენას დარბაზი აღწევს თამარის დროს, როცა მისი დასტურის გარეშე მეფე ვერცერთს მნიშვნელოვან საქმეს ვერ სწყვეტს.

„სავაზირო“ (სამინისტრო) თანდათან ძლიერდება თავისი მნიშვნელობით. იზრდება სავაზიროს წევრთა რიცხვიც და მათი უფლებამოსილობის ფარგალიც. ეპოქის დასასრულს ქართული სავაზირო შესდგება უკვე 6 ვაზირისაგან.

თანდათან რთულდება პროვინციალური ადმინისტრაციაც, რომლის უმსხვილესი წარმომადგენლებია „ერისთავთ-ერისთავები“ და „ერისთავები“, უმსხვილეს ადმინისტრაციულ ერთეულთა მმართველები.

„ერისთავობის“ მემკვიდრეობით თანამდებობად გადაქცევისადმი მისწრაფებაში აგრეთვე მკაფიოდ იჩენს თავს ფეოდალური არისტოკრატიის ბრძოლა მეფის თვითმპყრობელობის წინააღმდეგ.

მე-10 — 13 საუკუნეები ქართული ფეოდალიზმის აყვავების ხანაა. საზოგადოების წყობა ჩამოყალიბებულ ფეოდალურ ხასიათს იღებს.

მიწათმფლობელთა გაბატონებული კლასი თავსდებოდა ერთს: ფეოდალურ წოდებაში — „აზნაურობაში“. მაგრამ აზნაურები განირჩეოდნენ ერთმანეთში თავისი ქონებრივი და საზოგადოებრივი შეძლებითა და თვით „აზნაურობის“ წარმოშობით. იყვნენ ჩამომავლობითი, მემკვიდრეობითი („მემამულე“, „ნათესავი“) აზნაურები და „მსახურეული“ აზნაურები.

უფრო მსხვილი მემამულენი შეადგენდნენ „დიდებულთა“ ჯგუფს, ქვეყნის ნამდვილად გაბატონებულსა და მმართველ ფენას, რომელსაც აგრეთვე მნიშვნელოვანი სახელმწიფოებრივი თანამდებობანი ეჭირა ხოლმე. მეტად განვითარებული იყო აგრეთვე ფეოდალური იერარქია სენიორებით, ვასალებითა და არიერვასალებით. სენიორს ეწოდებოდა „პატრონი“, ვასალს — „ყმა“. უმაღლეს „პატრონად“ ითვლებოდა მეფე. აზნაურთა ცალკე ჯგუფები ასეთსავე დამოკიდებულებაში იყვნენ ურთიერთ შორის. დიდი აზნაურების დამოკიდებულებაში იმყოფებოდნენ მრავალრიცხოვან წერილ აზნაურთა სახლები, — ზოგჯერ ასობით.

ზოგიერთი დიდებულის ფეოდალური სამფლობელო თავისი სიდიდით მთელ სამეფოს ემსგავსებოდა. „პატრონყმობის“ (ასე ერქვა სენიორისა და ვასალის დამოკიდებულებას) საფუძველი იყო მიწა: „ყმა“ იღებდა მიწას „პატრონისაგან“ პირობითი მფლობელობისა და სარგებლობისათვის, და სამაგიეროდ ვალად იღებდა „პატრონის“ ერთჯულს სამხედრო სამსახურს.

პირობითს მფლობელობაში შეიძლებოდა გადაცემული ყოფილიყო სხვა ობიექტებიც (სახელმწიფოებრივი თანამდებობანი და სხ.). მიწათმფლობელობის პირობითობასაც სხვადასხვა ფორმები ჰქონდა: იყო მიწები „საპატიო“ (სამეფო სამსახურთან დაკავშირებული), „სახარაჯო“ (მფლობელის სასარგებლოდ ხარაჯად აღებული ანუ დახარკული), „საკუთარი“ და „სანახევრო“ (პირველთაგან შემოსავალი მთლიანად ეკუთვნოდა მფლობელს, მეორეთაგან — სანახევროდ), „სამამულო“ ანუ „სამკვიდრო“ (სამემკვიდრეო მფლობელობაში გარდამავალი) და სხვ.

აღწერილი ურთიერთობის დამახასიათებელი ნიშნები იყო აგრეთვე კომენდაცია („შეწყალება“), ბენეფიციუმი („წყალობა“, „ბოძება“), ინვესტიტურა შესაფერი ცერემონიალით („დალოცვა“ და სხ.) და სხვ. ფართოდ იყო გავრცელებული იმუნიტეტი („შეუვალობა“, „თავისუფლობა“), განთავისუფლება ამა თუ იმ სახელმწიფოებრივ ვალდებულებათა და გამოსაღებაგან. შეუვალობით განსაკუთრებით ეკლესია-მონასტრები და მსხვილი მემამულენი

სარგებლობდნენ. დასავლეთ ევროპის მსგავსად, დიდ განვითარებას პროულობს აგრეთვე რაინდობა („მოყმე“, „ჭაბუკი“) და მისი იდეოლოგია.

მთელი ეს შენობა დამყარებული იყო დამოკიდებული სოფლის მოსახლეობის ექსპლოატაციაზე. ეს სოფლის მოსახლეობა იყოფოდა ფეოდალისაგან დამოკიდებული, მოწინავე და წამყვანი რაიონების, უმრავლესობად („მდაბიო“, „მსოფლიო“, „მიწის მოქმედი“) და ჯერ კიდევ თავისუფალ სოფლის მეურნეთა უმცირესობად, რომელიც ძნელად მისაველ ხეობებსა და მაღალმთიან რაიონებში აფარებდა თავს. გლეხობის ფეოდალური დამოკიდებულების გამკაცრება და საკუთრივ ბატონყმურ ურთიერთობაში გადასვლა ამ ეპოქაში სულ უფრო და უფრო ჩქარი ტემპით წარმოებს.

ფეოდალისაგან დამოკიდებული გლეხობა იყოფოდა ორ დიდ ჯგუფად: ერთს მამულიდან აღგომისა და სხვა მემამულესთან წასვლის უფლება უკვე წართმეული ჰქონდა, იგი მიწაზე იყო მიმაგრებული; მეორე ამ თავისუფლებით ჯერ კიდევ სარგებლობდა. ერთსაც და მეორესაც დაკისრებული ჰქონდა, როგორც „სამუშაო“, სხვადასხვა ხასიათის შრომითი ვალდებულება (მემამულის მეურნეობაში აუნაზღაურებელი მუშაობა გარკვეულს, კვირეულს ან წლიურ დღეებში, ციხის ბეგარა, ტვირთი და მრავ. სხვა), ისე აგრეთვე მრავალრიცხოვანი ნატურალური გამოსაღები, რომლითაც გლეხის მეურნეობის თითქმის ყველა მნიშვნელოვანი დარგი ცოცხალი (მარცვლიანი და ტექნ. კულტურები, მევინახეობა, მესაქონლეობა და სხ.). გლეხთა ზოგიერთი ჯგუფის პირადი დამოკიდებულება მძიმე იყო; წყაროები ხშირად იხსენიებენ გლეხთა ყიდვა-გაყიდვას. თავისი მდგომარეობის წარმოშობის მიხედვით ყმები იყოფოდნენ „მკვიდრებად“, „ნასყიდებად“, „შეწირულებად“, „ნებიერებად“ (გალატაკებული მეურნე, რომელიც იძულებულია „ნებით“ ჩადგეს გლეხში) და სხ. კუთვნილების მიხედვით ყმები იყოფოდნენ „სასეთობად“ (მეფის ყმები), „საეკლესიოდ“ და „სააზნაუროდ“. ბატონყმური ურთიერთობის მთელს გლეხობაზე განვრცობის ტენდენცია იზრდებოდა და ძლიერდებოდა მე-12 საუკუნის მთელ სივრცეზე. ფეოდალიზაციის პროცესი თანდათან იჭრებოდა უკვე მაღალმთიან რაიონებშიც. ამ ნიადაგზე თამარის მეფობის დასასრულს აღმოსავლეთ საქართველოს მთიელებში დიდი აჯანყება ხდება. სამი თვე დასჭირდა ხელისუფლებას აჯანყებულთა დასამორჩილებლად, რომელნიც თავისუფლების შესანარჩუნებლად და, მათთვის გამზადებული, ფეოდალური ულლის წინააღმდეგ იბრძოდნენ.



ქართველი საზოგადოების ფეოდალიზაციის ზრდა მიმდინარეობს მისი მატერიალური საწარმოო ძალების, შრომის საზოგადოებრივი განაწილებისა და სააღმშენებლო პროცესების ზრდის პირობებში და ნიადაგზე. სოფლის მეურნეობა აღწევს უმაღლესს დონეს, ნატურალური მეურნეობის სამყაროს თვალსაზრისით.

თითქმის მთელი სასარგებლო მიწა გამოყენებულია სათანადო კულტურებისათვის (სხვადასხვა პურეულნი, ბოსტნეულნი, სელი, ბამბა და სხვა ტექნიკური კულტურები, ხეხილები და სხ.). სოფლის მეურნეობის ინტენსიფიკაციას ხელს უწყობს კარგად დაყენებული მელიორაცია. მეტად ვითარდება განსაკუთრებით რენტაბელური კულტურები, პირველ რიგში — მევნახეობა. მნიშვნელოვან როლს თამაშობს მებაბრეშუმეობა. მეურნეობაში საკმაო წონით სარგებლობს მეფუტკრეობაც. ფართოდება ხელოსნური წარმოებაც, რომელიც სპეციალდება ცალკე დარგებისა (გვხვდება საშ. საუკუნეებში ცნობილი თითქმის ყველა ხელობა) და ცალკე ბუნებრივი რაიონების მიხედვით. პირდაპირი მითითება არ არსებობს, მაგრამ საფიქრებელია ამქართა არსებობაც.

ვაჭრობას, როგორც საშინაოს, ისე საგარეოს, საკმაოდ ვრცელი ფარგლები ჰქონდა. სავაჭრო საქონლის როლში გამოდის მრავალგვარი და სხვადასხვა პროდუქტი ქალაქისა და სოფლის ხელოსნური წარმოებისა (აბჯარი, საოჯახო ნივთები, ქსოვილები, სას.-სამ. იარაღები და სხვა) და სოფლის მეურნეობისა. შემოქმონდათ უმთავრესად ძვირფასი ქსოვილები, საომარი იარაღი და საქურველი საუკეთესო ხარისხისა, ძვირფასი ქვები, კეთილშობილი ლითონები, ნელსაცხებლები, უცხოური და ძვირფასი საკვები საგნები და სხვა. ამგვარი საქონლის მომხმარებელი იყო სამეფო სასახლე, რომელიც ამ დროს დიდი ბრწყინვალეობითა და ფუფუნებით ცხოვრობდა, და ფეოდალური დიდკაცობა. ფართო მოხმარების საიმპორტო საქონლიდან მთავარი ადგილი ეკირა მარისს, ზმელ თევზს, რკინას.

სავაჭრო კაპიტალთან ერთად ვითარდება სავაჭრო კაპიტალიც. ფულს სესხად იძლევიან მონასტრებიც, რომელნიც ამაში მეტად მაღალ პროცენტებს იღებენ. ძლიერ ვითარდება საქალაქო ცხოვრებაც. უმსხვილესი ქალაქებია: ტფილისი, ქუთათისი, ღმინისი, რუსთავი, ხუნანი, ახალქალაქი, სამშვილდე, ცხუმი (სოხუმი) და სხ., უფრო წვრილი ქალაქებითა და მსხვილი სავაჭრო დაბებით დაფარულია მთელი ქვეყანა. ვაჭრები იყოფიან მსხვილ, პოლიტიკურ-საზოგადოებრივ ცხოვრებაში განსაკუთრე-

ბული მნიშვნელობის მქონე, „დიდ ვაჭრებად“ და წვრილ, ნაწილობრივ ფეოდალურ დამოკიდებულებაში მყოფ, ვაჭრებად.

არის ნიშნები საქალაქო თვითმმართველობის არსებობისა: ტფილისში, მაგ., არიან ქალაქის „ბერები“, უხუცესები, რომელიც ზოგჯერ ქალაქის ბედსაც სწვევტენ.

მე-10 — 13 საუკუნეები არის ფეოდალური ნივთიერი და სულიერი კულტურის უმაღლესი განვითარების ხანა. მონუმენტალური ხუროთმოძღვრება, ჩუქურთმა (ორნამენტი), ჰედვა ლითონზე (კერძოდ, ოქრომჭედლობა), მინანქარი, მოზაიკა („სოფიის კენჭი“), მხატვრობა შესანიშნავი ძეგლებითაა წარმოდგენილი.

ქართული საშუალო საუკუნეების ორნამენტი ითვლება საუკეთესოდ მთელ მსოფლიოში. მინანქრისა და მოზაიკის ძეგლები საუკეთესო ბიზანტიურ ნიმუშებს არ ჩამოუვარდება. მთელი ხელოვნება და მატერიალური კულტურა გაბატონებული კლასის გემოვნებას ასახავდა და მასვე ემსახურებოდა. გლეხობასაც ჰქონდა თავისი, თუმცა უფრო სუსტი კულტურა, რომელიც დღემდისაც მოღწეულია ზოგიერთი საინტერესო ძეგლის სახით (გლეხური საცხოვრებელი, ტანთსაცმელი და სხვა).

იფურჩქნება ფეოდალური ლიტერატურაც. საეკლესიო მწერლობა სულ უფრო და უფრო უთმობს ადგილს საერო მწერლობას, რომელიც წარმოდგენილია ნეოპლატონური მიმართულების ფილოსოფიით (ცნობილი იოანე პეტრიწი და სხ.), ისტორიოგრაფიით (ისტორიულ თხზულებათა კრებული „ქართლის ცხოვრება“ და სხ.) და, განსაკუთრებით, პოეზიით.

ახალი ცხოვრების პირობები ფეოდალისათვის, რომელიც თავისი პროვინციალური რეზიდენციიდან ახლა სატახტო ქალაქში არის გადასახლებული, სამეფო კარის სიახლოვეს, და რომელიც რაინდის ცხენით ნიადავ ჰქელავს მეზობელი, შორეული თუ ახლობელი, ქვეყნების მიწა-წყალს, საშოვრისა და სახელის ძებნაში, ეს პირობები ამ ფეოდალისათვის და მისი „მოცალეობის“ საამო შინაარსით ასავესებად მოითხოვს რაინდულ რომანს, კარის ხობას, რომანტიკულ „ქალ-ვაჟიანს“. ჩნდებიან რიგი მაღალნიჰიერი პოეტები (შაველი, ჩახარუხაძე, თმოგველი, ხონელი და სხვ.), რომელნიც ასახავენ ფეოდალურ ყოფას, აქებენ მოყმე-ჰაბუკთა ვაჟაკობას, იდეალური შარავანდით ჰმოსავენ ფეოდალურ ურთიერთობას. ფეოდალური პოეზია არის სოციალური და ბუნებრივი სინამდვილას ფეოდალური შემეცნების მხატვრული ფორმაც

ამ პოეზიის გვირგვინია გენიალური შოთა რუსთაველის უკვდავი პოემა „ვეფხისტყაოსანი“. რუსთაველი ცხოვრობდა თამარის ეპოქაში, როდესაც ქართველი ფეოდალური საზოგადოების პოლიტიკურმა და კულტურულმა აღმავლობამ თავის ზენიტს მიაღწია. ეს პოემა, ბრწყინვალე ფორმითა და ღრმა შინაარსით, დღემდე რჩება, როგორც ქართული პოეზიის უდიდესი დიდება და, იმავე დროს, საშუალო საუკუნეების მსოფლიო ლიტერატურის ერთი ყველაზე უფრო შესანიშნავი ძეგლთაგანი.

---

## ქართული პატრონჟიმობის ბუნებისა და წარმო- შობის საკითხისათვის

1. ქართული პატრონჟიმობა, რომელიც მრავალ ანალოგიას პოვებს სხვა ფეოდალურ ქვეყნებში, ქართული ფეოდალიზმის ერთი ძირითად მოვლენათაგანი იყო; ამდენადვე, პატრონჟიმობის შესწავლა მკიდროდ დაკავშირებულია ქართული ფეოდალიზმის მთლიანად, შესწავლასთან რაც, სხვათა შორის, არა მარტო კერძობითის (პატრონჟიმობა), არამედ ზოგადის (ფეოდალიზმი) სამეცნიერო კვლევის ისტორიის გათვალისწინებას გვაუვალებს.

2. ქართული ფეოდალიზმის შესწავლა უკვე XVIII საუკუნეში დაიწყო, ვახუშტის მეოხებით, ხოლო ფართოდ გაიშალა XIX ს-ში, აკად. მ. ბროსეს, დ. ბაქრაძის, ნ. ურბნელისა და სხვათა წყალობით. საკუთრივ პატრონჟიმობის პრობლემა XIX ს-ის ქართულ ისტორიოგრაფიას გადაუწყვეტელი დარჩა.

3. მკვიდრი საფუძვლის ჩაყრა ფეოდალური საქართველოს ყოველმხრივი შესწავლისათვის, თანამედროვე მეცნიერული აზროვნების ღიანდაგზე დაყენებით, აკად. ივანე ჯავახიშვილის ღვაწლია. მასვე ეკუთვნის დამსახურება ქართული პატრონჟიმობის შესახებაც არსებითი მნიშვნელობის დებულებების წამოყენებისა, ისევე როგორც სათანადო ძირითადი ფაქტიური მასალის კრიტიკული შესწავლისა და გამოქვეყნებისა, X-XIII სს. ადგილობრივი და უცხოური წყაროების მიხედვით.

4. პატრონჟიმობა, განხილული იმ სახით, როგორც ის წარმოდგენილია თავისი განვითარების კლასიკურ ხანაში (უპირატესად — X-XII სს.), არის (აღწერილობითი თვალსაზრისით) ისეთი ურთიერთობა, რომელიც დამყარებულია საადგილმამულო დამოკიდებულებაზე, სამიედრო სამსახურის პირობით.

5. მოცემული დებულება დამყარებულია პატრონჟიმობისა და საერთოდ ქართული ფეოდალიზმის ძირითადი ტერმინებისა და მათ მიერ ასახული რეალური ურთიერთობის შინაარსის ანალიზზე.

6. ამდენადვე პატრონჟიმობა არ ფარავს მთელს საზოგადოებრივ ურთიერთობას, კერძოდ — ფეოდალური საზოგადოების ძირითადი ანტაგონისტური კლასების ურთიერთობას, რომელიც დამყარებულია მწარმოებელი კლასის ზედმეტი შრომის მითვისე-

შაზე მემამულეთა მიერ, პირველთა საადგილმამულო დამოკიდებულების პირობებში უკანასკნელთაგან. ამ ხასიათის დამოკიდებულება, ე. ი. ფეოდალური ექსპლოატაცია, თვით შეადგენს აუცილებელ საძირკველს განვითარებულ პატრონუმური ურთიერთობისათვის.

7. თავისი საზოგადოებრივი ფუნქციის თვალსაზრისით პატრონუმობა არის მემამულეთა შინაგანი ორგანიზაციის განსაზღვრული ფორმა.

8. პატრონუმობის საზოგადოებრივი ფუნქციის ხასიათის განმარტება, მოხსენებაში მოცემული, დამყარებულია სახელმწიფოს ცნების განსაზღვრებაზე ამხანაგ სტალინის მიერ: „სახელმწიფო წარმოიშვა მტრულ კლასებად საზოგადოების გათიშვის საფუძველზე, წარმოიშვა იმისათვის, რომ ლაგამამოდებული ჰყოლოდა ექსპლოატირებული უმრავლესობა ექსპლოატატორული უმცირესობის ინტერესებისათვის. სახელმწიფოს ხელისუფლების იარაღები უმთავრესად თავმოყრილი იყო არმიაში, დამსჯელ ორგანოებში, დაზვერვაში, საპატიმროებში. სახელმწიფოს მოქმედებას ახასიათებს ორი ძირითადი ფუნქცია: შინაგანი (მთავარი) — ლაგამამოდებული იყოლიოს ექსპლოატირებული უმრავლესობა, და საგარეო (არა მთავარი) — გააფართოოს თავისი, გაბატონებული კლასის ტერიტორია სხვა სახელმწიფოების ტერიტორიის ხარჯზე, ან დაიცვას თავისი სახელმწიფოს ტერიტორია სხვა სახელმწიფოთა მხრივ თავდასხმისაგან. ასეთი იყო საქმის ვითარება მონათმფლობელური წყობილებისა და ფეოდალიზმის დროს. ასეთია საქმის ვითარება კაპიტალიზმის დროს“. სწორედ ეს ორი, შინაგანი და საგარეო, ფუნქცია „ახასიათებს“ პატრონუმობას და ამდენად შეიძლება ითქვას, რომ „პატრონუმობა“ წარმოადგენს ფეოდალური საზოგადოების პოლიტიკურ ფორმას ამ საზოგადოების განვითარების გარკვეულ საფეხურზე.)

9. პატრონუმური ურთიერთობა წარმოიშვა საქართველოში საზოგადოების შინაგანი ევოლუციის შედეგად, ფეოდალური წყობილების საერთო განვითარების ნიადაგზე. ქართულ პატრონუმობას, რომელიც სხვადასხვა ეპოქაში და სხვადასხვა კუთხეში სხვადასხვა სიტყვიერი ფორმითაა შემოსილი, გრძელი და მრავალსაფეხურიანი ისტორია აქვს.

10. ქართული პატრონუმობის წარმოშობისა და განვითარების გზების ისტორიისა და ქრონოლოგიისათვის საყურადღებოა

თვით ტერმინი „პატრონი“, რომელიც, რათქმაუნდა, არის რომაული „patronus“ (აკად. ივ. ჯავახიშვილი).

11. ტერმინი „პატრონი“, რომელიც დადასტურებულია ქართულ მწერლობაში უკვე, ყოველ შემთხვევაში, X ს-ში (მერჩულის თხზულება — თხრობაში ტფილისის ამირა საპაკის „პატრონობის“ შესახებ IX ს-ის დამდეგისათვის; „მატიანე ქართლისაჲ“ — თხრობაში ლიპარიტ ბაღვაშის დავით ბაგრატიის ძის ბაგრატიონის პატრონობის ქვეშ შესვლის შესახებ IX ს. სამოცდაათიან წლებში; ფავნელთა სიგელი), შემოდის აღმოსავლეთ საქართველოში, სადაც მას უკვე ხვდება როგორც ეს მოვლენა, სახელდებული უპირატესად — „უფლად“, „მამფლად“, ისე თვით პატრონყმური ურთიერთობაც, — აფხაზთა სამეფოდან, როცა ეს უკანასკნელი, IX საუკუნის დამდეგიდან, თავის ფეოდალურ ექსპანსიას განავრცობს. ლიხთ-ამერეთში.

12. აფხაზთა სამეფომ ტერმინი „პატრონი“ მემკვიდრეობით მიიღო ეგრისის სამეფოდან, რომლის პოლიტიკური სტრუქტურა უკვე წარმოგვიდგენს თუმც სუსტად განვითარებულს, მაგრამ მაინც „პატრონყმურ“ ფორმას: ეგრისის მეფე, — კეისრის „ყმა“ და ეგრისის მეფის „ყმები“ — ადგილობრივ ტომთა მთავრები, ერთიკა და მეორენიც უმთავრესად სამხედრო სამსახურის ვალდებულებით არიან დატვირთულნი.

13. ტერმინის წარმოშობის აღნიშნულ წყაროს ადასტურებს პატრონყმური ურთიერთობის მეორე კონტრაპენტის, „ყმის“ აღსანიშნავი ტერმინი, დღემდე შემორჩენილი ერთ-ერთ ქართველურ ენაში, სახელდობრ, სვანურში — „ფამლი“ (უპირატესად „მსახურის“ მნიშვნელობით), რაც აგრეთვე ლათინური „famulus“-ია (ნაკლებსავარაუდებელია „familia“). ეს ტერმინი ფეოდალურ დასავლეთ ევროპაშიც გვხვდება, „ვასალის“ მნიშვნელობით.

14. ეს ტერმინები თავისი წარმომავლობით იძლევიან მათი საქართველოში შემოტანის ქრონოლოგიური განსაზღვრის საშუალებასაც. ეს ამბავი დაახლოებით მეოთხე საუკუნეს უნდა ეკუთვნოდეს.

15. აღნიშნული ტერმინოლოგიის შემოსვლა აღმოსავლეთ რომის იმპერიიდან საქართველოში არ ნიშნავს თვით დაწესებულების შემოტანასაც. ეს უკანასკნელი ადგილობრივ ნიადაგზეა განვითარებული. ამას მოწმობს, კერძოდ, მეგრული ტერმინი „პატონკორალა“, პატრონყმობის აღსანიშნავად, სადაც „ყმა“ აღინიშნება.

სიტყვით „ჭკორი“, რაც ეტიმოლოგიურად „წულს“ ენათესაება და სემასიოლოგიურად მასვე უდრის. ასეთივე მნიშვნელობა ჰქონდა განვითარების დასაწყისში „ყმა“ || „ყრმა“-საც, რომელიც მკიდროდ არის დაკავშირებული ჩერქეზულ „ყუა“-სთან („ძე“).

---

## ბრძოლა მიწის ფეოდალური მითვისებისათვის ძველ საქართველოში

მიწის მითვისება ფეოდალების მიერ, ფეოდალური საზოგადოების ამ ძირითადი საწარმოო საშუალების მონოპოლიზაცია საზოგადოებრივი უმცირესობის მიერ, იყო მთავარი პირობა ამ უმცირესობის სოციალური გაბატონებისათვის. ფეოდალთა მიერ მიწის მონოპოლიზაციის პროცესი ხანგრძლივი და რთული პროცესია და იგი სხვადასხვა გზითაც მიმდინარეობს. აქ მნიშვნელოვანია მიწის მოძრაობის „წმინდა“ ეკონომიური გზები. ჩვენ სხვა ადგილას განხილული გვაქვს ზოგიერთი ეკონომიური საშუალება, რომელთაც: შეედოთ ცვლილების შეტანა პირვანდელი სახის საადგილმამულო ურთიერთობაში. მაგრამ ეს პროცესი მარტოოდენ წმინდა ეკონომიური გზით არ მიმდინარეობს. აქ კიდევ უფრო დიდ როლს, განსაკუთრებით აღებული ხანისათვის, უკვე წმინდა ძალმომრეობა, პირდაპირი ძალადობა, უხეში იძულება წარმოადგენს. ამ წერილში ჩვენ სწორედ უკანასკნელი გზის განხილვა გვსურს.

ამ „მეთოდის“ შესახებ ის ლიტერატურული ძეგლები, რომელთაც ზემოთაც არაერთგზის მიემართავდით ხოლმე, სრულიად უნებლიედ უაღრესად საყურადღებო ამბებს მოგვითხრობენ; მაგრამ მათი ცნობების ანალიზამდის, სწორი თვალსაზრისისათვის, აუცილებელია გავითვალისწინოთ სათემო მიწების მითვისებისა და კერძო საკუთრებად გადაქცევის ეტაპები.

ეს პროცესი ერთბაშად არ ხდება. საზოგადოდ, ყველაზე ადრე კერძო საკუთრების საგნად სამოსახლო და ნაშენები (საბაღბოსტენი) ადგილები იქცევა. შემდეგ ამას, ერთგვარი მოგვიანებით, სახნავ-სათესი მიწები მოსდევს. ბუნებრივია, რომ ფეოდალური საკუთრება თავდაპირველად სწორედ აქ ჩნდება. საძოვრებზე თემი შედარებით ძალიან დიდ ხანს ინარჩუნებს თავის უფლებებს, მთლიანად ან ნაწილობრივ. ყველაზე ბოლოს და ყველაზე გვიან თემს ხელიდან ტყე ეცლება. თითქმის ყველა ქვეყანაში ხალხის შეგნებაში, სულ უკანასკნელ ხანებამდის, ღრმად იყო გამჯდარი შეგნება, რომ ტყე მთელი თავისი პროდუქციით საზოგადოებას სახალხო საკუთრებას შეადგენს.



მკითხველი მოიგონებს, რომ ეგნ. ნინოშვილის „მონადირეს“ „ძლიერ აჯავრებს“ ერთი გარემოება: „ტყე, რომელიც ბატონყმობის დროს თითქმის სოფლის საკუთრებას შეადგენდა, იქ ნადირობას და ხე-ტყის მოჭრას ვერავინ დაუშლიდა, რამდენიმე კაცმა — თავად-აზნაურმა — დაისაკუთრა და უბაჟოდ გარეშე პირს აღარ შეეძლო გაქაქანება“. ამ „ახალი კალონის შემოღებით“ აღშფოთებული გურული გლეხი ერთი პირობა თავს ანებებს კიდევაც ნადირობას, მაგრამ ბოლომდის ვერ ითმენს: „აილო ნება ერთი თავადისაგან და ხელახლა მიჰყო ხელი ნადირობას“. ახალი კანონის მთელი შინაარსი ამ მონადირისათვის მაინც გაუგებარი რჩება, რაც მას დასასრულლ მკაცრად დასჯის კიდევაც.

თუ მეცხრამეტე საუკუნეში გურიის გლეხობა, გულის სიღრმეში, ტყეს ისევ თავის საკუთრებად სთვლიდა, ადვილი წარმოსადგენია, თუ როგორი უნდა ყოფილიყო ხალხის დამოკიდებულება ამ საგნისადმი იმ ხანაში, რომელსაც ჩვენ ახლა ვსწავლობთ.

ვიმეორებთ, თითქმის ყველა ქვეყანაში, უმეტეს წილად, ასეთი თანდათანობით ხდება სათემო მიწების მისაკუთრება და მიტაცება კერძო პირთა მიერ. ამ მხრივ, გამონაკლისს, როგორც ვნახავთ, არც საქართველო წარმოადგენს.

ჩვენ უკვე აღნიშნული გვაქვს სხვა ადგილას, რომ საქართველოს ბარში, ბევრად ადრე აღებულ ეპოქამდის, აღნიშნული მთავარი საადგილმამულო კატეგორიები, „ნაწენებითა ღონიერი“ და სახნავ-სათესი მიწები ძირითადად უკვე ფეოდალური საკუთრებისა და მფლობელობის ობიექტია. ახლა ჩვენი ამოცანაა განვიხილოთ პროცესი სათემო საკუთრების შემდგომი მითვისებისა ფეოდალების მიერ. ამ მხრივ ჩვენი ლიტერატურული წყაროები უაღრესად საყურადღებო ჩვენებებს შეიცავენ. მათი მნიშვნელობა არა მარტო იმაშია, რომ ისინი საერთოდ გვიმოწმებენ საზოგადოებრივი ქონების უზურპაციას ფეოდალების მიერ, მიმძღავრების გზით. ამ ცნობების კიდევ უფრო დიდი მნიშვნელობა იმაში მდგომარეობს, რომ ისინი ამ პროცესის სავსებით გარკვეულ საფეხურს, ეტაპს, წარმოგვიდგენენ.

განსაკუთრებით საინტერესოა ამ თვალსაზრისით ბასილ ზარზმელის თხზულება. აქ მოთხრობილია ზარზმის მონასტრის აშენების ისტორია, და ეს ისტორია უაღრესად საგულისხმოა ჩვენთვის.

ამ მონასტრის აღმაშენებელნი, სერაპიონი და მისი ამხანაგები, მეზობელი პროვინციის, კლარჯეთის მკვიდრნი იყვნენ. მათ, როგორც ჩანს, იმთავითვე გადასწყვიტეს მონასტრის აშენება

სამცხეში (ავტორი ამ არჩევანს ზეგარდმო ნიშნებით ხსნის). სამცხეში კიდეც ისინი ქვაბლიანის ხეობაზე შეჩერებულან. ახლა მთავარი იყო თვით მიწის მიღება. ეს კი არც ისეთი ადვილი ამბავი ყოფილა. პირველად ბერები ერთს მეტად მაღალ მთაზე, ბერას-ჯვარზე გაჩერებულან. მათს წინამძღოლს, სერაპიონს, დაუნიშნავს კიდევაც სამონასტრო ადგილი. მათ საკმაო ხანს დაუვანებით კიდევაც იქაურ, უცყვისად წოდებულ, ხევის ბოლოში, იმ ადგილას, რომელსაც თურმე ძინძეს ეძახდნენ. ეს ადგილი უმეტესობას ძალიან მოსწონდა, იგი ტყიანი და უდაბური ყოფილა: „განიცადეს და იხილეს, რამეთუ უდაბნო იყო და ტყე და შეცკულ ტყეთა და ხეთა, და შეიყვარეს იგი ძმათა მათ“. აქ ბერებს მშენებლობაც კი დაუწყიათ, — „ველ-ყვეს და იწყეს შენებად მცირე ტალავარი და ადგილი რამე მონასტრისა და დაყენეს მუნ არამცირედნი დღენი“, — მაგრამ შემდეგ საქმე ცუდად დატრიალებულა. ეს ხევი, როგორც ჩანს, გარკვეული სოფლის ფარგლებში შედიოდა, თუმცა იქ მეკომურები არ იდგნენ (ამას ნიშნავს სწორედ ავტორის თქმა, რომ ის ადგილი „უდაბნო“ იყო). როცა უცხო სტუმრების ძინძეში ჩამოთესლების ამბავი იმ სოფლის ბატონს ანუ, როგორც ავტორი ამბობს, „დაბის უფალს“ გაუგია, საშინლად განრისხებულა და ყოვლად უპატივცემულოდ გაუძევებია ისინი თავისი სამფლობელოს ფარგლებიდან: „ხოლო ეუწყა რა უფალთა მის დაბისათა, ვითარმედ უცხოთა ვიეთმე მონაზონთა ჰნებავს ადგილსა მას აღშენებად მონასტერი, მათ არა ინებეს, რამეთუ იყვნეს ყოვლითურთ მკვეცბრივ, უწირავ და ბოროტ; რამეთუ არა ინებეს კურთხევაა წმიდათა მათგან, ამისთჳს ზედა მიეტევნეს მათ და, — ვითარცა იგი წერილ არს კაცთა მათთვის ნაზარეველთა, ვითარმედ „მოიყვანეს ქრისტე წუერამდე მის მთისა, რომელსა ზედა ქალაქი მათი დაშენებულ იყო“, ეგრეთვე წმიდანი ესე [მოიყვანნეს] პირამდი მის მღწარისა, რომელ არს აღმოსავალით ადგილსა მას“. ე. ი. ამ ბატონსა და მის ხალხს ბერებისათვის უკმეხად გამოუცხადებიათ — არც თქვენი ლოცვა-კურთხევა გვინდა და არც თქვენი მონასტერი, მოგვეზორდით თავიდანაო. სერაპიონი და მისი თანამშრომელნი, როგორც ჩანს, გაძლიანებულან. მაშინ ამ ფეოდალს, ალბათ, მსახურებისათვის განკარგულება გაუცია, უტაცნით ხელი დაუპატივებელი სტუმრებისათვის და ძალით გადაურეკნით თავიანთი სოფლის საზღვრებს გარეშე! ავტორი მომხდარ ამბავს მასპინძლების ველურობითა და სიბოროტით ხსნის, მაგრამ ნამდვილი მოტივები სრული გამკვირვალებით მოჩანს.

ამის შემდეგ ბერები სხვა ადგილას მისულან, რომელიც განსხვავებული თვისებების მქონე ყოფილა. მისულნი ძლივს იკათვებდნენ თურმე გზას ამ ტყიანსა და გაუვალ ვიწროებში. ბერებს სჩვენებიათ, რომ ეს ისეთი ადგილია, რომელსაც მათ აღარავინ შეედავება, და ერთმანეთი დაურწმუნებიათ, ეს არის ზეგარდმო ნანიშნები ადგილიო: „წილმოვლეს რა მდინარე იგი (პირველი სოფლის საზღვარი, რომლის გადაღმაც გადარეკილი იყვნენ ბერები) მოვიდეს დასავალით მისსა ვითარ ორ მილიონ (ე. ი. ორი მილის მანძილი გაიარეს), ადგილთა ყოვლად ტყეთა და უვალთა კაცთა მიერ; მიმორავიდიოდეს ქირით და შრომით ადგილთა მათ ვიწროთა, პოვეს ნიშნები და სასწაულები, უწყებული დიდისა მისგან მოძღურისა, და განიხარეს დიდითა სიხარულითა“-ო. მოსულებმა მაშინვე ნაპოვნ ადგილას „მცირე ტალავარი“ ააშენეს. ამ ქვეყანაში „მთავარი“ გიორგი ჩორჩანელი იყო. ეს დიდი ფეოდალი იმავე დროს დიდი მონადირეც ყოფილა, როგორც კარგ აზნაურს შეეფერებოდა, და ჩვეულებრივად თურმე სწორედ იმ ადგილებში ნადირობდა, სადაც კლარჯეთიდან მოსულმა მონოზნებმა დაისადგურეს. გიორგის აქ ერთ ადგილას სპეციალური სანადირო სახლიც კი ჰქონია აგებული: „...უმრავლესთა ჟამთა ინადირობნ იგი ადგილთა მათ ცხრაოკა წოდებულთა, რამეთუ იყო მუნ სიმრავლე თხათაჲ და სხუათა ნადირთა ველურთაჲ, და არეთა მას ეშენა სახლი, რომელ, [უკუეთუ] ოდესმე ეწიის ლამე, სადგურ-ყვიან მათს შინა სიბნელისათჳს ლამისა და უვალობისა და სიჭშობისა ტყეთასა“. ახლაც, როცა ბერებმა აქ დაისადგურეს, მთავარი გიორგი თურმე ამ ადგილებში ნადირობდა: ნადირის დევნაში მას ბერების მიერ დანთებული ცეცხლის კვამლი შეუნიშნავს და მსახურთათვის თავისი გულისწყრომა გამოუთქვამს. გიორგის ეს სიტყვები უაღრესად საყურადღებოა. „ვინაჲ არს ადგილსა იმასა სიჭშოჲ კუამლისაჲ, ანუ თუ ვის რად უქმს ცეცხლი? უკუეთუ ვინმე ეძიებს ნადირთა, რად კადნიერ და ურცხვნო კმნილ არს? დალათუ სხუაჲ საჭირო რაჲ ვის უქმს, ჩუენ ვითარ არა მეცნიერ ვართ?“ ეს რომ ზუსტად აღმოვიდოთ ახალ ქართულზე, შემდეგს მივიღებთ: „საიდან არის იმ ადგილას ხშირი კვამლი? ან ვის რად სჭირია იქ ცეცხლი? თუ ვინმე ნადირს ეძებს, ასე როგორ გაკანდიერებულა და გაუსირცხვილოებულა? ხოლო თუ სხვა რაიმე საჭიროება გასჩენია, ჩვენ როგორ არა გვაქვს ამის შესახებ ცნობა?“ აქ პირდაპირ არის გამოთქმული მთავრის უფლებები ამ ულრან ტყეზე: თუ მეორე ფრახას კიდევ შეიძლება ორმაგი აზრი ჰქონდეს (მთავარი აღშფოთე-

ბულია ამ ტყეში სხვა მონადირის გაჩენის შესაძლებლობით ან იმის გამო, რომ ეს მისი ნადირობის დროს ხდება, ან იმიტომ, რომ მას ამის შესახებ წინასწარ არ დაჰკითხებია), სამაგიეროდ უკანასკნელ წინადადებაში აზრი უკვე სავსებით ნათელია: მთავარი პირდაპირ აცხადებს, რომ იგი „მეცნიერ“ უნდა იყოს, ე. ი. მას ცნობა უნდა ჰქონდეს ყოველგვარი სამეურნეო საქმიანობის შესახებ, რასაც ამ ტყეში განიზრახავს ან შეასრულებს ვინმე, ვინც არ უნდა იყოს იგი. რადგანაც შემდეგშიაც ტექსტში არა ერთგზის არის აღნიშნული, რომ მოქმედება ხდება სავსებით „ულვაწ“, „უვალსა“ და „უქმ“ ადგილას, სადაც „კაცის ყოფა“ და „კვამლი ცეცხლისა“ საერთოდ საკვირველი ამბავია, რომ იქ მოძრაობა მხოლოდ განსაკუთრებული „ქირით და შრომიო“ შეიძლება, ისე რომ ჩორჩანელისთანა დიდკაცებისათვის ბერების სადგურში ცხენით მისასვლელად საჭირო ხდება სპეციალურ ღონისძიებათა განხორციელება („რათა მზაყენენ გზანი, მიმყვანებელნი ადგილსა მას“), და მიუხედავად ასეთი ზომებისა მაინც საჭირო ხდება, მთავრის მოგზაურობისას, კიდევ ქვევითი ხალხის წინდაწინ გაგზავნა ამავე მიზნით („წარავლინა წინდთ მკარცხლმავალნი, რათა განჰმზადებდნენ გზათა“),— რადგანაც, ვიმეორებთ, ადგილი ასე მკაფიოდ და რელიეფურად არის დახასიათებული, ამიტომ ექვი აღარ უნდა დაგვრჩეს, რომ უწყებულ ტყეში შეუძლებელი იყო სხვაგვარი სამეურნეო საქმიანობა, თუ არ იგივე ნადირობა,— პირველი რიგში, ტყეური ნაყოფის გროვება,— მცორე რიგში, და, ბოლოს, განსაკუთრებული გაჭირვებისა და ენერჯის დახარჯვის პირობებში, ხე-ტყის მასალის დამზადება. ამიტომ გასაგებია, რომ მთავარი გიორგი ჩორჩანელი ტყეზე თავის უფლებებს ავრცელებს იმ ფარგლებამდის, რომ სხვა პირთა ნადირობასაც აქ თავის ნებადაურთველად არ გულისხმობს. შემდეგი ამბები ამ დასკვნას სავსებით დაგვიდასტურებენ.

ჩორჩანელი ჯერ თავის მსახურ-მახლობელთა საშუალებით და, შემდეგ, პირადადაც უკავშირდება სერაპიონსა და მის ქამხანაგებს, იგებს მათ ვინაობას და განზრახვას. ბერებიც შეიტყობენ მსახურისაგან, რომ გიორგი „დიდი მთავარია“, „მთავარია და უფალი (ბატონი) ადგილთა მათ“, და, საერთოდ დაწვრილებითი გამოძიებით რწმუნდებიან, რომ იგი მართლაც „უფალი არს მათ ადგილთა და მპყრობელ ყოველთა მათ სანახებთაჲ (მიდამოებისა)“. როცა ჩორჩანელი თვითონ ინახულებს ბერებს მათს სადგომში, ისინი გამოუცხადებენ მას „საღვთო ბრძანებას“, სწორედ ამ

ადგილას უნდა აშენდეს მონასტერიო. რაკი ჩორჩანელი ამ ადგილის „უფალია“, მთელი იმ არემარის „მპყრობელია“, ამიტომ ბერების მიმართვა მისდამი, ამ შემთხვევაში, თხოვნას უდრის, რათა მთავარმა ინებოს „საღეთო ბრძანების“ განხორციელება. ასე უყურებს საქმეს თვით ჩორჩანელი: „ნუ დაამძიმებთ ჩემ ზედა. სათხოველსა“, ეუბნება იგი სტუმრებს, ნუ დაიჟინებთ ამ სათხოვარსაო. მთავარი საზოგადოდ მოხარულია, რომ მონასტერი შენდება, იგი წინააღმდეგია მხოლოდ არჩეული ადგილისა, აქ განზრახული საქმის შესრულება შეუძლებელია (იგულისხმება ბუნებრივი პირობები), არის სხვა „ადგილი, რომელ მარჯვე არს და მომზავებელ ამათ საქმეთა“-ო, სხვაგან უჩვენებს. ბერები ჯიუტობენ, ზეციური „ნიშნი და უწყებანი“ ამ ადგილზე მიუთითებენო. აქ მცირე კონფლიქტი იბადება: მთავარი ეუბნება ბერებს, მაშ თუ, ეგრეა, ხელს არ შეგიშლით, მაგრამ ვერც შეგიწყობთო. ჩორჩანელი სტოეებს ბერებს და მიდის. შემდეგ იგი ისევ თათბირობს. დაახლოებულ პირებთან. უკანასკნელნი ურჩევენ, ჯერ არს „რათა არა დავაბრკოლოთ გულსმოდგინებაჲ მათი“-ო, თითქოს ზემოთმოტანილი განცხადება ჩორჩანელისა ბერების მიმართ, ხელს არ შეგიშლითო, მთავრის ფარულ განზრახვებს არ გამოხატავდა. მთავარი თავისთან იბარებს კვლავ სტუმრებს და ერთხელ კიდევ წინადადებით მიმართავს მათ, შესცვალონ თავიანთი გადაწყვეტილება: „გვედრები, წმიდანო ღმრთისანო, რათა ერთი მომმადლო მე: რამეთუ არიან ადგილნი მრავალნი და კეთილნი და ნაშენებითა. ღონიერნი და იხილნეთ იგინი, და უკუეთუმცა დიდად მოაშუნდეს. სულსა თქვენსა, აჰა ადგილნი და შესავალნი და ყოველი საქმარი უხუებით“, ტყის მაგიერ კულტურული ადგილები ინებეთ მთელი თავისი შემოსავლით და უხვი ყოველნაირი სახმარითაო. სერაპიონი ისევ თავისაზე დგას და ჩორჩანელი ახლა უკვე მოტყდება, ბერების სურვილს დაჰყვება. ცხადია, რომ ამ მთავრისათვის სამონასტრო ადგილის გამოყოფა და დათმობა ადვილი საქმე არ არის. სხვათა შორის, ბერებთან პირველი საუბრისას, როცა ისინი უარს ამბობენ თავისი არჩევანი ტყის იქით საღმე გადაიტანონ, ჩორჩანელი მათ მწარედ შესძახებს: „ლოცვა ყავთ ჩუენთჳს, წმიდანო, რამეთუ მე არა მშურს ადგილი ესე, ხოლო სხუად თანაღმობაჲ და შეწვენაჲ ყოვლად შეუძლებელ არს“, დაგვლოცეთ და მშვიდობით ბრძანდებოდეთ (ამ სიტყვების თქმისთანავე მთავარი ცხენზე შეჯდა და სასწრაფოდ წავიდა), მე არ მშურს თქვენთვის ეს ტყე, მაგრამ სხვაფრივ კი თქვენი თანაგრძნობა და დახმარება სრულებითა

არ შემიძლიაო. „არა მშურს“ მოცემულ გარემოში საკმაოდ ირონიულად ისმის, ჩვენ მზად ვართ იგი პირუკუ გავიგოთ — ჩორჩანელის საქციელი გვაიძულებს ამას.

უეჭველია, რომ ორსავე მხარეს თავის საფუძველი ჰქონდა. რა მოტივით არჩევდნენ ბერები უღრან ტყეს გაკაფული და გაშენებული ადგილების წინაშე? უნდა ვიფიქროთ, რომ ისინი რალაც უპირატესობას ხედავდნენ მათ მიერ არჩეულ პუნქტში. მთავარს რალა ამოდრავებდა? შესაძლოა მკითხველს ექვიც შეეპაროს, ხომ არ ამახინჯებს ჰავიოგრაფი ფაქტებს? იქნებ სინამდვილეში პირუკუ იყო? მაგრამ ისეთი დაჯინებით არის ზემომოთხრობილი დალაგებული გარკვეული მიმართულებით, რომ ასეთი ექვის დასაბუთება ჯერჯერობით საძნელო იქნებოდა. შეიძლება ასეთი განმარტებაც იყოს წამოყენებული: ამავე თხზულებიდან ვიცით, რომ ჩორჩანელი ძალიან მდიდარი კაცია, ამასთან — უშვილო ქვრივი, მისი უზარმაზარი ქონება ისედაც სხვას უნდა დარჩეს (დარჩა კიდევაც). ამიტომ მისთვის ძნელი არ არის თავისი ვრცელი მამულიდან ჩვეულებრივი ნაკვეთების გამოყოფა მონასტრისათვის (საბოლოო ანგარიშით, იგი არც წააგებს). იმ ტყეს კი, რომელიც მისთვის ყველაზე საყვარელი სანადირო ადგილია, იგი ისე ადვილად ვერ ელევა. „რისთვის ჩავიმწარო სიბერის დღეები“-ო, ალბათ, ფიქრობს იგი. შესაძლებელია ისიც (იხ. ქვემოთ), რომ ტყეს ჩორჩანელისათვის სხვაგვარი (საწარმოო?) მნიშვნელობაც ჰქონდა.

რაკი მთავარი დაეთანხმა ბოლოს და ბოლოს ბერების სურვილს, იგი მათ საგანგებო კაცს ატანს ასეთი დავალებით—გაჰყევი ამათ იმ ადგილებში, რომელიც მოსწონთ, და რასაც დიდიდან სალამომდის შემოუარონ, დამითმია მაგათთვის, „მიმიცემიეს მათა“-ო. მაშასადამე, ტყის გადაქცევა სამონასტრედ მთავრის ნებაყოფლობაზეა დამოკიდებული. იქვე ჩორჩანელი ერთხელ კიდევ ხაზს უსვამს თავის უფლებებს: ყველას გამოუცხადე, „ყოველთავე აუწყე, ვითარმედ თავისუფლებით და ნებისაებრ აშენებენ მონასტრისა-საბრძანებელსა შინა ჩვენსა“-ო.

შეიძვევ ყურადღებას იქცევს ის გარემოება, რომ, მთავრის აზრით, მის მიერ ბერებისათვის ადგილის „მიცემა“ დროებითი და პირობითი ამბავი არ არის, არამედ ამ ადგილის „დაპყრობას“ ნიშნავს მოსულთა მიერ. საყურადღებოა ისიც, რომ მთავარი წინასწარვე შესაძლებლად სთვლის და ითვალისწინებს წინააღმდეგობას ვილაციის მხრივ ამ „დაპყრობის“ მიმართ. ბერებისათვის გატანებულ მსახურს იგი ეუბნება: „უკუეთუ ვინმე იპოოს დამახრ-

წვეელი მათდა უცხოებისათჳს“, თუ ვინმე რამე დაბრკოლება შეუქმნას ამ ხალხს, იმიტომ რომ ისინი „უცხონი“, არა ამ ადგილის მკვიდრნი, არიან, ყველას აუწყე, რომ ჩვენი ნებართვით და თავისუფლებით აშენებენ მონასტერს ჩვენს საბრძანებელშიო. თვით ბერებსაც ასეთ დაპირებას აძლევს: დარწმუნებული იყავით, რომ „ყოვლითა ძალითა თანაშემწე თქუენდა ვარ მე და მზრუნველ, და არავინ წინააღმდეგომ ჩუენდა არს ადგილთა ამათ, რომელთა გეგულეების დაპყრობად“-ო. მეორე დღეს იწყება ეს „გარეშემოწერის“, ე. ი. სამონასტრო საკუთრებად მამულის შემომიჯვნის, თავისებური პროცესი. აქ მჟღავნდება, რომ წინააღმდეგობის წინასწარი შიში უსაფუძვლო არ ყოფილა.

სამონასტრო მამულისათვის მიჯნის დადება თავდაპირველად იმ ადგილას მოუხდომებიათ, სადაც თურმე ორი მდინარე იკრიბებოდა და სადაც წისკვილი და სახლი იდგა. მიუხედავად იმისა, რომ ამ, საძმოდ წოდებულ, ადგილას ორიოდ მეკომური მდგარა, ადგილი მაინც უდაბური ყოფილა: აქაური მოსახლენი სრულიად ველურნი იყვნენ, რადგანაც ასეთ უკაცურსა და უცხო ადგილას ცხოვრობდნენო, ამბობს ავტორი, — „ამას შინა იყენეს კაცნი რაჲმე უკეთურნი, ყოვლად მკვეცბრიენი, ვითარცა ადგილსა უკაცოჲსა და უცხოჲსანი“-ო. ხოლო უკეთურ მხეცებად ჰავიოგრაფი მათ იმიტომ სთვლის, რომ მათ, როგორც კი გაუგიათ ბერების წადილი მონასტრის მომავალი მამულისათვის ამ მხრივ მიჯნად ერთი დასახელებულ მდინარეთაგანი აეღოთ, გაცოფებული წინააღმდეგობა გაუწევიათ, რადგანაც, ჩანს, ეს მათს თვალში მათი საკუთარი ადგილ-მამულის შეკვეცას მოასწავებდა. „იწყეს ყენებად ჩუენდა და, ვითარცა ცოფნი, წინარბიოდეს“-ო. მთავრის მსახური, თავის მხრით, „რისხვით უთქუმიდა“, ემუქრებოდა, მაგრამ, ბოლოს, მოსულნი, ჩანს, დამარცხდნენ და უკუქცეულ იქნენ, რადგანაც სერაპიონი მათ წყევლა-კრულვას უთვლის და მომავალ ღვთის სასჯელს უწინასწარმეტყველებს.

ამ არასასიამოვნო გამოცდილების შემდეგ ბერებმა, ჩანს, საჭიროდ მიიჩნიეს მეტი სიფრთხილე და, ალბათ, გადაწყვიტეს სავსებით გვერდი აეველოთ მეტნაკლებად გამოყენებულ მიწებისათვის და მხოლოდ საკუთრივ ტყის არე მიეჩემებინათ. ამას მომდევნო თხრობა ადასტურებს. „საძმოდან“ მგზავრები ღრმასა და უღალ გოდერძის ხევში შესულან, დიდი გაჭირვებით უვლიათ იქ და ისეთივე გაჭირვებით ასულან ხევის თავზე, სადაც „მცირენი რაჲმე ყანობირნი და მცირე დაბაჲ“ უნახავთ. აქ მათ უკეთ დახვედ-

რიან. უეჭველია, ბერებმა აქაური მეკომურნი დაარწმუნეს, რომ სამონასტრო მიჯნებს ისინი ამ დაბის ფარგლებს გარეთ ავლებდნენ. ეს იქიდანაც ჩანს, რომ ერთი აქაური მოხუცი მოსულთ გზის მაჩვენებლად მიჰყავთ შორ მანძილზე და ეს მათი გზა სულ უდაბურ და უკაცურ ადგილებს მიჰყვება, „ქედთა რაჲმე მალალთა, ტყიანთა და ლოდონთა“, და „ნადირთა შესაკრებელ“ პუნქტებს. ამ მოძრაობისას მგზავრები წააწყდებიან ქედზე ტბას, რომლის შესახებაც მეგზური მათ ასეთ ცნობას აძლევს: „ესე არს ტბაჲ მღრჯე ყოვლადვე, რომელსა ეწოდების სათაჭუე, და არს ამას შინა სიმრავლე თაჭუთაჲ (და) სხვათა ნადირთა, და (არს) დედა შფოთთა და ბრძოლათაჲ. რამეთუ ჟამსა ამას აქა იხილებიან მღვეარნი ნადირთანი, შეკრებულნი თუთოეულთა. სანახებთანნი და ურთიერთას მღვეარნი საქმეთა უჯეროთანი, რომელნი კლვადცა მზა არიან თუთოეულისა“-ო. ტბაში ბევრი ნადირი იცის, განსაკუთრებით თახვი, და მეზობელი მიდამოებიდან მოსული მონადირეები მუდამ ებრძვიან ერთმანეთს და საქმე ზოგჯერ კაცისკვლამდისაც კი მიდისო. თახვი, მართლაც, წყლის ცხოველია (რუს. ნინჲ, ნინჲჲ). აქ ალბათ მისი ის სახეობა იგულისხმება (თუმცა ჩვეულებრივად იგი მდინარეში ცხოვრობს), რომელსაც ძველთაგანვე დიდი სამრეწველო ღირებულება ჰქონდა: თახვს საუცხოო ბეწვი აქვს, რომელსაც უძველესი დროიდანვე სამოსლისა და თავსაბურავისათვის ხმარობენ; გარდა ამისა, ეს ცხოველი იძლევა გარკვეულ სამკურნალო ნივთიერებასაც, რომელსაც მედიცინაში ფართოდ იყენებენ. უეჭველია ამიტომ, რომ მონადირეების ასეთი განსაკუთრებული დაინტერესება აღწერილი ტბით იმით აიხსნება, რომ მათთვის ამ ნადირობას დიდი ნივთიერი მნიშვნელობა ჰქონდა, და არა მარტო გართობის ხასიათი, როგორც ჩორჩანელისათვის, და ეს ნივთიერი მნიშვნელობა იმაში მდგომარეობდა, ესეც ცხადია, რომ აქ მონადირეებულის მასალა კარგი ღირებულების საბაზრო საქონელს წარმოადგენდა და სწორედ ბაზარში გასატანად იყო დანიშნული. ან სხვა რა გამოყენება უნდა ჰქონოდა ამ ხალხის მეურნეობაში, მაგ., თახვს?.

საინტერესოა, რომ როცა ეს ორიგინალური მმიჯნელები ტბისაკენ გაემართნენ, მათმა მეგზურმა მოხუცმა სოფელმა ბერებს სთხოვა, ეხლა კი დროა შინ დავბრუნდე და ნება მიბოძეთო, — თითქოს ითვალისწინებდა, რომ ეს „დედა შფოთთა და ბრძოლათა“ მათაც უსიამოვნებას უმზადებდა.



მართლაც, ტბასთან მიახლოებისას ბერებს წინ შემოეგებებათ „ვინმე კაცნი უკეთურნი“, რომელნიც უკრძალავენ მათ აღებული მიმართულებით სიარულის განგრძობას, ნადირთა მოსვლის ეამია და დაგვიფრთხობთო. მონადირეები კატეგორიულად მოითხოვენ შემდგომი მოძრაობის შეწყვეტას, მგზავრები კი ყურს არ უგდებენ მათ — მთავარ ჩორჩანელის მსახური „ძლიერად წინააღმდეგობოდა მათ“-ო. მაგრამ მონადირეებს მეტი ძალა აღმოაჩნდათ — „არა იყო მათ თანა სმენაჲ, არამედ გარე-უკუ-მოგვაქცინეს“-ო, სიმწარით აღნიშნავეს მთხრობელი.

გამოდის, თითქოს კონფლიქტის ერთადერთი მიზეზი იყო, ბერების ბავშვური და უმიზნო სიჯიუტე — უსათუოდ ნადირი დაეფრთხობოთ მონადირეებისათვის. ცხადია, რომ უთანხმოებას უფრო სერიოზული საფუძველი უნდა ჰქონოდა: ბერებმა საჭიროდ და შესაძლოდ იცნეს ამ ადგილის მისაკუთრება, მონადირენი კი დევთავიანთი კეთილდღეობის წყაროს ცოცხალი თავით არა სთმობდნენ. ისინი შემდეგ ტექსტში „ურჩ კაცებად“ იწოდებიან, ცხადია, ბერთა წადილისა და მთავრის ბრძანების ურჩთა აზრით. ურჩნი სასტიკად იქნენ დასჯილნი: ავტორი გვარწმუნებს, რომ მოხდა „სასწაული“ — „ტბაჲ ესე, მიზეზი შფოთთა და კაცის-კლვათაჲ, განჴმა“, თავისი კლდოვანი ნაპირი გამოხეთქა წყალმა, „ბოროტი და შფოთის მოყვარე“ მონადირეებიც „დაფარა“ და „წისკვლ-სახლნიც“ წალეკათავიანთი „ეშმაკეული“ მკვიდრებითურთ, რომელთაც მონადირეებზე აღრე უჩვენეს ბერებს თავიანთი არაკეთილგანწყობილება. ასეთია ავტორის მიერ მოწოდებული ცნობა ამ ისტორიული შემთხვევლების შესახებ. მაგრამ საფუძველი გვაქვს ვიფიქროთ, რომ „ურჩთა“ წინააღმდეგ გამოყენებული ზემოქმედების მექანიზმს სავსებით მიწიერი ზამბარაკებიც ჰქონდა. ტყუილად კი არ ემუქრებოდა იმთავითვე ჩორჩანელი ყველას, ვინც მისი განკარგულების განხორციელებას ხელს შეუშლიდა.

ახლა ჩვენთვის ნათელი უნდა იყოს წარმოდგენილი სურათის ნამდვილი აზრი. ახლად ასაგები მონასტრისათვის მისი მაშენებელნი ისაკუთრებენ, „იპყრობენ“ სავსებით სპეციფიკურ ადგილს. ეს არის დიდი სივრცის მთის ტყე, სავსებით პირველყოფილი, უღრანი და გაუვალი (როცა ბერებმა დაამთავრეს მისი შემოვლა, „სამოსელი მათი ყოვლად არღარა იყო და ფერხნი მათნი დაჯეჯკილი და დაბძარულ იყვნეს“, მათი თანამგზავრი მთავრის მსახური კი ჩიოდა, სულიც აღარ შეგვრჩაო). მხოლოდ ამ ტყის პერიფერიაზე „არიან ადგილნი მცირედ კაცრიელნი“. აქა-იქ

რამდენიმე მეკომურს ახლ გაუქრია და ჩამდგარა, მათი ადგილები მაინც „უკაცოდ და უცხოოდ“ ითვლება. ჩანს, გარშემო მოსახლეობის საკმაო სიმჭიდროვე და, ამ მიზეზით, მიწის სივიწროვე იგრძნობა ალბათ, — თვით ტყე ფეოდალის გართობისა და წვრილი მონადირეების ექსპლოატაციის ობიექტია. იღებენ ამ ტყეს ბერები ფეოდალისაგან, რომელიც მას თავისი „საბრძანებლის“ ნაწილად და თავის საკუთრებად სთვლის. მაგრამ სხვანაირად უყურებს ამ საქმეს ხალხი: აშკარაა, რომ იგი ფეოდალის ამ უფლებებს არ ხედავს, რომ იგი ჯერ კიდევ არ შერიგებია ტყის დაკარგვასაც, მასზე თავისი უძველესი თემური უფლების გაუქმებას. ამ ნიადაგზე ჩნდება აღწერილი მწვავე ბრძოლა. ცხადია, რომ ჩვენ თვალთა წინ ის ხანაა, როდესაც მიწისათვის ბრძოლის უკანასკნელი მოქმედება სრულდება, სათემო ადგილმამულის ფეოდალთა მიერ მიტაცების უკანასკნელი ეტაპი. ამავთუ სწორედ მოცემული ცნობების ღრმა მნიშვნელობა.

გასაგებია ახლა ძინძეს მფლობელის საქციელიც. ეს პატარა მემამულეა, რომელიც მოკლებულია შესაძლებლობას ჩორჩანელის „ხელგაშლილობით“ დაპხედეს ბერებს. მას არ უნდა ამიტომ თავის მამულში მონასტრის გაჩენა. ჩვენ გვაქვს სხვა ცნობებიც წვრილ მესაკუთრეთა მეზობელ მონასტერთან უთანხმოების შესახებ.

დასასრულ, განხილული მდგომარეობის მნიშვნელობის შესაგნებად მთელი სისრულით უნდა მოვიგონოთ ადგილი, სადაც მოქმედება ხდება. ეს იგივე ქვაბლიანის ხეობაა, სადაც ჩვენ ჯერ კიდევ მეექვსე-მეშვიდე საუკუნისათვის მიწის ყიდვა-გაყიდვის ფაქტი დავადასტურეთ (იხ. წყისეს წარწერის ანალიზი ჩვენს [ნაშრომში] „ფეოდალური რევოლუცია საქართველოში“; თვით სოფლები წყისე, ზანავი, ჩორჩანი, ზარზმა ძალიან ახლოს არაან ერთმანეთთან). მაშასადამე, მიწის შემოსვლა საერთო მიმოქცევის სფეროში სრულებითაც ახალი ამბავი არ ყოფილა ამ რაიონისათვის.

მეორე მხრით, ქვაბლიანის ხეობა თუმცა კულტურულს, მაგრამ მაინც საკმაოდ მალალ ზონას ეკუთვნის. ამ რაიონის დაწინაურებისათვის ხელი უნდა შეეწყოს იმ გარემოებას, რომ აქ ძველთაგანვე გადიოდა მეტად მნიშვნელოვანი გზა, რომელიც, არსიანის ქედის გადალახვით, აჭარა-შავშეთსა და ზღვისპირთან აკავშირებდა სამცხე-ჯავახეთსა და აღმოსავლეთ საქართველოს. ჩვენ სრული უფლება გვაქვს, ანალოგიის ძალით, დაახლოებით იგივე ურთიერთობა ვიგულისხმოთ სხვა ძირითად კულტურულ რაიონებშიაც.

## ვახუშტი ქართული ფეოდალიზმის შესახებ<sup>1</sup>

ვახუშტის მეცნიერული მემკვიდრეობა მრავალმხრივ გახლავთ მნიშვნელოვანი და საყურადღებო.

ჩემ დღევანდელ მოხსენებაში მე მინდა შევეხო მხოლოდ ერთ საკითხს, საკითხს ვახუშტის შეხედულებათა შესახებ ქართული ფეოდალიზმის, როგორც საზოგადოებრივი წყობილების, თავისებურებებსა და დაწესებულებებზე.

ზოგადი ხასიათის ნარკვევში, რომელიც ვახუშტის მთავარ თხზულებას, „საქართველოს ცხოვრებას“, შესავლის სახით წინ უძღვის, ავტორი ცდილობს წარმოადგინოს ძველი საქართველოს საზოგადოებრივი ევოლუციის სურათი. ლეონტი მროველის კონცეფციის თავისებური განმეორების შემდეგ, აქ ვახუშტი ძველი საქართველოს სოციალური და პოლიტიკური ურთიერთობის შემდეგ სქემას იძლევა: „ხოლო წესნი აქუნდათ: რამეთუ კერპთა მღუდელთა პატივი და რიგნი იყუნენ ცალ-კერძათ, ვითარცა სულიერთა. ხოლო სოფლიერთნი: პირველი ერისთავნი, ბ) მთავარნი, გ) აზნაურნი, დ) ვაჰარნი, ე) მსახურნი<sup>2</sup>, ვ) მუშაკნი გლეხნი“. ადვილი შესამჩნევია, რომ აქ ადმინისტრაციული წყობა არეულია სოციალურში. სხვათაგან, ძველი (ვახუშტისათვის — წინაქრისტიანული ხანის) საქართველოს ძირითადი საზოგადოებრივი დაჯგუფებანი აქ წარმოდგენილია სრულად და მართებული იერარქიული რიგით: მუშაკნი გლეხნი, ე. ი. ძირითადი მწარმოებელი კლასი, მსახურნი, ვაჰარნი, აზნაურნი. ერისთავთა და მთავართა ცალ-ცალკე დასახელებით ვახუშტის უნდა, ერთი მხრით, უჩვენოს უმაღლესი პროვინციული სამოხელეო ფენა (ერისთავნი), ხოლო მეორე მხრით — აზნაურობის, ფეოდალთა კლასის უმაღლესი

<sup>1</sup> მოხსენდა საქ. მეცნ. აკადემიისა და სტალინის სახ. თბილისის სახ. უნივერსიტეტის გაერთიანებულ სესიას, მიძღვნილს ვახუშტი ბაგრატიონის ნაშრომის „საქართველოს ცხოვრების“ გამოქვეყნების 200 წლისთავისადმი (18. XI. 1945). ნაწილია უფრო ვრცელი ნარკვევისა.

<sup>2</sup> საყურადღებოა, რომ მსახურთა შორის ვახუშტი გამოყოფს „ტაძრულეებს“ (იქვე, 20, 38) — დამოწმებულია ბროსესა და ლომოურ-ბერძენიშვილის გამოცემები.

ფენა, რაც აგრეთვე კარგად უპასუხებს ისტორიულ სინამდვილეს. ქართული „ერისთაობის“ განვითარებას ვახუშტი, საზოგადოდ, განსაკუთრებულ ყურადღებას აქცევს თავის დიდ ნაშრომში. ამაში უეჭველად გამოჩნდა ვახუშტის მახვილი თვალი და სწორი ისტორიული ალლო, ვინაიდან „ერისთაობის“ ევოლუციამ მართლაც განსაკუთრებული როლი შეასრულა ქართული ფეოდალიზმის ისტორიაში. „ერისთაობისა“ და „მთავრობის“ განვითარების ხაზები კი არა ერთგზის გადასჭდობია ერთმანეთს. ამ ორი მოვლენის შესწავლა ურთიერთ კავშირშია აუცილებელი.

ერისთაობის შესახებ ვახუშტი წერს: „წესი ერისთავთა იყო მეფისა მიერ განწესება ქვეყანათა მიმართ და მის მიერ მოურნეობა. სამართალი და ლაშკარნი მის ქვეყნისანი მის ქვეშევრდ იყუნენ, და იგინი მოჰკრეფდნენ ხარკთა სამეფოთა. ხოლო ესე ერისთავნი დაიდგინებოდნენ მთავარნი და წარჩინებულნი, და ძენი მათნი შეცვალებით“. აქ საყურადღებო დაკვირვებებია მოცემული და, გარდა ამისა, გაკვრით დასახელებულია კიდევ ერთი საზოგადოებრივი დაჯგუფება — „წარჩინებულნი“, ან, უფრო სწორედ რომ ვთქვათ, უმაღლესი საზოგადოებრივი ფენის კიდევ ერთი სახელწოდებაა წყაროებიდან ამოღებული. მეორე ადგილას ვახუშტი იხსენიებს „დიდებულთა“ც, რომელთაც იგი, ჩანს, „წარჩინებულებთან“ აიგივებს (აღდგომის წირვის შემდეგ „აღიხსნიდიან პირთა მეფე და დიდებულნი. შემდგომად გამოვიდის მეფე და ყოველნი წარჩინებულნი და მცირებულნი ასპარეზსა ზედა“, ამბობს ვახუშტი: იქვე, 32 (21).

შემდეგ ვახუშტი თვით ამ საზოგადოებრივ ჯგუფებს ახასიათებს: „ხოლო წესნი მთავართა იყო გვარი და შთამამავლობა, ქართლოსიანობა და პატივი მისი. ხოლო უკმთუ მეფისა წესსა შინა იყო იგი, უმეტეს პატივიცემოდა. არამედ მთავრისა ჯერ იყო, რათა აქუნდეს ჩამომავლობა და გვარი იგი და ამის მიმართ ციხე-ქალაქი, სიმაგრე და ხეობანი, და თვნიერ ამისა არა ისახელებოდა მთავრად. ხოლო აზნაურსა აქუნდა გვარი და ჩამომავლობა, და სიმაგრე რაიმე მათთა ანუ ბართა, და დაბნები, და ძალედვას გამოსლვა მარქაფითა, კარვითა და მათთა გაწყობილებითა, და თვნიერ ამისა არა იწოდებოდა აზნაურად. ხოლო ვაჭართა პატივი იყო აზნაურისა ქვემოთ და ვიეთთამე სწორი. და შემდგომად პატივი მსახურთა მეფისათა, გლეხთა ძეთა, და მერმე ჩინებულთა მათთა წესისა მიერ პატივი მსახურთა მათთა, და შემდგომად ამათთა — მუშაკთა-გლეხთა. რამეთუ სისხლნიცა

„ეგრეთ სდიოდათ ჩინებისა მათისა მიერ: ზეიღამ ქვეით ნახევრად ანუ ქვეიღამ ზეით ერთორად“.

თუ ვახუშტის მცდარ ისტორიულ პერსპექტივს არ გავუწევთ ანგარიშს (ვახუშტი მოცემულ სურათს, ჩანს, ერთნაირად ავრცელებს როგორც მირიან მეფის, ისე დავით აღმაშენებლის ხანაზე), უნდა ვთქვათ, რომ აქ ფეოდალური საქართველოს საზოგადოებრივი ჯგუფები ავტორის დროისათვის განსაკვიფრებელი სიღრმით არის აღწერილი. შემჩნეულია წოდებრივი საზოგადოების დამახასიათებელი ნიშანი — სოციალურ-იურიდიული მდგომარეობის მემკვიდრეობითი თვისებები — „გვარისა და შთამომავლობის“ აუცილებლობა. შენიშნულია მემკვიდრეობითი უფლებების უკმარობა იმისათვის, რომ კაცი ამ საზოგადოებაში „ზეით“ იღგეს, — დახასიათებულია ამ „ზეით დგომის“ მატერიალური საფუძველი: აუცილებელია მთავარს შთამომავლობის გარდა, ან უკეთ, შთამომავლობასთან ერთად, „ამის მიმართ“, როგორც ამბობს ვახუშტი, ჰქონდეს „ციხე-ქალაქი, სიმაგრე და ხეობანი“ (უკანასკნელი ტერმინი გულისხმობს ვრცელი მოსახლეობის შემცველ მიწა-წყალს რომელიც, გარკვეული საფეხურის ფეოდალური სახელმწიფოს აღნაგობის შესაბამისად, მსხვილ ადმინისტრაციულ ერთეულსაც ქმნიდა), და ასევე აუცილებელია აზნაურსაც ჰქონდეს „სიმაგრე რაიმე მთათა ანუ ბართა და დაბნები“ (ე. ი. სოფლები). ვახუშტიმ ისიც კარგად იცის, რომ ამ მატერიალური საფუძვლის დაკნინება აქარწყლებდა „გვარისა და შთამომავლობის“ მნიშვნელობას, და რომ არსებითად ფეოდალური საგვარეულოს სიძლიერე მამულის სიდიდეზე, კერძოდ მის გაუყოფლობაზე იყო დამოკიდებული. ასეთი, თავისი დროის ფეოდალური სახლების შესახებ ვახუშტი ამბობს, აშკარად უკეთებს რა მახვილს ჩვენ მიერ აღნიშნულ მომენტს: „გარნა ამათ მთავართა შორის აწინდელთა ეამთა უწარჩინებულესნი და შემძლებელნი ესენი ოყენენ და გაუყრელნი სახლნი აქუნდათ (ხაზი ყველგან ჩვენია, ს. ჯ.): პირველი მუხრანის ბატონი, არაგვის ერისთავი, ქსნის ერისთავი, ამილახორი და ყაფლანიშვილი, ზემო ციციისშვილი, ოდეს გაუყრელი იყო, და სომხითის მელიქი“ (იქვე, 44-46 (25)). ზოგადი დასკვნის სახით კიდევ ამ საკითხის შესახებ ვახუშტი შენიშნავს: „გააზნაურშვილებულნი: ვითარცა რატისშვილი, ქსნის ერისთავის განაყოფი, ვით იხილვების მამულითა, ხოლო აწ დამცირებულნი. ხოლო ზედგინიძე, სააკაძე, ელიოზისშვილი, ამათგან გამთავრებულნი ესრეთ, რომელნიმე ამაღლებულან და რომელნიმე

დამდაბლებულან ქამთა ცვლილებითა ანუ გაყრითა ძმათათა“ (46 (25)).

თუ როგორ მნიშვნელობას მიაწერდა ვახუშტი მემამულეობას. აზნაურობისათვის, ეს კარგად ჩანს იმ შემთხვევებიდან, როცა იგი ფეოდალურ საგვარეულოთა გენეალოგიებს არკვევს მემამულეობის მიხედვით. ასე, მაგ., ვახუშტი ამბობს: „ხოლო ზურაბისშვილს, იარალისშვილს და სოლალაშვილს იტყვიან არა ბარათიანობასა, არამედ მამულნი და სასაფლაონი მათნი აჩენენ მასვე ყოფასა“ (იქვე, 42 (24); ... „აბაშიძე, ფალავანდიშვილი და ამირჯიბი, ჟამთ ერთობასა შინა აქუნდათ მამულნი იმერეთს და ქართლსა შინა, და შემდგომად განყოფისა სამეფოსა, ერთი ძმა იქით და ერთი აქათ დაშთენენ, ვითარცა აჩენს მამულნი და სიგელნი მათნი“ (42—44) (24—25). „სიგელი“ იმავე მემამულეობის იურიდიული ანარეკლია მხოლოდ; ვახუშტივე ამტკიცებს, რომ რატიშვილი არის „ქსნის ერისთვის განაყოფი, ვით იხილვების მამულითა“ (46 (25)).

შემდეგ, ვახუშტისათვის ასევე კარგად არის ცნობილი სამხედრო საქმისა და სამსახურის განსაკუთრებული მნიშვნელობა ფეოდალურ საზოგადოებაში. მამულსა და შთამომავლობას გაბატონებული წრეებისათვის ახალ სიძლიერეს ანიჭებს სამეფო სამსახური: ... „წესნი მთავართა იყო გვარი და შთამომავლობა, ქართლოსიანობა და პატივი მისი. ხოლო უკმთუ მეფისა წესსა შინა იყო იგი, უმეტეს პატივიცემოდა“ (12 (14)). მთავრისავე აუცილებელ თვისებად სთვლის ვახუშტი „ციხე-ქალაქისა და სიმაგრისა“ ქონებას (იქვე). კიდევ უფრო მკაფიოდ ესევე აზრი გამოთქმულია აზნაურის შესახებ: ... „აზნაურსა აქუნდა... სიმაგრე რაიმე მთათა ანუ ბართა... და ძაღედვას გამოსლვა მარქაფითა, კარვითა და მათითა გაწყობილებიზა“ (იქვე). ვახუშტიმ ისიც იცის, რომ სამეფო სამსახურში დაწინაურება ზოგჯერ შეეძლოთ „გლებთა ძეგბსაც“ (აქ „გლები“ ნახმარია, რათქმუნდა, მერმინდელი ზოგადი გაგებით), და რომ სხვა „მსახურთა“ შორის „მსახურთა მეფისათა“ მეტი პატივი ჰქონდათ. შთამომავლობა, დიდი მამული, მოწყობილი სახელმწიფოებრივ რიგზე, სახელმწიფოებრიობის ელემენტთა მეტნაკლები თვალსაჩინოებით და სამეფო, სამოქალაქო და სამხედრო სამსახური შესაფერ პირობებში — აი, როგორ ეხატება ვახუშტის გარკვეული ხანის ქართველი ფეოდალის პორტრეტი.

სამხედრო საქმის ისტორიას ძველ საქართველოში ვახუშტი საერთოდ განსაკუთრებულ ყურადღებას აქცევს. პირველი პერიოდის სამხედრო საქმის ორგანიზაცია მას ასე აქვს, მაგ., აღწერილი: „ხოლო ლაშქართა წესნი აქუნდათ: მეფეთა ჰყვა როქითა, რაოდენი ძაღედვა, სპანი მცველად თჯსად, ვითარცა იტყვის მირიანისასა და აღმაშენებელისასა [სამოც] ათასსა მარადის მცველად მისად. და დავითთასა არლარა განიყოფოდა საქურქლე სპათა ზედა, და პატივი ამათი იყო სხვა. ხოლო სხვანი სპანი იყუნენ ქვეყანათაგან და ერისთავთა ქვეშე დაწესებულნი, რომელთა მოუწოდიან ჟამად“ (14 (14)). მაშასადამე, ერთი მხრით — „როქის სპა“, რომელიც, — ეს დაკვირვება ვახუშტისა შესანიშნავია! — „მცველად“ მეფისა და ცენტრალური ხელისუფლებისა არის მოწოდებული; მეორე მხრით, „საქვეყნო“ ლაშქარი, ე. ი. ჩვეულებრივი ფეოდალური რაზმები, რომელნიც „ერისთავთა ქვეშე დაწესებულნი“ არიან და რომელთაც მხოლოდ დროგამოშვებით, „ჟამად“, საჭიროების დროს ჰკრებენ. იცის, რათქმუნდა, ვახუშტიმ ისიც, რომ მეფეს ჰყავდა სახასო ვასალების ფეოდალური რაზმიც (შეადრ. შენიშვნა „სადროშოს“ მუხლში: „ხოლო მეფისა აღმის მპყრობელნი ქართველნი და რომელნი როქით სპანი ეპყრნეს მეფესა“, 34, 22; „ქართველნი“ აღნიშნავს ქართლის თემის მხედრობას). უაღრესად საყურადღებოა ვახუშტის შენიშვნა „სპათა ზედა საქურქლისა არა განყოფისათვის“. ვახუშტიმ იცის აგრეთვე, რომ სამხედრო საქმეში შემდგომ ხანებში გარკვეული ცვლილებები მოხდა, მაგრამ ამის შესახებ ქვემოთ.

აქვს თუ არა ვახუშტის წარმოდგენა მის მიერ აღწერილ საზოგადოებრივ ჯგუფთა შედარებითი სოციალური მდგომარეობისა და მათ შორის არსებული ურთიერთობის შესახებ? დიახ! ჯერ ერთი, როგორც ვნახეთ, მას აღნიშნული აქვს, რომ თითოეულ ამ ჯგუფთაგანს თავისი „პატივი“ ჰქონდა, რომ ცალკეული ჯგუფებიც კი ამ მხრივ შინაგან დანაწილებული იყვნენ, რომ, მაგ., „ვაქართა პატივი იყო აზნაურისა ქვემოთ და ვიეთთამე სწორი“ (იქვე, 12 (14)). ამასვე მიუთითებს ცნობა სისხლის ფასზედაც: ... „სისხლნიცა ეგრეთ სდიოდათ ჩინებისა მათისა მიერ, ზეიღამ ქვეით ნახევრად, ანუ ქვეიღამ ზეით ერთორად“ (14 (14)), და სისხლის დაურეების განმარტება „უმალღეს-უმდაბლესთა“ „პატივისა და წესის“ მიხედვით: „ხოლო მკულელისა მის თანამდებ იყო, რათა დაეურვა თეთრითა და საქონლითა პატივისა და წესისა მისისა სისხლი. ხოლო უკმთუ უმაღლესმან მოკლის

უმცირესი, დაუურვის სისხლი, ხოლო უმდაბლესმან თუ მოკლის-  
უმალღესი, დაუურვის სისხლი და განიძის მამულისაგან რაოდენსამე-  
წელსა“ (14—16 (15)); ე. ი. ერთისადიამვე დანაშაულისათვის კაცო-  
ისჯებოდა სხვადასხვანაირად, იმისდა მიხედვით, თუ როგორი ად-  
გილი ექირა მას საზოგადოებასა და სახელმწიფოშიო. ასევე „ჩინე-  
ბისა მიერვე“ უნდა დაურევებულყო სისხლი სხვა დანაშაულობი-  
სათვისაც, კერძოდ, დაწინდულ ქალთა წაგვრისა თუ დატოვებისა-  
თვის (16 (15)).

ამ ჯგუფთა შორის ყველაზე უმდაბლესის, გლეხთა, სოცი-  
ალური მდგომარეობა ვახუშტის სხარტულად აქვს გამოხატული  
იმ ეპითეტში, რომელსაც იგი თან აყოლებს დასახელებულს წო-  
დებრივ ტერმინს — „მუშაკი“ („მუშაკნი-გლეხნი“, 14). ფეოდალურმა  
საზოგადოებამ გლეხობას, ძირითად მწარმოებელ კლასს ამ საზო-  
გადოებისას, სწორედ „მუშაკობა“ დააკისრა, როგორც მისი უმთავ-  
რესი ფუნქცია (შეადრ. შოთას „მუშა მიწყევ მუშაკობდეს, მეომარი-  
გულოვნობდეს“). ამ „მუშაკ-გლეხთა“ და ციხოსან-კარვოსან, მაღალი  
შთამომავლობის მქონე თუ „მეფისა წესსა შინა“ მყოფ მთავარ-  
აზნაურთა ურთიერთდამოკიდებულების შესახებ ვახუშტის თავისი  
შრომის არა ერთ ადგილას მრავალი საგულისხმო დაკვირვება  
აქვს გამოთქმული, მაგრამ ამის შესახებ შემდეგ. აქ კი უნდა აღ-  
ვნიშნოთ, რომ ვახუშტის აღწერილი აქვს სწორედ პატრონყმური  
ურთიერთობის, როგორც იგი ჩვენ გვესმის, ერთი მხარე: ... „ძვე-  
ლითგანვე იყო წესი ესე, რაჟამს მოკუდის ერისთავი, ანუ მთავარი  
ანუ ჯელისუფალნი, ანუ აზნაური ჩინებულნი, მოართვიან მეფესა  
მის მომკუდრისა ჳრმალი, ცხენი და უხუცესი ძე მისი, ხოლო  
მეფე ჯელისუფლობისა და ერისთობისა წესსა, ვისიცა ენება, ღირ-  
სებისაებრ მიუბოძის და ოდესმე ძესაცა, უკჷთუ ღირს იყო ანუ;  
ძალედვა მოურნეობა მისი. ხოლო ცხენი წარიყვანიან სამეფოთ,  
და ჳრმალს მოარტყმიდა წინაშე მეფისა მსახურთუხუცესი ძესა მის-  
მომკუდრისასა, და დააწესიან ტაძრეულად ანუ სხვათა სამეფოთა  
მსახურებათა შინა ღირსებისაებრ“ (38 (23)).

ჩვენ აქ ველარ შევჩერდებით ვახუშტის სხვა შენიშვნებზე  
აღძრული საკითხების გარშემო, კერძოდ, მის საყურადღებო ცნო-  
ბებზე სამღვდელოების შემადგენლობისა, როლისა და უფლებამო-  
სილობის შესახებ, ისევე როგორც მის მიერ აღწერილ სამეფო-  
სამოხელეო თანამდებობათა (ხელისუფალთა), დარბაზის ერთა და  
სხვათა შესახებ. ეს შორს წაგვიყვანდა. აქ განსაკუთრებით ის  
უნდა აღვნიშნოთ, რომ ვახუშტისათვის აღწერილი



საზოგადოება გაშეშებული არ ყოფილა, ვახუშტის იგი განვითარებაში ჰყავს წარმოდგენილი. მისი აზრით, თავდაპირველ მდგომარეობას შემდეგ უჩნდება „შეძინებული წესი“ (28 (19)). „შეძინებული წესი“, ის ახალი, რაც ქართველ საზოგადოებაში გაჩნდა გარკვეულ ხანაში, შედეგია, ვახუშტის აზრით, როგორც გარეგანი, ისე შინაგანი მიზეზებისა. გარეგანი გავლენის შედეგად ჩნდებიან „შერეულნი წესნი“ (34), ე. ი. შემორეული, შენოსული, „შეშლილი“ თვისებები. ამ მხრივ, ვახუშტის წარმოდგენით, დიდი ზემოქმედება მოუხდენიათ მონღოლებს, თურქებს, სპარსებს. პირველთა შესახებ, მაგ., ვახუშტი შენიშნავს: ... „წესნი ესენი რომელნიმე ფლობასა თათართა ყენობისასა შეიშლებოდნენ“ (34; ციტატა ამოღებულია „გეოგრაფიის“ ლომოურ-ბერძენიშვილისეული, გვ. 22, და ჯანაშვილისეული, გვ. 20, გამოცემებიდან, რომელნიც უფრო სწორ საკითხავს იძლევიან). შემდეგ ვახუშტი აღწერს ამ ახალ მოვლენებს, რომელნიც „უჯერონი“ ყოფილან, მათ შორის ისეთებსაც, როგორცაა „მეფეთა წინააღმდეგობა და განდგომილება“ (36 (22)). შემდეგ, ვახუშტის აზრით, ძველი წესწყობილება აღუდგენია გიორგი ბრწყინვალეს: „ხოლო შემდგომად ბრწყინვალემან მეფემან გიორგიმ კვალად აგო წესსავე მას ძველსა ზედა“... და ასე გაგრძელებულა „ვიდრე შიხთა მეფეთა სპარსთათა გამოჩინებისამდე“ (იქვე). ყოველივე ამის შედეგად გაჩნდა „აწინდელი წესი“: „გარნა თუმცა სამცხეს და კახეთს შემოერიათ,— მათ ურუმთაგან და ამათ ყიზილბაშთაგან,— წესნი რაიმე მათნი, არამედ ქართველნი და იმერელნი ეგნენ ზნეთა მათ ზედავე. ხოლო აწინდელთა ჟამთა აქუნდათ წესნი იგინივე და შერეულნი ყიზილბაშთა ესენი“ (36 (23)). შემდეგ განმარტებულია ეს „შემორეული აწინდელი წესი“, ქართლ-კახეთისათვის — „ყიზილბაშთა (სპარსების) რიგისა“, მესხეთისათვის — „ურუმთა (თურქების) რიგისა“, ხოლო იმერეთისათვის — „ურუმულთაგან შერეული“ (ეს სწორი, ჩვენი აზრით, საკითხავი ლომოურ-ბერძენიშვილისა და ჯანაშვილის გამოცემებს ეკუთვნის, 23 და 21; ბროსეს გამოცემაში — „ურუმულთაგან“, 38). მაშასადამე, და ესეც საყურადღებოა, ვახუშტი არჩევს მთლიანად შეთვისების შემთხვევას ადგილობრივისა და უცხოს შერევის შემთხვევისაგან.

მაგრამ ჭეშმარიტად საკვირველია, ვახუშტის ეპოქისათვის, ჩვენი სახელოვანი ისტორიკოსის ღრმა მსჯელობა ფეოდალურ საქართველოში მომხდარი ცვლილებების შინაგანი პირობებისა და მიზეზების შესახებ. პირდაპირ შეიძლება ითქვას, რომ აქ ვახუშტი

უახლოვდება დიდმნიშვნელოვანი ისტორიული მოვლენების მატერიალისტურ ახსნას. საქართველოს სამეფოს დაყოფის (XV ს.) შედეგად, ამბობს ვახუშტი, „შემდგომად განყოფილებისა და განხეთქილებისა სამეფოსათა ამისა აქუნდათ თვსთვსად წესნი ესენივე, გარნა ერისთავთა ცვალებანი არლარა. განა მთავარნიცა არლარა იწოდებოდნენ მთავრად, არამედ თავადად, და არცალა იყუნენ როქით სპანი მეფისანი, არამედ სახასონი აზნაურნი და მსახურნი გლეხნი ჯეობათაგან იყუნენ მცველნი მეფისანი, და უმეტეს მოკვეყნითულნი, ვიდრე დაიპყრობდნენ მას საერისთოთ. ხოლო იმერთა — რაქა და სრულიად ლეჩხუმი, ხოლო კახთა — ქისიყი. ხოლო ლაშკრობისა ჟამსა ერისთავთა და მთავართა მინაწერნი იყუნენ მოყვანებად, განა იყუნენ ოთხ სადროშოთვე კვალადცა, ვითარცა აღსწერეთ, ქართლი, იმერეთი და კახეთი. არამედ ესე ყვეს მეფეთა, ვინათგან არლარა იყუნენ ეგდენნი შემოსავალნი, რათამცა დაეპყრათ სპანი ეგოდენნი, რათა ეპირისპირათ ანუ გამაგრებოდნენ მტერთა თვსთა. ამისთვს შეპკუშთეს ერისთავთა, მთავართა და აზნაურთა — სრულიად რაოდენნი სახლსა შინა არიან — წარსლვად ლაშკარსა შინა, ხოლო გლეხთა მგზავსად შეწერილებისად. ხოლო როსტომისამდე ესენი ესრეთ იყუნენ“ (36 (22—23)).

აქ, ჯერ ერთი, მთელი რიგი ღრმა დაკვირვებაა მოცემული დაშლის-შემდგედროინდელის (უფრო ზუსტად, ვახუშტის ქრონოლოგიით, XV ს. დამლევადან XVII ს. პირველი მესამედის დამლევამდე) საქართველოს სოციალურ-პოლიტიკური ვითარების შესახებ:

1. საერისთავო ხელისუფლების დამკვიდრება ცალკეულ ფეოდალურ საგვარეულოებში. როგორც ზემოთ ვთქვით, ვახუშტი ამ მოვლენას სამართლიანად განსაკუთრებულ მნიშვნელობას ანიჭებს. სხვაგან ამავე პროცესის შესახებ ვახუშტი ამბობს, რომ თუ ძველად „მეფე კელისუფლობისა და ერისთობისა წესსა, ვისიცა ენება, ღირსებისაებრ მიუბოძის, და ოდესმე ძესაცა, უკმთუ ღირს იყო ანუ ძალედვა მოურნეობა მისი“, ეხლა უკვე, „აწინდელსა ჟამსა“... ერისთობა და მთავრობა არლარა, და რომელიმე სპასპეტნიცა, რამეთუ შეილთავე მისთა ანუ სახლისკაცთა მისთავე მიუბოძიან, ეგრეთვე მთავართაცა“ (38 (23)).

2. თავადთა წრის ჩამოყალიბება, რაც არსებითად ახალი ფეოდალური წოდების წარმოშობას ნიშნავდა.

3. არსებითი ცვლილებები სამხედრო საქმის ორგანიზაციაში. რადგანაც, როგორც აგრეთვე უკვე აღნიშნული გვქონდა, სამხედ-

რო საქმესაც ვახუშტი დიდ მნიშვნელობას ანიჭებს, ამ საკითხზე იგი აქ დაწვრილებით ჩერდება. ნიშანდობლივად ძველი მდგომარეობისათვის მას, ჩანს, ის მიაჩნია, რომ მეფეებს „როქით სპანი“, ე. ი. ქირის ჯარი ჰყავდათ. მეორე პერიოდში ამ სახის შეიარაღებული ძალა გამქრალა. მაშ რა შეადგენს ახლა „მეფის მცველ“ ძალას, ე. ი. ცენტრალური ხელისუფლების დასაყრდენს? მეფის საკუთარი ვასალების ფეოდალური რაზმი მარტოოდნე, უპასუხებს ვახუშტი: „სახასონი აზნაურნი და მსახურნი გლეხნი ჯეობათაგან იყუნენ მცველნი მეფისანი“ — ე. ი. მეფის ფეოდალური რაზმი იკრიბება სახასო აზნაურობისა და გლეხობიდან, რომელნიც მეფესთან დაკავშირებული არიან უშუალო ფეოდალური და არა მხოლოდ ზოგად-ქვეშევრდომის დამოკიდებულებით. ვახუშტის ისიც შეუშინევია, რომ ეს „გლეხობა“ სპეციფიკური რაიონების სოფლის მოსახლეობაა, უპირატესად მაინც — მთიელები: „მსახურნი გლეხნი ჯეობათაგან... და უმეტეს მოკვეყე-მთიულნი“. რატომ? ცხადია, იმიტომ, რომ აქ სოფლის მოსახლეობა ჯერ კიდევ საბატონო ყმებად არ ქცეულა, იგი მეფის ქვეშევრდომია უშუალოდ და მეფის ვასალიც, განსაზღვრული ვაგებით (სახელმწიფო გამოსაღებისა და ფეოდალური გამოსაღების დამთხვევა). ეს ვახუშტიმ კარგად იცის და ამიტომაცაა, რომ იგი ამბობს: მეფეს მსახურებს აძლევდნენ ხეობელნი, „უმეტეს მოკვეყე-მთიულნი, ვიდრე დაიპყრობდნენ მას საერისთოთ“, ე. ი. ვიდრე მეფესა და მთის ხალხს შორის შუალედი ფეოდალური რგოლი არ გაჩნდა, და მთიელებს ახალი, არსებითად საბატონო, გამოსაღებიც არ დაეკისრა. ასეთ-სავე როლში გამოდიან, ვახუშტის აზრით, იმერეთისათვის რაჭა და განსაკუთრებით (ასე გვესმის ჩვენ, არა ეტიმოლოგიურად, არამედ არსებითად, ვახუშტის „სრულიად“) ლეჩხუმი, კახეთისათვის — ქიზიყი. მთიელებს მეფის სამსახურში ის უპირატესობაც ჰქონდათ, რომ ისინი ჯერ კიდევ მთლად „გამუშაკგლეხებულნი“, ე. ი. მიწაზე მძიმედ დაკრულნი და ფეოდალური ტვირთისაგან წელში სამად მოხრილნი არ იყვნენ, არამედ ძველს ვაჟაკურსა და ამაყსულს ატარებდნენ, აბჯრის სიყვარულსა და ხმარებას ბავშვობიდან ეჩვეოდნენ, და ჩინებული მეომრებიც გამოდიოდნენ. ეს იმ „მთაში გაზრდილი ვაჟაკის“ სახეა, რომელსაც გულსა და მარჯვენას უჭებს სახალხო პოეტი. ეს მთის „ერი“ მართლაც ერთს უმთავრეს რეზერვთაგანს შეადგენდა სამეფო მსახურებისას და იმ „გააზნაურიშვილებულ“ წარჩინებულთა, რომელთა არსებობაც აგრეთვე იცის ვახუშტიმ. საკმარისია თუნდაც სათანადო ქართული ფეო-

დალური პატრონომისტის შესწავლა, რომ დავრწმუნდეთ ვახუშტის დაკვირვების სიღრმესა და სისწორეში<sup>1</sup>.

<sup>1</sup> უალრესად საყურადღებოა ვახუშტის დაკვირვება იმ მიხეზების შესახებ, რომელთა წყალობითაც თვით მთიულეს პირი ბარისაკენ ჰქონდათ მიქცეული. ფშავ-ხევსურთა შესახებ, მაგ., ვახუშტი ამბობს, რომ ისინი არიან „შეპატრონეთა თვისთა ერთგულნი... და სიმწირისათჳს მონებენ, ვისცა უპყრავსთ თიანეთი, რამეთუ იზრდებიან მუნიდამ“—(298 (92); აკად. ივ. ჯავახიშვილი, საქ. ეკონომიური ისტორია, 300 და აგრეთვე 315—317, 421). თუშების შესახებ მასვე ნათქვამი აქვს: „კახეთის თუშნი ინახვენ ცხოვართა სიმრავლესა, ვინათგან აქუთ ხაფხულს თჳსთა მათა შინა საძოვარი, და ზამთარს ჩამოვლენ გაღმა-მჭარსა შინა, და ამით უმეტეს მორჩილებენ კახთა“ (გვ. 105); ხოლო თუშთა ყველაზე ჩრდილოეთით მდებარე თემი, ფარსმანის, შესახებ ვახუშტი სპეციფიკურ პირობებსაც აღნიშნავს: „ხოლო ფარსმანი უფროს მწირ არს, გარნა ამათ მიერ იგინიცა გამოიზდებიან კახეთით, რამეთუ მათ ემსჭავთ და ვაჭრობენ. არამედ იგინი არა ჰყმობენ კახთა შეპატრონეთა, ხოლო ვისინი მორჩილნი, მოლაშკარნი და მუხარკენი არიან; და არიან ბრძოლასა შემმართებელნი, მენენი, ძლიერნი, მვედარნი წარმატებულნი“... (328 (105)). მაშასადამე, კახეთის თუშნი უშუალო ეკონომიურ დამოკიდებულებაში იმყოფებოდნენ კახეთისგან და ამით აიხსნება მათი ყმობაც კახეთის შეპატრონეთაგან; ხოლო ფარსმანის თუშნი დამოკიდებულნი იყვნენ პირველთა მუშევრებით, და ამით აიხსნება, რომ ისინი კახეთის შეპატრონეთ არ ყმობდნენ. დიდოვლების შესახებ ავტორი მკითხველს ამცნობს: „კახეთის მტრისანი ჰყმობენ კახთა შეპატრონეთა და აძლევენ ხარკთა და არა ლაშკართა, რათა ვიდოდნენ საუაქროდ კახეთს. ვინათგან ხიდვენ კახეთადმ საზრდელსა, საშიშლოსა და სახმარსა თჳსთა“ (ლომ.-ბერძ., 104). ასევე ლლილთა შესახებ ვახუშტი ამტკიცებს: „...მორჩილებენ და აძლევენ ხარკთა ჩერკუზთა, მემკროთა თვისთა, უსახრდლობისა, საშიშლოსა და მარლისათჳს“ (458 (119)). ლეჩხუმზე ნათქვამია: „... თუშცა არს ლეჩხუმი მთის ადგილად თქმული, გარნა არს ვენახიანი, ხილიანი, მოვალს ყოველნი მარცვალნი, თჳნიერ ბონიჯ-ბანბისა, გარნა სიეიწროვისა და კლდიანობისათჳს არა ეგოდენი სიმრავლეთ“. მაშასადამე, ლეჩხუმელებს მიწა ნაყოფიერი ჰქონდათ, მაგრამ ცოტა და არასაკმარისი. პირველი გარემოება ხელს უწყობდა მოსახლეობის სოციალურ ევოლუციას, გარკვეულ ფარგლებში: „მოსახლენი არიან ახნაურნი და გლეხნი“, შენიშნავს ვახუშტი. მეორე გარემოება კმნიდა ნიადაგს უფრო განვითარებული რაიონებისაგან დამოკიდებულებისათვის: „...კაცნი მუნებურნი მბრძოლნი და შემმართებელნი, ჰაეროვანი, ტანოვანი, მენენი და მორჩილნი უფალთა თჳსთა... გარნა ესე ლეჩხუმი, შემდგომად განყოფისა სამეფოთა, იყო ტალანი იმერთა მეფისა“ (ე. ი. მცველნი 350—352 (149)). ოსების შესახებაც ვახუშტი ამბობს: „არა არს ქვეყანათა მათთა შინა მარილი, სელი, კანაფი, და ბანბა და აბრეშუმი, რათამცა ყონ სამოსი თჳსნი. ამისთჳს უმეტესნი სცხოვრებენ ცხოვართა ტყავითა, გარნა ამათაც ხიდვენ ქართლიდამ, რაქოდამ და ჩერკუზიდამ. და ამისთჳსცა მორჩილებენ თჳსთჳსთა მჭარეთა და კვალად უმეტესად საზრდელთათჳსცა“ (438 (111)). ოსებშიაც, მაშასადამე, ეკონომიური დამოკიდებულება უფრო დაწინაურებული მეზობელი რაიონებისაგან („სამოსისა“ და „საზრდელის“ შემოტანა!) საფუძველს უქმნიდა პოლიტიკურ დამოკიდებულებას.

ეს რაზმები, რომელნიც გამოდიოდნენ სახასო ვასალიტეტისა და მთის ერის რიგებიდან, იყვნენ, ვახუშტისავე კვალიფიკაციით, „მცველნი მეფისანი“, ცენტრალური ხელისუფლების დასაყრდენი-სამხედრო ძალა. სწორედ ამ ძალაზე დამყარებით შეეძლოთ მეფეებს მოეკრიბათ თავის სამფლობელოში სხვა რიგის სამხედრო-რაზმებიც, რომელთა გამოყენებაც აუცილებელი ხდებოდა სახელმწიფოს მეორე — საგარეო — ფუნქციის განხორციელების დროს. ამ რიგის რაზმების ბუნება და დანიშნულება ვახუშტის ნათლად აქვს შეგნებული: „ხოლო ლაშკრობისა ჟამსა ერისთავთა და მთავართა მინაწერნი იყუნენ მოყვანებად“ — აქ საუბარია ცალკე სენიორიების ფეოდალური რაზმების შესახებ, რომელნიც იკრიბებიან ამ სენიორიებიდან, შეწერით, მხოლოდ გარკვეულ მომენტებში, „ლაშკრობისა ჟამსა“. იმერეთისათვის ვახუშტი ამავე მოვლენას გამოხატავს, თუმცა განსხვავებული ფორმულით: „მთავარნი თვსთვსით სპითა შეკრიბიან“. მაგრამ იმერეთისათვის თვით ეს მთავრებიც რამდენადმე განსხვავებულ მდგომარეობაში იმყოფებიან: „არცალა-ჩელისუფალნი მეფისანი არიან-ლა“, დასძენს ვახუშტი (40 (24)). ამასთანავე ვახუშტის შეუმჩნევეია — და ესეც უაღრესად საგულისხ-მოა — ამ პერიოდის ერთი „შეძინებული წესი“, რომ, სახელდობრ, ჯარში ახლა გაჰყავთ „გლეხნიც“, „მგზავსად შეწერილებისად“ — ისიც საყურადღებოა, რომ ამ ახალ „წესს“ ვახუშტი მონღოლთა შემდეგდროინდელ ხანაში წარმოშობილად სთვლის.

ამავე მოვლენას აღწერს ვახუშტი, როცა მსჯელობს „ეპისკოპოზთა ლაშკართა წასვლისათვის“, რომლის ერთ-ერთ მიზეზადაც, დიდი სისწორითა და სიმახვილით, აღნიშნავს: ...„ვინათგან შეწერით იყო ლაშკარნი, ჰყვით ეპისკოპოზთა აზნაურნი, და მსახურნი, და შეწერილნი გლეხნი წარსლვად ბრძოლასა შინა, ამისთვის მათთა მოურნეთ თანამდებ იყუნენ წარსლვად და არს მიერ ჟამით-გან ეგრეთ აწამდე“ (50 (27)). ხოლო იმ კითხვის საპასუხოდ, თუ რატომ გაქრა „როქით სპა“ და რატომ დაუთმო მან ადგილი მთლიანად ფეოდალურ რაზმებს, ვახუშტის მოცემული აქვს განსაკვიფრებელი, თავისი დროისათვის, ახსნა: ... „ესე ყვეს მეფეთა, ვინათგან არღარა იყუნენ ეგოდენნი შემოსავალნი, რათამცა დაეპყრათ სპანი ეგოდენნი, რათა ეპირისპირათ ანუ გამაგრებოდნენ მტერთა თვისთა“ (ხაზი ჩვენია). მაშასადამე, ცვლილებები სამხედრო საქმის ორგანიზაციაში

ქვეყნის საერთო ეკონომიური მდგომარეობით უნდა აიხსნას<sup>1</sup>. ამ დანაკლისის საკომპენსაციოდ მეფეებმა „შეჰკუშთეს ერისთავთა, მთავართა და აზნაურთა, — ს რ უ ლ ი ა დ რ ა ო დ ე ნ ნ ი სახლსა შინა არიან, — წარსლვად ლაშქარსა შინა“ — ო. საყურადღებო ცნობაა, რომელსაც, რათქმუნდა, სხვა წყაროებთან შეჯერება დასჭირდება.

დასასრულ, „შეძინებული წესიდან“ არ შეგვიძლია არ მოვიხსენიოთ, დავიდუმებთ რა ვახუშტის მრავალი სხვა დაკვირვებისა და მოსაზრების შესახებ, მხოლოდ ერთი მისი შენიშვნა (უნდა გავითვალისწინოთ, რომ ქვემოთ განმარტებული წესი ვახუშტისათვის შექმნილია ძველადვე, ქრისტიანობის შემოღებასთან დაკავშირებით): ... „ამათ მთავრობისა წინათქმულსა წესსა შეეძინა, რათა აქუნდეს მათ წესთა თანა სასათლაოდ საეფისკოპოზო ანუ მონასტრის ეკლესია, კვალად საყდარი კარისა მღვდლითურთ. ეგრეთვე აზნაურსა სასათლაოდ მონასტერი და ეკლესია სახლსა თჳსსა მღვდლით“. ვახუშტი ფიქრობს — და ის არც ცდება ამაში — რომ ესეც მიუცილებელ ნიშანთაგანი იყო, სხვა მის მიერ ჩამოთვლილ ნიშნებთან ერთად (რომელნიც ჩვენ ზემოთ განვმარტეთ), ფეოდალისაბვის: „ხოლო წინათქმულითა და ამით იწოდებოდნენ მთავარნი და აზნაურნი, და თჳნიერ ამათსა არა“ (ლომ.-ბერძ., 19, ჯან., 16; ბროსეს გამოცემაში „და აზნაურნი“ გამოტოვებულია, 28).

ჩვენ აქვე გამოვთქვით აზრი ვახუშტის კონცეფციის შესაჯერებლად წყაროების (პირველწყაროების) ძიების საქიროების შესახებ. ამ საქმეს თვით ვახუშტი გვიადვილებს, რამდენადაც იგი ან პირდაპირ ასახელებს თავის წყაროებს ან გამკვირვალედ მიუთითებს მათზე, გვიჩვენებს რა ამასთან ერთად თავისი მუშაობის მეთოდსაც. კერძოდ, კარგად ვხედავთ, თუ სად ჩნდება ბექა-ალბულის სამართალი (კარვოსნობა და სხვა), ვახტანგ სჯულმდებელი (სისხლის ფასი, ქართლის უპირველესი არისტოკრატიული გვარები და სხვა). მაგრამ ამ ამოცანას ახლა ვერ გამოვეკიდებით.

ჩვენ გვინდოდა მხოლოდ გვეჩვენებინა, რომ უკვე ძველმა ქართულმა ფეოდალურმა ისტორიოგრაფიამ, ვახუშტის სახით, მეტად თვალსაჩინო წარმატებას მიაღწია ძველი საქართველოს საზოგადოებრივი აღნაგობის შემეცნებაში. რათქმუნდა, ეს წარმატება უმთავრესად ფეოდალური საქართველოს სტრუქტურის აღწერის სახით იყო მოპოვებული. თუ რამდენად ჯერ კიდევ განუვითარე-

<sup>1</sup> არ შეგვიძლია აქვე არ მოვიგონოთ, რომ ასეთივე ღრმა ახსნა მისცა ვახუშტიმ იმ პირობებს, რომელთაც შეამზადეს ბახტრიონის შესანიშნავი ეპოპეა.

ბელი იყო შეხედულება ფეოდალური საქართველოს შინაგანი, ძირითადი მამოძრავებელი ძალების ბუნების შესახებ, ეს ჩანს ვახუშტის შემდეგი, ზოგადი ხასიათის შენიშვნებიდან: „ხოლო წესნი ესენი და ჩვეულებანი აქუნდათ, რომელნი ვთქვიეთ, და განუხეთქელობისათჳს სამეფოსა მცდელობდნენ და, უკმთუ მიუღიან საზღვარნი თჳსნი, ყოველნი მწუხარებდნენ და იჭირვოდნენ კვალადგებასავე, და მეფეთა თჳსთა მიუღრეკლად ერთგულებდნენ. განათუ სძლიან ვინმე მძლავრთაგანმან, არა დაემორჩილიან, არამედ კვალად იპყრიან თჳსნივე წესნი, და არა დაუტევიან ღმერთნი, და მეფე, და ჩვეულებანი თჳსნი“ (22 (17—18). ცხადია, რომ აქ ჩვენს დიდ ისტორიკოსს თვალმა უჩრდილა, და მას გამოეპარა ის ძალები, რომელნიც, პირიქით, „განხეთქილებისათჳს სამეფოსა“ ცდილობდნენ, სამშობლოს „საზღვრებს“ ზოგჯერ თითონ ხელთუგდებდნენ მტრებს, არც თავიანთ მეფეებს „ერთგულებდნენ მიუღრეკლად“ და მამა-პაპის ღმერთებსაც სხვისაში სცვლიდნენ.

ეს ბუნებრივია და გასაგები. გასაკვირველი უფრო ისაა, რომ ვახუშტი განზოგადების აღწერილ დონეზე ავიდა. ამ მხრივ მისთვის ბევრად არ წაუსწრია წინ მე-19 საუკუნის ქართულ ისტორიოგრაფიასაც.

საკუთრივ „პატრონყმობის“ ხსენება ვახუშტის აქ გაანალიზებულ ზოგად მიმოხილვაში არ არის, როგორც ვნახეთ. მაგრამ მისი ნაშრომის სხვადასხვა ადგილიდან ჩანს, რომ ვახუშტის პატრონყმური ურთიერთობის შესახებ უფრო ფართო წარმოდგენა ჰქონდა, ვიდრე ეს „შესავალშია“ ასახული. სხვათა შორის, უკვე ჩვენ მიერ ზემოთ მოტანილი ციტატებიდან მკითხველი დაინახავდა, რომ ვახუშტი უკვირდებოდა და კარგადაც ხსნიდა იმ მიზეზებს, რომელნიც იწვევდნენ „მეხარკეობას“, „მორჩილებას“, „ერთგულებას“, „ყმობას“—ამა თუ იმ მსხვილი თუ წვრილი სენიორიების „მეპატრონეთა“, „უფალთა“ და „მპყრობელთა“ სასარგებლოდ. არჩევდა ვახუშტი ფეოდალურად განვითარებულ რაიონებს ფეოდალურად განუვითარებელთაგან და ფეოდალური განვითარების სხვადასხვა საფეხურებსაც. ასე, მაგ., სვანების შესახებ ვახუშტი ამბობს, რომ მათ „აწ უვისთ გელოვანი, ვითარცა პატრონი მათი, და არიან თჳსად, და არღარავის მორჩილებასა შინა“ (412). ცხადია, ვახუშტის ესმის, რომ გელოვანი, რომლის ყმები თავისთვის არიან და არავის მორჩილებენ, სხვანაირი პატრონია, ვიდრე, ვთქვათ, „კახთა მეპატრონე“.

ავილოთ კიდევ, ვახუშტის შეხედულებათა საილუსტრაციოდ, მისი ზოგი დაკვირვება ოსების სოციალური წყობის შესახებ. თავაურის, ქურთაულის, ვალაგირის, ფაიქომის, დიგორისა და ბასიანის თემთა შესახებ ვახუშტი საერთოდ აღნიშნავს, რომ, ერთი მხრით, მათ ჰყავთ „თავნი და წარჩინებულნი“, რომელნიც მაჰმადიანები არიან, და „დაბალნი გლეხნი“, რომელნიც თავიანთ თავს ქრისტიანებად თვლიან (434 (110)). შემდეგ ის იქვე გამოყოფს „მოთავეებს“, „მდიდრებს“ და „დაბალთ“, აღნიშნავს, რომ ამ ოსებმა „უწყიან გვარნი, და უწარჩინებულესნი გვარითა არიან ოსნი“ (436 (110)). სხვაგანაც ვახუშტის შენიშნული აქვს, როგორც ოსების, ისე სხვა ხალხების მაგალითზე, ეთნიკური მომენტის წარმოჩენა ფეოდალური საზოგადოების ქმნადობის პროცესში; ლაპარაკობს „განდიდებისა“ და „გამდიდრების“ შესახებ ამ საზოგადოებაში. მაგრამ ვახუშტიმ კარგად იცის, რომ ამ სახის სოციალური დიფერენციაცია ყოველთვის საკმარისი არ არის ბატონკმური ურთიერთობის წარმოშობისათვის. ამ თემთა შესახებ ვახუშტი შენიშნავს: ... „უწყიან პატივი მოხუცებულთა თუსთა ფრიადი, და უვისთ, ვითარცა პატრონნი თუსნი (ხაზი ჩვენია). ამათ მოხუცებულთაგან ჰყოფენ ბრჭობასა, და ზავსა, და ყოველსავე სამჭირნოსა თუსთა განაგებენ მათით“ (436-438 (111)). აქ საუცხოოდაა დახატული რღვევის გზაზე დამდგარი გვაროვნული საზოგადოება თავისი პატრიარქებით, რომელთა ხელში მართლმსაჯულება და თემის ყოველივე განსაგებელი. ამგვარ „მოხუცებულთა“ პატრონობა კიდევ უფრო სხვა ხასიათისაა, ვიდრე გელოვანის პატრონობა. თითქოს იმისთვის, რომ საესებით თვალსაჩინო გახადოს ოსეთის დასახელებულ რაიონთა განვითარების დაბალი დონე, ვახუშტი იქვე სპეციალურად აღნიშნავს, რომ ამ თემებში უცნობი იყო ფულადი ურთიერთობა, რომ აღებმიცემა წარმოებდა უშუალო გაცვლის გზით; ამასთან ერთად ვახუშტი აღწერს სიმდიდრის დაგროვების ფორმებსაც ამ თემებში, რომელი ფორმებიც შეეფერება საერთო ეკონომიურ დონეს: „სიმდიდრე მათი არს თოფი, კრმალი, ჯაქვი; ჯავშანი, სპილენძი და ოქრო და ვერცხლი მცირედ. არა უწყიან თეთრი, არამედ თეთრისა წილ ნაბადი, ჩოხა, ხამი, შალი, ცხვარი, ძროხა და ტყვე, და ვაჭრობენ ურთიერთსა შინა ამით“ (438 (111)). ამ შესანიშნავი დაკვირვების საერთო მნიშვნელობაზე ჩვენ სხვაგან კიდევ გვექნება საუბარი.

მაგრამ, ამასთან ერთად, ვახუშტის სრულიადაც არ გამოპარვია ის გარემოება, რომ ოსეთის აღნიშნულ თემებში მოიპოვე-



ზოდა ცალკეული, სოციალურად უფრო დაწინაურებული რაიონები. დიგორის ერთი ნაწილის შესახებ, მაგ., იგი ამბობს: ... „ესენი, რომელნი დავსწერეთ ჳეენი, არიან ბადელიძენი, და არიან შენობიანნი და დაბნებიათ და კოშკოვანნი მრავლად, რომელთა შინა მოთავენი მათნი არიან ყმიანნი მებატონენი (452 (116); ხაზი ჩვენია). „მოთავეთა“ არსებობა, როგორც ვნახეთ, ვახუშტის ოსეთის ყველა თემისათვის აქვს დადასტურებული, მაგრამ ბადელიძეთა მოთავეებისათვის სპეციფიკური ის ყოფილა, რომ ისინი ყმიანი მებატონეები იყვნენ. ესევე შეუნიშნავს ვახუშტის ბასიანის შესახებაც: ... „არს ესე ბასიანი შენობიანი, დაბნებიათ და უმეტეს გვარიანნი სხვათა ყოველთა ოსთაგან, და არიან მებატონენი ყმიანნი“ (454 (117) ხაზი ჩვენია). აქ ახალია ბასიანის „უმეტეს გვარიანობა“ სხვა ოსურ თემებთან შედარებით, ე. ი. არისტოკრატიული ელემენტის უფრო ძლიერი განვითარება. „ყმიან მებატონეთა“ არსებობაზე მითითებით ვახუშტი, რათქმუნდა, აღნიშნავს განსაზღვრული სახის ბატონყმური ურთიერთობის არსებობის ფაქტს.

კიდევ ერთი შენიშვნა. ვახუშტი, ჩანს, კარგად არჩევდა შთიელი ტომების უცხო მეპატრონეთაგან დამოკიდებულების სხვადასხვა სახესაც. კერძოდ, მას შეუშინებია, რომ ოსეთის ნახევრად პატრიარქალურ ან პატრიარქალურ მდგომარეობაში მყოფი ტომების, როგორც იყვნენ ოსები და ძურძუკნი, დამოკიდებულება მეზობელ მფლობელთაგან (*mutatis mutandis*—საკუთარ მფლობელთაგანაც) აგრეთვე სპეციფიკური ხასიათისა იყო. მათ შესახებ ვახუშტი ამბობს: ... „დღესაც ეგრეთვე მოხარკენი არიან თჳს-თჳსთა უფალთა, რომელსა უწოდებენ საჩუქარსა აწინდელს ჟამსა“ (426 (106—107)). ის, რაც პატრიარქალური ურთიერთობისა და შეგნების ხანიდან მომდინარე ენაზე ჯერ კიდევ საჩუქრად იწოდებოდა, უფრო განვითარებული ფეოდალური საზოგადოების წარმომადგენლის თვალში ხარკი იყო მხოლოდ და სხვა არაფერი. ვახუშტის ამ შესანიშნავ დაკვირვებას ჩვენთვის განსაკუთრებული მნიშვნელობა აქვს. სხვა ადგილას ჩვენ ვუჩვენეთ, თუ რა როლს ასრულებს ადრინდელი ფეოდალური საზოგადოების ქმნადობის პროცესში საჩუქარი, ძღვენი, რომელიც პატრიარქალური ხანიდან მომდინარეობს და რომელიც სათანადო პროცესებში ბეგრად და ხარკად გადაიხრდება ხოლმე<sup>1</sup>.

<sup>1</sup> ს. ჯანაშია. საქართველო ადრინდელი ფეოდალიზაციის გზაზე, გვ. 129, შეადრ. აგრეთვე იქვე, გვ. 30—38.

## ბარათაშვილთა გენეალოგიისათვის

ბარათაშვილთა საგვარეულო, ყველა ნიშნით, მეთხუთმეტე საუკუნეში ყალიბდება. ეს ხანა საერთოდ ხასიათდება ახალი მფლობელი ფეოდალური სახლების გამოჩენით. დროება სწორედ რომ შესაფერი იყო. იმ კატასტროფამ, რომელიც საქართველოს, განსაკუთრებით ლიხთამერეთს, ლანგ-თემურმა დაატეხა თავს წინა საუკუნის დამლევს, საუკეთესო ნიადაგი შექმნა ფეოდალური უფლებების ხელახალი განაწილებისათვის, მათი გადაჯგუფებისათვის, ძალთა ახალი განლაგებისათვის. მსგავსი ამბები წინათაც არა ერთგზის მომხდარა, მაგრამ ახლა გარდატეხა მაინც მეტად მკვეთრი იყო.

შესანიშნავი ფერადოვნებით ხატავენ წყაროები ამ საზარელი გრივალის შემოვარდნას საქართველოში: „ოდეს მძლავრი იგი დადიდისა ულუსისა პატრონი, აგარის მონათესავე“, „ბილწი და მოძაგებული“, „თემურ წარმოემართა აღმოსავალით კერძო, ქვეყანით სამარყანით, და მრავალნი თემნი და ქვეყანანი ოხერ-ყვნა“ და მოვიდა საქართველოშიაც „ყოვლითა სპარსეთის და აღმოსავლეთის ლაშქრითა, დიდითა რისხვითა და გულისწყრომითა...და შემუსრნა ყოველნი ციხენი და დააქცივნა ყოველნი საყდარნი, მინდორნი, მთანი და ტყენი, კლდენი და ხენი, და ვითარცა ზღვამან დაფარა ყოველი ესე ქვეყანა. და მიიწია ლაშქარი მათი ქუთათისს, ლეკეთსა და დარიალს და მოსწვეს და მოაოხრეს ყოველი საქართველო, და დაყარეს მძოვრი მკედრისა, ვითარცა მკელი თივისა...ტყვე და ალაფი ყოველი გაგზავნა სამარყანს“.

მთელი ქვეყნის ცხოვრება საძირკვლებამდის იყო შერყეული. საზოგადოებრივ კლასთავან, საბოლოო ანგარიშით, ყველაზე მეტად, რათქმაუნდა, ისევე გლეხეაცობა დაზარალდა; მაგრამ არც ფეოდალებს დასდგომიათ კარგი დღე. კერძოდ, არა ერთი უძველესი ფეოდალური სახლი, თავისი ჩამომავლობითა და შეძლებით მოქალაქეული, მოიშალა და გადაშენდა. აჩრდილივით გადასულ დიდებულთა ნაოხარზე ახალი ხალხი მოდიოდა და ზღუდემონგრეულ სასახლეებში მკვიდრდებოდა, რადგანაც ნამდვილი მემკვიდრე არსად ჩანდა. ზოგჯერ საგვარეულოს უფროსი შტო უმცროსს უთ-

მობდა თავის ადგილს, უფრო ხშირად კი სენიორი — ვასალს; მაგრამ არც ის იყო იშვიათი, რომ მანამდის სრულიად უჩინარი კაცი ასეთს მიგდებულ „საბატონოს“ შოულობდა, ე. ი. უპატრონოს ძალით ეპატრონებოდა, ან ჩალის ფასად ყიდულობდა, ან მეფეს „საკარგყმოდ“ თავს „შეაწყალებდა“. მეფეებიც, რომელთაც არა ნაკლებ შემოღწეოდან ემეზი და ვასალები, „შეწყალებულებს“ „ლოცავდნენ“ ახალგაყმული მამულების „საჭერად“ და „საქმელად“. მართალია, ეს სენიორიები ხშირად მხოლოდ ნასოფლარებისა, ნაციხვარებისა და ნაქალაქარებისაგან შედგებოდა, ე. ი. ისეთი მამულებისაგან, რომელნიც ოდესღაც „საპატრიონნი და შენნი ყოფილან და მას უკანით, ჟამთა ვითარებისაგან, უსჯულოთა აგარის ნათესავთა ხელით განრყენილი და ოხერქმნილი და სრულიად უნუგეშინისცემოდ განსრული“ გამხდარიყვნენ. უარესი ამ ახალ მამულებს ის სჭირდათ, რომ გლეხოზა აღარ იჯდა ზედ: „ამოწყვედილ იყო და საღალღოვეს მიწებს აღარავინ-რას აამებდა“ მებატონეს; ბევრის გამომღებნიც გადაშენებულიყვნენ. ერთი სიტყვით, ბევრ ფეოდალს შეეძლო თავის საბატონოზე ეთქვა: „სრულიად უსჯულოთაგან ამოწყვედილი და დაოხრებული არის: არა თუ სულიერი კაცი იპოებოდეს, ყოვლადვე შენებულება არ იპოების“-ო. მაგრამ მიწის ფასის შეგნება და გემო დაკარგული არ ჰქონდათ: ფიქრობდნენ, რომ „მტერი და წინააღმდეგნი ქრისტეანეთანი სამარადისოდ ლტოლვილ და უკუნქეულ არიან“ და რომ „თუ ენებოს ღმერთსა, (ეს მამულიც შეიძლება) აღშენდეს და კაცები დაეშენოს და სულიერ იქნას“-ო, და განახლებული თუ ახლად შექმნილი უფლებების განმტკიცებისათვის ზრუნავდნენ.

რელიეფურად არის აღწერილი ამ პროცესის ერთი ეპიზოდი ალექსანდრე მეფის (1412—1442) საბუთში. როცა ალექსანდრემ 1431 წ. მტერთაგან მიტაცებული ლორე უკან დაიბრუნა, მაშინ „ქართველთა დარბაზის ერთა, (რომელთაც) ნიშანი ვისმე-ლა დარჩომოდა და ანუ ჩამომავლობით პაპათა და მამათაგან... სმენით სმენოლდა“, რომ ამ მხარეს მამულები ჰქონდათ, „და იაჯეს“, მამულები დაგვიბრუნეთო, მათ მეფემ სათანადო მიუზღო: „როგორაც ვინ გუელირსებოდა, ეგრეთ განუყავით და უბოძეთ“-ო. კერძოდ, ბევრი ერგო იმათაც, ვინც თუმცა აქაური მემამულეები არ იყვნენ, აქ მამული „არა ჰქონებოდა“ და „არცა ჰქონდა“ სათანადო საბუთი, მაგრამ „ამა ლორისა ციხისა შოვნასა შიგან და მისთა შესავალთა შოვნასა შიგან დიდადა და უსაზომოდ მოიჭირეს“<sup>1</sup>.

<sup>1</sup> ქრც. II, 242.

ჩვენ შეგვიძლია არა ერთსა და ორ მაგალითზე მივუთითოთ, როცა, სწორედ ამ ხანაში, გადასული ან ჩამომცრობილი მეზატონის ადგილას ახალი დამჯდარა თუ „დაუსვამთ“; რაც, ზოგჯერ, ძველი ფეოდალური სახელის შეთვისებითაც დამთავრებულა. მე-15 ს. დამდეგს, მაგ., ხიმშია ამირახორი, რომელიც „პირველ აბაზასძე მარელელი“ ყოფილა, მეფეებს „დიდად და საბატოდ შეუწყალეებით“ და „აბულეთისძედ დაუსვამთ“<sup>1</sup>, ე. ი. ამომწყდარი, უძველესი და უდიდესი ფეოდალური სახლის, აბულეთისძეების, მამული და სახელი მიუციათ მათთვის. ზემოხსენებულ ალექსანდრე მეფეს ჯერ სუმბატ ურდოელაშვილის მამისათვის უბოძებია ლაფირასძისეული მამული, ხოლო შემდეგ თვით სუმბატი „დაუსვამს ლაფირასძედ“; რადგანაც ლაფირასძეების „გვარისა აღარავინ იპოვებოდა“ და მთელი მიწაწყალიც, რომელიც, სხვათა შორის, ურდოელაშვილებისაგან „ორჯერ ნასყიდი იყო“, „მკვიდრად, სამამულოდ, უბოძებია“. საინტერესოა, რომ შემდეგში მთელი ეს მამული მეფეებმა უკვე ურდოელაშვილის ნაშვილებთ, ზვიადისშვილებს, უწყალობეს<sup>2</sup>. მეფემ და კათალიკოზმა დიდი წყალობა დამართეს მალალაშვილებსაც: რადგანაც „სოფლის ვითარებისაგან პატოხანი ივანისძეთა საქადაგო სახლი და საჯელო უმკვიდრო ქმნილ იყო“, „ესრეთ რომელ არც არა მისი ნათესავი დარჩა“, მალალაშვილები „ახლად ივანისძედ და ქადაგად განაჩინეს და შეიყვანეს“ და მთელი „საქადაგო მამული, შესავალი და საჯელო“ უბოძეს „ახალსა ივანისძესა“, ე. ი. მალალაშვილს<sup>3</sup>. მეთხუთმეტე საუკუნის დამდეგსვე მეფეებს აბულახტარისძეთა მამული „სამკვიდროდ“ უბოძებიათ ზევდგინისძეებისათვის<sup>4</sup>. ამავე საუკუნის სიგრძეზე ზევდგინისძეებმა სხვა მამულიც ბევრი იშოვეს, ამილახვრის დიდი თანამდებობაც სამემკვიდრეოდ მიიჩემეს და ბოლოს ამ ხელის სახელწოდებაც გაიგვარეს.

1487 წ. კონსტანტინე მეფემ მირიანისძის მთელი მამული უბოძა საღვინის მოლარეს ქავთარისძეს ახალციხელსა და მისს სახლს, რადგანაც „მირიანისძე დაბოლოვდა და უმკვიდრო იქნა“<sup>5</sup>.

ასეთ ეპოქაში დაიბადნენ ბ ა რ ა თ ა შ ვ ი ლ ნ ი ც. რომ უკვე მე-15 ს. მეორე ნახევარში ეს გვარი ვრცელია და ძლიერი, უეჭველია.

<sup>1</sup> ქრნკ. II, 213—214; ისტ: საბ, III, 3—5.

<sup>2</sup> ქრნკ. II, 223—224, 235, 244—277; ისტ. საბ. III, 14, 3 4.

<sup>3</sup> ქრნკ. II, 192, 290; შეადრ. იკვე, 318; ისტ. საბ. III, 42.

<sup>4</sup> ისტ. საბ. II, 4

<sup>5</sup> ქრნკ. II, 305.

დავით ქართლის მეფის ზეობაში, 1523 წ. გაყრილან გუგუნა და გერმანოზ ბარათაშვილნი თავიანთი ძმებითურთ. მაგრამ ეს სახლი თვითონ ყოფილა ცალკე შტოდ გამოყოფილი,—ცხადია, მეორე გაყრაზე აღრე,— ბარათაშვილთა საგვარეულოდან: ამ „საქმის გასაჩენელად“ დამსხდარ პირთა შორის მოხსენებული არიან ბარათიანნი იარალ და ორბელ, ხოლო გვარის მნიშვნელობაზე მიგვითითებს ის ვარემოება, რომ გაყრას თვით მეფე ხელმძღვანელობს<sup>1</sup>. საბუთი საინტერესოა იმ მხრივაც, რომ აქ მოცემულია ცნობები საგვარეულო სამფლობელოს ფარგლების შესახებ: ბარათაშვილთა ამ შტოს რამდენიმე ათეული ვასალი აზნაურის გვარი ჰყოლია, მამულები კი გაბნეული ჰქონია მთელი თანამედროვე აღბუღახის<sup>2</sup> რაიონის სივრცეზე<sup>3</sup>. მომდევნო მეფობაში ხდება ბარათაშვილთა ახალი გაყრა, რომლის საბუთიც ბარათაშვილთა სამფლობელოს უჩვენებს, აღნიშნულის გარდა, უკვე ლუქსემბურგისა და ბაშკირეთის<sup>4</sup> რაიონებშიც<sup>5</sup>. ასეთი საბატონოს ჩამოყალიბებისათვის, ცხადია, არამცირედი დრო იყო საჭირო. მართლაც, მე-15 ს. მეორე ნახევარში ბარათაშვილები ამ მხარეში არა მარტო ჩანან უკვე, არამედ პირველობენ კიდევაც. მათ ამ დროს სპეციალური მემატრიანეც უჩნდებათ, რომელიც, ბაგრატის მეფობის ისტორიის საფარველით, არსებითად ამ საგვარეულოს განდიდებისათვის შრომობს. დასახელებული წყაროს ტენდენციური მოთხრობით, როცა, 1477 წ., უზუნ-ჰასანი საქართველოს შემოესია და სომხითს მოვიდა, „ორბეთის ძირსა დიდად კარგად დახვდეს ბარათიანნი“, ე. ი. მტერს სათანადო პასუხი ვასცესო. მაგრამ, ჰასანის მიერ ტფილისის აღების შემდგომ ურთიერთობა შეცვლილა: ყაენს ბარათიანნი „მიუნდვია“, „მრავალნი მოუცნია და აღუესნია პირთამდინ“. მიუხედავად ამისა, მოკვდა თუ არა ჰასანი, „ჩაუხდეს ბარათიანნი, დაიფორაქეს ელი“. როცა, 1488 წ., იაყუბ-ყაენმა დალაშქრა ეს მხარე,— მაშინაც მტრისთვის მთავარი პასუხის მიმცემნი თითქოს ბარათიანნი ყოფილან. მომდევნო სამხედრო ამბებშიც ყველაზე აქტიურნი აქ ბარათაშვილნი ჩანან<sup>6</sup>. საფიქრებელია,

<sup>1</sup> მეფის ყურადღება ნაწილობრივ იმიტაც აიხსნება, რათქმაუნდა, რომ მას ცოლად ბარათაშვილის ქალი ჰყავდა.

<sup>2</sup> [აწ თეთრიწყაროსი. რედ.].

<sup>3</sup> ქრეკ. II, 349.

<sup>4</sup> [აწ ბოლნისისა და დმანისისა. რედ.].

<sup>5</sup> საისტ. მოამბე, 1924 წ., წ. I, 173 შემდ. (ბარათაანთ გაყრის წიგნი, გამოც. ს. კაკაბაძის მიერ).

<sup>6</sup> „ქართლის ცხოვრება“-ს გაგვიძღვება: მ. ჯანაშვილი, ნაშრომი, 1—37 შემდ. ახლა ძნელი სათქმელია, მემატრიანის ფრაზა, — „მუდამ ბარათიანთა და ორბეთისძირულთა გამმარჯვის“ (იქვე, 40)—იმას ხომ არ მოწმობს, რომ ორბეთის ძირი ამ დროს ჯერ კიდევ მთლად არ ემორჩილება ბარათაშვილებს.

რომ მათ ამ დროს ბევრი ისარგებლეს, კერძოდ, იმის გამო, რომ ჯერ ბაგრატი მეფის, ხოლო შემდეგ კონსტანტინე მეფის კარზე ბარათაშვილნი დიდად ყოფილან დაწინაურებულნი. კონსტანტინეს თავის რძალადაც და საღედოფლოდაც მოუყვანია ბარათაშვილის ასული<sup>1</sup>.

საიდან-ლა გაჩნდნენ ეს ბარათაშვილნი? უკვე ვახუშტიმ აღნიშნა, რომ ამ კითხვაზე პასუხს იძლევა საგვარეულო გარდმოცემა, რომელსაც დოკუმენტალური მასალაც უჭერს მხარს: „...ბარათაშვილი, რომელთა უპყრავთ გაჩიანისა და გარდაბანისა საერისთონი ტფილისის სამხრით, ვიდრე ლორე-ფანავრამდე, თუნიერ მეფისა სახასოთა და შეწირულობათა ეკლესიათათა. ხოლო იტყვიან ესენი ჩამომავლობასა ქაჩიბაძისასა, რომელსა აცხადებს გუჯარნი და სიგელნი მათნი, მეფეთაგან წყალობისანი. კვალად ყაფლანისშვილი და აბაშისშვილი სამთა ძმათა შვილობასა. არამედ ყაფლანისშვილი იტყვის გვარობასა მათსა, განა (აღბათ უნდა იყოს: გინა. ს. ჯ.) ორბელიანობასა. გარნა იყო ორბელიანი სხვადა და ქაჩიბაძე სხვა გვარი. არამედ ოდეს განიყუნენ ძმანი, ბარათა-საგან არიან ბარათიანნი, რომლისა მიერ ეწოდა ადგილთა მათ საბარათიანოდ. ხოლო აბაშისაგან აბაშისშვილნი და ეგრეთვე სხვანი, რომელნი არიან ბარათიანთაგანნივე. განა საგონებელ არს, ყაფლანიანთაცა მესამეს ძმას ეწოდა ორბელი, და მის მიერ ორბელიანნი იწოდნენ, თვარე წინათქმულნი არა განმართლდებიან... ხოლო ზურაბისშვილს, იარაღისშვილს და სოლალაშვილს იტყვიან არა ბარათიანობასა, არამედ მამულნი და სასაფლაონი მათნი აჩენენ მასვე ყოფასა“<sup>2</sup>. შემდეგ ვახუშტი მიუთითებს ბარათიანთ გუჯარზე, „რომელი არს ბეთენიას“.

აღნიშნულ გენეალოგიას აშკარად ადასტურებენ ის დოკუმენტები, რომელნიც მცხეთის საკათალიკოზო ტახტის უფლებებს ამტკიცებენ სოფ. ყორანთის მიმართ სომხითში (მღ. მაშავრის ხეობაში, თანამედროვე ლუქსემბურგის<sup>3</sup> მახლობლად). ეს სოფელი ჯერ მცხეთისათვის შეუწირავთ სალაროს მოლარეს ბარათა ქაჩიბაძეს, მის ცოლს თინათინს და მათს შვილებს დავითს, გერმანოზსა და ლაპას, რომელნიც ყორანთას თავიანთს „მკუიდრ მამულს, მოუღე-

<sup>1</sup> ქრე. II, 306. რომ ეს ქალი თავის ქმრის „უხვედრად“ არის შიჩნეული, ეს ძველი ქართული სახელმწიფო სამართლის გამოძახილია, რომელიც მეფის სახლს ქვეშევრდომთან დამოყვრებას უკრძალავდა.

<sup>2</sup> გეოგრაფია, ბროსეს გამ., 40—42.

<sup>3</sup> [აწ ბოლნისის. რედ.]

ვარსა და უსარჩლელს“ უწოდებენ<sup>1</sup>. შემდეგ ამ ბარათას უფროსი შვილი, რომელსაც მამის თანამდებობა დაუმკვიდრებია, კვლავ აძლევს დოკუმენტს მცხეთას. აქ, „ქაჩიბასძენი, სალაროს მოლარე დავით, ძმა მის გერმანოზ და შვილნი მათნი ლაპა, ბარათა, სურამელი და ქავთარ“ აცხადებენ, რომ მათ, „სივაჟისა მიუმხდრობითა და ავთა მზაკვართა კაცთა ენითა და შემობეზღებითა“, ერთხანს ყორანთა „უკუუშქერიათ“, ე. ი. წაურთმევიათ, ახლა კი ისევ უბრუნებენ კათალიკოზს, მშობლების სურვილის შესასრულებლად. ამასთანავე საბუთი შეიცავს რამდენსამე საყურადღებო ცნობას: მეტად მნიშვნელოვანია, რომ ეს ქაჩიბასძენი თავიანთ თავს „სამშვილდის მებატონებს“ ეძახიან; შემდეგ საინტერესოა, რომ ამ საბუთის მტკიცებით, ყორანთა ბარათას და თინათინის „ნაღვაწი“, ე. ი. შეძენილი ყოფილა; ქრონოლოგიისათვის ისიც საინტერესოა, რომ დავითი მამის საბუთს „ძველ სიგელს“ უწოდებს<sup>2</sup>. თითქმის სარწმუნოდ შეიძლება მივიჩნიოთ, რომ ამ დავით ქაჩიბასძის უკანასკნელი შვილი ქავთარია, ის ქავთარი, რომლის ოჯახი, როგორც ზემოთ ვნახეთ, გაიყარა 1523 წ. და რომელიც უკვე ბარათაშვილობით იხსენიება<sup>3</sup>. ხოლო, უფრო ზოგადად, ყორანთას შემწირველ ქაჩიბასძეთა გაბარათაშვილება უკვე სრულიად უეჭველი ხდება 1529 წლის საბუთიდან, რომელშიაც „ბარათაშვილი აბაში და მისი ძმისწული დავით“ აცხადებენ: „ჩუენთა გუართაგან სააღაპოდ შემოწირული სოფელი ყორანთა ამოწყვედილიყო“ და „აწ ჩუენ ახლად მოგაჯსენეთ და დაგიმტკიცეთ“-ო<sup>4</sup>. უკანასკნელ კვერს უკრავს ამ არგუმენტებს ლუარსაბ მეფის განაჩენი, რომელშიც გერმანოზ ბარათაშვილი მოიხსენიებს, რომ „ჩვენმა გვარმა კაცმა დიდმა ბარათამა ყორანთა შესწირა“-ო<sup>5</sup>. მართლაც, მთელი მე-16 ს. სიგრძეზე ეს მხარე საბარათაშვილოდ იხსენიება: 1587 წ., მაგ., ერაჯ, გულბა და საჩინო ბარათაშვილები მცხეთისაგან ვალად აღებული თეთრის გასასტუმრებლად სწირავენ საკათალი-

<sup>1</sup> ქრწ. II, 232; ისტ. საბ. III, 36—37; მეტად საყურადღებოა ერთი დოკუმენტი, რომელიც ბარათას მიაკუთვნებს ალექსანდრე მეფის ხანას, 1412—1442 წ. წ. (სიგელი გაცემულია ბარათასა, მისი ცოლის თინათინისა და შვილების დავითისა და გერმანოზისაგან, რომელნიც, უეჭველია, ქაჩიბაძეები არიან), მაგრამ ექვსი წუთის სიგლის თარიღი, იხ. საქ. სიძვ. I, 66—67.

<sup>2</sup> ქრწ. II, 271; ისტ. საბ. III, 38—39.

<sup>3</sup> იხ. აგრეთვე ქრწ. II, 352.

<sup>4</sup> ქრწ. II, 373; ისტ. საბ. III, 59.

<sup>5</sup> ქრწ. II, 373.

კოსო ტახტს სოფლებს ყორანთას, სამშვილდეს და სატრედოს<sup>1</sup>; ხოლო შემდეგ, ამავე მიზეზის გამო, მცხეთასვე აძლევენ დასახელებული სოფლების მოსაზღვრე ნასოფლარ ველკეთილს<sup>2</sup>. ამრიგად, ვახუშტის სიტყვები მართლდება და ბარათაშვილების წარმომავლობა ქაჩიბაძეთაგან სადავოდ აღარ უნდა იყოს მიჩნეული. შეიძლება მეტიც ითქვას: წარმოდგენილი მასალა სარწმუნოს ხდის. თედო ყორანთას მოსაზრებას, რომ ბარათაშვილობა ამ საგვარეულოს შეერქვა სწორედ ზემოთხსენებული, სალაროს მოლარე ბარათა ქაჩიბაძისგან, რომელიც მე-15 ს. პირველი ნახევრის პირი უნდა იყოს<sup>3</sup>. ამ მხრივ საგულისხმოა, რომ გერმანოზ ბარათაშვილი მას „დიდ ბარათას“ ეძახის. ეს „სიდიდე“, თვით საგვარეულოს წევრთა შეგნებაში, საფიქრებელია, დაკავშირებული უნდა ყოფილიყო იმ განსაკუთრებულ დამსახურებასთან, რომელიც ბარათას მიუძღოდა საბარათიანო სენიორიის შექმნის საქმეში. რომ ეს სენიორია არსებითად სწორედ მე-15 ს. ყალიბდება, ამას საუკეთესოდ მოწმობს თვით ფაქტი ახალი საგვარეულო სახელის ჩამოყალიბებისა<sup>4</sup>. ხოლო თუ ეს ყოველივე ასეა, მაშინ ალბათ სიმართლეს არ დავმორღებოდით, თუ ვიფიქრებდით, რომ ბარათა ქაჩიბაძეს სხვებზე ნაკლები, თუ არ მეტი, არ რგებია იმ „დარბაზიერთა“ შორის, რომელთაც მეფეებმა, მე-15 ს. დამდეგს, მამულეები „განუყვეს და უბოძეს“, როცა აქ კვლავ დაამკვიდრეს თავიანთი ხელისუფლება. თუ ასე მოიქცა ალექსანდრე მეფე ლორის მხარეში (იხ. ზემოთ), საფიქრებელია, რომ ანალოგიურივე ამბავი უნდა მომხდარიყო ლორესთან მკიდროდ დაკავშირებულ, მეზობელ სამშვილდის მხარეშიაც და, საერთოდ, ქვემო ქართლში, რომელიც განსაკუთრებით დაზარალდა თემურისაგან.

საიდან გაჩნდნენ ქაჩიბაძენი? ეს გაცილებით უფრო ძნელი საკითხია — აქ უკვე წყაროების მაქსიმალურ ნაკლებობას განვიცდივით. თ. ყორანთას ქაჩიბა ამ შემთხვევისათვის მიუჩნევია პირის სახელად, სახელდობრ, „დიდი“ ბარათას მამად, მაგრამ თავის მოსაზრებათა საფუძველი მას განმარტებული არა აქვს და არც გვგო-

<sup>1</sup> ქრწ. II, 425.

<sup>2</sup> ქრწ. II, 426; ისტ. საბ. II, 55—56.

<sup>3</sup> ქრწ. II, 353, 373; საქ. სიძვ. I, 66.

<sup>4</sup> ეს ზოგადი საკითხი ავტორს განხილული აქვს სპეციალურ მონოგრაფიაში. ვრთი საბუთი (ქრწ. II, 188) საბარათიანოს იხსენიებს უკვე 1362: წლისათვის, მაგრამ იგი მრავალმხრივ საეკვო დოკუმენტია და ყალბი უნდა იყოს. შეადრ. მისი განსხვავებული ვარიანტი, საქ. სიძვ. I, 244.



ნია, რომ ეს გუმანი გამართლდეს. ქაჩიბაძე უფრო ძველი გვარი უნდა იყოს.

ამ მხრივ ჩვენს ყურადღებას იპყრობს ერთი ფაქტი. ფიტარეთის ტაძრის ცნობილ წარწერაში იხსენიება ვინმე ქავთარი, რომელიც ყოფილა „ამირეჯიბი თვითმპყრობელისა ძლიერისა მეფეთ-მეფისა გიორგისი“. წარწერის უკანასკნელი წანაკითხით, რომელიც ექვთ. თაყაიშვილს ეკუთვნის, ქავთარს აუშენებია ფიტარეთის მონასტერი და ღვთისმშობლის საყდარი და მისთვისვე შეუწირავს ტანძია და თევდორწმიდანი. ფიტარეთის მონასტერი იყო მთავარი სასაფლაო ბარათაშვილთა, კერძოდ, ამ საგვარეულოსაგან გამოყოფილი შტოსი, ყაფლანიშვილ-ორბელიშვილებისა. ამათივე „სამკვიდრო სასახლე“ იყო სოფ. ტანძია<sup>1</sup>, სადაც, სხვათა შორის, დაიბადა სულხან-საბა ორბელიანიც. თევდორწმიდანიც, როგორც ექვთ. თაყაიშვილმა გამოარკვია, აგრეთვე ბოლნისის ხეობაში, ე. ი. ამავე საბარათაშვილოში, მდებარეობდა. ყოველივე ეს უკვე ამახვილებს ინტერესს ქავთარის ვინაობისადმი. ეს ინტერესი კიდევ უფრო გაძლიერდება, როცა მოვიგონებთ, რომ „ქავთარი“, საზოგადოდ, საყვარელი სახელი იყო ბარათაშვილებში, იმდენად, რომ ამ საგვარეულოს ერთ-ერთს მრავალრიცხოვან შტოთაგანს „ქავთარი-შვილებიც“ კი შეერქვა. საკითხს საბოლოოდ გადასწყვეტდა გვარის სახელი, რომ ეს უკანასკნელი უცილობლად იკითხებოდეს: წარწერაში იგი, სამწუხაროდ, დაქარაგმებულია „ქჯფმსძე“ ჯგუფის სახით. ქარაგმას არქეოლოგები სხვადასხვანაირად ხსნიან: ბროსე კითხულობს „ქუჯაფაძე“-დ, ე. თაყაიშვილი — „ქაჯაფაძისძე“-დ ან „ქუჯაფაძისძე“-დ, თ. ჟორდანიას — „ქოტფასძე“-დ (ჯანი მას ტარად მიუღია)<sup>2</sup>. ცხადია, რომ აქ ხმოვნები სავსებით ნებისმიერად არის ჩასმული. ხოლო თუ ყოველივე ზემოთქმულს გავითვალისწინებთ, გაცილებით უფრო მეტი საბუთი გვექნება ჩვენთვის საინტერესო სიტყვა „ქაჯიფაძისძე“-დ წავიკითხოთ და მიღებული ფორმა, „ქაჩიბაძისძის“, მივიჩნიოთ მხოლოდ ვარიანტულ ტრანსკრიფციად, რომელიც, იქნებ, სპეციფიკური წრის გამოთქმის სხვაობასაც ემყარებოდა. ფრიად სარწმუნოა ხდება, რომ ამირეჯიბი (აქ თანამდებობას ნიშნავს) ქავთარ ქაჯიფაძისძე ქაჩიბაძე-ბარათაშვი-

<sup>1</sup> ქრწ. II, 497.

<sup>2</sup> Mélanges asiatiques, t. II, 1-re livre, St.-P. 1852, გვ. 112 შემდ. იხ. იქვე, ტაბ. III, წარწერის პალეოგრაფიული პირი; ექვთ. თაყაიშვილი, სომხით-საორბელის ძეგლების წარწერები; ქრწ. II, 177.

ლების ერთი უშორეულესი, ისტორიაში ცნობილი, წინაპართაგანია. ამის შემდეგ ყურადღება უნდა შევაჩეროთ წარწერის ორს, მკაფიო და ხაზმოსმულ, ჩვენებაზე: 1) ფიტარეთის „აღწერებაში“ „არაღვისი ჰრთავს, თვინიერ ჩემისა ლაშქრისა და ხრმლითა მოგებულისა“, ე. ი. რომ ეს საქმე ქავთარს შეუსრულებია მხოლოდ თავისი ლაშქრითა და ხმლით ანუ, სხვანაირად რომ ვთქვათ, ომში მარტოოდენ მის მიერ ნაშოვნი ფულით; 2) რომ ტანძია და თევდორწმიდანი ქავთარს უყიდნია აგრეთვე მის მიერ ომში ნაშოვნი ფულით: „ვიყიდენ ტანძიად და თევდორწმიდანი ჩემითავე ხრმლითა მონაგებითა საფასითა“-ო. პირველ ცნობას ყველანი ისე განმარტავენ, თითქოს იგი ეკლესიის აშენებაზე მოგვითხრობდეს. ამ აზრის გადაჭრით მიღება ძნელია. ტექსტის „აღწერება“ შეიძლება „განახლებასაც“ ნიშნავდეს<sup>1</sup>. ის გარემოება კი, რომ წარწერის ხასიათი „კლასიკური ხანის სილამაზეს არ მოგვაგონებს“ (ე. თაყაიშვილის ავტორიტეტული განცხადებით), მაშინ, როცა თვით ძეგლი სწორედ ქართულ ხუროთმოძღვრების კლასიკური ხანის საუკეთესო ძეგლადაა ყველას მიერ აღიარებული, — დამაფიქრებელი ხდება. ხოლო ფაქტი, რომ წარწერა შესრულებულია კარიბჭის შიგნით და „ასოებიც წარწერისა ღრმად არ არიან ამოჭრილნი“ (ე. თაყაიშვილი), — რაც მოწმობს წარწერის ამოჭრას უკვე ამოყვანილ კედელზე, — გვაფიქრებინებს, რომ წარწერა ძეგლზე გვიანდელი უნდა იყოს და ცნობაში ტაძრის განახლება უნდა იგულისხმებოდეს. კიდევ უფრო მნიშვნელოვანია მეორე ცნობა: ქაჯიფასძე-ქაჩიბაძისათვის ის პუნქტები, რომელნიც შემდეგში ბარათაანთ სამფლობელოს ერთი ყველაზე უფრო ნიშანდობლივ შემადგენელ ნაწილთაგანია და საჯდომსაც კი შეადგენს ბარათაშვილების მთავარი შტოსათვის, ფიტარეთის წარწერის ამოჭრის დროისათვის მემკვიდრეობითი მამული კი არ არის, არამედ ახლად შექმნილია ყიდვის გზით. ქაჯიფასძე-ქაჩიბაძე ტანძიასა და თევდორწმიდანში, და იქნებ ფიტარეთშიაც, ახლად მოსული მფლობელია. რა დროს ცხოვრობს ამირეჯიბი ქავთარ ქაჯიფასძე? სამწუხაროდ, წარწერა უთარილოა, თუ არ ვიანგარიშებთ ზოგადსა და გაურკვეველ ცნობას გიორგი მეფის ზეობის შესახებ. საერთოდ ფიქრობენ, რომ ეს არის მე-14 ს. პირველი ნახევრის გიორგი („ბრწყინვალე“). ბროსე, რომელსაც ემხრობა ე. თაყაიშვილი, ამას არადამაჯერებელი

<sup>1</sup> იხ. ნ. ბერძენიშვილი, მცხეთის საბუთი XI ს., საქ. მუზეუმის მოამბე, ტ. VI.

ზაბუთებით ამტკიცებს, კერძოდ, ფიქრობს, რომ ასეთი მშვენიერი ჭეგლის აშენება არ შეეძლოთ დასახელებული ხანის შემდეგაო. მაგრამ ასეთ მოსაზრებას, სხვა არ იყოს რა, ძეგლის აშენებისა და წარწერის ამოჭრის თანადროულობის დაუსაბუთებლობა ეწინააღმდეგება. თ. ჟორდანიას ზოგად პალეოგრაფიულ მოსაზრებას ემყარება, რაც აგრეთვე სრულებით არადაამარწმუნებელია. საკითხი გადაუწყვეტელი რჩება. მხოლოდ აქ უნებლიეთ გვაგონდება ცნობილი მამუკა ბარათაშვილის (17 ს. დამლევი — 18 ს. პირველი ნახევარი) ნათქვამი ბარათაშვილთა წარმომავლობის შესახებ: „ვინ ძირად ბარათ, ქავთარის მოძე ქაჩიბაძისა“<sup>1</sup>. აქ თითქოს ის აზრი უნდა იყოს გამოხატული, რომ ბარათაშვილები წარმოსდგებიან ბარათა ქავთარის ძის ქაჩიბაძისაგან. იქნებ მამუკას ჰქონდა ცნობა იმის შესახებ, რომ „დიდ“ ბარათას მამას ქავთარი ერქვა სახელად? მაშინ ხომ არ შეიძლებოდა გვეფიქრა, რომ ეს ქავთარი ამირეჯიბი ქავთარია და რომ იგი ცხოვრობს ბაგრატ და გიორგი მეფეების დროს, ე. ი. მე-14 ს. დამლევის? ან შესაძლოა უფრო საარწმუნო იყოს ამ ცნობის მეორეგვარი გაგება: ბარათაშვილები წარმოსდგებიან ბარათასაგან, რომელიც არის შორეული შთამომავალი („მოძე!“ ამ იშვიათი სიტყვის ნამდვილი აზრია საძიებელი) ქავთარ ქაჩიბაძისა, რომელიც იქნებ მართლაც გიორგი ბრწყინვალისდროინდელი პირი იყოს. საკითხი ჯერ არ შეიძლება გადაწყვეტილად იქნას მიჩნეული.

მამუკა ბარათაშვილის ცნობა ახალ შუქში ჩნდება ერთი გარემოების წყალობით. ბარათაშვილთა ჩამომავლობით ჯერ კიდევ ძველადვე დაინტერესებულან თვით საგვარეულოს წევრები და ვილაცას ამათგან სათანადო თხრობაც შეუთხზავს. ამ გენეალოგიური თხრობით, რომელშიაც ისტორიული სინამდვილე და ლეგენდა საკმაოდ გამჭვირვალედ არის ერთმანეთში ხელოვნურად არეული, ბარათაშვილთა და მათი განაყოფი საგვარეულოების წინაპარი არის გითომც ვინმე ბირიან აბაში, რომელიც საქართველოში მოსულა 768 წ., ქრისტიანული წელთაღრიცხვით. იგი ყოფილა „კაცი ამირთამირი“, „დიდის კრებულის ელით“. მეფე ბაგრატს, დავითის ძეს,

<sup>1</sup> ქება მეფის ბაქარისა, — მამუკა ბარათაშვილის მიერ თქმული 1734 წ. საქ. მუხ. ხელნაწ. განყ. № 303 S, გვ. კბ. აქ მამუკა ბაქარს მიმართავს: „ხარ დავითისა, ხარდა ვით ისა, მებრძოლთა წყობად ვარ გამაძისა, შენგან მზე ბარათ! ვინ ძირად ბარათ, ქავთარის მოძე ქაჩიბაძისა, გაქოს მონამა, ლაწვთა მონამა, ვის არაქვენდეს ზოგთა მბაძისა“.

დიდი მამული მიუცია აბაშისათვის, — ვერეს, ბედნის, არჯენის, ფარაენის, ბორცვისა და ლელეის მდინარეები „თავისის ხევისთავითა“, — და მოყვრადაც მოჰკიდებია მას. თვითონ აბაში ვითომც ორბეთსა და გმირთ-კვეთილს დასახლებულა. მისი გარდაცვალების შემდეგ მის შვილებს, რომელთაც მამის მამული და ადგილი დარჩენიათ, გვარადაც ვითომც აბაშიშვილები შერქმევიათ. მაგრამ „გარდაიცვალა რამდენიმე დრო და ჟამი და დაერქო ქართველ ქაჩიბაძე, რამდენიმე წელიწადი ქართველ ქაჩიბაძე ვიყავით“. შემდეგ კვლავ „გარდაიცვალა დრო და ჟამი და დაგვერქვა ბარათიანი. ამ ბარათაშვილობაში ვესახლენით ენაგეთს“. აქ გაყრილან, მეფე ალექსანდრე გიორგის ძის დროს, 317 წლით ადრე ამ დოკუმენტის შედგენამდის. გაყრილნი იოანე ბარათაშვილის შვილნი, რომელთაც მთლად ცხრა ათასი კომლი გლეხი და აზნაური რგებიათ მამისაგან, სხვადასხვა ადგილას დამსხდარან: უფროსი აბაში — სამშვილდეს, გუგუნა — ალგეთს, უმცროსი, დავითი — გარესჯას. დასასრულ, „მემატიანე“ ერთ ცნობასაც აწვდის მკითხველს: „ძველი წიგნი და გუჯრები, ბირიან აბაშისა და ქაჩიბაძობისა, ყველა მანგლისის სამალავში ბირიანის წიგნები ლანგ-თემურ დაწვა; და ქართველ ქაჩიბაძობის წიგნი, მანგლელი საბა ქვათახევეს იყო, იმას ჰქონდა. ის მანგლელი საბა ლანგ-თემურ ქვათახევეს, საყდარში, დაწვა, წიგნები და გუჯრები ძველი იქ დაიკარგა. და ბარათაშვილობის წიგნები და გაყრის წიგნები არის, როგორცა გაყრილან და ვის რა ვის რგებია, ხეობა თუ მამული“<sup>1</sup>.

ამ თხრობის ჩვენებათა გაგებისათვის ყურადღება უნდა მიექცეს დოკუმენტის ბიბლიოგრაფიულ ცნობას: წარმოდგენილი პირი, 1754 — 1755 წ., გადმოუწერია იესე მოლართუხუცესს იმ „გუჯრისპირიდან“, რომელიც ძველის ბეთანიური ეგზემპლარის მიხედვით გაუკეთებია ვინმე დეკანოზს იესეს 1704 წ., 7 მარტს, ჟამსა მეფობისა გიორგისსა, ჯანიშინობასა ბატონიშვილის ვახტანგისსა“. ეს პირის პირი ჰკუთვნებია თომა კანჭაშვილს, რომელიც სხვა წყაროებიდან ცნობილი თომა ბარათაშვილია, რასაც ცხადჰყოფს მინაწერში დაცული ჩვენებაც. ხოლო აღნიშნული თომა ძმა ყოფილა იმ მამუკასი, რომლის გენეალოგიური მითითება ზემოთ იყო მოტანილი<sup>2</sup>. ეხლა ნათელია, რომ მამუკას გენეალოგია დამყა-

<sup>1</sup> Е. Тақайшвили, Еще один из источников истории Грузии царевича Вахушта. ЗВОРАО, VIII, СПб, 1893.

<sup>2</sup> თომასა და მამუკას ძმობა დადგენილია პ. ინგოროყვას მიერ, ახალი სარკივო ცნობების ნიადაგზე.

რებულია სხვა ხასიათის წყაროებზე, ვიდრე წარმოდგენილი თხრობა (საყურადღებოა თუნდ ის ფაქტიც, რომ ბარათას პიროვნება სრულიად უცნობი დარჩენილა „ბეთანიის გუჯრისთვის“). პირველი თითქმის მთლიანად ეთანხმება დოკუმენტალურ ცნობებს, მეორე კი თითქოს ამ უკანასკნელთა შევსებას ლამობს. ერთი ოჯახის წევრთა ეს განსხვავებული ცნობები თავიანთი საგვარეულოს ჩამომავლობის შესახებ მოწმობს, რომ ეს გენეალოგიები საერთოდ ახალი წარმოშობისა იყო და მათ ჯერ კიდევ დადგენილი და საყოველთაოდ მიღებული სახე არ ჰქონდათ. შეიძლებოდა, რათქმაუნდა, დაგვესვა საკითხი — ხომ არ უდრის „ბეთანიის გუჯრის“ „ქართველი“ მამუკას ჩვენების „ქავთარს“, ე. ი. ხომ არა გვაქვს აქ ერთიდაიმავე ცნობის ტრანსფორმაციები, ამა თუ იმ გზით წარმოშობილი? მაგრამ ამ მხრივ დაბრკოლებას წარმოადგენს მოცემული ტერმინების განსხვავებული ფუნქციები: „ქართველი“ მსაზღვრელია და განმარტება, „ქავთარი“ კი — პირის სახელი. რათქმაუნდა, „ბეთანიის გუჯარში“ ბევრი რამ შეთხზულია. ასეთი ჩანს, მაგ., ცნობა ბირიან აბაშის შესახებ. მაგრამ თხრობის ორი ჩვენება ჩვენ საყურადღებოდ მიგვაჩნია. პირველი ცნობა, რომელიც ამტკიცებს ლანგ-თემურის მიერ ქაჩიბაძე-ბარათაშვილთა ძველი საბუთების განადგურებას, მხოლოდ იმის მოწმობაა, რომ უკვე მე-18 ს. დამდეგს თვით საგვარეულოში არ მოიპოვებოდა არავითარი დოკუმენტალური მასალა, თემურის ხანაზე აღრიხდელი. საგვარეულო არქივის დასაბამი მე-14 საუკუნეს ვეღარ აღწევდა. მეორე ჩვენება, კიდევ უფრო მეტი ცნობისმოყვარეობის აღმძვრელი, ისაა, რომელიც ამტკიცებს, რომ ერთ დროს საგვარეულოს „ქართველ ქაჩიბაძე“ ეწოდებოდა და მხოლოდ შემდეგ შეერქვა მას ბარათაშვილობა. ეს ამტკიცება თხრობაში სამჯერ არის განმეორებული და თან ერთი კონკრეტული ცნობაცაა დართული, სახელდობრ, რომ „ქართველ ქაჩიბაძობის წიგნი“ საბა მანგლელთან ერთად დაილუპა ქვათახევში, როცა თემურმა ეს მონასტერი დასწვა.

რას ნიშნავს „ქართველი“ ამ შემთხვევაში? როგორც უკვე ვამბობდით, ეს ტერმინი აქ მსაზღვრელის როლში გვევლინება. იგი მიუთითებს იმაზე, რომ ეს ქაჩიბაძენი შტო იყვნენ უფრო ვრცელი საგვარეულოსი, რომლის სხვა განატოტები თუ ძირითადი ტანი სხვაგან დარჩა. „ქართველ ქაჩიბაძე“ არა-ქართველ ქაჩიბაძეებსაც გულისხმობს. ამასთან ერთად ჩვენ დაუჯერებელი გვეჩვენება, რომ მოცემული ცნობა გამოგონილი იყოს, იგი მეტად ნიშანდო-

ზლივია და კონკრეტული. ეს ცნობა რომ გამოგონილი და შეთხზული იყოს, მაშინ უფრო ბუნებრივი იქნებოდა ავტორს იგი ბირიან აბაშთან დაეკავშირებინა: მისი თხრობით ხომ სწორედ ბირიან აბაშია მოსული, „ქართველ ქაჩიბაძე“ კი აბაშის ადგილობრივ და მერმინდელ შთამომავალთა სახელია. ამიტომ ჩვენ ვფიქრობთ, რომ აქ რაღაც გარდმოცემასა თუ, სხვა გზით დაცულ, მოგონებასთან გვაქვს საქმე. თვით ამ გვარისსახელის სტრუქტურა იძლევა ერთგვარ საშუალებას საიდუმლოების გახსნის ცდისათვის.

ის ძირითადი ელემენტი, რომელიც ქართულად გაფორმებული სახით წარმოდგენილია ამ გვარისსახელში — „ქაჩიბა“, პირველივე შეხედვით არა ქართული წარმოების შთაბეჭდილებას სტოვებს. თუ სწორია ზემოთ, თავის ადგილას, გამოთქმული მოსაზრება ამირეჯიბი ქავთარის ვინაობის შესახებ, მაშინ ჩვენ ამ წარმოების განსხვავებული (საფიქრებელია, უფრო ძველი) ფორმაც გვაქვს — „ქაჯიფა“. ამ ფაქტების თავისებურების შესწავლა ჩვენთვის დიდად სარწმუნოსა ხდის მათს მომდინარეობას დასავლეთ საქართველოდან.

ჯერ ერთი, მოვიგონოთ, რომ იგივე გვარი, მხოლოდ მეგრულად გაფორმებული, დღესაც ცოცხალია: „ქაჩიბაია“. „ქაჩიბაია“ — „ქაჩიბაძის“ ნათესაობა ექვს გარეშეა. მეგრული ფაქტი იმითაც არის საინტერესო, რომ იგი თითქოს მოძრაობის გზაზედაც მიგვითითებს. მსგავსივე აღნაგობის არა ერთ სხვა მეგრულ გვართან ერთად (ჩაჩიბაია, ალშიბაია, კაკუბაია-კაკუბავა, ეზუგბაია, ქეცბაია და სხვ.), ესეც უეჭველად აფხაზური წარმოშობისაა: მათ ახასიათებს აფხაზურ გვარისსახელთა ერთი ჯგუფის სპეციფიკური დაბოლოება — „ბა“ (შეადრ. ჩაჩბა, კუკბა და სხვ.), რომელსაც შემდეგში მეგრული, იდენტური ფუნქციის დაბოლოება — „ია“ წამატებია (მეგრულ ხალხურ მეტყველებაში დღესაც ცოცხალი აფხაზური გვარები ჩვეულებრივად ამ ფორმით წარმოითქმის). დაბოლოება „ბა“, საფიქრებელია, „ფა“-ს (-ძეს) განვითარებაა გარკვეულს ბგერით პირობებში, როცა ეს სიტყვა, კუთვნილებითი ნაწილაკის, ი-ს, ჩამოშორების შემდეგ, უშუალოდ უკავშირდებოდა წინამავალ ფუძეს. წინააღმდეგ შემთხვევაში, სიტყვა ინარჩუნებს თავის ფორმას (შეადრ. აფხ. გვარები ინალ-იფა, ძიაფში-იფა, პატე-იფა და სხვ.). თვით გვარის მატარებელნი სხვადასხვა დროს და სხვადასხვა სოციალ-პოლიტიკურ პირობებში არიან გადმოსულნი.

ქაჩიბაძეების გადმოსვლა აღმოსავლეთ საქართველოში, ცხადია, ძალიან ძველი ამბავია. იგი უკავშირდება ერთს უაღრესად საყურად-

დებო ისტორიულ მოვლენას საქართველოს ისტორიაში, რომელიც არამცთუ ჯერ შეწავლილი არ არის, საკითხის სახითაც წამოყენებული არ ყოფილა. ამ წერილის ფარგლები ჩვენ საშუალებას არ გვაძლევს აღნიშნული პრობლემა აქ ვრცლად განვიხილოთ. იძულებული ვართ ეს მოვლენა მხოლოდ ორიოდვე სიტყვით მოვხაზოთ<sup>1</sup>.

ჩვენ ვგულისხმობთ იმ ფეოდალურ „კოლონიზაციას“, „იმ-მიგრაციას“, რომელიც ლიხთამერეთში ლიხთიმერეთიდან მომდინარეობს გარკვეულ ხანაში. თუ რამდენადმე ანალოგიური პროცესი უფრო აღრინდელი პერიოდისათვის შეიძლება საწინააღმდეგო მიმართულებით ვივარაუდოთ, აფხაზთა სამეფოს წარმოშობამ (VIII—IX სს. მიჯნა) მას თავისებურად უპასუხა. დასავლეთიდან წამოსულმა ფეოდალურმა ექსპანსიამ აღმ. საქართველო სხვადასხვადროინდელი, მეტნაკლები სიმაღლის და განსხვავებული ხასიათის, ტალღებით დაფარა. დაკავშირებული იყო ეს პროცესი თვით საზოგადოებრივი და პოლიტიკური ურთიერთობის განვითარების სხვადასხვა საფეხურთან.

პიონერი ამ მხრივ იყო ვინმე ლიპარიტი, რომელმაც მეცხრე საუკუნის მეორე ნახევარში „შეიპყრნა ქვეყანანი თრიალეთისანი, აღაგო ციხე კლდე-კართა“ და საძირკველი ჩაუყარა კლდე-კარის ერისთავთა-ერისთავების სახლს, რომელიც უძლიერეს ფეოდალურ ბუდედ იქცევა და რომლის გვიანდელი წარმომადგენელი, აგრეთვე ლიპარიტი, აღმოსავლეთ საქართველოს უგვირგვინო მეფეა მე-11 ს-ში. ამ საგვარეულოს, სრული შეცდომით, ორბელიანებს ეძახიან, მაშინ, როდესაც მისი ნამდვილი გვარისსახელი იყო „ბალუაში“; მეგრულ-ქანური გვარებისათვის დამახასიათებელი ფორმით (დაბოლოება—„ში“). წარმოშობით ეს საგვარეულო არგვეთიდან, ე. ი. დღევანდელი ზემო იმერეთიდან, მოდიოდა და მისი მამაპაპეული რეზიდენცია კაცხი იყო. ქართლელმა ბაღვაშებმა თავიანთი უფლება თანდათან გაავრცელეს თრიალეთსა, ალგეთის ხევსა და, საერთოდ, ქვემო ქართლის იმ ნაწილზე, რომელმაც შემდეგში საბარათიანოს სახელწოდება მიიღო.

თუ ქართლელი ბაღვაშების ურთიერთობა აფხაზთა მეფეებთან თავისებური ხასიათისა იყო და მათი ლიხთამერეთს გადმოსვლა, შესაძლოა, ამ მეფეთაგან დამოკიდებულების ნაყოფი კი არ იყოს, არამედ სულ სხვა ურთიერთობის შედეგი, ყოველ შემთხვე-

<sup>1</sup> ეს საკითხიც ავტორს სპეციალურ მონოგრაფიაში აქვს განხილული.

ვაში, სხვა ფეოდალური სახლების დაჯდომა აღმოსავლეთ საქართველოში უეჭველად აღნიშნულ ექსპანსიას უკავშირდება. ასეთია, მაგ., საზვერელი აზნაურების, ჩიჯავაძეების დასმა თანამედროვე ქართლის ზემო ნაწილში, იმერეთ-ამერეთის ყველაზე სამხრეთით მდებარე გზაზე. ეს დიდი აზნაურები აქ უკვე მე-10 ს. პირველ ნახევარში ჩანან. იმავე საუკუნის მეორე ნახევარში ქართლში პირველობენ ერისთავნი მარუშიძენი, რომელნიც გვარის მიხედვით (-ში+ძე) აგრეთვე უეჭველად ლიხთიმერეთიდან მომდინარეობენ. საფიქრებელია, რომ ამავე ხანაში (თუმცა გადაჭრით ამის თქმა ძნელია წყაროების უქონლობის გამო) იმერეთ-ამერეთის ყველაზე ჩრდილოეთით მდებარე გზაზე სხდებიან ანჩაბაძენი, რომელთა გვარისსახელიც, თავის წარმომავლობითა და მერმინდელი ისტორიით (-ბა+ძე), „ქაჩიბაძის“ სრულ ანალოგონს წარმოადგენს<sup>1</sup>. „ანჩაბაძის“ მიხედვით იქმნება ფეოდალური რეზიდენციის სახელწოდება „აჩაბეთი“<sup>2</sup>, ხოლო ამ უკანასკნელიდან — ახალი სამფლობელო სახელი „მაჩაბელი“. შეიძლება სხვა ფაქტების ჩვენებაც, მაგრამ იძულებული ვართ აღნიშნულით დაკმაყოფილდეთ, საკითხის სირთულის გამო და ეკონომიის მოსაზრებითაც.

უეჭველია, ეს პროცესი მე-10 საუკუნეში არ დამთავრებულა და მომდევნო ხანაშიაც გაგრძელდა, — თუმცა უფრო შესუსტებული სახით. სამისო ფაქტებიც მოგვეპოვება...

ქაჩიბაძენიც, ვფიქრობთ, ამ ნაკადმა მოიყვანა ქართლში. თუ სახელდობრ როდის მოხდა ეს ფაქტი, ამის თქმა ჯერჯერობით ისევე ძნელია, როგორც მათი თავდაპირველი საზოგადოებრივი ადგილისა და მნიშვნელობის გარკვევა. იქნება ქაჩიბაძენი თავდაპირველად ბალეაშთა ან ამ უკანასკნელთა ერთ-ერთი შტოს ვასალები იყვნენ?<sup>3</sup>

ერთ ცნობილ დოკუმენტში, რომელიც გაცემულია თამარ მეფის მიერ 1202 წ., დაცულია ჩვენს თემასთან მეტნაკლებად დაკავშირებული საყურადღებო ფაქტები. თამარი სწირავს შიო-მღვიმეს სასეფო გლეხებს, ორ კომლს, გვარად ქოსოსძეებს თუ ქოსა-

<sup>1</sup> მსგავსი ფაქტები სხვაც მოიპოვება. შეადრ. მაგ., ბედიფი მთავარეპისკოპოსის, ვინმე მიქელის, გვარი გონგლიბაისძე (მარი, ალაპანი გვ. 3).

<sup>2</sup> ალგეთის ხეობაში არის სოფელი „ჩაჩუბეთი“, რომლის სახელწოდება, შესაძლოა, ანალოგიურად წარმოშობისა იყოს; ყოველ შემთხვევაში, დამაფიქრებელია.

<sup>3</sup> ჩვენ სრულიად უგულბელყოფთ საკითხს ქაჩიბაძეების ორბელთაგან, წარმომავლობის შესახებ რადგანაც ეს ახრი, ზოგიერთი მკვლევრის მიერ გაცვრით გამოთქმული, სავსებით უსაუფლო გვგონია.



ისძეებს. ამ ყმებს სხალტბიდან მღვიმეში გაყვანილი წყალსადენის „კაზმვა“ (მოვლა-პატრონობა) ევალებათ. საბუთის ერთ-ერთ მინაწერში, რომელიც ამ საქმის ინიციატორსა და განმახორციელებელს, ანტონ მწიგნობართუხუცესს ეკუთვნის, დასახელებული გლეხების შესახებ მეტად საინტერესო ცნობა ჩნდება: ქოსოსძენი „აფხაზეთნი“ ე. ი. „აფხაზეთიდან“ ანუ ლიხთიმერეთიდან (ზოგადი მნიშვნელობით; ვიწროდ — საკუთრივ აფხაზეთიდან) მოსულნი თუ მოყვანილნი ყოფილან. გარდა ამისა, სიგელი შეიცავს ერთს ახალს; ჩვენთვის კიდევ უფრო საინტერესო, ცნობას. ცალკე მინაწერში მღვიმის კრებული აცხადებს, რომ რადგანაც მეფისგან შეწირული ორი კომლი „არა ეყოფოდეს მკაზმავად წყაროსა“, კრებულმა, უკვე თავის ყმათა რიცხვიდან, იმავე საქმეს ორი ახალი კომლი მიუყენა. მათგან „მეორე გლეხი გარეთ მოსული ქაჩაბურაძსძე ყოფილა<sup>1</sup>. „გარეთ მოსული“ გარედან, ე. ი. სხვა რაიონიდან, სხვა თემიდან მოსულს ნიშნავს. რადგანაც ეს გლეხი ქოსოსძეების გვერდით იხსენიება, უნებლიეთ ჩნდება მოსაზრება, რომ ისინიც „აფხაზეთნი“ ანუ აფხაზეთიდან მოსულნი იყვნენ<sup>2</sup>. ამაში თვით გვარის ფორმაც ხომ კიდევ უფრო მეტად გვარწმუნებს — აქ იგივე აფხაზური დაბოლოებაა, უკვე ორმაგი ქართული სუფიქსაციით წარმოდგენილი: -ბა + ურ + ძე<sup>3</sup>.

შეიძლება მეტიც ვიფიქროთ, სახელდობრ, დავუშვათ, რომ ქაჩაბურაისძე რაღაც კავშირში იმყოფება ქაჩიბაძესთან.

პირველყოფილი თემის დაწყებითი დიფერენციაციის პერიოდში, სანამ ახლად გამოყოფილი მემკვიდრეობითი მეთაურის უფლება სუსტად არის განვითარებული, ეს მეთაური და თვით თემი ერთსად იმავე სახელს ატარებენ. წინააღმდეგობის შემდგომი ზრდა იწვევს სახელთა ნაწილობრივს დიფერენციაციას. სრული დაშორება ამ მხრივ უკვე სრული ფეოდალიზაციის პირობებში ხდება. სათანადო მასალას უხვად გვაწვდის კავკასიური სინამდვილეც. ქაჩიბაძე და ქაჩაბურიძე, ამ მნიშვნელობით, შეიძლება ერთისად იმავე წარმოშობისა იყოს. არც ისაა შეუძლებელი, რომ -ური, გლეხურ გვარში, სწორედ ფეოდალური დამოკიდებულების ნიშნად იყოს გაჩენილი.

<sup>1</sup> მღვ. საბ., გვ. 25—28.

<sup>2</sup> მღვ. საბ., გვ. 61, კვლავ იხსენიება ვინმე აფხაზი მიქელი.

<sup>3</sup> არ ვფიქრობთ, რომ ეს გვარისსახელი უკავშირდებოდეს ტერმინს „ქაჩაბურს“, რომელიც, სულხან-საბას განმარტებით, „სამწყემსო ჯოხი“ ყოფილა; „ქაჩაბურის“ წარმოშობაც ხომ უცნობია.

ყოველივე ამის შემდეგ მოვიგონოთ, რომ აფხაზური მოსახლეობის იმ ტერიტორიაზე, რომელიც ცნობილი იყო „ჯიქეთის“ საერთო სახელწოდებით, არსებობდა ამ აფხაზური ტომის, ჯიქთა (ანუ, აფხაზურად, საძუების) ერთი დამოუკიდებელი, ფეოდალური მნიშვნელობით, თემი, რომელიც, თავისი სახელწოდებით, უკავშირდება ჩვენთვის საინტერესო გვარს. ამ თემის შესახებ ცნობად მოვპოვება უკვე ცნობილს თურქ მოგზაურს, ევლია ჩალაბს, რომელმაც აფხაზური სანაპირო და აღნიშნული თემის მიწა-წყალიც თვითონ ინახულა 1641 წ. გაგრის ჩრდილო-დასავლეთით, მდ. ფსოუს ხეობაში; იგი ათავსებს ტომს, რომელსაც „კეჩილარ-ის“ თუ „ქეჩილარ“-ს უწოდებს (სამწუხაროდ, ჩვენ თურქული ტექსტიხელთ არ გვაქვს და იძულებული ვართ ევროპელთა ტრანსკრიფციის მიხედვით ვივარაუდოთ ევლიას მართლწერა). ევლიას ცნობით, ამ თემში 75 სოფელია, მოსახლეობა მდიდარია და შეუძლია 2—10000 დახელოვნებული მეომარი გამოიყვანოს, მეტწილად მხედრობაო. ტომის სახელი თურქული მრავლობითი რიცხვის ფორმითაა წარმოდგენილი (ასევე ეძახის ევლია, საერთო თურქული ჩვეულების თანახმად, კეჩილარების უახლოეს მეზობელ თემებს — „ჩანდლარ“-(-ცანდ) და „არტლარ“-(-არედ, აქედან თანამედროვე ზღვისპირა ქალაქის, ადღერის, სახელწოდება). მაშასადამე, თემის საკუთარი სახელწოდება, ევლიას ცნობით, კეჩ II ქეჩ თუ ქეჩ II ქაჩ ყოფილა (ხმოვანთა აღუნიშვნელობის გამო არაბულ დამწერლობაში ვოკალიზაცია პირობითია)<sup>1</sup>.

„დამოუკიდებელი“ ფეოდალური სამფლობელოს სახით ამ თემმა მე-19 ს. სამოციან წლებამდისაც მოაღწია, როცა, უმეშვეო რუსული მმართველობის შემოღების შედეგად, იგი მთლიანად გადასახლდა ოსმალეთში. რუს. წყაროები მას Гечъ ან Гечъ-ს უწოდებენ. ასევე უწოდებენ ისინი თემის მფლობელ თავადთა საგვარეულოს. წარსული საუკუნის შუაწლებში აქ აქტიურ როლს თამაშობს თავადი „გეჩ რეშიდი“ (Гечъ Решид).

თვით აფხაზური ცნობებით (მახსოვრობა ამ თემის შესახებ ეხლაც ცოცხალია), ტომის სახელწოდება არც რუსულ ტრანსკრიფციაშია ზუსტად გადმოცემული. ნამდვილად პირველი თანხმოვანი, „გ“ არის გაპალატალებული (დარბილებული), ხმოვანი კი — „ა“-მიახლოებით, ქართული ასოებით, სახელწოდება უნდა დაიწეროს — „გაჩ“ (უფრო დაშორებით — „გაჩა“). ცოცხალ ენობრივ ურთი-

<sup>1</sup> ЗООИД, т. IX.

ერთობაში კი სავსებით შესაძლებელია ტერმინი „ქაჩ“-ის ფორმით გადმოსულიყო. ზღვისპირა „გაჩების“ გარდა, ამ სახელწოდებას ატარებდა, ზოგიერთი წყაროს ცნობით, პირიქითელი აფხაზების, აბაზების ანუ ტაპანთების, ერთი ექვს თემთაგანი, რაც მიგვითითებს თვით სახელის განსაკუთრებულ მნიშვნელობაზე აფხაზურ მოსახლეობაში.

„ქაჩი“ შეიძლებოდა ეწოდებინათ როგორც მთელი თემისათვის, ისე ცალკე ოჯახებისათვის. უკანასკნელ, ე. ი. გვარისსახელის, შემთხვევაში, წარმოდგენილი ფორმა რჩებოდა, თუ გვარი წინ უსწრებდა პირის სახელს (შეადრ. „გაჩ რეშიდ“). ხოლო თუ, პირუკუ, სახელი უსწრებდა წინ გვარს, უკანასკნელი მოითხოვდა უკვე ახალ გაფორმებას — მას უნდა დამატებოდა სიტყვა „-ფა“ (-ძე), „იფა“-ს (-მისი ძე) სახით, ან მისი სახეცვლილება „ბა“. ასეთი წესი დღესაც სავალდებულოა აფხაზურში (ჩაჩ მურზაყან, მაგრამ: მურზაყან ჩაჩბა და სხვა). ქაჩების მეზობელ, სხვა აფხაზურ თემთა მფლობელნი სწორედ ასე იწოდებოდნენ: სილ ანუ სილ-იფა, ინალ ანუ ინალ-იფა და სხვ. ქაჩების უშუალოდ მომიჯნავე, ზემოთ დასახელებული, თემის, არედის, მფლობელი საგვარეულო ასევე იწოდებოდა: არედ ანუ არედბა (არედ-იფა). ამდენადვე, ჩვენი ქაჩბა და ქაჩაბა სავსებით კანონზომიერი ფორმაა ამ რიგიდან. რომ უფრო აღრინდელი სახე დაბოლოებისა აგრეთვე ცნობილი იყო ადგილობრივ, ამას გვიდასტურებს ფიტარეთის წარწერის ფაქტი — ქაჯიფა (ქაჯ-იფა)<sup>1</sup>.

დავასკვნათ. წარმოდგენილ მოსაზრებათა მიხედვით შესაძლებელია ვითქვით, რომ საქართველოს ფეოდალური მონარქიის არსებობის ხანაში, ან მის უშუალოდ წინამორბედ პერიოდში (მე-10 — 13 სს.), სხვა ლიხთიმერელ „კოლონიზატორებთან“ თუ „კოლონისტებთან“ ერთად ქართლში გადმოდინა ქაჯიფაისძე-ქაჩბაძენი. მათი მოძრაობის გზას ნაწილობრივ უნდა მიგვითითებდეს „ქაჩბაია“ — „ქაჩაბურასძის“ არსებობის ფაქტები. სხვადასხვა სოციალური მნიშვნელობის ერთეულის დაკავშირება ამ მოძრაობაში სავსებით ბუნებრივია: მოდიოდნენ არა მარტო სენიორები, არამედ მათ თან მოსდევდათ მათი ვასალები, არიერ-ვასალები, ყმები და შინაყმები. რომელ საფეხურზე იდგნენ თვით ქაჩბაძენი გადმოსვლის მომენტში, არ ჩანს; მაგრამ ვფიქრობთ, რომ არც თუ ძალიან მაღალზე. მათი განდიდება მერმინდელი ხანის საქმეა, როდესაც ინიჩი ბალეაშ-ორბელთა ნაოხარზე ნელ-ნელა აშენებენ თავიანთ ძლიერებას, ორბელ-სამშვილდის მებატონენი ხდებიან და „საორბელოსაც“ „საბარათიანოდ“ აქცევენ.

<sup>1</sup> „ჯ“, შესაძლებელია, აგრეთვე ფუძის უკანასკნელი თანხმოვნების უფრო აღრინდელ სახეს გვიჩვენებდეს. — საინტერესოა შესაძარებლად, რომ ანჩაბაძესთან ერთად ვახუშტისათვის ცნობილია ფორმა ანჩაფისძეც.

## ეგნატე ინგოროყვას გენეალოგიისათვის

ინგოროყვათა საგვარეულო კარგა ხნის დამკვიდრებული ჩანს საქართველოში და აკლიმატიზაციის პროცესი ადრევე დამთავრებულია. მაგრამ მაინც ერთგვარ ინტერესს იწვევს ამ საგვარეულოს წარმოშობის ისტორია—ის გარემოება, რომ ჩვენი მწერლის გენეალოგიას მეზობელ ქვეყანაში მივყავართ.

ცნობა თავისი არაქართული ჩამომავლობის შესახებ ჰქონია ეგნატესაც, რომელიც, ნახევრად სერიოზულ, ნახევრად საოხუნჯო ტონით ამ ჩამომავლობით განმარტავს თავისი ტემპერამენტის თვისებას.

ერთს კერძო წერილში ეგნატე წერს:

„იმის შესახებ კი არ ვიცი რომ ამბობ — ტიმოფეევს რატომ წაეჩხუბეო. კაცო, სადაც წასახუბებელია, იქ წაჩხუბება უნდა. რას მიქვიან მოთმენა და ისიც ადგილის გულისთვის! ჯანი გავარდეს იმ სიცოცხლეს, თუ კი ჩემს დღეში კომპრომისებზე ვივლი! იცი, ვარლამ, ჩვენი ცხოვრება უამისოდაც კომპრომისებით არის სავსე. არა, ძმაო, სადაც უსინდისობას დაინახავ, იქვე უნდა უკიჟინო. კიდევ კარგი, რომ ჩემი აფხაზ-გურული სისხლი თავის კალაპოტში დამაგრდა და არ გადმოხეთქა, ესე იგი, რომ მართლა დიდი სკანდალი არ მოვახდინე, ისე წამოველ ტიმოფეევიდან. მაგრამ ეს ეხლა გავლილი ამბავია, ლაპარაკათ არ ღირს“...

(წერილი ვინმე ვარლამისადმი, დ. ზესტაფონიდან, 1892 წ. 1 აპრ. თარიღით)<sup>1</sup>.

ცხადია, ამ შემთხვევაში ეგნატე ეყრდნობოდა იმ საგვარეულო გარდმოცემას, რომელიც ახლა ჰაველე ინგოროყვას მიერ არის გამოქვეყნებული.

აღნიშნული გარდმოცემით, ინგოროყვები, ორ სხვა გვართან, როყვებთან და ათლაყვებთან (ამჟამად გამოითქმის: ართილაყვა)

<sup>1</sup> წერილი ხელმოწერილია „ეგნატე ინგოროყვა“. იგი პირველად გარეუქვეყნებით გაზ. „გრიგალში“, 1906 წ. № 10-ში, მაგრამ შეუუმჩნეველი დარჩენილა მკვლევართათვის, ვიდრე მას კვლავ ყურადღება არ მიაქცია პოეტმა სოსო გრიშაშვილმა, რომელმაც ეს საინტერესო დოკუმენტი ხელმისაწვდომი გახადა ჩვენთვისაც.— მეორედ დაბეჭდა ს. ხუნდაძემ (ეურ. „მნათობი“, 1930, № 8-9, გვ. 217-218),

ერთად წამოსულან, ვინმე ასმიდოდ ინგოროყვას მეთაურობით, ჩერქეზთა ქვეყნიდან ოსმალეთში გადასახლების მიზნით,— ერთხანს შეჩერებულან აფხაზეთში, საბოლოოდ კი, თავისი თავდაპირველი განზრახვის შეცვლით, დარჩენილან გურიაში. მათ გურიელისგან მამული მიუღიათ სოფ. მაკვანეთში (3 კილომეტრით შორავს ქალ. მახარაძეს). გადმოცემის საინტერესო დეტალია ისიც, რომ ემიგრანტები გურიაში შეკვეთილის ნავთმისადგომით შესულან. პავლე ინგოროყვას ინფორმატორს (მოხუცს ოქროპირ ინგოროყვას) ხსოვებია გურიაში დამკვიდრებული ინგოროყვების თაობათა სათვალავი. ამ სათვალავის ნიადაგზე პავლე ინგოროყვა გურიაში შემოსვლის თარიღს XVIII ს. დამდეგისათვის დასდებს (პ. ინგოროყვა, „გადმოცემა „ინგოროყო“-ს გვარეულობის ჩერქეზულ შთამომავლობის შესახებ“: „ეგნატე ნინოშვილი“, ს. 1. აქ ა., სახელგამი, გვ. 421 შემდ.). პავლე ინგოროყვამვე აღნიშნა, რომ გარდმოცემის სინამდვილეს ნაწილობრივ თვით გვარის ჩერქეზული ფორმა ადასტურებს და რომ არსებითად ეს გვარისსახელი თემის სახელია, იმ თემისა, რომელიც XIX ს. პირველ ნახევარში შუა საჩერქეზოში ცხოვრობდა, მდ. თეთრწყალზე და რომელსაც რუსები დამახინჯებულად Егерукой, Егерекуаевцы-ს ეძახდნენ. მართლაც, მოცემული გვარისსახელის ჩერქეზული წარმოშობა ექვს გარეშეა, მაგრამ თვით ფაქტიური გენეალოგიის საკითხი ბევრად უფრო რთულია, და მას (საკითხს) აქვს როგორც წმინდა ისტორიული, ისე ონომასტიკური და საკუთრივ ენობრივი მხარე. დავიწყობთ უკანასკნელით.

„ყვა“ ჩერქეზულად „ძე“-ს ნიშნავს. თუ გავითვალისწინებთ, რომ ასო ვ-ინი თვით ქართულისთვის, საერთოდ, და, განსაკუთრებით, გურულისთვის ამჟამად უმეტესწილად წყვილბაგეობითს ბგერას აღნიშნავს (ანტონ პირველის ორთოგრაფიით „უ-ბრჯგუს“ უდრის), მაშინ მივიღებთ, რომ მოცემული სიტყვის ქართული გამოთქმა და დაწერილობა საკმაოდ ზუსტად გადმოსცემს ჩერქეზული კომპლექსის ხმოვანს და ნახევარხმოვანს<sup>1</sup>. მაგრამ პირველი რადიკალის ყარით გადმოცემა შესაძლებელი იყო მხოლოდ გარკვეულ შემთხვევაში.

1929 წლის გაზაფხულზე, კიახურზე (ქვემოჩერქეზულზე) მუშაობისას, ადილეს ავტონომიურ ოლქსა და შაფსულდების რაიონში (ტულაფსეს ოლქში), ჩვენთვის გამოირკვა, რომ „ყვა“ სიტყვის ესა

1 „ა“ აქ უფრო ვიწროა, ვიდრე ქართული შესატყვისი ხმოვანი, მაგრამ ამჟამად ამ გარემოებას ჩვენთვის დიდი მნიშვნელობა არა აქვს.

თუ ის ფორმა სპეციფიკური ნიშანია ადილეური (ჩერქეზული) ენა-კავკილოკავების ცალკე ჯგუფთათვის. მათ შორის კიახური ჯგუფისათვის (ამ ჯგუფის წარმომადგენელი — აბაძახების, მამხელების, კემგუების, ბზადულების, შაფსულებისა და სხვა უფრო წვრილ ტომთა ნაშთები, ამჟამად გაერთიანებულნი არიან ადილეს ავტონომიურ ოლქსა, ცენტრით ქ. კრასნოდარში, და შაფსულების რაიონში, ცენტრით ქ. ტულაფსეში) დამახასიათებელია „ქუა“ ფორმა: პირველი რადიკალი არის ის სპეციფიკური ხორხცხმეირი ბგერა, რომელიც ჰქონდა ძველ ქართულს, ჯერაც შერჩენილია ხევსურულსა, ქიზიყურსა და სხვა კილოებში და აღინიშნება ასოვარით<sup>1</sup>.

ყაბარდოულისათვის, სულ ერთია, სად ლაპარაკობენ მას, საკუთრივ ყაბარდოში, თუ იმავ ადილეს ავტონომიური ოლქის რამდენსამე ყაბარდოულ აულში, სავსებით სპეციფიკური და მკვეთრად გამოხატულია ფორმა „ყუა“. ამავე ფორმასაცემბრობა, როგორც ჩანს, ბასლინაურცი, რომელიც საერთოდ ძალიან ახლოს დგას ყაბარდოულთან (ბასლინაურის ფაქტებს ჩვენ ვეცნობოდით ადილეს ა. ო. აულ ულაფში, სადაც ბასლინაები ცხოვრობენ).

დასასრულ, უბიხურ ენაში, რომელიც, მართალია, საკუთრივ ადილეურ ენათა შტოს არ ეკუთვნის, მაგრამ ახლო ენათესავება მას, და, კულტურულ-ისტორიული თვალსაზრისით, ჩერქეზულ სამყაროსვე განეკუთვნება, იგივე სიტყვა უკვე „ქუა“ ფორმით არის მოცემული.

გასაგებია, რომ ეს განსხვავებული ფონეტიკური ჯგუფები არ შეიძლებოდა ერთნაირად გადასულიყო ისეთ ენებში, რომელნიც თავიანთი ბგერითი სისტემით გინირჩევიან ჩერქეზულ-უბიხურისაგან, კერძოდ, ქართულში.

უბიხურ „ქუა“-ს ბუნებრივად შეეძლო ქართულში „ქვა“ მოეცა. შესაძლოა, მაგ., უბიხურ სამყაროს უკავშირდებოდეს გურიაში გავ-

<sup>1</sup> ჩვენ ინფორმატორი გვყავდა ყველა ტომიდან და ყველა კილოს რაიონში ვიყავით პირადადაც. ბზადულისათვის ორი მთქმელი თითქოს ყ-საკენ იხრებოდა, მაგრამ ამ კილოს წარმომადგენელთა უმრავლესობა, რომელსაც ჩვენ უფრო ვენდობით, კატეგორიულად ზოგად-კიახურ ფორმას ადასტურებდა. ზოგად-კიახური ამ შემთხვევაში მით უფროა შოსალოდნელი, რომ ბზადულის ანუ მამადაც, ისე როგორც წინათ, კიახური კილოების ცენტრშია მოქცეული და მისი საერთო კალაპოტიდან ამოვარდნა გაუგებარი იქნებოდა.

რცელებული ისეთი გვარები, როგორიცაა: სალუქვაძე<sup>1</sup>, ბოლქვაძე (თუ ქართული „ბოლქვისგან“ არაა?), თალაქვაძე (აქ ყურადღებას იპყრობს ამ გვარისსახელთა ფუძეების სტრუქტურული მსგავსება).

ყაბარდოულ ყუბა-საც ფონეტიკური შესატყვისობა მზად ჰქონდა ქართულში. ერთს მე-17 საუკ. მინაწერში, რომელიც მოქვის ტაძრის ხელნაწერის არშიაზეა მოთავსებული, იხსენიება ბობოყვაფხე<sup>2</sup>. ორმაგი პატრონომისტიკული სუფიქსაცია (ფხე არის პროტოტიპი თანამედროვე მეგრ. ხე-სი, რომელიც ქალის გვარისსახელს აწარმოებს) მიგვითითებს იმაზე, რომ თვით გვარი „ბობოყვა“<sup>3</sup> კარგა ხნის დამკვიდრებული უნდა ყოფილიყო საქართველოში და გვარის მაწარმოებლის (ყვა) ფუნქციონალური მნიშვნელობა უკვე აღარ შეიცნობოდა (წინააღმდეგ შემთხვევაში გვექნებოდა „ბობოფხე“ ან „ბობოფხვა“; როგორც იტყოდა თანამედროვე ჩერქეზი).

იმავე გურიაში არის სხვა გვარებიც, რომელნიც უექველად უწყებულ კატეგორიას უკავშირდებიან. ასეთია, მაგ., კანუყვაძე, აგრეთვე ორმაგი სუფიქსაციით, ქართ. ძე-ს დართვით (არსებითად უდრის „ქანიშვილს“), ლეღეყვა<sup>4</sup>. ასეთივე წარმოშობის პირისსახელებიც გვხვდება — თემურყვა (ახლაც გავრცელებულია დას. საქართველოში), ჯაყვა თუ ჯაკვა<sup>5</sup> და სხვ. მაშასადამე, როგორც მოსალოდნელიც იყო, ყაბარდოული ყუბა-ქართულში ყვა-დ გადმოდის.

ნაკლებ მარტივი იყო კიახური ჟუბა-ს გადმოსასვლელი გზები, რადგანაც ახალი ქართულის კილოთა უმრავლესობას ასეთი თანხმობანი, ე, როგორც ჩანს, საკმაოდ ადრე უნდა დაეკარგა. მაგრამ ცნობილია, რომ ეს ბგერა არსებობდა ძველ ქართულში და რომ იგი ახალ ქართულში ყოველთვის იცვლებოდა ხ-თი (შეადრ. ჯელი, ქარი, ჯერჯი და სხვ. მრავალი). ასეთივე შედეგები უნდა მიგველო უცხო ენიდან სესხების ანალოგიურ შემთხვევაშიც. მართლაც, თანამედროვე აუხაზეთი მოფენილია ფაქტებით, რომელნიც

<sup>1</sup> ალბათ ამ გვარის მეგრული ფორმაა „სალოქა“, რომელიც იხსენიება მე-16 ს. დოკუმენტებში, ჭრნჯ. II, 389.

<sup>2</sup> ქობულეთის რაიონში გვაქვს გეოგრაფიული სახელწოდება „ბობოყვათი“, მაგრამ იგი სხვა წარმოშობისა უნდა იყოს, როგორც ეს ჩვენ სხვა ადგილას აღვნიშნეთ.

<sup>3</sup> ჭრნჯ. II, 397, 1554 წ. დოკუმენტში. — ხომ არ უნდა იკითხებოდეს „საისარკვაი“, დაბეჭდილი „საისარყალის“ ნაკვლად, 1562 წ. სიგელში? (იქვე, 404).

<sup>4</sup> დოც. იასე ცინცაძის ცნობით.

<sup>5</sup> ჭრნჯ. II, 436; ასე კითხულობს ამ გვარს ექვთ. თაყაიშვილი, არქეოლ. მოგზაურობა სამეგრელოში, ძვ. საქ., III, 84.

ამ ვარაუდს ადასტურებენ: — ისეთი გვარისსახელები, როგორიცაა ჩააბალურხვა, აფთხვა, ყანხვა და სხვა (მათი რიცხვი მრავალია), ისეთი პირისსახელები, როგორიცაა მარუთხვა, შერუთხვა და სხვ., აფხაზურს აშკარად აკავშირებენ ქვემოაღილეური ენების სამყაროსთან<sup>1</sup>. დავასკვნათ: ინგოროყვები და მათი თანამგზავრები კიახელები რომ ყოფილიყვნენ, მათ ახალ სამშობლოში უთუოდ ინგოროხვა, როხვა, ათლახვა უნდა დარქმეოდათ. ეს მითუმეტეს, რომ ეგერუხვაების ტომი, რომელიც, როგორც ჩანს, ადრე უნდა გამქრალიყო (ადგილობრივ მისი არსებობა ამჟამად თითქმის არ ახსოვთ),<sup>2</sup> ითვლებოდა უკვე დიდი ეთნიკური ერთეულის, ქემგუების (ანუ კემირგოკლების; იხ. ბესიკის ტაეპი, „რუხის ბრძოლა“: „ყირიმელთ, ჯიქელთ, ალანელთ, კემურგელთ ამცნეს ცნობითა“<sup>3</sup>) შტოდ<sup>4</sup>, ტერიტორიულადაც ქემგუების უახლოესი მეზობელი იყო და ენობრივად, ცხადია, მასვე ემხრობოდა. გარდა ამისა, ჩვენ გვყავდა ინფორმატორი სწორედ იმ აულ ეგერუხვიდან (Егерухай, ადგილობრივ გამოითქმის იეჯერტუაჟ), რომლის სახელწოდება გენეალოგიურად უეჭველად აკავშირებს მას უწყებულ ტომთან და რომელიც, ერთადერთი ადიღეთის სხვა აულთა შორის, შეიძლება შეიცავდეს ეგერუხვაების ნაშთებს. ამ აულის თანამედროვე მოსახლეობის მეტყველება თითქმის (ჩვენთვის საინტერესო ფორმების თვალსაზრისით კი, სრულიადაც) არ განსხვავდება საერთო ქემგუურისაგან. ქემგუებისათვის კი ჩვენ მიერ აღნიშნული დიალექტოლოგიური ნიშანი ყოველი ეჭვისა და ცილობის გარეშე დგას.

ინგოროყვათა კიახური წარმომავლობის წინააღმდეგ ონომასტიკური მოსაზრებაც ღალადებს: თუ ემიგრანტების ერთმა სახლმა გვარის მაგიერ ტომის სახელი (ეგერუხვაი) უჩვენა, ასევე უნდა მოქცეულიყვნენ სხვებიც. მაგრამ როყვებისა და ათლაყვების ტომ-

<sup>1</sup> აფხაზურის ზოგიერთ კილოს მოვპოვება ჯ და იქ ფორმანტი თავდაპირველად უცვლელი სახით უნდა შემოსულიყო. მაგრამ ამავე კილოთა ნიადაგზე განვითარებული შემდეგდროინფელი ფაქტები და სხვა დიალექტებიც მაინც ჩვენს დებულებას ემოწმებიან. — თვით ეს ონომასტიკური ფაქტები საესებით გარკვეული ისტორიული ეპოქის ნაშთია აფხაზეთში. მაგრამ ამის შესახებ სხვა დროს.

<sup>2</sup> ჩვენი კითხვის პასუხად ამ ტომის არსებობა მხოლოდ შაფსულების რაიონში მოიგონეს.

<sup>3</sup> ბესიკი, გამოც. „ფედერაცია“, 1932, გვ. 29.

<sup>4</sup> У. Ашиев, В. Городецкий и С. Слюхов, Адыгя, Ростов н/Д. 1927, გვ. 27, 28; და სხვა ავტორები.



მები თუ თემები არც ქვემო ჩერქეზეთშია ცნობილი და არც ზემოში. არაბუნებრივადაც გვეჩვენება სამი სხვადასხვა ტომის წარმომადგენელთა თავმოყრა მოცემულ პირობებში. თუ სამივე სახლი ერთი თემიდან მოდიოდა, მაშინ ყველანი ერთნაირად უნდა „მონათლულიყვნენ“.

გასათვალისწინებელია ერთი გარემოებაც: ტომის სახელი ეგერუხვიაი ნაწარმოებია მფლობელთა საგვარეულოს ეგერუხვას სახელის მიხედვით (ეს ახსოვთ ადგილობრივაც). სტრუქტურულად ეს ისეთივე წარმოებაა<sup>1</sup>, როგორიც იყო ფეოდალური საქართველოს საბარათაშვილო (|| საბარათიანო), სააბაშიძეო და სხვ. თუ შესაძლო იყო იმ დროს ცალკე პირებს ეტარებინათ ასეთი ფორმის სახელწოდება გეარტომობის აღსანიშნავად (რაც საეკეოა), ყოველ შემთხვევაში, მათი შთამომავლობისათვის უფრო ბუნებრივი იქნებოდა ამ სატომო სახელთა ქართული გვარების მორფოლოგიურ ყაიდაზე გადაკეთება, როგორც ეს ჩვეულებრივად ხდება კიდევაც: მეგრელიშვილი, რაჭველიშვილი, იმერლიშვილი, ქართველიშვილი || ქორთოძე || ქორთუა, ბერძენიშვილი || ბერძნიშვილი, თათარიშვილი, რუსიშვილი, ჩერქეზიშვილი || ჩარგაზია, აფხაზავა || აფხაზიშვილი (აფხაზი ძალიან ნაგვიანევი, ხელოვნური ფორმაა), ოსიძე, სვანიშვილი || სვანიძე || ასვანუა, თუშიშვილი || თუშური, თურქია, ჯიქია || ჯიქიძე, ლეკიშვილი, დვალიშვილი (დვალიც შემდეგ შეკვეცილი ფორმა უნდა იყოს), ლაშხიშვილი || ლასხიშვილი || ლაშხია (გვხვდება შეკვეცილი ლაშხიც), არაბული და სხვა<sup>2</sup>.

ემიგრანტები არ შეიძლებოდა აგრეთვე უბიხები ყოფილიყვნენ — მაშინ ინგოროქვა, როქვა, ათლაქვა გვექნებოდა.

დაგვრჩენია ვიფიქროთ, რომ ისინი ყაბარდოდან მოდიოდნენ. ფორმალურად ეს, როგორც ვნახეთ, ერთადერთი შესაწყნარებელი შესაძლოებაა. ისტორიულადაც ამაში შეუძლებელი არაფერია.

1929 წლის შემოდგომას, ყაბარდოში ყოფნისას, ამ საკითხისათვის ცნობების ძიების დროს, ჩვენ გადმოგვცეს, რომ ერთს

<sup>1</sup> გვარისსახელს დართული აქვს კუთვნილებითი, მიჩემებითი ა—‘მისი’ ‘სა—ო’-ს მნიშვნელობით. ასეთი წარმოება ჩვეულებრივია ადიღური ენების ეთნიკისა და ტოპონიმიკისათვის.

<sup>2</sup> რათქმა უნდა, ყველა ეს გვარი უცხოური წარმოშობისა არ არის. ზოგჯერ უცხო ტომის სახელი პირისსახელის ან მეტსახელის როლში გამოდიოდა და აქედან გადადიოდა შთამომავლობაზე.

აულში მოსახლეობს ორი საგვარეულო — მერუყვა და ინარუყვა<sup>1</sup>. ძველად ინარუყვები ეორუების (თავისუფალთა) წოდებას ეკუთვნოდნენ და პირველნი (ერუყვები) მათგან დამოკიდებული ხალხი იყო. აქვთ თუ არა რაიმე კავშირი ამ გვარებს ჩვენთვის საინტერესო საგვარეულოებთან, ამჟამად თქმა ძნელია.

სავსებით დასაჯერებელია საგვარეულო თქმულების ის მტკიცებაც, რომ ემიგრანტები გზად აფხაზეთში გაჩერებულან. ეს იყო სავსებით ბუნებრივი სადგური გარდამოხვეწილთათვის — გზა ყაბარდოდან ოსმალეთისა და გურიისაკენ სწორედ აფხაზეთზე გადიოდა. აფხაზეთი დღესაც ნათლად ატარებს ღრმა კვალს ინტენსიური კულტურული ურთიერთობისას ყაბარდოსთან<sup>2</sup>.

კიდევ ერთი დეტალი. პავლე ინგოროყვას ცნობითვე, სოფ. ჩირგვეთში მოსახლე ინგოროყვათა შტოს ზედმეტ სახელად ეწოდება „თეთრი ინგოროყვა“, ხოლო სოფ. მაკვანეთში მოსახლეებს — „შავი ინგოროყვა“. მაკვანეთელი ინგოროყვები რომ „შავ ინგოროყვებად“ იწოდებიან, ეს დაგვიდასტურა ამ სოფლის მკვიდრმა მოქ. მარიამ გორდელაძემ.

თუ ეს შემთხვევითი ამბავი არ არის (რაც საეჭვოა), მაშინ გარკვეულ სოციალურ ნიშნთან გვაქვს საქმე. კავკასიურსა და, საერთოდ, უპირატესად აღმოსავლურ სინამდვილეში ონომასტიკური ტერმინის ასეთი მსაზღვრელი ჩვეულებრივად თავისუფლება — უთავისუფლობაზე მიუთითებს. კავკასიასა და სხვა ქვეყნებში უძველესი დროიდან ცნობილი იყვნენ შავი ბულდარეთი, თეთრი ანუ დიდი ხორვატეთი, შავი ვალახები, თეთრი სეზბეტი<sup>3</sup>, თეთრი რუსი (მონღოლთა მორჩილებისაგან განთავისუფლების ნიშნად). განსაკუთრებით საინტერესოა ამ ეპითეტების გამოყენება იმავე ჩერქეზთა მოდგმის ერთ-ერთი ტომის, ჯიქების, მიმართ. XIII—XIV სს. იტალიური რუკებით ჯიქეთი

<sup>1</sup> პ. ინგოროყვას ცნობა, რომ ეოცხალ გამოთქმაში უფრო ინგორუყვა ისმის, მოწმობს ზეპირი ფორმის კიდევ უფრო მეტ სიახლოეს ჩერქეზულთან (ს რუკულიად ბუნებრივად ქართულში უ-ს გვაძლევს; ოა—უას განვითარება).

<sup>2</sup> დაწვრილებით ამის შესახებ — სხვაგან. აქ, სხვათა შორის: აფხაზურის ერთი (აბუჟური) კილოს ერთი თუ ორი სოფლის თქმაში, ერთადერთ სიტყვანი (აპა, ჩვეულ. ფორმით=წვრილი) ისმის ბგერა (თანხმოვანი), რომელიც სრულიად უცნობია ყველა სხვა კილო-თქმისათვის და რომელიც კავკასიურ ენათაგან მხოლოდ ყაბარდოულისათვის არის დამახასიათებელი. უმეკელია, ეს შემთხვევითი ფაქტი არ არის.

<sup>3</sup> ეს ქვეყნები და ხალხები მოხსენებული ჰყავს, მაგ., კონსტანტინე პორფიროგენეტს (X ს.).

იყოფა ორ ნაწილად — *mauro zichia*, შავი ჯიქეთი (მიახლოებით, გელენჯიკს ჩრდილოეთით), ალბათ, ამ ნაწილის თათართა ხანზე დამოკიდებულების აღსანიშნავად, და *alba zichia*, მის სამხრეთით მდებარე, თავისუფალი და დამოუკიდებელი რაიონი. ამავე ტერმინოლოგიის საქართველოში გავრცელებას ადასტურებს ერთი ქართული ეპიგრაფიკული დოკუმენტი, რომელიც გვამცნობს: ... „მეფემ დადიანმან პატრონმა ვამეყ და დედოფალთ-დედოფალმა, პატრონმა ელენემ, ოდეს იმერეთის მეფენი გადაშენდენ... დიდსა [დამახინჯებულსა. თუ არაფერი აკლია, აქ უნდა იკითხებოდეს ალბათ: „ლიხსა“] და შავს ჯიქეთს შუა მეფობა და დადიანობა ჩვენ დაეიქირეთ“-ო<sup>1</sup>. ესე იგი, გარკვეული ხანისათვის ძალიან საყურადღებო ცნობაა მოცემული სადადიანოს ტერიტორიის შესახებ.

ინგოროყვების მიმართ, მაშასადამე, „თეთრი“ და „შავი“ იმას აღნიშნავს, რომ ის თავისუფალი მდგომარეობა, რომელიც, ცხადია, თან უნდა მოეტანათ ახალ სამშობლოში გადმოსახლებულებს, ერთ შტოს შედარებით ადრე დაუქარგავს ფეოდალური ურთიერთობის ნიადაგზე, მეორეს კი (იმას, რომელსაც მწერალი ეკუთვნოდა) ბოლომდის შეურჩენია—ან მთლიანად, ან ნაწილობრივ.

ასე გვესახება ჩვენ ე. ნინოშვილის გვარის ისტორია. თუ რა მნიშვნელობა უნდა მიენიჭებინა ამ ისტორიისათვის თვით მწერალს, ეს ადვილად შეგვეძლო წარმოგვედგინა ეგნატეს საერთო მსოფლმხედველობის მიხედვით. მაგრამ, გარდა ამისა, ე. ნინოშვილის ნააზრევში ეპოულობთ ადგილს, რომელიც, თუმცა სრულიად სხვა რიგის მოვლენის გამო, არაპირდაპირად უპასუხებს ჩვენს საკითხსაც. იქ საქმე ეხება გურიის წარსული სინამდვილის ერთს მეტად საინტერესო ფაქტს, ფირალობას, რომელიც მსჯელობის საგნად იყო ქცეული იმდროინდელ ქართულ პრესაში. ეგნატე არ ეთანხმება გაზეთებში გამოთქმულ აზრებს და წერს<sup>2</sup>:

... „რაც შეეხება ყაჩაღობას ჩვენს სამშობლოში და კერძოდ გურიაში, მე თანახმა ვარ რომ აქ, დღევანდელ გარემოებას გარდა, შთამომავლობასაც დიდი მნიშვნელობა აქვს. ჩვენი (საქართველოს) ისტორიული ცხოვრება ისეთი იყო, რომ ყოველად შეუძლებელია იმისაგან ტრადიციულად გადმოცემული ცუდი ზნე-ჩვეულებე-

<sup>1</sup> А Хаханов, Сванетские рукописные источники: МАК, X.

<sup>2</sup> „წერილი პეტრე უმიკაშვილისადმი“, 1892 წ. 14. II. იხ. ს. ხუნდაძე, „მასალები ქართ. ლიტერატურისა და საზოგად. აზროვნების ისტორიისათვის“, „მნათობი“, 1932, № 5-6, გვ. 234-5.

ბა ასე ადვილად ამოიფხვრას ჩვენში. ჩვენს ხალხში ტრადიციულად გადმოცემული ცუდი ჩვეულება და ინსტიქტი რომ გაიწმინდოს, ამისათვის კიდევ რამდენიმე საუკუნეა საჭირო. მაგრამ ამასთან ესეც უნდა მოგახსენოთ, რომ დღევანდელი გურიის ხალხის საყოველთაო ყაჩაღობის მიზეზი იმდენად შთამომავლობითი ცუდი ინსტიქტი არ არის, რავდენადაც სოციალური და ადმინისტრაციული წესწყობილება“.

მაშასადამე, ისტორიულ მემკვიდრეობას თავისი გარკვეული მნიშვნელობა აქვს, მაგრამ მთავარი როლი იმ სოციალურ გარემოს ეკისრება, რომელშიაც პიროვნებას ცხოვრება და მოქმედება უხდება.

კულტურულ-ისტორიულად აქ აღნუსხული ფაქტები შორეულად უკავშირდება იმ მკვიდროსა და ცხოველ ურთიერთობას, რომელიც უძველესი დროიდან არსებობდა საქართველოსა და ჩრდილოეთ კავკასიის ტომებს შორის და რომელიც, კერძოდ, ლიტურატურულ შემოქმედებაშიც იჩინდა თავს. თუ იმ რაიონისაკენ მივაქცევთ ყურადღებას, საიდანაც ინგოროყვები მოვიდნენ ჩვენში, ადვილად მოვიგონებთ, რომ უკვე X—XI სს. ქართულ მწერლობაში (და, რაც უფრო საინტერესოა, ჩვეულებრივად ამ მწერლობის საზღვარგარეთულ ცენტრებში) ჩნდებიან მრავალრიცხოვანი დვალნი, როგორც იმდროინდელი ქართული ხელნაწერი წიგნის ჩინებული მუშაკნი. „დვალი“ აქ, ყოველ ექვს გარეშე, ეთნიკურ წარმომავლობაზე მიუთითებს და თანამედროვე „ოსს“ უდრის. წინაფეოდალური და ფეოდალური საქართველოს კულტურულ ცირკულაციაში სხვა კავკასიელი ხალხების, მათ შორის, რათქმაუნდა, აფხაზ-ჩერქეზებისაც, ენერგია არამცირედი რაოდენობით გვევლინება. მაგრამ ეს საკითხი ჩვენი თემის ფარგლებს გარეთ ძვეს და სხვაგან უნდა იყოს განხილული.

## შეხვედრულეა ფეოდალური აღზრდისა და განათ- ლების შესახებ და მათი წესები XVII საუკუნის საქართველოში

ამ საკითხის შესასწავლად ჩვენ ერთი სპეციალური ტრაქ-  
ტატი მოგვეპოვება, ლექსად დაწერილი. ეს არის არჩილ მეფის  
თხზულება „საქართველოს ზნეობა“ (ანუ „თავი საქართველოს  
ზნეობისა“, როგორც მას ეწოდება საუკეთესო ხელნაწერებში:  
№ 424, წ. კ. საზოგადოებისა და № 22, სააზიო მუზეუმისა)..  
სუსტი, როგორც პოეზიის ნაწარმოები, ეს თხზულება არსები-  
თად ძვირფას ცნობებს შეიცავს, და ამ მხრივ მისი მნიშვნელობა.  
მით უფრო დიდია, რომ იგი გამოწვეული ყოფილა ასეთი სახელ-  
მძღვანელო წიგნის არსებობის რეალური საჭიროებით. ამის შესა-  
ხებ თვით ავტორი მოგვითხრობს თავისი თხზულების ბოლოში:

„ბევრი კაცი იმიზეზებს, არა მყონდა მოძღვლელო  
ზნეობა რომ დამესწავლა, ხარისხ-ხარისხ ამვლელო.  
ახლა რაღა პასუხი გაქვსთ, აი, თქვენი მსწავლელო!“  
(ტ. ტ. 409—411)<sup>1</sup>

ამით თვით თხზულებასაც უფრო რეალური, სინამდვილეშე-  
წონილი ხასიათი უნდა მისცემოდა. ეს ამონაწერი ავტორის შრო-  
მის მიზანსაც ცხადყოფს: ეს არის „ზნეობის სწავლება“. რომ  
„ზნეობა“ თხზულების მთავარი საგანია,—სათაურიდანაც აშკარაა,  
მაგრამ ტექსტშიაც ამის შესახებ გარკვეული ცნობები მოგვეპოვება:  
„აწ ეს მომინდა სათქმელად, რამდენი ზნეობა არის“-ო, ამ-  
ბობს არჩილი (ტ. 9). მეორე ადგილას კიდევ იგი მკითხველს  
მიმართავს:

„ნუ მომიწყინებ, მსმენელო, მოხსენებითა ამდენით,  
არ მინდა იყვნეთ ზნეობის ავ-საქციელად წახდენით.“  
(ტ. ტ. 169—70)

როგორც ესმის არჩილს სიტყვა „ზნეობა“? რადგანაც „ზნეო-  
ბა“ ნაწარმოებია სიტყვისაგან „ზნე“ და რადგან ამ უკანასკნელ-

<sup>1</sup> ხელნაწერი № 424, ყოფ. კ. შ. წ. კ. გ. საზოგადოების წიგნთსაცავისა. ციტა-  
ტები ყველგან აქედან არის მოყვანილი.

საც იგი ხშირად ხმარობს, გავარკვიოთ, თუ „ზნე“-ში რა შინა-არსსა სდებს ჩვენი ავტორი. „ზნე“ ჩვეულებრივად თვისებას, ჩვეულებას აღნიშნავს. მშვენივრად აქვს ეს სიტყვა განმარტებული საბა-სულხანს: „ჩვეულებით რაიცა საქმე სკირღეს, კეთილი თუ ბოროტი, ზნე იგი არს“. ასეთი მნიშვნელობით ხმარობს არჩილიც ამ სიტყვას:

„მუშაობაც კარგი ზნეა, ზედმდგომობა და სარქრობა“ (ტ. 157); „ეს ზნე სკირს მათსა წერილსა (წმინდათა ბრძენთა), ვინც ეცდება დაისწავლის“ (ტ. 345, იხ. აგრეთვე ტ. ტ. 49, 232).

მაგრამ უფრო ხშირად ეს სიტყვა არჩილს ნახმარი აქვს არა ყოველგვარი, არამედ საჭირო თვისების, დადებითი ხასიათის ცოდნის აღსანიშნავად:

„რა ზნეა, თორემ ქვეყანა არის, ვარგისობს ბრიყობა“, ამბობს იგი (ტ. 104). სხვა ადგილებშიაც ეს სიტყვა ამ მნიშვნელობით უნდა გავიგოთ (იხ. ტ. ტ. 13, 17, 59, 301). სწორედ ამავე მნიშვნელობით ხმარობს არჩილი „ზნეობა“-საც:

„ყოველი ცოდნა ზნეობაა, საბაითიც რადგან ზნეობს“ (ტ. 285).

რომ აქ ავტორი საჭირო და სასარგებლო ცოდნას გულისხმობს, შემდეგი ადგილიდანაც ცხადია:

„ზნეობა—საქციელები, არ ბნელობს, არის ნათელი...“

ეს უნდა კაცმან იცოდეს, მის მის დროს რაა საქნელი“

(ტ. 253—5).

ან კიდევ:

„არ მინდა იყვნეთ ზნეობის ავ-საქციელად წახდენით“ (ტ. 170). მაშასადამე, ავტორი ზნეობას ყველა იმ თვისებებს უწოდებს, რომლებითაც, მისი აზრით, შემკული უნდა იყოს ყოველი პირი, რომ საზოგადოების ღირსეულ წევრად ჩაითვალოს. ყველა დანარჩენი ადგილიც ამ აზრს ადასტურებს (იხ. ტ. ტ. 9, 21, 37, 94, 122, 297, 410 და სხვ.).<sup>1</sup> თუ ეს ასეა, ამ შემთხვევაში არჩილის თხზულების საგანი ჩვენს თემაზე უფრო ფართო უნდა იყოს, და ასეც არის: არჩილი ხშირად ისეთ რამეებზე ლაპარაკობს, რასაც ჩვენ ზრდილობას ვერ მივიაკუთვნებთ (მაგ., ზოგადი ხასიათის ზნეობრივი, დღევანდელი მნიშვნელობით, თვისებები: „ისა კარგი ზნეობაა, ვინც გულით არვის ბოროტობს“-ო. ტ. 288 და სხვ.).

<sup>1</sup> ასეთივე მნიშვნელობით აქვს არჩილს ეს სიტყვა ნახმარი სხვაგანაც: „რე შერმაზან თან გამოყევა ზნეობისა სასწავლებლად, მწვრთნიდის საღოთ—საკაცობოს, თავი ჰქონდის თავსაველებად“ (არჩილიანი, № 424, გვ. 19 B).

ქართული ზნეობანი, ე. ი. ეს სავალდებულო წესები, ძალიან ბევრია. ავტორს მოჰყავს იმდროინდელი შეხედულება ამის შესახებ:

„საქართველოში იტყვიან სამას სამოცდა ხუთსაო, ზნეობას, სხვას არ ავდებენ ქვეყნისას თუ არ მათსაო“.  
(ტ. 401—2).

„უფრო არის (ზნეობა), ვერ მოთვალოს სამოც ხუთმან, ვერც სამასმა“, ამბობს იგი მეორე ადგილას (ტ. 32). თვით არჩილის აზრით კი ეს რიცხვა გაცილებით უფრო დიდია, ხუთი ათასამდე აღწევს (ტ. ტ. 403—404). და ამ დიდი და რთული მასალის გადმოსაცემად არჩილს თავისი მეთოდიც მოეპოვება, ზოგად შეხედულებაზე დამყარებული. მისი აზრით, მასწავლებელმა მოსწავლეებს სასწავლო არ უნდა გაუძნელოს, არამედ იგი თანდათანობით ადვილიდან ძნელზე უნდა გადავიდეს (ტ. ტ. 265—8). ამიტომ არის, რომ თვითონაც თავისი საგანი „ხარისხ-ხარისხ ამკვლეად“ (ტ. 410) დაულაგებია და ის ნაწილი თავისი თხზულებისა, რომელიც თვით მას უმნიშვნელოვანესად მიაჩნია, ე. ი. ზნეობა საღვთო, ბოლოში მოუქცევია:

„ამად ვსთქვი ასრე გვიანად კარგები, ძნელად საცოდნი, ძვირად მინახავს ამათი სრულად და კარგად ნაცოდნი“  
(ტ. ტ. 261—2).

თავისი სამუშაოს გეგმაც ავტორს წინდაწინვე მოუხაზავს. თხზულების დასაწყისში, ჩვეულებრივი ღვთისმეტყველური შესავლის შემდგომ, იგი ამბობს:

„აწ ეს მომინდა სათქმელად, რამდენი ზნეობა არის, სამღთო და ანუ სამყედრო, მშვებლის და მოვავლახარის, ლაშქრობის, ნადირობისა, რომელმან კაცი ახარის, საქციელ სამსახურისა, ვინც იცის, ცოდნათა კმარის“  
(ტ. ტ. 9—12).

თუმცა თხზულების შინაარსი მთლიანად ამ გეგმაში არ ეტევა და არც მისი წესრიგი არის სავსებით დაცული (ერთისა და იმავე საგნის შესახებ ავტორი სხვადასხვა ადგილას ლაპარაკობს და თვით ჯგუფებიც არეულია), მაგრამ ზოგადად იგი (გეგმა) მართალია. ამიტომ მიეყვით მის დალაგების რიგს.

როგორც ზემოთხსენილი ამონაწერიდან ჩანს, ავტორი თავისი თხზულების საგანს ორ დიდ ჯგუფად ჰყოფს: ზნეობა საღვთო, ე. ი. ის წესები, რომელთა მიხედვით უნდა მოიქცეს ადამიანი თავის დამოკიდებულებაში ღმერთთან, და სამხედრო, ე. ი. საე-

რო. რადგანაც უკანასკნელი არჩილს უფრო ადვილად მიაჩნია, ამიტომ პირველ რიგში, „სალმთო ზნეობის“ შესახებ ლაკონიური განცხადების შემდგომ—„თავსაც სამლთო სჯობს, ბოლოსაც, კაცთა ზნე-საქმე რაც არი“,—სწორედ ამ „სამკვედრო“ ზნეობას განიხილავს.

1. „ზნეობა სამკვედრო“. ასე უწოდებს არჩილი ყველა იმ წესებს საერო ცხოვრებისას, რომელთა მიხედვით, მისი აზრით, უნდა მოიქცეს გაზრდილი ქართველი, და ყველა იმ თვისებას თუ ცოდნას ერისკაცისას, რომლებიც ასეთ ქართველს უნდა ახასიათებდეს. ეს წესები და ეს თვისებები მიუცილებელი სამკაულია ადამიანისათვის, რომ ის მისაღები წევრი იყოს არსებული ფეოდალური საზოგადოებისა, — არსებითად, რათქმაუნდა, ამ საზოგადოების გაბატონებული კლასისა. აქედან გამომდინარეობს მათი სავალდებულო ხასიათი. ამ წესების უცოდინარობა და ამ თვისებების უქონლობა უზრდელობასა და უწვრთნელობასა („თუ ვინ ესრე არა ზრდილობს, მაშ იქნება სვანი ყულო“, ტ. 204; იხ. აგრეთვე ტ. ტ. 208, 231 და სხვ.) ნიშნავს და საზოგადოებას უფლებას აძლევს ერთგვარი ზემოქმედება იხმაროს ასეთი წევრის მიმართ (იხ. ტ. ტ. 40, 96, 152, 155—6, 210—11). სამაგიეროდ, ზრდილი ადამიანი სასიამოვნო პირია საზოგადოებისათვის და საყვარელი ყმა მეფისა და ბატონისათვის (იხ. ტ. ტ. 20, 27, 232, 246 და სხვ.).

„სამკვედრო“ ზნეობას არჩილი რამდენიმე ჯგუფად ჰყოფს: „მშვებლის და მოვაგლახარის, ლაშქრობის, ნადირობის, საქციელისა და სამსახურის“ (ტ. ტ. 10—12) ზნეობა, წესები. მაგრამ თვით თხზულებაში ვრცელი ცნობები მოიპოვება ისეთი დარგების შესახებაც, როპლებიც ამ წინასწარს დაყოფაში არ შესულა. განვიხილოთ თვითეული ცალკე.

ა) „მშვებლის ზნეობად“ ჩვენ, რა თქმა უნდა, ის წესები უნდა ვიგულისხმოთ, რომელთა მიხედვით უნდა მოიქცეს ადამიანი, როცა იგი, დღიურ საზრუნავს მოშორებული, დასვენებასა და მხიარულებას არის მოწადინებული. ქართველი ფეოდალი თავისუფალ დროს სხვადასხვა თამაშობაში (ასპარეზობა, ტანთვარჯიშობა ანუ ფუნდრუკი, — საბას ტერმინოლოგიით, — „მღერა“ ანუ „ყუმარი“) და ლხინში ატარებდა. ამავე ჯგუფს ეკუთვნის თავისი ხასიათით ნადირობაც, მაგრამ ვინაიდან მას განსაკუთრებული მნიშვნელობა ჰქონდა და რადგან იგი არჩილსაც ცალკე აქვს განხილული, აქედან უნდა გამოიყოს. ასპარეზობასა და ტანთვარჯიშობას გართობაზე



შეტი მნიშვნელობა ის ჰქონდათ, რომ ისინი ერთგვარს წინასწარს სამხედრო სკოლას წარმოადგენდნენ, სადაც იმდროინდელი მეომარი (ჩვეულებრივად ფეოდალი) სწავლობდა იარაღის ხმარებას (ტ. ტ. 22, 52, 55), ცხენზე ჯდომას (ტ. ტ. 24, 54), სიცქვიტესა და სიმარჯვეს მოძრაობაში (ტ. ტ. 23, 106—7), და სადაც იგი საზოგადოდ სხეულს ივითარებდა. ამიტომაც აპყრობდნენ მას ასეთ ყურადღებას. არჩილიც ამიტომ მოითხოვს, რომ თვითელმა იცოდეს: „მშვილდისარი და ბურთობა“ (ტ. 22), თუ „ბურთის სროლა“ (ტ. 53), „აშფაშაქი და ყაბახი“ (ე. ი. მიზანში სროლა ტ. 53), „ხელძალიან ჯირითობა“ (ტ. 54). ეს თამაშობანი ცხენზე, ამხედრებულად უნდა შესრულებულიყო, შესაფერისი სიცქვიტით: „მშვილდ-ისარი და ბურთობა, ორივე ცხენ-ფიცხელები“ (ტ. 22). მაგრამ კარგი „ცხენოსნობა“ (ტ. 45) თავისთავადაც საკირო თვისებად ითვლებოდა: „კარზედ ცხენის გაქენება“ (ტ. 54)<sup>1</sup> არჩილს საგანგებოდ აქვს აღნიშნული. სამაგიეროდ, „ქვეითობაც“ საპატიოა, „ის უწინაც ვარგებულაო“, ამბობს არჩილი (ტ. 56) და მის დროსაც მნიშვნელობა არ დაუკარგავს. „მოუცდენი მეთოფობაც“ (ტ. 55) ასეთს სავალდებულო ცოდნას წარმოადგენდა. აღსანიშნავია, რომ არჩილის სიტყვით თოფი ახალშემოსული ყოფილა ხმარებაში: „ახლაქსეც ზნედ დაიდვა“-ო (ტ. 55). მოხსენებულია აგრეთვე „მესეფქობა“, [რაც] სპეციალური ტერმინი უნდა იყოს („სეფქა“ თავისთავად ისრის ერთს ტიპსა ჰქვიან), მაგრამ ეს ტერმინი რას უნდა ნიშნავდეს, არ ვიცით. განცალკევებულია „ნავთხმარება“, მეტად საკირო ცოდნა, რომელიც, არჩილის აზრით, მცურაობასაც სჯობია (57—60). კერძოდ ტანთვარჯიშობას უნდა მიეკუთვნოთ: „მცურაობა“ (57), „ხტომა“ (67), „რკინობა“ (ე. ი. კიდაობა და მისი ატრიბუტები—„მოგვერდი“, „ფანდი“ და სხვ.) (67), „ხარდიორდა და ჩალიჩი“ (66; „ჩალიჩი—საფუნდრუკო საგვემელი ტილოსი“, „ხარდიორდა—მოგვერდი, ფუნდრუკი“—საბა). ცალკე კატეგორიის, გონებრივი ხასიათის, გასართობს ეკუთვნოდა „ქადრაკისა და ნარდის მღერა“ (65) და „სხვა რაც რამა ყუშარი“ (აქვე). მათი ცოდნა „კარგ ზნედ“ ითვლებოდა.

<sup>1</sup> საქართველოს ზოგიერთ კუთხეში (მაგ. აფხაზეთში) ახლაც იციან და ერთგვარ ზრდილობის წესად მიიჩნიათ,—ცხენოსანი სტუმარი მასპინძლის ეზოში შესვლისას თუ გამოსვლისას, ალაყფის კარებთან ცხენს გააქენებს უსათუოდ. ასეთს რასმე ზომ არ გულისხმობს არჩილი?—ს. ფ.

განსაკუთრებული შემთხვევისათვის გამართულს პურისჭამას თუ ლბინს, რასაკვირველია, თავისი წესები ჰქონდა, ერთის მხრივ—მასპინძლისათვის და მეორეს მხრივ—სტუმრისათვის სავალდებულო. მასპინძელს უნდა შეეძლოს: „გარიგება მარაქისა, მის მის ალაგს კაცის დასმა“ (29). მასვე „სუფრის ბარაქიანობა“-ც მოეთხოვება (30). კერძოდ სტუმრისათვის, და საზოგადოდ სუფრის, წესია „საამოვნო კამა და სმა“ (30), „წმიდად კამა და დიდი სმა“ (39), მაგრამ ვისაც ეს „დიდი სმა“ ზოგიერთი სამწუხარო შედეგის თავიდან აუცილებლად არ შეუძლია, ის სათანადოდ უნდა დაისაჯოს და შერცხვენილ იქნას (40). ყველამ უნდა იცოდეს, რომ „ბევრგვარ უნდა ხილის დაქრა, ბეკის გათლა, დანის მოსმა“ (31), და შეეძლოს კიდევაც ამაგების გაკეთება. ძველ ქართულ სუფრასთან განუყრელად დაკავშირებული იყო „ზმა და ხუმრობა“ (33)—და არჩილიც მოითხოვს თვითეულისაგან ამათს ცოდნას და შესაფერისად თავის დაქერას: სუფრაზე მხიარულება და გულგაშლილობაა საჭირო. „სიცილი“ (33), „სხვის ზმისა მალ გაცინება“ (33), „კარგის აზნაურშვილისა სიტყვისა არ გამგუნება“ (34), „მუნასიბი ლექსი“ (შესაფერისი სიტყვა-პასუხი, ტ. 36) და, საზოგადოდ, სანდომი სულიერი განწყობილება—მიუცილებელი თვისებებია სუფრაზე. დაბოლოს, სავალდებულოა, საერთოდ „მასპინძლობისა“, და ამასთან მჭიდროდ დაკავშირებულის, „ჩუქების“ წესების ცოდნა (26).

ბ) თუ ყოველივე ეს „მშვებლისათვის“ სავალდებულო წესებს წარმოადგენდა, არსებობდა ასეთივე მოვაგლახარისთვისაც, ე. ი. იმისთვის, ვისაც ან პირადად ეწვია უბედურება, ან ვინც ვალდებული იყო სხვის მწუხარებაში მონაწილეობა მიეღო. ეს უბედურება ადამიანის სიკვდილს გულისხმობს. ასეთი შემთხვევისათვის „მოტიროლობა, გლოვის წესი, ზარი-ახა ზნედ დაიდო“, ამბობს ჩვენი ავტორი და დასძენს: „უსარგებლო მკვდრის და ცოცხლის“, ეს ჩვეულება „ერთმანერთის წაბაძვით დაწესდა“-ო (ტ. ტ. 61—63). გარკვევით არა ჩანს, რას უარყოფს არჩილი: მთლიანად გლოვისა და ტირილის წესებს, თუ მხოლოდ „ზარსა და ახა“-ს გმობს. უფრო კი უკანასკნელი უნდა ვიგულისხმოთ, ვინაიდან იმ დროს ამ საერთო წესებს გლოვისას ისეთი მნიშვნელობა ჰქონდათ მოპოვებული, რომ საეჭვოა, არჩილს ისინი სულ ზედმეტად ჩაეთვალა<sup>1</sup>.

<sup>1</sup> თუმცა ჩვენ ვიცით, რომ დაახლოებით ნახევარი საუკუნის შემდგომ კათალიკოს ანტონის მიერ მოწვეულმა კრებამ აკრძალა „ტირილი და უჯერო კერპური გლოვა“ (პ. ორბელიანი, კიკ. გამოც., გვ. 167).

გმობს არჩილი აგრეთვე ასეთ შემთხვევებში მიღებულ მარხულობას, რომელიც ზოგჯერ ერთ წელიწადს გრძელდებოდა (64).

გ) იმ დროს, როდესაც საქართველო ერთს მუდმივ სამხედრო ბანაკს წარმოადგენდა, ცხადია, განსაკუთრებული მნიშვნელობა ენიჭებოდა სამხედრო საქმეში გაწვრთნასა და დახელოვნებას. განსაკუთრებული მნიშვნელობა ჰქონდათ ამ თვისებებს ფეოდალის სოციალური მდგომარეობის თვალსაზრისითაც, რადგანაც მას ძალიან ხშირად პირადი და დამოუკიდებელი ფიზიკური ჩარევაც სჭირდებოდა თავისი კლასობრივი ინტერესების დაცვის საქმეში. სწორედ ამ მიზნებს, ისევე, როგორც ასპარეზობა, ემსახურებოდა ნადირობა. თავისთავად, ნადირობაც ფეოდალისათვის თავის გასართობი საქმე იყო, მაგრამ ამასთან ერთად იგი მის უაღრესად რეალურსა და მნიშვნელოვან ინტერესებს აკმაყოფილებდა: იგი ავითარებდა იმ თვისებებს, რომლებიც საუკეთესო, და რაც უფრო მნიშვნელოვანია, მიუცალღებელი სამკაული იყო მოლაშქრისათვის. ასეთი იყო: „მეჯინიბობა (ე. ი. ჯინიბის ანუ მარქაფა ცხენის ტარება თუ ცხენის მოვლა), მკედრობა, ცხენოსნობა“ (45), „სარდლობა, ზავთი სარჯლისა, დღედაღამ დაუზარობა, უწინ სიფრთხილე, გასინჯვა, სიტყვისა მწვე მიმხვდარობა... შემართვა მებრძოლთ თამამად, წინ წადგომისა დასწრობა, რაზმის გაწყობა კარგგვარად“... (ტ. ტ. 277—281); იარაღის ხმარება—„ქრმლის ცემა, ლახტის თამაში, ბევრგვარ ბრუნება შუბისა“ (109) და საერთო სიმარჯვე (117—120). ეს თვისებები, როგორც ვთქვით, სათანადო წრეების საარსებო ინტერესებს აკმაყოფილებდა და ამიტომაც აქცევს არჩილი მათ ასეთს ყურადღებას და მოითხოვს მათს შექმნას. ამ თვისებების უქონლობა საქმაო საფუძველი იყო ფეოდალური საზოგადოებისათვის, რომ გაეციცხა თავისი გაუწვრთნელი და უსარგებლო წევრი: „ვისცა არა აქვს, უზრახვენ სხვამან სხვას მიუტუნისა“ (112).

თვით ნადირობას არჩილი რამდენიმე დარგად ჰყოფს: „მომტეველობა მფრინვლებისა“ (46), „კურდღლობა“ (48), „თევზის ქერა“ (93). ესენიც თავის რიგზე სხადასხვა დარგად იყოფა, და თვითეულს მათგანს თავისი წესები ახასიათებს: „მომტეველობაც მფრინვლებისა ცალ-ცალკეა“, ამბობს არჩილი (46) და ჩამოთვლის: „მწყერობა“ (46,97), „მეკოვებობა“ (97), „წეროს გეზით დამქერლობა“ (94), იხვზე ნადირობა (98). კურდღელზე ძალლით ნადირობდნენ (48). თევზის ქერაც შეიძლებოდა „წყლის წურვით“ ან „ბადის სროლით“ (93). რა თქმა უნდა, შემთხვევით გამორჩენია

ავტორს ისეთი მნიშვნელოვანი დარგი, როგორცაა მსხვილ გარეულ პირუტყვზე ნადირობა. ყველა ამისი ცოდნა სავალდებულო იყო, მაგრამ გაზრდილს ქართველ ფეოდალს განსაკუთრებული უნარიანობაც მოეთხოვებოდა. მას უნდა სცოდნოდა „ოსტატად ბაზიერობა“ (47), „ძაღლის კარგად მოტყეება“ (48), „მეძებრის სწავლება“ (95), „ცხენისა და მფრინველის ცნობა“ (49), „სტვენა, წრუწუნნი, ძახილი“ (98), „მაღლე მიშველა ფრინველისა“ (100) და სხვ. კარგი მონადირისა და მოლაშქრისათვის უფრო საერთო ხასიათის თვისებებიც იყო საჭირო: ზოგიერთი იარაღის საკუთარის ხელობით დამზადება, მაგ.: „ქარქაშის კარგად მობორბვლა“ (42), „ისრის თლა, სწორად გამართვა, გაქლიბვა, სეფქის გაწყობა, მშვილდის ჩაგდება, ყულაჯი, ქარქაშის კარგა ჩაწყობა“ (101—102), „საცერის წყობა, მათრახის ბილდირგა რა შეუბისა, ისარი სხვილი და გრძელი“... (110—111); „ჯაჭვისა და სხვა საქურელის ცნობა“ (112), „გაწყობა და მორთულობა“ (114), სადავის გამორჩევა „პირჩვილისა“ და „გამზიდარი“ (ე. ი. კისერ-მაგარი) ცხენისათვის (282). არჩილის აზრით, საჭიროა აგრეთვე „მოპაიტრობაც“, ე. ი. საქონლის მკურნალობა. ამას გარდა, იგი მოითხოვს იარაღისადმი ფაქიზს დამოკიდებულებას, „უჩირქოთ, წმინდათ ვმარებას“ (43).

დ) ახლა უნდა გადავიდეთ ერთად ცხოვრებისა და საკუთრივ ზრდილობიანობის წესებზე. ამ ნორმების საერთო სახელის აღსანიშნავად არჩილს რამდენიმე ტერმინი მოეპოვება: ყველაზე ხშირად ნახმარია „საქციელი“ (იხ. ტ. ტ. 12, 21, 200, 237, 253, 360), უფრო იშვიათად „ზრდილობა“ (ტ. ტ. 204, 237) და „აზნაურ-შვილობა“ (ტ. ტ. 34, 209). ეს წესები ორ დიდ ჯგუფად იყოფა: „კარგსაქციელი“ (ტ. 360) და „ავსაქციელი“ (170), „ავსაქციელი მარტვილი“ (200).

უწინარეს ყოვლისა, საჭიროა გულღია და შემტკბობი ხასიათის ქონება (17—20), და „თავის გუნების კაცს გარდა სხვისაც ბევრისა გაწყობა“ (135). ასეთს თვისებებს ეკუთვნის „შესაყრელობა, ალერსი“ (17), „ხუმრობა“ (68), „ხუმრობის აღვილ შეტყობა“ (133) და საზოგადოდ „კარგად ჩამორთმა სიტყვისა“ (134, 34).

ამას მისდევს წესები, რომლებიც განსაზღვრავენ „წავლა-წამოვლას, ზედგომას, ჯდომა-ადგომას მოხდენით“ (171), ე. ი. ჩვეულებრივი ზრდილობიანობის ნორმები. მათი ხასიათი იცვლება იმისდამხედვით, თუ ვის დამოკიდებულებას შეეხებიან ისინი: თავისებურია ყოველ ცალკე შემთხვევაში მოქცევის წესები ყმისა ბატონის მიმართ, უფროს-უმცროსული და ტოლ-თანასწორისა.

ბატონყმური<sup>1</sup> ზრდილობიანობა ანარეკლია იმ საერთო სოციალ-ეკონომიური დამოკიდებულებისა, რომელიც მათ შორის არსებობდა. ამიტომ არის, რომ ყმისაგან ბატონისადმი მიმართულს ყოველივე მოქმედებაში პატივისცემის გრძნობა და მოწიწება უნდა გამოსჭვიოდეს (207, 213—6, 229—32). უპირველესი ზნე ყმისა არის ბატონის მორჩილება, „ბატონის სიტყვის გაგონა“ (221) და მისი „ნების გათავება“ (ე. ი. ასრულება, 224, 195). „ბატონის დარბაზის კარი რა გინდ რომ მალალი იყოს, თავმოხრით უნდა შევიდეს, არც ლაჯში თავი გაიყოს“, ამბობს არჩილი (165—166). ბატონისაგან საბოძვარის მიღება, ან ბატონისათვის რისიმე მირთმევა „ორის კელით“ უნდა (189—190). „ავსაქციელად“ უნდა ჩაითვალოს ბატონისათვის ზურგის ან გვერდის შექცევა (193), მასთან სასმელის უშვერად დაღევა (197) და კბილით „თხილის მსხვრევა“ (198). ბატონთან ჯდომა და დგომა სწორედ უნდა: სირცხვილია, რომ მჯდომი რასმე გარდაეყუდოს, დამდგომმა ფეხი დაიკავოს, ან ხელი ბოძს მოჰხვიოს (201—202). „ბატონყმური ლაპარაკიც სხვა არის“ (225): უზრდელობაა ბატონთან ლაპარაკის დროს „ქელ-ფერჯის თამაში“ (205), მასთან საუბარი „ქელქვემოქდობით“ უნდა (207). თუ ბატონი ლაპარაკობდეს, ყმას ჰხამს დუმილით მოუსმინოს (229—231). თუ ყმა ბატონს ახლავს ცხენით, წინ არ უნდა გარდაუაროს და არც ცხენის თავი დაუსწოროს, რომ სანახაობა არ დაუფაროს (241—243). ერთ ადგილას არჩილი ყმის ზნეობრივ ვალდებულებებსაც ეხება: ვინც „ბატონის საიდუმლო სიტყვა გარეთ გაიტანოს“, იგი სასტიკად უნდა დაისაჯოს (153—156).

თუ ეს განსაკუთრებული პატივისცემა ბატონს თავისი სოციალური მდგომარეობის გამო ჰქონდა მოპოებული, ამისვე ღირსი იყო „უმფროსი“ (ე. ი. უხუცესი) კაცი თავისი წლოვანების გამო. ამიტომ, ბატონისა და უფროსი კაცის მიმართ, არჩილის აზრით, ერთნაირად უნდა მოიქცეს ადამიანი (ჯდომისა და დგომის წესი—„ბატონთან და უფროს კაცთან“ და სხვ., ტ. ტ. 200—204). საინტერესოა ერთი ხანა, რომელიც ამავე საგანს ეხება:

„უმცროსმან კაცმან უფროსი არ უნდა დაიწვიოსო.  
ადგეს სჯობს, ისრე მჯდომელმან ქვემოზე დაიწვიოსო.

<sup>1</sup> არჩილი სიტყვა „ბატონ-ყმობას“ ფართო მნიშვნელობით ხმარობს: როგორც სოციალურის, ისე სახელმწიფო წყობილების მოვლენის აღსანიშნავად, მაგრამ უფრო ხშირად აქ მეფისა და მისი ვასალის (ფეოდალის) ურთიერთობა იგულისხმება.—ს. ჯ.

საჩოქეთ რა შეიყარნენ, უწინ მან წაიწიოსო,  
არცა უჯამსად დამდაბლდეს, არც ბეწვად აიწიოსო“.

ეს „საჩოქეთ შეყრა“ მისალმების დროს დაჩოქებას ხომ არ გულისხმობს<sup>1</sup>? უფროს-უმცროსული სიტყვა-პასუხიც განსხვავებული უნდა იყოს: „სწორ უმფროსულ-უმცროსულსა ქართულსაც აქვს დასახვა“-ო, ამბობს არჩილი (227).

„ტოლსა და ამხანაგთან“ (177) მოქცევა, რა თქმა უნდა, უფრო თავისუფალი ხასიათისა იქნებოდა, მაგრამ აქაც არსებობს თავისი წესები, რომელთა გარდალახვა არ შეიძლება: მარჯვნივ მჯდომს (სუფრაზე?) ამხანაგს მონაცემი მარცხენა ხელით უნდა ჩამოართვა, და პირიქით (191—192). განმარტოებულად მოსაუბრეებთან მისვლა არ შეიძლება მათდა მიუწვევლად; მათ კი მართებთ გაირიონ საუბარში, ვინც შემოესწროთ (217—220). ამხანაგებმა რომ დაგიწვიონ, „ორთავ თავს არ გარდაუარო და ჩაუჯდე შუა სამე“, რომ ამით ორივეს აამოო (177—180).

დასასრულ, არსებობს მოქცევის ისეთი წესები, რომლებიც ყველასათვის ერთნაირად სავალდებულოა. არ შეიძლება ჯდომის დროს ფეხის ფეხზე გადადება (181)<sup>2</sup>, ზურგის კედელზე მიყუდება (185), ან ცალ თეძოზე დაჯდომა (187); თავის დაკიდება, როგორც ეს „თვალნაკლებ ოქრომქედელს“ სჩვევია (186). არ შეიძლება აღდგომის დროს ქხელის დაბჯენა (184) და ჯოხის მხარზე გადადება (იქვე), ან ლაპარაკი, როცა პირში რამე გიძევს (182). უზრდელობად ითვლება „ცხვირის გამოკრკნა“ (188) და „კბილის საჩრჩნელის“ ხმარება (იქვე), „ავად გადუყვა“ (გაფურთხება) და „ცხვირის მო-

<sup>1</sup> ყაენისაგან საქართველოში დაბრუნებულს ავაგ მხარგრძელს, ამირსპასალარს, „წინა მოვეგებეს უოველნი მთავარი და წარჩინებულნი, თვით შანშა და ეგარსლან. რომელსა კინილა სახელიცა მეფობიცა ეყარა. და ვითარ მივახლა ავაგ, ჭკონებდა ჰონისაგან გარდავდომად და ეგრეთ ხილვად ეგარსლანისაგან. ხოლო იგი დიდად განლაღებულ იყო: არა ინება წესისაებრ პატივით ხილვად და ამბორისყოფად ავაგისა. და ვითარ იხილა ავაგ, განძვინდა, თავსა მათრავითა უხვთქნა და უბრძანა დასკვეშე დაწესებულთა, რათა ცხენისაგან უპატიოდ დაამტენეს ქვეყანად და ყვეს-ცა ეგრეთ. პატივისაგან უპატიო ყვეს და ჩანძრცვილი განაძეს, და მიერითგან უპატიო იქმნა და საცინელ. და ესოეთ განაგდეს შანშა და ავაგ და თავადთა საქართველოსათა“ (M650; ტექსტი ად-დგენილია).

<sup>2</sup> 1615 წ. კასთა მეფე თეიმურაზი და ქართლის მეფე ლუარსაბი, შაჰაბაზისაგან ლტოლვილნი, გარდაიხვეწნენ იმერეთს, სადაც ისინი „ისტუმრა კეთილად გიორგი მეფემან დიდითა პატივითა ქუთათისს“, ლუარსაბი მაინც მალე გაბრუნდა უკან. ვახუშტის ასეთი ამბავი გაუგონია წასვლის მიზეზის შესახებ: „იტყვიან რამეთუ ისხდნენ მეფენი ერთად. მაშინ გიორგი მეფემან მოიხალა ქული და შემოიღვა ფეხი მუხლსა ხედა. ესე იუკადრისა მეფემან ლუარსაბ და შეირაცხა უპატიოდ და არარად შერაცხა და იტყოდა: „რა იგი ნებაგს მტერსა, ჰყოს, ხოლო უმცირესისა ჩემისაგან არა დავითმინო“. და არლარაი უსმინა გიორგი მეფესა და წარვიდა, ვითარცა მწყრალი“ (საქ. ცხოვრება, ქიკ. გამ., 299).

ხოცა“ (238), „მუდამ უღვაშის გრება (206). სიარული სიფრთხილით უნდა, რომ „წინ მავალს უკან არ მიჰყევ, ტალახი არ მოსცხო“ (239). ზრდილ კაცს უნდა შეეძლოს აგრეთვე „ტანსა და ფეჟსა გაწყობა“ (41). შეიძლება აქვე მოვიხსენიოთ კიდევ ერთი საინტერესო დარიგება არჩილისა: „უცხო მდიდარი მისს სადგომს შალ-შალე არ ნახო“-ო, ამბობს იგი (240)<sup>1</sup>.

ე) საქციელს არჩილის გეგმაში „სამსახური“ მისდევს. „სამსახური ბევრგვარია, საცოდნელადაც ძნელია“, ამბობს ავტორი (245) და ჩამოსთვლის იმ მოვალეობას, რომლებიც აწვა იმდროინდელ ქართველს მეფისა და ბატონის წინაშე, და მათი შესრულების წესებს. აქაც ჩვენ ვხედავთ იმავე ხასიათის დამოკიდებულებას, რომელიც სპეციფიკურ ელფერს აძლევდა ყმის მოქცევის ნორმებს ბატონის მიმართ.

ყმა ბატონის ერთგული, „მართლამქნელი“ უნდა იყოს (246), დაუზარელი და თამამი, ფიცხი და ბრძანების შესრულებაში მალი (247—8). „მღვიძარება და სიფხიზლე“ და იგივე სიმარჯვე, რომელსაც ასე ხშირად მოითხოვს არჩილი, აქაც მიუცილებელ თვისებად არის მიჩნეული სამსახურის მოვალეობათა ასრულების დროს (248—250). მაგრამ ვინც მოწოდებულია სახელმწიფო საქმეებში მონაწილეობის მისაღებად, თავისი შთამომავლობისა თუ უფრო შემთხვევითი ხასიათის გარემოების გამო, მას უფრო მძიმე და საძნელო მოვალეობები აქვს დაკისრებული. ასეთი პირი ვალდებულია იმდენად მომზადებული იყოს, რომ შეეძლოს „მრჩევლობა“ და „სიტყვის გაკვეთა“ (141), საკიროების დროს „ელჩობა, მოციქულობა“ და ამისათვის მიუცილებელი „სიტყვისა სწორად დასწავლა“ (142), დარბაზობის წესის ასრულება, „ადგილზედ მოდარბაზობა“ (251). საკიროა აგრეთვე სასამართლოს საქმეების ცოდნა: როგორც საკუთარი საქმის წარმოება სასამართლოში („მოჩივრობა“), ისე თვით მოსამართლის ფუნქციების ასრულების შეძლება, „ბეობა“, „სამართლის მართლის ქმნა“ (137).

ვ) ასეთი რთული და მნიშვნელოვანი მოვალეობების ასასრულებლად, რასაკვირველია, საკირო იყო სათანადო განვითარება და განათლება. და მართლაც ამ მხრივ არჩილი საკმაოდ დიდ მოთხოვნილებებს უყენებს იმათ, ვისაც „ზნეობის სწავლა“ სურთ.

<sup>1</sup> შეადარე ანას იმდროინდელ უცხოელ მოგზაურთა (მაგ. შარდენის) ცნობები ასეთი „ვიზიტორების“ შესახებ.

უწინარეს ყოვლისა, რა თქმა უნდა, „მწიგნობრის“ ცოდნა არის საჭირო: „მწიგნობრობა კრელსადაგი“ (125), როგორც ხუცური, ისე მხედრული (127), „მსმენელობა“ (?), „მთარგმნელობა“ ანუ: „ღრმის სიტყვის ადვილ გამოთქმა“ (126), „კანანახი გმამალალი“ — მკაფიო კარნახი (128). საჭიროა აგრეთვე სხვადასხვა „დამწერლობის“ (129) ცოდნა: „დამწერლობა ხუცურსა და მკედრულს უნდა სხვადასხვა და, მგრგლოვანს, ყვავისფრჩხილოვანსა, ასომთავრულს სმენ თავადა“ (129—39). „ანგარიში და რიცხვთ ცოდნაც“ (138), ცხადია, მიუცილებელ საჭიროებას წარმოადგენდა. აგრეთვე სასურველ ცოდნად სთვლის არჩილი „მხატვრობას და მონახაზობას“ (131) და განსაკუთრებით უცხო „ენისა და წიგნის“ ცოდნას. (121—123). მოხსენებულია აგრეთვე, როგორც სასურველი თვისებები, „გარეშე“ (ე. ი. საერო) წიგნის „სასიამოვნო კითხვა“ (132), და „კრელ ძილისპირთა გარდათქმა“ (125).

საჭიროდ მიგვაჩნია ეს საინტერესო სტროფები აქ მთლიანად მოვიყვანოთ:

„ენა და წიგნი რამდენი ვინც იცის, ესეც იმდენად ჩაუვადოთ თვითო ზნეობათ, სხვის ქვეყნის ამბავ მოსმენად; მაშ ერთად როგორ ვიტყოდეთ, იკითხონ სხვადასხვა ენად! ვინ სხვას ვერ ასმენს, ის ისმენს, იქ დაიწყებენ მიდენად. მწიგნობრობა კრელ-სადაგი, კრელ ძილისპირთა გარდათქმა, მსმენელობა, მთარგმნელობა, ღრმის სიტყვის ადვილ გამოთქმა,

ხუცურის და მკედრულისა სხვადასხვაობს თვითოსა თქმა, კანანახი გმამალალი სჯობს, ყინჩვილად ნუ იქათმა! მწერლობა ხუცურს და მკედრულს, იცით, უნდა სხვადასხვა და მგრგლოვანს, ყვავისფრჩხილოვანსა, ასომთავრულს სმენ თავადა,

მხატვრობას, მონახაზობას, არვინ ჩაუვადებს ავადა, გარეშე წიგნის კითხვაზედ ვმაავად ნუ იხაავადა“.

მაგრამ საერთო განვითარების სისრულისათვის არჩილს მხოლოდ გონების გაწრთენა საკმარისად არ მიაჩნია: მისი აზრით, საჭიროა აგრეთვე ერთგვარი ესთეტიკური განათლება. ამ უკანასკნელს ეკუთვნის: „სიმღერა და დასდებელი“ (25), „ქარგი ვმა და თან უსული“ (ე. ი. ლამაზი, 27), მუსიკა (37), სხვადასხვა ცეკვა (38). არჩილი კიდევ უფრო შორს მიდის: მას მკითხაობაც კი (რამდენის ყრა, მესტროლაბობა და სხვა) საჭირო ზნედ მიაჩნია (139);



და მხოლოდ ბექზე მკითხაობის შესახებ ამბობს:—„ცრუდ თქმულაო“ (140).

ზ) აქვე უნდა მოვიხსენიოთ ის ზოგიერთი თვისება, რომლებიც არჩილს „კარგ ზნედ“ მიაჩნია, მაგრამ რომლებიც, როგორც ზემორე მოყვანილი ნაწილი, მას თავის გეგმაში მოხსენებული არა აქვს. ასეთია: „მუშაობა“ (157), „ზედმდგომობა და სარქრობა“ ე. ი. ზედამხედველობა, თავის მეურნეობაში (157) და ამისათვის საჭირო ცოდნა „ბარვა, წიღნვა, ხენა და თესვა, მკის და სთელისა მის მის დრობა“ (158). საჭიროა აგრეთვე შინაურ საოჯახო მეურნეობაში ერთგვარი გაწრთვნა: „მზარეულობა, ქაშნიგის ცნობას ამბობენ კარგაო“ (164) და სხვადასხვა ჯელობის ცოდნა („ხელ-ბუჩხობა, კულის გათლა, ვინ შალაფს ჯმარობს, ხარატობს“ (287)).

შეიძლება აქვე აღნიშნულ იქნას ის ნაწილობრივ ზნეობრივ-ელფერდაკრული თვისებები, რომლებიც აგრეთვე სავალდებულოდ მიაჩნია არჩილს: „შეხვეწილზედან ნამუსი“ (273), „საიდუმლოს შენახვა“ (149), „პურადობა და გაცემა“ (273) და სხვ.

II. თავისი მეთოდის თანახმად ყველაზე ბოლოს არჩილს „სამღრთო ზნეობა“-ზე მოგვითხრობს: „სამღრთო ზნეობა“, ე. ი. ღვთისმსახურობა და სასულიერო განათლება, ყველაზე მნიშვნელოვანი (13) და ძნელი (261) დარგია „ზნეობათა“ შორის, და ამიტომ საჭირო იყო მას ჯერ უფრო ადვილად შესათვისებელი მისალა გადმოეცა თავისი მკითხველისათვის, რომ უფრო რთულისა და „ძნელსაცოდნის“ გაგება გაეადვილებინა მისთვის.

ღვთისმსახურება „საერო“ და განმარტოებულ, „დაფარვით“ ლოცვაში (269—272), ღვთის შიშსა (327, 357) და ღვთის ცნებათა ასრულებაში (360, 373, 355—6, 389—92) მდგომარეობს. მაგრამ როგორც ღვთისმსახურების, ისე ყოველგვარი სათნოების საფუძვლად (353—356) არჩილს „სიბრძნე“ მიაჩნია. ამ სიტყვას იგი ხმარობს ვიწრო მნიშვნელობით, ღვთისმეტყველებისა თუ სასულიერო განათლების აღსანიშნავად. სხვა ყველაფერი წარმავალია, „სხვა ზნე ყველა მობრყვილდება“ (301), მხოლოდ „სიბრძნე არის სამუდამო“ (308). თავისი დროის ზნეობრივ დაცემას, ყველა ამ „ცრუ ფიცობას, ზაკვა-უნამუსობას, ლიქნასა და ღვთის შიშის გულით განავარდნას“ (325—327) არჩილი სწორედ „სამღრთო საქმის“ უმეტრებას (317) მიაწერს. ამიტომ არის, რომ ასეთ დიდს ყურადღებას აქცევს იგი ამ „ზნეობას“ და ასეთ ადგილს უთმობს მას იმდროინდელი ფეოდალისათვის სავალდებულო თვისებებში. იგი მოუწოდებს ყველას დაეწაფონ ამ ცხოველმყოფელ წყაროს, რომლის

სმა „პეშვით არ კმარა“ (368). ვისაც ოსტატი არა ჰყავს, რომ მისგან ისწავლოს (ასეთი „სიბრძნე“ „უფრო მტკიცეა“—329), მან უნდა თვითონ „ბევრჯელ წაიკითხოს“ (334) „სამღრთო წიგნი“, რომ „ღირლოვანი“ და „ღრმადმეტყველი“ (335) ადგილები გაიგოს და ამგვარად „გაიგნოს სიბრძნის გზა და კვალი“ (336). ვინც „წმინდათა ბრძენთა წერილი“ (341) შეითვისა, მას უკვე „გული განხურებული“ აქვს (353) ყოველივე „კარგსაქციელისათვის“ (360). არჩილი ჩამოსთელის ყველა ამ „კარგ საქციელს“, უმეტეს ნაწილად წმინდა ეთიკური ხასიათისას (354, 355, 356, 358, 359, 361, 369, 370, 374).

ჩვენ განვიხილეთ ყველა ის წესი, რომლებიც სავალდებულოდ ითვლებოდა XVII საუკ. გაზრდილი ქართველი ფეოდალისათვის, იმავე საუკუნისა და იმავე წრის ერთი საუკეთესოდ განათლებული წარმოადგენელის მოწმობით. ჩვენ ვნახეთ, რომ უმეტეს შემთხვევაში შესაძლებელია მოქცევის ეს ნორმები იმ დროისა და მოცემული (ბატონყმური) საზოგადოების მოთხოვნილებებსა და საჭიროებებს, საუკუნის საერთო ხასიათს, დაუვკავშიროთ (გარდა იმ ზოგიერთი წესებისა, რომელთაც უფრო ზოგადი ხასიათი აქვთ და ან ისეთებისა, რომელთათვის ასეთი მიზეზობრივი კავშირის დამყარება უფრო ძნელია). მაგრამ შესაძლებელია, ეს წესები ყველა ქართულ ნიადაგზე განვითარებულიყო, თანდათანობით, დროთა განმავლობაში, თუ ზოგიერთი მათგანის წარმოშობის ძირი საქართველოს გარეშე უნდა ვეძებოთ? ჩვენი ძეგლის ერთი ადგილი თითქოს პირდაპირი პასუხია ამ საკითხისა. თავისი თხზულების ბოლოში იგი ამბობს:

„საქართველოში იტყვიან სამას სამოცდა ხუთსაო  
ზნეობას, სხვას არ აგდებენ ქვეყნისას, თუ არ მათსაო“.

(ტ. ტ. 401.—2).

მაშასადამე, ეს ზრდილობა, არჩილის აზრით, წმინდა ქართული ზრდილობაა და სხვა ქვეყნებთან მას კავშირი არა აქვს. ამ განცხადებას ჩვენთვის დიდი მნიშვნელობა აქვს, მაგრამ საკითხის გადასაწყვეტად ჩვენ, რა თქმა უნდა, მხოლოდ მას ვერ დავემყარებთ. ამისათვის სხვა წყაროების შეჯერებაა საჭირო<sup>1</sup>.

<sup>1</sup> იბადება უნებლიედ კიდევ ერთი საკითხი: ასხვაეებს თუ არა არჩილი მოქცევის წესებს ქალისა და ვაჟისათვის? თხზულებიდან ისე განოდის, რომ მას თითქოს მხოლოდ ვაჟი ჰყავს მხედველობაში.—ს. ჯ..

## პირთა საკივხელი

- აბაზასძე მარეულეო 466  
 აბასიდეები 377, 385, 392, 393, 402, 403, 404  
 აბაშიშვილები 468, 474  
 აბაშიძე 452  
 აბდლა (მანსური), ხალიფა, იხ.  
 ალ-მანსური  
 აბდ-ალ-მალიქი, ხალიფა 366, 367, 372, 408, 409  
 აბდულ-მალიქი (არამენიის მმართველი) 390  
 აბიბოს ნეკრესელი 290, 293—296  
 აბო ტფილელი 44, 335, 393, 395—399, 407  
 აბუ-ბაქრი 354  
 აბულახტარისძენი 466  
 აბულეთისძენი 466  
 აბუსერისძენი 175  
 აბუ-ჯაფარი 403, იხ. აგრ. ალ-მანსური  
 აგათია 317—320  
 ადარნერსე, მეფე 44  
 აღონცი 87, 93, 96, 263  
 აღრიანე, კვისარი 198, 199, 202, 309, 310  
 აგტი, აიეტი 74, 156, 238, 239, 241—244, 311, 413  
 აგ მხარგრძელი 500  
 აგვუსტუსი 183, 195  
 აგრილიანე, კვისარი 347  
 ახა I, მეფე, 79  
 ახა II, მეფე 11, 80  
 ახო, ახოვ, ახონი, ახუ, ახოვე, ახოვე 10—12, 24—28, 33, 36, 37, 39—48, 74—79, 95—98, 101, 117, 204, 218 237. 245  
 ათლაქვა 487  
 ათლაყეები (ართილაყვა) 482, 486  
 ალექსანდრე მაკედონელი 10, 24, 28, 29, 33, 37, 41—43, 45, 47, 58, 71, 72, 98, 117, 128, 204, 218, 239, 240  
 ალექსანდრე I, დიდი 465, 466, 469, 470  
 ალექსანდრე, იმერეთის მეფე 275  
 ალექსანდრე, მეფე, გიორგის ძე 474  
 ალექსი-მესხიშვილი 27  
 ალი, ხალიფა 354, 365  
 ალი, შირვანის მმართველი 402  
 ალიდოსი 368  
 ალი იბნ-მური 390  
 ალი (თუ იაჰია) შუაბისძე 406  
 ალ-მამუნი, ხალიფა 390, 405  
 ალ-მანსური, ხალიფა 378, 400, 402, 403  
 ალ-მამადი, ხალიფა 401  
 ალშიბაია 476  
 ალ-ჰასანი, კახეთის მმართველი 403  
 ამაზასი, მეფე 282, 283  
 ამიანე მარკელინე 315, 316  
 ამილახვარი, ამილახორი 451, 466  
 ამირ-ალ-მუმინი, ამირ-მუმლი 354, 372  
 ამირ იბნ-ისმაილ ალ-ხარისი 403, 404  
 ამირეჯიბი 452  
 ამჰელი, იხ. ფეჟონი  
 ამფისტრატი 239, 240  
 ანასტასი, იმპ. 349  
 ანდრია მოციქული 271, 273  
 ანიკეტი 18  
 ანტიოქოზ დიდი 176  
 ანტონი I, კათალიკოზი 40, 483, 496  
 ანტონი მარტომყოფელი 290, 291  
 ანტონ მწიგნობართუხუცესი 479  
 ანტონიუსი 89, 188  
 ანჩაბაძენი, ანჩაფისძე 478, 481  
 აპიანე 90—93, 95, 98, 239, 240, 245  
 აპოლოდორი 10, 50, 95, 176, 254, 257  
 აპოლონი როდოსელი 58, 60, 61, 272  
 არაბული 487  
 არაშე, მეფე 2  
 არამი 30  
 არან, არანი, არიან 11, 25—30, 32, 33 37, 39, 44, 77  
 არგიშტი 1 3, 79  
 არდაშირი 212  
 არეჯ ანუ არედბა (არედ-იფა) 481  
 არიანე ფლავიუსი 199, 201, 202, 272, 276, 277, 279, 306, 308—312  
 არისტაგორა 53, 54  
 არისტაკეს ლასტივერტელი 87  
 არისტარხი, მეფე 179, 180

- არისტოტელე 50  
 არმენაკ 78  
 არმენი II, 58, 71—77, 239—241, 244, 245  
 არსენი დიდი, კათალიკოზა (IX ს.) 39, 226  
 არსენი კათალიკოზი (X ს.) 37, 38, 46—48  
 არტაგი, იბერიის მეფე 179, 180  
 არტავაზ, არტავაზდ მამიკონიანი 377, 378, 400  
 არტავაზ, არტავაზდ, სომეხთა მეფე 89, 188, 212  
 არტავაზდ დიმაქსიანი 362  
 არტაქსია, არტაქსიასი 176, 245, 249  
 არტაშესი, სომეხთა მეფე 91, 92, 95, 97  
 არტემი, იმპ. 368  
 არტოკი, იბერიის მეფე 253  
 არშაკი, სომეხთა მეფე 158, 213, 316  
 არშაკიდები 177, 186  
 არშუშა 226—228  
 არჩილ მეფე 211, 230, 286, 287, 407, 491—497, 499—504  
 ანწრუნიახნი 398, 400  
 ასვანუა 487  
 ასოლიკი 363, 366, 367, 374, 406  
 ასპაგური 219  
 ასტიაგი 56  
 ატროპატი 2  
 აუტოლიკი 240, 241  
 აფხხვა 486  
 აფხხავეა (აფხხიშვილი, აფხხი) 487  
 აქემენიდები 347  
 აღბულა 188, 460  
 აშოტ კურაპალატი 27, 30, 44, 298, 373, 391, 406, 410, 422  
 ბაგდატი, ბაგდატუ 79, 80  
 ბაგრატი (ბაგდატი) 96  
 ბაგრატ კურაპალატი 27, 298, 406, 436  
 ბაგრატ III 44, 45, 424  
 ბაგრატ IV 173, 300, 424, 425, 426  
 ბაგრატ V 467, 468, 473  
 ბაგრატიონები 75, 96, 261, 373, 422, 424, 425  
 ბადელიძენი 463  
 ბათ-სეზინი (ხენობია) 347  
 ბაქური 215, 219  
 ბალაძორი 358, 362, 363, 364, 365, 370, 374—376, 378, 381, 386—389, 407  
 ბარაბა 367  
 ბარაბზოდ პიტიახში 225  
 ბარათაშვილები, ბარათაანნი 188, 452, 464, 466—475  
 ბარათაშვილი აბაში 468, 469, 474  
 " ბარათა 468  
 " გერმანოზ 467, 469, 470  
 " გუგუნა 467, 474  
 " გულბა 469  
 " დავით 474  
 " ერაჯ 469  
 " თომა (თომა კანკაშვილი)-474  
 " იოანე 474  
 " მამუკა 473, 474  
 " საჩინო 469  
 " ქვეთარ, ამირეჯიბი 475-476  
 ბარათიანი იარალ 467  
 " ორბელ 467, 468  
 ბარტოლდი 369  
 ბასილი ხარხმელი 439  
 ბასილ კეისარი 271  
 ბაქარი 215, 473  
 ბაქრაძე დიმიტრი 27, 28, 30, 77, 434  
 ბალუაშნი, ბალუაშ-ორბელნი 477, 478, 481  
 ბაპრამი IV 314  
 ბერია ლავრენტი 13  
 ბერძენიშვილი (ბერძენიშვილი) 487  
 ბერძენიშვილი ნ. 215, 288, 300, 472  
 ბესიკი 486  
 ბეჟა 188, 460  
 ბიბილურები 167, 169, 191  
 ბიბილური ბიბილა 191  
 " როსტომ 167—173, 190, 190  
 " წითლოსან 191  
 ბინქარანი, მცხეთის ეპისკ. 222, 223  
 ბირიან აბაში 473—476  
 ბლახიშტაინერი 65  
 ბობოყვა (ბობოყვაფხე) 485  
 ბოლქვაძე 485  
 ბორკი 8  
 ბრატმანი, ქართლის მეფე 218  
 ბროსე მარი 23, 261, 288, 292, 364, 375, 434, 471, 472  
 ბუკაირი 358  
 ბულა თურქი 297, 298, 370, 406, 407  
 გელოვანი 461, 462  
 გელცერი 32, 317  
 გენ რეშიდ 480  
 გვარამი, ძე აშოტ კურაპალატისა 30  
 გიორგი I 424  
 გიორგი II 425  
 გიორგი III 427  
 გიორგი V ბრწყინვალე 455, 472, 473  
 გიორგი VIII 471  
 გიორგი XI 474  
 გიორგი მეფე 474  
 გიორგი, მეფე აფხხთა 44

გიორგი, იმერეთის მეფე 500  
 გიორგი ათონელი 271, 276, 278  
 გიორგი მერჩული 44, 410, 424, 436  
 გიორგი ჩორჩანელი 392, 441—444, 447, 448  
 გლონოქორ, მთავარეპისკოპოსი 225  
 გობრონი 407  
 გოტცე, გეტცე 6—8, 66, 67, 69  
 გორდელაძე მარიამ 488  
 გრიგოლი, წმ. 409  
 გრიგოლი, ქართლის მამასახლისი 165  
 გრიგოლი, სომხეთის და ქართლის მთავარი 366  
 გრიგოლ ხანძთელი 44  
 გრიშაშვილი იოს. 482  
 გუარამი, ბაგრატიონების წინაპარი 75  
 გუარამ ერისთავი 211  
 გუარამ კურაპალატი 287  
 გუგაკ ხუციანდაძის ძე 167, 168, 191  
 გურგენ მეფეთ-მეფე 45  
 გურგენ, ქართლის მეფე 233  
 დავით აღმაშენებელი 425—427, 451, 453  
 დავით IX 473  
 დავით X 467  
 დავით აოგველი 275  
 დავით გარეჯელი 289—291  
 დავით კურაპალატი 424, 436  
 დავით რექტორი, ალექსისძე-მესხი-შვილი 40  
 დალოზი 143  
 დარიოსი 52, 65  
 დაჩი, მეფე 211  
 დაჩი 31  
 დაჩი ქორეპისკოპოზი 405  
 დგებიები 100  
 დე-ლა-მარზი 143  
 დემეტრე I 427  
 დემეტრე ბატონიშვილი 300  
 დვალიშვილი (დვალი) 487  
 დიმიტრი, მეფე 38  
 დიოდორე სიცილიელი 65, 77, 239, 240  
 დიონ კასი 241, 253  
 დიონისი პერიეგეტი 274  
 დიუნო 143  
 დოტე მეგასიდრეს ძე 52  
 დრასხანაქერტელი იოანე, იხ. იოანე დრასხანაქერტელი.  
 ეგარსლან 500  
 ეგეი, ათენის მეფე 238, 241  
 ეგერუხვა 487  
 ეგრი (თედო ქორდანიან?) 27  
 ეგროსი 23  
 ეგვანი უხურაპატორი 317

ეკლავიოზ 292  
 ევლია-ეფენდი 272, 276  
 ევლია ჩალაბი 480  
 ევსევი კესარიელი 59, 60, 61  
 ევსტათი მცხეთელი 293, 294, 296  
 ეზდეროს, ისიდორე სამთავნელი 289, 290, 291  
 ეზუგბაია 476  
 ელენე, ვამეყ დადიანის მეუღლე 489  
 ელია, ილია დიაკონი 290, 291  
 ელიოზისშვილი 451  
 ელჩინი 275  
 ენგელსი ფრ. 103, 104, 106, 110, 129, 135, 142, 155, 157, 165  
 ეპიფანე კვიპრელი 271  
 ერატოსთენე 239, 240, 273  
 ეფოაი 239, 240  
 ექვთიმე ათონელი 272  
 ეკილი 386  
 ვალერი პრობი 239  
 ვალერიანე კეისარი 211, 212.  
 ვალიდ I, ხალიფა 370, 375  
 ვამეყ დადიანი 489  
 ვაჟა-ფშაველა 116  
 ვარახ-ბაკურ, მეფე 211  
 ვარახუარდი 75  
 ვარახშანი 287  
 ვარდან მამიკონიანი 227  
 ვარლამი 482  
 ვარონი 239  
 ვარსკენ პიტიახში 227—229, 232  
 ვახტანგ, ზენობიას ვაჟი 347  
 ვახტანგ გორგასალი 190, 221, 222, 225, 228, 230—234, 382, 418  
 ვახტანგ VI (სჯულმდებელი, ჯანიშინი) 460, 474  
 ვახუშტი 261, 262, 270, 274, 276, 288, 292, 294, 295, 299, 322, 434, 449—463, 468, 470, 500  
 ვესპასიანე, იმპ. 18  
 ხალა, ხალაია კიტკათაიდან 80, 81  
 ხარდუქუ ჰარზიანუდან 81  
 ხარიადრე, ხარიადრიისი 176, 245, 250.  
 ხედგენიძე 451  
 ხევდგენისძეები 466  
 ზენობია, პალმირის დედოფალი 347  
 ზენონი იულთელი 291  
 ზვიადაშვილები 466  
 ზიზი აპათარიდან 80, 81  
 ზურაბისშვილი 452, 468  
 თათა, თათაე სტეფანწმინდელი 290, 291  
 თათარიშვილი 487  
 თალაქვაძე 485  
 თამარ მეფე 427, 428, 430, 433, 478.

- თარგამოსი 22  
 თაყაიშვილი ექ. 23, 25, 27—30, 32—  
 37, 39, 42, 323, 324, 471, 472, 485  
 თეიმურაზ ბატონიშვილი 36, 37, 39  
 თეიმურაზ, კახეთის მეფე 500  
 თემისტაგორა 277  
 თემურ ლენგი 464, 470, 474, 475  
 თემურაჯა 485  
 თეოდოროს რშტუნი 359—361  
 თეოდოროსი, კეისარი 359  
 თეოდოსი I, იმპერატორი 314, 317  
 თეოდოსიოს, ასურელი მამა 290  
 თეოკრიტეს სკოლიასტი 244  
 თეოფანე ბიზანტიელი 313  
 თეოფანე ქრონოგრაფი 362, 366, 368  
 თინათინ, ცოლი ბარათა ქაჩიბაძისა  
 468, 469  
 თმოგველი 432  
 თომა არწრუნი 298  
 თორელები 297  
 თოფურია ვარლამ 61, 165  
 თრდატ მეფე 209  
 თუბალ-კაინი 236  
 თურო-დანქენი 87, 101  
 თურქია 487  
 თუშიშვილი (თუშური) 487
- იაზიდი, არმენიის მმართვე. 378, 400  
 იაზიდი, ხალიფა 366, 401  
 იაზიდ იბნ-ბილალი, აზერბაიჯანის  
 მმართვე. 390  
 იაკობ ხუცესი 221, 222, 227—230,  
 418  
 იაკუბი 363, 370, 371, 372, 388, 390,  
 399, 401—407  
 იანხუ, ნაირის მეფე 86, 96  
 იარალისშვილი 452, 468  
 იარედოსი 32  
 იასონი, იაზონი 10, 11, 71—77, 238—  
 245, 413  
 იაფეტი 22, 59, 77  
 იაყუბ-ყაენი 467  
 იბნ-აბუდები ჯ86  
 იბნ-ალ-ფაჰიბი 365, 383  
 იეველვი 275  
 იეზიდგერდ II 226, 227  
 იენსენი 6, 64  
 იესე დეკანოზი 474  
 იესე მოლარეაუზუცესი 474  
 ივანისძენი 466  
 ილია, სომეხთა კათალიკოზი 408  
 იმერლიშვილი 487  
 ინალიფა 476, 481  
 ინარუჯა 488  
 ინგოროჯა 488  
 ინგოროჯა ასმიდოდ 483  
 ინგოროჯა ეგნატე 482
- ინგოროჯა პავლე 294, 474, 482, 483, 488  
 ინგოროჯეები 486—490  
 იოანე, აფხაზთა ერისთავი 326  
 იოანე ბერაი 27, 28, 37, 38  
 იოანე დრასხანაკერტელი 360, 367, 374  
 იოანე ზედაზნელი 289—292  
 იოანე ზემიხვესი ანუ ციმისხი 32  
 იოანე კათალიკოზი, სომეხი ისტორიკო-  
 სი 374  
 იოანე პეტრიწი 432  
 იოანე, იოვანე საბანისძე 44, 393, 394, 398  
 399, 402  
 იოანე ქუაბულის-ძე 405  
 იოანე ჩიმიშვი, იხ. იოანე ზემიხვესი ანუ  
 ციმისხი  
 იობიანე (იოვანე), იმპ. 316  
 იოვანე, დაჩი 27  
 იოსებ ალავერდელი 290—292  
 იოანხუ, იოანხუ, მანას მფლობელი II,  
 79, 80, 81, 96  
 ისა, აზერბაიჯანის მმართვე. 390  
 ისე წილენელი 290, 291  
 ისრაელ ოდმსელი 367  
 ისპაკ ისპაილის ძე 406  
 იულიანე, აფსილების მეფე 309  
 იულიანე კეისარი 315  
 იულიუს სოლინი 275  
 იუსტინი 238  
 იუსტინიანე, კეისარი 275, 347, 348, 366  
 368  
 იშპუინი, ურარტუს მეფე 2, 4
- კაეტანი, ლ. 344, 354  
 კაკაბაძე, ს. 258, 288, 290  
 კაკუბაია-კაკუბაეა 476  
 კალანკატუელი მოსე, იხ. მოსე კალანკა-  
 ტუელი  
 კანკაშვილი თომა, იხ. ბარათაშვილი  
 თომა  
 კარბელაშვილი ვას. 37, 38  
 კარბელაშვილი, პ. 38, 39  
 კასტორი 239, 241.  
 კატონი 182  
 კაქელიძე გ. 28, 48, 288, 290, 291, 296  
 კიპერტი 263  
 კირკა 244  
 კიროსი ზ, 53  
 კირსილე ფარსალიელი 71, 239, 240  
 კიტორი, ფრიქსეს ძე 240, 241  
 კოქეა (პრეკა) 240  
 კლავედიუსი, იმპ. 255  
 კლეოპენი 53, 54  
 კლუბე მ  
 კოლსი, ფასიდის შვილი 244  
 კონსტანტი, აფხაზთა მეფე 44  
 კონსტანტინე II, მეფე 466, 468  
 კონსტანტინე I, კეისარი 214

- კონსტანტინე III, კეისარი 359—362  
 კონსტანტინე არგველი 275  
 კონსტანტინე (კონსტანტი) - კახა  
 296, 299, 407  
 კონსტანტინე პორფიროგენეტი 274,  
 423, 488  
 კუპა 476  
 კუფტინი, ბ. 97  
 ლაკუსი 238  
 ლამბერტი 277  
 ლანგ-თემური, იხ. თემურ-ლენგი  
 ლატიშვი, ვ. 50  
 ლაფარგი, პოლ 142  
 ლაშხიშვილი (ლასხიშვილი, ლაშხია,  
 ლაშხი) 487  
 ლახმიდები 348  
 ლეონტი 359, 366, 367, 369, 370,  
 373, 374, 377, 378, 398—401  
 ლეკიშვილი 487  
 ლემან-ჰაუპტი 2, 5  
 ლენინი 105, 131, 156, 207  
 ლეონ I, კეისარი 314  
 ლეონ III, კეისარი 368  
 ლეონ II, აფხაზეთის ერისთავი 326  
 ლეონ, კეისრის ერისთავი აფხაზეთში  
 372  
 ლეონტი მროველი 12, 22—24, 36,  
 42, 77, 215, 238, 274, 282—284,  
 286—288, 295, 298, 299, 301, 303  
 ლეონტი, სარდალი 367  
 ლიბერი 239  
 ლიხიშვილი 128  
 ლიპარიტი, ბალუაში, კლდეკარის  
 ერისთ. ერისთ. 300, 426, 436, 477  
 ლომოური, თ. 288, 300  
 ლუარსაბ I 469  
 ლუარსაბ II 500  
 ლუტიპარი, ურარტუს მეფე 2  
 მაკრიანოსი 362, 363  
 მაკრიკე, კეისარი 313  
 მაიერი ელჰარდ 70  
 მალასა (მალაშა), ლახთა მეფე 309  
 მალიქ იბნ-ანასი 386  
 მამიკონიანები 227, 373  
 მამიკონიანი მუშელ 361, 401  
 მანანდიანი 359  
 მარი, ნიკო 8, 13, 23, 27, 29, 40, 44  
 მარკვარტი 370, 372, 375, 376, 399,  
 405 406  
 მარკუსი 238  
 მარუთხვა 486  
 მარუშიძე 478  
 მარკუსი 104, 108, 114, 132—135, 145,  
 146, 149, 157, 182, 189  
 მასისტე 52  
 მასლამა 372, 374, 389  
 მასული 407  
 მაღალაშვილები 466  
 მაჩაბელი 478  
 მაჭი, ხალიფა 403  
 მეგასიდო 52  
 მეგრელიშვილი 387  
 მედეა 72, 74, 76, 77, 156, 238—245,  
 311, 413  
 მედი ლარისაელი 71, 77, 239, 240  
 მედი, მედეას ვაჟი 238—241, 245  
 მელა პომპონიუს, იხ. პომპონიუს მელა  
 მელიქსეთ-ბეგი, ლეონ 295, 296  
 მემონი 55, 58  
 მენანდრე 313, 314, 317  
 მენუა, იშპუნიო! ძე, ურარტუს მეფე 2, 3  
 მეპარნიონ, ხახართა მეფის ას. 326  
 მერმეროე 275  
 მერჩული გ., იხ. გიორგი მერჩული  
 მესხიშვილები 40  
 მითრიდატი, იბერიის მეფის ფარსმანის  
 ძმა 158, 159  
 მითრიდატე, სომხეთის მეფე 200  
 მითრიდატე პერგამელი 154  
 მითრიდატე პონტელი, ევატორი 16,  
 90—93, 176—180, 186, 192, 239, 240,  
 267, 312, 419  
 მირდატ, ქართველთა მეფე 219, 220,  
 225  
 მირი, მეფე 286, 287  
 მირიანი, მირვანი, მერიბანე 27, 47, 207  
 209, 213—215, 316, 392, 451, 453  
 მირიანისძე 466  
 მიტატი ზიქირთუელი 79, 80, 82  
 მიულერი, ა. 353, 354  
 მიქელ გონგლიზისძე, ბედიელი  
 ეპისკ. 478  
 მიქაელ მთავარეპისკ. 223, 232, 233  
 მიქაელ ულუმბოელი 290  
 მნასე 244  
 მოავია, ხალიფა 359, 360, 365, 366  
 მომადი 372  
 მორგანი 125  
 მოსე კალანკატუელი 77, 369, 371, 372,  
 408, 409  
 მოსე ხორენელი 77, 96, 273, 432  
 მოჰმედ ხალიდის ძე 296—298, 406  
 მურვან ყრუ 372—377, 389  
 მუსა, ხალიფა 398, 399, 401  
 მუსაფირ იბნ-კასირი 390  
 მუტავაქილი, ხალიფა 407  
 მუჰამადი 349, 351—354, 379, 381  
 მუჰამად იბნ-არ-რავადი, აზერბაიჯანის  
 მმართვე. 390  
 მუჰამად იბნ-ატამი, არმენიის მმართვე.  
 390, 405

- შუშამად იბნ-ჰამიდი, აზერბაიჯანის  
 მმართველი 390  
 მცხეთოსი 284, 285, 300  
 ნათან, ასურელი მამა 290  
 ნათაძე, გ. 129  
 ნანა, მირიან მეფის ცოლი 27, 209  
 ნარამსინი 343  
 ნარსესი, ალვანთა. კათალიკოზი 409  
 ნებროთი 22  
 ნერონი, იმპ. 251  
 ნერსე ერისთავი 334, 335, 367, 395,  
 400, 402—404  
 ნიკიფორე, იმპ. 32  
 ნინო, წმ. 27—31, 33, 34, 37, 38, 46,  
 48, 49, 205, 206, 209  
 ნინოშვილი, გენ. 439, 483, 489  
 ნიორაძე, გ. 101  
 ნოე 22, 59  
 ნაბალ-მუბალი 236  
 ნაგრუცვა 488  
 ნაგბელა, ხალიფა ჰარუნის ძმა 378  
 ნამიადები 387  
 ნამარი, ხალიფა 354, 355, 358, 379  
 ნარბელეზი, ნარბელიანი 427, 468,  
 477, 481  
 ნარბელიანი, პ. 496  
 ნოსიძე 487  
 ნოსმანი, ხალიფა 354, 363, 365  
 ნოსმან იბნ-აფქალი, აზერბაიჯანის  
 მმართველი 390  
 ნოტკოსი 284  
 ნატეფა 476  
 ნანოდორე 362  
 ნარმენიონი 72, 239  
 ნატკანოვი 299  
 ნახომოვი 128  
 ნეისონელი 277  
 ნეფესიო I 143  
 ნეროზი (ფეროზი) 314  
 ნერსი, აიეტის ძმა 241  
 ნეტრე 213, 214  
 ნითოდორი 180  
 ნითოდორიდა 180  
 ნიმიე, ასურელი მამა 290  
 ნიროს ბრეთელი 290  
 პლატონი 50  
 პლინიუს სეკუნდი 74, 75, 239, 241,  
 242, 251—253, 256—258. 271,  
 275—277  
 პოლუტარქი 255, 263  
 პოლემონი, პონტოს მეფე 180  
 პოლუქსი 239, 241  
 პომპეი ტროგი 238  
 პომპეუსი, პომპეი 16, 90, 91, 178—180,  
 239, 250, 253—255, 267  
 პოდპონიუს მელა 241, 255  
 პროკოპი კესარიელი 93, 275, 317, 318,  
 320  
 პროტემე 269, 271, 274, 277  
 ურდანი, თ. 11, 27, 31, 32, 37—39,  
 48, 470, 471, 473  
 რადამისტი, იბერიის მეფის ფარსმანის  
 შვილი 159, 160, 200  
 რატისშვილი 451, 452  
 რაქველ დედოფალი 75  
 რაქველშვილი 487  
 რეა 277  
 რევი, მირიან მეფის ძე 27  
 რიფსიმე 205  
 როკ, ქართველთა მეფე 219  
 როსტომი, მეფე 456  
 როქვა 487  
 როყვები 482, 486  
 რუსა, ურსა I, ურარტუს მეფე 4, 79—84  
 რუსა II, ურარტუს მეფე 4  
 რუსიშვილი 487  
 სააკაძე 451  
 საბა მანგლელი 474, 475  
 საბა-სულთან ორბელიანი 471, 479; 492,  
 494, 495  
 საბინინი 289, 292  
 საიდი, სომხეთის მმართველი 374, 402  
 საიდ იბნ-ალ-ხაისამი იბნ-შუაბი 404  
 სალმან იბნ-რაბია 358  
 სალმანასარ, შალმანესერ III 2, 78  
 სალუქვაძე 485  
 სამარა, მამასახლისი 29  
 სამოელ, ქართლის კათალიკოზი 44  
 სამოელ დონაურის, ქორეპისკოპოსი 405  
 სარდური, ურარტუს მეფე 2  
 სარდურ I, არამეს ძე 2  
 სარდურ III, არგიშტის ძე 3, 4  
 სარდური, იშპინის ძე 4  
 სარგონი 79—90, 101, 343  
 სასანიდები 186, 315  
 საურმაგი, ქართლის მეფე 204, 219  
 საჰაკი ისმაილის ძე, ამირა 75, 296, 297,  
 406, 410, 436  
 სეზემოსი 77, 358—363, 365  
 სერაპიონ ხარხმელი 392, 439, 440, 442,  
 443  
 სერაპევი, ე. 178  
 სერაპი ბარნუკისძე 368  
 სეანიშვილი 487  
 სენიძე 487  
 სვიმეონ, ალვანეთის კ-ზი 409  
 სიდ-იფა 481



- სიქინაუები 100  
 •სკილაკ კარიანდელი 271, 275  
 •სოკრატე 367  
 •სოლომონ, იუდეველთა მეფე 75  
 •სოლალაშვილი 452, 468  
 •სადაგა, სანიგების მეფე 309  
 •სტალინი 435  
 სტეფანე წმ. 291  
 სტეფანე ბიზანტიელი 59—63  
 •სტეფანოზ ერისმთავარი 396, 403  
 •სუეფანოს ტარონელი 32  
 •სტრაბონი 10, 11, 50, 58—63, 70—77, 88—92, 95, 117—119, 125, 127, 136—140, 144, 145, 147—154, 156, 157, 160, 161, 164, 166, 173, 174, 176, 177, 179, 184, 185, 187, 188, 190, 194, 196, 208, 223, 239, 240, 243—246, 250—258, 260, 262—266, 268, 269, 272, 274, 276, 277, 311, 415—419  
 •სულიამან იბნ-იაზიდი 404  
 •სუმბატ დავითისძე 45, 75, 233, 391  
 ტაბარი 357, 363  
 ტაციტი 18, 74, 75, 158, 239, 242, 243, 245, 252  
 ტიბერიუსი, იმპ. 183  
 ტიგლატ-ფილესარ III 3  
 ტიგრან II 96, 177, 178, 188, 245, 246, 257  
 ტიმოფეევი 482  
 ტირიბაზი 58  
 •ტრაიანე, იმპ. 202, 309, 310  
 ტურაევი, ბ. 2, 3  
 ტურტანი, ასურ. მბრძანებელი 78  
 ტუმრატა, მითანის მეფე 68  
 უალკი, მანას მფლობელი 78  
 უხნაძე, დ. 357  
 უზუნ-ჰასანი 467  
 ულუსუნუ მანაველი 79—82  
 უნგნადი 6, 64  
 ურბნელი, ნ. 434  
 ურდოელაჯილი სუმბატ 466  
 ურდოელაშვილები 466  
 უსამი 75  
 უსლარი 58, 59, 262  
 უფლოსი 284, 285, 300  
 უშაკოვი, პ. ბ. 12  
 ფაეთონი (ამპელი) 244  
 ფაენელი 436  
 ფალავანდიშვილი 452  
 ფარნავაზი, მეფე 28, 218, 282—284  
 ფარნავაზიანნი 176  
 ფარნაკი, ბოსფორის მეფე 154, 180  
 ფარსმან I, იბერიის მეფე 74, 158, 200, 242, 250  
 ფარსმან II 198, 199  
 ფარსმან ქველი (II?) 204, 205  
 ფასილი 244  
 ფეროზი 287  
 ფლორი 244  
 ფორკრი ემილ 7, 12, 69  
 ფოტი (ფოტიუსი) 313  
 ფრიგი 239  
 ფრიქსე 74, 240—243  
 ფსევდო-დოროთე 271  
 ქვეთარაძე ახალციხელი 466  
 ქართველიშვილი, ქართველიშვილები 471, 487  
 ქართლოსი 22, 78, 284, 466, 471, 487  
 ქართუსი 238  
 ქაჩაბა (ქაჩიბა, ქაჯიფა) 481  
 ქაჩაბურასძე, ქაჩიბაია, ქაჩიბაძე, ქაჩიბაძე, ქაჩიბაძენი, ქაჯიფასძე 468—472, 474, 476, 478, 479, 481  
 ქაჩიბაძე ბარათა 468, 469  
 „ გერმანოზ 468, 469  
 „ დავით 468, 469  
 „ ლაპა 468, 469  
 „ სურამელი 469  
 „ ქვეთარ, ამირეჯიბი 469, 471—474  
 „ ქართველ 474  
 ქაჩიბაძე-ბარათაშვილი 471, 475  
 ქეცბაია 476  
 ქორთოძე 487  
 ქორთუა 487  
 ქოსოსენი, ქოსოსეები, ქოსაისეები 478, 479  
 ქრამ-ხვარ-ბორზარდ, პიტიახში 220  
 ქსენოფონტე 57—63, 272, 310  
 ქსერქსე 52, 55  
 ქუჯი 283  
 ლაზარიანი 358, 363—365  
 ლაფირასძე, ლაფირასძეები 466  
 ლეენლი 273  
 ლელეყვა 485  
 ყანხვა 486  
 ყაუხჩიშვილი, ს. 100, 318, 320  
 ყაფლანიშვილი 451, 468  
 ყაფლანიშვილი-ორბელიშვილები 471  
 ყიფშიძე, იოს. 35, 64, 100  
 ყუთლუ-არსლანი 428  
 შაბური 212, 219  
 შავთელი 432  
 შახშა 500  
 შარდენი 277, 501

- შაჰაბაზი 500  
 შერმაზან 492  
 შერუთხვა 486  
 შესტაკოვი, ა. I  
 შიო მღვიმელი 290—292, 294  
 შოთა რუსთაველი 138, 380, 433  
 შუშანი, ქართლის ერისმთავრის ჯუ-  
 ანშერის და 377  
 შუშანიკი, წმ. 221, 227—29, 418
- ჩააბალურხვა 486  
 ჩარვაზია 487  
 ჩარ მურხაყან 481  
 ჩაჩბა 476  
 ჩაჩიბაია 476  
 ჩახრუხაძე 432  
 ჩერქეზიშვილი 487  
 ჩიჯავაცხები 478  
 ჩორჩანელი გიორგი, იბ. გიორგი ჩორ-  
 ჩანელი  
 ჩუბინოვი, უ. 322  
 ჩუმათელიძეები 99
- ცინცაძე იასე 485  
 ციციშვილი 451  
 ცქირი, დიაკონი 410
- ძიფშ-იფა 476
- წათე, ლაბთა მეფე 217  
 წერეთელი, გ. 13, 247
- კანუყყაძე 485  
 კანიშვილი 485  
 კემგუები 486
- ხაზმი, ხუზაიმა იბნ-ხაზიმი, სომხეთის  
 მმართველი 398—402, 404  
 ხალიდ იბნ-იაზიდი 297; 405, 406  
 ხანანაშვილი, ალ. 30  
 ხელაია, ა. 35  
 ხიშშია ამირახორი 466  
 ხოსროვანნი 382  
 ხუნდაძე, ს. 482
- ჯავახიშვილი, ივ. 21—24, 26, 36, 40,  
 42—44, 48, 49, 109, 110, 116, 117,  
 124, 125, 129, 137, 139, 158, 173,  
 186, 200, 209, 232, 233, 235, 252,  
 253, 259, 263, 270, 285, 286, 288,  
 293, 297, 302, 308, 312, 364, 365,  
 375—377, 384, 398, 407, 434, 436,  
 458  
 ჯავახოსი 284  
 ჯანაშვილი, მ. 29, 30, 48, 467  
 ჯანაშია, ს. 47, 50, 57, 65, 71, 248,  
 252, 261, 288, 297, 298, 304, 305,  
 311, 342, 355, 383, 463  
 ჯარაჰ იბნ-აბდულაჰი 371, 372, 376  
 ჯიქია 487  
 ჯიქიძე 487  
 ჯოჯიკი, ვარსკენ პიტიაშის ძმა 227,  
 229, 230  
 ჯუანშერი, ისტორიკოსი 221, 222, 225,  
 230, 253, 286—282, 299  
 ჯუანშერი, ქართლის ერისმთავარი 377  
 ჯუ ნშერი, აფხაზთა ერისთავი 326  
 ჯუანშერი, ერისთავი 287
- ჰაბიბ იბნ-მასლამა 358, 301—365, 371,  
 376, 382, 383, 388  
 ჰაზარაფუხტი, სპარსელი სარდალი 231  
 ჰაიკი 77  
 ჰალიდ იბნ-ვალიდი 352, 353  
 ჰარუნ-ალ-რაშიდი, ხალიფა 378, 399  
 401, 402, 404  
 ჰასანიდები 348  
 ჰაშიმის საგვარეულო 351  
 ჰეკატე მილეტელი 9, 10, 239  
 ჰეოაკლე, 239  
 ჰერაკლე კეისარი 354, 355, 369  
 ჰერთი, არაბთა სარდალი 373  
 ჰეროდოტე 2, 8—10, 51—62, 72, 75, 76,  
 88, 97, 125, 236, 239, 244—246  
 ჰიშამი, ხალიფა 371, 373, 374, 387  
 ჰიუბშმანი 263  
 ჰოლციერი 354  
 ჰრესმაგა, აბასკების მეფე 309  
 ჰროზნი ბედრიხ 6, 8, 12, 67—69, 98,  
 99  
 ჰულაჰიფა 358

## ტომოგრაფიის სახელების სპიხიხელი

აბაჯები, აბაკები 199, 202, 306,  
308—310, 317, 318  
აბაძაღები 484  
აგარაანები; აგარაიანნი, აგარის ნათ-  
სავი 345, 382, 405  
ათენელები 240  
ალანები 306, 348, 353, 358, 368,  
375, 376, 486

ალაროდნი, ალაროდები 2, 7—9, 52,  
54, 56, 61, 63—65, 70, 83, 97, 256  
ალბანელები, ალვანელები 76, 79, 89,  
149—151, 178, 187—189, 212, 239,  
241—243, 253, 257, 263, 264, 358,  
360, 408, 409

ალდი, ია. ხაღდი  
ამბორ-კავკასიელი ტომები 415

ამორეელი ქ. ნაპელები 343

აპიტები 265

არაბები 70, 342—345, 348—350, 352  
355—372, 374—386, 389—404,  
400—411, 421, 422

არაპელები 343

არაქსო დიდლები 76

არაიანები 70

არია-ქაროვლნი, არან-ქართვლნი  
10, 11, 25, 26, 43, 44, 46, 47, 49,  
96, 245

არიელები, არიები 68, 72, 239

არქიანები 376

არშინები, არშინელები 54, 58, 70,  
72, 76, 89, 90, 148, 243, 252, 253

არტლარ, ტომი 480

ასურელები, ასურელები 1, 3, 4, 13,  
69, 70, 78, 84, 85, 246, 343

ათსილები, ათშილები 199, 202, 306,  
308, 310, 317, 318, 419

ათნაზები 44, 298, 306, 322, 326, 376,  
407, 419, 422—424, 436, 477, 484,  
481

ათნაზ-ჩერქეზები 490

აზეები, აზევლები 184, 196, 240,  
241, 243

ბაბლონელები 64

ბასკი, ბასკები 50, 65

ბაქტრიელები 212

ბელონიები 345, 348—350, 354, 355,  
366, 387, 390

ბეონები 33, 64, 72, 73, 75, 76, 96,  
117, 125, 207, 213, 216, 232, 239,  
283, 300, 307, 326, 358, 365, 408,  
413, 414, 419

ბეონელები 58

ბეონ-თურქები 42

ბოსფორელები 180, 194, 315

ბეგერები 58

ბეკალები 484

ბიზანტიელები 300, 348, 358, 359, 361—  
363, 365, 367, 368, 384, 408, 424

ბუხიელები 58

ბუხი-თურქები 42

ბოსფორელები 180, 194, 315

გარდაბანლნი, იხ. კახნი გარდაბანლნი

გერები 101

გერანელები 342

გიმიო, იხ. გიმრიელები

დევანი 49, 191,

დუღანიელები 375

დურძელები 204

დურძელები 75, 343, 350, 352, 370

დურძე-სეზაბი, დურძე-სეზაბი 406, 487

ეკვიტელები 244

ესოპელები 274

ერაყელები 350

ერწუელები, ერწუ-თიანელები  
209

ვალახები, შავი 488

ვიზერები, ბუზერები 94

ვოხები 274

ხანი 11, 71

ზიგები 184, 196

ზუდრეიტები 308

თაბალი, თაბელი, თუბალი, თაბალები  
7, 61, 62, 64, 65, 70, 80, 97, 236,  
237

თესალიელები 74, 242, 243

თათარნი, თათრები 455, 489

თიანელები, იხ. ერწუ-თიანელები

თურქები 181, 277, 370, 425, 455

თურქ-სელჩუკები 424

თურქულ-მონღოლური ტომები 343

თუმები 458

იბერი, იბერები, იბერიელები, იბერ-  
ქართველები, ივერ, ივიოქ, ივერიელები 7,  
11, 50, 51, 57, 58, 61, 62, 65, 70,  
73—76, 90—92, 94, 97, 98, 137, 139,  
140, 148, 149, 158, 159, 176, 179, 188,  
194, 199, 212, 237, 242—246, 252—  
254, 262—264

იბერები, ევროპელები, 50, 90

- იებოსელნი 42  
 ეკატაულები 345  
 იკურელნი, იმერნი 455, 456, 458  
 ინდოევროპიელები 60  
 იონიელები 54, 336  
 ირანელები 313, 316, 317, 347, 408, 409, 420  
 ისმაიტიელები 345, 361, 361, 365, 393  
 იტალიელები 37, 241, 276, 277
- კაბადუკიელები 53, 54  
 კავკასიელები, კავკასიელი ტომები, კავკასიელი ხალხები 22, 75, 149, 150, 415  
 კარდუზი 21  
 კასები 236  
 კახელები, კახნი 291, 297, 405, 456, 458, 459, 500  
 კახი გ. ოდაბანელება, კახნი გარდაბანელნი 297, 406  
 კემირბოღელები, კემურგელნი 486  
 კერკეტეზი 265  
 ქეჩილარი, ქეჩილარი, ტონი 480  
 კიახელები 486  
 კილიკიელები 53, 54  
 კიმურგელები 4  
 კინდელები 349  
 კოლხები 9, 19, 51—55, 56, 57, 62, 64, 65, 72, 74, 76, 97, 125, 153, 180, 236, 242, 244, 275, 27, 318, 319  
 კხოელნი 206  
 ლაზები 11, 199, 202, 217, 234, 275, 308, 309, 311, 313—319, 415, 419  
 ლაკები 238  
 ლაქები 375  
 ლეჩხუმელები 458  
 ლიგუები 52  
 ლიდიელები 54
- მაინელები 346  
 მაკრონები 265, 308  
 მამხელები 484  
 მანაველები 79—82  
 მარიანდუნები 52  
 მასაგეტები 241  
 მატეინი, მატეინები 8—10, 52—57, 65, 236  
 მაქელები 350, 352  
 მეგრელები 11, 23, 415, 419  
 მიდები, მიდიელები 72, 239, 243  
 მესხი, მესხები, მოსხი, მოსხები, მეჩხები, ნუსკი, მუსკები-მუშკები-2, 3, 7, 9, 10, 65, 153, 154, 243, 275  
 მთეულნი 49, 210  
 მთიელნი, აღმ. საქართველოს 430  
 მიდები, მიდიელები 4, 9, 51—53, 56, 57, 64, 72, 76, 81, 82, 86, 89, 148, 189, 236, 343  
 მ-ლეთელები 277  
 მისიმიანები 318  
 მიტანიელები 65, 415  
 მოხლოლები 181, 455, 459, 488  
 მოსინიელები 310  
 მოჭევე-მთიულნი 456, 457  
 მცხეთელნი 222
- ნაბატელები 347  
 ნაირის ტომები 2, 3  
 ნესილები 66
- ოგსნი, ოსები 190, 204, 222, 282, 283, 306, 368, 458, 462, 463
- რომაელები 16—18, 75, 90, 128, 158—160, 177—183, 186, 192, 195—197, 200, 212, 213, 216, 217, 219, 225, 307, 310, 312—317, 319, 347, 348, 360, 362, 419, 420  
 რუსები 370, 483, თეთრი რ. 488
- საბალები 346, 347  
 სანაროელები, წანარები, კახელები 297, 403, 406  
 სანები 265, 308, 310  
 სანიგები 199, 202, 306, 308, 309, 317, 419  
 სარკინოხები 345, 367, 373, 382, 391, 393, 395, 396, 398, 403  
 სარმატები 74, 148, 181, 252, 265  
 საბერ, სობერ, სუბერ, ს-ბერ, სიბირ, საბერები, სავერ, სოვერ, სუვერ, ს-ვერ, სივირ 61, 64, 97, 98, 230  
 სასპირი, სასპირები, სასპერი, სასპერები, სასპერა, სასპერები, სასპერები, საბერი, საბერები, სავეარი, სავეარები 8, 9, 51—53, 55—62, 64, 65, 73, 74, 88, 90, 91, 95—97, 237, 244—246  
 საქუები (ჯიქები) 480  
 სედოხელები 18  
 სელჩუკები 424  
 სემიტები 66, 343  
 სერბები, თეთრი ს. 488  
 სვანი, სვანები 11, 21, 71, 116—119, 122, 156, 311, 314, 318, 415—417, 419, 461  
 სინოპელები 240  
 სირიელები 52—54, 70, 350  
 სირიელი არაბები 354  
 სკივები 4, 148, 181  
 სლავები 374

სომხები 77, 95, 99, 101, 148, 159, 160, 179, 189, 221, 238, 243, 245, 283, 304, 315, 358, 359, 365—367, 373, 374, 398—401, 408, 409

სოფიელები 71

სოჯნი 206

სპ.რსელები, სპარსები 9, 51—54, 57, 64, 74, 89, 158—161, 165, 186, 192, 211—214, 217, 219, 220, 225, 226, 231—233, 236, 316, 365, 391, 455

სუმერ-შუმერი, სუმერები, სუმერიელები 7, 13, 65, 343, 415

სუბარი, სუბარები, 6, 7, 9, 64, 65, 97, 236

სუბიელები 83

ტაბალები 65

ტაბოანი, იხ. ტიბერანი

ტავრო-სყციოები 212

ტაოხები 57

ტაპანთები, აბაზები 481

ტიბარი, ტიბოანები, ტიბარენები, ტიბერანი 7, 9, 11, 65, 70, 91, 179, 264, 265

ტრაპეზუნტიელი 310

ურუმნი, თურქები 455

ფასიანები 57, 58

ფთიოთ-ახეივლები 241

ფინიკიელები 343

ფრაზგები 370

ფრიგიელები 53, 54

ფშავეები 116

ფხავ-ავესურები 458

ფხოვლები 49, 209

ქალები, ქალდეელები, 343, 415

ქართები 24, 50, 51, 237

ქართველები, ქართველი ტომები 1, 11—13, 16, 21—27, 33, 43—49, 51, 58, 70, 71, 74, 76, 87, 96, 97, 102, 115—117, 119, 128, 129, 131, 137, 150, 154, 162, 163, 165, 167, 172, 174, 193, 194, 199, 204, 213, 214, 221, 231, 236, 238, 242, 251, 252, 285, 298, 299, 309, 361, 363, 364, 366, 367, 371, 381, 384, 386, 394, 398, 399, 407, 415, 425, 453, 455, 465.

ქართულ-მეგრული შტოს ტომები 21

ქართველ-კავკასიელი ტომები 22

ქაჩები 481

ქეგო-დეალნი 49

ქისტ-ლოილები 204

ქურთები 22

ლიილები 204, 458

ყვარული 209

ყიფაყები 181, 426

ყიზილბაშნი 455

ყირიმელები 184, 486

შავ-დეალნი 49

შაფსულები 485, 484, 486

შეშერი, იხ. სუმერ

ჩანდლარ, ტომი 480

ჩერქეზები 306, 458, 483, 488, 490

ჩოდ. კავკასიელი ტომები 17

ცხრაზმისზეველები 167—171, 191

ძურძუქნი 463

წანარები 378, 403—405, 407

წილკანელები 49, 209

კანი, კანები 11, 71, 273, 274, 310, 415

კართალელები 49, 209

კემბუები 484, 486

ხაზარები 181, 326, 356, 367, 369—371, 374—378, 390, 392, 402, 403

ხათი, იხ. ხეთი

ხალდი, ხალდები, აღდი 2—6, 8, 13, 70, 91, 265, 273

ხარი, ხარული ხალხები 68, 97

ხარიელები, იხ. ხურიტები

ხეფსულები 116, 458

ხეთი, ხეთები, ხეთელები 2, 3, 6, 66, 68, 415

ხორიტები 69

ხოტენელები 90—92

ხულის ხალხი, ხურები, ხურიტები—6, 12, 67—69

ჯიქები, ჯიქელები 480, 486, 488

ჰარი, ჰარის ხალხი, ჰარები 8, 12, 236

ჰეპტაკომეტები 265

ჰერი, ჰერები 101

ჰესპერ, ჰესპირ, ჰესპერატები 58, 60, 61, 63

ჰიბერ, ჰიბერები 61, 255

ჰიძიალელები 347, 350

ჰურკანები 255

ჰიქსოსები 69

ჰენიოზები 184, 196, 240, 241, 243, 308

ჰუნები, ჰონები 41—43, 181, 317, 348, 369, 374

ჰუნები-საბირები 369

ჰრომები 204

ჰურიები 42

## გეოგრაფიულ სახელთა საძიებელი

- აბაზგია 368  
 აბაკა 320  
 აბაშეთი (=გურობია) 347, 350  
 აბოცი 226, 283, 287, 288  
 აბსაოი, იხ. აფსარი  
 აბსაორს ციხე 256  
 აგარათა 100  
 აგარაკი 229  
 აგარანი 100  
 აბღერა 72  
 აღიამბინა 58, 71, 245, 246  
 აღიღვთი 486  
 აღიღვს ავტ. ოლქი 483, 484  
 აღღერი 480  
 აღრებადაგანი 357, 364, 367, 401  
 აზერბაიჯანი 2, 15, 70, 315, 388—  
 391, 419  
 აზია 15—17, 56, 59, 194, 196, 241,  
 316  
 აზოვის ზღვა 56, 184  
 ათღი, ათგა 72, 183, 238, 239, 269  
 აია, ეა 63, 126, 413, 414  
 აიადის ქვეყანა 86, 87  
 აკამასლონი, აკამესისი 271—274  
 აკატანა 46  
 აკვილონი 59  
 აკლისეა, აკელესენა, ეკლეტი 58,  
 7—75, 87, 91—93, 240, 241, 243,  
 245, 267  
 აკკადი 65  
 ალაბოიას თემი 81  
 ალავერდი 289, 291  
 ალახანი 10, 15, 101, 127, 149, 252,  
 257, 416  
 ალახნის ხეობა 422  
 ალანეთი 375  
 ალანთა გზა 375  
 ალბანია, ალუბია, ალბანეთი, ალუბ-  
 ნეთი 15, 71, 75—77, 90, 101, 126,  
 127, 149—153, 157, 189, 194, 212,  
 213, 220, 226, 240, 249, 253—255,  
 257, 264, 265, 315, 358—361, 362,  
 365, 367, 369, 377, 401, 402, 408,  
 409, 419  
 ალბანიის მთა 239, 252  
 ალგეთი 286  
 ალგეთის ხეობა 477, 478  
 ალის-წყალი 292  
 ამასია, ქ. 266—268  
 ამასტრუა 179, 240, 241  
 ამიერკავკასია 1, 3, 8—10, 15—17,  
 23—26, 43, 58, 71, 102, 110, 117,
- 126, 128, 129, 150, 156, 179, 183, 185,  
 186, 192, 195, 212, 213, 220, 249,  
 315, 357, 358, 365, 368—373, 372,  
 375, 377, 385, 388, 389, 402—404,  
 415, 419, 427  
 ამისი, ქ. 266  
 ამუ-დარია, მდ. 127  
 ამურურუ 65  
 ანაკოჯიის ციხე 372  
 ანაჟოლია 55  
 ანდია 80, 82  
 ანიაშტანია, ქ. 83  
 ანტიტაერი 264, 268  
 ანჩა 410  
 ანათარა 81  
 არაბეთი 344, 347, 348, 350, 351, 353,  
 380, 380  
 არაბეთის არაბთა ნახ.-კლედ. 56, 64, 343,  
 345, 347  
 არაგვი 211, 249, 251, 283—285, 295,  
 299, 300, 302—304, 421, 451  
 არაგვის გზა 252  
 არაგვის ხეობა 149  
 არაგონი (=არაგვი) 255  
 არათთა, მდ. 81  
 არარატი, ირარატი 1, 7, 8, 22, 56, 61,  
 63, 70, 358, 359  
 არა-ატი, მთა 2, 22, 82, 86  
 არანი, იხ. არიანი  
 არან-ქართლი, იხ. არიან-ქართლი  
 არაქსი, იხ. აგრ. არეზი 9, 10, 23, 50,  
 51, 55, 56, 58, 88, 95, 98, 176, 245,  
 253—255, 257, 271, 272, 274, 416  
 არაქსის ხეობა 87, 90, 97  
 არბელა 246  
 არგვეთი, არგუეთი 283, 286, 287, 477  
 არგვეთის მთიერი 303  
 არედის თემი 481  
 არეზი, იხ. აგრ. არაქსი, 249, 250  
 არხაზიას მთა 85  
 არხავე-ქვეყანა 66  
 არხრუმი, ერხერუმი 56, 93, 362, 363,  
 388, 400  
 არი, იხ. ჰარი  
 არია 68  
 არიან, არან, არიანი 11, 36, 38—40, 71  
 არიანა ვაეჯო 70  
 არიან-ქართლი 10, 11, 25, 26, 36, 41,  
 44—49, 70, 75, 76, 78, 96, 237  
 არმაზი 13, 33, 36, 64, 78, 96, 97, 127,  
 180, 218, 219, 247, 249, 284—286,  
 288, 295

- არშანდი, ქ. 79, 80  
 არმაროლის ოლქი 85, 86  
 არშენია 2, 10, 11, 15, 40, 53—55, 48,  
 71, 73, 75, 77, 89, 90, 98, 126,  
 154, 176, 179, 239—243, 245, 246,  
 249, 252—257, 264—265, 315, 316,  
 360, 378, 379, 399, 401, 403  
 არშენია, ა. 71  
 ა-მორიკების თემი 376  
 არშენიის მთა 53  
 აოთიდი (აომაიდა) 80  
 არსო 94  
 არსიანთა 283  
 არსიანის მთა 262, 448  
 არტანი, არტანი, არტაქანი 12, 71,  
 219, 259, 262, 283, 285, 298  
 არტანი, ქ. 94, 284  
 არტ-ნუჯი 44, 262, 423  
 არტუ-ანნაი 361  
 არქეოლოგიის, იხ. აგრ. ნოქალაქევი  
 275, 320, 321, 368  
 არქეი: 63  
 არჯევი 474  
 ასურეთი 2—4, 78, 79, 81, 85, 86,  
 343, 347, 361  
 ასტოხანი 370  
 ატენი 247, 300  
 ატენის ილია 298  
 ატოპ ტაქნი, 2. იხ. აგრ. ახერბაი-  
 ვანი  
 აუკანი 82  
 აუარი, აბაზარი 90, 92, 256, 271,  
 272, 336  
 აუმილი 372  
 აუხანეთი 94, 127, 181, 306—308,  
 326, 334—336, 371, 372, 376, 395,  
 403, 417, 420, 422, 424, 479, 483,  
 486, 488, 495  
 აუხანეთის გზა 376  
 ალბუჯიხის (სოფთი წყაროს) რაიონი  
 467  
 აღმო. პონტოს მთაგორეილი 256,  
 260, 266  
 აღმოსავლეთ რომის იმპერია 314, 369  
 აღმოს. საქათველო 10, 15, 24, 49,  
 51, 127, 139, 177, 186, 193, 194,  
 202, 215, 296, 342, 365, 376, 378,  
 391, 403, 413, 416, 419—423, 430,  
 436, 448, 476—478  
 აუ-დალი 268  
 აშტომ: 363  
 ახანეთი 478  
 ახერბაიხის: 303  
 აჰარა 262, 283, 448  
 აჰარა-ახალციხის ქედი 262  
 აჰარა-გურუის მთები 275  
 აჰარის ქედი 262  
 ახალქალაქი 286, 431  
 ახალციხე 262, 286  
 ახუა 240, 241  
 ახიხა 229  
 ახლო აღმოსავლეთი 66  
 აჰმურა 80  
 ბაბილონი, 4, 23, 89, 246, 343, 346, 347  
 ბაბ-ულ-აბეები, ბაბი (=დარუბანდი) 375,  
 402  
 ბაგრავენდი 363  
 ბახალეთი 365  
 ბაიბურდი 263, 266  
 ბაიბურდის თემი 93, 98  
 ბაილქანი 401  
 ბალიხის ხეობა 67  
 ბალხარის მთები 269  
 ბამბაკი 257  
 ბანა 424  
 ბანა-ფანაქურტის მდინარე 262  
 ბაჟი (=ბაჟი) 276  
 ბარდავი (პარტ-ვი) 87, 388, 401, 406,  
 408, 409  
 ბარეჯანი, სოფ. 173  
 ბარნუკი (ვარნუკი) 368  
 ბარუ 81, 87, 88  
 ბარუ-სანგიბუთუს მხარე 88  
 ბასვიდალიზა, სიმბარე 91  
 ბასიანი 256, 262, 274  
 ბასიანის თემი (ოლეთი) 462, 463  
 ბაქტოია 70, 127  
 ბალდადი 220, 395, 402, 403  
 ბალდათი 320  
 ბალირ-ხანის მთა 87  
 ბაშკირეთის (დმანისის) რაიონი 467,  
 ბაშტორონი 460  
 ჭედნიერი არაბეთი ანუ იანანეთი 345  
 ბენდისი, მდ. 174  
 ბეთანია, ბეთენია 468, 475  
 ბერასჯვარი, მთა 440  
 ბერდუჯი, 22, 23, 283  
 ბზრუი 308, 319  
 ბნეფის ხეობა 200  
 ბიანი 2, 78, 80, 88, 97  
 ბიხანტია 32, 217, 232, 233, 349, 354—  
 356, 358, 367, 368, 370, 386, 390, 409,  
 410, 420—424  
 ბიოხია 179  
 ბიოლის-სუ 67  
 ბიო-კაბისი 82  
 ბიოუათთი, მთა 80  
 ბიკვიტა (=ბიტიუნტი) 414  
 ბიჯისი 363  
 ბოასი 273  
 ბობოყეთი 485  
 ბობიდიის ტაა 71  
 ბოლხისი 229, 299, 468

- ბოლნისის რაიონი 467  
 ბოლნისის ხევი 298, 303, 471  
 ბორჩიანი 94  
 ბორჩალო 94  
 ბორცვი, მ.ა. 474  
 ბორჯომის ხეობა 284, 305  
 ბოსლორაჯანი (ვასპურაკანი) 363  
 ბოსფორი 180, 184, 185, 194 312  
 ბოლაშქოი 66—69  
 ბიოლის ხევი 274  
 ბრეთი 291, 292  
 ბუია, მდ. 80  
 ბულეშანი 266  
 ბულღარეთი 488  
 ბუზგინდია 143  
 ბურნაჩანდო 95
- გაგრა 184, 480  
 გავახი 405  
 გავეხნი 100  
 გალახიმა-დღერე, მდ. 94  
 გალახს მთა 83  
 გაშგუმი 3  
 განკარკი 304  
 გარდაიანი 283, 408, 468  
 გაუე კახეთი 300  
 გარესჯა 474
- გარესჯის რაიონი 291  
 გარესჯის უდაბნო 289  
 გალსა-შვარი 458  
 გაჩანთა, გაჩიანი 283, 468  
 გეგუთი 274  
 გეგუჩიკი 489  
 გერმანია 106, 135, 142  
 გერმილ-ჩაი 266  
 გერმილი 267  
 გიზილქუნდი 80, 81  
 გირესუნი (=კერასუნტი) 260, 266  
 გიუმენქეა 268  
 გირთ-კვეთილი 474  
 გალდაი 95  
 გოგარენე, გუგარკი, გუგარეთი (=გუ-  
 გარეთი) 90, 92, 95, 98, 176, 257, 295  
 გოდერძის ხევი 445  
 გოლომა (ლოლომა?) 95  
 გომბორი 293  
 გომბორის უღელტეხილი 284  
 გომიჯვარი 288  
 გორი 294, 406  
 გორიანთა 94  
 გორთისხევი 298, 303  
 გოგჩის ტბა (=სევანი) I, 3  
 გრუვის ციხე 191  
 გუგარეთი 295, 296, 364  
 გუნუზხანა 93, 94, 98  
 გუნდა, მდ. 55
- დალაია 83, 89  
 დამასკო 355, 360  
 დარანალია 87  
 დარიალ-ბალთის რაიონი 251  
 დარიალი 144, 252, 371, 419, 464  
 დარიალის გასასვლელი 369  
 დარიალის გზა 17, 251, 403  
 დარიალის კარები 251, 372  
 დარიალის ხეობა 181, 184, 476  
 დარუბანდი 360, 375, 387, 402  
 დარუბანდის გზა 17  
 დარუბანდის კარი 252, 372  
 დარუბანდის ყელი 77, 181, 369  
 დასავლეთ ევროპა 67, 430, 438  
 დასავლეთ საქართველო 9, 15, 16, 51, 114, 126, 153, 162, 175, 181, 184, 185, 200, 215—217, 234, 275, 283, 306—308, 311, 312, 315, 310, 319, 368, 375, 376, 413, 415, 417, 319—422, 476, 485  
 დასტურია 91, 92, 267  
 დებილი, ქ. (=დვინი) 362  
 დევაბონის მთა 261, 262  
 დეკიციხე 298  
 დელოსი, კუნძ. 183  
 დეკესენე, ქსერქსენე 260  
 დერჯანი 87  
 დვალეთი 49, 191  
 დვანისწყალი 292  
 დვანი 303  
 დვინი 357—359, 361—363, 373, 375  
 დიაგოიაგი 68  
 დიგორის თემი (ოსეთში) 462, 463  
 დიდი არშენია 92  
 დიდი სომხეთი 55, 91, 186  
 დიდოეთი 204  
 დიოსკურია, დიოსკურიადა 125, 153, 216, 241, 414, 417  
 დომნა 283  
 დიოსპოლი 267  
 დმანისი 423, 431, 467  
 დონი, მდ. 183, 184, 194  
 დურღუკა, ქ. 79  
 დუშეთი 250
- ეა, ქ. იხ. აია  
 ეგერუხევი, აული 486  
 ეგვიპტე 68, 69, 146, 345—347, 354, 355  
 ეგრისი 19, 204, 234, 253, 272—274, 282, 283, 286, 287, 300—308, 313, 315, 317—320, 326, 368, 372, 376, 378, 419—421, 436  
 ეგრისისწყალი 41  
 ედემი, დაბა 48, 209  
 ევატორია 267  
 ევროპა 17, 142, 149, 194, 344



- ეფუტატი 54, 56, 84, 87, 90—93, 97,  
 246, 264, 267—269, 348  
 ექსინი, ექსინის პონტო (=შაეი  
 ხლევა) 56, 63, 127, 265  
 ეთიოპია 272, 330  
 ეკლეცი, რხ აკილისენა  
 ელაში 65  
 ენაგეთი 474  
 ენგური 413, 419  
 ენდერესი 267, 268  
 ენდერეს-ყარა-ჰასარი 93  
 ერაყი 347, 348  
 ერზურუმი რხ. აოზრუმი  
 ერზინჯანი 56, 93  
 ერმადა 94  
 ერუშეთი 12, 229  
 ერწუ, ერწო 48, 49, 209, 304  
 ერწუ-თიანეთი 49  
  
 ელაგირის თემი (ოსეთში) 462  
 ვანი, ქალაქი 2  
 ვანი 2, 13, 320  
 ვანის ტაბა 1, 2, 8, 67, 70, 86  
 ვარდციხე (=როდოპოლისი) 320  
 ვარძია 13, 169  
 ვასპურაკანი 363, 400  
 ველთყეითლი, ნასოფლ. 470  
 ველისციხე 377  
 ვეზე, მდ. 474  
 ვიზერა, დაბა 94  
 ვოლგა 370  
 ვოჰ (=ბოასი) 273  
  
 ზაბატახჩა 295  
 ზაზანი 95  
 ზანავი 43, 392, 448  
 ზანგი 86  
 ზარანდას ოლქი 82  
 ზარზმა, სოფ. 448  
 ზარზ:ის მონასტ. 439  
 ჯედაზენი 289  
 ზევემატა 246  
 ზელა, ქ. 267  
 ზემო იმერეთი (=არგვეთი) 94, 477  
 ზემო ქაუთლი 45, 298, 300, 301,  
 305, 391  
 ზემო ქუყანა 299, 300, 302—304  
 ზეჯა სოილი 285—304  
 ზესტაფონი 482  
 ზიარეთი 94  
 ზიბია, ქ. 79, 80  
 ზილე, ქ. 268  
 ზიმუჩის მთა 82  
 ზირდიაკა, ციხე 81, 82  
 ზირთა, ქ. 78  
 ზიქირთუ 79, 80, 82, 87  
  
 ზურზუკა, ქ. 80  
 „ზღვის კარი“ (=დარუბანდი) 252  
 „ზღვის ყურის“ ქუყანა 23  
  
 თავაურის თემი (ოსეთში) 462  
 თარის კანტონი 303  
 თარმაკისა, ქ. 83, 84, 89  
 თარუი, ქ. 83, 84  
 თასის ოლქი 257, 258  
 თბილისი, ტფილისი 6, 211, 220, 236,  
 283—285, 287, 288, 293—296, 298—  
 304, 342, 358, 363—365, 370, 371,  
 377, 382, 391—394, 396, 404—407,  
 410, 411, 422, 423, 425, 431, 436,  
 467, 468  
 თევდორწმიდანი 471, 472  
 თეთრწყალი, მდ. 483  
 თელაღჯორი 288  
 თელევი 95  
 თემისკირა 265, 267  
 თემისკირას ველი 266  
 თეოდოსიპოლი (=ერზურუმი) 93  
 თერგი 120  
 თერის ხლევა 22  
 თერმოლოჯი, მდ. 263, 265, 266  
 თესალია 238, 240, 245  
  
 თიანეთი 48, 49, 304, 377, 458  
 თორთომი 262  
 თორთომის მთა 261, 262  
 თორთომის ხეობა 262  
 თრაკია 128  
 თრელნი 304  
 თრიალეთი 226, 258, 288—288, 294,  
 295, 300, 477  
 თრიალეთის ქედი 226  
 თრიალის ოლქი 257, 258  
 თურთანი 80  
 თუმანი 375  
 თუშეთი 209  
 თეზარისი 274, 284  
 თეზარისის ციხე 273  
  
 იალღო (=იყალთო) 293  
 იალოიჯუთაფა 101  
 იამანი 345—347, 386  
 იამბოლი-ღერეს ხეობა 95  
 იასრობი (=მადინს) 346, 351, 352  
 იასპის (ეშმის) მთა 82  
 იბერია, ივერია 10, 15, 16, 19, 20, 50,  
 57, 58, 64, 71, 77, 95, 97, 98, 126,  
 137, 136—145, 147—154, 157—162,  
 165, 166, 174, 176—181, 185—191,  
 193, 194, 196, 198, 199, 200, 202,  
 204—205, 213, 214, 217, 240, 242—  
 244, 246, 249—258, 263—265, 268,  
 273, 275, 304, 305, 316, 366, 368,  
 415—419

- იბერიის კარები 251  
 იბერიის მთები 255  
 იბერიის ნ. კ. (= პირენეს ნ. კ.) 50  
 იღარა, სიმარგე 71  
 იერუსალიმი 355  
 იემილ-ირმაკი, მდ. 266; 267  
 იეჯრუქტაჲ (ეგრუბუბაი) 486  
 იფის ბეობა 422  
 იზიბია 80  
 იზირთუ, ქ. 79—81  
 იშერა 94  
 იშერეთ-აშერეთის გზა 478  
 იშერეთი 58; 94, 275, 307, 412, 452, 455—457, 459, 489, 500  
 იშერ-ხევი 94  
 ინაი, მდ. 86  
 ინგლისი 103, 142  
 ინდოეთი 70, 127, 145, 344, 346, 416  
 ინდოეთის ოკეანე 345  
 ინდო-ჩინეთი 344  
 იოროი 250, 257  
 ირანი 15, 17, 71, 315—317, 347, 349, 354, 355, 357, 369, 419—421, 427  
 ირანის ყურე 345, 347  
 ირანის მთა 85  
 ირისი, მდ. 265—267  
 ირიჯლუს მთა 261, 262  
 ისპირი, იხ. სპერი  
 ისპირის მთა 262  
 ისრაელის ხევა 191  
 იტალია 15, 16, 177, 183, 239  
 იტილი, ქ. (=სარილ-შარი) 370  
 იულიუს-ცარი 260; 468  
 იულთა 221  
 იულითას ქუები 289  
 იყალთო 291  
 იმთარ-აურა, მდ. 82  
 იშანი 95  
 კაბალა 58  
 კაბეირა 207, 268  
 კაკესია 21, 24, 25, 142, 451, 51, 58, 73, 74, 77, 129, 186, 204, 210, 237, 238, 241, 255, 264, 265, 303, 311, 367, 370, 372, 373, 373, 390, 413, 415  
 კავკასიონის ქუდი-კავკასიონი 10, 15, 17, 22, 23, 57, 120, 149, 181—183, 240, 249, 251—254, 263, 284, 299, 364, 362, 363  
 კავკასიის გზა 252  
 კავკასიის ზღვა (=პონტო) 272  
 კავკასიის კარები 251  
 კავკასიის მთიანეთი 51  
 კავკასიის ყელი 149, 150  
 კაკამარი (=ქორიბი) 273, 274  
 კაკმი, ქვეყანა 81  
 კალამია, მდ. 86  
 კალახენა 58, 71, 245, 246  
 კალიკლა (=ერზერუმი) 363, 388  
 კამბეჩახი 75, 257  
 კ მბიხენე 253, 257  
 კამბისი, მდ. 255  
 კაბადლუკია, კაპადოკია 53; 54, 264, 269, 308  
 კაპადოკიური პონტო 269  
 კაპახ-დალი 268  
 კაპოქი (=კავსიონი) 360  
 კარალის თემი 81  
 კარგამიში 67  
 კარღუ, ქართუ 1, 2, 21, 22  
 კარიბითი 260  
 კარინის ოლქი (=ერზერუმი) 87, 400  
 კარნუ-კალაქი (=ეზერუტი) 362  
 კარსანი 288  
 კ. ტაათაი 81  
 კაონალის მთა 268  
 კასახანდო 95  
 კასპი 127, 285, 292, 302  
 კასპის გზა 252  
 კასპის ზღვა 9, 15, 22, 51, 71, 127, 128, 240, 252, 261, 416  
 კასპის კარები 77, 89, 257, 317  
 კაცხი 477  
 კახეთი 75, 94, 175, 206, 210, 229, 230, 282, 283, 287, 289, 291, 293, 296, 297, 375, 378, 391, 403—405, 422, 424, 425, 455—457  
 კელკიტი (=გეომილი) 267; 268  
 კელკიტ-ჩაი (=გერმილი ჩაი) 264, 266  
 კემახის თემი 93  
 კერასუნტი (=გერასუნტი), ქ. 19, 264, 266  
 კვიპაროხის მთა 83  
 კვიპროსი, კუნძ. 54, 56  
 კილკია 53, 54  
 კირი, მდ. 253—257  
 კირნი მდ. 253, 255  
 კიროსი, ქ. 256, 263  
 კისია 54, 55  
 კიტრა 94  
 კიშალის მთა 84  
 კლარჯეთი 23, 93, 229, 273, 283, 287, 288, 298, 365, 410, 423, 424, 439, 441  
 კლარჯეთის ხევი 391  
 კლდეკარი 300, 426, 477  
 კლისურა 372  
 კობანი 413  
 კობლათი 95  
 კოდორი 419  
 კოდორის ხეობა 94, 181, 318, 368  
 კოლა 255, 256, 262, 283, 298  
 კოლას მთები 255

ოლბოფორი 303  
 კოლხეთი, კოლხიდა 9, 15, 16, 19, 20, 50, 51, 56, 58, 63, 65, 71, 75, 76, 90—92, 126, 127, 149, 153, 154, 156, 157, 176, 177, 179, 185, 196, 200, 201, 238, 240—243, 253, 254, 257, 263, 265, 269, 272, 275, 307, 311, 312, 320, 413—416, 419  
 კოლხური მთები 204  
 კომაგენე 3, 264  
 კომისენე 89  
 კონსტანტინოპოლი 216, 315, 319, 336, 356  
 კორაქსის მთები 255, 256  
 კოტაომენე 274  
 კოტმანო, კოლქანი 287, 288  
 კოასროდარი 484  
 კუმანია, სიმავლე 251  
 კუბელი 206, 229, 289, 291, 391  
 ლავრა 288  
 ლახიკა 19, 216—218, 234, 282, 307, 313, 320, 368, 419—421  
 ლახისტანი 284  
 ლარავისი 168—170, 172, 191  
 ლარისა 71  
 ლე-დგობე 100  
 ლევკოთეას ტაძარი 153, 243  
 ლეკეთი 464  
 ლელუაოს მთა 250  
 ლელვი, მდ. 474  
 ლე-სიჭინე 100  
 ლეჩხუმი 100, 318, 456—458  
 ლეჩხუმი-სკვპია 100  
 ლიავეი 294, 303  
 ლიდაა 54  
 ლიკი, მდ. 266, 267  
 ლიხთაშეუეთი 436, 464, 477  
 ლიხთიმერეთი 477—479  
 ლიხის ქედი 23, 126, 250, 268, 283, 284, 299, 320, 489  
 ლოლე 94, 465, 468, 470  
 ლუქსენბურგის (ბოლავიას) რაიონი 467, 408  
 ლუკე (=კლაროხა) 272  
 მავნოპოლი 267, 268  
 მადინა (იასრიბა) 346, 351  
 მაკვანეთი, სოფ. 483  
 მაკატია 93  
 მ.შედა 292  
 მანა 1, 2, 4, 11, 12, 78—83, 86—88, 90, 95—97, 101  
 მანალისი, მანალისი (მანალიქ) 87  
 მანგოისი 229, 299, 304, 474  
 მანგოისისხევი 287, 288, 296, 300, 303  
 მარტკილი 20

მარტყოფი 291  
 მასის ქვეყანა 22  
 მასისი, მთა 22, 246, 264  
 მარტინა, მარტინი 53, 54, 55, 70, 76  
 მარტინის მთები 55  
 მარტილე 3  
 მაქა 346, 347, 350—353  
 მალრან-დგოლეთი 49  
 მაშავერის ხეობა 468  
 მაჭოა, მაჯარა 94  
 მახარაძე, ქალაქი 483  
 მახლობელი აღოსავლეთი 21, 54, 72  
 მდინარე მციოისა ხაზარეთისა 23  
 მეღა 71, 76, 77, 239—241, 243, 245  
 მელიტინა 1 2. 93  
 მეორედის ტბა (=აზოვის ტბა) 56  
 მესოპოტამია (=შუამდინარეთი) 5, 8, 12, 55, 66—68, 236, 347  
 მესახორი 95  
 მესანი (ქვეყნის სახელწ.) 261  
 მესხეთი 455  
 მეტეხი 398  
 მეჭაშული ხევა 9, 345—347  
 მთიულეთი 204, 287  
 მიგდოხი 68  
 მიღია 22, 53, 56, 59, 70, 89, 188, 36  
 მიღეთი 53  
 მიზხანნი 71, 94  
 მისი 81  
 მისიანდე 80  
 მიტანი 6, 7, 9, 12, 52, 65—68, 70, 78, 79, 97, 236  
 მოკაცხი 367  
 მოსკოვი 275  
 მოსხი (ქვეყნის სახელწ.) 261  
 მოსხივე 153  
 მოსხური მთები 252, 254, 256, 260—266, 268, 269, 271, 275, 305  
 მოქვი 485  
 მოქი 363  
 მოწამეთა 412  
 მოზიროსი, იმ. მულტროი  
 მრიტი 273  
 მრული 273  
 მტკვარი 3, 10, 12, 13, 23, 90, 94, 127, 149, 153, 226, 249, 250, 253—256, 262, 263, 283, 284, 294, 298—301, 303, 304, 391, 397, 398, 416  
 მტკვარის ხეობა 87, 96, 149  
 მოსახიო 3, 4  
 მუჟად-დგეგორდი 288  
 მულთი 358  
 მუბრახი 219, 282, 300, 451  
 მულტრა, მულტროი, მასოლა, მოზიროსი, მუზირეხისი 94, 275, 320, 321  
 მლეობე (=მოთავლიობე) 291, 292, 479

- მცირე აზია 56, 61, 68—70, 100, 128, 141, 142, 176, 178, 347, 356  
 მცირე არშენია 91—93, 179, 264, 265, 267, 268  
 მცირე კავკასონი 262  
 მცხეთა 10, 25, 28, 33, 35, 37, 38, 41, 42, 44, 48, 64, 78, 96, 97, 127, 128, 165, 175, 176, 202, 204, 206—209, 211, 218, 219, 245, 249, 250, 282, 285, 283, 289, 291—295, 299, 301, 302, 304, 305, 411, 468—470
- ნაირი 1—3, 5, 67, 78, 79, 86, 96, 191  
 ნასტავისი 41, 43  
 ნატეხილები, შოა 94  
 ნაფსა 336  
 ნაშაენი 363  
 ნახიზე—დალა 95  
 ნახიზირ (=ნახი-ძირი) 95  
 ნახუყვანი 362, 363  
 ნაპაიანი 67  
 ნეკრესი 291, 293, 296  
 ნეორისი 257  
 ნესია 188  
 ნეჯღი 345, 348  
 ნიგალი 273  
 ნიკალის ხევი 391  
 ნიხიბინი 67, 186  
 ნიკოპოლი 267, 268  
 ნილოსი 146  
 ნიოჭმინდა 229  
 ნიჭოხი 229  
 ნიხიზი 288  
 ნოსტე 283  
 ნოქალაქევი (=არქეოპოლისი) 320, 321, 368
- ნოქ (=ბოასი) 273  
 ნოქი (ვოქი) 274
- ოჯენე-დერე, მდ. 93  
 ოჯენე-სუულა 93  
 ოლთისი 44, 95  
 ოპიხა 173  
 ორბეთი 467, 474, 481  
 ორეთის მთა 22  
 ორქისტენე 89  
 ორჭილრი 95  
 ორცოლი 94  
 ორჭოენე 64  
 ორპოი, ქ. 69  
 ოსეთი, ოვსეთი 190, 191, 230, 262, 263  
 ოსეთის (ოვსეთის) გარდასავალი 372  
 ოსმალეთი 484, 483, 488
- ოტენე-შულა, დაბა 93  
 ოქსი, მდ. 127  
 ომეი 424  
 ოძრხე 127, 283, 284, 288  
 ოზოდის მთა 353
- პალაკაციო (ჩილდირის ტბა) 3  
 პალესტინა 69, 346, 349, 355  
 პალიასტომის ტბა 277  
 პალმირის სამეფო 347  
 პანხიში 82  
 პანტიკაპეა, ქ. 194  
 პაოანთარა (=პარიადრი) 263, 264  
 პარდა, ქ. 80, 82, 87  
 პართია 15, 177, 186  
 პარიადრი, პარიადრის მთიანეთი 91—95, 98, 176, 257, 260, 261, 263—269  
 პარსუაში 81  
 პარტავი, იმ. ბარდავი  
 პარუარი 298, 303  
 პარხალი, ბოლხარი, პარხალის ქედი 93, 94, 260, 263, 269, 273  
 პანფლაგონია 53, 179  
 პეოსიდა-ბაბილონი 89  
 პეტრა ქ. (არაბეთში) 346, 347  
 პირენეს ანუ იბერიის ნ. ქ. 50  
 პიტეიუნტი, ბიკვიენტა 19, 216, 414  
 პულმონია, ქ. 266  
 პონტო 15, 16, 50, 59, 91, 127, 176—180, 186, 212, 240, 241, 244, 263, 265, 267, 276, 419  
 პონტოს ზღვა 22, 23, 273, 335  
 პონტოს კოანა, რ. 267, 268  
 პონტოს მთაგრევილი 263  
 პენისი, ქ. 62
- ქალეთა 48, 209
- რანი 373  
 რაპა, მდ. 81  
 რაჰა 456—458  
 რახსი, იმ. არაქსი  
 რგანი 412  
 რეა, რევი 294, 295, 997, 406  
 რეხულა, მდ. 289, 291, 302  
 რეხულას ხეობა 292  
 რიხე 263  
 რიხეს მთები 260  
 რიონი, როანი 9, 51, 126, 127, 149, 153, 156, 274, 275—278, 283, 320, 413, 419  
 რიონის ხეობა 200  
 რის, მდ. 275  
 როდოპოლისი (ვარდციხე) 320  
 რომანია (ბიზანტია) 368  
 რომი 15—18, 131, 177—179, 181—183, 185, 186, 190, 198—202, 211—214

- 216, 217, 219, 246, 308—310, 312, 314, 315, 390, 419, 420  
 რუძი (= ბიზანტია) 390  
 რუსეთი 103, 120, 135, 423  
 რუსთაუი 229, 423, 425, 431  
 რუსი 486
- საბაზშიძე 487  
 საბა, სახელწიფო 316  
 საბარათიანი, საბარათაწვილო 468—471, 477, 481, 487  
 საბერძნეთი 131, 145, 177, 209, 221, 232, 372, 413  
 სათაჯე, ტბა 446  
 საიბერო 58  
 საკასენე 90  
 სამარაყანდი 464  
 სამეგრელო 18, 126, 275, 307, 308  
 სამერა 95  
 სამთავისი 289, 291, 292  
 სამრო 94  
 სამსუნო, სამსონი 266, 278  
 სამტრედია 320  
 სამჭრზაყანო 2  
 სამჭრი 375  
 სამშვილდე 283, 423, 425, 431, 469, 470, 474, 481  
 სამცხე 175, 250, 275, 283, 286, 298, 299, 303, 304, 365, 378, 392, 423, 440, 455  
 სამცხე-საათაბაგო 261  
 სამცხე-ჯავახეთი 391, 448  
 სამხედრო-ოსეთის გზა 181  
 სანარია (= წანარეთი) 404  
 სანგიბეტუ 83, 85, 88  
 საორბელო 481  
 საპიტიახწო, სოფ. 295  
 სარდა 55  
 სარირი 375  
 სარილ-შარი (= იტილი) ქ. 370  
 სარკინე, სარკინეთი 13, 33, 41, 127, 291, 292, 294  
 სარმატა 15, 59, 183, 194, 196, 197  
 სასპერ-სისპიოტიტა 244  
 სასპირეთი 63  
 სასხოო 288  
 სასუბარო 9, 58, 59  
 სატალა 263, 268  
 სატრელო 470  
 საფრანგეთი 62, 103, 142  
 საქართველო 1, 2, 9—13, 15, 18, 22, 25, 28—30, 36, 37, 39, 41, 62, 93, 94, 102, 103, 105—107, 109, 110, 128, 129, 111, 135, 136, 152, 167, 175, 177, 181, 184, 185, 193—195, 197, 202, 210, 223, 235, 243, 260, 261, 271, 272, 282, 286, 288—291, 293, 294, 296, 297, 300, 302, 306, 307, 312, 357, 358, 361, 369, 371, 372, 376—378, 382, 383, 403—405, 407, 411, 412, 416, 419—427, 434—438, 438, 439, 448, 449, 451, 453, 455, 456, 460, 461, 467, 473, 477, 481, 482, 485, 487, 489—491, 493, 497, 500, 504  
 საჩერქეზო 483  
 საცხუმეთი 303  
 სამშო 445  
 საპაოა 344  
 სებასტოპოლი 185, 201, 271, 309  
 სეიანის ტბა (= გოგრის ტბა) 1, 3  
 სეფასტია (სივასი) 93, 268  
 სეანეთი, სუანეთი, 21, 102, 119, 120, 153, 156, 181, 286, 307, 313, 314, 318, 417  
 სილა 266  
 სილანი 375  
 სიდნე 265, 267  
 სილენეს ველი 266  
 სიე სი, იხ. სეფასტია  
 სიზნიეთი 359, 360, 362, 363, 365  
 სიორი-ღალი 95  
 სიმირია, მთა 80  
 სინა 346  
 სინაბირი 80  
 სინაპოლხი, მთა 80  
 სინიპიოუ 81  
 სინოპი 241  
 სინორეგა, სინორია, ციხე-სიმაგრე 91, 92  
 სი-აჯ-ტაირსი 363  
 სირდაკუ, ციხე 81  
 სირია, 3, 8, 33, 66, 69, 346—348, 355, 357, 358, 361, 380, 387,  
 სისკნი 358  
 სისაჯანი (სიენიეთი) 363  
 სისპიოტიტა 58, 60, 63, 71, 73, 74, 88—90, 97, 188, 240—246, 259  
 სკანდა 10, 127, 233, 416  
 სკვითია, სკვითეთი 59, 63  
 სკიდისი 261, 263—266, 269  
 სკიდისის მთები 250  
 სკორეთის მდინარე 283  
 სკოშია, სკოშია (= ლეჩხუმი) 100, 318  
 სობლის ციხე 372  
 სოგდეთი 70  
 სონეთი 1, 15, 23, 25, 26, 41, 56, 62, 63, 74, 87, 92, 93, 99, 103, 105, 126, 149, 158, 159, 176—178, 180, 186, 188, 189, 193, 200, 205, 212, 213, 220, 226, 227, 242, 245, 246, 252, 251, 256, 272—274, 283, 316, 317, 357—363, 365—367, 373—375, 377, 398—402, 408, 416, 419, 421, 424, 427

სომხეთის მოგები 274  
 სონიითი 63, 99, 373, 406, 425, 451, 467, 468  
 სოფეხე 91, 265  
 სოკა 184  
 სოხუმი, სუხუმი, ცხუმი 59, 126, 155, 201, 309, 414, 423, 431  
 სპარსეთი 8, 52, 54, 70, 76, 89, 125, 159, 177, 185, 186, 188, 211, 212, 219, 220, 225, 226, 227, 230—233, 293, 314, 316, 349, 464  
 სპარსეთის ყურე 51, 186  
 სპარტა 53, 54  
 სპერი, ისპირი 9, 56, 58—60, 73, 75, 93—96, 188, 246, 256, 263, 273, 274  
 სპერის ზღვა 284  
 სპერის (ისპირის) მთა 261  
 სპერის (ისპირის) მდინარე 244  
 სპოჟანწორდა 291, 292  
 სუბარტუ (= სასუბარო) 64, 65, 88  
 სუბარისი, სუბარისო, ქ. 65  
 სუბი 83, 87, 88, 90, 91, 95—97  
 სუხა, სუსა 54, 55  
 სუია 80  
 სუნორ-ოვანია და ლობი 94  
 სურამის ქედი 126, 149, 253, 284, 292, 415  
 სუოიკაში 81  
 სურმენე 95  
 სუოიხეს ყაზა 94  
 სუჯუნა 276  
 სხალტა 479  
 ტაბასარან-შაპი 375  
 ტავრი, ტავრია ქედი 246, 264, 265  
 ტაიქსა 263  
 ტ.მეში (ტამბეშ) 94  
 ტანძა, სოყ 471, 472  
 ტ.ნაისი, ტანაიდი 62, 183, 184, 194  
 ტაო 57, 256, 262, 263, 298, 358 360  
 ტაუკლაჯუჯეთი 23, 422—424  
 ტასისკარი 283—286, 298, 299  
 ტაშილი 226, 283, 287, 288, 304  
 ტეკელუ-სალი 260, 268  
 ტელელ-მარა 68  
 ტემეეს ხეობა (თესალარაში) 215  
 ტეოზანდო 95  
 ტეოზე 266  
 ტერმეჩი 266  
 ტიგრანოკერტა 246  
 ტიგროსი, ტიგრი, მდ. 55, 213, 215, 216, 246  
 ტოკაი 268  
 ტოლმში 95  
 ტრაპეზუნტი 18, 91, 94, 126, 127, 256, 260, 263, 265, 266, 308, 310, 335

ტრაპეზუნტის სამეფო 427  
 ტრაპეზუნტის სანჯაყი 94  
 ტუაფსე, ტულაფსე 184, 483, 484  
 ტუზლუ, მდ. 87  
 ტუნისხევი 298, 303  
 ტურ-აბდინი 67  
 ტუშაა 2  
 ტურას, ქ. 63  
 უაიასი 86  
 უაუმის მთა 79, 80, 82, 86  
 უიზუქუს მთა 86  
 უიშდი, მთა 80  
 უიშდინი, უაიზდინი 80, 82, 86  
 ულაფი, აული 484  
 ულუმბა 291, 292  
 ულურა, მდ. 86  
 ულუზუ, ულზა, ულჰუ, ქ. 84, 85  
 ულარტუ 1—5, 7—12, 52, 56, 61, 63, 67, 71, 72, 78, 79, 82, 83, 85—89, 97, 256  
 ურბინი 127  
 ურმის ტბა 1  
 ურფა, ურჰალი, ქ. 69  
 უსპა, ქ. 183  
 უტყვისი, ხევი 440  
 უფლისციხე 13, 285, 406  
 უშკაია, ქ. 82, 83, 88  
 ფაბენე 89  
 ფახისი, ფასოსი, ფასიდი, მდ. 9, 51, 56, 57, 63, 149, 154, 179, 253, 271—278, 315, 413, 416, 417  
 ფახისი, ფასისი, ფასიდი, ქ. 63, 125, 127, 153, 185, 201, 216, 277, 309, 414, 416  
 ფახის-კასის გზა 128  
 ფაიქლზას თემი (ოსეთში) 462  
 ფანაჯარი (ფარჯნი), ფაოვანის ტბა 283—285, 298, 300, 468, 474  
 ფანაროთა 267, 268  
 ფანასკოტი 262  
 ფარნაკა 91, 265, 266  
 ფარსანი (თუშთა თემი) 458  
 ფასიანა (= ბასიანი) 274  
 ფარსა 266  
 ფაში (ფასიდი) ქ. 277  
 ფაშჩი (= ფასიდი) 276  
 ფერები 71  
 ფერი-სუს ხეობა 93  
 ფერსათის მთა 262, 268  
 ფილან-შაპი 375  
 ფილარეთი 471, 472, 481  
 ფიქსი 267  
 ფოთი, ფუთი 153, 201, 277, 271, 278, 309, 414, 416  
 ფრიგია 53, 54

ფ.იქსეს ქალაქი 243  
ფსარე, ფსაროს (=ფსარი), მდ. 271, 272  
ფსოუს ხეობა 480  
ფუფის, სოფ. 278

ქალდეა, ქალდია 22, 335, 338  
ქალკედონი 361  
ქართა 94  
ქართლი 10, 15, 24, 25—28, 32, 33, 37, 38, 43—47, 49, 50, 57, 64, 71, 74, 75, 91, 95—97, 117, 126—128, 137, 140, 145, 153, 165, 183, 190, 202, 204, 205, 206, 208, 210—223, 225—234, 237, 242, 243, 245, 249—251, 253—255, 257, 282—284, 286—288, 291—301, 303—305, 315, 316, 357—368, 370, 371, 373, 376—378, 381—386, 391—396, 398, 400, 402—408, 410, 418—421, 424, 452, 453, 455, 456, 458, 467, 478, 481, 500

აზოლის საპრეტიაზმო (=ქვემო ქართლი) 371, 391

ქართლის ყალბი 262  
ქართუ, ქაიდე, კარდე 1, 21, 22  
ქაჯთა ქალაქი (=ქვრი) 12, 285  
ქვარციანის ხეობა 392, 440, 448

ქვთახევი 474, 475

ქვარცი 262

ქვემო იმერეთი 94

ქვემო ქართლი 45, 94, 226, 229, 286, 300, 301, 371, 391, 404, 425, 470, 477

ქვემო ქვეყანა 300

ქვენა სოკელი 280

ქვენიფევი 170

ქვეშაფორი 377

ქისიკი 291, 456, 457

ქიშთის მთა 84

ქორდითირიკო ხევი 303

ქსანი, მდ. 41, 94, 167, 190, 451, 452

ქსანთა 94

ქსერქსენე (დერქსენე) 260

ქუთათიში (ქუთათისი) 275

ქუთათისი 274, 320, 423, 431, 464, 500

ქურდისხევი 287

ქურთაულის თემი (ოსეთში) 462

ქურთისტანის მთა 246

ქცია 286, 294, 295

ლადო, მთა 23, 262, 284

ლადო-ახალციხის ქედი 275

ლაზა, ქ. 346

ლუმეტი 238

ყაბარდო 484, 487, 488  
ყაზა კელი 93  
ყალნუს მთა 261, 262  
ყარაღელ-დალი 268  
ყარსის მთა 262  
ყვრილა 127, 149, 153, 253, 274—276, 278

ყვირილა-რონის ხეობა 127  
ყიხილ-იმარეთი 95  
ყიხილ-ირაქი 260, 266, 268  
ყიოიმი 176, 194, 370  
ყიოანთა, სოფ. 468—470  
ყუბანი, მდ. 100, 181

შაბურანი 375  
შავი ხეობა 3, 9, 15, 22, 23, 51, 58, 125, 127, 176, 183, 184, 197, 199, 210, 266, 284, 306, 310, 412—414, 416, 417, 427

შავი წყალი 274  
შავშეთი 298, 355, 448  
შავშეთის ხევი 391

შაჟუი, ქ. 98

შარდურბიზურა, ქ. 81, 85

შაქ-დაღის მთიანეთი 257

შებინ-ყარაქისარი 263

შეკვირილი, ნაქსადგ. 483

შიგხით კახეთი 300

შიდა ქართლი, შიგა ქართლი. შინა ქართლი 229, 283—286, 288, 295, 298—305, 364, 391

შიდა სოფელი 286

შიდა ქვეყანა 286, 300

ზინდისი 288

ზიოთუკ მე 478

ზირკანი, შარკანი 375, 402

შაქ-ქალუს მთა 261, 262

შოლაზანი, სარაპანი 10, 15, 127, 149, 153, 253, 274, 275, 276, 278, 283, 416

შუა-ახია 343, 344

შუაშინარეთი (=მესსოპოტამია) 65, 343

შუანდახული, ქ. 79, 80

შუვა 94

შუჩქი 377.

ჩამლუ-ბელ-დალი 260, 268

ჩახუბეთი 478

ჩელეთი 229, 377

ჩერქეზეთი 458, 487

ჩილდოის ტბა (=პალაკაილი) 3

ჩიოგვეთი, სოფ. 488

ჩიოოგა 94

ჩიოო-დერესი, მდ. 94

ჩიოჩანი, სოფ. 392, 448

ჩრდილო-კავკასია 17, 181, 182, 194, 204, 306, 368—370, 375, 412, 415, 419, 426, 427, 490

- ჩრდილო-ოსეთი 413  
 ჩუმათელეთი 99  
 ჩუმოვანი 94  
 ჩხერიმლა 274  
 ჩხუმი (ცხუმი), ჩხუმი 100
- ცენტრალური აზია 181, 344  
 ციფ-გომბორაჟი კედი 252  
 ციძილათი 95  
 ციხე-დიდი 288  
 ციხე-გოჯი (=ნაქალაქევი) 368, 375  
 ცროლეს მთა 41  
 ცხრაზნა, ცხრაზნისხევი 167—171, 173  
 ცხრაძმია 303  
 ცხროქა 441  
 ცხუმი (=სოხუმი) 59, 100, 372, 423, 431
- არა 94  
 ძეგლი აღმოსავლეთი 7, 64, 65, 145  
 ძინძე 440, 418  
 ძოროფორი 303
- წალკა 97, 286, 295  
 წანარეთი (=სანარია) 404  
 წვიმეთი 44  
 წითელი ზღვა (=სპარსეთის ყურე) 51  
 წილკანი 219, 291, 292  
 წინა აზია 3, 5—6, 12, 13, 52, 53, 56, 61, 64, 66, 67, 96, 97, 177, 182, 186, 196, 211, 236, 246, 343, 415, 421, 423  
 წლევი 292  
 წლევის მთა 291  
 წობენი 49, 209  
 წობენორი 304  
 წაროფორი 303  
 წრომი 431  
 წუნდა 283, 284  
 წუქეთი 377  
 წყისე 448
- ქანეთი 18, 273  
 ქანითის მთები 256, 268, 305  
 ქეჯეში 229  
 ქორი (ჟარუბანდი) 350  
 ქოროხი 51, 56, 90, 92, 246, 249, 256, 265, 262, 263, 266, 271—274, 284, 305  
 ქოროხის ხეობა 94, 97, 256
- ხაბურთი, მდ. 68  
 ხაბურთის ხეობა 67  
 ხახარეთი 23, 326, 370—372, 375, 376, 395, 403  
 ხაიხანი 389  
 ხალდე 21
- ხალკის, ქ. 63  
 ხალკიტის 63  
 ხალხალის მთა 93  
 ხანიგალბად 69  
 ხაოსპი, მდ. 54  
 ხარაგოული 412  
 ხართი 69  
 ხაოი, ხური, იხ. ჰარი.  
 ხარნისხევი 303  
 ხატი 66  
 ხატხანა 2  
 ხახტი (=კახეთი?) 374  
 ხახული 424  
 ხეთა 66, 68, 69, 97, 236  
 ხეკორდი 288  
 ხერკი 43, 287, 288, 304, 377  
 ხვარაზმი 70  
 ხვეთი 304  
 ხირა, ქ. 348, 349  
 ჩირსი 291  
 ზლათი 59, 363  
 ხმელთაშუა ზღვა 346, 347, 415  
 ხობი, მდ. 18  
 ხოხანირი. სოფ. 406  
 ხორასანი 371  
 ხორაკეთი 488  
 ხორზიანის ველი 94  
 ხორნაბუჯი 229  
 ხორსაბადი 79  
 ხორტიკ-ღალი 93, 95  
 ხორტიკი, დაბა 93, 95  
 ხორშუტ-ჩაის ხეობა 94  
 ხორძენე, ხორძენე, ხორტენე, 91—95, 98, 176, 257, 260  
 ხორტენეს არმენია 90, 92  
 ხორტინოსი, დაბა 93  
 ხორტინოს-ქეფურუ 93  
 ხრამი, მდ. 286, 294  
 ხუნანი 282, 283, 365, 431  
 ხუნტუსი 95  
 ხური, ხურა, ქ. 68  
 ხური ქვეყანა, იხ. ჰარი
- ჯავახეთი 13, 229, 250, 283, 286—288, 298, 304, 391, 406, 448  
 ჯაყვა (ჯაკვა) 485  
 ჯეღარე-დერესის ხეობა 94  
 ჯიქეთი 484, 488, 489  
 ჯორუბ-ჯურუბ (ქოროხი) 272  
 ჯუარი 287, 421  
 ჯურხანი (ქართლი) 363, 365, 383, 404, 405



- პალისი, მდ. 53, 54, 179, 265, 266  
 პაიზინი 375  
 პარზიანუ 81  
 პენიობია 240, 241  
 პენიონური მთები 256  
 პეოაკლია 179  
 პერეთი 22, 41, 101, 225, 283, 425  
 პერმასტი (=არმაზი) ქ. 257  
 პირკანიის ზღვა (=კასპის ზღვა) 127  
 პირკანიის ყურე 255  
 პიჯაზი 345, 386  
 პნარაკერტი, ქ. 304  
 პუბუშკია, ქ. 78, 86  
 პური, ქ. (=ქაჯთა ქალაქი) 12, 285  
 პუროლილი, ჰაროლილი 69  
 პარი, პური, არი, ხარი, ხური, 6—8, II.  
 12, 66—71, 94, 96, 101, 256, 237

- Аббакиды 329  
 Або Тбилисский 335, 339  
 Адош, Н. 270  
 Аво 30, 33, 47  
 Александр Македонский 33  
 Алексеев, М. 480  
 Анос, абхазский царь 324, 325  
 Аполлодор 258  
 Аппиан 247  
 Аран, царь 30, 33  
 Армен 247  
 Баграт III, царь 323—325  
 Баграт, имеретинский царь 324  
 Броссе, М. 323  
 Васильев, А. 328, 329, 333  
 Васильевский Е. Г. 279, 319, 340  
 Weil, G. 357  
 Бахушти 322, 323, 325—327  
 Гарун-ар-Рашид, халиф 333  
 Ghazarian 358  
 Гельцер 327, 330, 333, 339, 341  
 Георгий, абхазский царь 324  
 Геродот 247  
 Геч Решид 480  
 Городецкий, В. 486  
 Götz, Al. 66, 70  
 Грозный, Б. 68  
 Гурген, царь 324  
 Джавахишвили, И. А. 324, 325, 332  
 Джуаншер, царь 323  
 Джуаншер, абхазский эристави 326  
 Диодор 247  
 Досифей, иерусалимский патриарх 323  
 Hart, Cl. 357  
 Hübschmann, H. 270  
 Иасон 247  
 Иоани Готский 340, 341  
 Иоани Сабанисдзе 333, 334, 336—339  
 Иоани, царь 322, 323  
 Иоани, Эристави абхазский 326  
 Ирина, жена Льва Хазара 332  
 Ирина, жена имп. Константина 328, 330, 331, 333, 339—341  
 Карл Великий 333  
 Кекелдзе, К. С. 338  
 Кьеретт, Н. 248, 270  
 Константин, эристави абхазский 331  
 Константин V, имп. 328, 329, 332, 339  
 Константин VI 331—333, 340  
 Константин Порфирогенет, 339  
 Константин, имеретинский царь (II?) 324  
 Künzbacher, K. 313  
 Крымский, А. 357  
 Кулаковский, Ю. А. 279  
 Цамтэас Н. 357  
 Lehmann-Haupt 101  
 Лев III Исавр 327, 328, 332  
 Лев IV, имп. 328—331, 337, 339, 340  
 Леон I, эристави абхазский 323, 326, 330, 331, 337  
 Леон (Леван) II, эристави абхазский 322, 323, 325—327, 330—333, 340  
 Marquart, J. 270, 367, 371, 407  
 Маслама, халиф, 327  
 Мед 247  
 Медея 247  
 Мела 247  
 Мислер, А. 357, 375, 381, 385, 386  
 Мислер, К. 367  
 Нерсе, картлийский эриставари 333—336, 339  
 Никифор кесарь, брат Льва Хазара 331  
 Никифор, Кривошеин 32  
 Олександр (Александр) 275  
 Пестера 338  
 Плиний 247, 258  
 Rehnach, Th. 270  
 Реклю, Э. 270  
 Ростовцев, М. И. 259  
 Сиюхов, С. 486  
 Страбон 247, 258, 269, 270  
 Такайшвили, Е. С. 26, 323—325, 329, 332, 474

Тацит 247	Феодор слепой, обхазский царь 324
Тигран II 258	Феофан 339
Трог, П. 247	Феофил 341
Услар, П. К. 270	Хахапов А. С. 30, 489
Успенский, Ф. 327—331, 333, 338, 339	Schermann, A. 279
Фарнаваз 30	Юстиниан II 328
Феодор 331	

### Указатель племенных названий

абхазы 322, 325—327, 340	яберы 247
агаряне 322	мидяне 247
арабы 322, 327—330, 332—334	ромен 328
ариан-картвелы 247	сарацины 334
армяне 247	сасперы 247
балканские славяне 333	турки-османы 327
болгары 328, 330, 333	хазары 322, 326—329, 334, 340, 341
византийцы 322	эгрисцы 322
гечь, геча, племя 480	
греки 322, 326, 333	
грузины 336	

### Указатель географических названий

Абхазия 322—324, 326, 327, 331—341	Болгария 329
Адиабена 247	Боспорский пролив 340
Ак-даг 270	Вавилон 324
Акроин 327	Византия 322, 327, 329—332, 337
Алазан, р. 258	Визера 94
Анакопия 322	Восточная Грузия 334
Анатолик 339	Восточно-Понтийский хребет 270
Апсареа, р. 336	Врата Осетии 334
Аракс, р. 258	Вукелларий, тема 339
Армази 33	Германия 330
Армазское ущелье 33	Гиресун (Керасунт) 270
Арменияк, тема 338, 339	Гоблад, Коблат 95
Армения 247, 258, 329	Гогарена 258
Ассирия 324	Голоша 95
Байбурд 270	Готия 340, 341
Бамбакский хребет 258	Грузия 33, 322, 323, 328, 337
Баспан 258	Гурелские горы 275

- Дара 329  
 Дарналан 334  
 Дарнальский проход 258  
 Дзара 94  
 Дон 341  
 Дорос, готская крепость 341
- Егерукой, Егерукай 483  
 Египет 324  
 Ерманды 94
- Иберия 258
- Кавказ 328  
 Кавказский хребет 258, 336  
 Кавказское побережье 340  
 Калахена 247  
 Камбисена 258  
 Карли 33, 258, 340  
 Келькит-чай 270  
 Керасунт, см. Гиресун  
 Кизил-ирмак 270  
 Китра 94  
 Кларджет 95  
 Колхида 258, 328  
 Константинополь 327, 336, 339  
 Крым 340, 341  
 Ксапта 94  
 Кура 258  
 Курла (კურალი) 275  
 Кутатис 275
- Лазика 322, 339  
 Лихи 326  
 Лихские горы 322
- Малатия 329  
 Малый Кавказ 269  
 Месопотамия 329  
 Московские горы 269, 270  
 Мцхета 33
- Напсайская гавань 336, 338.  
 Натехилеби, горы 94  
 Нахизир 95  
 Никея 341  
~~Никопсия 338~~  
 Нисибс 329
- Опсикий, тема 339  
 Ордор 95
- Париадр 258, 269, 270  
 Пархал, Балхар 269  
 Передняя Азия 247  
 Почтийское море 335, 338  
 Поти 339
- Реон, (Реонь, Роянь) 275  
 Ризейские горы 269
- Самосат 329  
 Саркел, крепость 341  
 Синоп 339  
 Сирия 329  
 Сяспиритида 247, 258  
 Сканда 258  
 Скидис 269, 270  
 Сомхития 33  
 Спер 258  
 Speria 59  
 Сурамский хребет 322
- Тавр 247  
 Таманский полуостр. 340  
 Телеви 95  
 Текелу-даг 270  
 Трапезунт, Трабзон 270, 335, 336, 338
- Фанагория, г. 340  
 Фарнакия 270  
 Феодоснополь (Эрзерум) 329  
 Фракийская тема 339
- Харт 94  
 Хазария 322, 328, 313, 334  
 Халдия 335, 338, 339  
 Херсон, Херсонес 341  
 Хордзена 258  
 Хотинос 93  
 Хуру 94
- Цимилат 95  
 Црольская гора 33
- Чамли-бель-даг 270  
 Чатехилеби 94  
 Черное море 338—340  
 Чорогма 94  
 Чорохи 270, 338
- Шах-даг 258  
 Шорапани 258
- Эгриси 322, 326, 339  
 Эрис-цкали 33  
 Эрети 33  
 Эрзерум, см. Феодоснополь
- Юлдус-даг 270  
 Zichia, mauro Z. 489

აკად. ს. ჯანაშიას „მკოპების“ I და II ტომებში მოთავსებულ  
ნაშრომთა ბიბლიოგრაფია

I ტომი (1949 წ.)

1. ფეოდალური რევოლუცია საქართველოში. ნარკვევი ფეოდალ-  
ლიზმის წარმოშობის ისტორიიდან საქართველოში.

პირველად დაიბეჭდა 1935 წელს ცალკე წიგნად (132 გვ.).  
გამოსცა თბილისის სახელმწიფო უნივერსიტეტმა.

2. საქართველო ადრინდელი ფეოდალიზაციის გზაზე.

პირველად დაიბეჭდა 1937 წელს ცალკე წიგნად (150 გვ.).  
გამოსცა თბილისის სახელმწიფო უნივერსიტეტმა.

[ეს ორი ნაშრომი შეადგენდა ს. ჯანაშიას სადოქტორო  
დისერტაციას, რომელიც მან დაიცვა 1938 წელს თბილი-  
სის სახელმწიფო უნივერსიტეტში].

II ტომი (1952 წ.)

1. ურარტუ.

პირველად დაიბეჭდა 1937 წელს საქართველოს განსახ-  
კომის ჟურნალში „კომუნისტური აღზრდისათვის“, № 10  
(გვ. 46—59).

2. რა მოხდა 2000 წლის წინათ საქართველოში.

პირველად დაიბეჭდა 1935 წელს თბილისის სახელმწიფო  
უნივერსიტეტის მრავალტირაჟიან გაზეთში „ბოლშევი-  
კური კადრებისათვის“ (№ 17), ისტორიის ფაკულტეტის  
სტუდენტის ენუქიძის შეკითხვის პასუხად.

3. ქართული სახელმწიფოებრიობის გენეზისის ისტორიიდან (კოლ-  
ხეთის სამეფოს ისტორიისათვის).

მოხსენების თეზისები.

პირველად დაიბეჭდა 1943 წელს საქართველოს მეცნიერებათა აკადემიის საზოგადოებრივ მეცნიერებათა განყოფილების XII სესიის თეზისებში (გვ. 17).

4. უძველესი ეროვნული ცნობა ქართველთა პირველსაცხოვრების შესახებ მახლობელი აღმოსავლეთის ისტორიის სინათლეზე.

პირველად დაიბეჭდა 1940 წელს სსრკ მეცნიერებათა აკადემიის საქართველოს ფილიალის ენის, ისტორიისა და მატერიალური კულტურის ინსტიტუტის („ენიშკი“-ს) მოამბის V—VI ტომში, რომელიც მიძღვნილი იყო აკად. ივ. ჯავახიშვილის სამეცნიერო მოღვაწეობის 40 წლისთავისადმი (გვ. 633—694).

5. გვაროვნული წყობილება ქართველ ტომებში.  
საქართველოს ისტორიის კურსი. განაკვეთი № 1.

ავტორის მიერ საქართველოს სსრ განსახკომის დაუსწრებელი პედაგოგიური ინსტიტუტისათვის შედგენილი.

პირველად დაიბეჭდა 1932 წელს, ლითოგრაფიული წესით (ინსტიტუტის გამოცემა, 48 გვ.).

6. ფეოდალური ურთიერთობის წარმოშობისათვის საქართველოში.

იმავე კურსის განაკვეთი № 2 [ეს სათაური განაკვეთს არ აწერია. ავტორის მიერ შედგენილ თავისი შრომების ოციციკალურ სიაში კი ამ განაკვეთის სათაურად შეტანილია: საზოგადოებრივი კლასებისა და სახელმწიფოს წარმოშობა ქართველ ტომებში].

პირველად დაიბეჭდა 1932 წელს, ლითოგრაფიული წესით (ინსტიტუტის გამოცემა, 43 გვ.).

7. აღრეული ფეოდალიზმი [ქართველ ტომებში].

იმავე კურსის განაკვეთი № 3.

პირველად დაიბეჭდა 1933 წელს, ლითოგრაფიული წესით (ინსტიტუტის გამოცემა, 131 გვ.).

8. ქართველთა წარმომავლობის საკითხისათვის.

მოხსენების თეზისები.

პირველად დაიბეჭდა 1940 წელს სტალინის სახ. თბილისის სახელმწიფო უნივერსიტეტის 7—11 მაისის სამეცნიერო სესიის თეზისებში (გვ. 106—107).

**9. კავკასიელი ეთნარქ-ეპონიმების ანტიკური სქემა.**

პირველად დაიბეჭდა 1943 წელს, რუსული რეზიუმეთურთ, საქართველოს სსრ მეცნიერებათა აკადემიის მოამბეში, ტ. IV, № 4 (გვ. 367—373).

**10. იბერიის (ქართლის) სამეფოს პოლიტიკური გეოგრაფიისათვის უძველეს პერიოდში.**

პირველად დაიბეჭდა 1942 წელს, რუსული რეზიუმეთურთ, საქართველოს სსრ მეცნიერებათა აკადემიის მოამბეში, ტ. III, № 7 (გვ. 723—730).

**11. ისტორიული საქართველოს პოლიტიკური გეოგრაფიიდან.**

მოხსენების თეზისები.

პირველად დაიბეჭდა 1942 წელს საქართველოს სსრ მეცნიერებათა აკადემიის საზოგადოებრივ მეცნიერებათა განყოფილების VII სამეცნიერო სესიის თეზისებში (გვ. 11).

**12. პარიადრი, სკიდიის, მოხსური მთები.**

პირველად დაიბეჭდა 1942 წელს, რუსული რეზიუმეთურთ. საქართველოს სსრ მეცნიერებათა აკადემიის მოამბეში, ტ. III, № 6 (გვ. 603—610).

**13. ფასილი.**

პირველად დაიბეჭდა (როგორც ერთი თავი ავტორის ნაშრომისა „კოლხეთის ისტორიული გეოგრაფიიდან“) 1941 წელს საქართველოს სსრ მეცნიერებათა აკადემიის ენის, ისტორიისა და მატერიალური კულტურის ინსტიტუტის მოამბის X ტომში (გვ. 345—354), რომელიც მიძღვნილი იყო საქართველოში საბჭოთა ხელისუფლების დამყარების 20 წლის-თავისადმი.

**14. აღმოსავლურ-ქართული სახელმწიფოს უძველესი კულტურულ-პოლიტიკური ცენტრების საკითხისათვის.**

პირველად დაიბეჭდა 1943 წელს საქართველოს სსრ მეცნიერებათა აკადემიის ენის, ისტორიისა და მატერიალური კულტურის ინსტიტუტის მოამბის XIII ტომში (გვ. 243—258).

## 15. ეგრისის სამეფოს წარმოშობა.

პირველად დაიბეჭდა 1936 წელს თბილისის სახელმწიფო უნივერსიტეტის შრომების I ტომში (გვ. 266—276).

## 16. „აფხაზთა სამეფოს“ ისტორიიდან.

მოხსენების თეზისები.

პირველად დაიბეჭდა 1940 წელს სსრკ მეცნიერებათა აკადემიის საქართველოს ფილიალის სოხუმს გამსვლელი სესიის (26—29 სექტ.) თეზისებში (გვ. 12—13).

## 17. О времени и условиях возникновения „абхазского царства“.

პირველად დაიბეჭდა 1940 წელს სსრკ მეცნიერებათა აკადემიის საქართველოს ფილიალის ენის, ისტორიისა და მატერიალური კულტურის ინსტიტუტის მოამბის VIII ტომში (გვ. 137—152).

## 18. არაბობა საქართველოში.

პირველად დაიბეჭდა 1936 წელს ცალკე წიგნად (68 გვ.) გამოსცა თბილისის სახელმწიფო უნივერსიტეტმა.

[იმავე წელს, საქართველოს სსრ განსახკომის ჟურნალში „კომუნისტური აღზრდისათვის“ (№ 5, გვ. 8—18) დაიბეჭდა ამ ნაშრომის ნაწილი „არაბთა მფლობელობის დამყარება საქართველოში“. ეს უკანასკნელი შრომათა ამ კრებულში ცალკე აღარ შემოდის].

## 19. საქართველოს ისტორია უძველესი დროიდან მე-13 ს-მდე. კონსპექტის პროექტი.

პირველად დაიბეჭდა, როგორც სადისკუსიო პროექტი, 1936 წელს თბილისის სახელმწიფო უნივერსიტეტის შრომების V ტომში (გვ. 61—76). მომდევნო წლებში ეს პროექტი დაედო საფუძვლად ს. ჯ ა ნ ა შ ი ა ს მუშაობას „საქართველოს ისტორიის“ პირველ თავებზე.

## 20. ქართული ბატონყმობის ბუნებისა და წარმოშობის საკითხისათვის.

მოხსენების თეზისები.



პირველად დაიბეჭდა 1939 წელს, სსრკ მეცნიერებათა აკადემიის საქართველოს ფილიალის სამეცნიერო სესიის თეზისებში (გვ. 11—13).

**21. ბრძოლა მიწის ფეოდალური მითვისებისათვის ძველ საქართველოში.**

პირველად დაიბეჭდა 1938 წელს საქართველოს სსრ განსახკომის ჟურნალში „კომუნისტური აღზრდისათვის“, № 4—5 (გვ. 32—40).

**22. ვახუშტი ბაგრატიონი ქართული ფეოდალიზმის შესახებ.**

მოხსენების თეზისები.

პირველად დაიბეჭდა 1945 წელს საქართველოს სსრ მეცნიერებათა აკადემიისა და სტალინის სახ. თბილისის სახელმწიფო უნივერსიტეტის გაერთიანებული სამეცნიერო სესიის თეზისებში (გვ. 5). [ეს სესია მოეწყო 18—27 ოქტომბერს, ვახუშტი ბაგრატიონის „საქართველოს ცხოვრების“ დაწერის 200 წლის თავისა და აკად. ივ. ჯავახიშვილის გარდაცვალების 5 წლის თავის აღსანიშნავად].

**23. ვახუშტი ქართული ფეოდალიზმის შესახებ.**

ზემოაღნიშნული მოხსენების ტექსტი.

პირველად დაიბეჭდა (როგორც უფრო ვრცელი ნარკვევის ნაწილი) 1947 წელს საქართველოს მეცნიერებათა აკადემიის ივ. ჯავახიშვილის სახელობის ისტორიის ინსტიტუტის შრომების („ახალბები“) I ტომში (გვ. 1—12).

**24. ბართაშვილთა გენეალოგიისათვის.**

დაწერილია ნ. ბართაშვილის საიუბილეო კომიტეტის დაეალებით.

პირველად დაიბეჭდა ნ. ბართაშვილის თხზულებათა საიუბილეო აკადემიურ კრებულში, რომელიც გამოსცა „ფედერაციამ“ 1939 წ. (გვ. 131—144).

**25. ეგნატე ინჯოროძეას გენეალოგიისათვის.**

დაწერილია ე. ნინოშვილის გარდაცვალების 40 წლის თავთან დაკავშირებით და მოხსენებად წაკითხულია ამ წლისთავის აღსანიშნავ სხდომაზე.

პირველად დაიბეჭდა 1935 წელს თბილისის სახელმწიფო უნივერსიტეტის კრებულში „ლიტერატურული მემკვიდრეობა“, ტ. I (გვ. 65—71).

26. შეხედულება ფეოდალური აღზრდისა და განათლების შესახებ და მათი წესები XVII საუკუნის საქართველოში.

დაწერილია საქართველოს სსრ განსახკომის პედაგოგიკის სამეცნიერო-კვლევითი ინსტიტუტის დავალებით.

პირველად დაიბეჭდა 1937 წელს ინსტიტუტის მიერ გამოცემულ მასალების კრებულში „სწავლა-აღზრდის ისტორია საქართველოში“, ტ. I (გვ. 23—33).

-----

### რელაქციისაგან:

ამ ტომში თავმოყრილი ნაშრომები ავტორს დაწერილი აქვს სხვადასხვა დროს, 1932-დან 1943 წლამდე. ამ ხნის განმავლობაში, და მას შემდეგაც, ქართული სალიტერატურო ენისა და მართლწერის ნორმებმა საგრძნობი ცვლილება განიცადა. ამასთან დაკავშირებული, ბუნებრივი არაერთგვაროვანების თუნდაც ნაწილობრივ აღკვეთის მიზნით რელაქციამ მიზანშეწონილად სცნო, ნორმების უნიფიკაციის სახით ზოგიერთი მცირე ცვლილების შეტანა ნაშრომთა ტექსტში.

გარდა ამისა, წიგნში ხშირად ხმარებული ტერმინი „აფხაზთა სამეფო“, როგორც სახელწოდება დასავლურ-ქართული სახელმწიფოებრივი გაერთიანებისათვის, ყოველგან უნდა ნაგულისხმევი იქნას, როგორც სრულიად პირობითი.

დაიბეჭდა საქართველოს სსრ მეცნიერებათა აკადემიის  
სარედ.-საგამომც. საბჭოს დადგენილებით.

\*

რედაქტორი: აკად. ნ. ბერძენიშვილი

ტექნიკური ა. თოდუა

კორექტორი ნ. ჯაფარიძე

კონტრ.-კორექტორი ნ. გვეტაძე

გამომშვიბი გ. სინარულიძე

გადაეცა წარმოებას 19.3.50. ხელმოწ. დასაბეჭდად 30.4.52  
ქალაქ. ზომა 60×92. ქალაქ. ფურც. 16875 საბეჭდ.  
ფურც. 33,75. საავტ. ფურც. 29,55. სააღრ.-საგამომც. ფურც. 29,65.  
შეკვ. № 691. უე 04324, ტირაჟი 4000.

ფასი 17 მან. 80 კ.

ყდა. 3 მან.

საქართველოს სსრ მეცნიერებათა აკადემიის გამომცემლობის სტამბა  
თბილისი, ა. წერეთლის ქ. 3/5

